



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>






M. Bruen.





M. Bruen.







Vener.

EDB





Ver.

101

1




**HERMANNI VENEMA
INSTITUTIONES
HISTORIAE ECCLESIAE
VETERIS ET NOVI TESTAMENTI
TOMUS VI.**


S E U

**NOVI TESTAMENTI, AUT ECCLE-
SIAE CHRISTIANAE
Q U A R T U S.**


AB INITIO SEC. XII. AD XVI. FINEM.



**LUGDUNI BATAVORUM,
Apud SAMUELEM et JOHANNEM LUCHTMANS,
LEONARDIÆ,
Apud GERARDUM TRESLING.
MDCCLXXXII.**



NEW YORK
JUN 1967
V. 10. 10. 10.



SECVLVM DVODECIVM.

SCRIPTORES ET STUDIA.

§. I.



Ræcorum, quorum notitiam præmittere soleo, studia cum circa Theologica, jus canonicum, quaestiones cum Latinis, ac historiam, fuerint versata, hoc ordine procedam in præcipuis eorum recensendis. Inter Theologos primum ordine temporis meretur locum *Euthymius Zigabenus*, Monachus CPolitanus, tempore Alexii Comneni, in cujus flore fuit gratia, qui ejus etiam ope Bogomylos, de quibus postea, profligavit. Encomium ejus minime vulgare exstat apud Annam Comnenam *Alexiados* lib. XV. Praecipuum ejus opus est *Panoplia dogmatica orthodoxae fidei* contra haereses, jussu Alexii conscripta, sed quae antiquorum Patrum est collectio, unde multa transfumfit Niceta Choniata in *thesauro fidei*. Adservatur quidem Graece in Bibliothecis, sed Latine prostat ex versione Petri Zini etiam in Bibl. M. Patrum vol. XX. Produxerunt tantum nonnulla Graeca Petavius in *Dogmat. Theolog.*, Cotelierius ad monumenta Graeca, alii, Sylburgius vero totum titulum *28vum de Saracenicis*. Adpendicem quoque panopliae, seu victoriam et triumphum de *Messalianis*

Tom. VI.

A

Messalianis

Messalianis et Bogomyliis una cum duodecim anathematismis, iis oppositis, Gr. et Lat. dedit Tollius in *Itinerè Italico*. Praeterea superest *commentarius* ejus in Psalmos, et decem Scripturae cantica, sed Latine; cujus praefationem Graece edidit Moyne Var. S. tom. I. Prodiit etiam Latine ejus *commentarius* in *quatuor Evangelia*, sed ex Chrysostomo et aliis compilatus. Reliqua ejus scripta mitto, inter quae est, teste L. Allatio de *consensu* etc. p. 642., contra Latinos de processione Spiritus S., unde patet, eum adversariis Latinorum esse accensendum. Circa medium seculi floruit *Iaacus Armenius*, magnae Armeniae Catholicus, seu Metropolitanus, qui, Armeniorum primum inbutus opinionibus, dein earum sese praestitit acerrimum oppugnatorem, cujus duae exstant invectivae contra Armenos, sectatores Eutychetis etc., et Aphtardocetarum, in auctario novo Combefisii tom. II.

§. II. In jure *Canonico* colligendo et illustrando operam collocarunt, praeter Constantinum Harmenopolum, qui edidit epitomen canonum, et alios, in primis Johannes Zonaras, Alexius Aristenus, et Theodorus Balsamon: quorum aliqua danda est notitia. *Johannes Zonaras* primum magnus Drungarius, seu praefectus Vigilum, et primus a secretis sub Alexio Comneno, dein factus Monachus, praecleara reliquit monumenta, praecipue historica et canonica. Scripsit enim *Annales* in duas partes, et octodecim libros, divisos, ab orbe condito ad a. 1118., inter scriptores Byzantinos: ubi in historia Imperatorum Romanorum descripsit fere Dionem Cassium, usque ad ipsa nonnunquam verba. *Commentarii* vero ejus in Canones Apostolorum, et Conciliorum, epistolasque Patrum Canonicas, optime editi sunt et illustrati a Beveregio in *Pandectis* canonum. Inhaeret autem verbis et sensui canonum. Sed exstat etiam canon ejus, seu hymnus in virginem Deiparam adversus haereses, in *monum. Vet.* Cotelerii tom. III., nec non tractatus de nuptiis consobrinorum ibid. tom. II. *Alexius Aristenus*

Aristenus Nomophylax, et magnae Ecclesiae CPol. Oeconomus, post Zonaram, sed ante Balsamonem, qui eum citat, scripsit circa a. 1160. *epitomen* canonum, qui jam ante existerant: ibid. in Pandectis Beveregii. Illustrior est *Theodorus Balsamon*, juris, in primis Ecclesiastici, prae omnibus suae aetatis consultissimus, secundum Nicetam in Isaacio Angelo, et Johanne Citri Episcopo in responsis ad quaestiones Constantini Cabasilae, acerrimus insuper Latinorum adversarius. Fuit autem Ecclesiae CPol. diaconus, nomophylax, et chartophylax, titulo tenus Patriarcha Antiochenus, non functus eo munere, quia a Latinis occupata et possessa erat Antiochia. Spe quidem Patriarchatus CPol. est ab Isaaco Comneno laetatus, sed compos non factus. Floruit circa a. 1159., et septuaginta fere annis post Zenarum Canones illustrare adgressus est, cujus scrinia saepe compilavit, licet eum semel tantum in *epistol.* Canon. Athanasii laudaverit. Commentatus est in eisdem ac Zonaras canones, sed concordiam juris civilis ac Ecclesiastici praecipue intendit demonstrare. Exstat in Pandectis Beveregii. Condidit etiam Imperialium constitutionum, ad res Ecclesiasticas spectantium, collectionem; quae in Justelli Bibliotheca Canonica exstat, tom. II., nec non variis edidit responsa ejusdem generis, in Jure Graeco-Romano Leunclavii et Freheri. Denique duae ejus epistolae, una ad Antiochenos de *jejuniis*, altera ad Theodosium Abbatem, de *rasophoris* monachis, seu raso aut viliore panno indutis, apud Cotelerium monum. Gr. tom. II. et III.

§. III. Ingens fuit scriptorum Elencticorum copia, quorum opera fuit versata in Latinis refutandis, et Graecorum fide ac religione rituali defendenda, sed quorum scripta maximam partem adhuc latent: fragmenta existant apud Leonem Allatium de *consensu* Graecorum et Latinorum etc. *Eustratius*, ut aliquos recenseam, Metropolitae Nicaenus, sub Alexio Comneno, laudatus ab Anna Comnena Alexiad. l. XIV., praeter alios tractatus, quos exhibet Leo Al-

latius l. II. c. 20. operam Aristoteli illustrando inpendit; et exstant commentarii ejus in posteriora analytica, ac ethica Aristotelis. *Nicolaus Methonensis*, in Peloponneso Metropolita, plura contra Latinos scripsit, ut de Primatu Papae, processione Spiritus S., azymis, jejunio et conjugio: sed quorum nihil exstat editum. Tantum breve ejus scriptum de *corpore et sanguine Christi*, contra eos, qui dubitabant, num panis consecratus sit corpus Christi, prodiit inter Liturgias Jacobi, Basilii etc., edit. Paris. a. 1560. *Niceta Seidus*, Latinos antiquitate gloriari animadvertens, exaravit opusculum, *non simpliciter antiqua novis venerabiliora* etc., unde multa produxit fragmenta Leo Allatius lib. cit. variis in locis, uti I: 24, II: 2. et III: 12. *Basilius Achridenus*, Metropolita Thessalonicensis, ad Ecclesiae Graecae, tanquam schismaticae, renunciandum a Papa Hadriano incitatus, scripta ad eum Epistola, quae Gr. et Lat. exstat in *jure Graeco-Romano*, et Latine apud Baronium, demonstrat, Graecam non esse schismaticam, nec ea esse superiorem Romanam, negat quoque quaestiones illas esse fidei. *Andronicus Camaterus*, sub Manuele Imperatore, qui ab a. 1153. ad 1180. praefuit, Praefectus urbis CPol., vir *admirabilis* dictus Vecco, qui seculo sequente contra ipsum scripsit, edidit quoque quaedam contra Latinos, quorum partem de processione Spiritus S. refutavit Johannes Veccus, Patriarcha CPol. ab a. 1274. vulgavit Leo Allatius in *Graecia Orthodoxa*. Praeterea *Georgius Corcyrensis*, Metropolita Corcyrae, sub Manuele Comneno, de quo vid. Leo Allatius de *Georgiis*, scripsit contra Latinos de *purgatorio*, cujus fragmentum exhibet Leo Allatius de *libris Ecclesiasticis Graecorum* dissert. II., nec non de *azymo*; plures denique epistolas, quarum aliquas recenset Baronius in Annalibus tom. XII. Acerrimus etiam fuit Latinorum adversarius *Michael Anchialus*, Patriarcha CPol. a. 1167. quem autorem, praeter decreta quaedam Synodalia in *Jure Graeco-Romano*, habet *dialogus* cum Manuele, quo tempo-

re Legati Papae pervenerant CPolin, unde quaedam in lucem protraxit Leo Allatius de *Consensu* etc. l. III. Denique in elencticorum classem etiam referri potest, et propterea hic memorandus, *Nicetus Byzantius*, vitae institutio Philosophus, circa a. 1120., autor tractatus *apologetici* pro Synodo Chalcedonense contra Armeniae Principem, in *Graecia orthodoxa* obvii, cujus fragmenta hic illic repraesentat Allatius. Interea Rex Armeniae sese ita explicat, ut disputatio in logomachiam exeat.

§. IV. Succedant Historici, qui haud exiguo quoque numero floruerunt inter Graecos, praeter Zonaram, cujus supra memini, qui in corpore Byzantini prostant, strictim recensendi. *Nicephorus Bryennius*, Caesar, et *Anna Comnena*, Alexii Comneni filia, conjuges, primum merentur locum. Condidit Bryennius quatuor libros *commentariorum* de rebus Byzantinis, ab Isaaci Comneni principatu, a. 1057. usque ad initia Alexii Comneni a. 1081. *Anna* vero, supra multos viros docta, egregium opus, dictum *Alexiados*, de rebus Alexii Comneni, parentis sui, quindecim librorum, quorum primi duo res ante imperium ejus ab a. 1069., reliqui ejus gesta complectuntur, ab initio Imperii a. 1081. ad mortem a. 1118. *Michael Glycas*, hujus, ut putatur, seculi, nec patria Siculus, sed Byzantius (pro *σικελιώτης* enim legendum esse *σικελιώτης*, quod ejus nomen est apud Niceiam, contendit Joh. Boivinus apud Fabricium Bibl. Gr. vol. X., *σικελίων* autem Graecis recentioribus idem est ac *σικελίων* *ficulus*) nomen Glycae sumsit, ut putatur, cum monasticum induit habitum. Scripsit *Annales* ab orbe condito ad a. 1118., quos continuavit Leunclavius, usque ad captam CPolin a Turcis. Sed opus Glycae non solum est historicum, sed et Physicum ac Theologicum, quae materiae ubique inmiscentur: praemissae etiam Annalibus sunt duae disputationes, et ex Epistolis ejus, quas plures scripsit, varia excerpta exstant apud Leonem Allatium, haud uno in libro. Sed Michaellem Glycam sec. XV. demum

talaunensem Episcopum, de quo, ejusque laudibus, vid. Mabillon. ad Bernardum epist. III., in cujus mox incidit odium, et invidiam, ob nimiam disputandi virtutem. Conjecit enim, ut traditur, eum inter alia in tantas angustias, ut sententiae de unitate essentiae universalis in omnibus individuis renunciare debuerit. Quae Campellensis opinio, ut id obiter observem, haud multum ab ea distare censetur, quam Scotistae, universale formale a parte rei statuentes, postea tenuerunt, et Spinoza latius deduxit et profuit. In Theologicis vero usus est Anselmo Laudunensi, sed quem sprexit. Cum vero Parisiis, schola aperta, summum cum applausu dialecticam doceret, et Theologiam, Heloissae, quod idem nomen est ac Loissae, seu Ludovicae, dulcissimae et pulchrae, simul doctae, puellae amore captus, multiplex sibi malum conciliavit, et corporis singulare tulit. Vamaum, Fulbertus enim Canonicus Parisiensis, cujus erat neptis, et in cujus domo versabatur, desiderio quidem Heloissae litteris inbuendae ductus, sed nimis avarus, Abaelardum in domum recepit, eique neptem, satis imprudens, noctes atque dies commisit instruendam ac regendam. Qua occasione Abaelardus sese in ejus amorem adeo insinuavit, ut illicitum cum eo exercuerit commercium, unde gravida est puella facta. Quo animadverso Abaelardus curavit, ut, furtim inde sublata, in Britanniam fuerit ad sororem ejus translata, ubi peperit filium, adpellatum *Astrolabium*. Sed Fulbertus cum aliis cognatis tanta propterea exarsit ira, ut, non nisi inito conjugio placari se posse, declaraverit. Cum vero Heloissa dissuaserit Abaelardo conjugium, tanquam Philosopho et Canonico satis absurde reputans indignum, multisque cum molestiis conjunctum, et in secretum conscientiae matrimonium consenserit, Fulbertus vero illud divulgaret, et Heloissam, quod se uxorem ejus negaret, propterea vexaret, Abaelardus eam ad monasterium Argenticoli, prope Parisios, transmisit, auctorque fuit, ut monasticum induat.

habi-

habitum. Quo facinore in malam partem a Fulberto et cognatis rapto, ac si se ab ea voluisset liberare Abaelardus, aliquos subornarunt, qui, in ejus cubiculum noctu irruentes, eum dormientem fecerunt eunuchum, exsectis virilibus. Quam ob rem pudore confusus monasticam et ipse vitam elegit in Abbatia S. Dionysii, Heloissa vero, primum Priorissa in monasterio Argenticolensi, dein Abbatissa in Paracletensi, ab Abaelardo constructo, nihil a lasciva sua indole remisit, ut ex ejus epistolis patet: ubi inter alia dicit, se ejus amicam et meretricem semper magis amasse haberi, quam uxorem, ipsique magis quam Deo devotam esse. Testatur nihilominus Abaelardus eam dein vitam degisse religiosissime, quo nomine eam quoque coluit Bernardus, et Petrus Mauricius, Cluniacensis Abbas.

§. VII. Abaelardus vero novos deinceps nactus est adversarios, nec aemulos tantum Albericum et Lotulfum, Rhemensium Scholarum magistros, sed et Sandionysianos Monachos, ipsi duplici nomine infensos; uno, quod, si Abaelardo hoc referenti sit fidendum, vitam eorum dissolutionem liberius carperet, altero, quod Dionysium Areopagitam statuerit, cum Beda, non Atheniensem, sed Corinthiorum fuisse Episcopum. Ex quo cum sequeretur, Dionysium, Galliarum Apostolum, qui Atheniensis habebatur, non fuisse Dionysium Areopagitam, aut Apostolum, Dionysiani Monachi illud acerbissime tulerunt, eumque propterea, more zelotarum, tanquam Francorum hostem traxerunt. Unde varia ejus vexatio orta est. Aemuli modo memorati haeresios notam ipsi inurendi ansam adripuerunt ex libro ejus de *Theologia*, hoc tempore vulgato, in quo, ut discipulis, qui nihil credi voluerunt, nisi quod sub intelligentiam caderet, gratificaretur, de *unitate* et *Trinitate* philosophice et subtiliter disseruit: adversarii itaque illi, eum Trithesimum inculcare et tres Deos praedicare illo in libro, arguerunt, et eo nomine accuserunt.

Synodo itaque Sueffionense a. 1111. a Rudolpho Rhemenſi Archiepiſcopo, re cum Conone, Praeneſtino Epiſcopo, et ſedis Apoſtolicæ legato, communicata, convocata, citatus eſt Abaelardus, et, ſine ullo libri examine inſtituto, eum flammis tradere, et ſanam fidei confeſſionem, Symbolum Athanaſianum ex ſcripto recitando, edere coactus eſt. Quo factò Abbati S. Medardi traditus eſt, ut ejus clauſtro, inſtar carceris, concluderetur. Unde poſtea opæ Legati Apoſtolicæ dimiſſus, et ad coenobium Dionyſianum remiſſus, in novas illas lites cum Monachis Sandionyſianis incidit, quarum modo memini. Ceterum concilii iſtius hiſtoria ex ipſo Abaelardo, epiſt. citata, Bernardo epiſt. 193. ad Ivonem Cardinalem, et Ottone Friſingenſi de geſtis Frederici cap. 47. peti poteſt.

§. VIII. Vexationibus illorum Monachorum ad monaſterium deferendum compulſus, nec ſe ab Abbate revocari paſſus, licentiaque accepta ad quamcunque vellet ſolitudinem tranſeundi, modo nulli Abbatiae nomen daret, ſecefſit in ſolitudinem agri Trecenſis; ibique, adnuente Epiſcopo, *oratorium* conſtruxit in nomine Trinitatis, et ſcholam aperuit; ingente dein diſcipulorum copia ad ipſum confluente, oratorium longe amplificavit, illudque, quia ibi reſpirabat, nomine *Paracleti* inſignivit. Unde nova rursus ei creata eſt accuſatio, quod, contra Eccleſiae morem, uni tantum Trinitatis perſonae illud conſecraſſet: quam diluit, dicendo, tum illud nomen toti Trinitati convenire tum, ſi vel Spiritus S. ſolus intelligeretur, ſe nihil rationi egiſſe contrarium, quia Spiritus Sancti ſumus Tempſa, et ejus ductu Eccleſia gubernatur. Ex hoc autem oratorio dein vocatus ad Ruienſe monaſterium dioceſis Venetenſis in Britannia Armorica regendum, eam praeſecturam mox abdicavit, quod Monachorum peſſimos mores, et continua vitae pericula, ab ipſis concitata, ferre non poſſet, ut ipſe declarat, et Trecenſem repetiit ſolitudinem; in quam etiam recepit Heloiſſam, cum ejus ſanctimonialibus, a Luge-
rio,

rio, Abbate S. Dionysii, expulsis ex Argentolio ob impudicitias. Propter quod male rursus audiit Abaelardus, ut ipse conquestus est. Sed tantum abest, ut quies ipsi eo loco fuerit concessa, ut graviores contra ipsum concitati sint motus per Gulielmum, Abbatem S. Theodorici: qui in ejus librum de *Theologia* incidens varios sibi observare errores periculosos in eo visus est; quos, scripta disputatione, exhibuit Gaufrido Carnotensi, et Bernardo Claraevalensi. Quibus valde commotus Bernardus, eos ubique divulgare non cessavit, donec causa ad concilium Senonense a. 1140. delata est.

§. IX. Errores autem illi sunt numero octodecim, petendi ex Abbate Theodorici, Bernardo epist. 190. ad Innocentium I. Papam, Anonymo in disputatione contra Abaelardum, et Ottone Frisingensi de gestis Frederici I. l. c. 47. 1. *Primus*, ipsi inputatus, habet, gradus dari in Trinitate, Patrem esse primam potentiam, Filium quandam potentiam, Spiritum S. esse nullam potentiam, porro Filium se habere ad Patrem, ut aereum sigillum ad aes, speciem ad genus, hominem ad animal. Sed Abaelardus in *apologia*, seu fidei confessione, hunc verborum suorum sensum diserte repudiat, et, eo sensu se ea dixisse, negat: in libris quoque ipsis de *Theologia*, ubi similia occurrunt verba, adfirmat, se eandem naturam, et proprietates, agnoscere in tribus Personis, sed juxta *personales* proprietates, quae personas distinguunt, statuere, Patrem esse *potentiam*, Filium *sapientiam*, Spiritum S. *charitatem*, eoque respectu tantum dixisse, Filium esse *aliquam* potentiam, quatenus sapientia est pars tantum potentiae, quippe discernendi, non operandi potentia, Spiritum S. nullam potentiam, quia charitatis idea nullam potentiae involvit. Ceperunt itaque ejus mentem male, sed et ipse nimis subtiliter differuit, et animum potius personalem subsistentiam destruendi praebeuit. 2. Eadem ratione diluit *secundum* errorem, Spiritum S. *procedere* quidem ex Patre Filioque, sed non esse de eorum

Substantia; quatenus Spiritus S., qui respectu proprietatis, qua Patris et Filii *charitas* est, nec est potentiae, nec sapientiae, pars, rectius *procedere*, quam *gigni* dici, cum *procedere* denotet, Deum se per charitatem ad alterum extendere. Unde est, quod in confessione neget, se ea verba, scilicet eo sensu, protulisse. Contant haec ex libris ejus de *Theologia*. 3. Ex quibus etiam elucescit, ipsum Spiritum S. dixisse *animam mundi*, qui *tertius* fuit error, quatenus ea, quae Philosophi de anima mundi dixerant, ad Spiritum S. catholico sensu transtulerit, tanquam causam vitae et sanctificationis. 4. Nec mentem ipsius adsecuti sunt, dum ipsi ineperunt, Christum *Θεὸν ἄνθρωπον* non esse tertiam personam in Trinitate, seu Deum proprie hominem non esse dicendum, quod Nestorianismum redolere censebatur: ipse enim in Christo diserte agnovit unam personam et duas naturas; tantum, naturarum permixtionem ut vitaret, adseruit, Deum non esse proprie hominem; ut ex iisdem patet libris. 5. Quid veri *quintus* error habeat, Christum in carnem venisse, et passum esse, tantum ad nostram verbo et exemplo institutionem, et ut per charitatem Dei erga nos, in Filii missione elucentem, ad ejus amorem accenderemur, vix definiri potest. Utique similia quidem prostant in commentario ejus in Epist. ad Romanos, sed praecipue intendit demonstrare, nos ex potestate Diaboli non esse a Christo redemptos, ac si in nos aliquid juris habeat; et in confessione dicit, Filium Dei esse incarnatum, ut nos a servitute peccati, et jugo Diaboli, liberaret, et supremam aditum vitae morge sua nobis referaret. Inputatum quidem ei 6. quoque est, ab Adamo non trahi originalis peccati *culpam*, sed *poenam*: uti in comment. ad Rom. V: 12 dixit: verum, cum in fidei expositione adserat, ex Adamo tam culpam, quam poenam, nos contraxisse, quia illius peccatum nostrorum peccatorum omnium origo existit et causa, mens ejus videtur fuisse, originalem corruptionem, quae in hominibus,

minibus, rationis usu nondum gaudentibus, existit, non imputari ad poenam, sed hanc ab Adami peccato eos habere, eoque sensu originale peccatum magis ad poenam quam culpam esse referendum: sicut ipse se ibi explicat.

§. X. 7. Dixit quidem, nullum esse peccatum nisi in consensu et contemptu Dei, sed peccatum intelligit, per quod reus constituitur homo: ut ex eodem commentario l. cit. manifestum est. 8. Sic et ignorantiae peccatum non damnare hominem dixit quidem, sed ad ignorantiam invincibilem restrinxit; ut ex problematis 13^{ti}, ab Heloissa propositi, solutione, et ex confessione, liquet. 9. Libero arbitrio, sine adjuvante gratia, nos posse bene velle et agere, sentire quidem Abaelardus in comment. ad Ep. ad Rom. lib. IV. videtur, cum gratiam, per quam credimus, in sola ratione et doctrina ponat: sed in fidei expositione diserte confitetur, gratiam Dei nos *praevenire*, ut velimus, *subsequi* ut possimus, *confociare* ut perseveremus. 10. Fidem esse *aestimationem rerum, quae non videntur*, cum dixerit, adversarii de fide dubia et fluctuante interpretati sunt, sed ipse firmam persuasionem et convictionem intellexit, ut ex initio ejus Theologiae, seu introductionis in eam, patet. 11. Deum plura non posse facere, quam quae facit, imo Deum non potuisse mundum aliter fecisse ac fecit, non posse peccatum impedire, statuit quidem, sed explicuit, quatenus Deum non *deceat*, non conveniat ipsi aliter facere, uti ex toto ratiocinio lib. III. *introductionis*, patet: sic et in *confessione*, Deum *ea solummodo posse facere*, credo, quae ipsum facere convenit, et quod multa facere potest, quae nunquam faciet. 12. Animam Christi per se non descendisse ad inferos, sed per potentiam et efficaciam passionis, legitur quidem in ejus expositione *Symboli Apostolici*: sed negavit in *confessione* hunc esse sensum. Videtur itaque descensum tantum negasse, qualis est corporis. Hi praecipui sunt errores, ipsi imputati, alios praetereo. Illud addo, Abaelardum de Philosophis gentilibus, eorumque sa-

salute, in benigniorem judicasse partem, imo ipsis mysteriorum fidei, ut Trinitatis, et incarnationis, cognitionem, attribuisse, partim per revelationem, partim per rationem: ut ex libris de Theologia in *thesauro novo Anecdotorum* Martene. lib. V. manifestum est.

§. XI. Hi errores cum Abaelardo ubique objicerentur, indeque ipsi invidia et odium crearetur, petiit ab Archiepiscopo Senonensi, ut sibi in publico conventu liceret se purgare. Indicta ergo est Synodus Senonensis a. 1140. et Bernardus Claraevallensis, ut eos refutaret, ad eam invitatus est. Interfuit quoque ipse Galliarum Rex Ludovicus VI., sed, statim ac errores ex ejus libris essent producti, ipse se subduxit et Papam adpellavit. Quod metu seditionis popularis ab ipso esse factum, tradit Otto Frisingensis; Berengarius vero, ejus discipulus, in *apologetico* Abaelardi, qui inter ejus opuscula comparet, refert, omnia in Synodo fuisse turbulenter acta, et Patres illos maximam partem fuisse ebrios. Quod si verum, summa ratione se subtraxit. Synodus itaque errores quidem condemnavit, sed in Abaelardum, prae Papae reverentia, nihil statuit, relationem tantum ad Papam Innocentium II. misit, eumque rogavit, ut in errorum condemnationem consentiat, et autorem coerceat: addidit quoque Bernardus duas ad Papam litteras, quae sunt 189. et 190. Qua relatione accepta, et Cardinalium ac Episcoporum *communicato* consilio, Papa eadem mox, cum ipso autore, damnavit capitula, teste epistola ejus, quae est 194. ad Bernardum. Jussit quoque in alia epistola, Abaelardum, et Arnaldum de Brixia, de quo postea, haereticos, in religiosis locis separatim includi, et libros eorum comburi. Sic satis praecipitanter damnatus est, ut Berengarius l. cit. demonstrat, sed postea cum Bernardo in gratiam rediit, et ipsi Pontifici reconciliatus est, ope Petri Venerabilis, Abbatis Cluniacensis, a quo etiam Cluniaci susceptus est: ut ex Petri epist. ad Innocentium liquet, scripto quoque *apologetico*, qui superest, se

se ab haeresios suspicione penitus purgavit, *praedictorum capitulorum*, verba sunt Ottonis Frilingensis, *partim verba, ex toto autem sensum abnegans*. Denique ab eodem Petro Cabilonem, sanitatis ergo, missus, ibi post continua pietatis et laborum exercitia, defunctus est a. 1142., ejusque corpus ad Heloissam missum in monasterium Paracletense. Vid. Epist. Petri Venerabilis ad Heloissam.

§. XII. Opuscula ejus, in unum volumen redacta et edita sunt studio Francisci Amboesii, Equitis, Parisiis, cum notis Andreae Quercetani, sive Duchesnii, insertis etiam epistolis, rescriptis, aliisque ad causam ejus pertinentibus, ut et Apologetico ejus, autore Berengario Pictaviensi, discipulo ejus. Sunt autem opera ejus, Epistolae, expositio orationis Dominicae, et symbolorum Apostolici et Athanasii, commentarius in Epist. ad Romanos, denique tres libri de Trinitate, seu Introductionis in Theologiam. Praeterea quinque libri Theologiae Christianae, qui ibi desiderantur, exstant in thesauro *anecdotorum* Martene tom. V., quos Petrus Lombardus maxime secutus est: ubi etiam commentarius Abaelardi in Hexaameron reperitur. Ceterum ex dictis elucescit, et ex libris ejus, Abaelardum fuisse insignem Dialecticum, cujus praecipua fuit ars disputandi secundum subtilia logices praecepta, praeterea Ipsum subtilium et abstractarum ratiocinationum circa mysteria fidei jecisse fundamenta, etiam propterea a communi regula in multis deviasse.

§. XIII. *Hugo Victorinus*, seu de S. Victore, sive Saxo fuerit, ut Meibomius in dissert. de ejus *patria* tom. III. Scriptorum German. probare conatus est, sive Belga Iprensis, ut ex vetusto codice, et aliunde, Mabillon. in *Analectis*, Canonicus fuit regularis in coenobio Victoris ad muros Parisienses; unde nomen tulit, mortuus a. 1142., ut evicit Pagi ad Baronium. Fuit summus Augustini sectator, dictus etiam propterea alter Augustinus, vel lingua Augustini. Exstant opera ejus *tribus* in fol. voluminibus, et praeter

adnotationes in Script. S., ac scripta didascalica, moralia etc. continent *summam sententiarum*, septem tractatibus comprehensam, quorum *primus* est de fide, spe, et charitate, Trinitate et Incarnatione, *secundus* de creatione et Angelis, *tertius* de creatione et statu humanae naturae, *quartus* de sacramentis in genere et praeceptis divinis, *quintus* de baptismo, *sextus* de sacramentis confirmationis, eucharistiae, poenitentiae, et extremae unctionis, *septimus* de sacramento conjugii. Sed praeter hanc summam, quae Theologiae tantum comprehendit epitomen, composuit alios duos libros, de *sacramentis Christianae fidei*; quod praecipuum ejus opus systematicum est, in quo veritates fidei fusius pertractat, quaestionesque praecipuas, sed missis difficultatibus, explicat dilucide, et ex Scriptura S., sed secundum Patrum interpretationes, demonstrat, methodo et terminis dialecticis spretis. Commentarii vero ejus in Scripturam S. duplicis sunt generis, in aliis enim sensum litteralem et historicum magis sectatur, in aliis vero allegorias et locos communes: quorum pleni sunt libri 24 *excerptorum*, de quorum genuinitate non sine ratione dubitatur. Alter *Hugo*, Rothomagensis per 30. annos Archiepiscopus, mortuus a. seculi 4to, de quo Robertus de Monte in adpendice ad a. 1130. ad calcem operum Guiberti edit. Dacherii legendus est, utilissimum condidit opus, ibid. a Dacherio editum, de *haeresibus sui temporis*, quippe in quo fidem Ecclesiae de praecipuis capitibus, ordines Ecclesiasticos, ac religiosos, nec non sacramenta baptismi, confirmationis eucharistiae, et conjugii etc. breviter et clare admodum exposuit.

§. XIV. *Petrus Lombardus*, genuinus Theologiae Scholasticae conditor, a patria sic dictus, primum fuit Doctor Parisiensis, et Canonicus Carnotensis, dein Scholarum Parisiensium Praeses, denique Episcopus Parisiensis ab a. 1159., defunctus a. 1164. Celeberrimum autem ejus est nomen per quatuor libros *sententiarum*, unde Magistri sententiarum titulus

titulus ipsi adhaesit. Scripsit praeterea commentar. in Psalmos, et collectanea ex Patribus in omnes Pauli epistolas. Methodus ipse est, refecare disputationes, et quaestiones philosophicas, et dialecticas, seque per omnia Patrum definitionibus, et decisionibus adligare. Praecipuum vero, ut dixi, opus est, quod quatuor libros *sententiarum* complectitur, quod probasi et norma deinceps habuerunt Scholastici, et in quod prolixos scripserunt commentarios, sed a methodo Lombardi longe discedentes, cum dialectice et Scholastice instituant; a quo eos abstrahere conatus erat Lombardus. Agit vero in libris *sententiarum* 1. de Deo, Trinitate, adtributis divinis, praescientia, et praedestinatione 2. de creatione, Angelis, et homine lapsa, de libero arbitrio, gratia, peccato originali etc. 3. de Incarnatione, ejusque causis et effectis, charitate Dei et proximi, et 4. de sacramentis, seu de baptismo, eucharistia, poenitentia, potestate clavium, extrema unctione, ordinibus Ecclesiasticis etc, denique de novissimis. Ceterum imitatus est Johannem Damascenum, tunc in linguam Latinam recenter conversum, praeterea Abaelardum. Tradunt quidem nonnulli, eum compilasse Blandinum, obscuri nominis virum, cujus summa Theologiae sec. XVI. prodiit Viennae, sed de ipso, tanquam ante Lombard., nihil constat, et rectius forte pro epitome Lombardi habetur ejus opus. Incidit quoque Lombardus in haereticos suspicionem, ejusque accusatus est, ac condemnatus, tum in concilio Turonensi a. 1163., tum ab Alexandro III. Papa in epist. ad Gulielmum Senonensem, postea Rhemensem, Archiepiscopum, scripta. Inputatus ipsi fuit error, Christum, secundum quod homo, non esse *aliquid*, verbumque divinum corpori et animae ita unitum fuisse, ut indumento; quem refutavit Johannes Cornubiensis, Anglus, circa a. 1173. in libro ad Alexandrum III., apud Martene in thesauro anecdot. tom. V., ubi vid. admonitio ejus praevia. Condemnati etiam sunt Parisiis a. 1277. nonnulli ejus errores, qui

Tom. VI.

C

ad

ad calcem librorum sententiarum adjungi solent, cum hoc titulo, *articuli in quibus magister sententiarum communiter non tenetur*. Protestantes quoque plura apud Lombardum inveniri saniora, et Pontificiis adversa, contendunt, apud Flaccum Illyr., Usserium, Forbesium, et alios obvia. De conversione panis in corpus Christi, ut unum hoc proferam, dixit, *num substantialis sit, an alterius generis, definire non sufficio*. Illud adhuc notari meretur, eodem tempore, quo Lombardus veterum Patrum sententias collegit, et Scholasticorum Magister adpellatus est, Gratianum sacros canones in unum corpus redegisse, et Canonistarum factum esse Magistrum. De quo postea.

§. XV. *Robertus Pullus*, Anglus, studiis absolutis Parisiis, in Angliam redux, ibi *Scripturas divinas, quae per idem tempus in Anglia obsoluerant, prae Scholasticis quippe neglectae, interpretatus est per quinquennium*, clarus circa an. 1144., ut Angli scriptores testantur. Quando Romam ab Innocentio II. evocatus, et a successore ejus Coelestino II. Cardinalis factus est, dein Cancellarius a Lucio II., quo munere in initiis Eugenii III. adhuc functus est. Scripsit *Sententiarum de Trinitate* libros octo, quos una cum Petro Pictaviense edidit Hugo Mathout Benedictinus. In quo libro tractat 1. de Deo et Trinitate 2. de Creatore, Angelis, homine, et ejus lapsu 3. de lege, circumcisione, gratia, et incarnatione, 4. de fide, spe, et charitate, de purgatorio, et statu animarum post mortem 5. de resurrectione Christi, de baptismo, confirmatione, et remissione peccatorum 6. de effectis peccati, tentationibus, poenitentia etc. 7. de operibus poenitentiae, ordinibus sacris, et conjugio 8. de eucharistia, et de novissimis. Abstinet et ipse a quaestionibus metaphysicis, et ex Scriptura ac Patribus, non ex logica et Philosophia, ratiocinatur. Ceterum, etsi hic unus Scholasticorum, qui minus periculose erraverunt, habeatur, ab omni errore non fuit censitus immunis ex. gr. quod dixerit, Patrem et Filium esse duo principia Spiritus S., poenitentiae sacramentum

tum non culpam, sed poenam remittere, Deum vero culpam, poenas damnatorum posse inminui, Daemones nondum infernalibus esse in cruciatibus, eosque mox a creatione peccasse, sanctos personaliter non descendere in terram, intentionem ministri non necessario requiri in conficiendo sacramento, infantes non baptizatos damnari, et propterea in terra sancta non sepeliri. etc.

§. XVI. *Petrus Pictaviensis*, cujus modo memini, una cum ipso a Mathout publicatus, Petri Lombardi fuit discipulus, et, propter ingenii subtilitatem, meruit cum Lombardo, Abaelardo, et Gilberto Porretano, de quo mox, accenseri *quatuor Galliae labyrinthis*, ut fecit Gualterus, Prior S. Victoris, qui circa a. 1180. vixit, scriptis contra eos quatuor libris. Vid. Launoius de *varia Aristotelis fortuna*, cap. 3. Docuit autem Petrus Theologiam Parisiis, dein Cancellarius, denique Episcopus Ebredunensis, factus ab a. 1201., mortuus a. 1205. Scripsit quinque libros sententiarum, in quibus Magistri quidem sententiarum vestigia, quoad doctrinam, premit, sed alia prorsus utitur methodo, quaestiones ex Principiis Philosophicis solvens, et syllogistice etc.

§. XVII. *Gilbertus Porretanus*, ut de eo mox agam, patria Pictaviensis, primum Scholae Parisiensis Rector, et Canonici Pictaviensis, dein urbis patriae Episcopus ab a. 1141. ad a. 1145., sicut summus celebratur Philosophus, ita ex ingenii subtilis magnitudine, ac rationum acumine, praeter communem hominum morem multa fertur dixisse: ut habet Otto Frising. de *gestis Frederici* l. I. c. 46. Damnatae etiam sunt ejus opiniones in Synodis Antisiodorensi et Parisiensi a. 1147. et Rhemens. a. 1148., accedente autoritate Papae Eugenii III. Inter ejus adversarios praecipui fuerunt Praefules Gallicani, et Bernardus Claraevallensis. Errores vero, ipsi inputati, apud Bernard. Sermon. 80. in Cantica, et Otton. Frising. l. cit. r. 50., Matth. Paris. ad a. 1119., ac alios, fuerunt sequentes. 1. Primus et palmaris, quod inter Deum et Divinitatem, seu adtributa Dei

distinxerit, statueritque, Divinitatem non esse Deum, sed esse Divinitate Deum, nec personarum proprietates esse ipsas personas etc., sine qua distinctione censuisse traditur, vel tres Deos cum Arianis, vel unum numero Deum, aut unam personam, cum Sabellio, admitti, nec non totam essentiam divinam indeterminate incarnatam statui debebe. Sed nihil aliud forte intendit, ac inter essentiam et personam accuratius distinguere, ita ut tres dici possent personae, seu tria subjecta, eandem possidentia Divinitatem: Divinitatem vero et Deum distinxit, sicut naturam abstracte et concrete consideratam, et non acsi natura esset quid reale, a persona seorsim subsistens, aut accidentale, quod ab ea abesse posset. Quo tamen sensu videtur hæc sententia damnata, vel quia adversarii ejus unitatem, sic proprie dictam, numericam, ut adpellari solet, statuerunt. Qua ratione mentem Gilberti exposuerit Otto Frisingensis; qui scire velit, adeat eum de *gestis Frederici* lib. I: 53., qui excursum suum ita concludit: *quid senserit posui, quid sentiendum sit, judicent alii* 2. *Meritum humanum adtenuando, nullum mereri præter Christum*, dixisse fertur, ut verba habent Ottonis; quae adfertio hoc itaque tempore fuit male sana habita. 3. Tertius fuit error, quod, ut idem autor tradit, *Ecclesiae Sacramenta evacuando diceret, nullum baptizari nisi salvandum* Sed Porretanus, sive commoda explicatione, sive errorum renunciatione, postea in gratiam cum Papa et Ecclesia rediit. Vid. Otto Frisingensis, et Gaufredus in vita Bernardi l. III. cap. 5., obiit a. 1154. Superest commentarius ejus in Boetium de Trinitate inter opera Boetii, et Epistola ad Matthaëum, Abbatem Florentii, apud Dacherium in adpendice ad opera Guiberti, et Martene thes. Anecd. tom. I., ubi, quod notandum, inter alia, dicit, posse quem communicare vel in *solius calicis*, vel *solius panis*, sacramento, et pueros baptizatos in solo calice, infirmos in solo pane, esse enim totum Christum in singulis elementis, seu carnem et sanguinem in pane aequè ac in vino.

§. XVIII. *Commentatores* Script. S., ut ad eos veniam, novam adoptarunt hac parte methodum, quod ante omnia est observandum. Cum enim antiqui Scripturam litteraliter et allegorice explicarent, sequentes vero non nisi superiorum fuerint compilatores, ac *catenarum* confectores, aut *scholiorum* conditores, hoc seculo non tantum glossas ad litteralem intellectum, quod et antea, fecerunt, sed et eadem methodo, qua in Theologia tractanda, usi sunt, per principia dialectices, et varias quaestiones subtiles Theologicas et locos communes ventilando. In seculi initio floruit *Anselmus*, Scholasticus, et Canonicus Laudunensis, in Gallia, a. 1117. mortuus; quem audivit, sed minus probavit, *Abaelardus*. Autor habetur *glossae interlinearis* et *marginalis* in totum Vetus et Novum Testamentum, editae cum glossa ordinaria Hugonis a S. Caro, et Lyrae. Aliae enarrationes in Scripturam, ipsi adtribui solitae, alium habent autorem. Celebrior novae Methodi commentator est *Rupertus Tuitiensis* Abbas, e regione Coloniae Agrippinae, a. 1135. defunctus: qui in totam Scripturam S. commentatus est, et locos communes, ut adpellantur, pertrac-
tavit: tantum in duodecim Prophetas antiquam ejus commentarii redolent methodum, sed sunt valde allegorici. Scripsit et alia, ut de *Divinis officiis* per anni circulum; ubi de ritibus et ceremoniis sacris agit, et rationes tradit mysticas. Exstant opera ejus duobus voluminibus in Fol. ex editione Parisiensi. Ceterum hic antiquam sententiam de unione divinae naturae cum pane et vino in eucharistia rene-
cavit, et clarius explicuit. De quo postea. Antichristi characterem in persecutione situm recte quoque expressit ad Apoc. Johannis c. XIII., inter alia dicens, *Verus Deus non coacta, sed spontanea, servitia vult. Ergo et in hoc, imo maxime in hoc, palam faciet sensum habentibus, et ratione pollentibus, quod vere sit Antichristus, quod vere non Christus, sed secundum nomen suum Christo sit contrarius: hic est Christus qui sanguinem suum fudit, hic est Antichristus, qui sanguinem fudit alie-*

num. Paulo ante dixerat, hoc est signum, in quo cognoscant hi, qui ex Deo sunt, ex maligno esse malignum illum, quia occidit, sicut jam dictum, et in captivitatem ducit, quod non facit, nec fecit, omnis qui ex Deo est. Hoc audiat si quis habet aurem, hoc ad memoriam revocet quisquis fidelem habet rationem etc.

§. XIX. Nullus fuit *Bernardo* Claraevallense celebrior, dignus, qui accuratius describatur, et innotescat. Indoles et labor ejus fertur matri, cum eum in utero gerebat, per somnium revelatus. Vidit enim catellum totum candidum, in dorso subrufum, et clare latrantem. Praestitit utique se talem, sed in bonos aequae ac malos, usque etiam ad morsus caninos. Nobili ortus genere primum fuit Monachus Cisterciensis, dein Abbas Claraevallensis ab a. 1115. Stephani enim Abbatis Cisterciensis jussu coloniam Monachorum duxit ad Claraevallum, in territorio Lingonensi, ibique constructo Monasterio functus est Abbatis munere, ita tamen, ut in tuguriolo ad latus posito ipse latitans totus incubuerit studiis et devotioni. Sed hinc abstractus curam fere totius Ecclesiae gessit, ita ut omnia pene ab ejus ore et autoritate pependerint. Interfuit a. 1128. Trecensi concilio, ejusque jussu composuit regulam, in usum Templariorum, ad cujus ordinis confirmationem multum contulit. Dein ad Gulielmum IX., Aquitaniae Ducem, missus est a. 1130., ut eum a partibus Anacleti ad eas Innocentii II. adduceret: quod tamen non nisi post quinquennium, iterata legatione, effecit. Adfuit Innocentio in omnibus, et conciliis ab ipso in Gallia celebratis interfuit. Mediolanenses ad Ecclesiam illam Papae reconciliandam adiit a. 1130., ingente cum honore receptus est, et eos ad obedientiam sedis Romanae reduxit, simul permovit, ut, Conrado missio, Lotharium susceperint Imperatorem. Recusavit quidem Archiepiscopatum Mediolanensem, ipsi oblatum, sed Mediolanum introduxit Cistercienses, condito ibi monasterio Claravalle, a. 1135. quod primum eorum fuit: fundavit etiam ibi tertium ordinem *humiliatorum*, praescripta quoque regula: unde *fratres*
S. Ber.

S. Bernardi adpellati sunt. Paci inter Rogerium, Siciliae Regem, et Innocentium, sequebatur enim Rex partes Anacleti, fanciendae incubuit a. 1137., sed irrita successu. Deinde bellum ab a. 1140. gessit continuum cum haereticis, vel haeresios suspectis, ut Arnaldo Brixienfi, Gilberto Porretano, Abaelardo, et Petro Brusio: de quo postea. Fuit quoque novae expeditionis Cruciatorum, ut postea videbimus, praecipuus autor. Denique contradixit *inmaculatae conceptioni* Mariae Virginis, teste Sermone ejus II. in Adsumptionem, et epist. 174. ad Canonicos Lugdunenses, ubi sese quoque festo inmaculatae conceptionis in Ecclesia Lugdunensi a. 1136. instituto opposuit, tanquam novitati, inconsulto Papa, invectae in Ecclesiam. Ceterum hoc festum etiam oppugnavit Potho Prumiensis, cujus opuscula exstant in Bibl. Patrum tom. XXI. in libro de *statu domus* Dei lib. III. in fin., ubi festum S. Trinitatis, et transfigurationis Christi, etiam improbat. Quod idem fecit Petrus Cellensis l. VI. epist. 23., satis elegante, et pro more temporis eloquente, qui etiam ibid., et lib. I. epist. 10., disputat, Mariam, licet non conceptam sine peccato, natam fuisse ab eo liberam, et nunquam consensisse libidini carnali, licet a tentatione non liberam, secus ac Nicolaus, S. Albani in Anglia monachus, statuebat, qui omni tentatione eam superiorem fuisse contendit, cujus epistola ibid. reperitur, lib. IX. ep. 9. Inter peculiare Bernardi opiniones locum tenet, animas justorum ad plenam Dei visionem non admitti ante resurrectionem, easque in atrio esse sub altari, nondum in domo Dei, videre tantum humanitatem Christi, nondum Divinitatem. Vid. Sermones 2, 3, 4. de *omnibus sanctis*. Diem vero obiit supremum a. 1153. et ab Alexandro III. canonizatus est a. 1174. Vitam ejus plures conscripserunt, a Mabillonio editi, in praeclara operum ejus editione 2 vol. in fol., quae repetita est a Veronensibus 3 vol., additis, quae Martene publicaverat. Constant ex Epistolis, sermonibus, aliisque tractatibus doctrinalibus et morali.

moralibus. Ceterum fuit Bernardus religiosus quidem et peritus, acerrimus quoque et liberrimus corruptionis sui temporis, in primis aulae Pontificiae, reprehensor, vid. libri de *consideratione* ad Eugenium Papam, commentar. ad Canticum Salomonis, ac epist. 290. ad Cardinalem Ostiensem; sed simul credulus, suspiciosus, superstitiosus, quodque pejus est, terribili Orthodoxiae zelo flagrans. Visionum, miraculorum, et adparitionum coelestium, etiam ejus ingens venditur copia.

§. XX. Floruit porro circa medium seculi *Richardus Victorinus*, Canonicus regularis S. Victoris, prope muros Parisienses, denique Prior; mortuus a. 1173., autor variorum operum, quae 2 vol. in fol. prostant, complexa tractatus dogmaticos et spirituales, expositionesque multarum Script. S. partium, cum criticas et historicas, tum allegoricas et dogmaticas. Denique, innumeris aliis praeteritis, memorandus superest *Petrus Blaesensis*, Londinensis Archidiaconus, et Cancellarius Archiepiscopi Cantuariensis, Regisque Proto-Cancellarius ab a. 1160. Varia et ipse condidit opera, novissime in fol. edita a Petro Gaslanvilla, et inde in Publ. Patrum. Sunt autem Epistolae, sermones, alique varii argumenti tractatus. In quibus vitia Clericorum et Monachorum acriter passim perstrinxit, adeo ut ipsi imputatum illi, quod Principum adulatorem, et Cleri ac monachatus calumniatorem, sese praestiterit: vid. sermo ejus IX., in quo idipsum defendit. Ceterum male censetur vocabulo Transubstantiationis primus usus, quod exstat epist. 140. Ante ipsum enim jam adhibuit, praeter alios, Stephanus Augustodunensis, et primus, ut videtur, Hildebertus Turonensis, a. 1124 detectus. Vid. Beaugendre Benedictinus, qui opera ejus eleganter edidit in Fol., in notis p. 571. et 719.

§. XXI. Ad canonicos antequam accedam, varios canones colligendi molus non fuerit inutile praemisisse. 1. *Primus* est, qui canonica nude recensentur, eo, quo in conciliis saepe sunt, ordine, sive unius sint concilii, sive plurium, sub

sub una serie numerorum. Quae collectio dicitur *Codex*, vel *corpus*, canonum; et, si plurium Synodorum canones una numerorum serie decurrant, ἀκολουθία κανόνων *consequentia canonum*. 2. *Secundus* est, quo acta Synodorum cum canonibus recitantur, sive *acta et sancita*. 3. *Tertio* modo sub certos titulos et rubricas referuntur canones diversorum conciliorum, sive citentur tantum canones, verbis non additis, sive verba etiam recenseantur: prius dicitur *breviatio* canonum, posterius eorum *concordia*. 4. *Quartus* est, quo concordantes Imperatorum leges adiunguntur, vel subiunguntur: quam collectionem adpellant *Nomo-canones*. Denique 5. *quinto* insuper adduntur Epistolae decretales Pontificum, ac Episcoporum, nec non sententiae Patrum. Vixit etiam hoc seculo *Bernardus Circa*, Papiensis Praepositus, et postea Antistes Faventinus, qui primus Pontificum decretales, et constitutiones, seorsim collegit. De quibus omnibus vid. G. Mastricht hist. jur. Eccles. Conditum vero est hoc seculo famosum illud opus Gratiani, quod publice receptum, et principium Juris Canonici, quod studium hoc seculi vigere coepit, factum est. *Gratianus* fuit Tuscus, et coenobii Felicis Bononiensis Monachus Benedictinus, celebris Juris Ecclesiastici Interpres, indeque *Magister* dictus. Condidit autem sub Eugenio III. a. 1151. famigeratissimum illud opus, seu collectionem canonum, ex Patrum scitis, Synodorum canonibus, spuris etiam Pontificum decretalibus, aliisque pseudepigraphis: quod opus ipse *concordantiam discordantium* canonum adpellavit, sed Innocentius *corpus decretorum*. Constat ex tribus partibus, 1. *distinctionibus* 101, quae singulae in capitula dividuntur. 2. *Causis* 36, quae singulae varias continent quaestiones, in capitula divisas. 3. Pars tertia de *consecratione* agit, in quinque divisa distinctiones. Huic collectioni quaedam capita addidisse fertur discipulus ejus *Cotta Palea*, quibus *Paleae* nomen est inditum. Sed antiquioribus in Mss. non reperiuntur. Hoc Gratiani opus, licet ab Eugenio III., ut vulgo putatur, etiam ab autore

Tom. VI. D vitae

vitae Gratiani, et Trithemio, traditur, non fuerit adprobatum, ut Antonius Augustinus dialogo III. demonstravit, imo corpus decretorum Gratiani nunquam directe sit a Papis confirmatum, obtinuit tamen sensim authenticam auctoritatem, usu et observantia forensi, plane ut Jus Justinianum, multum eo tribuentibus Decretistis in Academiis, oppositè ad Glossatores Juris Romani. Vid. Boehmer Jur. Eccles. l. I. tit. II. Sed ipsi Pontificii varias sœvent de ejus auctoritate opiniones. Vid. Mastricht l. cit. §. 308. Alexander vero III., ut illud obiter observem, decretales sui temporis epistolas, in unum volumen redactas, *consulta* Alexandri adpellari, et Gratiani compilationi addi, voluit, ut inservirent juri Canonico, vid. adpendix concilii Laterani III., ubi hæc exstat collectio. Ceterum, cum multos in hoc condendo opere commiserit Gratianus errores, sive a Burchardo et aliis, quos secutus est, sive ab Interpretibus, Linguae Græcæ quippe ignaris, deceptus fuerit, sive spuria pro genuinis habuerit, sive autores et concilia confuderit, varii sec. XVI. illud emendare instituerunt, sicut et correctum prodiit a. 1580. cum approbatione Gregorii XIII. Interea dum hoc fiebat, manus ei admovit Antonius Augustinus, Tarraconensis Archiepiscopus; scriptis dialogis de *emendatione Gratiani*, quos optime cum notis edidit Baluzius. Denique, quae in hoc opere occurrunt, Romano-Catholicis minus faventia, studiose a Protestantibus collecta sunt, ut Pfaffio, de dogmatibus *Protestantium ex jure canonico comprobatis*, sed jam antea in catalogo *testium veritatis* l. XV., et ab Alstedio *Encycloped.* l. XXV. Theolog. sect. IV. qui ex Johanne Hallero ideam exhibuit *symphoniae juris canonici*, seu *decreti Gratiani* cum Scriptura S. in 35 capitibus.

§. XXII. Succedant *Historici*, sive compilatores, sive auctores, fuerunt. Floruit utique celebris iste *Historiae Scholasticae* conditor, qui libris sedecim in compendium redegit libros historicos Vet. et Nov. Test., sed admixtis histo-

historiis externis, et fabulosis narrationibus, *Petrus Comes-*
tor, seu manducator, quo nomine venit autor, etiam dic-
tus Magister historiae Scholasticae: fuit Trecentis natione,
et aliquando Cancellarius Parisiensis: autor haud magni
pretii, sed cujus notabile memoratur ex Mss. Gyraldi,
ejus discipuli, apud Cave hist. Litter., dictum, *nunquam hos-*
tem antiquum in aliquo articulo adeo Ecclesiam Dei circum-
venisse, sicut in voti continentiae sacerdotum emissionem. Opina-
tus quoque est, Mariam sine peccato conceptam esse, ex parti-
cula seminis, quae ex Adamo per omnes generationes incorrup-
ta descenderit; ut Molanus in Mss. Biblioth. sacra ex libro
ejus de laudibus Mariae observat in Scholiis ad Henricum
Gandavensem; in Biblioth. Eccles. Fabricii. Aliorum vero
historicorum, sive universalem condiderint historiam, sive
hujus illiusve nationis, aut eventus, sive vitas sanctorum
conscripserint, nimia est copia, quam ut vel recensere li-
ceat: quare nonnullis illustrioribus ero contentus. Initio
seculi Chronicon ex Chronicis composuit ab Orbe Con-
dito ad Henricum I. seu a. 1117., ab anonymo continuatum
ad a. 1147., *Florentius Bravonius*, Monachus Wigorniensis
in Anglia: quod Matthaeo Westmonasteriensi subnecti so-
let. Utitur hic autor duplici aera Christi, una Dionysii
Exigui, altera secundum Euangelium, easque, quod para-
doxum est, 22 annis differre dicit, adeo ut annus 1mus
erae Vulg. sit 23tius secundum Euangelium. Circa idem
tempus scripsit *Hugo*, Floriacensis monachus, in dioecesi
Aurelianensi super Ligerin, Chronicon, a Nino Assyrio-
rum Rege usque ad Ludovici Pii obitum a. 840., editum a
Rottendorpio, sed mutilum, ultra Constantinum M. non
progressum. Sed memorabiles etiam ejus sunt duo libri, *de*
Regia potestate, et *sacerdotali dignitate*, publicati a Baluzio
Miscell. tom. V.

§. XXIII. Bonis historicis adnumerandus est *Ordericus*
Vitalis, Anglus quidem natione, sed qui, in Normanniam,
ablegatus, vitam fere exegit in coenobio Uticensi, cujus
D 2 praeci.

praecipuas partes ipse recenset ad calcem lib. XIII. historiae suae. Scripsit autem tredecim libros Historiae Eccles. utilissimos, a Christo nato ad a. 1142., inter Scriptores antiquos Normannorum historiae Du Chesne. Sed nemo forte praefendus *Ottoni Frisingensi*, qui et genere fuit illustris, et vita ac scriptis celeberrimus, historicus laudabilis, ac veritatis studiosus. Ex filia Henrici IV. natus, frater uterinus Conradi III., patruus Frederici Barbarossae, Episcopus Frisingensis, ab a. 1138. Fratrem fuit in expeditione sacra comitatus, et domum redux, abdicato munere Episcopali, monachus Cisterciensis, et Abbas Morimundensis coenobii in Burgundia, defunctus est a. 1158. Scripsit de rebus gestis Frederici, nec non Chronicon ab Orbe Condito ad a. 1146. libris septem, addito octavo de *fine mundi*, *Antichristo*, et *extremis*. Edita sunt haec opera, post alios, a Christiano Urstizio inter Historicos Germanos. Sed libri de *gestis* Frederici novissime sunt recusi, collato etiam novo Mss., una cum *Radevico*, ejus etiam temporis, canonico Frisingensi, qui ulterius perduxit, a Muratorio inter Scriptores Italiae tom. VI., ubi etiam comparet utriusque operis continuatio per Ottonem de S. Blasio, nec non alii Scriptores aequales gestorum Frederici in Italia, uti Otto Morena, Sire Raul, seu Radulphus, Mediolanensis, etc. Exstat etiam ibid. tom. VII. Romualdi, Archiepiscopi Salernitani, Chronicon ab O. C. usque ad a. 1178. Vulgavit etiam Muratorius Antiq. Ital. Med. aevi in adpendice tom. IV. *Richardi*, monachi Cluniacensis, chronicon, a temporibus Caroli M. ad a. 1162., quod Mss. exstat ab Orbe condito, lectu non indignum, in primis quoad expeditiones Cruciatas, et nonnulla geographica, hic illic inspersa: subjunctus est etiam catalogus Pontificum Romanorum, a Petro usque ad Hadrianum IV, seu sec. XII. medium. Denique, negligendus non est *Godefridus Viterbiensis*, a patria sic dictus, munere Presbyter, et tribus Imperatoribus, Conrado III., Frederico I., et Henrico VI., a sacris et secretis. Scripsit,

Scriptit, post 40 annorum peregrinationem, *Pantheon*, seu Chronicon Universale ab O. C. usque ad a. 1187., dedicatam Urbano III., inter Scriptores German. Pistorii, sed pars *XVIta*, quae incipit cum sec. IV., recusa est a Muratorio Script. Ital. tom. VII.

§. XXIV. Nationum et rerum particularium Scriptores magnum faciunt numerum. Recenseamus aliquos, initio a rerum Anglicarum facto. *Henricus Huntindonensis*, vel Huntingtonensis, Archidiaconus, historiam Anglorum ab originibus gentis, in primis Anglorum et Saxonum transitu in Britanniam, scripsit, usque ad Stephani Regis mortem, a. 1153., inter Savilii Scriptores rerum Anglicarum. Libellum ejus de *contemptu mundi* publicavit Dacherius in Spicilegio tom. III., *Gulielmus Malmesburiensis*, a coenobio, cujus monachus fuit et Bibliothecarius, sic dictus, scriptor eruditus et fidelis, post annum 1143. brevi mortuus, librorum quinque autor est, de *gestis Regum Anglorum*, a primo Saxonum adventu a. 449., usque ad a. 189um Henrici I., seu a. 1127., dein librorum duorum *historiae novellae*, inde ad a. 1143., denique de gestis Pontificum Anglorum ad a. 1125., quae omnia opera in collectione Sevilhana prostant. Ejus etiam est, ut alia mittam, continuatio historiae Ecclesiast. Bedae, quae inter Scriptores minores rerum Britannicarum etiam comparet. Ceterum carmen jambicum ejus, in historia ejus l. III. c. 28. obvium, de *corruptione sui temporis*, omnem meretur animadversionem. *Gulielmus Neubrigenensis*, alias Novoburgensis, in Anglia, dictus etiam *Gulielmus Litle*, seu parvus, ex provincia Eboracense ortus, exaravit quinque libros, qui valde aestimantur, de *rebus Anglicis* sui temporis, initio facto a Gulielmo Conquestore ad a. 1179., praeter tres homilias. Optima vero editio est Tomae Hearne 3 vol. in 8vo. *Simeon Dunelmensis*, praeter historiam Ecclesiae Dunelmensis, cujus praecentor fuit, quae Turgoti, Prioris Dunelmensis, est compilatio, exaravit historiae de *Regibus Anglorum et Dacorum* libros duos,

ab a. 731., quo desit Beda, ad extremum Henrici I. a. 1130. Quam historiam continuavit *Johannes Hexham*, ejusdem aetatis scriptor, sive Hagustaldensis, in dioecesi Dunelmensi. Qui omnes scriptores reperiuntur inter eos Angliae, quos luci exposuerunt Twylden et Seldenus. Denique *Rogerus de Hoveden*, Professor Primarius Theolog. Oxoniensis, annales condidit Anglicanos ab a. 731. ad a. 1202.; qui in collectione Sevilliana prostant.

§. XXV. Historicae *Danicae* libros sedecim, ab ipsis primordiis gentis usque ad a. 1186. posteritati reliquit insignis historicus, stilo florido, *Saxo Grammaticus*, a stili elegantia sic dictus, gente Danus, et patria Selandus. Edidit eruditus cum notis, post alios, Stephanes Johannes Stephanus. *Normannorum* historiam condidit *Gulielmus Gemmeticensis* Monachus, inter Scriptores Anglorum, Normann. etc., Cambdeni, et castigatus in Normannis du Chesne. *Slavorum* et *Venedorum* chronicon composuit *Helmoldus*, presbyter et rector parochiae Bosoviensis in Wagria, discipulus Geroldi, primi Lubecensis Episcopi, et ejus comes in Venedis convertendis. Incipit a Caroli M. tempore, et Saxonum conversione ad Christianam professionem, et perduxit ad a. 1170. Quod opus continuarunt *Arnoldus*, Abbas Lubecensis ad a. 1209., et *Anonymus* Bremensis ad a. 1448. Exstant omnes inter Scriptores Brunsvicenses Leibnizii. Sed *Helmoldum* ac *Arnoldum* plenius et integrius edidit, et notis illustravit, Henricus Bangertus, Lubecae. Res *Bohemicas* conscripsit *Cosmas*, Pragenlis Decanus, probe ab Episcopo ejus nominis distinguendus; ab a. 1038. ad a. 1125. inter Scriptores Germanicos Menckenii tom. I. Res *Germanicas*, *Francicas* etc., plures tradiderunt, in collectionibus obvii; quos recensere longum foret. Historiam *Siculam* praecipue sub Gulielmo I., dicto *malo*, et II. dicto *bono*, satis eleganter et fideliter dedit *Hugo Falcandus*, autor aequalis, inter Scriptores Ital. Muratorii tom. VII., ubi etiam tom. V. exstat *Falconis* Beneventani *Chronicon*, barbare quidem, sed exacte, concinnatum. §. XXVI.

§. XXVI. *Cruciatorum* expeditiones enarrarunt plures, uti, praeter anonymum, *Robertus* Monachus, *Baldricus* Dalensium Archiepiscopus, *Raymundus* de Agiles, Canonicus Podiensis, et Capellanus Comitis Tolosani, *Albertus* Aquensis Canonicus, *Fulcherius* Monachus Carnotensis, *Gauterius* Cancellarius, *Gulielmus* Tyrius Archiepiscopus, *Guibertus* ex nobili stirpe Gallus Bellovacensis, Abbas Novigentinus in dioecesi Laudunensi ab a. 1104. mortuus a. 1124., qui etiam multa alia scripsit, praeter gesta Dei per Francos, in Scripturam S. et contra haereses, ut de vita sua etc., quae opera sunt edita ab Acherio, in Fol., una cum variis additamentis. Fuit quidem vere, pro seculi genio, devotus, sed et valde superstitiosus, stilo horridus. Ceterum praerogativam sanandi *Scrophas*, seu strumas, glandia obdurata circa collum, axillas, et inguina, tactu, *superaddito crucis signo*, ut loquitur autor, divinius, ut putatur, concessam Regi Francorum, memoravit lib. I. c. 1. *de pignoribus sanctorum*; et quidem *primus* ejus meminit, ut *Dacherius* ad eum locum notavit. Nec illud omittatur, eum ibid. c. 4. morem sanctorum corpora aureis vel argenteis conchulis interendi, praeterea e tumulis eruendi, et membratim huc illuc ferendi, valde improbare. Denique *Jacobus de Vitriaco*, sed qui est seculi sequentis, cujus praefatio ad hist. Orient. et Occid. etiam reperitur in Antiq. Lect. Canisi tom. IV. Hi autores omnes exstant in libro, cui titulus, *gesta Dei per Francos*: sed celebriores sunt *Guibertus*, et *Guilielmus Tyrius*. *Bernardi* denique thesaurarii, hujus seculi scriptoris, historia terrae sanctae recuperatae et amissae, lectu digna, locum tenet inter Italiae Scriptores Muratorii tom. VII. ubi Muratorius in praefatione omnes belli sacri historicos recenset. De quibus etiam vid. A. Miraeus in *auctario* edit. Fabricii.

§. XXVII. Ingens etiam est eorum copia, qui vitas sanctorum descripserunt, major, quam hic enumerari possint. Unius hic mentionem faciam *Johannis Saresberienfis*, qui

famosi Tomae Becceti, vel Cantuariensis, de quo post, tam composuit, sed celebrior est, et eo nomine cognoscendus, per alia opera, ut Epistolas, commentar. in Epistola Pauli, et in primis per *polycraticum*, seu librum de *negotialium, et vestigiis Philosophorum*. In quo de occupatibus vanis, de officiis, virtutibus, et vitiis secularium, primis Principum, eleganter disserit. Fuit natione Angli a patria Sarisberiensis dictus, motibus Tomae Becceti mixtus, et cum ipso in exilium pulsus, sed post septem annos reversus. Mortuo vero Toma a. 1172. in Galliam profectus, Episcopus Carnotensis in Provincia Senonensi factus est, et Synodo Lateranensi a. 1179. interfuit. Acerrimum quidem Majestatis Pontificiae sese praestitit pugnatorem, sed et vitiorum et abusuum, ipsius quocumque aulae Papalis, liberrimum censorem. Vid. in primis Polycratici. l. VI. c. 24. Inter paradoxas ejus opiniones, in libro *polycrati*. sparsas, est, Tyrannum licite et debite occidi a quocumque, modo non sit ei juramento obstrictus; Principem porro ab Ecclesia accepisse gladii usum, et vim coactivam adeoque in ejus exercitio ministrum esse sacerdotem, et illis dependere, adeo ut potestate ab iis privari possit. Inter epistolas ejus est notabilis 172. ad Comitem Henricum, qua libros canonicos V. et N. Test. recens fecutus Hieronymum. De Tobia, Judith, et libro Machabaeorum dicit, *eos in canone non esse receptos* — — *quia tamen, inquit, fidem et religionem aedificant, pie admitti solent*. Praeterea Paulo adtribuit epistolam XVtam ad Laodicenses *licet ab omnibus explosam*, nixus tantum testimonio Apostoli Col. IV: 16. Disserit quoque de librorum illorum authenticis, et his notabilibus verbis concludit: *sed quae cura, ferentissime Domine! has atque alias in investigatione autem discutere opiniones, cum unum omnium sanctarum scripturarum constet esse autorem spiritum sanctum?* addit, ex Gregorio in moralibus, *de scriptore libri postmodum quaerere pro eo esse habendum, ac si, cum de scriptore certum sit, de eodem quo liber scriptus est, dubitetur.* §. XXV

§. XXVIII. Catalogo scriptorum verbo subjungi merentur duae, illustres visionibus et scriptis, foeminae, Elizabetha et Hildegardis. *Elisabetha* fuit Abbatissa Schoenaugienensis in dioecesi Trevirensi, defuncta a. 1168., cujus supersunt *visionum* libri 5., varie editi. Vitam ejus enarravit frater ejus Ecbertus, Abbas S. Florini Schoenaugienensis. *Hildegardis*, Abbatissa in monte S. Roberti in Bingis, seu prope Bingiam, in dioecesi Moguntina, celeberrima fuit ob singularem devotionem, et revelationes, ipsi, ut putabatur, concessas, adeo ut ex omnibus fere locis scriptae ad eam fuerint ab illustribus etiam viris litterae, ejusque revelationum libri adprobati sint in Synodo Trevirensi, et ab Eugenio III. Papa, ejusque successoribus. Vid. Albericus ad a. 1141. et Trithemius in Chron. Hirsaugien. Exstant vero ejus *Scivias*, seu visionum libri tres, Epistolae, et alia opuscula. Prophetiam ejus contra Monachos, lectu dignam, recenset Bzovius in Annal. ad a. 1415.; quam tamen alii fictam putant et supposititiam.

§. XXIX. Floruerunt itaque *studia*, ut de illorum statu paucis exponam, et circa quasvis versata fuerunt scientiae, sed, quod nostram in primis meretur attentionem, resuscitatum est, praeter juris civilis studium, juris Canonici, et Theologiae Scholasticae jacta sunt fundamenta. Juris civilis studium, cum per sex fere secula jacuisset, primum sub Barbaris, dein Carolo M., et successoribus, revocatum est in lucem ab *Irnerio*, seu Wernero, primo Juris Antecessore in Academia Bononiense; quam solam Juris Scholam decrevisse censetur Lotharius Imperator; nescio, num satis solido fundamento. Vid. Conringius de *origine Juris Germanici* cap. 21. et Muratorius *Antiq. Ital. Med. aevi* disert. XLIV. Occasionem autem juris Romani instaurati praebuit opus Pandectarum inventum in Apulia sub Lothario II., in excidio urbis Amalphitanae circa a. 1137.; ubi Pisani inter alia spolia hunc codicem invenerunt, et abstulerunt, incertum quo in pretio habuerint. Vid. Brenk-

man in historia Pandectarum. Cum vero Pisam occuparent a. 1146. Florentini, eundem codicem secum Florentiam detulerunt: ubi adservatur, et nomen Pandectarum Florentinarum nactus est. Innerius vero propterea adpellatus est *Lucerna juris*, et instaurator Juris Romani. Bononiensem Academiam postea secutae sunt aliae. Utique a. 1196. a Philippo Augusto, Galliae Rege, juris Romani institutio fuit Monpessulum introducta, et seculo sequente a Frederico II. Caesare in scholam Patavinam. *Neque hoc praetermittendum est*, verba sunt Muratorii in Antiquit. Italiae mediæ aevi dissert. XXII., quod apud majores nostros, antequam inveheretur per universam Italiam professio juris Romani, et in scholis Bononiensibus, aliisque subsequitis, Romanae leges explicarentur, controversiae sine tot citationibus, protestationibus, exceptionibus, instantiis, contradictoriis, aliisque aeternis fori nodis ac funibus expediebantur. At vix Legulejorum respublica invaluit, et juris Romani sacraria aperta fuere, quum via quoque reserata fuit tricis omnibus, quibus lites tunc temporis obnoxiae sunt, et ob quas interdum perpetuantur. Ceterum antea, a quo barbari populi in eas partes irruerunt, viguerunt leges Longobardicae, Salicae, Ripuariae, etc. editae ab Heroldo, Lindenbrogio, Wendelino, Goldasto, Baluzio etc., nec non consuetudines, statuta, et leges municipales, quibus deinceps praerogativa est data, adeo ut ad legem Romanam se contulerint, ubi statuta nihil contra decreverunt. Sed una cum juris civilis professione coepit Juris Canonici per Gratianum in schola Bononiensi. Vid. autor vitae Gratiani. Theologiae vero professioni ibi locus non fuit ante seculum XIV., quando eam instituit Innocentius IV., vel celebriorem reddidit.

§ XXX. Praeter Bononiensem scholam floruit hoc seculum *Salernitana* in Sicilia, sed in qua ars Medica in primis tractata est, et quidem in ea sola per Occidentem: unde libellus iste poeticus hoc seculo prodiit de *conservanda valetudine*, in gratiam Roberti, Normannorum Ducis. Postea vero

vero celeberrimae leges de re medica latae sunt a Frederico II. Caesare, ibi docendae. Unde liquet, omnes medicinae partes ibi fuisse expositas, totamque artem fuisse Hippocrateam. Denique schola *Parisiensis*, a tempore Caroli M. instituta, deinde in tenebras missa, hoc rursus seculo illustrata est, maxime per Theologicam professionem, quam Anselmus Laudunensis, Gulielmus Campellensis, Petrus Abaelardus, Gilbertus Porretanus, et Petrus Lombardus, maxime ornarunt. In Anglia quoque reflorescerent litterae opera Roberti Polenii, et Henrici II. ac Richardi Regum cura ac protectione. Vid. Cambdenus, qui etiam tradit, *Polenii conatus adeo feliciter cessisse, ut regnante Johanne, qui a. 1199. incepit, tria millia studiosorum fuerint Oxoniae.*

§. XXXI. Nondum tamen *jura et privilegia*, in primis respectu jurisdictionis, et potestatis dandi honores, locum hoc tempore habuerunt, adeoque nec Academiae, sic proprie dictae, quippe quibus haec privilegia propria sunt. Fundamenta tantum aliqualis jurisdictionis jecit Fredericus Barbarossa, qui, conventu Roncaliis, prope Placentiam in Italia, habito a. 1158., *authenticam*, quae *habita* audit, promulgavit, qua scholaribus optionem dat eligendi judicem, vel Dominum loci, vel Episcopum, vel *Magistros*. Postea Fredericus II., Neapolitanam Academiam instituens, ita sanxit: *omnes scholares in civilibus sub eisdem Doctoribus et Magistris debent conveniri*. Exstat apud Petrum de Vinea Epistolarum l. III. De gradibus vero doctoratus, aut eorum insigniis, nihil hoc seculo constat, sed sequente; de quo suo tempore. Vid. Conringius de *Antiquit. Academicis*.

§. XXXII. Theologiae *Scholasticae*, ut adpellari solet, *characteres*, quod ante omnia est advertendum, sunt 1. Patrum colligere sententias, easque cum Scriptura S. principiorum instar habere 2. Dialectica et Philosophica ratiocinia, inprimis secundum Aristotelis placita, admiscere doc-

trinae Theologicae 3. Quaestiones circa Theologiam proponere et ventilare subtiliores 4. Veritates denique in certum ordinem, et systema aliquod, digerere. Cujus methodi initia ubi ab hoc seculo repetuntur, illud non est capiendum, acsi ea nunc demum inceperit, sed quod vulgatiores fuerit facta. Plures utique fuerunt antea, qui hac illave in parte viam praeiverunt. 1. In curiosis sectandis quaestionibus, et necestendis ratiociniis, exemplum jam praeiit Augustinus; cujus sententias prae reliquis expressit Petrus Lombardus. 2. In Patrum sententiis colligendis, et certo disponendis ordine, viam straverunt plures: uti sec. VII. Isidorus Hispalensis, Leontius Cyprius, Tajo Caesar-augustinus, qui ex Gregorio M. sententiarum libros quinque congeffit: de quo vid. Mabillon. de *studiis monasticis* p. II. c. 6. dein sec. VIII. Johannes Damascenus. 3. Aristotelicae Philosophiae cum Theologia conjungendae praecipua jecit fundamenta sec. VI. Boethius, qui ea in re promovenda omne posuit studium. Sed sec. XI. Aristotelis Philosophia doceri in primis coepit, ad Arabum methodum, in scholis, eaque usi sunt Roscelinus, Petrus Abaelardus, Gilbertus Porretanus, alique; in Germaniam vero introduxit methodum hanc Scholasticam Otto Frisingensis. Praeluxit vero in primis, sive scholasticorum doctrinae substantia spectetur, sive ordo, Hildebertus Cenomanensis in tractatu Theologico; uti quoque observavit Beaugendre in monito ei tractatui praemisso. Petrus vero Lombardus in primis est adjutus a Petro Abaelardo in condendo *sententiarum* opere. Sed, licet ipsi multi praeiverint, habetur tamen et celebratur *scholasticae* Theologiae conditor, quia ejus opus prae reliquis auctoritatem accepit, et celebritatem, ita ut systematis loco fuerit, quod alii sunt secuti, et in quod commentati sunt, uti primus fecit Alexander Alesius, vel de Hales, seculo seq. Plura qui hac de re velit, adeat Adam. Tribbechovium de *Doctoribus Scholasticis* etc. edit. Heumannii, qui eruditam praefixit dissertationem, nec non Jac. Tomasium

maſum de ſcholſtica Theologia, in Chriſt. Tomaſii hiſtoria ſapientiae et ſtultitiae tom. III.

§. XXXIII. *Scholſticae* vero Theologiae nomen haec methodus inde traxit, quod in ſcholis, a ſcholarum Magiſtris, doceretur. Adpellati enim hoc tempore ſunt Scholaſtici, qui Philoſophiam docebant et Theologiam, quod ſcholarum eſſent Magiſtri, quodque periti haberentur ac ſapientes: addere liceat, quod arte pollerent dialectica, et circa fictas, ac inutiles ſaepe, quaefſiones verſarentur: ſicut *Scholſticus* Latinis eſt autoribus, qui in umbra circa fictas hypotheſes ſe occupatum tenet, declamator, qui fictas agit lites. Vid. Caſaubonus ad Suetonium de Grammaticis, et ad Capitolinum. Solet denique Scholaſticorum aetas ſtatui triplex; *prima* ſeſe non a Lanfranco, ut aliis viſum eſt, cum inter ejus opera nihil tale occurrat, quod ſyſtema ſpirigit, ſed a Petro Lombardo, uſque ad Albertum M., porrigit. Quae aetas cenſetur puriſſima, quatenus Patrum ſententias magis tenet, quam ratiocinia Philoſophiae Ariſtotelicae; licet ab iis non ſit libera. Praeterea nec a variis quaefſionibus, aut definitionibus, eſt immunis, nec Scripturae S. ſe adfixam tenet, ſed Patrum ſententias ei adjungit, quas quoque ſaepe fideliter non citat, ſed truncatas ac interpolatas. De quo vid. Danaeus in elencho libri I. ſententiarum Lombardi. Ceterum haec methodus, ſemel introducta, multum obſcuravit veritates Euangelicas, earumque ſimplicitati, veroque conſpectui, haud parum detraxit. Quod quoque judicium de Lombardo tulit, Praeceptorum ſuorum veſtigia ſecutus, Joh. Aventinus Annal. lib. VI., dicens, *Ipfum ſanctiſſimas veritates coeno quaefſionum opinionumque rivulis conturbaffe*. Diſſerit etiam de Realibus et Nominalibus, eorumque diſſenſionibus et pugnis, ibid. paulo ante. Exſtat quoque Stephani Tornacenſis epiſt. 251. ad Papam, qua de corrupta Theologia per Scholaſticos et Decretales acerbas fundit querelas, tanquam quibus Canones, et ſententiae Patrum, evertuntur. Nec deſuerunt, qui Lom-

bardo graves inputarunt errores: ut in ejus vita narra-
vi.

DOCTRINA ET FIDES.

§. XXXIV. Retinuerunt quidem Christiani summa fidei capita, ut semper antea, sicut ex Centuriatoribus et aliis satis constat, quare huic rei non inmorabor, attamen haud pauca hoc seculo, sicut antea, addiderunt, quae puritatem aut simplicitatem fidei Christianae vel obscurarunt, vel cor-
ruperunt. 1. Patrum sententias considerarunt, tanquam alterum Theologiae principium, Scripturae fere aequandum. De quo ex Petro Lombardo, Scholasticorum Principe, non tantum constat, sed ex illis quoque, qui de Scholasticis minus bene senserunt, quippe qui in illis taxarunt, quod Patrum vestigiis non pressius institerint: sicut ex. gr. Stephanus Tornacensis in epist. modo citata; ubi adfirmare non veretur, Patres Scripturam explicuisse *eodem spiritu, quo dictata est*; adeoque eos plane sufficere. 2. De *Trinitate* dicit Petrus Alphonsus, in *dialogo* contra Judaeos, in seculi initio scripto, tit. VI. de *Trinitate*, tres Personas esse *substantiam, sapientiam, et voluntatem*. Hugo vero de S. Victore in libro de *conscientia*, ait, *sicut in Deo sunt tres personae, Pater, Filius, et Spiritus S., sic in anima habes tres vires, intellectum, voluntatem, et memoriam*. Petrus quoque Lombardus l. I. dist. III. humanam mentem pro imagine Trinitatis, licet dissimili, aliquatenus habet, cum sit *memoria, intelligentia, voluntas*, quae unam vitam efficiunt. Vid. etiam Honorius Augustodunensis de *cognitione verae vitae*, in adpendice oper. Augustini tom. VI. Petrus Blaesensis epist. 83. ad Soldanum, in qua summam fidei exhibet, *Trinitatem* quoque contulit cum *intelligentia, memoria et voluntate*, quae unam constituunt mentem, nec non cum radio, calore, et splendore solis. Guibertus Abbas de Novigento denique in *tractatu contra Judaeos* cap. X. Filium dicit esse

esse voluntatem Patris, sese externe manifestantem, et Spiritum S. esse virtutem, per quam quae velit queat. Addit mox, Trinitatem vocative potius, quam substantialiter, in hoc a nobis seculo discutari, in quo necessario ad nostram intelligentiam de personis instruendam, per momenta et syllabas, quia aliter non possumus, earum vocabula conjugamus.

§. XXXV. 3. Doctrinam de satisfactione Christi, et justificatione hominis per fidem, tenuerunt quidem, sed mediis, ac ritibus, quibuscum remissionem peccatorum conjunxerunt, et vitam aeternam, ac operum meritis, multum tribuerunt. Honorius modo citatus, ad Ps. VI., peccata statuit septem modis remitti, per baptismum, martyrium, mundi abrenunciationem, vel eleemosynam, veniam in nos peccantibus, poenitentiae confessionem, lacrymarum fontem, et charitatem. Richardus vero, de *potestate ligandi et solvendi*, tres memorat modos, quibus peccatorum fit purgatio, purgatorium, voluntariam satisfactionem, et baptismum. Petrus Cluniacensis l. I. ep. 2. vitam dicit aeternam acquiri propriis operibus, praecedente et comitante gratia. Qualia ubique recurrunt apud scriptores hujus seculi. 4. De libero arbitrio et gratia haec habet Hugo de S. Victore, libro de conscientia, voluntas hominis est potestas Dei, quia velle hominis in potestate est. Vid. et Bernardus de gratia et libero arbitrio. Honorii, de praedestinatione et libero arbitrio, haec sunt verba: libertas bonum vel malum eligendi est liberum arbitrium, possibilitas autem bonum faciendi ad Dei solius donum adinet. Sic et Richardus de statu hominis interno, arbitrium hominis non idcirco liberum esse dicimus, quia promptum habet bonum facere, sed quia liberum habet bono consentire vel non; potest consentire vel non aspirationi divinae, sed posse facere bonum est a Deo. Agnoverunt itaque gratiam praevenientem et adjuvantem, sed adsensum reliquerunt homini liberum. De Praedestinatione vero eodem passim modo, quo antea, locuti sunt. Vid. Rupertus de Divin. Offic. l. VI. Lombardus l. I. dist. 6. Honorius dialogo de

Praedestin. et libero arbitrio, in Bibl. M. Patrum vol. XX., ne alios memorem.

§. XXXVI. Implicuerunt insuper sese variis quaestionibus, in Occidente non tantum, ut ex Scholasticis patet, sed et in Oriente, ubi sub Manuele Comneno nonnullae ortae sunt controversiae, sive ab ipso, ut Nicetas Choniata. Annal. l. VII. tradit, sive ab aliis, ut Joh. Cinnamus hist. l. IV. c. 16. refert, suscitatae. Prima fuit, secundum Nicetam, in Chron. et in thesauro inedito apud Fabricium Bibl. Gr. vol. VI., num idem Deus incarnatus recte dicatur προσφέρων καὶ προσφερόμενος offerens et oblatus. Sed secundum Cinnamum, num unus idemque Filius Dei recte dicatur καὶ θύμα γίνεσθαι, καὶ τὴν θυσίαν προσδέχεσθαι et sacrificium esse et sacrificium suscipere cum Patre: quod sine dubio verius est, cum prius illud in quaestionem vix mitti possit, idem enim Christus erat victima et offerens. Posterius vero divisionem personarum videri posset, si adfirmaretur, involvere, quod Basilio Diacono, qui id protulerat, etiam obiectum est, teste Cinnamo. Accedit, aliam apud Nicetam habere lectionem, pro προσφερόμενος offerri verbum προσδέχεσθαι suscipere, quod videtur rectius. Sed vid. tamen confessio Michaelis Thessalonicensis, ejusdem erroris accusati, apud Leonem Allat. de Conf. etc. l. II. c. 12. De quo quicquid sit, ingentes motus dedit controversia, et Basilii opinio damnata est, ipseque cum fautoribus loco motus.

§. XXXVII. Secunda fuit de sensu dicti Christi apud Johannem Pater me major est, a Demetrio quodam Lampeno in medium producta, qui dici nolebat, eundem esse minorem, qui Patri aequalis est. Imperator vero, cum variae proferebantur interpretationes, quarum aliae Divinae, aliae humanae, Christi naturae, aliae Divinae propter incarnationem et summam humiliationem illud Christo applicabant, definivisse traditur, intelligendum esse κατὰ τὴν ἐν αὐτῷ κτίσιν καὶ παθητὴν σάρκα secundum carnem in eo creatam et passi-

passibilem. Vid. Cinnamus l. VI. c. 2. et Nicetas Annal. l. cit., et in thesauro modo citato. Refert insuper Nicetas, quod singulare est, et genium seculi manifestat, hoc decretum *rubra scriptura*, tanquam ense flammeo, esse munitum, quo mortem et excommunicationem minitabantur dissentientibus; praeterea tabulis lapideis insculptum in Templo maximo esse dedicatum. Quo non obstante multis haec definitio displicuit, qui suspicabantur, ipsi Verbo Dei, media carne, minoritatem illam tribui, ut habet Nicetas, qui illam definitionem eo nomine carpit, quod Filio incarnato minus tribuat quam Patri, cum Filius, naturam humanam adsumens, propterea non fuerit minor factus, potius naturam eam deificaverit, et sua gloria per unionem ornaverit. Tradit quoque Cinnamus, nonnullos dissentientes fuisse excommunicatos, seu anathemati subjectos, alios ex Ecclesiasticis catalogis deletos. Longe hac parte moderatior et prudentior fuit Andronicus Comnenus, luxuriosus, libidinosus, et saevus quidem Imperator, sed de regno, ejusque reformatione, optime meritus, studiorum etiam et eorum professorum aestimator egregius, qui disputationes curiosas de fidei et religionis quaesitis, in specie etiam de hac ipsa quaestione, levare damnavit et prohibuit, ut Nicetas lib. I. refert.

§. XXXVIII. Tertia fuit, num in tabulis Catecheticis Christianorum anathema recte pronuncietur in Deum Muhammedis, *nec generantem nec genitum*, sed *ἐλὸς Θεοῦ*. Imperator Manuel illud voluit expunctum, tanquam vero Deo injuriosum, cum veri sit Dei epitheton, et Muhammedanis invidiosum, et scandalum ejusmodi anathema; repugnantibus Antistitibus. Tandem, sententia commodius explicita, in id consenserunt, anathema non Deo Muhammedis, sed ipsi, ejusque doctrinae, esse dicendum. Quod, ut rectius intelligatur, sciendum est, symbolum fidei Muhammedanae, inter alia, habere, *dicito, ille Deus unus Deus Azzamado, qui nec gignit, nec gignitur, nec ipsi est similis quisquam*; ut est in

Tom. VI.

F

Alcorano

Alcorano Sur. 110. Quam vocem, ab Arabibus varie explicitam, Graeci reddiderunt *ἰσχυρὸν solidum totum*, non conflatum, sed ductum malleo, adeoque non ex partibus compositum, aut divisibile: quod voci Arab. *azzamado* non male respondet, quae etiam *soliditatem* denotat, imo *durum filicem*: qua voce *generationi* Filii Dei, a Christianis creditae, contradicere voluerunt. Sed cum ipsi Christiani, Deum esse quid solidum et indivisibile quoque profiteantur, salva generatione Divina, naturae Dei convenienter intellecta, potuerunt utique ab anathemate abstinere.

§. XXXIX. *Quarta* quaestio, sub Georgio Xiphilino, Patriarcha, ejusque successore Johanne Camatero, inperante Alexio IV. Angelo, sub finem seculi nata, versata fuit circa *corruptibilitatem an incorruptibilitatem* corporis Christi in Eucharistia. Alii enim statuebant, Christi corpus esse in pane, sicut fuit in passione, cum resurrectionis signum non sit in hoc mysterio, sed *sacrificium* sit, adeoque corruptibile, καὶ ἄνυσ καὶ ἀλυστος mente et anima cassum, cum dentibus scindatur, et molatur. Sed alii tenuerunt *viviscum et incorruptibile* corpus, ut post resurrectionem fuit, esse in Eucharistia. Vid. Niceta in Alexio Comneno l. III. c. 3. Interea non nova erat opinio de corruptibili corpore Christi in eucharistia, cum ea jam usi fuerint nonnulli in Monophysitis *aphthartocetis* refutandis; sicut fecit Anastasius Sinaita apud Le Quien oper. Damascen. tom. I. p. 654. Sed cum priores fuerint hoc sec. damnati, ea opinio sensim obsolevit. Quae quaestio cum nos ad Graecorum opinionem investigandam ducat de *praesentia* Christi in Eucharistia; eam hic exponere visum est.

§. XL. Monumenta Graecorum, ex quibus fides eorum hac parte petenda est, quae exstant, sunt 1. Nicolai Methonenis libellus de *corpore et sanguine Christi*, in Auctario Duceano, et in Antiquis Liturgiis edit. Paris. 2. Zonarae epistola 32. in notis Vulcanii ad libr. Cyrilli Alexandrini Oper. tom. VI. 3. Euthymii Zigabeni Comment.

ad

ad Euangel., in Bibl. M. Patrum tom. XIX. Ex quibus manifestum est, Graecos a Patrum sententia non descivisse, nec cum Latinis substantialem panis in corpus Christi mutationem statuisse. 1. Autores citati nusquam verbo *μετεμορφοῦν* transubstantiari utuntur, sed *μεταβάλλειν* transmutari. 2. Comparatio cum corpore Christi, unito Divinitati, qua Euthymius, et Zonaras, utuntur, idem evincit. Verba Euthymii haec sunt, cap. LXIV. de coena mystica: quemadmodum Dominus supernaturaliter adsumtam carnem Deificavit; ita et haec ineffabiliter transmutat in ipsum vivificum corpus suum, et in ipsum pretiosum sanguinem suum, et in gratiam ipsorum. Habent enim similitudinem quandam, panis ad corpus, vinum ad sanguinem. etc. Zonaras vero dicit, quemadmodum corpus mortuum per Divinitatem conservatum est, ne penitus corrumpatur, sed, ut resuscitetur, sic et panem non corrumpi, sed animae essentiae adscribi. 3. Nicolaus Methonensis disertè adserit, Christum panem fecisse corpus suum, *conjuncta cum eo Divinitate sua*. Negat quidem, panem adpellari debere *typum* corporis Christi, quia est ipsum corpus, sed ita, sicut caro est ipsius corpus per Divinitatis unionem, salva natura carnis. 4. Sic et ibid. apud Nicetam dicitur, *divinorum mysteriorum efficaciam perfici per Dei adorationem et invocationem, et gratiae coelestis descensum*. De baptismo Simeon Junior Theologus, presbyter, et Praepositus S. Martyris Mamantis ad Xilocerium CP., qui hujus censetur seculi, et cujus opuscula Latine prostant in Bibl. M. Patrum tom. XXII., bonae frugis, quoad pietatem, plena, dixit Orat. IV., Deum, ut regeneremur, ad nos venire, ut nos *primum aqua, Spiritu S. mixta, ac temperata, lavet, dein mundus ipse super mundatos regnet*. Denique quaestio inter Graecos, modo memorata, non fuit de ipso corpore Christi, num in eucharistia frangeretur, et corrumperetur, nec ne? Sed de elementis, num vere corrumperentur, an manerent incorruptibilia? Qui corruptionem defenderant, ad Christi corpus, in cruce fractum, pro-

F 2

vocarunt,

vocarunt, cui panem voluerunt adsociari, mediante Divinitate: sed alii ad Christi corpus resuscitatum et vivificum retulerunt. Quae inanis erat quaestio, facile componenda, ut fecit Zonaras, l. cit., statuendo, panem et corrumpi, et non corrumpi, quod utrumque verum erat ex eorum opinione. Corruptitur enim quatenus comeditur et frangitur, manet quoque incorruptibilis, quatenus comestus ad incorruptibilitatem censebatur procedere, et animae essentiae adscribebatur: ut Joh. Damasceni habuit opinio, a Zonara citata. Cum autem Zonaras illud ex ipso Christi corpore, et mortuo et resuscitato, illustret, manifestum est, non fuisse de ipso substantiali corpore Christi actum, sed de corpore Christi in pane eucharistico, eo, quo dixi, sensu, seu de pane, Christi corpori, per divinitatis unionem, adsociato. Vid. etiam verba Isidori Pelusiotaë apud Mich. Glycam epist. 84. apud Le Quien ad Damascenum l. cit. Nec, qui corruptibilitatem tenuerunt, adeo potuerunt ineptire, ut ipsum Christi corpus resuscitatum nunc vere frangi et corrumpi posse consuerint. Porro, qui panem cum corruptibili corpore Christi mortuo adsociari dicebant, illi, pane diviso, statuebant, *partes* corporis participari a communicantibus, hoc est, partes panis cum partibus corporis sociatas. Sed, qui Christi corpus resuscitatum intelligebant, illi totum illud in singulis partibus esse dicebant, non *substantialiter*, sed *virtualiter*, sicut unum sigillum totum se plurimis ceris inprimit, ita etiam unum Christi corpus multis panibus, tanquam *ἀντιθέσεις ἰσχυρίμων* virtutes suas inprimere ipsis: ut verba habent apud Nicetam. Fractionem itaque ad elementa tantum, non ad corpus Christi pertinere statuerunt, sive esse divisionem tantum τῶν αἰσθητῶν συμπεθεύοντων *sensibilium accidentium*, ut, licet minus commode, sese exprimit Samonas Gazensis, qui hoc vel superiore seculo floruit: cujus dialogus cum Saraceno quoque reperitur in Liturgiæ editione, modo laudata: nisi forte hic autor propius ad Latinorum adcesserit transubstantiationem. De quo

quo disputare nolim. Ceterum eandem, quam Graeci, tenuit inter Syro-Jacobitas opinionem Barfalibaeus. De quo postea suo loco.

§. XLI. Latinorum communis mansit opinio de substantiali panis et vini mutatione, et altiores indies egit radices, ita ut contraria pro haeresi jam fuerit habita: de quo postea. Censetur etiam hoc seculo ipsa monstrosa vox *transubstantiationis* nata. Usus utique ea est Stephanus Aeduen-
sis, vel Augustodunensis, Episcopus, sive ille, qui ab a. 1113. sedit, sive qui ab a. 1170. praefuit, autor libri de *sacramento altaris* in Bibl. Patrum, ubi c. 13. dicitur, *oblationem panis et vini transubstantiari in corpus et sanguinem Christi*. Sed vid. supra dicta in vita Petri Blaefensis. Catholicam fidem de eucharistia egregie et moderate exposuit Petrus, Cellensis primum, dein S. Remigii Rhemensis, Abbas, denique Episcopus Carnotensis, in *sermone VII. in coena Domini* in Bibl. M. Patr. tom. XXIII., ubi, inter alia, dicit, 1. verbis Christi, *hoc est corpus meum* etc. pronunciatis, *ex pane fieri corpus Christi, et ex vino cum aqua sanguinem*. Cetera omnia, addit, *quae ante vel post fiunt, et dicuntur, laudes sunt Christi, et orationes*, 2. *sacramentum adpellari visibilem speciem panis et vini, sed rem contentam et significatam carnem Christi, aut rem significatam et non contentam, unitatem Ecclesiae in praedestinatiis, vocatis et justificatis*. 3. *Modum manducandi esse duplicem, alterum sacramentalem, quo boni et mali manducant corpus Christi, sed boni ad salutem, mali ad damnationem; alterum spirituale, quo non nisi boni manducant, quod est, inquit, credere in Deum, et manere in Deo. per sanitatem vitae et unitatem fidei*. 4. *Quoad conversionem substantiae panis et vini in substantiam corporis et sanguinis Christi, certo certius esse credendum, licet panis et vinum post consecrationem videatur, nec panem nec vinum ibi esse, nisi forte panem Angelorum, quia dicitur, panem Angelorum manducavit homo*. 5. *Fractionem esse mysticam, in forma scilicet panis, et magis fide credendam, quam verbis discutiendam*, 6. *respectu*

quotidianae inmolationi. , utrum Christus inoletur substantialiter, an in mysterio? respondit, semel inmolatus est Christus morte passionis, cotidie memoria et recordatione ejusdem inmolationis, 7. eucharistiam ab eo esse sumendam, qui non est in peccatis gravioribus, vel in affectu peccandi, ad minus ter in anno, et melius per singulas Dominicas, aut cotidis. 8. Peccatorem sacerdotem aut haereticum, dum intus est, nomine conficere sacramenta, sed non visa, quia non in merito consecrans, sed in verbo efficitur Creatoris, et nihil a bono majus, nihil a malo minus, percipitur, haereticum vero, quia extra Ecclesiam est, non conficere. Subjungit denique, sufficiant haec fidei verae de sacramento corporis et sanguinis Domini, quia non est bonum mel multum comedere, ne satiatas evomas illud. Praeterea et ipse usus est ibid. ferm. VIII. in fin. voce transubstantiationis, sed singulare est, quod mox addat, in hac coena infirmitati nostrae consuluit Jesus, visibile sacramentum ostendendo, et fidem instruxit super his speciebus panis et vini virtutem deificando. Quod prope abest a Bertrami et Veterum sententia.

§. XLII. Utique non defuerunt, qui Bertrami, et antiquorum Patrum, vestigiis institerunt, absque ut iis hoc vitio fuerit versum. Inter quos eminet Rupertus Tuitiensis; de quo supra egi. Ipse Veterum de Inpanatione sententiam adeo clare exposuit, ut nemo melius. Divinam Christi naturam dicit corpus in unitatem personae adsumsisse, salva corporis natura; et sic plane panem et vinum, salva eorum substantia: praeterea panem esse non tantum corpus Christi, sicut est caro a Maria adsumta, sed idem corpus, quod a Maria erat, et cruci adfixum est, non per substantiae mutationem, sed vi divinae naturae, cum utroque unitae, et per adfociationem panis cum illo corpore, ita ut, quemadmodum Deus et homo una sunt in Christo persona, sic et corpus et panis unum in Christo corpus etc. Vid. lib. II. de officiis cap. 2, 9. in Exod. l. II. c. 10. in Johann. l. 6, 7. et alibi. Conf. etiam Alixius in praef. ad libellum Johannis Parisiensis, de modo existendi corporis Christi in S. coena.

coena. Mirari itaque subit, fuisse inter Catholico-Romanos, qui eum obtorto collo ad patrociniū Transubst. trahere voluerunt, ut Gabriel Gerbero, asceta Benedictinus, in apologia pro Ruperto, ipse etiam Natalis Alexander ad hoc sec. Candidiores sunt eorum alii, ut Bellarminus de scriptoribus Eccles., et de eucharistia l. III. c. 11, et 15.

§. XLIII. Eandem quoque sententiam fovit *Honorius*, Augustodunensis Presbyter, et scholasticus, qui claruit circa a. 1130., scripsitque, praeter librum de *Scriptoribus Ecclesiasticis*, et alia opuscula, dialogum de praedestinatione et libero arbitrio, ac *gemmam animae*, seu de officio *Missae*, ejusque caerimoniis. Quae opuscula partim exstant in Bibl. Patr., partim in *anecdosis* Pezii. Est quoque ejus tractatus de *cognitione verae vitae*, in adpendice Oper. Augustini tom. VI. Hic autor in libro de officio *Missae* saepe quidem dicit, panem in carnem converti, et vinum in sanguinem transire, idque omnipotente Dei jussu, sed sacramentum, quod ore percipitur in alimentum corporis redigi, virtutem autem sacramenti esse, qua interior homo satiatur, et vita aeterna confertur. Sic et mysterium vocari, ubi aliud videtur, aliud intelligitur, speciem panis et vini cerni, corpus Christi et sanguinem credi. Quod in Bertrami opinionem exacte quadrat. Trahi etiam eo posset, quod Odo, Cameracensis Episcopus in initio seculi, in sacri canonis expositione, in Bibl. M. Patrum vol. XXI. disputat, ubi haec occurrunt notabilia verba. *Haec autem hostia*, opposita ad carnales V. T. victimas, *pura est*, quia, *quamvis caro vera sit et sanguis, tamen spiritualis est et incorrupta, dividitur et consumi non potest: consumitur et incorrupta manet, teritur et est illaesa, frangitur et integra est. Haec hostia caro est, non carnalis, sed incontaminata lux, et ideo pura: corpus est et non corporalis, sed spirituale lumen, et ideo pura pura mundans, pura purificans, pura quia divina, purior luce corporea, etc.* Sed possunt etiam haec ad Christi corpus incorruptibile et immortale, quale glorificatum est post resurrectionem et

adscensum in coelum, transferri, adeo ut corpus Christi rituale, et non carnale, ex Maria natum, in pane et adesse statuerit. Quam singularem opinionem manifestavit Algerus, Scholasticus Leodiensis, et postea Monachus Cluniacensis, qui circa a 1130. floruit, in libro de *sacramento corporis et sanguinis Domini*, in Bibl. M. Patrum XXI. lib. I. cap. 9., ubi tradit, Christum ante passionem licet corpus habuerit naturae passionibus obnoxium, tamen disse tamen Apostolis in sacra coena incorruptibile et mortale suum corpus, *sicut datur nobis hodie*. Quod ab omnipotentia ejus etiam repetit. Vid. etiam Ivo Carnotensis episcopus. 287. Quae et eo nomine notabilis est, quod dicitur *nos sic immolatum Christum manducare et bibere, ut integrum eum ad dextram Patris manere credamus: et cum semel distinctione membrorum suorum, in manifestatione corporis se obtulerit hostiam viventem, passibilem, et mortalem, coenam tamen sub velamento panis et vini a sancta Ecclesia innuitur, et non in partes scissum, neque cruentum corpus ejus, solum ore percipitur*. etc. Ceterum Berengarii sententiam nuntiavit Folmarus, Praepositus Trieffensteinii, seu petrae lantis in Franconia, sed postea revocavit. Exstant epistolae in Bibl. Patrum. Tradit quoque Ivo Carnotensis episcopus. 262., suo adhuc tempore multos infirmos, ut eos pellat, scandalizari, *quomodo sub specie elementorum sum corpus et sanguis Christi, cum sensus humani nihil aliud nuncient, nisi colorem et saporem panis et vini*. Denique Scholasticorum dubitationes, variasque opiniones, de modo conversionis panis et vini in corpus et sanguinem Christi habuit aliquas Petrus Alixius in praef. ad libellum Fr. Hannis *de modo existendi corporis* etc. Agitata quoque fuit quaestio de *accidentibus* panis et vini, ubi sint, cui inhaereant subjecto, post substantiam eorum deletam et in corpus ac sanguinem commutatam. Petro Abaelardo fuit a Gulielmo, Abbate S. Theodorici, imputatum, accidentia illa esse in aëre circumstante; ipse autem Gulielmus

natus est, ea in ipso corpore et sanguine Christi superesse, ita ut, quae antea fuerunt panis et vini, nunc sint ipsius corporis et sanguinis accidentia. Vid. disputat. ejus cap. 9. Denique Tomas Aquinas postea utramque hanc opinionem refutavit, p. III. quaest. 77., et statuit, accidentia ea in nullo esse subiecto. Quae sententia postea invaluit.

CULTUS.

§. XLIV. Adscendit superstitio circa sanctorum et reliquiarum cultum, et observantiam, hoc seculo summum fere culmen, canonizationes quoque nullum tenuerunt modum. 1. Valde superstitiosa sunt, quae de Maria habet Bernardus serm. II. de *adventu Domini* Oper. p. 729., et Petrus Abbas Cellensis, in *sermonibus* in Annunciatione Dominica, et l. VI. ep. 23., Guibertus Abbas Novigentinus in lib. de *laudibus Mariae*, qui etiam cap. X. multa sui aevi miracula per ipsam patrata refert, et in apostrophe ad ipsam, ac rythmo, valde superstitiosus est, ut et Goffridus Vindocinensis Abbas serm. 8. Oper. Sirmondi tom. III., qui, inter alia, dicere non fuit veritus, Mariam suis precibus impetrare quicquid oraverit, potuisse quoque, si vellet, totum mundum salvare; imo, non orare simpliciter, sed *quodam matris imperio jubere posse*: rursus, ipsam post Deum supra omnes creaturas obtinere principatum. Profert etiam exemplum, superstitionis plenissimum, quod apud Ipsum legi malim. Arnoldus Carnotensis, Abbas Bonaevallis, Bernardi familiaris, inter alia opuscula, ut *de ultimis verbis Domini in cruce*, *de operibus Christi*, inter opera Cypriani etc., scripsit de *laudibus Mariae* in Bibl. M. Patrum tom. XXII., ubi incipit, *si linguis hominum loquar et Angelorum, nihil proprie de sanctae ac perpetuae virginis, matris Christi Mariae, gloria eloqui possem*. Dein paulo post dicit, Mariam ad tantum beatitatis cumulum pervenisse, ut cum Christo communem in salute mundi effectum obtineat, et a dextris ejus
Tom. VI. G regnans

regnans in coelestibus, circumamicta varietatibus, in deaurato vestitu assistat. Denique, ne plura proferam, adserit in fine tractatus, illam in coelum esse adsumtam, sed *utrum in corpore, an sine corpore*, dicit, nullius canonicae scripturae definivisse auctoritatem, attamen hoc certum esse, quod *ibi est, ubi tam ipsa, quam Filius, vultui Dei assistunt, pro nobis misericordiam postulantes, non iudicium, et obtinentes omni poenitenti remissionem peccatorum.* Anno 1129. plaga ignis divini Carnotum, Parisios, Sueffionem, Cameracum, Atrebatum, et alia multa loca, mirabiliter pervadens, per sanctam Dei Genitricem Mariam mirabiliter exuncta est, hominibus ea lue laborantibus per eam sanatis, ut pluribus prolatis exemplis enarravit Anselmus Gemblacensis in Chron., inter scriptores German. Struvii tom. I. Bruxellis in Templo S. Nicolai a. 1152. innumera meritis Mariae patrata narrantur *miracula* in auctario Affigemenfi inter script. German. Struvii tom. I. Johannes Comnenus curram Imperatorium in festo aliquo triumphali non ipse conscendit, sed *Dei genitricis imaginem* in eo collocavit, cui victorias, *αἱ εὐκαταγίνεσθαι ἀπὸ τῆς collegae imperii invictae acceptas ferebat*, ut inquit Nicetas Choniat. in Johanne Comneno cap. 5. Quod ante ipsum quoque fecerat Joh. Zimitzes, devictis Bulgaris, ut Ducangius ad Cinnamum notavit. Isaacius quoque Angelus *Dei genitricem* tanta veneratione coluit, inquit idem Historicus in Ipso l. III. c. 7., *ut ad ejus imagines animo pene linqueretur*, plurimasque imagines in fanis auro, et gemmis ornatas, adorandi causa dedicaverit. 2. In sanctis magnificis ornandis elogiis, invocandis, eorumque intercessionibus fidento, omnes fere transierunt limites: sicut et in reliquiis conquirendis, transportandis, honorandis, visitandis. Exemplum qui velit, adeat Baronium, et affatim inveniet. Reliquiarum inmensus exstat catalogus in brevi narratione monasterii Windbergensis in Bavaria apud Canisium Antiq. Lect. tom. III. p. II. De portione sanguinis Christi ab Oriente adlata, ut et de sanguine Dominico seculo superiore

reperito

reperito apud Mantuam, vid. Hermannus Contractus ad a. 1048. *Tunica* quoque vel *cappa inconsutilis* Christi, quam mater ipsi adhuc puero fecit, in monasterio pagi Pariensis revelatione Divina narratur reperta, referente Roberto de Monte in adpendice Sigeberti ad a. 1157., et Matthaeo Parisiensi a. 1156. Trium *Magorum* corpora, antea Mediolanum, nunc Coloniam, adhuc integra, sunt transportata. Vid. adpendix Mariani Scoti, et J. Aventinus Annal. Boj. l. VI. Factum illud est jussu Frederici Barbarossae, a quo illud precibus inpetravit Rainoldus Archiepiscopus Coloniensis, ut etiam refertur in *fasciculo temporum Rolewincki aetat. VI.*, et in Chronico Magno Belgico a. 1159—ubi additur, *ab illo tempore coepisse Coloniam magis proficere in fama et gloria, ita ut usque hodie sanctorum Regum odore attracti et illecti, ex insulis maris, et diversis regionibus fideles illuc confluere non desinant.* Quanto autem populi confluxu, et adparatu, simul devotione, celebratae fuerint ejusmodi translationes, etiam de uno in alterum Templum, luculenter constat ex historia translationis corporis S. Geminiani, Mutinensium Episcopi, et patroni, ante septem vel octo secula defuncti, dedicationisque altaris illius, a. 1106., auctoris anonymi, sed coaevi, qui praesens adfuit, edita a Muratorio inter *rerum Italicarum Scriptores*, tom. VI. Vid. etiam Chron. Cassinens. l. IV. c. 73. de *brachio Matthaei Evangelistae*, Benevento in Monasterium Cassinense translato; ubi etiam traditur, Monachos illos *terrae prostratos sanctum Evangelistam adorasse, surgentesque cum maxima reverentia deosculasse, et cum hymnis et laudibus in monasterium introduxisse.* etc. Michael quoque Comnenus *lapidem sacrum*, qui jam pridem *Ephefi fuerat*, Byzantium magnifice et magna cum pompa transtulit; ut inquit Cinnamus Hist. l. VI. c. 8., qui *lapidem* fuisse refert, in quo mater Christi ejus corpus de cruce sumtum deposuit supinum, et in quem et ipsa procumbens acerbè ploravit, ita ut lacrymae ejus, in lapidem decidentes, in hunc usque diem, inquit, *manferint*

indelebiles. Addit, Mariam Magdalenam lapidem Romam voluisse deportare, ad Pilatum et Judaeos coram Tiberio accusandos, sed forte quadam Ephesum delatam ibi eum reliquisse. Alia mitto, ex Baronio repetenda. 3. Moris maxime etiam fuit, dogmata vel opiniones confirmare miraculis, quibus certarunt pro purgatorio, transubstantiatione, reliquiarum cultu, et similibus. Vid. Hottinger. hist. Eccles. hujus seculi. Clericus aliquis, ut illud unum satis singulare adducam, Lauduni, cum Judaeo de Jesu Christo disputans, nec *ventositati ejus resistere valens, in nomine, inquit, Jesu Domini titionem flammantem ea parte, qua ardet, adprehendam nuda manu, et extra ostium domus efferam.* Quo facto, consentiente Judaeo, illaesa manu, miratus quidem est Judaeus, sed *ad fidem miraculo non pulsatus.* Ita narrat Guibertus in tractatu contra Judaeos in fin, ex relatione aliqujus Judaei, ibi praesentis, dicitque, istud omni *conflictatione verborum* fuisse potentius aestimatum. Singulare quoque est ostentum, quod in pane eucharistico prope Erfurdiam in partibus Turingiae adparuit, fuisse ab Arnolde Lubecense Chron. Slavorum lib. IV. c. 14. narratum, et ibi legendum. Quod de credulo et superstitioso seculi genio testatur. Narrat quoque cap. 25., Judaeum, cum ex imagine Christi cerea, a Judaeis crucifixa, ut singulis annis facere solebant, *sanguinem et aquam exivisse* vidisset, fuisse ad Christianismum conversum. Denique Bernardum Claraev. miraculosis sanationibus fuisse celebrem in convertendis Henricianis, narrat Gofred. in ejus vita l. III., ubi inter alia refert, ipsum panibus, quos fideles ipsi obtulerant, *elevata manu, et signo crucis edito, in Dei nomine benedixisse, his additis verbis, in hoc sciatis vera esse, quae a nobis, falsa, quae ab haereticis suadentur, si infirmi vestri, gustatis panibus istis, adepti fuerint sanitatem* etc. Miraculosam sanationem Alexii Comneni per *sacro sanctum velum, ante imaginem Christi*, in chalce CPoli erectam, expansum, corpori ejus adplicitum memorat Zonaras l. XVIII: 25. *Interea,*

terea, *supra homines hujus temporis esse patrare miraculum*, inquit Petrus Cellensis Abbas l. I. ep. 8. Mitto etiam visiones, hoc seculo frequentissimas, uti Elisabethae et Hildegardis, quarum supra memini. Mirabilem quoque visionem Monachi alicujus de Evesham, de poenis infernalibus et purgatoriis, deque beatorum felicitate, fusius enarrat Matth. Paris. hist. Angl. a. 1196. p. 153., autor credulus, et superstitiosus nimis, visionum et miraculorum sedulus narrator. 4. Canonizationes adeo fuerunt vulgatae, ut Papae eas sibi coeperint reservare, ut in Alexandro III. videbimus: qui sanctorum numerum valde auxit, Toma Cantuariensi, Bernardo Claraevallensi, aliisque, canonizatis. Sed Carlus M. illum honorem nactus est ab Antipapa Paschali, et ita ejus cultus tacite irrepsit: cujus officium exstat in Antiq. Lect. Canisii tom. III. p. II.

§. XLV. De *partibus* cultus brevi defungar; cum seculum parum suppeditet. *Baptismus* per immersionem quomodo administratus fuerit, egregie discitur ex vita Ottonis, Pomeranorum Apostoli, apud Canisium in Ant. Lect. tom. III. p. II., unde etiam alia peti possunt de septem sacramentis, eorumque natura, et efficacia. Quod vero ad *Eucharistiam* adtinet 1. Loco panis et vini fuerunt a fidelibus oblatis *denarii* in quibusvis missis. Vid. Honorius Augustodun. in *gemma animae* l. I. Quod antea jam sec. IX. in missis privatis tantum locum habuit. 2. *Fractio* panis, quae seculo praecedente, testibus Humberto et Lanfranco, adhuc obtinuit, videtur hoc seculo in desuetudinem venisse, minutissimis illis oblatis azymis introductis, ne mica corporis Christi periret. Vid. Dallaeus de Cult. Latin. l. III. c. 25. 3. *Adoratio* panis consecrati jam quoque invaluit. De qua praeceptum exstat in Odonis Parisiensis *Constitutionibus Episcopalibus* a. 1199., in haec verba, *frequenter monentur laici, ut, ubicunque viderint deferri corpus Domini, statim genua flectant, tanquam Domino et creatori suo, et, junctis manibus, quoad transferit, orent.* Quae adoratio non est

in sola transubstantione fundata, sed et in unione divinae naturae cum elementis, adeo ut, salva panis et vini substantia, etiam superstitiose admitti potuerit. Denique 4. in Synodo Eboracensi ab Hugone Cantuariensi Archiepiscopo, et Legato Papae, celebrata, a. 1191., sancitum est, *ut hostia in pyxide munda reservetur, et singulis Dominicis renovetur*, quoties vero communio infirmis esset exhibenda, ut sacerdos *in clericali habitu hostiam deferat, lumine praecedente*. Vid. Roger. de Hoveden in Richardo I. 5. In genere notetur, sacramenta, proprie dicta, a Petro Lombardo ad septenarium numerum redacta, hoc seculo ab Eugenio Papa fuisse sancita, et catalogo articulorum fidei inserta, ut ex *instructionibus* ejus, Armenis datis, liquet.

REGIMEN ET DISCIPLINA.

§. XLVI. Urbano successit *Paschalis II.*, antea Rainerius, seu Ragingerius, Cardinalis Presbyter, a. 1099., Gregorii VII. discipulus et sectator, ac haeresios Hildebrandinae strenuus defensor et promotor, qui nomen suum haud una ratione reddidit celeberrimum et formidabile. Refertur Pontificatum suscepisse invitatus, nec nisi postquam adclamatum esset, *Paschalem Papam S. Petrus elegit*; ut Pandolphus Pisanus, autor vitae ejus, a Baronio sub *anonymi* nomine citatus, ut Pagi ad a. 1100. probat, (Petrum Pisanum autorem vitae fuisse censet Papebrochius in *conatu* Hist. Chron., ubi etiam ex Mss. reperitur,) refert: qui etiam addit, electionem ejus jam ante fuisse Alberto, Aletrino Episcopo, divinitus revelatam. Electus in Basilicam Lateranensem deductus est, *chlamyde coccinea indutus*, cum *thiara* in capite, ibique inthronizatus, et sequente die consecratus in Basilica Vaticana, ac coronatus ad Patriarchium Lateranense solenniter ductus. Singulare est, eum, inter alias inthronizationis caerimonias, fuisse *baltheo* succinctum, cum septem ab eo pendentibus *clavibus*, et totidem *sigillis*, ex quo sciat, inquit

inquit autor citatus, *se secundum septiformem Spiritus S. gratiam Ecclesiarum regimini, in claudendo aperiendoque, provide-
re debere.* Supererat adhuc Guibertus, seu Clemens III.,
Antipapa, contra quem, ejusque adfectorum, conscripsit, adju-
vante Rogerio, Siciliae Duce, exercitum, sed ille, utra-
que sede, Romana et Ravennatense, extorris, brevi est
defunctus a. 1100. Duo quoque reliqui Antipapae, alter
post alterum, in ejus locum electi, mox capti sunt, et in
monasterium detrusi a. 1101. Quam eandem subiit sortem
tertius Antipapa, dictus Sylvester IV., a. 1102. electus,
et mox ejectus.

§. XLVII. Paschalis, hac ratione solus sedem tenens,
dominium suum per omnes fere exercuit Ecclesias, quaque-
versum missis *Legatis de latere.* Ademaro Podiensi, Legato
in Oriente, mortuo, eo direxit Theobertum, vel Daiber-
tum, Episcopum Pisanum, qui mox, a. 1099., Patriarcha
electus Hierosolymitanus, concilium habuit Hierosolymita-
num, in quo Buillonius, Hierosolymae Rex, regni investi-
turam, quod notari meretur, accepit a Patriarcha. In
Galliam vero misit legatos Johannem et Benedictum Cardi-
nales, qui a. 1100. in concilio Pictaviensi excommunica-
verunt Philippum, Galliarum Regem, quia Bertradae
commercio renunciare nolebat: ut tradit Ivo Carnotensis
ep. 212. et Chronicon Malleacense: sed quod concilium
per Wilhelmum Aquitaniae Ducem, et Pictaviae Comitem,
fuit disturbatum, ut, praeter alios, refert Hugo Flaviniacensis
in Chronico. Postea, cum Philippus, Bertha mor-
tua a. 1094., dispensationem pro matrimonio cum Bertra-
da frustra petiisset, ut contra Blondellum probat Pagi; tan-
dem cedere coactus, commercio cum Bertrada nuncium
mittere sub juramento debuit, ut absolveretur: sicut fac-
tum est in Synodo Parisiensi a. 1104. per Lambertum,
Episcopum Atrebatensem, cui Papa vices suas commiserat,
Vid. Epist. Paschalis apud Dacherium in spicilegio.

§. XLVIII. Longe gravior fuit ejus cum duobus Henri-
sis,

cis, IV. et Vro, Patre et Filio, concertatis. Erga Henricum IV. seculi indignissime, et inhumaniter, gessit. Concilio generali habito Romae a. 1102., ad causam Henrici pertractandam, cum Rex contra promissum non compareret, novum insuper Papam contra Paschalem conaretur introducere, sententiam excommunicationis ejus confirmavit, vel renovavit. Relatum insuper in eo concilio est schisma Henricianum inter praecipuas haereses, et Catholicae fidei professio, de sedi Apostolicae ab omnibus praestanda obedientia, edita est in hunc tenorem: *anathematizo omnem haeresin, et praecipue eam, quae praesentis Ecclesiae statum perturbat, quae docet et adstruit, anathema contemnendum, et Ecclesiae ligamenta spernenda esse. Promitto autem obedientiam Apostolicae sedis Pontifici Domino Paschali, ejusque successoribus, sub testimonio Christi et Ecclesiae adfirmans quod adfirmat, damnans quod damnat, S. et universalis Ecclesia.* Ad quam fidei professionem, juramento faciendam, adstricti fuerunt omnes Episcopi, Archiepiscopi, et quos vellet Papa. Vid. Abbas Urspergensis, Dodechinus in adpendice ad Mariani Scoti Chronicon. a. 1099., et Paschalis epistola ad Archiepiscopum Coloniensem, in qua etiam formulam, a Gregorio VII. praescriptam, vindicat, in qua clausula de *procuracionibus Legatorum* Papae reperitur, qua Episcopi et Archiepiscopi, se sumtus Legatorum laturus esse, promittebant. Qua occasione Legati saepe spoliaverunt Ecclesias, et bona corraferunt, Vid. Baluzius in supplem. lib. V. Petri de Marca de *concordia sacerdotii et imperii* cap. 48. Sed Hungaris displicuit modo memoratum juramentum, tanquam Christi praeecepto de non jurando, etiam canonibus Ecclesiae, adversum; ad quod posterius, quod notari meretur, respondet Paschalis epist. citata, *nulla concilia legem praescribere Ecclesiae Romanae*, cum per eam robur accipiant concilia, et in earum *statutis Romana autoritas excipiat*. Henricum dein V. a juramento fidelitatis, Patri facto, absolvit, postquam omnem ejus haeresin abjurasset, et Apostolicae sedi promississet obe-

obedientiam, eumque excitavit ad arma contra Patrem sumenda. Exercitibus Patris et Filii, singulari et stupendo exemplo, sibi ad Ratisbonam occurrentibus, Filius quidem sese Patri submitit, et in gratiam ab ipso admissus est, sed, cum Pater Moguntiam properaret, ut cum Filio coram Principibus in gratiam rediret, a. 1106., est in munitissimum castellum fraudulenter a Filio deductus, tanquam captivus tractatus, absolutione a Legatis Papae frustra petita, inperii insignia, crucem, lanceam, sceptrum, globum, atque coronam, coactus deponere, Filio in ejus locum electo rege. Secessit privatus in locum sibi adsignatum, unde fuga dilapsus Leodium venit, ubi exspiravit, et more regio est sepultus. Sed postea corpus, jussu Papae, qui omnia illa acta adprobaverat, quam injusta etiam, sepulcro ejectum, mansit inhumatum per quinquennium, secundum hanc regulam Ecclesiasticam, *quibus vivis Ecclesia non communicat, illis etiam nec mortuis communicare potest*; donec Filius, Papa humanior, Patrem regio more sepeliverit Spirae. Ceterum praeivit ipsis in Henrico exhumando ipse Papa, qui a. 1105. Clementis Antipapae ossa, Ravennae sepulta, extrahi, et in fluentia projici, curavit, teste Abbate Urspergenſe ad a. 1106. Cum vero Leodienses Patri patrocinarentur, et propterea male tractarentur, acerbissimam contra Papam scripserunt epistolam, qua reprehenditur, inter alia, quod, novo exemplo, Hildebrandum secutus, gladio in peccantes utatur, imo sedes Papalis dicitur Babylon et Antichristiana. Papa enim Robertum, Flandriae comitem, a bello sacro reducem, in eos concitaverat, jusserratque, ut Henrici fautores persequatur, addere non veritus hoc Antichristianum, *nullum gratius Deo offerri posse sacrificium*.

§. XLIX. Quibus peractis, ipse Henricus V. iisdem motibus, et eandem etiam ob *investiturarum* causam, fuit implicatus. Famoso decreto in concilio Guastallense ad Padum in Longobardia, a. 1106. jussu Papae coacto, cui Legati

Tom. VI.

H

Hen.

Henrici, jus regni petentes, eaque ratione subjectionem sedi Romanae exhibentes, interfuerunt, ut refert Domnizo in *vita Mathildis*, condito contra investituras laicas, quo omnimodo prohibentur sub excommunicationis poena: Papa iter in Germaniam, ut Ecclesiae statum ordinaret, meditabatur, sed, intellecto, Germanis illud decretum valde displicere, iter in Gallias, ad Philippum et Ludovicum Reges, sibi faventes, deflexit, ut eorum opem contra Henricum inploraret. Vid., praeter Abbatem Urspergen. Sugerius in *vita Ludovici Grossi*. Habitu tunc est a. 1107. colloquium Catalaunense cum Legatis Henrici, quo Legati jus regni defenderunt, secundum quod in omni electione requiratur adensus Imperatoris, et ut electus annulo, et virga, ab eo investitur, ita fuisse antiquitus, id postulare jus feudale. Cum autem Papa, *Ecclesiam Christi sanguine redemptam, et liberam constitutam*, negaret in servitutem esse redigendam, Legati regefferunt, *querelam illam esse Romae gladio dirimendam*; teste eodem Sugerio. Quae eodem anno in concilio Trecensi sunt renovata, in quo Papa cum Concilio prohibuit investituras, Legati vero contradixerunt, tantum inducias, usque ad generale concilium Romae habendum, concedentes. Vid. Abbas Urspergensis. Interea Papa, Romam tendens, idem contra Investituras Laicas decretum confirmavit in Synodo Beneventana a. 1108., ut Petrus Diaconus in Chronico Cassinense l. IV. c. 35. tradit, et Romana a. 1110., teste Chronico S. Vivi Senonensis. Quo rerum statu Henricus cum numero exercitu Romam tendens, ut decessorum suorum dignitates, et jura, simul Imperii coronam, armata manu postulare, praemisit nuncios de pace tractaturos, quibuscum Papa per Legatos egit, ut iram Imperatoris praeverteret. Convenit quoque inter eos, ut Imperator male usurpatum jus Ecclesiasticum dimitteret, possessiones Ecclesiae relinqueret intactas, et investituris renunciaret, Papa vero regalia dimitteret Imperatori, faceretque, ut nec Ipse, nec Episcopi, sese regni iuribus

ribus inmitterent, feuda Imperii redderent, nec civitates, Ducatus, Comitatus, monetas, vectigalia, mercata etc. invaderent. Vid. Petrus Diaconus in Chronico Cassinense. His conditionibus acceptis, et utrinque juramento firmatis, cum hac tamen exceptione, ab Imperatore addita, si Episcopi et Proceres Germaniae eas ratas haberent, Henricus Romam a. 1111. intravit, et solenni more magnifice est exceptus, ac Imperator designatus. Quae caerimoniae prostant in *ordine Romano* apud Mabillon. *Musaeo Italico* tom. II., et in actis Vaticanis apud Baronium, nec non in libro Pontificali, apud Spondanum in notis ad Baronii epitomen, a. 774. Cum autem Papa conditiones ab Imperatore adimplendas expeteret, antequam coronaretur, Episcopi vero, quos secum duxerat Henricus, regalibus recusarent nuncium mittere, nec Henricus ab Investituris abstinere tunc vellet, Pontifex denique Regem coronare renueret: scena mox mutata est, et intestinum quoddam exortum bellum. Henricus enim mox manus in Papam, Cardinales, et Episcopos Papae iniecit, eosque sub militari retinuit custodia, imo plebem, aliosque honoratiores, qui cum floribus et palmis ei obviam processerant, spoliari et caedi iussit. Romani, quasi in furorem acti, Germanos, quotquot in urbe offendebant, trucidarunt, dein cum exercitu Henrici extra urbem pugna inita, in qua ipse Henricus est vulneratus, ab urbe abscedere coegerunt. Quae omnia ex Chronico Cassinense, Leone Ostiense, Sugerio in vita Ludovici, aliisque, constant. Cum vero Papam per 56 dies in custodia detinisset, urbemque infestaret Henricus, Papa, ut sibi, suisque, et urbi, consulere, schisma quoque vitaret, in vota Imperatoris concessit, juramento pollicitus, se eum in jure Investiturarum nunquam esse turbaturum, nec ob vim illatam excommunicaturum. Quid? quod privilegium Investiturarum, manu sua subscriptum, et annulo Pontificio obsignatum, tradiderit Henrico. Exstat apud Malmesburiensem de *gestis Regum Anglorum* lib. V. Vid. etiam Dode,

chinus in adpendice ad Mariani Scoti Chronicon a. 1110., et Sigebertus in Chron. a. 1111., ubi, quomodo inter Papam et Regem convenerit, ex ipsius Regis epistola enarratur. Quibus peractis Imperatorem coronavit, et in missae celebratione, unam hostiae partem tenens, altera Henrico tradita, dixit: *sicut pars ista vivifici corporis divisa est; ita divisus sit a regno Christi, qui pactum illud rumpere, aut violare, tentaverit*: teste Petro Diacono in Chronico Cassinense l. IV. c. 40. Vid. etiam Sugerius l. cit., et Sigebertus in Chronico, ac Otto Frisingensis.

§. L. Hoc singulari foedere pacto, Ecclesiae vehementer sunt commotae, cum Praefules, qui ab Henrici partibus non stabant, factum Papae communiter inprobaverint, sed alii inmoderatus, alii modestius. Priores Investituram Laicam declararunt haeresin, et Papam oblique haeresios accusarunt, egisse quoque Papam dixerunt contra Canones, et libertatem Ecclesiae prodidisse; adeoque eum rescindere debere decretum, vel se ab ejus communione esse discessuros. Ita instituerunt Clerici Romani, in unum coacti, Papa absente, sub Johanne Cardinali Episcopo Tusculano, etiam Bruno, Segninus Episcopus, aliis Episcopis et Cardinalibus junctus, Conon quoque Cardinalis, Episcopus Praenestinus, Papae Legatus in Oriente, qui, Hierosolymae coacta Synodo, Henricum propterea excommunicavit, quam ipsam sententiam variis aliis in conciliis, in Graecia, Hungaria, Saxonia, Lotharingia, et Francia, confirmari curavit, ut ex actis Synodi Lateranensis a. 1116. constat apud Abbatem Urspergensem. Idem fecerunt Guido, Viennensis Episcopus, Hugo Gratianopolitanus, Godefridus Ambianensis, et alii, congregata Synodo Viennensi; qui decretum Papae resciderunt, investituras laicas, tanquam haeresin, condemnarunt, et Henricum excommunicarunt. Eodem denique pede inceserunt Johannes Lugdunensis in epistola ad Daimbertum Senonensem, inter epistolas Ivonis 227; et Goffridus Vindocinensis Abbas in epistola ad Papam, et in

in aliis opusculis. Sed longe moderatius tulit iudicium de Papae facinore Ivo Carnotensis, qui sententiam de investituris laicis tantum pronunciavit schismaticam, Papam voluit amice esse admonendum, et factum, tanquam ei extortum, excusandum, quod si emendare recuset, eum propterea non esse iudicandum censuit, quia superior inferioris non subest iudicio: addit denique, tale privilegium potuisse a Papa concedi Imperatori per oeconomiam, aut dispensationem, ut gravius vitetur malum. Vid. Ivonis epistolae 233, et 236. Ipsi adfurrexerunt Senonensis Provinciae Episcopi, teste Synodica eorum epistola ab Ivone conscripta, quae est 236. In alterum porro extremum abierunt, quotquot Henrici partes tuebantur, quorum aliqui etiam tenebant, Henricum *pariter Regem et Sacerdotem summum esse*, ejusque etiam esse juris, *ut Praefules faciat et deponat*. Vid. Laurentius de Leodio in historia Episcoporum Virdunensium, in Spicilegio Dacheriano.

§. LI. Hos motus, ad schisma spectantes, ut compesceret Papa, simul communia vota, quibus illud decretum voluerunt rescissum, ad animum revocaret, coacta Synodo Lateranensi a. 1112., fidei non tantum edidit professionem, qua sese Gregorii VII. et Urbani II. decreta confessus est adsumere, sed et se prave egisse agnovit, imo insignia deposuit Papalia, sese Synodo subiecit, petens, ut factum corrigeretur. Quo facto, Synodus privilegium a Papa concessum cassavit, absque tamen ut Henricum propter Investituras excommunicaverit, ut scilicet factum tectum maneret juramentum Papae: ut tradit autor anonymus Pontificum et Comitum Engolismensium in Biblioth. Labbeana tom. III. Constant vero quae protuli ex Malmesburien-
se, Abbate Urspergen-
se, Petro Diacono, et Sugerio, locis supra citatis. Renovavit denique hoc et confirmavit ipse Papa in altera Synodo Lateranense a. 1116., Gregorii VII. decreto contra Investituras, non tantum renovato, sed et omne illud, quod Conon Praenestinus et Guido Viennensis

in ea causa egerant, corroborando: ut ex actis Synodi patet, apud Abbatem Urspergensem. Quibus omnibus irritatus Imperator Romam cum exercitu repetiit, ut se coronari faceret. Cum vero Papa absente, qui Beneventum aufererat, id fieri posse negaret Ecclesia Romana, Henricus praestari fecit a Mauricio, alias Burdino, Bracarensi Archiepiscopo, qui titulo Legati missus a Papa erat ad Henricum pacis faciendae ergo, sed qui nunc a Papa defecebat. Vid. Pandulphus in vita Paschalis, et conferatur Baluzius in vita Burdini, Miscellan. tom. III. Quo audito, Burdinum anathemate percussit Paschalis in Synodo Beneventana a. 1117.; ut ex litteris Gelasii II. patet.

§. LII. Defendit porro Ecclesiae jura, ut loquuntur, contra Wilhelmum II. et Henricum I., Angliae Reges, opem ipsi ferente Anselmo Cantuariense, inter quem et Regem acerrimae quoque de iisdem Investituris viguerunt contentiones. Legatum Papae in Angliam a. 1100. missum repudiaverunt Angli, tanquam quid inauditum inter se, dicentes, neminem, praeter Cantuariæ Archiepiscopum, vices Apostolicas apud se gerere posse: ut refert Eadmerus *Novorum* lib. III. Ablegato dein Anselmo cum Regis Legato Romam, ut contentioni finis inponeretur, nihil aliud effectum est a. 1103., quam ut Papa, investituris Regi absolute interdictis, nonnullos usus paternos ipsi concesserit, et excommunicationem Regis ad tempus suspenderit, eodem Eadmero teste. Tandem inter eos convenit per Legatos, ut Rex homagia de electis Episcopis acciperet, sed nullum per baculum et annulum investiret, ut habet Malmesbur. de *gestis Pontificum* Anglorum l. II., quando Rex Anselmo reliquit investituras, a. 1106., ut refert Eadmarus l. cit. l. IV. Ceterum ex hac Paschalis historia colligere licet, infallibilitatem quidem nec Papas sibi adrogasse, aut praestitisse, nec iis ab Episcopis fuisse datam, attamen Papalem auctoritatem strenue fuisse ab iis vindicatam, et promotam. Quo etiam verba Paschalis ad Henricum, apud
Got-

Gotfridum Viterbientem in Chron. part. XVII., in quibus desino, pertinent.

Sic regnare damus, quod Petro subjiciaris.

Fus etiam nobis Christus utrumque parit.

Spiritus et corpus mihi sunt subjecta potenter.

Corpore terrena teneo, coelestia mente.

Unde tenendo Polum, solvo ligoque solum etc.

§. LIII. Paschali, postquam annos 18 sedem tenuisset, defuncto, Ecclesia Romana per schisma Papale valde turbata est et vexata. Electus quidem legitimis suffragiis est *Gelasius II.*, ex Cardinale Diacono et Cancellario Pontifex a. 1118, sed, antequam consecrari potuit, a Centio Frangipane, et dein Henrico V., qui noctu intraverat Romam, dire tractatus, et fugere coactus, est: quando Mauricius ille Burdinus sub nomine *Gregorii VIII.* in throno est per Imperatorem collocatus. *Gelasius* vero, sese in Gallias confrens ad Ludovicum Grossum, in itinere consecratus est Cajetae, unde ortus erat, dein Capuae celebravit concilium, in quo Gregorius cum Henrico est excommunicatus, teste Urspergense in Chronico, tandem Cluniacum adpulsus ibi mortuus est, cum sedisset unum annum. Vitam ejus scripsit Pandulphus, familiaris ejus, apud Papebrochium in *conatu Chronico-historico* part. II. Gregorius autem per triennium sedit, excommunicatus licet a *Gelasio*, et dein a *Callisto*, ejus successore, donec a *Callisto*, Romam veniente, fuerit fugatus, et cum Sutrium, haud procul Roma, venisset ab Imperatore derelictus, a *Callisto*, exercitu coacto, et urbe obsessa, captus, indignissime tractatus, et in monasterium detrusus sit a. 1111. Fuit autem Burdinus vir insignis, et inmerito a Pontificiae sectae viris laceratus est: de quo vid. Baluzius in ejus vita.

§. LIV. *Callistus II.*, antea Guido Archiepiscopus Viennensis, electus est in coenobio Cluniacense, ubi *Gelasius*

fuit mortuus, et comitia sunt habita pro successoris electione a. 1119., dein antipapa Gregorio superato, solus sedem tenuit ab a. 1121. Ante quod tempus duo, in itinere Romam, celebria habuit concilia, unum Tolosae, alterum Rhemis, utrumque a. 1119. Inter *prioris* canones sunt, qui Simoniam damnant, Petro-brusianos anathemate feriunt, primitias, decimas, oblationes, coemiteria, bona morientium Episcoporum et Clericorum, interdicunt sub excommunicatione Principibus et Laicis. In *Rhemenſi* vero, cui ipse Ludovicus Crassus adfuit, quinque sunt corditi canones, quibus, praeter Simoniam, damnatae rursus sunt Investiturae Laicae, et invasiones possessionum Ecclesiasticarum, concubinae quoque, et uxores, Presbyteris, Diaconis, et subdiaconis, sub poena excommunicationis ac depositionis, interdictae sunt. Denique decretum est factum de *treuga* Dei, et, quod in primis notandum, Henricus Imperator excommunicatus est, eoque tandem compulsus, ut investituris miserit nuncium, et pacem cum Papa fecerit.

§. LV. Ante concilium Rhemenſe, ut postremum illud, cujus memini, paulo fufius, ut meretur, enarrem, de concordia sacerdotii et imperii actum fuit inter Henricum et Papam per Legatos, eo cum effectu, ut Imperator se Investituris renunciaturum, Papa absolutionem ejus, promiserit. Cum vero, ut refertur in *commentariolo* Hefſonis Scholastici, de *rebus in concilio Rhemenſi*, cui interfuit, *gestis*, Imperator promissis non stetit, decretum in eo est conditum concilio, quo Episcopatum et Abbatiarum investiturae per manum Laicam penitus prohibentur, Henricus quoque, cum Burdino Antipapa, excommunicatus est, ipsis subditis fidelitatis vinculo solutis. Sed Rogerius de Hoveden in Annalibus Anglicis p. I. scribit, Henricum nihil aliud sibi quam possessionum Ecclesiasticarum investituras reservasse, nescio quam vere. Licet enim in initio decretum Synodi investituras Laicas absolute damnaverit, mox tamen, cum multi in concilio sese opponerent, restrictum est,

est, et Episcopatum ac Abbatiarum tantum investiturae sunt vetitae Laicis, teste Hestone Scholaſtico. Nulla itaque fuiſſet Imperatorem excommunicandi ratio, ſi vera foret Hovedeni narratio; ipſe quoque Ludovicus, Francorum Rex, qui praefens adfuit, *feudorum* et *Regalium* investituras retinuit. Quicquid hac de re ſit, cum Imperator videret, totam Saxoniam contra ſe commotam, et Principes ad pacem inclinare, totum hoc negotium Optimatum commiſſit iudicio, ſeſeque ad pacem quoque prouum demonſtravit. Conuentu itaque Wormatiae a. 1122. indiſto, cui Legati Papae adfuerunt, in hanc formam eſt conuentum, ut Henricus investituram per *annulum* et *baculum* dimitteret, liberamque in omnibus Eccleſiis electionem et consecrationem fieri concederet, Calliſtus vero Papa pateretur, electionem fieri, praefente Imperatore, ſine Simonia et violentia, et ut electi regalia ab Imperatore per *ſceptrum* reciperent, exceptis iis, quae ad Romanam pertinent Eccleſiam. Vid. Abbas Urſpergenſis, et Wilhelmus Malmesburienſis. Qua ratione Papa, ratione muneris Eccleſiaſtici, investiret *baculo* et *annulo*, Imperator vero, ratione feudorum Imperii, per *ſceptrum*. Vid. Schilterus de *libertate Eccleſiarum German.* l. IV. Quare autem per *ſceptrum* id fieri voluerit Papa, non adeo conſtat: forte, quia per *ſceptrum* conferri Principatus ibi moris tunc erat. Sed factum etiam aliquando eſt per *crucem*, poſtea invaluit per *gladium*. Vid. Boehmer. Jur. Eccleſ. l. III. tit. 20.

§. LVI. Pace hoc modo facta, et Henrico abſoluto, celeberrimum illud concilium Oecumenicum Lateranenſe I. a Papa convocatum eſt a. 1123., ad quod Legati Henrici ſunt invitati, et in quo totum hoc negotium confirmatum eſt, et penitus finitum. Lateranenſe adpellatur a Baſilica ejus nominis, ubi eſt habitum, Lateranenſe *primum*, quia Oecumenicorum in Occidente celebratorum fuit *primum*, alias ordine Oecumenicum IX^{um}. Indiſtum eſſe a Papa, litterae ejus ad Henricum teſtantur. De anno 1123.

constat ex Simeone Dunelmenſi in hiſt. geſtorum Regum Anglorum, Falcone Beneventano in Chronico, aliſque: ex quibus etiam, ut et ex Sugerio in vita Ludovici, pater, *trecentos* et amplius interſuiſſe Episcopos. Condiſi ſunt, praeter paſſi inter Henricum et Papam confirmationem, nonnulli canones, diſciplinæ Eccleſiaſticae, et Expeditionis Sacrae promovendae, ergo. Inter quos ſunt, qui Simoniam prohibent, nuptias Clericorum, poſſeſſionum quoque Eccleſiaſticarum diſpenſationem, ac donationem Laicam, et conſecrationes a Gregorio Antipapa factas damnant. Decretæ denique ſunt Expeditiones Sacrae, et in Orientem contra Turcas, et in Hiſpaniam contra Saracenos, Eccleſias Hiſpaniae opprimentes, plenaria peccatorum promiſſa remiſſione; imo ſub excommunicationis poena eae fuerunt injunctae iis, qui eas ſuſceptas dimiſerant, adeo ut poenitentiae locum ſuppleverint, ad quas aequae ac ad poenitentiam criminum rei eogi potuerunt, ut habet Petrus Diaconus in Chronico Caſſinenſi l. IV. c. 11., ubi hunc expeditionum finem exponit. Tandem anathemate percelluntur, qui ſacros peregrinatores, ſive Romam, ſive ad alia loca, adſecerint mœſeſtia. Ceterum huic Papae quatuor ſermones in *Jacobum Apoſtolum* adſcribuntur in Bibl. M. Patrum vol. XXII., ſed pro ſpuris habiti, utique ſatis inepti, in quorum *primo*, verſus finem, notabilis occurrit pericopa de vitio Simoniae, late extenſo, hiſ notabilibus verbis, lectu dignis. *Cum in mala ſignificatione ponitur Judas, Antiſtites malos, Presbyteros, Abbates, Monachos, et Praelatos ſanctae Eccleſiae ini- quos, ſignificat, qui Dominum ut Judas vendunt, cum aut de ſacris ordinibus, aut de Episcopis ordinandis, aut de praebendis Eccleſiaſticis, aut de nuptiali benedictione, aut de ſepulturis mortuorum, aut de dedicationibus baſilicarum, aut de ſacerdotibus in Eccleſiis juſte ponendis, vel injuſte poſitis, aut de defunctorum exequiis, aut de pueris baptiſandis, aut de poenitentiis peccatoribus datis ad excommunicandum in Eccleſia praemiſſis, aut de miſſis et matutinis, pretium accipiunt.* Subjungit tamen deinceps, pecuniam ſponte datam accipere licere. §. LVII.

§. LVII. *Honorius II.*, antea Lambertus, Episcopus Ostiensis, ejus successor ab a. 1124., ut praecipua ejus acta perstringam, 1. decessoris judicium, quo Wilhelmi, filii Roberti, Normannorum Comitis, conjugium cum filia Fulconis, Comitis Andegavensis, tanquam illegitimum, damnaverat, confirmavit, et per Legatum dissolvit, dein, cum non paruisset Wilhelmus, nuncios insuper Legati, ad eum directos, male tractasset, eum excommunicavit, interdicto etiam sacro in ejus regiones lato: ut ex Honorii litteris ad Canonicos Turonenses in Spicilegio Dacheriano constat. Paruit itaque postea, alia ducta uxore, a. 1127., ut ex Orderico Vitali l. XII. patet. 2. Pontium, Cluniacensem Abbatem, cum Abbatiâ, quam, peregrinationis Hierosolymitanae causa, abdicaverat, ea finita, repeteret armata manu, anathemate percussit, et dein in carcerem detrussit, ubi moerore confectus obiit. Vid., praeter Ordericum l. cit., Gaufridus Vossienfis Prior, autor aequalis, in Chronico. 3. Mortuo Henrico V., Legatos misit, qui Lotharii Saxoniae Ducis electioni in ejus locum interfuerunt, et cum Conradus ac Fredericus fratres, ac sororis Henrici filii, ille Franconiae, hic Alemanniae, seu Sueviae, Dux, ad imperium adspirarent, eos excommunicavit, a. 1125., ut narrat Otto Frisingensis l. VII. Quo eodem 4. anno. Londinense celebravit concilium per Legatum suum a latere, in quo capitula ad Ecclesiae reformandos mores condita sunt. 5. Wilhelmo Apuliae Duce, qui terras suas legaverat Papae, defuncto, cum Rogerius, Siciliae comes, eas sibi vindicaret, et invaderet, eum non tantum anathemate percussit, sed et armata manu cum Roberto, Capuae Duce, aliisque Capuae Principibus, in eum irruit quidem, sed cum Robertus alique militiam defererent, animo mutato, tradidit Rogerio Ducatum sub juramento fidelitatis a. 1128. Vid. Fulco Beneventanus in Chronico, et Alexander Abbas Celestin. in historia Rogerii, autor aequalis. Denique 6. duos Patriarchas, Aquilejensem et Venetiarum, quia

quia Conradi, Franconiae Ducis, partes contra Lotharium tuebantur, adeoque faverent schismaticis, deposuit in Synodo Ravennatenſi a 1128.

§. LVIII. Honorio defuncto ſciſſa eſt Romana Eccleſia, novi Papae cauſa, in duas partes. Electus enim eſt quidem a meliore parte Cardinalium, ſed exiguo numero tantum ſedecim, Innocentius II., antea Gregorius Cardinalis, ſatis praecipitanter, die vero ſequente ab aliis, longe majore numero, Anacletus, antea Petrus, Leonis filius, Presbyter Cardinalis; qui ambo ſunt eodem die conſecrati. Innocentius licet fuerit, ut traditur, inculpatae non tantum, ſed et Apoſtolicae vitae, Anacletus e contra infamis, ſcortator, ſacrilegus, et tyrannus, vid. Bernardus Claraevalenſis ep. 124 et 126., Arnulphus Luxoviensis Episcopus, de ſchiſmate poſt Honorium in ſpicilegio Dacher., ejus tamen partes praevaluerunt Romae, adeo ut Innocentius ſibi fuga debuerit conſulere, nec, licet triennio poſt a Lothario Romam reductus fuerit, locum ibi tueri potuerit, niſi poſt Anacleti mortem, a. 1138. Electus quidem in defuncti locum eſt Victor, antea Gregorius Presbyter Cardinalis, ſed poſt duos meſes a ſuis deſertus, et ſe abdicare coactus, ſedem Innocentio reliquit, qui ab omnibus fuit agnitus, ab ipſo etiam Rogerio Siculo, qui Anacleti partes ſtrenue erat tuitus, ſeſe et eo nomine ipſi devinctum judicans, quod Regis titulo ab ipſo fuerit ornatus, ſub cenſu annuo 600 ſchufatorum, Eccleſiae Romanae ſolvendorum; teſte diplomate apud Baronium. Inter eos, qui Anacleto adhaeſerunt, memoratur quoque ex Episcopis Gerardus Engoliſmenſis, qui partes ejus valde promovit, Gulielmo quoque Piſtavorum Comite ad eum tracto. Depingitur quidem ab Arnulpho tanquam ambitioſus et ſecularis, qui Innocentio valedixiſſet, quod legationis munus ab ipſo non potuerit inpetrare, quod Anacletus ipſi dedit, ſed ab aliis laudatur. Vid. Mabillon, in praefat. operum Bernardi, qui plura de hoc ſchiſmate notanda adfert.

§. LIX.

§. LIX. *Innocentius* II. statim ac electus esset ac confirmatus, causa *Anacleti* licet discedere fuerit coactus, communiter per orbem Catholicum fuit agnitus, uti a *Ludovico*, Galliarum Rege, Synodo Stampis, inter Lutetiam et Aurelianum, coacta, qui etiam ei occurrit, et servitium, ad pedes ejus prostratus, promisit, ab *Henrico* Angliae Rege, qui idem fecit apud Carnotum, praeterea a *Lothario*, Rege Romanorum, Wirceburgi, seu Herbipoli, congregato concilio a. 1130., nec non ab Hispaniae ac Hierosolymae Regibus, teste *Bernardo* epist. 125. Scoti vero, teste *Richardo*, Priore Augustoldensi, de *gestis Regis Stephani*, *Wilhelmus* Aquitaniae, et *Rogerus* Siciliae, Duces, Antipapae sese adjunxerunt. Habuit vero *Innocentius* cum *Lothario* colloquium in Synodo Leodiensi a. 1131., eumque ad Romanae Ecclesiae defensionem excitavit, promissa corona Imperiali; ut refert *Otto Frisingensis*, ac *Arnoldus Bonaevalensis* in vita *Bernardi*. Imo, Imperatorem sese ipsi *stratorem* humillime obtulisse, eumque, alia manu *virga* ad defendendum, alia *fraeno* equi accepto, tanquam Dominum deduxisse, et Papam descendente suppodando deportasse, tradit *Sugerius* in vita *Ludovici*. Refert quidem *Petrus Diaconus*, in *Chronico Cassinense*, Papam *Lothario* tunc concessisse investituras, sed *Otto Frisingensis*, autor vitae *Bernardi*, ipse quoque *Bernardus* epist. 150., tradunt, postulasse quidem eas *Lotharium*, sed repulsam tulisse. Pervenit dein *Papa Rhemos*, ibique concilium habuit, in quo 17 conditi sunt canones, inter quos est, qui beneficio et officio privat Clericos, qui, a Subdiaconatu et supra, uxores duxerint, aut concubinas habuerint, est etiam, qui eorum missas audire vetat. Romam cum venisset *Lotharius* cum exercitu et *Papa*, a. 1133., *Papa* in sede collocatus, et *Lotharius* ab eo Imperator coronatus, est, ut *Chronographi* narrant. Juramentum Papae praestitum, ex schedis Vaticanis apud *Baronium*, ita habet. *Ego Lotharius Rex promitto et juro tibi Domino Papae Innocentio, tuisque successoribus,*

ribus, securitatem vitae, et in membris et malae captioni et defendere Papatum et honorem tuum, et regalia Petri, quae habes, manu tenere, et quae non habes, juxta meum posse recuperare. Sed, cum pars adversa vinci non posset, Lotharius in Germaniam, et Papa Pisas se recepit, ubi concilium celebravit Pisanum a. 1134., in quo Anacletus iterum est anathemizatus, et Henricus quidam haereticus, unde Henriciani adpellati sunt, qui a tempore Paschalis II. Galliam perturbavit, damnatus est, Vid. Aëta Cenomanensis Episcoporum in Gallia in *Analectis Mabillonii*. Quo eodem anno cum Ramirus, frater Alphonsi VI., Arragoni regis, mortui, ad regnum raperetur, sacerdos et monachus Papa circa Ipsum dispensavit, a voto monachatus ac continentiae liberando, adeo ut Rex fuerit factus et uxore duxerit; teste Roberto de Monte, autore aequali, in *Chronico* ad a. 1160. Quod et ideo notatu dignum est quia, dispensationes Papales jam fuisse requisitas et concilias, inde confirmatur. Cujus exemplum sec. XI. jam memoravi in *Benedicto IX.*, qui *Calimiro*, Monacho *Clunienensi*, regnum majorum, et uxorem, concessit.

§. LX. Tandem, mortuo Antipapa, et Lothario Roma altera vice visitante, pax reddita est Ecclesiae, et solus Innocentius sedem tenuit. Qui mox celeberrimum concilium Oecumenicum Lateranense II., alias Oecumenicum *Primum*, habuit a. 1139, cui mille circiter interfuerunt, Otto Frisingens., et Abbas Urspergens., testantur. In quibus acta Anacleti sunt rescissa, ejusque ac fautorum, et Gerdii Engolismensis, ac Gilonis Tusculanensis, Episcoporum ordinationes annullatae. Addit *Chronographus Mauriniensis*, Legatum Apostolicum per Aquitaniam omnia altaria ab iis consecrata, execratum esse, solenni ritu, propriis manibus diruisse. Praeterea Arnoldus de Brixia, Petrus de Bruis, cum adfectis, de quibus postea, sunt tamquam haeretici condemnati. Denique, ut alia mittam quippe minus certa, ut quod Rogerius, Siciliae Rex, fu-

rit excommunicatus, referente Falcone, qui tamen Innocentium jam ante Synodum traditur recepisse, varii sunt conditi canones ad disciplinam, per schisma collapsam, instaurandam. Inter quos sunt, qui nostram merentur adtentionem, uti, qui Simoniam, Investituras Laicas, et conjugia Clericorum, proscribunt, Laici etiam jubentur decimas, aut Ecclesias ademptas, reddere Ecclesiae, omnis usura damnatur, tanquam divinis et humanis legibus contraria. Denique de *treuga* Dei definitum est, pace gavifuros Presbyteros per omne tempus, nec non Clericos, Monachos, peregrinos mercatores, rusticos, euntes et redeuntes agricolas. Quoad reliquos, induciae sunt stabilitae a Mercurii suprema die usque ad diluculum diei Lunae, ab adventu Domini usque ad octavas Epiphaniae, a Quinquagesima usque ad octavas Paschae.

§. LXI. Ingruerunt postea novae concertationes acerrimae, paucis enarrandae. Lites cum Rogerio, Siciliae Rege, a. 1139. exortas, occasione Apuliae, quam, Rainulpho Duce, et sedis Papalis feudatario, mortuo, invadebat Rogerius, ut componeret, urbe egressus, per insidias captus, et ad Rogerium ductus, coactus fuit titulum Regis confirmare, regno ipsi per vexillum donato, simul Ducatum Apuliae, ac Principatum Capuae, ipsi et haeredibus concedere, attamen sub conditione, ut Papis fieret homagium, ac fidelitatis juramentum, cum censu annuo 600 schufatorum; teste diplomate apud Baronium. Quam pacem, non obstante, quod ad eam frangendam fuerit a Romanis incitatus, postea confirmavit; ut testatur Falco. Secuta mox est contentio cum Ludovico VII. Galliarum Rege a. 1141. Cum enim, Alberico, Bituriense Archiepiscopo, mortuo, alii, consentiente Rege, vellent Cadurcum successorem, alii Petrum aliquem, Papa, Rege invito, hunc consecravit, Cadurcum omni Ecclesiastico honore privavit. Quod cum Rex aegre ferret, nec Petrum recipere voluerit, interdicto quoque regni introitu, Papa mox *interdictio* sacro subje-

cit totum Franciae regnum, quo Divini officii celebratio in regno prohibetur, frustra pro Rege intercedente Bernardo Claraevallense, et Petro Cluniacense, ut ex eorum litteris apud Baronium patet. Quod usque ad Celestinum II. duravit. Denique cum ipso populo Romano acrem exercuit contentionem, cui succubuit, moerore confectus et mortuus. Voluit populus antiquam restitutam libertatem, Papae sacrorum cura tantum relicta. Quo fini Conradum Romam invitavit, Senatum constituit, de pace et bello statuit, frustra obnitente Innocentio, qua muneribus qua minis. Duravit lis usque ad Clementem III. Vid. Otto Frisingensis. Obiit Papa a. 1143., sepultus in Ecclesia Lateranensi, mirifice ab ipso ornata. Tradunt nonnulli, ut Chronicon Hirsaugiense, Radevicus, et alii, eum in palatio Lateranensi curasse pingi Lotharium Caesarem, ad pedes Papae prostratum, et coronam Imperii expetentem, cum hac inscriptione.

Rex venit ante fores, jurans prius verbis honores.

Post homo (Vasallus seu feudatarius) fit Papae, sumit quo dante coronam.

§. LXII. Secuti sunt duo brevissimi temporis, et minus celebres suis gestis, *Coelestinus II.*, unanimi voto a Cardinalibus, adclamante Clero et populo, electus, a. 1143., qui quinque tantum menses sedit, et *Lucius II.*, post undecim menses lapidis ictu percussus et mortuus. Coelestinus illud tantum fecit memorabile, quod regnum Franciae ab interdicto sacro, cujus modo memini, liberaverit, et pacem, a Ludovico Rege petitam, concesserit; ut tradit Chronographus Mauriniacensis. Lucio sedente, sedes Papalis honorata quidem est, et amplificata, quod Alphonfus Portugalliae, sive Rex, sive Dux (ipse se Regem, sed Papa eum Ducem adpellavit, postea demum sub Alexandro III. Rex agnitus) Ducatum suum fecerit sedi Apostolicae tributarium, et

ea conditione, ut defensionem ac solatium sedis Apostolicae haberet, nec ullam potestatem Ecclesiastici aut secularis Domini, praeter eam Papae, agnosceret, censu annuo quatuor unciarum auri constituto: quae ex Alphonsi et Lucii Litteris in Miscellan. Baluzii tom. II. constant. Sed per concertationes cum populo Romano haud parum obscurata est Papalis potestas, ipso Papa e vivis sublato. Romani, qui sub Innocentio II. Senatum conati erant restituere, hoc opus strenue magis urserunt sub Lucio, et ulterius promoverunt, Senatui addendo *Patricium*, cui omnia Papae regalia voluerunt vindicare, et in urbe, et extra eam, Papae decimis et oblationibus tantum relictis. Unde bello quasi intestino exorto, cum Papa Capitolium, ubi Senatus erat congregatus, ingente stipatus militia, invaderet, ut eum inde depelleret, lapidis ictu percussus est, et periit. Vid. Goffredus Viterbiensis, autor aequalis, in Chronico, part. XVII., qui tradit, Papam (*sicut tunc audivimus*) *lapidibus magnis percussum, usque ad obitus sui diem, qui proxime secutus est, non sedisse in sede*. Ceterum dicta est haec haeresis *Politico*rum, vel, ab Arnaldo de Brixia, *Arnaldistarum*, et sub Innocentio vulgari coepit.

§ LXIII. Successit, elati admodum spiritus, et celebrioris nominis, Papa, *Eugenius III.*, ab a. 1145 ad 1153. Cujus dominandi libidinem, fastum, purpuram, ut non tam Petro, quam Constantino M., successisse videretur, acriter perstrinxit Bernardus Claraevallensis, in libris quinque, ad Eugenium, de *consideratione*. Electus autem est a Cardinalibus extra eorum collegium, adeoque contra morem: erat enim Monachus Cisterciensis, et Abbas S. Vincentii ad aquas Salvias, haud procul ab urbe, nec Romae consecratus est, sed apud Tarsensem Abbatiam in territorio Sabinensi, quocum Cardinalibus se recipere coactus fuit propter Romanos Arnaldistas tumultuantes, qui Senatum ab eo voluerunt confirmatum, ut Otto Frisingensis in Chronico narrat.

Tom. VI.

K

Postea

Postea tamen, Jordane Patricio, cum ejus fautoribus, anathemate icto, sed et Tiburtinaea militia adjutus, rebelles coercuit, et ad pacem compulit, hac conditione, ut, Patriciatu abolito, Praefectus a Papa constitutus, quem expulerant, reciperetur, Senatores etiam essent ex Papae autoritate, eodem autore teste. Reversus quidem tunc est Romam, et natale Domini ibi celebravit, a. 1145., sed anno sequente, rebellione renovata, rursus coactus cedere, urbem non nisi a. 1149. fin. repetiit, cum rebelles per Rogerium, Siciliae regem, devicisset, ut Anonymus Cassinensis scribit. Dein a. 1150. Romam iterum coactus deferere, in eam demum rediit a. 1152., pace cum Romanis renovata, ut, praeter eundem autorem, tradit Robertus de Monte.

§. LXIV. Quibus de contentione cum Romanis praelibatis, praecipua ejus gesta et acta paucis ordine enarrabo.

1. Viterbii moratus a. 1145. honorificas suscepit legationes *Armenorum* et *Syrorum*, ut refert Otto Frisingensis, qui praesens adfuit. Armeni omnimodam Papae obtulerunt subjectionem, eumque dissensionum inter se et Graecos circa nonnullis ritus elegerunt judicem. Praeterea, quod satis paradoxum est, cum in confiniis Armeniae quaedam essent gentes, quae *foetentes* foetus generarent, qui, ad aquas Armenorum missi, ut lavarentur, foetorem, statim ac baptismo tincti erant, amittebant, sed qui mox ad gentilismum redibant, quid iiscum agendum esset, consuluerunt. Episcopus vero Gabulensis in Syria, cujus opera sedi Papali subiecta erat Antiochia, ad Papam venit, ut ejus opem ad obtinendas decimas imploraret, utque Christianos ad expeditiones sacras excitaret: quibus etiam promovendis omnem ab eo tempore inpendit operam Eugenius. De quo postea.
2. Parisiense celebravit concilium, a. 1147., in quo Gilberti Porretani haeresis quidem discussa, sed ad pleniorum Synodum Rhemensis remissa est, Vid. Otto Frisingensis *de gestis Frederici* l. I. Praeterea Wilhelmum, Archiepiscopum

copum Eboracensem, tanquam illegitime electum, quia Stephanus, Angliae rex, eum ante electionem nominaverat, deposuit, alio ei suffecto. 3. Trevirense habito concilio a. 1148. scripta S. Hildegardis, quae monasterium ad Rhenum prope Moguntiam construxerat, visionum et revelationum plena, adprobavit, licentia ei quoque, autoritate Apostolica, data, proferendi, quaecunque sibi per Spiritum cognoverit revelata, ut ex litteris Eugenii ad eam, in tomis Conciliorum, constat, et Trithemius in Chronico Hirsaugiensi quoque refert. De Hildegardi supra dixi.

§. LXV. 4. In concilio Rhemenſe, eodem anno ab ipſo celebrato, quod ab Ottone Friſingense, et aliis, Generale quidem adpellatur, sed Cisalpinarum tantum fuit Ecclesiarum, licet ex Hispania et Anglia quidam adfuerint, octodecim conditi sunt canones, ad Disciplinam pertinentes, quibus de Clericorum continentia et modestia in tonsura et vestitu statutum est, contumacibus decreta beneficiorum privatione, et Episcopis, qui hanc poenam ipsis non inflixerint, depositione, vel suspensione. Dein Eudon, vel Eon, haereticus, de quo postea, damnatus, et carceri mancipatus, est. Denique, Porretani causa discussa, quatuor contra ipsum sunt sancita capitula, nomine *Symboli* insignita, quod a Bernardo compositum, et a Synodo confirmatum, est, in quo ipse Porretanus fertur acquievisse, et absolutus discessisse. Vid., praeter Ottonem Friſingensem, et Goffridum in vita Bernardi, epistola Gaufridi, Monachi Cisterciensis, qui Synodo interfuit, ad Albericum Episcopum Albanensem, in tomis Conciliorum. 5. Denique concordia cum Frederico Barbarossa, Conradi successore, inita, ea sub conditione, ut ipse Ecclesiam Romanam, ejusque jura et bona, defenderet, et Papa ipsi coronam daret Imperialem, teste Ottone Friſingense, brevi post turbata est, occasione Guicmanni, Ciccensis Episcopi, in sedem Moguntinam translati per Fredericum, cui Electores, in electione dissentientes, rem eam detulerant, qui etiam regalia ejus

Ecclesiae in Ipsum contulerat. Quod aegre fuit Papae, juris Papalis esse contendenti, Episcopum de sede in sedem transferre, quare et litteris et legatione restitit regiae potestati, ut Otto refert, sed causam persequi morte, brevi secuta, a. 1157., ineditus est. Ceterum de Gratiani corpore Canonico ab Ipso adprobato, tanquam norma iudiciorum, et gradibus Academicis, ab ipso institutis, ut putatur, supra in Gratiano monui.

§. LXVI. *Anastafus* IV., ejus successor, qui unum tantum sedit annum, a decessore suo in uno alterove casu discessit. Frederici utique factum ratum habuit, pallio quoque Archiepiscopo Moguntino misso, nec tamen sine multorum scandalo, ut Otto refert. Archiepiscopum quoque Eboracensem consecratum, et ab Eugenio depositum, restituit, ac pallio donavit, ut Gulielmus Neubrigensis, autor coevus, narrat. De privilegiis, quae Equitibus Hierosolymitanis concessit multa, postea. Successit longe famosior Papa, *Hadrianus* IV., natione Anglus, antea Nicolaus de Brekspear, Cardinalis Albanensis, qui ab a. 1154. ad 1159. sedit. Cujus singulare fatum fuit, memoratu dignum. Vitam degens mendicam, quippe a Patre, monacho ob paupertatem facto, desertus, eo etiam usque, ut, ad idem saepe veniens monasterium stipis gratia, fuerit a Patre repulsus, et Gallicanas petens regiones, se Canonicis regularibus monasterii S. Rufi ita commendavit, ut ab iis fuerit receptus: a quo tempore egregiam studiis navavit operam, adeo ut Abbas fuerit electus: unde postea, cum Monachi nimiam ejus disciplinam non ferrent, ab Eugenio est adsumtus, et Cardinalis factus. Narrat vero Saresberiensis, ejus familiaris, in *polycratico*, eum a bonis Ecclesiae in propinquo effundendis adeo abhorruisse, ut, in alterum lapsus extremum, ne matrem quidem, senio confectam et pauperissimam, voluerit sublevare. Reddiderunt praeterea eum multa famosum.

§. LXVII. Cum *Arnaldus* Brixienfis nova rursus moliretur

tur contra sedem Papalem, Romam quoque propterea interdicto sacro subiceret Papa, Romani promiserunt jurati, se ipsum cum sociis urbe ejecturos esse: quo facto, reddita est urbi pax, ut Baronius ex anonymo de gestis Pontificum narrat, sed Arnaldus dirum subiit fatum. Postea enim in manus Papae incidens, et, Praefecto urbis traditus, ligno adfixus, et combustus, est, cineribus in Tiberin sparsis: ut refert, praeter Ottonem Frisingensem, Guntherus Ligerinus Vates in Frederico, qui rationem, quare cineres in Tiberin sint coniecti, tradit fuisse, his versibus

*Ne stolidae plebis, quod fecerat improbus error.
Martyris ossa novo cineresve foveret honore.*

Wilhelmus, Siciliae Rex, filius et successor Rogerii, offensus, quod a Papa non Rex, sed Dominus tantum adpellaretur, adeoque Legatum Papae non solum recusaret, sed Beneventana quoque palatia popularetur, et quasdam Ecclesiae civitates occuparet, propterea a Papa excommunicatus, subditis fidelitate solutis, ut Vaticanus anonymus apud Baronium refert, ad saniolem mentem redactus est, cum se ab Optimatibus desertum videret, et a Papa, collectis copiis, oppugnaretur, metuens quoque Manuelem, Graecorum Imperatorem, qui Papae promiserat auxilium. Petiit itaque pacem a Pontifice, nihilque postulavit, quam ut absolutus regis titulis gauderet jure beneficiario, promisit insuper, se in verba Papae juraturum, damna Ecclesiae refarciturum et rebelles in ordinem redacturum. Quas condiciones cum Papa, nonnullis Cardinalium repugnantibus, admittere nollet, Rex creatus arma resumpsit, Apuliam vastavit, Graecos et Apulos vicit, ipsum Papam Beneventi obsedit, eumque ea ratione coegit, ut in condiciones pacis consenserit. Quae a Baronio ex Hadriani actis narrantur. Ceterum, quod notatu dignum est, inter condiciones fuit, quod sine Regis consensu ad Papam nulla fieret adpellatio, nec Le-

gatus Papae in regnum mitteretur, denique electio Cleri foret libera, et ad Regem, ut confirmaretur, mitteretur.

§. LXVIII. Sed in longe graviolem incidit cum Frederico Barbarossa concertationem, postquam eum coronasset Romae Imperatorem, et ab eo honoratus ac beneficio cumulatus esset. Frederico, a. 1154. Italiam ingente cum exercitu intranti, Papa sese ante non commisit, quam iuramentum de conservandis et defendendis debitis Papae iuribus praestitisset. Quo peracto, Papa sese Regi stitit praesentem, Rex procidit quidem ad pedes ejus, eosque deosculatus est, sed *stratoris* officium ei denegavit, sicut et Papa propterea ipsi osculum pacis, Regem contendens, ex vetere consuetudine, esse obligatum, Papae *streguam*, seu suppedaneum, tenere, ac stratoris officio fungi, dum equum conscenderet, et descenderet. Adnuit dein Rex, illudque praestitit, cum vetera consulisset monumenta, teste codice Vaticano apud Baronium. Praestiterunt utique Imperatores et Reges, et ante hoc tempus, et post, Papis hoc officium, eoque ipso sese quasi vasallos aut Clientes Paparum professi sunt, ut multis docuit C. du Fresne ad Cinnamum Hist. lib. V., sed simul Caesaream et Regiam prostituerunt dignitatem, et Majestatem, ut recte advertit Cinnamus loc. cit. Quo facto, cum Papa Romam veniens, coronam Imperii aliaque insignia accepit anno regni quarto, seculi 55to: ut narrat Otto Frisingensis, et ipse Fredericus in litteris ad ipsum de *rebus a se gestis*, ibid. Imperator, qui jam antea legatos Romanos, ipsi imperium offerentes, modo privilegia confirmaret, repulerat, militibus quoque, ex consilio Papae, missis, qui Basilicam S. Petri, et civitatem Leoninam occuparent, rebelles Romanos mox in ordinem redegit, aliaque praeclara in itinere gessit, ac ad propria sic rediit. Quibus pacifice peractis, gravis subito inter eum et Papam orta est contentio: cujus historia ex Radevico Frisingensi Canonico, et Ottone a S. Blasio in adpendice ad Ottoneum Frisingensem, praecipue petenda est.

§. LXIX.

§. LXIX. Causam duo praeberunt facta, quorum unum Imperatori, alterum Papae, bilem movit. Imperator aegre tulit pactum Papae cum Wilhelmo Siciliae rege, quem ex Italia meditabatur expellere, se inscio initum. Papa vero irritatus est, quod Imperator offensus inhibuerit, ne ullus Episcopus, Archiepiscopus, aut Sacerdos aliquam a Pontifice peteret beneficiorum collationem, ullave de causa curiam adiret Romanam. Accessit, quod Eskyllus, non Londonensis, ut male in litteris Hadriani legitur, sed Lundensis, Archiepiscopus, Danorum Primas, et Apostolicae sedis per totam Daniam Legatus, ut post Sirmondum observavit Pagi ad Baron. a. 1157., a sede Apostolica reversus, in Teutonicis partibus fuerit captus, et in custodia detentus, absque ut Imperator ejus dimissionem curarit: uti Papa in litteris ad Imperatorem conqueritur. Scripsit enim animo exulcerato litteras ad Imperatorem, quas cum duobus Legatis, Rolando Cancellario, et Bernardo S. Clementis Presbytero, misit, quae acrimoniae plenae Imperatorem vehementer exacerbarunt. Inter alia enim, ut, quantum in Imperatorem contulisset, ei in mentem revocaret, dixit superbus Papa, *se Imperialis insigne coronae in eum contulisse, et illud beneficii loco esse habendum*. Quod dictum Imperator cum Principibus intellexit, acsi Papa indicatum voluerit, Imperatorem Papae acceptum ferre debere Imperium, illudque velut *feudum* tenere a Romana sede; nec sine ratione, quia nonnullos Romanorum palam adserere ipsum non latebit, Imperium urbis, et Regnum Italicum, donatione Pontificum Reges hactenus possedisse, nec dictis tantum proferre, sed et scriptis, ac picturis, repraesentare: qualis fuit etiam pictura ab Innocentio II. in palatio Lateranensi posita: cujus supra suo loco memini. Adcessit, contentione hac super re inter Principes et Legatos orta, dixisse alterum Legatorum, *a quo igitur habet, si a Domino Papa non habeat Imperium*. Quae verba Ottoni, Palatino Comiti de Bojoaria, adeo moverunt bilem, ut gladio exserto Legatum occidisset, nisi

Inperator motus sedasset, et Legatis, ut quantocyns Romam redeant, iussisset, absque ut aliquem Episcopum aut Abbatem conveniant. Misit mox Inperator circulares Litteras ad omnes Principes et Episcopos, quibus de injuria sibi a Papa et Legatis illata conquestus est, eosque ad eam vindicandam excitavit, contendens, se per electionem Principum, non a Papa, sed solo Deo, Regnum tenere et Imperium. Papa, cum, Legatis reversis, Cardinales inter se divisi essent, aliis Papae, aliis Inperatori, faventibus, scripsit ad Episcopos Germaniae, ut Inperatoris iram lenirent, ipsumque rectiora docerent, sed responsum ab iis tulit, se Papae causam tueri non posse, quippe fecisse quod poterant, nec aliud ab Inperatore accepisse responsum, ac, *se debitam Papae reverentiam libenter exhibiturum, sed liberam Imperii coronam divino tantum beneficio adscribere: suadent* itaque Papae, ut mitioribus litteris animum Inperatoris demulceat.

§. LXX. Quorum secutus consilium, novos anno sequente 1158. misit cum modestioribus litteris Legatos, vocesque *beneficium et conferre coronam* ita est interpretatus, ut *beneficium* non pro feudo, sed simpliciter bono facto, *conferre* non pro dare pleno jure, sed *inponere*, capienda sint. Quibus delinitus Inperator pacem et amicitiam spondit Papae, et Clero Romano, sed mox novae discordiae semina jacta sunt. Papam offendit, quod Inperator *hominum* ab Episcopis et Abbatibus Longobardiae accepisset, et *regalia* ab iis exegisset, quodque, in Papae contemptum, nomen suum praeposuisset in Litterarum inscriptionibus nomini Papae, dictionibus etiam singularis numeri, et non pluralis, uti mos erat inter illustres personas, adlocutus esset Papam. Inperator vero aegre tulit, quod Papa se *regalibus* opponeret, praeterea Guidoni, Romanae Ecclesiae subdiacono, promotionem ad sedem Ravennatensem, ipsi ab Inperatore destinatam, denegasset. Quibus de rebus cum acerbae litterae utrinque essent missae, et aliae rursus
ad

ad pacem conciliandam, honorifica tandem legatio quatuor Cardinalium ad Imperatorem destinata est a. 1159., qui haec capitula ei proponerent adsumenda et firmanda. 1. ne Imperator nuncios, inconsulto Papa, Romam mittat, cum Magistratus et regalia urbis essent juris B. Petri 2. ne de agris et locis, ad dominium Papae pertinentibus, pabulum equorum colligatur, nisi tempore Imperialis coronationis. 3. ut Italiae Episcopi sacramentum fidelitatis, sine hominio, praestent Imperatori, 4. Imperatores minime sibi jus hospitii in palatiis Episcoporum sumant, 5. ut possessiones Ecclesiae Romanae, et tributa Ferrariae, massae totius terrae Mathildis, ducatus Spoletani, insularum Sardiniae et Corsicae, restituantur. Denique 6. ut concordia inter Eugenium et Imperatorem facta tecta maneat. Ad quae respondit Fredericus, dominium urbis sibi non posse eripi, cum divina ordinatione Imperator sit, Episcoporum Italiae se missum facturum hominum, si et illi regalibus renuncient: nuncios non esse in palatiis Episcoporum recipiendos, si ea non sint in regali, sed proprio solo. Praeterea et sua gravamina proposuit, de violatis pactis de Graecis, Siculis, Romanis, non nisi communi consensu, recipiendis; de Cardinalibus sine permisso Imperatoris libere per regnum transeuntibus, et Ecclesias gravantibus, de injustis adpellationibus etc. Duravit contentio ad Papae mortem usque, quae brevi secuta est eodem anno 1159.

§. LXXI. Ingente schismate, causa electionis Papae, exorto, cum alii Cardinales, quorum caput erat Octavianus, a partibus Imperatoris starent, alii, duce Rolando, se opponerent, electus est, ut tradunt Gulielm. Neubrig., l. II. et Chronographus Reichersperg. a. 1159., a longe pluribus Cardinalibus, Rolandus, dictus *Alexander III.*, a reliquis, sed paucis, Octavianus, sub nomine *Victoris IV.* Sed Radevicus et Otto de S. Blasio, novem Cardinales a partibus Victoris stetisse, tradunt, quatuordecim, vel undecim, a parte Alexandri. Victoris vero factione in urbe praevalente, Alex-

ander cum suis secessit Nymphas, haud procul ab urbe, ibique coronatus est ab Episcopo Ostiensi, cujus erat Papam consecrare, praesentibus multis Cardinalibus, Episcopis, et aliis, *mitra turbinata cum corona*, quae alias *Regnum* dicitur, ut auctor coevus, anonymus Vaticanus, habet apud Baronium. Ceterum, ut id obiter observem, licet *coronationis* prima occurrat in Nicolao I. mentio, *thiarae* vero ac *mitrae* in Gregorio VII., ut ex superioribus patet, *mitra* tamen *turbinata cum corona* nusquam ante hoc tempus memoratur, quamvis, qui *mitrae*, et *mitrae turbinatae*, meminerunt, addant, *more solito* Papam ita fuisse coronatum. Erat autem *mitra turbinata* eadem, ac qua nunc utuntur Papae, hoc tantum cum discrimine, quod hoc recentiore tempore *mitra* habeat tria coronamenta, seu tres circulos aureos, cum antea unum, vel duo tantum, fuerint. *Mitra* cum uno coronamento duravit usque ad Bonifacium VIII., qui secundum adjecit, sicut tertium Urbanus V. Hac autem *mitra*, quae etiam *regnum*, *corona*, *thiara*, *phrygium*, *mitra aurifrisata in circulo sine titulo*, adpellatur, non tantum utebantur in coronatione et inthronizatione, sed et in consistorio, ac sede judiciali, aliisque magnis festivitatibus: a qua duae aliae *mitrae* distinguendae sunt, altera *alba*, cujus usus est diebus Dominicis, et non festivis, ab adventu Domini ad vigiliam nativitatis Domini in vespers, excepta tertia dominica de adventu, altera *aurifrisata in circulo et in titulo*, in multis festivitatibus usitata. Vid. caerimoniale Romanum, jussu Gregorii X. publicatum, et ordo Romanus apud Mabillon. in Mus. Ital. tom. II. Ceterum *Papa mitram turbinatam*, seu *regnum*, fert in signum Imperii, *mitram* scilicet non turbinatam, in signum Pontificii; ut verba habent Innocentii III. in sermone de S. Sylvestro.

§. LXXII. Papa Octaviano, seu Victore IV., paucis diebus post etiam consecrato, a tribus quoque Episcopis, in Abbatia Farfensi prope Romam, ut Chronographus Reischerpergenus refert, duo hi Papae se mutuo excommunicarunt,

runt, Alexander Victorem octava die post consecrationem, testibus litteris ejus ad Bononieneses, Victor Alexandrum haud diu post, ut Radevicus docet, et Gulielmus Neubrigensis confirmat, qui addit, utrumque partes suas Ecclesiarum, et Nobilium, favoribus muniri curasse. Scissus quoque est in Occidente orbis Christianus in partes. Imperator Fredericus Victoris partes omni ope tuitus, convocata Synodo Papiense, ad eam Papas citavit, totius orbis invitavit Episcopos: venerunt quidem cum Victore Episcopi Germaniae et Italiae quinquaginta; sed Alexander comparere recusavit, contendens, nec Imperatoris esse Synodum sine Papa cogere, nec Papam ullius subesse judicio. Habito concilio a. 1160. Victor est agnitus, et inthronizatus, Imperatore fraenum equi, et stivam sellae, tenente, et de equo suscipiente. Alexander vero cum praecipuis fautoribus, accensis candelis, est anathematizatus, ac Satanae traditus: ut praeter Radevicum refert Chronographus Reicherspergensis. Quo facto, atrocia mox publicavit edicta Imperator, multosque Episcopos et Monachos, in primis Cistercienses, Alexandro adhaerentes, sedibus expulit, teste Helmoldo in *chron. Sclavorum* cap. 90. Nec quievit Alexander, sed Imperatorem solenniter excommunicavit, subditis a fidelitate absolutis eodem a. 1160., et legatos quaquaversum, ad Reges, Principes, et Episcopos in partes trahendos misit, optimo cum successu. Transierunt enim ejus in partes Ludovicus Franciae, Henricus Angliae, ut et Hispaniae, Siciliae, Hungariae, Daniae, et Hierosolymae Reges, ut tradit Helmold. *Chron. Sclavorum* l. I: 92., ipse etiam Imperator Graecorum, ad petitionem Ludovici, teste epistola Manuelis ad Ludovicum apud Duchesnium de rebus Francicis tom. IV., praeter multos Episcopos, Patriarchas, et alios, Frederico frustra in Regibus Franciae et Angliae sibi devinciendis laborante. Coacto praeterea ex utriusque illius regni Episcopis concilio Tolosano, Alexander susceptus, et Victor cum suis anathemate est

ictus; ut, praeter Gulielmum Neubrigensem, refert Gerhohus Reicherispergensis, in Bavaria Praepositus, lib. I. de *investigatione Antichristi*. Interea, Synodo Laudensi in Italia, ab Imperatore et Victore habita eodem anno, confirmata sunt acta Papiensia, ut narrat Otto Murena in Chron. Laudense.

§. LXXIII. Alexander deinde, cum nec in Italia tutus, nec liber ibi ad eum esset aditus, itinere in Galliam suscepto, concilium habuit apud Montem Pessulanum a. 1162., in quo sententia in Victorem, ejusque fautores, confirmata est, teste epistola Papae ad Episcopum Viennensem, et concilio Monspeliensi a. 1165., ubi ejus fit mentio. Quae omnia a. 1163. in concilio Turonensi, cui Praesules ex Gallia, Anglia, aliisque locis, magno numero interfuerunt, ulterius sunt sancita, ut ex actis concilii patet; ubi decem quoque conditi sunt canones, quorum unus omne commercium cum Albigenis vetat, usque ad emtionem et venditionem, alius medicinae praxin, physicas confectiones, et legum civilium studium interdicit viris religiosiis. Perrexit dein Senonas, ubi usque ad reditum in Italiam moratus est, seu a. 1165., et universalis Ecclesiae negotia tractavit. Hic etiam, convocatis in unum Scholasticis, aliisque Litteratis, cum multae et variae vigerent de fide sententiae inter Magistros Francigenas, severe interdixit *omnes tropos, et indisciplinatas quaestiones in Theologia*: ut Chronicon Reicherispergensis ad a. 1164. tradit.

§. LXXIV. Mortuo eodem anno Victore IV., cujus superbiam, pravosque mores, in specie crudelitatis, depinxit Petrus Blaesensis ep. 48., ubi inter alia dicit, se fuisse praesentem, ubi *se faciebat, tanquam statuem, adorari*, suffectus ei est Guido, Episcopus Cremonensis, et Cardinalis, et ab Henrico, Episcopo Leodienfe, consecratus, dictusque *Paschalis III.*, eodem Reicherispergensis teste. Confirmatus mox est a. 1165. in conventu Wirziburgense, vel Herbipolensi, Imperatore, omnibusque Praelatis, ipsi obedientiam juramento promittentibus, et Alexandro, ejusque successoribus,

ribus, in perpetuum renunciantibus. Quod ipsum juramentum, ut a successoribus in Imperio, et omnibus Episcopis, praestaretur, statutum est: ut idem autor tradit. Interea Romam rediit Alexander, a Romanis, molestiarum pertaesis, mortuo Victore, revocatus a. 1165., et ingente cum laetitia ac pompa susceptus est: ut ejus acta habent, et epist. ad Henricum Episcopum Rhemensem, in tomis Concil. Nec tamen diuturnas ibi trahere potuit moras. Imperator enim, metuens, ne Italiae regnum perderet, in Italiam suscepit a. 1166. expeditionem, et, habito generali conventu apud Roncaliam, in quo, ut Paschalis defenderetur, Alexander deturbaretur, decretum est, Romam a. 1167. venit. Addit Acerbus Morena, qui illud tradit, Imperatorem a Paschali, qui Viterbii morabatur, fuisse evocatum, ut quantocyus in sede collocaretur. Romani, ab Imperatore obsidione pressi, eum acceperunt, foedere quoque pacto polliciti, se Paschalem, misso Alexandro, recepturos esse. Alexander interea fuga elapsus est Beneventum, postquam Imperatorem in concilio Lateranensi denuo excommunicasset, et sententia lata privasset Imperio. Habitum illud concilium esse a. 1160. ex Johanne Saresberienſe, et aliis, probavit Pagi ad Baron. Sed Imperator, pestilentia exercitum absumente, brevi coactus est discedere, a. 1168., nec sine ignominia, a Lombardis, foedere contra ipsum inito, expulſus ex universa Longobardia, Paschali Viterbium remisso. Vid. Morena, et Chron. Reichersperg. Paschali dein eodem anno defuncto, ut Johannes de Ceccano in Chron., et alii, testantur, substitutus est Abbas Strumienſis, sub nomine *Callisti* III., et ab Imperatore adprobatus. Pars autem Alexandri nova accepit incrementa. Populo enim Tusculano ad proprietatem Ecclesiae recepto a. 1170., ut acta Alexandri tradunt, et Anonymus Cassinensis confirmat, Romam denuo magno cum honore intravit a. 1172., et receptus est, ut ipse narrat in epist. ad Gradenſem Patriarcham et Episcopos Marchiae.

§. LXXV. Tandem, cum Imperator, multis in Italia factis cladibus, res suas amplius tueri non posset, ani ad pacem cum Alexandro sincere incundam serio accit, a. 1176., et singulari ratione perfecit. Quam h riam nuper egregie enarravit Giannone hist. Neapoli XIII., nos summatim et succincte trademus. Conveni ter Legatos Imperatoris et Papae, in unum coactos, u perator reverentiam exhibeat Alexandro, pacem ei et cessoribus relinquat, praefecturam urbis, et terram C tiffae Mathildis, restituat, regalia et possessiones Petri latas reddat, denique quae de Callisto statuuntur obser Alexander vero Clericis, ac aliis, in itinere Venetias, Ravennam, ubi Papa occurreret Imperatori, securitas praestaret et pacem. Quas condiciones ex chartula on nali exhibuit Pagi ad Baronium a. 1176. His condi nibus iterum prope Venetias, ubi Legati conveniant, matis, et Regi Siciliae insuper per 25 annos pace cessa, nec non Longobardiae induciis ad sex annos, l dericus venit Venetias, et per Cardinales, a Papa ablo tos, posteaquam Antipapam abjurasset, et Alexandro i misisset obedientiam, absolutus est cum Principibus et E copis suis, eodem vinculo constrictis. Quando, ad Pap adductus, se deposita chlamyde coram eo prostravit, pe que deosculatus est, eaque ratione ad osculum pacis ad fus, a Papa benedictionem recepit et communionem. Q omnia mox in Synodo Venetiis confirmata sunt, et, p restituta, discessum est. Vestitur quidem haec reconcili nonnullis circumstantiis, sed solido destitutis fundame Narratur, Papam iussisse Imperatori, coram toto popo ut se prosterneret, et pacem imploraret, eoque facto, ca ejus pede suo pressisse, et, verbis Psaltis sibi adplici dixisse, *super aspidem et basiliscum ambulabis, et conculca leonem et draconem*, Imperatorem autem retorsisse, *non ti sed Petro*, Papam reposuisse, et *mihi et Petro*. Cum v aequales autores, ut acta Alexandri, Romualdus, Archiep

copus Salernitanus, qui adfuit, inter Ital. Scriptores Muratorii tom. VII., de quo vid. Biblioth. Italica tom. VI., Rogerius de Hoveden, Matthaeus Parisiensis, Gulielm. Tyrius, Goffridus Vosiensis, alique vetusti, de eo fileant, merito accensetur fabulis. Quid? quod Gervasius Tilberiensis in *Otiis Imperial.* decis. II. cap. 19., qui praesens adfuit, dicat, *in concilio Veneto poenitentem Imperatorem ad finem matris Ecclesiae regressum, intuiti sumus, cum summa humilitate stolam per manus sanctissimi Papae Alexandri, quam dedit Pater poenitenti filio, recepisse.* De quo vid. Rupertus ad Besoldum, Herm. Conringius, Reinesius epist. 56., alios ne memorem. De fabulae origine, ex nimis licentiosa pictura, quae Venetiis conspicitur, petenda, vid. Heumannii *Poecil* tom. III. Nec tamen hac firmata pace schisma mox finitum est. Callistus quidem, deposito Pontificatu, postquam in Synodo degradatus, et ab omnibus desertus esset, ad pedes Alexandri devolutus pacem petiit, et inpetravit a. 1178., ut Romualdus Salernitanus, Anonymus Cassinensis, et alii, tradunt, eodem etiam anno defunctus: sed schismatici ei suffecerunt Landum Sitinum, sub nomine Innocentii III., ut Johannes Ceccanus, et auctarium Aquicinctinum ad a. 1179., tradunt, qui tamen mox ab Alexandro captus est, et in exilium relegatus ad Cava, ut, praeter Ceccanum, refert Anonymus Cassinensis. Quando schisma, quod annos 21 duravit, si Innocentii sit habenda ratio, penitus est finitum. Ceterum, *istud fuit schisma principale decimum in Ecclesia militante*, inquit auctor *magni Chronici Belgici* a. 1159., *et vicesimum minus principale, quod per annos fere novendecim duravit, et innumera hominum millia ad inferos transmisit.*

§. LXXVI. Molestiis hac ratione superatis, et fere finito schismate, Pontifex generale illud et famosum indixit concilium *Lateranense* III., et generale *XIum*, a. 1179., literis convocationis ad Episcopos Tusciae, et sic ad universos orbis Episcopos, missis a. 1178., quae supersunt. In-

terfuerunt 300 Episcopi, quorum catalogum ex antiquo Mss. recenset Dacherius in Spicilegio; tribus vero sessionibus est absolutum. Causae autem et acta fuerunt sequentia. 1. Prima causa est, ut schismata in Paparum electione vitarentur, et schismatici damnarentur. Quo fini decretum est, ut Pseudo-paparum ordinationes habeantur irritae, nec ante recipiantur schismatici, quam schisma sub certa formula ejurassent: denique, ut, ad praeveniendum schisma, nulla Pontificis Romani electio habeatur rata, nisi duabus Cardinalium partibus consentientibus, diris additis inprecationibus, si quis a tertia parte electus se Papam gerat. Quod decretum observatur etiamnum. 2. Secunda causa fuit extirpatio Waldensium et Albigenium; cujus respectu ultimus canon fert, ut contra eos arma suscipiantur, promissa militibus eadem indulgentia, quae cruciatis, praeterea omne commercium cum iis vitetur, sicut in Tironensi concilio a. 1163. factum fuerat, quod hic renovatum est. Statuitur quoque, eos, una cum fautoribus, confiscatione bonorum et servitute plectendos esse, si ita visum fuerit Principibus. Ceterum notatu dignum est, haereticis simpliciter dici anathema, et fideles prohiberi aliquid commercii cum illis habere, quod ipsum ad defensores, et receptores, eorum extenditur: sed bellum contra eos indici, non qua tales, ut praetendit Synodus, et passim solent persecutores, sed qua praedones, et grassatores in Ecclesias, (quae crimina ipsis fuerunt imputata) monasteria, et fideles qualescunque: quales praedones ibi adpellantur Brabantiones, Aragonenses, Navarri, Basculi, Coterelli, et Triavardini. 3. Tertia causa fuit collapsae disciplinae instauratio: cui multi inservierunt canones: inter quos sunt, qui, Episcopum ante trigésimum aetatis annum eligi, vetant, quia juvenes hoc seculo ad Ecclesiasticas saepe promovebantur dignitates, Simoniam qualemcunque damnant, Templarios, Hospitalarios, aliosque religiosos, qui, privilegiis suis non contenti, multa contra Episcopalem auctoritatem praesume-

bant,

bant, constringunt, Laicas proscribunt electiones, denique Clericorum continentiam sanciant. Tandem Petrus Lombardus, quod dixerit, Christum *non esse aliquid secundum quod homo est*, de quo supra egi, a Papa mox post concilium est damnatus, seu potius, Lombardo non nominato, ejus modo memorata opinio, Cardinalibus, ne Lombardus prosti-
tueretur, pro eo intercedentibus.

§. LXXVII. Praeter gravissimam hanc cum Frederico et Anti-papis concertationem, alia ipsi cum Henrico II., Angliae Rege, intercessit propter Tomam Beccetum, Ecclesiae Cantuariensis primo Archidiaconum, dein Henrici Cantuarii, denique Archiepiscopum Cantuariensem ab a. 1162. Quae, valde memorabilis, historia petenda est ex Historicis Neubrigensi, ac Matthaeo Parisiensi, nec non ex actis Tomae, a quatuor familiaribus ejus conscriptis, quae, edita cum ejus Epistolis a. Christ. Lupo, supersunt. Causae praecipue fuerunt duae, quae Regem et Tomam secum commiserunt, *altera*, quod ad Regiam non tantum censuerit Rex pertinere, ut, vacante sede Episcopali, ipse reditus percipiat, et de iis disponat, ac beneficia, cum animarum cura, vel jurisdictione, non conjuncta, conferat, quippe quod Regibus Angliae aequae ac Galliae licebat, ut contra Lupum, qui hanc regiam putat praecipuam fuisse controversiae caput, demonstravit Natalis Alexander Diss. X. ad hoc sec., sed quod sedes diu teneret vacantes Rex, ut reditus perciperet, quodque eos non, ut oportebat, ad pios converteret usus, sed ut *Dominicos*, seu suos, *tractaret*, ut capitulum 12mum Clarendunense habet; quod praeterea Rex electionum libertatem impediret, dein nullus eligi posset, nisi quem Rex designasset, ipse etiam beneficia cum cura animarum connexa conferret, vacante sede Episcopali. *Alteram* causam praebuit contentio de jurisdictionis Ecclesiasticae et Regiae finibus, dum Rex facinorosos Clericos tradi voluerit Curiae seculari, quia ad eorum facinora, satis frequentia, connivebatur ab Ecclesia, vel poenitentiae tantum poe-

nis vindicabantur. Quibus rebus cum Tomas sese opponeret, Rex ipsum, ceterosque Episcopos, convocavit apud Westmonasterium a. 1163., eosque rogavit, post aliquas de jure regio et libertate Ecclesiae disputationes, num *regias* observare vellent *consuetudines*? Tomas suo et Episcoporum nomine respondit, se velle *salvo ordine* suo; uno Hilario, Cestriensi Episcopo excepto, qui declaravit, se velle *bona fide*. Quae restrictio Regi displicuit non tantum, sed et, cum Tomam permovere non posset, iram concitavit, ita ut munitiones, et honores, Tomae, cum esset Cancellarius, commissos, abstulerit, et iratus discesserit. Detulit mox Tomas querelas ad Papam, qui ipsum in proposito confirmavit. Interea, sive responsum a Papa nondum receperit, sive metu, aliorumque consiliis, et adhortationibus, compulsus, se Regi praestitutum obedientiam promisit. Quando Rex generalem ordinum conventum Clarendunam convocavit a. 1164., in quo Tomas cum Episcopis coactus est promittere, se Regis consuetudines *bona fide* observaturum. Quare illae mox ad sedecim capitula redactae et conscriptae sunt, inter quae erant: ut Ecclesiae de feudo Regis sine ejus concessione non darentur, ut Clerici, a regio Judicis citati, se sisterent, nullique facinorosi ab Ecclesia defendi possent, Episcopis, sine Regis consensu, Regno exire non liceret, nullus extra Regnum *adpellaretur* Judex sine Regis adsensu: praeterea, ut Archiepiscopi, Episcopi, et universae personae Regni, in possessionem mitterentur a Rege, et de ejus manu acciperent investituram, ut reditus sedis vacantis cederent Regi, tanquam *dominici* reditus, nec nova fieret electio, nisi Rex potiores mandaverit personas, fieretque electio in Capella Regis, ejusque adsensu, et, nisi electus homagium et fidelitatem praestet Domino Regi, sicut ligio Domino suo, non consecraretur.

§. LXXVIII. Quibus consuetudinibus quamvis Tomas cum Episcopis mox, quod Rex volebat, subscribere abnue-
rit, cum tamen eas sine exceptione adsumtum esse juratus

tus promiserat, poenitentia ductus, ab Alexandro petiit, et inpetravit absolutionem, et ab eo tempore sese illis obstinate opposuit. Quare Rex, missa ad Papam legatione, constitutionum Clarendunensium petiit confirmationem, nec non legationis Papalis honorem pro sede Eboracense. Prius cum Papa recusaret, posterius cum hac restrictione concederet, ne Eboracensis in Cantuariensem jus haberet, nec Anglicani Antistites ab obedientia, Cantuariensi debita, essent absoluti; Rex minime contentus Episcopos convocavit Northampton a. 1164., et Tomas in jus vocatus est; ut, inter alia, reddituum sedium vacantium, quos qua Cancellarius perceperat, rationem redderet, simul consuetudines adsumeret. Sed Tomas, cum non compareret, mox prima sessione damnatus, bonis ejus mobilibus fisco addictis, Papam adpellavit, et ex Anglia aufugit ad Papam, a quo benigne est susceptus in patrocinium, sententia quoque in eum cassata, et praecipua Clarendunensia capitula damnata sunt. Quo commotus Rex, redditus Cantuariensis, et omnium Clericorum ipsi adhaerentium, fisco addixit, omnesque eorum cognatos regno expulit. Imo legatos ad Alexandrum misit, qui ipsi, nisi consuetudines Angliae firmaret, minarentur, Regem ipsius obedientiae renunciaturum, et Antipapae adhaesurum esse. Quod Legati, per Germaniam euntes, quoque effectui mox dederunt in concilio Herbipolense, quod tum celebrabat Fredericus, teste Cod. Vaticano apud Baronium ep. 70. et 72., nescio forte, nec adprobante, Henrico, quem Alexandro semper adhaesisse testatur Episcopus London. ibid. ep. 70. et 71. Sed nihil remisit Papa, quin Tomae legationem Apostolicam per totam Angliam restituit, utque redditus ipsius intercepti reddantur jussit sub anathemate. Qua autoritate munitus Tomas constitutiones Clarendunenses damnavit, Episcopos a juramento praestito absolvit, omnesque earum observatores et exactores excommunicavit, una cum legatis, qui cum schismaticis communicaverant in Germania; imo ipsi Regi, nisi resipiscat, minatus

M 2 est.

Historia Eccles. Christ.

...munitionem. Quae omnia confirmavit Papa
...inquit scripsit ad Regem litteras.
...Quod fulmen ut Rex praeveniret, Episco
...Cilmarinarum ditionum suarum convocavi
...Provinciae Turonensis oppidum, prope P.cto
...sed a quo conventu imprudenter admodum
...adpellandum esse ad sedem Romanam, et ac
...causam esse deferendam, quippe quo causam
...Rex, maxime, cum in Synodo Clarendunensi
...prohibuisset. Tomas vero adpellationem esse
...declaravit, eamque ab obedientia non dis
...se in proposito persecturum, et, ni Rex
...executurum. Convenerunt quidem Reges
...Ludovicus VII., qui se sequestrem pacis ostulit
...cum Toma in unum, sed, cum Tomas, lice
...nihil aliud, quam quod Decessores habuerant
...nullo modo potuerit, ut aliquid remitteret
...Tomas clausulam illam, *salvo ho*
...silentio premere. Nec aliam habuit fortem ali
...Angliam legatio, cum Rex pacem noller, nisi ad
...*salva dignitate Regni*, nec Tomas vellet, nil
...et fidelitate Romanae Ecclesiae. Quae omni
...in tumum abiissent, Rex Galliae, qui Toma
...praecepit, ut Regi Angliae, cui infestus erat
...et Archiepiscopus Senonensis, Alexandrum
...pro more seculi, zelo incitati, obsecrarunt
...Sacri sententiam ferret in Regnum Angliae
...Rex praeveniret, severo promulgato edicto, et
...Papales non tantum prohibuit, sed e
...interdicti sententiam deferat in Angliam
...omnes praeterea Clericos, extra Regnum de
...intra statutum tempus, peregrinos Reg
...neminique eo adpellere, nisi permisso Regis, e
...concessit. Exstat edictum apud Barc
...1104. Decreta quoque legatio nova est ad Papam
...habuit effectum. §. LXXX

§. LXXX. Accessit mox novus casus, qui contentionem reddidit acerbiorē. Rex filium suum inaugurari, et quidem ab Eboracense Archiepiscopo, a. 1170. cum statuisset, quod a Cantuariense alias fieri solebat, Papa, hoc audito, Eboracensi illud, sub poena depositionis, interdixit, et reliquis Praefulibus Tomas. Quo non obstante, coronatio eodem anno ab Eboracense peracta est, et Rex juramento adegit subditos ad omnem obedientiam Papae et Tomae abnegandam et ejurandam. Cujus rei brevi post poenituit Regem. Missis enim a Papa legatis, qui nisi pax cum Toma iniretur, sententiam interdicti publicarent, additis etiam litteris, quibus Regi eandem sententiam minatur, quam tulerat in Fredericum, Henricus fractus se ad pacem faciendam demonstravit inclinatum. Legatis itaque in unum cum Rege et Toma coactis, Rex pacem restituit Tomae et exulibus, Ecclesiae possessionum restitutionem promissit, ut et Filii coronationis repetitionem, imo, ut Papae sententia in Eboracensem, Londoniensem, et Saresberiensem, qua ab officio erant remoti, executioni mandaretur, consensit; nulla consuetudinum regni facta mentione. Qua ratione finita controversia, et Toma ad Ecclesiam reverso a. 1170., cum Regii ministri Tomam adirent, nomine Regis postulantes, ut suspensos et excommunicatos Praefules absolveret, ipse vero illud se facere posse negaret, nisi Papae accedente autoritate, saltem, nisi prius praestito juramento obedientiae Pontifici, et salva sedis Apostolicae reverentia; Praefules, ab eo alieni, Tomam denuo, tanquam regni et pacis perturbatorem, Regis hostem, et Episcoporum persecutorem, accusarunt apud Regem, qui, hoc audito, in haec imprudenter erupit verba. *si fideles haberem ministros, hic homo me adeo non vexaret.* Quibus quatuor excitati satellites, in necem Tomae conspirarunt, eumque in ipsa Ecclesia, tempore officii vespertini, post multa convitia in ipsum conjecta, nefarie trucidarunt, a. 1170. Vid. praeter alios Johannes Saresber. Ep. 286. ad Johannem Pictav. Episcopum.

§. LXXXI. Quam caedem, etsi ipso inscio et invito perpetrata, ut ipse Rex testatus est, et ipso facto demonstravit, cum, si verum sit, quod Hume, insignis historicus, in hist. Angliae t. I. refert, sinistri aliquid ex verbis modo prolatis suspicatus, per nuncium satellitibus injunxerit, ne aliquid contra Tomam moliantur, gravi, et contumeliosa admodum, poenitentia luere debuit miser Rex, tantum quia imprudente dicto praebuerat occasionem. Juravit itaque coram Legatis, taclis euangeliiis, se caedem nec inperasse, nec adprobasse, imo vehementer doluisse, attamen ansam dedisse, ideoque ad omnem poenitentiam et satisfactionem a Papa inpositam esse promptum paratumque. Sequentes itaque ipsi praescriptae sunt conditiones 1. ut suis sumtibus ducentos aleret in Palaestina milites. 2. Ipse, si opus fuerit, contra infideles iret cum exercitu. 3. Illicitas consuetudines in Regno cassaret, et adpellationes ad sedem Apostolicam libere permetteret. 4. Ecclesiae Cantuariensi omnia bona et privilegia redderet. Injunctum praeterea ipsi est, 1. ut, ad Tomae tumulum tendens, ibi nudis pedibus, et flexis genibus, veniam cum lacrymis precaretur. 2. veste exuta, in Monachorum capitulo, a singulis fratribus virgis caesus ternos, vel quinos, secundum alios unum ictum, reciperet. Conditionibus modo memoratis juramento admissis, Regem, poenitentis habitu veniam ante fores postulanti, absolverunt Legati, et in Ecclesiam introduxerunt. Ceterum de Tomae miraculis certior factus Papa, eum canonizavit a. 1173. Miracula autem jactata sunt tam multa et singularia, ut Christi et Apostolorum longe superaverint. Ipse Johannes Saresber. epist. XC. lib. V. epistolarum S. Tomae dicit, ipsum *alios, de quibus legerim vel audierim in miraculorum exhibitione praecessisse*. Praeterea progressu temporis, jubileo etiam instituto in ejus honorem, incredibilis fuit undiquaque hominum confluxus ad sepulchrum ejus visitandum, adeo ut ex gr. a. 1420. supra quinquaginta millia fuerint, qui eo tetenderint.

§. LXXXII.

§. LXXXII. Reliqua Alexandri acta leviter perstringam, 1. Hibernia a. 1171. subiecta, ad quam occupandam, et Ecclesiam ibi dilatandam, acceperat Henricus ab Hadriano IV. licentiam a. 1155., diplomate dato, quod recenset Matth. Paris. a. 1155., et eo nomine notabile, quod *ad jus S. Petri et sacrosanctae Ecclesiae Romanae* adserat Papa pertinere omnes insulas, quibus sol iustitiae Christus illuxit, Henricus, coacto concilio a quatuor Archiepiscopis, et 28 Episcopis, quot tunc ibi erant, receptus cum esset Dominus, regnum Hiberniae ipsi, et haeredibus, Angliae Regibus, confirmatum est a Papa. Vid. Rogerus Hovedenus. 2. Concessit quoque Alphonso I. Regis Portugalliae titulum, quem ipse quidem sub Innocentio II. sibi sumserat, sed Papae nondum agnoverant: concessit vero ei Alexander, ob res praecclare contra Saracenos gestas: ut habet epist. 99. lib. I. Innocentii III. edit. Baluz. Diploma adhuc adservari testatur Baronius. Rex quoque regnum suum Romanae obtulit sedi, sub annuo duarum auri marcharum censu. 3. Notatu in primis digna est legatio sic dicti Presbyteri, vel, ut Otto Frisingensis eum adpellat, sacerdotis Johannis, qui etiam Pretejannus adpellatur, Indorum Regis, ad Papam, per Philippum Papae Medicum, ibi peregrinatum, additis litteris, quibus instructionem a Papa petit in fide et cultu Romanae Ecclesiae, utque Romae habeat Ecclesiam, ubi missi ab eo viri habitare queant: rescripsit Papa per eundem medicum, se eum mittere legatum, qui Regem erudiat, et Ecclesiam daturum esse. Exstant litterae apud Hovedenum, earumque inscriptio apud Radulphum, Matthaeum Parisiensem, et alios, habet, *Alexander Papa charissimo in Christo filio Presbytero Johanni, illustri et magnifico Indorum Regi:* additur quidem apud Hovedenum, *sacerdotum sanctissimo*, sed illud ei insertum est. Esse hos Indos non, quod Baronius et alii putarunt, Aethiopas, vel Habyssinos, sed Sineses, ex Ottone Frisingense, Gulielmo Tripolitano, Marino Sanuto, Gulielmo Nangio, et Vincentio Bellovacense,

se, secum collatis, jam satis constat, et a Kirchero in China illustrata, ac Ludolfo in commentario ad hist. Aethiopicam, est satis demonstratum. Tradunt vero historici citati, initio seculi Orientalium Asiae regionum regem fuisse Coirem Chamum, eoque mortuo, Nestorianum aliquem presbyterum, dictum Johannem, illud regnum occupasse, ejusque in familia continuasse usque ad a. 1202., quando David, Johannis filius, a Tartaris, Duce Cyngil-Chaam, occisus est, et regnum victoribus cessit: additur, Ducem illum duxisse filiam Johannis uxorem. Sed, licet nomine Presbyteri Johannis variae existant conjecturae, verius mihi videtur, quod Hyde ad *itinerarium Peritsol.* p. 254. observavit, nomen illud corruptum esse ex *Pris-toa-chan*: est autem *pristoa* titulus regum ditionis Tartaricae prope Sinarum confinia; titulis autem Principum Tartariae subungi solet *Chan*, vel *Han*. Ex *pristoa-chan* itaque a linguae ignaris factum est *Prester-jan*, et inde *presbyter Johannes*. 4. Denique observari meretur, *canonizandi* potestatem, quam metropolitani ad hoc usque tempus quoque exercuerant, sede Apostolica inconsulta, Alexandrum ad suam sedem retraxisse, eique soli adligasse; ut probat Mabillon. praefat. seculi V. Benedictini. Exstat vero ejus hac de re praeceptum in 3tio Decretalium, per Bonifacium VIII. collecto, tit. 45., de *reliquiis* et *veneratione Sanctorum*; ubi occasio decreti inde repetitur, quod nonnulli, more infidelium, instituissent hominis in ebrietate mortui, tanquam sancti, celebrare venerationem. Ceterum solebat in conciliis solennibus decerni canonizatio, et a Papa primum in aula concilii, dein ad majorem solennitatem in area Ecclesiae, aut in ipsa Ecclesia, sententia pronunciari. Vid. Papebrochius in *conatu Hist. Chronol.* etc. dissertat. XX., ubi etiam observat, seculo sequente, et deinceps, *indulgentias* tunc fuisse concessas.

§. LXXXIII. Alexandro, qui 22 annos sedit, successit *Lucius III.*, ab a. 1181., ad 1185. per quadriennium, patria

tria Lucensis, et Episcopus Ostiensis, electus a Cardinalibus solis, et secundum decretum concilii Lateranensis, de quo supra, a duabus tertiis partibus, vid. Onuphrius ad Platinam, consecratus a Portuensi Episcopo, praesente Archiepiscopo Ostiensi, ut moris erat, si Ostiensis Episcopus fieret Papa: vir prudens et pius, sed mediocris litteraturae, secundum Gulielmum Tyrium. Regem Scotiae Wilhel mum, in quem Alexander excommunicationis, ac interdicti sacri, sententiam tulerat, quia, Johanne Scoto canonice electo Episcopo S. Andreae, Hugonem capellanum suum per vim intruserat, et Papae sententiae obedire recusaverat, absolvit Lucius, Johanni Deinkeldensi Episcopatu dato, et Hugoni S. Andreae concessio. Duravit tamen contentio, cum Johannes in eo non acquiesceret, usque ad Clementem III. Vid. Hovedenus in *Annalibus Anglicis*. Gravis Papae fuit cum Romanis conflictatio, quod consuetudines, quas tenuerant decessores, recusaret observare. Venit quidem ad ejus defensionem Christianus Moguntinus cum exercitu, et Romanos graviter adflixit, sed hi, fonte aquarum veneno infecto, quod tamen solus refert Hovedenus, ipsum cum suis de medio sustulerunt, et Papam acrius sunt persecuti, adeo ut fugere fuerit coactus, Roma semel et iterum deserta. Cum autem secunda vice exularet, conventum celebravit Veronae, cui Fredericus Imperator interfuit, in quo Romani sunt declarati hostes, et Christianis in Palaestina laborantibus decreta auxilia. Voluit etiam Imperator, ut de ordinatis ac schismaticis dispensaret Papa, sed is ad plenarium illud retulit concilium. Agitata quoque est controversia de bonis Comitissae Mathildis, quae Imperator inperio, Papa Ecclesiae, fuisse testamento relicta, contendebat, sed nihil conclusum est. Edidit et hic constitutionem Papa contra Waldenses, Albigenes, aliosque haereticos, quos diro subjecit anathemati, quae inter Lucii epistolas occurrit; sed in decretalibus Gregorii haec ejus legitur constitutio, in *sacris canonibus*
Tom. VI. N genera-

generaliter traditur, ut de omni crimine Clericus debeat coram Ecclesiastico iudice conveniri.

§. LXXXIV. Successor ejus *Urbanus III.*, antea Archiepiscopus Mediolanensis, qui ab a. 1185. ad 1187. tantum sedit, acri rursus concertatione exercitus est cum Imperatore Frederico, cujus fundamenta jam erant sub Lucio jacta. Accusatus fuit Imperator, quod patrimonium Comitissae Mathildis injuste detineret, redditus Episcoporum mortuorum in Fiscum redigeret, Abbatisarum proventus sibi vindicaret. Praeterea, cum Henricum, filium Frederici, Imperatorem coronare recusaret, vivo adhuc Patre, nec se abdicante, Henricus vero a Patriarcha Aquilejense, sine consensu Papae, praesentibus et consentientibus aliis Episcopis, coronatus esset, Papa omnes eos ab officio suspendit. Auxit etiam dissidium schisma Ecclesiae Trevirensis, quod sub Lucio incepit, et ad Clementem III. duravit, occasione electionis Folmari et Rudolphi Episcoporum Ecclesiae Trevirensis, quorum illum Papa, hunc Henricus, tuebatur. Lucius nihil definiverat, sed Urbanus Folmarum adprobavit, et consecravit, invito Henrico cum Patre Frederico, Folmarus quoque consecratus excommunicavit Rudolphum. Quare Henricus, jussu Patris, fautores Folmari vexavit, spoliavit, et domus eorum publicavit: sed et alia in contumeliam Papae patravit; utique Episcopum aliquem, qui a Papa susceperat investituram, seseque Regi nihil debere contendebat, pugnis jussit caedi, et in luto platearum conculcari; interclusit porro omnes ad Papam aditus, adeo ut nemo sedem Apostolicam potuerit adire. Vid. Chronographus Aquicinctinus, et Autor Chronici Belgici magni. Quibus omnibus irritatus Papa Henricum decrevit excommunicare, sed morte praepeditus est exsequi. Vid. Arnoldus Lubec. Chron. Slav. l. III. c. 18. Denique Danos, quod sacerdotibus permitterent conjugium, excommunicasse fertur, ut Genebrardus ex Saxone Grammatico tradit. Mortuus est, ut narratur, ex dolore,

ex capta Hierosolyma cum Rege, et Sancta cruce, a Saracenis, cum annos fere duos sedem tenuisset: adpellatus a nonnullis, teste Abbate Urspergenſe, ad a. 1189., *Turbanus*, quod, ut autor inquit, cum eſſet *Mediolanenſis natione*, in odium Imperatoris, volebat turbare Eccleſiam, quae paulisper quietem jam receperat, ſed nutu Dei percuffus interiit.

§. LXXXV. *Gregorius VIII.*, Imperatori Frederico maxime charus, ipſi ſucceſſit, ſed ſpem de ipſo conceptam intercepit mors, quae ipſum, cum menſes duos tantum ſediſſet, abſtulit. Indigebat vero Eccleſiae ſtatus valde corruptus et turbatus reformatore; teſtatur utique Hugo Altifiſiodorenſis, Eccleſiam hujus temporis *per vitia diſfluam, et in maligna prolapſam, ambitioneque et avaritia, luxuriaque et haereſibus, quaſi quibuſdam peſtilentiſſimis hoſtibus, vineam Domini totam fere jam fuiſſe depaſtam.* Ceterum ab eruditione et humanitate, moribuſque honeſtis, laudatur ab omnibus, et totus fuit in expeditionibus ſacris urgendis, miſſis litteris encyclicis, et plenaria promiſſa indulgentia. *Clemens III.*, natione Romanus, antea Praeneſtinus Epiſcopus, et Cardinalis, qui ſucceſſit ab a. 1187. ad 1191. celebre naſtus eſt nomen, per varias lites finitas, et Principes unitos, ac ad ſacram expeditionem excitatos. Inter Papas et populum Romanum diuturna vigerat diſcordia civilis, occasione regiminis urbani, per annos plus minus quinquaginta, a tempore Innocentii II., quae per Clementem ſub certis conditionibus, quae exſtant in *libro cenſuum Romanae Eccleſiae* in Bibliotheca Vaticana per Cencium Camerarium, apud Onuphrium ad vitam Clementis, eſt terminata: quarum praecipuae ſunt, ut urbs in poteſtate Papae ſit, ut abrogato Patricio Praefeſtus reſtituatur, Senatores annui ex Papae creentur autoritate, et in ejus verba jurent, vectigalia et redditus in poteſtate habeant Papae, ita tamen, ut tertia pars populo cedat in ejus uſus, denique ut Tuſculanam civitatem, quam Romani, ut eam ſibi ſubjiciant, continuo bello oppugnabant, Papa ſolo aequari permittat. Diremit etiam contro-

versiam de Episcopatu S. Andreae, cujus in Lucio memini, Hugone, quod ab Urbano ad tribunal Papale citatus comparere recusasset, deposito, et Johanne confirmato, ut ex Hovedeno patet. Cui decreto cum Rex adsensum praebuisset, Papa Ecclesiam Scotiae declaravit sedi Papali unice in posterum subjectam fore, neminique licere, nisi Papae, aut legato ejus a latere, excommunicationem, aut interdictum sacrum, denunciare in regnum Scotiae, ut idem refert. Qua ratione Ecclesia illa ab omni Angliae et Archiepiscopi Eboracensis in eam jure liberata est. Terminavit etiam schisma Trevirense, Folmari ac Rudolphi electione sublata, et Ecclesiae concessa electione libera: ut autor magni Chronici Belgici refert.

§. LXXXVI. Ultimus seculi Papa est *Coelestinus III.*, ab a. 1192. ad 1198., inter cujus consecrationis caerimonias, quae in *ordine Romano* Cencii, Camerarii ejus, exstant apud Mabillon. *mus. Ital.* tom II., reperitur collocatio in *fede stercorarea*, additis verbis; *suscitat de pulvere egenum, et de stercore erigens pauperem* etc., de quo in Johanna Papissa egi. Factum Papalem in coronando Henrico V. demonstravit plane singularem. Cum Imperator, ante pedes Papae prostratus, accepisset coronam, una cum Regina, Papa mox pede percussit eam Imperatoris, et in terram dejecit, ut significaret, se eum, si demeruerit, de Imperio deturbandi potestate gaudere. Ita utique narrat Hovedenus, autor aequalis, cujus testimonium fortius est aliorum silentio: adeo ut inde falsi convinci nequeat. Dedit et alia Papalis autoritatis supremæ indicia. Alphonsum, regem Gallaciae et Legionis, excommunicavit, propter nuptias cum sua consanguinea, filia Sanctii, Regis Portugalliae, quas, licet a Papis damnatas, rescindere volebat, teste Hovedeno. Nec dissimilem ob causam contendit cum Philippo, Franciae Rege, qui Ingelburgen, regis Daniae filiam, legitimam per triennium conjugem, repudiaverat, praetextu, vel causa, propinquitatis sanguinis, et, divortio
a Regni

a Regni Episcopis, inconsulto Papa, adprobato, duxerat aliam. Callaverat divortium Papa, et novis nuptiis interdixerat, legatis quoque missis, qui jusserunt, ut, ejecta superinducta, Ingelburgen recipiat: sed irrito effectu, et Rex perstitit in proposito, usque ad a. 1201. De quo postea. Ceterum, divortium illud fuisse secundum canones Ecclesiasticos legitimum, demonstravit, et exemplis comprobavit, Blondellus in libro de formula *Christo regnante*. Exercuit porro eandem potestatem Papalem in Leopoldum, Austriae Ducem, qui Richardum, Angliae Regem, ab expeditione sacra per Ducatum ejus transeuntem, cepit, et Henrico V. captivum tradidit, qui eum detinuit. Richardus quidem, promissa magna pecuniae summa, datisque obsidibus, evasit, sed mox interpellavit Papam adversus Leopoldum pro restituenda pecunia, et dimittendis obsidibus: quare excommunicationis et interdicti sententiam Leopoldo, nisi hoc faciat, denunciavit: qui tamen hoc adspernatus est, sed brevi mortuus, et ante mortem Papae reconciliatus. Vid., praeter Hovedenum, Neubrigensis, et alii. Ipsum vero Henricum, eam ob rem excommunicatum, prohibuit sepeliri, nisi Rex Angliae consentiret, et pecunia ipsi extorta redderetur; ut Hovedenus refert. Denique per Legatum, in Poloniam et Bohemiam missum, curavit, ut sacerdotes a mulieribus et concubinis abstinerent; quod Poloni faciles admiserunt, sed Bohemi se opposuerunt, tanto inpetu, ut Legatum, nisi ab Episcopo Pragensi repressi fuissent, violassent. Vid. Johannes Dugloch, alias Longinus. Sed illud praestitit laudabile, quod pueros minores, monasterio oblatos, siverit ad seculum redire, si voluerint, condito ea de re decreto; cum ante hoc tempus oblatio fuerat irrevocabilis: ut ex superioribus suo loco constat.

§. LXXXVII. Ex hac Paparum historia, summatim tradita, licet de eorum autoritate, et potestate Apostolica, ac universali, facile constet, nonnulla tamen, quibus ea accuratius definitur, vel confirmatur, non abs re fuerit sub-

junxisse. Habebant quidem Episcopi potestatem de controversiis fidei, convocatis Synodis, judicandi, et Ecclesiastica tractandi negotia: sed Pontificiae sectae viri contendebant, quod Thomas alibi dicit, *totius Ecclesiae auctoritatem residere in summo Pontifice*, ipsius itaque esse Synodos Oecumenicas convocare, earumque sententias confirmare, de controversiis fidei definitivam ferre sententiam, symbola fidei, quae universali pollent auctoritate, condere, denique de omnibus Ecclesiae causis majoribus judicare. Quo etiam pertinet, quod criminum majorum, et singularium, cognitio, et judicium, fuerit Curiae Romanae datum. Vid. *traite sur l'autorite du Pape*, l. III. p. I. c. 8. Invaluerunt hoc quoque seculo *delegati Judices in partibus*, ut adpellantur, etiam *commissarii* dicti, (quo nomine alias veniebant a Principe ad res politicas, non judiciales, missi, etiam *Plenipotentarii* vocati,) quibus Papae revisiones causarum in aliis provinciis committerent, quique adpellationes ad sedem Romanam judicabant. Inceperunt quoque ordinarias Clericorum collationes turbare, apud Episcopos et Praelatos, per *preces armatas*, seu mandata, sive preces praeceptorias et executorias, cum antea per preces monitorias agerent, ut hic illeve eligeretur. Alexander III. vero in mandata vertit. Quod idem imitati sunt Imperatores et Reges. Vid. Boehmer. Jur. Eccles. l. III. tit. V., et de iudiciis delegatis l. I. tit. 29. Traxerunt quoque ad suum iudicium *canonizationes* sanctorum, ut in Alexandro III. observavi. Quae vero de controversiis fidei, et symbolo, dixi, luculenter constant ex contentione inter Cardinales et Gallicanos Episcopos in Synodo Rhemensi, contra Gilberti Porretani errores; quam enarrat Otto Frisingens. de gestis Frederici I. l. c. 57. Composuerant Gallicani Praesules *formulae* fidei contra eos errores, sed Cardinales illud factum, tanquam Papali et suae auctoritati contrarium, reprehendebant, dicentes, *Romana sedes sola est, quae claudit et aperit, nemo aperit et nemo claudit*, adeo ut, ea inconsulta, scribi non liceat. Responderunt

derunt Gallicani, non eo fini conditum esse symbolum, ut toti proponeretur Ecclesiae, sed Porretano, id petenti, fidem suam exponerent. Quo modesto responso licet contenti fuerint Cardinales, declararunt tamen, *scriptum illud, fidem continens, tanquam inconsulta curia prolatum, velut auctoritatis pondere carens, pro symbolo in Ecclesia non esse habendum.*

§. LXXXVIII. Quam eandem sedis Papalis universalem auctoritatem alii hoc seculo agnoverunt autores. Bernardus in litteris ad Innocentium II, de erroribus P. Abaelardi, in Synodo Rhemense damnatis, inter alia, dicit, *ad sedem Romanam referenda esse pericula quaeque, et scandala regni Dei, praecipue de fide, dignum enim esse, ibi resarciri damna fidei, ubi non possit fides sentire defectum*, quod aliquam redolere videtur sedis Papalis infallibilitatem, sicut et ep. 190. ad eundem dicit, *esse sedis Romanae praerogativam, non posse deficere a fide.* Guiga porro, Carthusiae majoris Prior, in litteris ad Innocentium, suo et fratrum nomine scriptis in Chronico Mauriniacensi, dicit, *non pars una, sed totus fere orbis est Papae dioecesis, ut enim Deus unus, Mediator unus, sol unus etc., sic et Papa unus.* Eodem tendit doctrina Pothonis, Prumiensis Monachi, l. III. *de statu domus Dei*; ubi, inter alia, dicit: *divinae voluntatis institutionem ibi (in Apostolica sede) principaliter tradi Ecclesiae Praelatis, eorumque subditis, et firmamentum dispensationis Ecclesiae ibi specialiter collocari, omnes res majores, et omnia Ecclesiarum judicia, ad eam, quasi ad matrem et caput, referri debere, ab ea nusquam adpellari, judicia ejus a nemine retractari, aut refelli debere, aut posse.* Nec aliter mentem declarat Anselmus, Havelburgensis Episcopus, in dialogis Eugenio III. dicatis l. III. c. 9., ubi addit, solum Pontificem Romanum, vice Petri, gerere vicem Christi, ceteros vero Episcopos vicem Apostolorum sub Christo gerere, jubere etiam Ecclesiasticam regulam, ea nullum habere vigorem, quae praeter Romani Pontificis sententiam praesumuntur, et

quae ab eo Apostolica autoritate ac subscriptione non firmantur: imo omnem Conciliorum auctoritatem a Romano Pontifice proficisci, nec oportere praeter ejus sententiam concilia celebrari: denique, habere Romanam Ecclesiam duo privilegia divinitus, videlicet, *prae omnibus incorruptam puritatem fidei, et super omnes potestatem judicandi.* Eodem recidunt, quae Thomas Cantuariensis protert l. I. ep. 97. Desino in notabilibus Honorii Augustodunensis verbis in *Gemma animae*, seu de antiquo ritu missarum lib. I. c. 188. quibus dignitatem et officium Papae summam exponit. *Papa dicitur Pater Patrum, vel custos Patrum. Hic etiam Universalis nuncupatur, quia universae Ecclesiae principatur. Hic quoque Apostolicus nuncupatur, quia Principis Apostolorum vice fungitur. Hic etiam summus Pontifex adpellatur, quia caput omnium Episcoporum esse videtur. Hujus nomen in ordinatione mutatur, quia Petri nomen in praelatione Ecclesiae a Christo mutabatur. Huic etiam claves traduntur, sicut Petro a Domino claves regni coelorum tradebantur, ut se janitorem coeli esse cognoscat, in quod coelum Ecclesiam introducere debeat. Hunc Melchisedech in officio praetulit, cujus sacerdotium aliis incomparabile fuit. Papae autem officium est, missas, et divina officia, ordinare, canones pro tempore ad Ecclesiae utilitatem immutare, Augustum consecrare, et pallia Archiepiscopis, privilegia Episcopis, vel aliis religiosis, dare, totam Ecclesiam, ut Christus, gubernare. Itaque Papa in vice Christi Ecclesiam regit, Episcopi in loco Apostolorum ei praesunt. Presbyteri septuaginta duos Discipulos exprimunt. Reliqui ministri Diaconos ab Apostolis constitutos praeferunt. Confer quoque sermonem XXIII. in Jes. XV. Aelredi, Abbatis Cisterciensis in Anglia, in Bibl. M. Patrum tom. XXIII., qui inter alia magnifica de Ecclesia Romana dicit, sicut summus Pontifex ex legitima, et, ut ita dicam, haereditaria successione Petri obtinet principatum, ita ceterorum Apostolorum potestas in Cardinales constat esse transfusa. Haec est Ecclesia Romana, cui qui non communicat haereticus est.*

Illius

Illius interest consulere omnibus, judicare de omnibus, omnibus providere. — — — Quicquid ipsa statuerit suscipio, approbo quod approbaverit, et quod damnaverit damno. Ipsius est, eligere nobis Pastorem, et Episcopum animarum nostrarum, etc. Godefr. Viterb. in Historiae suae dedicatione Urbano II. dicit, nullum scripturarum elogium nosci esse authenticum, nisi ab ejus (Papae) sapientiae fluminibus sitientibus propinetur, addit dein, ipsi terrena et coelestia divinitus esse commissa.

§. LXXXIX. Nec tamen defuerunt, qui vel restrinxerunt hanc potestatem, vel ei contradixerunt. Johannes Saresberienf. epist. 193. ad Alexandrum III., fateor, inquit, et verum est, omnia Romano licere Pontifici, sed ea duntaxat, quae jure divino Ecclesiasticae sunt concessa potestati. Liceat ei nova jura condere, vetera abrogare, dum tamen ea, quae a Dei verbo in Evangelio vel lege perpetuam causam habent, mutare non possit. etc. Goffridus Vindocin. Abbas, cujus opuscula edidit Sirmondus oper. tom. III., quae sunt epistolae, et sermones, praeter nonnulla alia, Papalis potestatis fuit quidem summus defensor, libertatis, sic dictae, Ecclesiae, vel Hildebrandini systematis, furiosus vindex, Episcoporum et Clericorum autoritatis, cui Laici adsurgere debent, patronus magnus, ut lib. IV. ep. 22., et alibi, investituram laicam dixit pessimam haeresin, hoc fundamento; quod baculus et annulus sint sacramenta, vel signa sacri muneris, quodque Episcopus fiat per investituram Laicam subjectus Laicis; adeo ut laicus, qui investit Clericum, se Christo censeatur facere superiorem, et Christo adimere aequalem divinitatem cum Patre: quod est haereticum. Nullum etiam decretum, aut concilium, ratum esse statuit, quod non fuit Papali autoritate firmatum; uti l. V. ep. 13. Denique, quod obiter notetur, primus est, qui ad jus Paparum in Reges, et summas Potestates, stabiliendum, inepta et absurda usus est allegoria, duorum gladiatorum in manu Petri Luc. XXII., et dicti Christi ad eum, cum gladium tempore passionis Christi strinxisset, quo jussus est, gladium in locum suum

Tom. VI. suum

suum reducere Matt. XXVI.; qua illud ad duplicem potestatem, spiritualement et civilem, Petro concessam, adplicuit, excommunicandi per unum, et occidendi, vel poenas temporales intelligendi, per alterum gladium, sed ita, ut prior a Petro ipso administraretur, posterior a Potestate civili, ad nutum et iussum Petri; quo traxit reductionem gladii a Petro in vaginam, acsi sensus esset, tu eo non uteris amplius, sed in tua potestate erit, ita ut Princeps usum ejus a te recipiat. Vid. Opusc. IV., et Joh. Saresber. Policrat. l. V: 3. Ab hoc tempore in eo fundari coepit potestas Papalis, ut et fecit Gregorius IX. sec. XIII. in epist. ad Archiepisc. Graecorum, apud Matth. Paris. a. 1238. Hic ipse tamen Goffridus in opusculis adserit, Papam nihil posse, nisi quod Scripturae definitioni convenit, et quod Petrus potuit, qui correctione, ut a Paulo, non fuit superior. Ceterum, ut illud hic obiter observem, aliquem, licet in fide et ritibus dissidentem, excommunicari non vult, si multitudinem habeat consentientem, ne fiat schisma, p. 590. de jejunio etiam sanius, quam fieri adsolet, differit l. IV. ep. 28. Gratianus quoque, suprematus Papalis magnus patronus, varia collectionibus suis inseruit, quae Papae fallibilitatem in rebus fidei, ejusque subjectionem Synodis in ejusmodi causa, arguunt: uti ex. gr. in capite *Anastasius* Distinct. XIX. et XL., ubi disertè dicit, Papam a nemine esse judicandum, nisi ubi deprehenditur a fide devius, et tunc ipsum esse Synodo minorem. Quod idem fuit concilii Viennensis a. 1112. judicium, testibus actis ejus et Litteris ad Paschalem. Ipsi Bernardo etiam excidit dictum, epist. VII., *nunquid ideo aut malum esse definit, aut vel minoratum est, quia Papa concessit?*

§. XC. De reliquis Clericis nihil fere habeo, quod observatu dignum est, nisi quod *Subdiaconatus* fuerit per Urbanum III. inter majores, vel sacros ordines, relatus, cum antea minoribus, non sacris, adscriptus erat, quodque *Canonici regulares*, hoc in primis seculo, fuerint renovati. Canonici Clerico.

Clericorum ordo, qui sec. VIII. maxime invaluerat, collapsus fere fuit sec. X., introductis Clericis *Secularibus*, ut suo loco vidimus. Vestigia tamen regularium a. 993. in Clero Hildesienfi adparuisse, ex Chronico Episc. Hildes., apud Leibnizium *rer. Brunsvic.* tom. II. patet. Sed huic ordini instaurando sec. XI., circa fin., inprimis hoc sec. XII., incubuerunt toti. Decreverant jam hoc reformationis genus Papae Nicolaus II. et Alexander II. in Synodis Romanis ann. 1059. et 1063., canone de vita Clericorum communi condito. Sed primus qui in Italia rem actu introduxit, est Petrus de Honestis, in initio seculi mortuus, qui in Ecclesia Portuensi, in agro Ravennate, canonicis, quibus praeerat, praescripsit regulam, quam confirmavit Paschalis II.; exstat ad calcem Operum Damiani. In Gallia jam ante, scilicet sec. XI. a. 1078. id fecit Ivo Carnotensis, teste Sigeberto in Chronico. Adferit vero Ivo epist. 213., neminem Clericorum, nec civilis, nec Suburbanae Ecclesiae Presbyterum, a communi vita esse immunem. Exstruxit dein Ludovicus VI., Galliarum Rex, coenobium Canonico-regularium S. Victoris ad muros Parisienses. Vid. Jacobus de Vitriaco Hist. Occidentalis c. 24. Unde in locum Secularium inveci sunt in Ecclesiam S. Genovefae Canonici regulares, jussu Eugenii III. a. 1148. Vid. autor coaevus vitae Wilhelmi, Roschildensis Abbatis in Dania. Denique hujus ordinis institutio in Hispania autorem habet Oldegarium, Abbatem S. Rufi, extra muros Avenionenses, dein Archiepiscopum Tarraconensem, defunctum a. 1137. In Anglia eum renovavit a. 1135. Gilbertus Sempringhamensis, cujus elogium exstat apud Gulielm. Neubrigenf. l. I. c. 16. Professi vero sunt canonici regulares vitam communem, secundum regulam Augustini, cujus meminit Possidonius in ejus vita, quae vetat patrimonium, aut peculium, aut ullum bonum proprium habere, ac possidere.

§. XCI. Ortus quoque est novus canonicorum regularium ordo, *Praemonstratensis* dictus, autore Norberto, circa

a. 1122. Nomen habet a loco dioecesis: Laudunensis in Sylva Vosago *prato monstrato* adpellato, Gall. *pres-monstre*. Unde fabula est nata de loco divina revelatione *praemonstrato*. Fuit autem Norbertus nobilis Lotharingicus, primum monachus, et fundator ordinis, dein Archiepiscopus Magdeburgensis, ab a. 1127. ad 1134. visionibus, et revelationibus, ut credebatur, celebris. Confirmatus est ordo a Callisto II., et aliis Papis, et longe lateque propagatus. Retinet quidem regulam Augustini, sed longe rigidiorem et austeriorem per Norberti instituta. Habitus eorum est alba vestis, vel tunica sub candido pallio, unde contentio inter ipsos et aemulos Carmelitas deinceps est nata. Laudat hunc ordinem, una cum Cisterciense, inpenſe Laurentius de Leodio, in historia Episcoporum Virdunensium, apud Dacherium in spicilegio.

§. XCII. Continuarunt tamen, his non obstantibus, Clerici *seculares*, qui in Cathedralibus Ecclesiis sese ad seculum magis etiam conformarunt, antea dicti *fratres*, deinceps *Domini*, unde nomen *Domheeren* fluxit, seu Dominorum Ecclesiae Cathedralis. *Dom* enim est domus, vel dominicum, quo nomine venit Ecclesia, et eximie Cathedralis. Clericos vero Ecclesiae primariae jam seculo VII. vertente nuncupatos esse *Dominos*, observat Mabillon. aët. Benedict. sec. III. p. I. Denique, canonicorum titulo, tanquam villi, et aliis clericis in collegiatis Ecclesiis communi, abjecto, *Capitularium* nomen adoptarunt, quibus vox in capitulo, et status in choro, competit. *Capitulum* autem proprie erat pars, seu brevis sectio regulae, quae certo in loco, praesentibus Canonicis, praelegebatur, unde ipse locus nomen capituli traxit, et Capitulares dicti sunt Clerici Cathedralis Ecclesiae, qui votum in *capitulo* habent. Quod ipsum Capitulum deinceps separatim factum est collegium, sibiue electionem Episcopi vindicavit. Vid. Boehmer. Jur. Eccles. l. III. tit. IX.

§. XCIII. Ad *coelibatum* Clericorum pertinet, non defuisse

isse hoc seculo, qui ei contradixerunt, uti in Anglia, Hibernia, Polonia, Bohemia, et Germania; testibus populorum illorum Annalibus et Historicis. Supra in vita Coelestini memoravi legationem propterea in Poloniam et Bohemiam missam. In Dania fuisse sacerdotes uxoratos, ex Saxone Grammatico constat, et de Germanis ex Abbate Urspergense. Cum vero in Lateranense I. concilio sub Callisto II. decretum contra Clericorum nuptias esset factum, poeta Anglus haec cecinisse refertur a Balaeo Centur. II.

*O bone Calixte nunc omnis clerus odit te.
Quondam Presbyteri poterant uxoribus uti.
Hoc destruxisti, postquam tu Papa fuisti.
Ergo tuum merito nomen habent odio.*

§. XCIV. Inceperunt, ut de *Disciplina* aliquid moneam, hoc seculo *tribunalia* Ecclesiastica Episcopalia, ad normam legum civilium vel Romanarum, veram iudicii formam habentia, tritura forensi causis et controversiis Ecclesiasticis adtributa: simul introducti sunt *Vicarii* Episcoporum, quibus contentiosa haec iurisdictio ab Episcopis est demandata, nonnullis tantum Episcopo reservatis. Ad quam normam deinceps, tempore Reformationis sec. XVI., conformata sunt, sic dicta, *Consistoria*, tanquam tribunalia Ecclesiastica Protestantium. Vid. Boehmer Jur. Eccles. l. I. tit. XXVIII. Invaluerunt quidem sec. IV. *iudicia* Ecclesiastica, sed quibus ipsi praesidebant Episcopi, nec causas civiles, nisi per modum *arbitrii* tractabant: sed nunc, ad normam processus civilis, aliam induerunt formam. Imo vero causae civiles ad Ecclesiasticum tractae sunt tribunal, variis sub praetextibus, uti 1. *peccati*, circa causam civilem commissi, vel praeveniendi 2. *denunciationis* evangelicae, sic dictae, quae peperit remedium juris extraordinarium: quatenus quis, ius contra proximum nancisci non valens, denunciat Ecclesiae,

pētens, ut proximum, tanquam qui peccavit, in ordinem redigat. 3. denegatae *justitiae* a Laicis iudicibus. 4. *matrimonii*, tanquam sacramenti, quo praetextu omnes causae matrimoniales ad tribunal Ecclesiasticum referuntur. 5. *juramenti*, quo nomine omnia negotia, cum juramento conjuncta, rebus accensentur ad forum Ecclesiasticum pertinentibus. De quibus omnibus, aliisque causis, vid. Boehmer Jur. Eccles. l. II. tit. II., qui ibid. l. V. tit. I. prolixum, juxta seriem alphabeticam, contexit criminum Ecclesiasticorum, vel mixtorum, catalogum.

§. XCV. Praeterea *Indulgentiarum* plenissima potestas fuit Papis adtributa; quam ex gr. Honorius II. et Eugenius III. exercuerunt, qui, ut sacras promoverent expeditiones, promiserunt, utique Eugenius, ut *omnium, de quibus corde contrito confessionem fecerint, indulgentiam obtinerent*; teste Bernardo epist. 322. et 394. ubi eam adpellat *largissimam*. Unde Canonistarum fluxit doctrina, solius Papae, instar Dei, esse remissionem peccatorum. Denique originem huic seculo debet opinio de *thesauro*, seu superabundante cumulo meritorum Christi et Sanctorum: cujus dispensatio est Ecclesiae commissa, seu principaliter Papis, Petri successoribus, ex quo indulgentiae dispensantur. Raymundus autem eam doctrinam in lucem protraxit. Albertus M. dein magis excoluit, et Tomas Aquinas splendide ornavit, Clemens VII. pontificali auctoritate corroboravit. Vid. Boehmer Jur. Eccles. tom. IV. in disert. praeliminari de *Romana Ecclesia matre indulgentissima*.

VITA ET MORES.

§. XCVI. Orti sunt hoc seculo, ut a Monachatu, pro more, incipiam, novi ordines, sive militares, sive mendicantes. Militares fuerunt, causa et occasione peregrinationum Hierosolymam instituti, Hospitalarii, seu Johannitae, Templarii, Teutonici, milites Jacobi Calatravae et Alcantarae: quorum

quorum aliqua danda est notitia. *Hospitalarii* nomen traxerunt ab hospitali S. Johannis Hierosolymis, cujus haec fuit origo, ut Gulielmus Tyrius l. XVIII. et Jacobus de Vitriaco hist. Hierosol. c. 64. narrant, vid. etiam Humbertus, *Praedicatorum* magister quintus, in tractatu *de modo promte cudendi sermones* etc. lib. II. c. 35., ubi in seq. etiam de aliis ordinibus agit, exstat in Bibl. M. Patr. tom. XXV. Cum Hierosolyma in potestate esset Saracenorum, multi autem ex Occidente, sive mercaturae, sive devotionis, ergo, eam visitarent, Amalphitani mercatores, qui Normanni erant, licentia a Calipha Aegypti, cui tunc regiones a Laodicaea Syriae Alexandriam ulque parebant, muneribus et tributis inpetrata, construxerunt Hierosolymis Ecclesiam, in quo Latinum celebrarent officium, prope sepulchrum Domini, dictam S. *Mariae de Latina*, in honorem quippe Mariae, matris Domini, quae Abbati et Monachis Latinis est tradita. Cui mox alterum accessit monasterium, in honorem Mariae Magdalenae, excipiendis mulieribus peregrinis destinatum, in quo sanctimoniales hospitalariae sunt collocatae. Confluxu deinde peregrinantium crescente, Abbates et Monachi Ecclesiae Mariae de Latina condiderunt, in usum infirmorum et egenorum, aliquod *hospitale* in honorem Johannis, sive eleemosynarii, qui Patriarcha fuit Alexandrinus, ut autores citati testantur, sive, quod Equites hospitalarii contendunt, et acta aliqua publica donationum, hoc seculo hospitali factarum, habent, Johannis Baptistae: quod tanti non est. Quo in statu res manserunt usque ad captam a Latinis Hierosolymam. Quando Gerardus aliquis, qui in hospitali sub Abbate Ecclesiae Mariae ministraverat, et xenodochii magister erat, adsumtis viris religiosi, in animum induxit, habitum suscipere religiosum, seseque certae adstringere regulae, sumta cruce alba, vestibus exterius intexta, tanquam signo. Operam autem viri hi religiosi collocarunt in egenis ac aegrotis sublevandis, subjectique erant Abbati S. Mariae

de Latina, et Patriarchae Hierosolymitano, cui de bonis suis solvebant decimas. Progressu dein temporis, cum sese ad peregrinantes in via tutandos et defendendos vertissent contra infideles, receptis in ordinem suum militibus, ordo iste factus est *equestris*; et negotia sunt divisa, ita ut alii defenderent fideles, alii pauperibus et egenis ministrarent, nominatim *leprosis*; unde adpellati sunt equites S. Lazari. Communi vero subiecti sunt magistro, et postea inmensum in numerum, et varias in nationes, excreverunt, ingentesque opes corraferunt ex fidelium donationibus, aliisque fontibus. Cum vero antea decimas penderent Patriarchae, ut dixi, eique essent subiecti, Anastasius IX. Papa insigne iis concessit privilegium a. 1154., quo a decimis, aliisque oneribus, liberati sunt, ac Patriarchae et Praelatorum jurisdictione exempti; unde inter eos et Clerum Hierosolymitanum mox orta sunt dissidia. Ceterum hi ipsi Hospitalarii, postea per infideles Hierosolyma expulsi, Rhodum secesserunt in insulam, ac Rhodii dicti, sec. XIV., deinde, Rhodo a Solymanno occupata, insulam Miletum sibi vindicarunt, ac Melitenses adpellati equites sec. XVI. Quo nomine adhuc sunt notissimi.

§. XCVII. Eiusdem fere instituti et temporis sunt *Templarii*, seu fratres militiae Templi, eo nomine insigniti, quod Hierosolymis, juxta Templum Domini, in palatio Regio, primam habuerint mansionem, ut tradit Gulielmus Tyrius, et Jacobus de Vitriaco: a quo Templo et aliae eorum aedes in Gallia et Anglia nomen Templi nactae sunt. Templum autem illud, ab Omaro, tertio a Muhammede, ibi sec. VII. in usum Saracenorum conditum, ut Eutychnus in Annal. refert, et Gulielmus Tyrius, Hierosolyma a Latinis occupata, Christianorum sacris fuit dicatum, et nomen *Templi Domini* accepit. Cui vicina erat domus Regia, Templum Salomonis adpellata, cujus pars Templariis est concessa, et nomen Templariorum iis dedit. Primi au-
tores

tores fuerunt novem equites, omnes Latini, et primae expeditionis cruciati, inter quos expresse nominantur Hugo de Paganis, et Gaufredus de S. Aldemaro. Professi autem sunt, in manu Patriarchae Hierosolymitani, more Canoniorum Regularium, *castitatem, obedientiam, et vitam communem*, adeoque veri fuerunt Monachi, et in se susceperunt, quod a Patriarcha, et reliquis Episcopis, ipsis injunctum est officium, *vias et itinera*, maxime in salutem peregrinorum, *pro viribus conservandi, contra latronum et incurfantium insidias*, ut Gulielmus Tyrius, et Matthaeus Parisiensis, tradunt. Institutus est ordo a. 1118. sub Balduino II., rege Hierosolymae, et Gelasio II. Papa, dein post novem annos confirmatus, autoritate Concilii Trecensis in Gallia a. 1128., et Papae Honorii, regula etiam iis praescripta, quam Bernardus Claraevallensis non quidem composuit, sed alius, a concilio et Bernardo ad id vocatus, teste prologo regulae, sed valde laudavit in tractatu, qui ordinis continet elogium, et exhortationem ad officium praeclare praestandum. Habitus eorum fuit albus, primum sine cruce, sed a tempore Eugenii III., qui ab a. 1145. sedit, cruces de panno rubeo mantellis coeperunt adsuere, ut autores citati habent. Albae vestes significarent innocentiam, et cruces rubeae martyrium, ac bellum contra infideles. Vexillum autem praetulerunt bipartitum, ex albo et nigro interstinctum. Denique insigne erat, *duo unum equum equitantes*, in signum primae paupertatis, quae tanta fuerat, ut duo Principes eorum, modo memorati, unum tantum habuerint dextrarium, seu *destrarium*, seu equum majorem et cataphractum.

§. XCVIII. Crevit ordo, et hominum et opum copia, brevi tempore, inmensum. Equites, tempore Gulielmi Tyrii, fuerunt jam trecenti, et fratres infinito fere numero. Tradit vero Matthaeus Parisiensis ad a. 1118., eorum possessiones, *tam citra quam ultra mare, adeo inmensas fuisse, ut jam non sit in orbe Christiano provincia, quae eis honorum*

suorum portionem non contulerit, et regis hodie divitiis praestantiores sint: dein ad a. 1244. p. 144. in Christianitate habuisse eos novem millia *manerorum*, seu habitationum, cum certa agri possessione. Divitias vero autores citati testantur fuisse pares regis: addit Gulielmus Tyrius, ne provinciam quidem esse in orbe Christiano, quae bonorum portionem in eos non contulerit. Quae opes partim sunt ortae a superstitionis Christianorum liberalitate, partim inde, quod Principes viri nomina sua ordini dederint, qui bona sua secum in eum tulerunt. Eminuit autem inter liberales illos datores Ludovicus VII., Galliarum Rex, ejusque successor Philippus II., qui summi eorum fautores fuerunt. Sed et hinc factum est, quod Templarii, qui in principio statum suum praeclare sunt tuiti, defecerint ad superbiam primum, et dein ad summum luxum. Inter superbiae indicia fuit, quod Patriarchae Hierosolymitani, a quo ordinem et omnia acceperant, obedientiae se subtraxerint, et Papis immediate subjecti fuerint, sicut tempore Gulielmi Tyrii jam factum fuit. Sed et tunc ipsis Christianis per latrocinia, et caedes, aliaque facinora, sese molestos praestare coeperunt, teste Gulielmo Tyrio. Expeditiones autem eorum, felices infelices, enarrare, ab instituto nostro alienum est: quaedam adtingam in historia belli sacri. Plura qui de Templariis velit, adeat inter alios Gurtlerum, Virum Clar., et eruditum Theologum, in eorum historia.

§. XCIX. Exortus etiam hoc seculo est tertius ordo celebrior, utrumque superiorem imitatus, et ejusdem instituti, dictus *Teutonicus* S. Mariae in Hierosolyma, quia originem debet Germanis, ejusque gentis peregrinis recipiendis destinatus est, et ex Germanis constabat. Adpellatur vero *S. Mariae*, quia Mariae Virgini, tanquam patronae, erat dicatus et devotus: cui oratorium quoque consecrarunt juxta hospitale, seu Xenodochium, a nobili Germano Hierosolymis constructum, in usum pauperum peregrinorum ex Germanis. Confirmatus autem est ordo a Coelestino III. Papa
a. 1191.,

a. 1191., quando cruces nigras albis chlamydis adfuerunt. Vid. Jacobus de Vitriaco. Postea vero sec. XIII. ordo est in Germaniam translatus, sub Frederico II. Imperatore, quando Borussia inuaserunt. De origine ordinis Vid. chronicon Prussiae, sec. XIV. conscriptum, a Petro de Dusbürg, sacerdote ordinis, et cum notis editum a Christophoro Hartknoch. Ceterum adjunctus ordini est alius, *Gladii vel ensiferorum*, ad formam Templariorum, a. 1186. contra Livones, aliosque populos barbaros, sub Alberto Bremenſe, Episcopo Regensē, institutus. Vid. Arnoldus Lubecensis in historia Slavorum lib. VII., et Krantzius l. VI. Vandaliae.

§. C. Reliquos ordines, hoc seculo natos, paucis adtingam. Institutus est a. 1120., ad Templariorum quoque formam, ordo *Equitum S. Sepulchri*, adversus infideles, in variis Arragoniae locis; qui etiam *fratres de palmis* adpellantur, quod palmam elegerint pro insignibus. Accidit sub Alphonso, Arragoniae Rege. Vid. Surita annal. l. I. Circa medium seculi institutus est ordo militum *Calatravae arcis*, et urbis in Castella, a Raymundo Abbate Fiterii, coenobii Cisterciensis, in Vasconia, vel Navarris, instigante Didaco Velasquio, ex strenuo milite Monacho facto, circa a. 1158., sub Sanctio majore, patre Ferdinandi I. Occasionem dedit rumor de instante Maurorum irruptione. Cum enim Templarii, qui arcem tenebant, eam propterea Regi tradidissent, tanquam defendendae in pares, Abbas cum Didaco propositum suum significavit Johanni, Primati Toletano, qui mox publice fecit proclamari, omnes, qui in auxilium Calatravae irent, remissionem peccatorum habituros esse. Unde ordo natus est, qui, Calatrava accepta, ibi sedem posuit, et ab Alexandro III. a. 1164. confirmatus. Habitus vero distinguens est niger vestitus cum cruce rubea. Vid. Rodericus Toletanus rer. Hisp. l. VII. et Mariana hist. Hisp. l. XI. Ad horum denique normam surrexerunt Equites S. Juliani de *Peirero*, in reg-

no Legionensi, praeter alios, quos mitto. Vid. Mauricus in Annal. Cisterciens. Tandem ordo militum S. Jacobi, antea flagitiorum atrocitate, quam fidelium propugnatione, nobilior, reformatus est, et ad modo memoratos conformatus, cui auctoritatem dedit Alexander III. a. 1175. Institutus autem est ad eorum defensionem, qui ad Jacobum Apostolum, quem fama ferebat Compostellae in Gallicia esse sepultum, visitandum irent in Hispaniam, ut illi contra Maurorum incursiones essent tuti. Distingunt se insigni gladii rubentis, seu militaris spathae, capulo, instar purpureae crucis, qua pectus muniunt. Dicitur autem ordo *Sant-Jago*.

§ CI. De mendicantibus et Carmelitis cum ad sec. sequens sit agendum, digito adhuc monstrabo ordinem *fortis Ebraldi*, a Roberto de Arbrifello fundatum, eo nomine singulari m, quod caput ordinis sit Abbatissa, cui, aequae ac sanctamoniales, subiecti sunt Monachi. Confirmarunt ordinis regulam Papae Paschalis II. et Callixtus II. Incepit autem ordo a. 1100. Ceterum hic Robertus, in villa Arbrifello, in Arenorica, natus a. 1047. et in parthenone ordinis, a se instituti, in dioecesi Bituricensi mortuus a. 1117., insigne fertur fuisse Galliae lumen, summa in gratia apud Ecclesiae et seculi principes, vitae quoque severioris, ac vitiorum seculi acerrimus censor. Cui tamen vicio versum est, quod foeminis nimis familiariter fuerit usus, adeo etiam, ut cum ipsis, ac inter ipsas, noctu frequenter cubare non erubuerit, sed eo scopo, ut carnem cruciaret, ejusque ardorem exstingeret: sicut ipsi objecit Goffridus, Vindocinensis Abbas, de quo supra plura dixi, in epist. ad ipsum scripta, quae est 28^{va} lib. IV. Quod idem, et alia, ipsi objecit Marbodius Redonensis in Britannia Armorica Galliae Episcopus ab a. 1096. in epistola ad eum, si sit genuina. Sed non desunt, qui eum, tanquam falso rumore ejus criminis suspectum, defenderunt, ut Sirmondus Oper. tom. III. in praefat., ubi Goffridi opuscula exstant. Narrat vero Neu-

Neubrigensis rer. Anglic. l. I., inter Bernardum Vitalem et Robertum convenisse, ut Robertus foeminarum conversarum curam gereret: unde forte suspicio de nimis familiariore conversatione ejus cum foeminis nata est.

§. CII. Vitae et morum ratione habita, turpissima plane et tristissima fuit Ecclesiae in utroque orbe facies, Clero juxta et populo valde corrupto, et, praeter ignorantiam ac incredibilem superstitionem, dominantibus vitiis hypocrisis, ambitionis, dominii, avaritiae, luxus, scortationum, rapinarum, et oppressionum. De quo omnes testantur annales, historici, alique scriptores. Vid. Usserius de Success. Eccles. in Occidente, Catalogus testium veritatis l. XIV., et Wolfius Lect. Memorab. cent. XII., et Hottingerus in hist. Eccles. hujus seculi, ne aliorum faciam mentionem. Ex veteribus, ut aliquos excitem, legendus est Bernardus in libris de *consideratione* ad Eugenium III., et sermo in concilio Rhemenfi ad Clerum, qui ejus nomen praefert, Oper. Bernardi vol. II. De inmensa Praelatorum avaritia luculentum exstat Bernardi testimonium, sermon. X. ad Canticum Salomonis Oper. tom. I. p. 1208., de fastu eorum et aliis vitiis ibid. p. 1397., ubi etiam inde collegit, instare tempus, quo manifestetur Antichristus. Sic et de eorum luxu, pompa, ac spoliationibus Ecclesiae, sermon. 77. De luxu, hypocrisi, et fastu inmodico Monachorum variis in locis agit, quorum multa excerptit Wolfius Lect. Memorab. centur. XII. ad a. 1148., videatur etiam Arnoldus Chron. Slavorum l. III. c. 9. Legenda in primis est *Apologia* Bernardi ad Gulielmum Abbatem, qua se, et ordinem suum Cisterciensem, defendit a calumnia obtreptionis aliorum ordinum. Conferantur etiam Gaufridi Abbatis declamationes ex Bernardo, Oper. Bernardi tom. II., ubi etiam de scortationibus, et nundinationibus sacris, ac ambitione munerum Ecclesiasticorum, aliisque vitiis, agitur. De avaritia et luxuria Praelatorum et subditorum conqueritur quoque Petrus Cellensis l. VII. epist. 11. et 13., nec non de ebrietate et

libidine in Anglia grassante l. III. ep. 10., qui l. IV. ep. 13. corruptionem Monachorum acerbè deplorat. Exstant ejus opuscula in operibus Sirmondi tom. III. Petri Blaesensis epistolam, qui in Cleri avaritiam et luxum vehementissime invehitur, recensuit Catalogus *testium veritatis* loc. cit. Testatur quoque de seculi corruptione Gillebertus Abbas, in Canticum Salomonis serm. 13. et 14., in operibus Bernardi tom. II., nec non Aelredus, Reivallensis in Anglia ordinis Cisterciensis Abbas, Bernardi familiaris, serm. X. et XI. ad Jes. XIII. in Biblioth. M. Patrum tom. XXIII. De avaritia et desidia Episcoporum vid. autor vitae Radberti in Antiq. Lectio. Canisii tom. III. p. II., qui hujus videtur esse seculi. Volcuinus, Abbas Sittichenbacensis, in comitatu Mansfeldensi, qui hujus est, et non XVti, ut male habet Catalogus *testium veritatis*, diabolum dixit sacerdotibus tres suas filias elocasse, superbiam, avaritiam, et luxuriam. Vid. de eo Leuckfeldius in Antiquitatibus Walckenridensibus. Omnem porro meretur animadversionem notabile carmen jambicum Gulielmi Malmesburiensis, in ejus historia obvium l. III. c. 28., nec non *satyra* Bernardi Cluniacensis de *contemptu mundi*, in Catalogo *testium veritatis* l. XIV., unde hos tantum versiculos excerpam.

*Aurea tempora, castaque pectora, praeterierunt.
Tempora pessima, scilicet ultima, jam subierunt.
Stant modo stantia lucra, superbia, pax sine pace.
Fraus, Venus, otia, furtaque conscia noctis opacae.
Schismata, praelia, vis, homicidia, traditiones.
Ira, protervia, livor, inertia, seditiones.
Stat simulatio, corrui actio, religionis.
Heu! sua propria deputat omnia Rex Babylonis.*

In seculi corruptos mores acerrime etiam invehitur Arnoldus Chron. Savorum lib. III. c. 22. *Peccatum est maxime Graduum Ecclesiasticorum*, inquit Rupertus Tuitiensis ad Apoc.

Apoc. XI. lib. VI. *peccatum venalitatis et avaritiae, quod nunc adspicimus, et ubique regnare videmus, ambitione nimia cuncta devastante, avaritia fere universa reposita intus in Ecclesiis devorante, ubi, quia licet vivere, licet etiam ambire, etc.* Vitia et crimina civium Babyloniae sui temporis, per omnes ordines grassantia, graphice etiam depinxit Honorius Augustod. de *Praedestin. et libero arbitrio* in fine. Vid. etiam Potho, Presbyter Prumienfis, de *statu domus Dei*, in Bibl. M. Patrum vol. XXI. lib. I., et lib. III., utrobique haud procul ab initio, ubi totalem Ecclesiae corruptionem acerbe deplorat: sicut et avaritiam curiae Romanae Abbas Urspergensis, de *diffidio Philippi et Othonis IV.*, ubi inter alia dicit, *cataraëtas thesaurorum in terra aperiri, ut in curiam illam nummi magna copia confluant.* Hugonis Alusi- odorensis verba supra citavi in Gregorio VIII. Ipse Innocentius III. de sacerdotibus scripsit, *illos nocte venerem amplexari, qui mane virginem venerantur, noctu filium veneris agitare in cubilibus, qui mane filium virginis offerunt in altari.* Foedissimum ejus exemplum prostat apud Henricum Huntingtoniensem circa a. 1158. in Johanne de Cremona, legato Pontificis, et Praeside in Synodo Londinensi, qua conjugia sacerdotum sunt damnata, qui in complexu meretricio est deprehensus eo ipso tempore, quo conjugia proscripsit: cujus tamen facinoris nullus alius meminit hujus temporis, ne quidem Gul. Malmesburiensis. Vid. Baron. Ann. a. 1125. Vid. etiam Matthaeus Westmonaster. ad a. 1115. Denique frequentes fuerunt hoc seculo sanctorum et reliquiarum, etiam fictarum, nundinationes, pietatis specie, sed vere lucri causa, exercitae. Quibus sese strenue opposuit, inter alios, Guibertus Abbas in libris de *Pignori- bus Sanctorum*. De monachorum Graecorum avaritia, splendore, et luxuria, vid. etiam Nicetas Choniata. in Manuele Comneno l. VII. c. 3., ubi etiam refert, Manuelem vitam Monasticam, jam nutantem, quin humi prostratam, conatum esse ad pristinam paupertatem revocare.

Historia Eccles. Christ.

l. VIII. Huc etiam facit, quod omnem meretur adtensionem. Communem fere melioris hominum parvis vocem dant, Antichristum in Ecclesia, vel exortum esse, vel temere perorari, adesse: cujus opinionis fundamentum ponitur in hac ipsa foeda Ecclesiae facie, et corruptione Pontificum, Cleri, et Monachorum. *Plerique omnes*, verba sunt Aemilii Annal. l. V., *boni, aperti, iusti, ingenui, et simplices*, *negligi sunt*, tum inperium Antichristi coepisse. Papam et Clerum etiam Babylonis, et bestiae Apocalypticae, characteres expressisse, adserit, et exponit, Honorius Augustodunensis, in dialogo de praedestinatione et libero arbitrio, loco citato. Potho etiam Prumienfis loco cit. dicit, *inperium iniquitatis jam operari, donec caput illorum Antichristi adveniat* etc. Narratur vero, sedente Paschali II., Fluentius, vel Florentius, Episcopus publicis concionibus circa a. 1106. docuisse, *jam natum esse Antichristum*. pro re motus Paschalis, conventu Florentiae habito, eum, et a temerario incepto desistat, admonuisse fertur. Vid. Malacticus, Enead. IX. l. 4. Autor vero coevus vitae Paschalis, apud Papebrochium in conatu Chronol. Histor. Pontif. Rom. in Paschali II. tradit, in concilio ubi cum Episcopo loci de Antichristo, quia eum natum dicebat, satis disputatum esse: sed, ita pergit, *ob frequentiam populi, qui ob rei novitatem audiendam hinc inde confertim, confluerat, nec concilium finem, nec disputationem, habuit*. De Norberto, celebris nominis viro, testatur Bernardus Epist. 56. ad Gufradum Carnotensem, *se a viro audivisse, Antichristum ea aetate esse revelatum, et generalem futuram in Ecclesia persecutionem*. Ipse Norbertus haud uno in loco dixit, *nihil superesse, quam ut homo iste peccati*. Fredericus vero Imperator in responsa Adrianum IV. responso, inter alia, dicit, *non possunt respondere auditis, cum superbiae detestabilem bestiam*. Petri reptasse videmus. Denique apertius innotuit Joannem Calaber., Abbas Florentis, qui *Antichristum jam*

jam nati, in sede Apostolica sublimandi, characteres ex Apocalypsi expressit apud Hovedenum Annal. p. II., de quo postea. Editus quoque est a. 1120. luculentus tractatus de Antichristo, contra Pontificios, quem divulgavit Perrinus hist. Waldensium p. III. lib. 3.

PARTES ACCIDENTALES.

HAERESSES.

§. CIV. Primum inter haereses locum dabo *Bogomilis*, quia ab Oriente, ubi viguerunt, ordior. Historia eorum ex Alexia Comnena Alexiad. l. XV. et Zonara l. XVIII. 23. petenda est, dogmata vero et mores enarravit Euthymius Zigabenus, qui, jussu Alexii Comneni, ea collegit in Panoplia, nec non in triumpho de Secta Messalianorum, in Itinerario Tollii, ubi etiam excerpta, huc pertinentia, exstant ex Constantino Harmenapulo. Ex recentioribus, prae aliis, consuli meretur Chr. Wolfius, qui Euthymii vestigia pressit, et ex Graeco ejus textu historiam contexuit. Nomen a studio precum acceperunt; *bog* enim lingua Bulgarorum est *Deus*, et *milui* dicit *miserere*, adeo ut bogomilus sit, qui Dei misericordiam inplorat: quod Euthymius in panoplia p. II. tit. 23. jam observavit: num vero ipsi se eo nomine insigniverint, an alii ipsis dederint, minus constat, nec tanti est. Videtur autem nomen ex formula, qua uti solebant, *Deus miserere mei*, ortum. Nomen vero *Messaliani*, quo Messalianitae veniunt sec. IV., ex quibus Bogomili orti sunt, idem fere denotat, ut ad illud sec. observavi. Sed ipsi sese simpliciter *Christianos* denominari voluerunt, teste Euthymio in *elencho* Messalianorum, seu Bogomilorum, reliqua nomina averfati. Ex quo probabilius fit, eos ab aliis esse *bogomilos* dictos, a quibus etiam nominati sunt *φωδαίται*, vel *φωδαγίται*, ut inscriptio epistolae Euthymii apud Lambecium in Bibl. Tom. VI.

Q

Cac,

Caesar. habet, incertum vero, quare? Cotelarius in not. ad monumenta Gr. t. I. quidem derivat a *φρίδα*, seu *crumena*, qua ad stipem colligendam fuissent uti, sed nullo fundamento.

§. CV. Etsi vero hi homines jam ante fuerunt, cum tamen hoc seculo in publicam venerint notitiam, et longe lateque sint disseminati, origo eorum huic seculo tribuitur. Factum illud est a quodam Basilio, qui sectae promovendae magnam navavit operam, duodecim electis interioris admissionis discipulis, ut olim Manichaeus fecerat, ad exemplum Christi. De quo viro nihil aliud, quam, eum fuisse medicum, et monasticum praetulisse habitum, constat. Zonaras autem refert, illum annos 52 perniciosae dogmata docuisse, et *totum fere orbem sua peste implevisse*, donec CPol. veniens ibi sit detectus, et vivicomburio e medio sublatus ab Alexio; ut mox narrabo. Quae vero de ejus hypocrisi et vafritie referuntur, auctoribus, qui hostes ejus fuerunt, relinquo. Postquam, ut ejus fata, satis miserabilia, summatim enarrem, ab uno discipulorum, per tormenta ad id compulso, proditus esset, et coram Alexio Imperatore adductus, is, una cum fratre Isaacio Sebastocratore, nefaria arte, per blanditias, ipsa discipuli adsumpta persona, adeo etiam, ut ipsum in haec verba adlocutus fuerit, teste Anna l. cit., *equidem Pater reverendissime! miror te inpenſe, ac veneror, virtute tua captus, cupioque valde doceri abs tua reverentia, quae tradis, quibus haec nostra vana esse doces, et nullius frugis, eum eo adegit, ut dogmata sua explicuerit; qua ratione quoque olim Meſſalianorum primipilus legitur apud Theodoret. H. E. l. IV. c. 10. deceptus a Flaviano Antiocheno. Quo facto, cum sua dogmata defenderet Basilii, custodiae mandatus, ubi a malis geniis vexatus, et lapidibus petitus est, ut fertur, denique rogo addictus, secundum sententiam, ab ipsa Synodo, et Patriarcha CPol. Nicolao, latam, consentiente Alexio, et combustus est. Adſectae quoque ejus, quotquot ad ſan-*
norem

niorem mentem sese adduci non fuerint passi, arctiori custodiae traditi, et in carcere mortui, sunt. Illustre profecto Spiritus Antichristiani, seu persecutionis, in Oriente quoque specimen. Sed ne sic quidem extincta est secta, imo sese haud diu post iterum ostentavit sub Johanne Comneno, per Constantinum Chrysomalum; cujus libri, post ejus mortem detecti, et in Synodo, habita hac de re, condemnati ac flammis combusti sunt. Acta Synodi exhibet Leo Allatus de *consensu* et *dissensu* etc.; l. II. c. 11. Incidit quoque in ejus haeresios suspicionem Niphon aliquis, cum nonnullis aliis Episcopis, qui a Michaeli Patriarcha CPol. damnatus, et barba privatus, ac in carcerem detrusus est, ut Cinnamus refert l. II. c. 10. Eductus quidem inde est a Cosma, Michaelis successore, sed postea denuo ei est mancipatus, et ipse Cosmas sede deturbatus: quod tamen malignorum calumniae adtribuit Nicetas Annal. l. II. Ceterum Bogomilos hoc seculo non fuisse extirpatos, vel illud demonstrat, quod Germanus Patriarcha CPol. sec. sequente non tantum homilias contra eos habuerit, sed et cum iis, ut ipse in homiliis testatur, collocutus subinde fuerit.

§. CVI. Dogmata illorum, sicut Euthymius, ex quo solo fere hic sapiendum est, ea exhibet, fuerunt sequentia 1. Scripturam Vet. Test., ipsum Decalogum, exceptis Psalmis et Prophetis, spreverunt, tanquam a malo spiritu profectam, et peccato, carnique, inservientem. Novi vero Test. libros adsumserunt quidem, sed ineptis allegoriis eorum sensum corruerunt. 2. Deum quidem statuerunt esse ἀσώματος, corpore vacuum, attamen ἀνθρώπομορφον, non crassa quidem, sed subtiliore materia, praeditum, quae humanam praefert formam: Filium vero et Spiritum S. effluxus esse Dei censuerunt, qui opere perfecto, in eum refluunt, contigisse autem effluxum illum, cum Christus est ex Maria natus, quae Sabelliana olim fuit opinio. 3. Incarnatio itaque ex eorum opinione fuit fictitia, et phan-

taistica, ita ut effluxus iste Dei per Mariam, ut canalem transierit, per aurem ejus ingressus, indeque sub specie humana egressus, omniaque in speciem egerit, et dein in Patrem fuerit resolutus. Quod opinioni de carne, mali genii effectus, et sede peccati, concinit. 4. Creatorem quoque hujus orbis statuerunt esse Satanam; qui in terram invisibilem et rudem, seu materiam praeexistentem, dejectus formam mundi produxit, simul corpus formavit hominis, animo tantum a Deo infuso. 5. Diabolus autem, antea potentissimum Angelum, ex ipsa Dei essentia natum, dignitate, prae superbia, hac sua non contentum defecisse; retento tamen magno imperio esse adorandum, ne quid mali intligat. Quo fini ficto Christi dicto in Evangelio usi sunt, *daemonia colitis, non ut vobis profint, sed ne obsint.* 6. Lapsus et peccatum primorum hominum repetunt a Satanae, sub forma serpentis, concubitu cum Eva, unde natus est Cain, nisi illud allegorice de concupiscentia carnali, Evae per serpentem injecta, sit intelligendum. 7. Singulis porro hominibus singulos inesse daemones, scelerum autores, sed et poenarum cum iis participes. 8. De regeneratione, et conceptione Verbi Dei, ejusque productione in animis auditorum, fortiter locuti sunt, ita ut sese Mariae fuerint censiti equiparare; adeoque opus non esse baptismo aquae, quem a Johanne dixerunt profectum, se habere baptismum Spiritus, qui Christi est. Unde etiam est, quod eos, qui, licet baptizati, ad sectam suam accesserunt, admiserint, post justum temporis probationem, per manuum inpositionem, evangelio quoque Johannis capitibus eorum inposito, et Spiritu S. invocato. 9. Coenae Dominicae, quam pro daemonum sacrificio habuerunt, substituerunt Orationem Dominicam, ejusque petitionem de *pane quotidiano.*

§. CVII. 10. Spreverunt praeterea omnem externam religionis formam, uti sacramenta, Tempa, Imagines, etc. ipsum quoque ministerium Ecclesiasticum, Tempa etiam cum

cum sepulchris comparantes, et duos ordines, Clericorum et Monachorum, cum duobus illis daemoniis, quorum mentio est in Euangelio, in sepulchro degentibus, quippe qui Bogomilis valde erant infesti. Repudiarunt etiam crucis signaculum, addita, vel ipsis adfecta, ratione, quod Christo vitam ademerit. Cui crucis contemni sese vehementer opposuit Germanus, CPol. Patriarcha sec. XIII., habita concione de *exaltatione crucis contra Bogomilos*, apud Gretserum de *Cruce* tom. II. Abstinerunt etiam a conjugio, et resurrectionem carnis negarunt, ex opinione de carne sede peccati. Denique II. praecipuum pietatis exercitium fuit in jejuniis, et precibus, sed repudiatis precum formulis, in Ecclesia usitatis, sola excepta oratione Dominica, quam frequentissime interdum et noctu pronunciarunt, praeterea a carne, caseo, et ovis sibi cavebant. Ceterum, si omnia haec ex vero ipsis imputata sint, cum Manichaeis et Messalianis comparandi sunt: de quo, in nonnullis saltem, valde dubito: sed, prae monumentorum defectu, certi quid pronunciare non valeo. Admittunt utique nonnulla aliam interpretationem, et vix dubitaverim, quin externi cultus religiosi, hoc tempore usitati, contemptus odium ipsis maxime pepererit, adeo ut omnia absurda ipsis facile imputaverint, sicut multis aliis, pro haereticis habitis, factum esse constat.

§. CVIII. Fuit quoque seculum hoc Haereticorum, vel quibus haec nota est iniusta, feracissimum inter Latinos: de quibus agere instituo. In initiis seculi *Tanchelinus* quidam, *nimiae subtilitatis*, verba sunt Roberti de Monte l. cit., *cum tamen esset laicus, sed multis etiam disertis Clericis in sermone acutior*, cum Antverpiam, flagitioso pastorem infectam, adeoque ad aliena dogmata proclivem, reperisset, docere non tantum instituit, ministerium Episcoporum et sacerdotum esse inane, nec a Christo institutum, eucharistiae quoque perceptionem non esse ad salutem necessariam, sed et trium millium armatorum, qui ipsi adhaerebant, manu sti-

patus in medium processit, splendido indutus habitu, eo cum effectu, ut nemo ei auderet resistere, multi qua blanditiis, qua minis, in ipsius partes fuerint tracti. Praeterea tantam narratur apud adseclas habuisse auctoritatem, ut vel a quas, quibus se lavaverat, biberint, easque pro reliquiis sint venerati, imo passi fuerint filias et uxores coram oculis suis ab ipso stuprari. Addit insuper Abaelardus *introd. & in Theologiam* lib. II. ipsum sese Filium Dei gessisse, et a sociis fuisse agnitum, ita ut ipsi extruxerint Templum. Quid cum hoc homine factum sit, silet historia, nisi quod Robertus a Monte in *appendice Sigeberti* a. 1114. referat, eum, post multas patratas caedes, a presbytero aliquo fuisse in cerebro percussum, et occisum. Duravit nihilominus ejus haeresis aliquandiu post, donec Norbertus, Praemonstratensium fundator, evocatus venerit Antverpiam a. 1114. qui errantibus convertendis, et Ecclesiae instaurandae, cum successu incubuit. Vid. Robertus, modo citatus, et Hugo in vita Norberti, praeter Abaelardum l. cit. Sintne haec omnia vera, praestare non possum, nonnulla forte ab adversariis adficta ipsi sunt, ut ipsum redderent odiosum: Clerum enim perstrinxerat, et irritaverat.

§. CIX. Adjungo ipsi similem, vel peiorem adhuc, fanaticum Eudonem, vel Eonem, e Britannia Armorica, qui depingitur tanquam illiteratus, sed a daemonibus ita fasciatus, ut eorum ope multas praestiterit praestigias, eoque venerit dementiae, ut, se judicem fore mortuorum, et viventium, dixerit, eo per formulam, in exorcismis Ecclesiae usitatam, adductus, in qua et haec verba occurrunt, *per Eum, qui venturus est judicare vivos et mortuos*, se, cum idem gereret nomen, *eum* esse dictitans: ut narrat Neubrigensis Hist. l. I., qui de ejus praestigiis, aliisque ineptiis, plura refert. Quae si vera sint, hominem non sanae fuisse mentis demonstrant, interea, talem haud paucos numero offendisse aeque insanos, qui ipsius fuerunt adseclae, fidem fere superat. Sed seculum hoc fuit super-

perstitiosissimum. Ceterum in Synodo Rhemenſi a. 1148. deriſus non tantum, ſed et carceri mancipatus eſt, in quo a daemonibus dicitur occiſus. In *auclario* Anſelmi Gemblacenſis Chron. l. cit. tantum traditur, eum *vitam quidem et membra*, Epſcopo, qui eum adduxerat, expoſtulante, retinuiſſe, ſed tamen praecepto Papae in cuſtodia relegatam, ibi eſſe mortuum. Diſcipuli vero ejus, qui magnis ab ipſo erant ornatu elogiis, dum alius ſapientia, alius judicium, et ſic porro, fuerit ab ipſo adpellatus, in opinione conſtanter perſeverantes, primum curiae, tum igni, ſunt traditi, et combuſti: ut idem refert hiftoricus. Conferatur etiam Otto Friſingenſ. de geſtis Frederici l. I: 54. et Robertus de Monte in adpendice Sigeberti, a. 1148., nec non auctarium Anſelmi Gemblacenſis Chron. a. 1146. et 1148.

§. CX. Succedant ſanioris mentis haeretici, ut hoc tempore habiti ſunt. Inter quos locum tenent, ut ab iis incipiam, Petrus et Henricus Bruiſii, eorumque diſcipuli, *Petro-bruiſiani* adpellati. *Petrus*, de quo parum, nihilque, niſi profeſtum ab adverſariis, conſtat, ſacerdos fuit et canonicus Gallus, qui per viginti annos in Galliae Provincia et Languedoco, ac alibi, contra varias doctrinas, caerimoniaſque dominantes, docuit, ingentemque hominum numerum in partes ſuas traxit, ita ut altaria in illis locis fuerint confracta, cruces etiam combuſtae, ad quas in ipſa quadrageſima carnes fertur coxiſſe, epulis inde confeſtis, ſed et ipſe tandem captus, et ignis ſupplicio adfectus, eſt, apud Fanum et Abbatiam S. Aegidii in dioceſi Nemaufenſi a. 1126. Vid. Petrus Cluniacenſis in epiſt. ad Archiepiſcopum Arelatenſem et Ebredunenſem, ut et in tractatu, iſſidem nuncupato, quo errores ejus refutat, in Bibl. M. Patrum tom. XXII. Eadem non tantum tenuit veſtigia, vel diſcipulus ejus, ut vulgo putatur, vel eodem in opere Collega, *Henricus* Bruiſius, monachus, ſed majore cum fama et progreſſu. Acceſſit enim ad morum ſanctitatem, et vitae aſperitatem, vis dicendi et movendi, adeo etiam, ut,

ipso concionante, foeminae abjecerint ornatum, et in ploratum eruperint auditores. Quam ob causam ipse Episcopus Cenomanensis eum magni fecit, licentia quoque in ditione sua concionandi, cum iter Romam susciperet, data. Quod ipsi fatale fuit. Concitavit enim sibi ab eo tempore invidiam et odium Cleri, quo nihil vehementius esse solet, a cujus obedientia populus abstraheretur, nonnullis quoque a clero vexando non abstinentibus. Quo factum est, ut Clerus, in unum coactus, Henricum cum sociis, absente adhuc Episcopo, excommunicaverit, et diris devoverit. Episcopus vero redux, cum populum a se abalienatum reperisset, adeo ut benedictionem suam respuerit, Henricum fertur ignorantiae et haeresios convicisse, sed ignorantiae specimina, quae recensentur, spectant unice ad officium sacrum et missam. Quo examine facto, Episcopus sine alia poena iussit, ut dioecesin suam relinquat. Haec in Chronico Cenomanensis Ecclesiae, in Analectis Mabillon. referuntur, hostili animo scripto, cujus et hoc est indicium, quod non *ratione sed violentia contra illas bestias* dicatur esse agendum. Ipse Petrus Cluniacensis in epist. eit., moderatior licet sit, *vi armata* nihilominus haereticos illos *exturbare* vult per *laicos*, si *praedicatione*, quam adhibere *Christianam charitatem* magis *decere* fatetur, id fieri nequeat. Egit deinceps adhuc concionatorem Henricus in ditione et vicinia Tolosana, donec captus, et catenis abductus ad Albericum, Legatum Apostolicum, et ab eo carceri perpetuo mancipatus, vel occulte interemtus est. Nihil enim de ipso fuit ab eo tempore auditum. Vid. Goffridus in vita Bernardi.

§. CXI. Condiderunt hi viri haeresin, vel sectam, *Petrobrusianam*: quae ab a. 1119. turbas jam coepit dare, ut ex concilio Tolosano constat, eo tempore celebrato, praeside Papa Callisto II., in quo canon est contra hujus sectae homines conditus, his verbis: *qui religionis speciem simulantes dominici corporis et sanguinis sacramentum, baptisma pu-*
erorum

erorum, sacerdotium, et ceteros Ecclesiasticos ordines, et legiti-
 narum foedera damnant nuptiarum. Quos per potestates
 exteras decernitur esse coercendos. Testatur quoque histo-
 ria Trevirensis, in spicilegio Dacheriano, similis generis
 homines a Brunone Archipraesule detectos esse: obiit au-
 tem ille a. 1123. Petrus Cluniacensis epist. citata tradit,
 haeresin illam quidem sese paulum removisse a regionibus
 Episcoporum, ad quos scribit, sed migrasse ad loca ipsis satis
 consigua, et a septimania vestra, inquit, vobis persequentibus ex-
 pulsam, in Provincia Novempulana, quae vulgo Gasconia voca-
 tur, et in partibus, ei adjacentibus, sibi foveas praeparasse,
 etc. Postea vero damnati sunt in concilio Lateranensi II.
 Oecumenico, sub Innocentio II. a. 1139., teste canone
 ejus 23tio. Laborarunt in hac haeresi extirpanda duum-
 vii celeberrimi, Petrus Cluniacensis, et Bernardus Clarae-
 vallis, quorum ille Petro, hic Henrico, Bruisio sese op-
 posuit, sed nec Bernardus sibi a malis moribus Henrico
 impingendis cavit: vid. epist. 252. ad Hildefonsum, comi-
 tem Aegidii. Plaustra vero conviciorum in eum conjecit
 Chronicon Cenomanense, supra citatum. Haeresios autem
 capita fuerunt 1. Paedobaptismum non posse infantes sal-
 vare, nec alienam fidem ipsis prodesse. 2. Tempia esse
 inutilia, cum Deus ubique adorari possit. 3. Cruces esse con-
 fringendas et succendendas, omni veneratione, magis ado-
 ratione, indignas; ratione, ut fertur, inde petita, quod
 instrumentum fuerit tormentorum et mortis Christi, adeo-
 que dehonestandum magis, quam honorandum. Quod Pe-
 tro Bruisio saltem imputatur. Henricus prudentius traditur
 hac parte instituisse, qui, urbem intrans, crucem tanquam
 vexillum, praetulisse dicitur, Mabillon. in Analectis pag.
 316., nescio quam vere. 4. Corpus et sanguinem Christi
 non esse secundum veritatem in eucharistia, neque Deo
 debere offerri. 5. Sacrificia, orationes, eleemosynas, et
 reliqua bona pro defunctis esse inutilia et spernenda. 6. Ad-
 dit Cluniacensis, eos traditiones, et Patrum autoritates, re-
 pud-

pudiasse. Henricum quoque, praeter alia, dixisse, *irrideri Deum canticis Ecclesiasticis, quia, qui solis piis adfectibus delectatur, nec altis vocibus advocari, nec musicis modulis potest mu'ceri.* Denique fama adhuc adjecit, Manichaeorum principiis eos inbutos fuisse, et Vet. ac Nov. Test. libros rejecisse, cui tamen Cluniacensis fidem negat.

§. CXII. Memorantur praeterea apud Gulielmum Neubrigensem hist. l. I. *publicani*, sic dicti, qui sacramenta nihili fecerunt, quorum dux erat *Gerardus* Carpetanus, quique, praeter multas alias regiones, Angliam infecerunt, ubi severe puniti sunt. *Charactere enim haeretico frontibus eorum inusto, virgis caesi, et urbe expulsi sunt, omnibus severe interdicto aliqua ratione ipsis succurrere; quare intolerando frigore sine ullius misericordia sunt consumti.* Ita narrat autor citatus. Exstat etiam de Publicanis narratio Radulphi, Cogishalensis Abbatis, quam ex Mss. exhibet Johannes Picardus, notis ad Gulielmum Neubrigensem, lectu digna, quoad sectae opiniones, et constantiam in fide. Postquam ridiculum factum prodigiosum de anu magistra sectae, projectum fili globum in aerem secuta, reuulisset, quod mitto, ita pergit, *homines hi hujusmodi impurissimae sectae mori magis eligunt, quam ab errore converti.* — — — *Afferunt isti, parvulos non baptizandos, donec ad intelligibilem perveniant aetatem. Astruunt, non orandum pro mortuis, nec sanctorum suffragia expetenda: nuptias damnant, virginitatem praedicant, in operimentum suae turpitudinis, lac, et quicquid ex eo conficitur, abhorrent, et omnem cibum, qui ex coitu procreatur. Non credunt, ignem purgatorium restare post mortem, sed statim animam, corpore solutam, ad requiem transire, vel ad damnationem. Nullas sacras scripturas recipiunt, nisi Evangelia et Epistolas canonicas. Rusticani homines sunt, et ideo nec rationibus convincuntur, nec autoritatibus corriguntur, nec persuasionibus flectuntur, mori magis eligunt, quam ab impurissima secta converti.* Subjungit denique, sed ex nonnullorum tantum relatione,

one, Manichaeismi capita, et nefanda sacrificia Lucifero, ac sacrilegas turpitudines, quae missa facio. Nec multum dissimiles fuerunt sic dicti *Apostolici*, a Bernardo Claraevalensi serm. LXV. et LXVI. in Cant. cant., et Evervino, Steinfeldensi Praeposito, in epist. ad Bernardum in *Analectis Mabillon.*, et in novissima operum Bernardi editione, descripti. Quos etiam depinxit, et refutavit Eckbertus, Abbas S. Florini coenobii, quod Schonaugia adpellatur, in dioecesi Trevirensi, post medium seculi, in *Bibl. M. Patrum* tom. XXIII. qui originem quoque a Manichaeo repetit. Addit, eos *talia jam longo tempore latenter susurrasse, lustrantes ubique domos — — — circumire mare et arida, ut faciant Catharum unum.* Viguit haeresis maxime circa Coloniam Agrippinam, nec, vitae respectu, aliquid, quod carpat, habet Bernardus, nisi, quod, continentiae votum praetexentes, familiarissimum cum foeminis habeant commercium. Inter capita vero haeresios est, quod paedobaptismum, invocationem sanctorum, et orationes pro defunctis, una cum purgatorio, damnent, et ordinibus sacris potestatem denegent, si peccatores sint, conficiendi sacramenta: quales cum censuerint Praelatos esse hujus temporis, eos hac potestate carere, statuerunt, quemlibet vero electum, seu baptizatum, apud se ea pollere potestate. Adjungitur, eos ab continentiam a carne, lacte, et ab omni, quod ex coitu gignitur, urfisse, absque ut, ex quo principio ab illis rebus sibi caverint, fuerit additum. Eckbertus vero dicit, eos *in occultis suis tradere, omnem carnem facturam esse Diaboli.* Nuptias quoque aliqui proscripserunt, absque ut *causam*, inquit Evervinus, investigare potuerim. Colligi itaque hinc nequit, eos Manichaeismum renovasse. Eckbertus praeterea adserit, se ab aliquo eorum apostolo audivisse, eos veram Christi carnem, et resurrectionem, negasse; porro, eos a Clero Coloniae examinatos, confessos esse, animas humanas esse spiritus illos apostatas, *qui in principio mundi de coelo ejecti sunt.* Adeo autem narrantur in fide sua confirmati, ut quae-

vis supplicia laeti subierint, sicut in illis adparuit, qui furore populi, *nimio zelo permoti, nobis invitis*, inquit Evervinus, in ignem coniecti sunt. Disseminarunt etiam sese similis generis homines per regionem Petragoricam, Gaesconiae vicinam; qui haeretici *Petragoricenses* adpellati sunt. Vid. Annales Abbatiae de Margan, inter quinque scriptores historiae Anglicanae, nec non Heriberti Monachi epist. de iis, in *Analectis* Mabillon. l. III. Apostolicos porro, refert Evervinus, in duas classes esse divisos, quos utrosque depingit, additque, illos dicere, se maximam habere multitudinem, ubique fere terrarum sparsam, sectamque suam a temporibus martyrum fuisse occultatam, et permanisse in Graecia, et quibusdam aliis terris. Ceterum hi omnes videntur pertinuisse ad Waldenses, et Albigenes, quorum adcuratorem dabo notitiam, postquam Arnaldistarum haeresin, magis politicam, paucis descripsero.

§. CXIII. Nomen *Arnaldistae* traxerunt ab Arnaldo Brixiente, e civitate Italiae Brixia oriundo, cujus etiam Ecclesiae Clericus ac Lector fuit, discipulus, et sectator, Petri Abaelardi, sed, e Gallia in Italiam reversus, habitum induit religiosum, et Clericis bellum indixit ac Monachis, contendens, nec Clericos proprietatem, nec Episcopos regalia, nec Monachos possessiones, habere debere: sed cuncta haec esse Principis, a cujus beneficentia in usum laicorum ea cedere debeant. Praeterea de sacramento altaris, et baptismo parvulorum, quoque non sensit ex sententia Ecclesiae dominantis. Quae omnia ex Ottone Frisingense de gestis Frederici l. II. 21. et Gunthero, poeta Ligurino, in collectione Reuberi, constant; qui autores Arnaldum propterea dixerunt esse Episcoporum derogatorem, et Monachorum persecutorem, Laicorum vero adulatorem, absque ut ingenii, aut vitae districtae, laudem ipsi denegare fuerint ausi. Vid. etiam, praeter Ottonem, Bernardus epist. 195. ad Episcopum Constantiensem, ubi inter alia, exclamat: *utinam tam sanae esset doctrinae, quam districtae vitae?* Sed in specie sese Romani Pontificis inperioci-

vili opposuit, contendens, Imperatoribus urbem Romanam, Magistratibus potestatem civilem, esse restituendam, Pontifici et Clero tantum relictis rebus Ecclesiasticis.

§. CXIV. Quae principia cum a Clero et papis, ut facile patet, ferri non possent, Innocentius II. ea in Synodo Lateranensi II. a. 1139. damnavit, et Arnaldo silentium indixit, ac discessum. Sed ab eo tempore haec doctrina quaquaversum est disseminata, simul ubique a Clero condemnata, multum eo contribuyente Bernardo, qui ipsum nusquam consistere passus, et ubique persecutus est. Vid. epist. ejus 195. modo citata, et 196., ad Guidonem Cardinalem, ac Legatum Apostolicum, apud quem Arnaldus ferebatur diversari. Interea altas egit doctrina ejus radices in populo Romano, et Senatoribus, qui veterem libertatem, et regiminis formam, revocatam volebant; ita ut, Papa ab urbis regimine submoto, summa rerum esset penes senatores et Patricium: quae contentio, cujus in historia Paparum aliquas duxi lineas, quinquaginta annos, ab Innocentio II. ad Clementem III., duravit. Memorabilis hanc in rem valde est Senatus, populiue Romani, seu Arnaldistarum, ut scriptores Pontificii eos adpellant, epistola ad Imperatorem Conradum III., qua eum adhortantur, ut in urbem veniat, suumque et populi jus vindicet, apud Ottonem Frisingens. 4. cit., 1144. Sed renuit Imperator. Invaluerunt dein illa principia magis magisque, cum Arnaldus Romam venit a. 1145., in initiis Eugenii III., et plebem quoque ad violenta excitarunt facinora, ut Otto et Guntherus referunt. Tandem, cum Arnaldus, Roma ab Hadriano IV. interdicto sacro subiecta, nisi Arnaldo renunciaret, discederet, et, infelici fortuna, in castra Frederici se, tutelae invenienda ergo, contulisset, quo tempore Imperator Romam tendebat, et Papae gratiam aucupabatur, ipse captus, et, ut victimae loco immolaretur, Papae traditus, et a Petro, urbis Praefecto, ad rogam damnatus, ac combustus est, cineribus in Tiberim projectis: ut autores citati tradunt, a. 1147.

Qua ratione per quadriennium, vel quinquennium, docuit Lugduni, multosque fecit discipulos, de ipso, ut putatur, *Waldenses* cognominatos: sed alii hoc nomen inde repetunt, quod in Vallibus Pedemontanis degerent jam ab antiquo ejus sectae Christiani. Valles adpellantur *vauz*, unde *Vaudois*, Vallenses, et hinc ipse Petrus nomen *valdi* tulisse videtur, quod eam sectam sequeretur. Utique fuisse ante ipsum in usu, ex eo liquet, quod in confessione, a *Picteto* in lucem protracta, illud reperiatur. Reliqua nomina, sive iis propria, sive cum Albigenfibus communia, sunt praecipue sequentia. *Leonistae*, vel Pauperes de Lugduno, adpellantur a loco, unde orti sunt, et vita paupere, quam initio per eleemosynas erogatas, et aliorum vexationes, degere debuerunt. Quo etiam respicit nomen *Sabbatarum*, a ligneis calceis, *sabots* Gallice dictis. Vid. du Cange Gloss. Lat. *medii aevi*, in voce. Quam ipsam ob causam existimantur *Patarini* dicti, quia multa patiebantur; sed rectius, quia *haeretici* habebantur: eo enim nomine saeculo superiore notati sunt Mediolani, qui coelibatum Clericorum urgebant, unde ad quosvis transiit haeticos: uti ad illud sec. suo loco observavi. Eo etiam tendit *Catarorum* epitheton, cui nomen, ut putatur, *Ketter* respondet, de quo etiam in superioribus egi. Ceterum Picardi, Lombardi, Bohemi, Albigenfes, Bulgari, a locis, in quibus degerunt, dicti sunt: denique Turpelini, sive *Turelupini*, praecipue in Flandria et Artesia, quia multis erant expositi miseriis; ansam praebente proverbio, ibi usitato, quo liberi *Turelupini* nuncupabantur, qui infelicis erant sortis, a viro aliquo *Turelupino*, patre liberorum, qui misere perierant. Vid. Beaufobre de Adamitis, p. II. Sed *Turlupinos* eosdem fuisse ac *fratres liberi Spiritus*, eosque fanaticos, et mysticos, erroribus *Pantheistarum* inbutos, contendit Moshemius hist. sec. XIII., qui de his consuli meretur.

§. CXVII. *Capita* haeresios, ante recensenda, quam eorum originem et fata enarrem, fuerunt, ut ex supra citatis monum-

umentis constat, sequentia. 1. Scripturam S. unicum esse fidei et religionis principium, rejecta Patrum et traditionum autoritate: nec Novi tantum, sed et Veteris, Test. libros ad eam pertinere, ut ex Reinerio, et aliunde, probavit Usserius: usi tamen maxime sunt Novo Testamento. Unde an- sam arripuerunt adversarii, ipsis contemptum librorum V. T. inputandi. 2. Fidem tenuerunt sanam, per omnes symboli Apostolici articulos. 3. Externos Ecclesiae dominantis ritus, exceptis baptismi et eucharistiae sacramentis, respue- runt omnes, ut Tempia, ornatum, imagines, cruces, sanc- torum et reliquiarum cultum religiosum, sacramenta quoque reliqua, tanquam satanae et carnis inventa, ac superstitionis plena. 4. Purgatorium cum missis et precibus pro defunc- tis repudiarunt, duobus tantum admissis extremis, Coelo et inferno. 5. Confessiones peccatorum, cum earum con- sequentiis, et indulgentias admiserunt nullas, exceptis con- fessionibus fidelium, mutuae instructionis, et consolationis er- go. 6. Sacramenta baptismi et eucharistiae pro signis tantum habuerunt, negata praesentia Christi corporali in eu- charistia: sicut habet liber hujus sectae hominum de Anti- christo, et ipsis tribuit quoque Ebrardus de Bethunia in lib. *antihaeresios*. 7. Tres tantum statuerunt esse ordines Ecclesiasticos, Episcoporum, Presbyterorum, et Diaconorum; reliquos esse figmenta hominum, monachatum vero cadaver foetidum, vota esse hominum inventa, conjugium denique Clericorum esse licitum et necessarium. Ceterum habuerunt tres, vel quatuor, teste Reinerio, ordines. Primus vero erat Episcopus, qui sub se duos habebat Presbyteros, unum filium majorem, alterum minorem; qui fideles, Episcopo subjectos, visitabant, et unum Diaconum. 8. Romanam Ecclesiam denique dixerunt esse meretricem illam Babylo- nicam, nec Papae et Episcopis obtemperandum, Papae non competere primatum super Ecclesias omnes, aut utriusque gladii potestatem.

§ CXVIII. Praeter haec capita tribuuntur quidem ipsis
Tom. VI. S alia,

alia, sed quae controversia non carent, utique a nonnullis negantur. 1. Iudices et Magistratus, cum omni iudicio in improbos, ab ipsis improbari, traditur quidem fide Reinerii, et Inquisitionis Tolosanae: sed illud respectu poenae capitalis tantum intelligendum esse, ipsa illa testimonia evincunt. Praeterea, eos obedientiam non negasse Magistratui, antiquae eorum testantur confessiones. Quid? quod in *lumine et thesauro* fidei, apud Perrinum, iudicia capitalia non absolute damnent. Quousque itaque talia iudicia proscripserint, et num omni tempore, omnesque Waldenses, ita senserint, dubium est. 2. Nec, quod ipsis inputatur, *paedobaptismum* spreverunt, sed pro re non necessaria tantum habuerunt, ut ex ipso Reinerio patet, qui ipsis tantum inputat, baptismum infantum esse inutilem. Liquet quoque ex *Calendario* eorum Spirituali, infantes ab ipsis fuisse sacro lavacro tinctos. Interea, cum eorum pastores saepe abessent, baptismum omittebant potius, quam ut sacrificiis committerent infantes, paedobaptismum non tam esse necessarium existimantes: unde facile oriri potuit suspicio, spreto ab ipsis infantum baptismi. 3. *Fusjurandum*, etiam legitimum, eos praestare noluisse, refert quidem Reinerius, sed addit, *perfectis* eorum hoc proprie convenire, qui mortem potius eligerent, quam jurare, reliquis non prorsus vetitum esse iuramentum. Testantur praeterea Waldenses ipsi in *Kalendario* Spirituali, legitimum apud se obtinere iuramentum.

§. CXIX. De ortu et progressu sectae acturo praemittere visum est singulare Reinerii testimonium, quo hanc sectam reliquis omnibus esse perniciosiorem dicit, ob has tres causas, 1. quia est *antiquior* et diuturnior, addens, aliquos dixisse, eam a temporibus Silvestri sec. IV. durasse, secundum alios a tempore Apostolorum. Reinerius in *summa*, sub finem, tradit, eos censere, quod *Ecclesia Christi*, haec enim ejus verba sunt, *permansit in Episcopis, et aliis Praelatis, usque ad B. Silvestrum, et in eo defecit, quousque*

ipsi eam restaurarunt: tamen dicunt, quod semper fuerunt aliqui, qui Deum timebant, et saluabantur, 2. quia est generatior, imo nullam fere esse terram, inquit, in qua haec secta non sit, 3. quia puram habet fidem in Deum, et symboli articulos, magnamque pietatis speciem. Quod testimonium ab eorum adversario, nec ab hoc tempore longe remoto, vixit enim medio sec. XIII., profectum, omni animadversione dignum, et veritati consentaneum, est habendum. Objecerunt quidem nonnulli Pontificiorum ipsis vagas libidines, aliaque crimina, sed ex pura puta calumnia, pro solito eorum more, quo iis, qui a communione sua discedunt, libidinem, tanquam separationis causam, impingunt, eo ineptius, quod, omni libidinis licentia in societate Pontificia obtinente, nulla sit propterea abeundi causa. Nihil tale de Waldensibus habet Inquisitio Tolosana, nihil Reinerius, quin, ut modo vidimus, contrarium. Anonymus in tractatu de haeresi Pauperum de Lugduno, in thesauro novo Martineti tom. V. disertè dicit, quod autem, ut dicitur, osculentur aliqui catos et ranas, et videant Diabolum, vel extinctis lucernis pariter fornicentur, non puto ejus esse sectae, quia Cathari hoc dicuntur facere, nec aliqua eorum veraciter intellexi, quibus fidem adhiberem. Verissimum quoque ejus esse de antiquitate, et multiplicatione, eorum testimonium, adparebit ex ortus et progressus eorum historia, quam tradere adgredior.

§. CXX. De antiquitate sectae, licet unius Reinerii sufficeret testimonium, alia quoque testantur monumenta. Uti-que ante Valdum fuisse hujus sectae homines, liquet ex antiquo tractatu de *Antichristo* a. 1120., contra Pontificios, a Joh. Perrino in hist. Waldensium vulgato, nec non ex epistola Praepositi cujusdam Stenelden ad Bernardum, ante Valdi mortem scripta, cujus fragmentum ex Driedone exhibet Usserius, ubi, inter alia, traditur, nonnullos illorum hominum, inmoderato zelo populi esse raptos, et in ignem conjectos, eosque tormentum ignis non solum in pa-

et tristitia, sed et laetitia, tulisse; describuntur vero tanquam quae in suffragiis mortuorum, et orationibus sanctorum, non continentur, jejunia, ceterasque afflictiones, quae pro peccatis non esse necessariae iustis, statuunt: purgatorium ignis, et mortem non concedunt: in altari corpus Christi fieri negant. Ecclesiam apud se esse dicunt, non habentes agros, nec possessiones. Esse sectam Waldo antiquiorem ex Bernardo Clugnevalle quodam jam probavit Harenberg in Otiis Parisiensibus, observ. X. Sed quanta haec sit antiquitas pro certo affirmari nequit. Alii ad tempora Berengarii referunt apud Uilerium, alii, ut et Legerus l. I. c. 11. a Claudio Laurinensi, qui imaginibus, et dominio Paparum, sese sub Ludovico Pio opposuit, originem repetunt: ad quae tempora quoque pertinent piae meditationes ad singulos Psalmos, sanam doctrinam, et pietatem, spirantes, et in separatam aliquam Ecclesiam recte convenientes: quae prostant in Biblioth. Bremens. l. II., Ab eo autem tempore in Alpibus Cottis et Rhaeticis, eorumque montium convallibus, ejusmodi homines resedisse, et latitasse, volunt: unde nomen *Waldensium* derivant, quasi dicas Vallenses, *Waldenses*, Valdesios. De quo supra monui.

§. CXXI. *Progressus* sectae fuit et rapidissimus et latissimus, ita ut Reinerius, jam suo tempore nullam fuisse sectam ab ea liberam, testetur. Causas progressus recenset Reinerius cap. 3. sequentes 1. inanem gloriam, qua, sicut doctores Catholici, honorari volunt. 2. quia omnes scilicet viri et foeminae, nocte ac die, non cessant docere et audire, urgente zelo flagrantes. Addit, quod adverti videtur, ut in predicationibus eos docere, vitare obtreccionem, et quodammodo, qui Novum et Vetus Testamentum vulgariter docent ac discunt. Adjungit, audiivi et vidivi unum idiotam, qui Joh recitavit de verbo ad verbum, qui totum Novum Test. perfecte sciverunt, qui in domibus occultis docent et discunt, nec aliquem in domibus suis credens eorum. 5. Scandalum de malo exemplo

exemplo quorundam Catholicorum. 6. Insufficienciam doctrinae quorundam, qui praedicant quandoque frivola, quandoque falsa. Unde quicquid Ecclesiae Doctor, inquit, docet, quod per textum N. Test. non probat, hoc totum pro fabulis habent, contra Ecclesiam. 7. Irreverentiam, quam quidam ministri Ecclesiae perhibent sacramentorum. 8. Odium, quod habent contra Ecclesiam. Audiui, sic pergit, ab ore haereticorum, quod intendebant Clericos redigere, et Claustrales, ad statum fossorum, per ablationem decimarum et possessionum etc. Subjungit denique, in omnibus civitatibus Lombardiae, et in Provincia, et in aliis Regnis et terris, plures esse Scholas haereticorum, quam Theologorum, et plures auditores, qui publice disputabant, et populum ad solennes disputationes convocabant, in foris et in campis praedicabant et in tectis, etc. Inquisitioni, ita pergit, et examinationi, haereticorum frequenter interfui, et computatae sunt scholae haereticorum in dioecesi Pataviensi. XII. Ecclesias denique recenset, quas haeretici habent. Albigensium Manichaeorum erroribus recensitis, subjungit autor magni Chronici Belgici ex Caesario a. 1208., sic autem Albigensium error invaluit, ut brevi intervallo temporis infecerit usque ad mille civitates, et si non fuisset gladiis fidei repressus, puto, quod totam Europam corripisset. Contigit vero, cum Waldenses ab Archiepiscopo Lugdunensi vexarentur, et expellerentur, et Waldus cum sociis sese in alias contulerit regiones, ut ab eo tempore Waldenses quaquaversum fuerint dispersi, uti per Galliam, Italiam, Germaniam, Angliam, et Hispaniam. Alii in Gallia Narbonensi, quae Provinciam, Delphinatum, et Sabaudiam continet, sedes fixerunt, alii sunt in Alpes effusi, et in Pedemontium ac Lombardiam deduxerunt colonias. Vid. Usserius l. cit. Refert quoque Thuanus l. cit. Petrum Valdum, patria relicta, in Belgium venisse, atque in Picardia, quam hodie vocant, multos nactum esse sectatores, dein in Germaniam transiisse, et per Vandalicas civitates diu diversatum, postremo in Bohemia consedisse. De Bohemia

id confirmat Dubravius in *historia Bohem.*, et circa a. 1184. contigisse tradit. Ipsi Waldenses in colloquio cum Bohemis apud Lasitium declararunt, se ab a. 1160. fuisse dispersos per Lombardiam, Calabriam, Germaniam, Bohemiam, aliasque regiones. Quo pertinet, quod circa idem tempus intrasse dicantur Bohemiam duo Diaboli, sub forma hominum, docentes, impune peccare licere, et nudos incedere debere credentes: unde sec. XV. orta est calumnia de Picardorum *nuditate*. Vid. Beaufobre de *Adamitis*, ad calcem historiae L' Enfantii belli Hussitici, ubi etiam, Waldenses hoc seculo penetrasse in Bohemiam, demonstrat. Testatur denique autor *Catalogi testium veritatis* lib. XV., se possidere Consultationes Jurisperitorum Avenionensium, item Archiepiscoporum Narbonensis, Arelatensis, et Aquensis, nec non ordinationem Albanensis Episcopi de extirpandis Waldensibus, jam ante annos 340. scriptas. In fine vero earum consultationum scribitur, *nullum esse, qui ignoret, condemnationem haereticorum Waldensium, a longis retro annis, tam iustissime factam, tam famosam, tam publicam etc.*

§. CXXII. Oppugnationes et vexationes eorum antequam enarrem, *Albigensium*, quibuscum eas habuerunt communes, notitiam tradam. Eos a provincia Albienſi et Tolosana, ubi praecipue versati sunt, nomen accepisse, constat. Albia vero, vel Albiga, hodie Alby, civitas erat in Cadurcis agri Tolosani, olim adscripta Aquitaniae Primae, maxima vero pars Galliae Narbonensis hoc tempore nomen *Albigesi* tulit, unde haeretici Galli generali nomine Albigenſes adpellati sunt. Dispersi autem fuerunt per totum illum tractum Galliae Narbonensis, et per dioeceses Albienſem, Cadurcensem, Agennensem, Ruthenam, et vicinas. Sed cujus generis et sectae fuerint, non convenit inter doctos. Scriptores Pontificii, non recentiores tantum, sed et veteres sec. XIII., ut Petrus Vallium Cernaci, monachus Cisterciensis, in *Albigensium historia*, Innocen-

centio III. dicata, Caesarius Heistirbacensis, in dialogo miraculorum, Acta Inquisitionis Tolosanae apud Limburgum, alii, hos homines depingunt atris admodum coloribus, tanquam manichaeos non tantum, sed et pessimae vitae ac morum. Traduntur, ex gr. α. quoad doctrinam, tenuisse 1. duos esse Deos et Dominos, unum bonum, Patrem Christi, autorem invisibilium et incorruptibilem, alterum malignum, autorem visibilium et corporalium, illumque Novi, hunc Veteris, Testamenti autorem; adeoque Vetus Testam. repudiandum esse, praeter pauca, inde a Novo Test. transumpta. 2. Christum non habuisse, in veritate, sed in similitudine tantum, carnem; adeoque nec e muliere natum, nec Mariam, matrem Domini, aliam esse ac suam Ecclesiam, quae mandata facit Patris. 3. Corporum resurrectionem esse nullam, sed corpora fore spiritua- lia. 4. Animas humanas esse Spiritus; qui propter peccata de coelo ceciderant.

§. CXXIII. β. Quod ad ritus et instituta adinet, 1. Ecclesiae Romanae non solum sacramenta, omnesque ritus Ecclesiasticos, repudiaverunt, quod cum Waldensibus habuerunt commune, sed et ipsum baptismum, ac eucharistiam, sola retenta inpositione manuum. Crucem quoque signum detestandum Diaboli adpellarunt. 2. Ordinem Ecclesiae Romanae rejecerunt, omni ipsis ligandi et solvendi negata potestate, cum essent peccatores. 3. Ipsi in duo genera fuerunt distincti; quorum alii erant *perfecti*, seu *consolati*, qui fidem et religionem eorum profitebantur, et e quorum numero habebant Magistratus, Diaconos et Episcopos dictos: qui perfecti quoque speciatim vocati sunt *boni homines*: de quibus vid. Cl. Joecherus, Professor Lipsiensis, in programme de *bonis hominibus*, ad calcem Schmidei hist. Eccles. p. III., alii vero cum hisce fecerunt *padum*, ipsis dictum *la convenensa*, convenientiam, se scilicet sub vitae finem recipi velle in eorum sectam. Receptio autem illa, dicta *haereticatio*, hac ratione peragebatur; per-

factus tenebat manus recipiendi inter manus suas, quem librum super ipsum, in quo legebat euangelium habens, in *principio erat verbum*, usque ad verba, *gracitas per Jesum Christum facta est*. Vid. etiam d. ritu Ermenegardus contra Vallenfes, a Gretsero editi p. 1. memoratus c. 14., tradebat praeterea ei *filum* quo pro haeresi cingeretur. Discriminis quidem erat in foeminarum receptione, sed illud tanti non. Ceterum haec receptio, ad quam per quasdam abstinentiae praeparabantur, credebatur adferre salutem, quare commentum, etiam baptismus spiritualis, adpellabatur, et nemini vitae differri solebat, ac infirmis adplicari: quibus, ne ad sanitatem redeant, praescribebatur, ut *in*erent in *endura*, seu inedia, ad mortem accelerarentur. Quo fine subinde venae sectione, et balneatione utitur. Qui vero duram illam legem recusabant, ab commercio cum viris, etiam uxoribus, abstinebant, nuntiabantur: alia praetereo. 4. Rejecerunt matrimonium, naturale et illicitum, ei substituto spirituali conjugio. 5. In toto libidines, et vitia omne genus, quae ipsis innotuerunt.

§. CXXIV. Qui colores si ipsis convenient, vera haec eorum descriptio, prope ad Manichaeos accessum necesse est, praeterea omnino a Waldensibus distinctum longe diversi, sicut sec. XIII. scriptores inter eos et distinctos quoque probe distinxerunt. Petrus, Monachus Cernaii, modo citatus, expresse dicit, Valdenses ge fuisse ab illis diversos, nec tam malos, imo inconvenerire cum Ecclesia Romana, tantum in nonnullis sentire, quum ita pergit de Valdensibus: *ut plurima fidelitatibus eorum omittamus, in quatuor praecipue erroribus ipsorum, in portandis scilicet sandaliis, more Apostoli et in eo, quod dicebant, nulla ratione esse jurandum, audendum, in hoc insuper, quod adferebant, quemlibet eorum necessitate, si modo habeant sandalia, absque ordine*

Episcopo acceptis, posse conficere corpus Christi. Distinxit quoque Reinerius Waldenses ab Albigenſibus, nec non Inquiſitio Tolofana apud Limburgium. Horum veſtigia preſcit Boſſuetus *hiſt. Variationum* etc. l. II., contenditque, Waldenſes in ſumma rei cum Catholicis ſenſiſſe, adeoque fuiſſe tantum Schiſmaticos. Quid ad haec Proteſtantes? Vulgata eorum antea fuit opinio, Albigenſes et Waldenſes fuiſſe eoſdem, adeoque Manichaeiſmum, Arianiſmum etc., ipsis imputatum, puram putam eſſe calumniam. Conatus quoque eſt eos ab hac labe purgare Legerus *hiſt. Wald.* l. I. c. 19., cujus tamen teſtimonia magis in Waldenſes quadrant, licet tales quoque plures fuiſſe Albigenſes evincant. Vid. etiam autor libri, *la condemnation de Babilone*, contra Boſſuetum; ubi de Waldenſibus, eorumque antiquitate, etiam agitur, et Albigenſium aeque ac Waldenſium puritas in doctrina et moribus vindicatur. Sed ab hac ſententia diſceſſit Limburgius, qui, Albigenſes a Manichaeiſmo non poſſe ſolvi, diſputat. Mediam quandam viam tenent alii, ut Spanhemius, et Baſnagius in *hiſt. Eccleſ.*, et fuſius in *hiſtoria Eccleſiarum Reformatarum*, ubi actorum Inquiſitionis Tolofanae prolixam dedit recenſionem, cap. 10. etc., qui, inter eos fuiſſe Manichaeos et Arianos, concedunt, ex Oriente in illas, et alias Occidentis, regiones delatos, ſed longe maximam partem eos fuiſſe puriores, a Pontificiis vero inter ſe confuſos, contendunt.

§. CXXV. Equidem non iverim inficias, Manichaeos in his regionibus fuiſſe verſatos haud exiguo numero, Albigenſium quoque nomine inſignitos, de quo vid. Uſſerius et Limburgius l. cit., admitto quoque, inter Waldenſes et Albigenſes paſſim hoc, et ſequenti ſeculo, ita fuiſſe diſtinctum, ut Albigenſes fuerint cenſiti principia habuiſſe Manichaeiſmi, ſi non craſſioris, ſaltem ſubtilioris, quatenus de Diabolo, tanquam altero aliquo Deo huius mundi, fuerint locuti, et carnem pro ſede peccati habuerint, eoque nomine ab omni cum carne commercio abſtinuerint, ut ſupra

exposui, et ex Limburgio elucescit: attamen nullus dubitaverim, quin veri Waldenses quoque Albigensum tulerint nomen, sic ex. gr. Petrus Cernai in dedicatione historiae Albigensum tradit, haereticos omnes Galliae Narbonensis fuisse *Albigenses* dictos, et inter eos minus malos esse *Waldenses*. Gulielmus Podolaurentius in Chron. Albigenfes distinguit in Arianos, Manichaeos, et Waldenses, quod etiam Benedictus probat in historia Albigensum, ex epistola quadam Regis Aragoniae, Bertrandus quoque, ICtus Tolofanus, in gestis Tolofanorum, absolvit Comitem Tolofanum, patronum Albigensum, a Manichaeismo. Vid. Ufferius de Success. Ecclesiae etc. cap. 10., et Basnagius l. cit. Denique, cum purae et Manichaicae fidei Albigenfes secum commune habuerint, quod externis Ecclesiae ritibus contradixerint, Ecclesiae quoque dominanti, ac sedi Papali, sese magno studio opposuerint, fieri vix aliter potuit, quin ab hostibus pro Manichaeis fuerint habiti omnes, nullo facto discrimine, ut eo meliorem odii et persecutionis haberent praetextum, eosque omnium odio exponerent: sicut, cum sic dictis haereticis passim fuisse actum, historia in omnium ingerit oculos, et omnium seculorum, ne nostro quidem excepto, experientia evincit.

§. CXXVI. Primum concilium, ut oppositiones et vexationes, quarum aliquas jam supra recensui, simul complectar, et summatim enarrem, contra hujus sectae homines celebratum est Oxoniae a. 1160., in quo eorum dogmata, a Gerardo quodam Teutonico cum triginta sociis e Germania in Angliam translata, ut, quod baptismum contemnunt et eucharistiam, vanasque dicant ceremonias, item matrimonium etc., secundum iniquam scilicet adversariorum interpretationem, non tantum damnata sunt, sed et haec in eos lata est sententia, ut *candenti ferro notarentur in fronte, et urbe expulsis nemo vel hospitium vel cibum praeberet, aut ulla ratione cum iis communicaret.* Quae sententia cum rigide fuerit executioni mandata, miseri homines aspera

pera hyeme partim fame, partim frigore, perierunt; attamen nihil de mansuetudine et patientia remittentes, quin persecutoribus benedicentes. Exstant acta apud Gulielm. Neubrigensem l. II., qui addit, fustigationem reliquis poenis fuisse adjectam. In Gallia prima contra ipsos habita est Synodus Turonensis ab Alexandro III. a. 1163., in qua haeresis damnata est, de qua dicitur, eam in *partibus Tolosae dudum emeruisse*, et per alias provincias, nominatim Guasconiam, esse disseminatam. Quibus provinciis adnumeranda est Petragoricensis, Guasconiae vicina; unde haeretici Petragoricienses adpellati sunt, de quibus supra quaedam monui. Interdictum praeterea omne quaecunque cum iis est commercium, usque etiam ad venditionem et emtionem, omne receptaculum aut praesidium ipsis praebendum. Deinde damnati rursus sunt in concilio Lumberiensi in Vasconia, sub metropoli Tolosana, a. 1175., ubi *bonorum hominum* titulo insigniti sunt, quibus hi errores imputantur, 1. Vetus Testamentum nullius esse autoritatis. 2. fidei confessionem non esse necessariam. 3. Infantes per baptismum non salvari. 4. Eucharistiam a Laico etiam consecrari. 5. Matrimonium esse illicitum, nec cum salute consistere posse. 6. Solos sacerdotes ligandi et solvendi potestatem non accepisse. Interea exstat, actis inserta, confessio fidei ipsorum, his erroribus directe opposita; addunt, se paratos esse ad agnoscendum, quicquid ex *Evangeliis, scriptisque Apostolicis*, demonstrari possit ad suam convictionem: juramentum vero praestare recusarunt, quippe per evangelium et scripta Apostolica vetitum. Vid. Hovedenus Annal. p. II., qui eos male nuncupat Arianos. Damnati et hic sunt ac *expulsi*. Quod iterum in Synodo Tolosana a. 1178. factum est, praeside Apostolicae sedis Legato, eodem Hovedeno teste. Praeterea in concilio Lateranensi III. a. 1179. proscripti sunt, ut in Alexandro III. habuimus: quod mox confirmavit Lucius III., referente Bernardo, Abbate *fonsis calidi*, in praefatione tractatus

contra hanc haeresin; qui adjungit, eosdem esse a Bernardo Narbonensi invocatos, et post praecedaneam disputationem damnatos. Nec alii videntur fuisse, qui, teste Rigordo de *gestis Philippi Augusti Francorum Regis*, inter scriptores Franc. Pithoei, haud exiguo numero combusti sunt in Flandria a Gulielmo Rhemenſi Archiepiscopo, Apostolicae sedis legato, et a Philippo illustri Comite Flandrenſium. Accidit a. 1184. Adpellatos fuisse vulgo *Popelicanos* tradit Gulielmus Briton. *Philippidos* lib. I. ibid. Denique in Synodo Senonen. a. 1198. idem contigit: ubi Rainaldus, Abbas S. Martini, duorum quoque errorum dicitur convictus, scilicet, corpus Domini mitti in secessum, et omnes juxta Origenem esse salvandos. Vid. Chronicon Autisiodorenſe, ubi adpellantur *Populicani*, sicut in concilio Lateranenſi III. *Publicani*; quo nomine Manichaei sunt insigniti, alias Pauliciani, et Pauliani, dicti.

NESTORIANI ET EUTYCHIANI.

§. CXXVII. *Nestorianorum* historia cum praeter Patriarcharum catalogum nihil fere memoratu dignum exhibeat, nisi quod Elias III., qui per 24 annos, usque ad 1190., sedit, celebretur tanquam Linguae Arabicae et Syriacae cognitione, nec non nonnullis homiliis, epistolis, ac precibus ab ipso compositis, ad officium vespertinum, nocturnum, et matutinum, clarus, de quo vid. Asseman. Bibl. Orient. tom. III., de *Eutychianis* quaedam dicenda sunt. *Syro-Jacobitarum* historia parum suppeditat memorabile praeter Patriarchas sibi succedentes, qui saepe ambitiose et inperiose praefuerunt. Sub *Johanne Maudiana*, qui octo annos, usque ad 1137., praefuit, *Gregorius*, Armenorum Catholicus, carmine edito, Syro-Jacobitas reprehendit, quod uno digito crucem formarent, fermento uterentur in eucharistia, vinum, mel, oleum, tactu insectorum polluta, precibus mundarent. Cui carmini cum aliud oppolisset *Bar-Andreas*,

ss, Mabugi episcopus, quo Armenios Judaicorum rituum agebat reos, Gregorius gentis suae famae consulturus, utrumque carmen igni combussit, eaque ratione pacem inter Armenios et Jacobitas confirmavit, *Athanasio* VIII. sedente, ab a. 1138. ad 1166. Barhebraeus duo vitia ejus temporis Episcoporum notavit, unum, quod episcopi ob lasciviam depositi vel alio translati sint, vel a Christiana fide defecerint, alterum, quod Episcopos coadjutores ordinari fecerint nepotes suos adhuc tenerae aetatis.

§. CXXVIII. Omnium celeberrimus *Michael I.*, magnus dictus, sedit ab a. 1166. ad a. 1198., vir gloriosae memoriae, secundum Bar-hebraeum, in sacris scripturis adprime eruditus, qui multos reliquit libros. Edidit *anaphoram*, seu liturgiam, ordinavit Pontificale et rituale Syrorum-Jacobitarum, nec non opus de *praeparatione ad communionem*, in quo maxime in morem, qui tunc apud Coptitas obtinebat, quo confessio apud sacerdotem negligebatur, invehitur. Invaluit autem illud sub Marco, Zarae filio, et Johanne Abulmeged, Patriarchis Alexandrinis, opera Michaelis Damiatæ Episcopi, Vid. Renaudot. in historia Alexandrin. Praeterea, sedente Michaele, ad eum litteras scripsit Michael Comnenus Imperator de religione, et Theorianum misit ad eum, ac Narsetem, Armenorum Catholicum, qui eos ad colloquium invitavit, in quo disceptatum est de *substantia et natura*, et doctrina Apostolica. Theoriani librum de hac sua legatione edidit Leunclavius gr. et Lat. Ceterum Graecorum Imperator decem quaestiones Armenis proposuerat, *quinque* de fide, ut duas in Christo naturas unitas dicerent, duas voluntates, duas operationes, utique cum tribus Synodis praedicarent quoque quartam, quintam, sextam, et septimam, denique e trisagio adpendicem, *qui crucifixus es pro nobis*, expungerent: praeterea *quinque* de ritibus, ut festum nativitatis Christi cum ceteris nationibus celebrarent, fermentum in eucharistia, et aquam in calice ponerent, chrisma ex oleo olivae conficerent, in Ec-

cleis orent, denique liturgiam palam faciant. Quas eadem propositiones Graeci ab Armenis postularunt in concilio Tarsensi a. 1177. Vid. Galanus in *conciliatione* Ecclesiae Graecae et Armenae tom. I.

§. CXXIX. Celebrem praeterea praestitit ejus Patriarchae tum *Jacobus Barsalibaeus*, Amidae Episcopus, de quo prae-lixè egit, et opera ejus, quae multa sunt, sermone Syriacè eleganter conscripta, recensuit Asseman. Bibl. Or. tom. I. Scripsit commentaria in totam Script. S., antiquorum praemensa vestigia, teste praefatione ejus in Matth.: insuper praeter alios libros, *anaphoram*, seu liturgiam, *expositiones* rituum, *canones* de sacramento confessionis; unde patet, auricularem confessionem coram sacerdote fuisse apud eos in usu: *expositionem* quoque missae, ex qua ritus Syrorum antiqui in liturgia colligi possunt, et fides eorum de praesentia Christi in eucharistia luculenter elucescit. Inter ritus usitatos sunt. 1. hostiarum numerum, nisi sit binarius debere esse inparem, in signum Trinitatis. 2. panem esse fermentatum, sale quoque et oleo mixtum, nec non recentem et quotidianum. 3. Eucharistiam semel in die super uno altari esse celebrandam, et a jejunis sumendam. 4. Stationem, et non genuflexionem, in missa obtinendam. Quoad fidem; inpanationem manifeste tenuit, sicut Graeci et Veteres omnes, simul dilucide exposuit: *ut carnem* haec ejus inter alia sunt verba, *cui Deus unitus fuit, deificavit, Deumque eam fecit, non quidem natura, sed operatione ita et corpus, quod manducamus, estque illud quod ex virgine natum est, non quidem natura, sed unione cum verbo Deo*: nec alio sensu dixit, panem et vinum converti in corpus et sanguinem Christi. Quam eandem in mentem differit Anonymus Syrus apud Asseman. ibid. p. 102., adeo ut hinc de Syrorum, et Jacobitarum, et Catholicorum sententia clarescat. Denique ex eodem Barsalibaeo patet, confessionem, non tantum per quinque notissima Christi verba sed per *invocationem* Spiritus S., fuisse peractam, sicut om-

nes tenuerunt Veteres. Sed adtentionem meretur, quod dicat, *Spiritum S.* eodem modo credi descendere super panem, etsi divina natura cum eo uniatur, quo modo in Mariam descendit Luc. I: 35. Postremo scripsit de Providentia, contra Johannem Episcopum Mardae, creatum Patriarcham a. 1125., qui statuerat, *flagella in homines non a Deo iungi.*

§. CXXX. In historia *Coptorum* nihil sese offert valde memorabile, praeter schisma inter Marcum, Zaraae filium, Patriarcham Alexandrinum ab a. 1166. ad a. 1189., et Marcum, Konbari filium, circa sacramentum confessionis: quod ex Barhebraeo enarrat Asseman. Bibl. Or. t. II., de quo etiam egit Renaudot. de *poenitentia*, et in *hist. Alexand.* Marcus Konbari, nullam obtineri posse remissionem peccatorum, nisi facta apud sacerdotem confessione, vehementer urgit, sed Marcus Patriarcha, confessionem Deo esse secreto faciendam contendit; cui sese patronum praebuit non tantum Michael, Damiatæ Episcopus, sed et Marci successor Johannes VI., unde schisma fuit ortum. Praeterea hiposteriores traduntur multum commendasse circumcisionem, modo fiat ante baptismum.

SCHISMA GRAECORUM.

§. CXXXI. Quamvis Latinorum ritus et disciplina multa Orientis loca occupaverint, per expeditiones cruciatis, Latinis quoque Patriarchis sedentibus Antiochia et Hierosolymae, Graecorum in servitutem missis, unde Graecorum querelae sunt ortae, apud Anonymum de *diffidio Graecorum et Latinorum*, citatum Allatio, l. II. c. 13., continuatum tamen fuit schisma, superiore seculo firmatum. Imperatores quidem Graecorum Alexius, Johannes Manuel, Comneni, sese specie tenus minus a Latinis et Papis, et unione Graecorum cum Latinis instauranda, demonstrarunt alienos, quia Latinorum metuebant expeditiones, et Germanorum Imperatoribus

ratoribus et titulum et potestatem Imperatoris inuidebant; quare Papis sunt adulati, ut eos a Germanis abstraherent, et sibi devincerent; sicut Manuel fecit Alexandro III., ut eum in Fredericum I. incitaret, teste Niceta Choniata l. VII. Unde factum est, ut sub illis Imperatoribus unio Ecclesiarum fuerit per legationes et colloquia tentata, sed irritato semper successu. 1. Missus est, Alexio Comneno Imperante, a Paschali II., Archiepiscopus Mediolanensis, Grosolanus, alias Proculanus, ad Graecos in gremium Ecclesiae Latinae reducidos: qui, CPolin adpulsus, publicam habuit coram Imperatore disputationem de *Processione Spiritus S.*, quam recenset Baron. a. 1116. Sed ei sese Eustratius Nicacenus, Nicolaus Methonensis, Niceta Seidus, alique, quorum supra memini, fortiter opposuerunt: adeo ut nihil fuerit effectum. 2. Sub Johanne Comneno CPolin ablegatus est a Lothario II. Imperatore Anselmus, Havelburgensis Episcopus, qui, licet Imperatoris legatione fungeretur, a Graecis provocatus, cum iis celebri in conventu disputavit. Quas collationes ipse Anselmus tribus dialogorum libris publicavit, quorum duo posteriores continent disputationes contra Graecos, de processione Spiritus S., de azymo, et autoritate Ecclesiae Romanae, in Spicilegio Dacheriano tom. I. Nec hic, testibus ipsis dialogis, aliquid praestitum est. Denique 3. sub Hadriano IV. et Alexandro III. Pontificibus, cum Imperator esset Manuel Comnenus, missis utrinque legatis, et a Manuele ad concilium Lateranense III., et ab Alexandro CPolin. Indicta quoque est Synodus CPolitana, in qua de pace cum Latinis tractari voluit Imperator, sed irritum non tantum, verum contrario, effectum. Decretum enim a Graecis est, consentiente Imperatore, ut *totali separatione Papam abscinderent, et quotquot illi adhererent.* Vid. ipse Leo Allatius l. II. c. 12., ex dialogo Anchiali, et Macario Ancyrano, qui Graecorum causam sunt tuiti. Ceterum notetur, Legatis Papae hic praecipue. *ur-*sisse, ut Papae concederentur τὰ πρῶτα, seu Primatus jura,

ut et adpellationes ad sedem Romanam, denique Papae commemoratio inter sacra. Egerunt autem hoc tempore causam Graecorum Michael Anchiali, Patriarcha CPolitanus, Georgius Corcyrensis, Andronicus Camaterus, et Basilus Achridanus, sed qui paulo antiquior est. De quibus supra dixi. Continuavit itaque schisma, imo Graecorum Imperatores, licet praetenderint amicitiam, valde fuerunt a Latinis alieni: ut ex Cruciatorum historia patet.

DISSIDIA LATINORUM.

§. CXXXII. Famofum inprimis est hoc seculum prae reliquis omnibus per intestina inter Latinos certamina, sive propter sedem Papalem, sive investiturarum causa, sive ob jus eligendi Patricium, Consules, et Senatores Romae, sive opinionum et quaestionum scholae ergo. De quibus omnibus supra exposui. Hic itaque terribiles illas factiones, nominibus *Guelforum* et *Gibellinorum* insignitas, quorum illi Pontificis, hi Caesaris, partes sectabantur, quae diu durarunt, et innumera pepererunt, etiam inter privatos, mala, ut ex Chronico Bergomense apud Muratorium Script. Italiae tom. XVI., et aliunde, patet, totamque fere turbarunt Europam, inprimis Italiam, per tria fere secula, leviter perstringam. Vid. de hac divisione, ejusque origine, sec. XV. scriptor Johannes Faber, Monachus Ulmenfis, in hist. Suevorum, et recentioris aevi egregius historicus Giannone hist. Neapol. lib. XVI., de origine quoque et ratione nominum nostrae ad Albertum Mussatum in scriptor. Italiae Muratorii tom. X., ubi variae etiam recensentur opiniones. Addatur in primis Muratorius Antiq. Ital. med. aevi diff. LI. de *origine et progressu* earum factionum: ubi de causis earum egregie disseruit. Originem praebuit dissensio inter familias, Suevicam et Bavaricam, de corona Imperiali, quo tempore Conradus III. Suevus successit in Imperio Lothario a. 1139. Mortuo scilicet Lothario, qui Papis faverat, Henricus Su-

Tom. VI. V perbus,

perbus, Dux Bavariae et Saxoniae, gener Lotharii, acceptis a focero inperii insignibus, simul potentia sua fretus, imperialem sibi promiserat coronam, sed eam non inpetrauit: cum Principes Conradum, filium Frederici, Sueviae Ducis, et sororis Henrici IV., elegerint. Unde funestum est bellum ortum inter Conradum et Henricum primo, dein, Henrico mortuo, Guelfum, fratrem ejus, a Rogerio, Siciliae Rege, adjutum, sed in perniciem Guelfi. Quae concertatio inter Conradi successores, et Bavariae Duces, deinceps continuavit. Quae bella cum Italiam adfligerent, Siculi vero cum Papis adhaererent Bavariae Ducibus, reliqui Imperatorum partes sequerentur, translata sunt nomina illa ad factiones Paparum et Imperatorum. Nomina vero Guelphorum et Gibellinorum, secundum Ottonem Frisingens. de *gestis Frederici* lib. II., inde habuerunt originem, quod, ut ipsius habent verba, *duae fuerint in orbe Romano, apud Galliae Germaniaeque fines, famosae familiae haecenus, una Henricorum de Guibelinga, altera Guelphorum de Altorfia, altera Imperatores, altera magnos Duces, producere solita.* Conradus vero Imperator, Henricorum successor, cognominatus est de Weibelingen, vel de Guibelinga, frater vero Henrici, Bavariae Dux, dictus est Gulphus, sive Guelpho, vel Welpho. Audita sunt in primis haec factionis nomina sub Frederico II., qui natus, vel educatus, fuerat Guibelingae in Suevia.

PROPAGATIO ECCLESIAE.

§. CXXXIII. Praeter fictam et superstitiosam, per expeditiones Cruciatas, cum verior, saltem eo nomine majore cum specie dignior, propagatio, in populorum nonnullorum conversione ad Christianismi professionem, ut Pomeranorum, Livonum, Norvegorum, et Finlandorum, sita, obtinuerit hoc seculo, ejus historia praemittenda est. *Pomerania* et *Leutitia*, quae, ut Pagi ad Baron. a. 1128. recte observavit,

vit, comprehendit partem Makleburgi, Marchiae Brandenburgicae, et Ducatum Stetinensem, ad Christianam professionem adductae sunt, postquam Pomerani armis essent a Boleslao III., Polonorum Rege, subacti, per Ottonem, Episcopum Bambergensem, qui eas regiones, prima vice a. 1124., et altera a. 1128., adiit, ac Uratislaum, Pomeraniae Ducem, cum duobus ejus Filiis baptizavit, quando Adalbertus renunciatus est Pomeraniae Episcopus, sede posita Vollini, quod est insulae Julini, ad Ostia Oderae, oppidum: variae dein erectae sunt Ecclesiae in Pomerania et Leutitia in honorem Adalberti, Episcopi Pragensis, qui fidem ibi seculis superioribus plantare in animo habuerat, de quo supra suo loco. Vid., praeter Helmoldum in Chronico Sclavorum, Anonymus in vita Ottonis, apud Canisium in Lect. antiquis tom. III. p. II. Hic autem Otto, licet Bambergensis Episcopus per annulum et baculum esset ab Henrico Rege inauguratus, ad Papam Paschalem profectus, Episcopatu a Rege accepto renunciavit, donec a Papa fuerit ordinatus: praestitit sese celebrem quoque per cellas, et monasteria, in illo tractu, et in circuitu, exstructa, ac ditata, quae ab autore vitae ejus ibid. recensentur. Statuta vero Patrum, quae eos servare docuit, recenset Abbas Urspergens. ad a. 1124., quae jejunium sextae feriae, quadragesimam, baptismum bis in anno, compadres in eo, continent, praeterea, ut una uxore contenti sint, sepeliant mortuos in coemiteriis, non in silvis aut campis, ne fustes ad sepulchra ponant, omnem ritum et pravitatem paganam abjiciant — — — ne quid inmundum comedant, non morticinium, non suffocatum, neque idolothytum, denique ut peccata coram sacerdote confiteantur, et in infirmitate presbyteros ad se vocent, peccata confiteantur, et corpus Domini accipiant: etc. Genius vero viri patescit, quod, eodem referente autore, in consuetudine habuerit, a manibus sacerdotum in conclavi corporales accipere disciplinas, sane adeo acres, ut cruor aliquando latera ejus ungeret. Ceterum,

inter alia singularia, quae in horum populorum conversione acciderunt, lectu utilia, et hoc est, quod Stetineses in initio Christianismum recipere recusarint ob pravos Christianorum mores. Apud *Christianos*, inquiunt apud Canis. l. cit. p. 67. *fures sunt, latrones sunt, truncantur pedibus, privantur oculis, et omnia genera scelerum et poenarum. Christianus execratur Christianum. Absit a nobis religio talis!*

§. CXXXIV. *Livonum* conversionis prima jecit fundamenta Meinardus, Sigebergensis canonicus, cum mercatoribus Lubecensibus eo delatus, qui socium in hoc opere habuit Bertoldum, Monachum Cisterciensem, et Abbatem in Lucca, vel Luka, monasterio Saxoniae; ut refert autor aequalis, Caesarius Heisterbacensis, Miracul. l. VII. Meinardo quoque in Episcopatu Rigensi successit Bertoldus, sed Dux cruciatorum, quos Coelestinus III. conscripsit, in expeditione contra Livones infideles, et hostes, periit, successoremque habuit Albertum, Bremensem Canonicum; qui, cum ingens militum manus eum secuta esset, rem felicius est executus. Qua occasione ordo Ensisferorum est institutus. De quo supra egi. Vid. Arnoldus Lubecensis in hist. Slavorum lib. VII. c. 8. Inter *Slavos* quoque religio Christiana magis magisque propagata est per Hartvicum, Hamburgensem Archiepiscopum, qui sedes Episcopales, a barbaris destructas, reaedificavit, nec non per Wicelinum, Aldenburgensem Episcopum, qui per triginta annos in Holsatia mansit, et plurimos Slavos, circa Holsatiam degentes, ad Christianismi professionem compulit, Vid. Helmoldus, qui hujus Wicelini fuit discipulus, in Chron. Slavorum lib. I. Ceterum, quod notari meretur, ab ipso Duce accepit *investituram*; quod alioquin Imperatoriae Majestatis erat privilegium, frustra dissuadente Hartvico. Vid. Helmold. l. cit. c. LXIX. et LXX.

§. CXXXV. Denique, praeterquam quod Archiepiscopus hoc seculo erectus sit, tum in Norvegia, sede metropolitana constituta Nidrosia, tum in Suecia, sede Upsalensi,

lenſi, quod utrumque a. 1148. contigit, de quo vid. Johannes Magnus hiſt. Gothiae l. XVIII. *Finlandia* fidei profeſſionem ſuſcepit per Henricum, Episcopum Upſaleniſem, Finnorum Apoſtolum habitum a. 1168. Sed poſtquam ab Erico, Suecorum Rege, ſub jugum miſſi eſſent Finlandi, et ad Chriſtianiſmum compulſi: uti traditur in additione ad *auſarium Aquicincinum*; ubi etiam refertur, *Rugios*, ab Erico devictos, idem feciſſe. Vid. Pontanus in hiſt. rerum *Danicarum*. Ceterum Rugiani fidem jam tempore Ludovici Pii aliquatenus receperant, una cum S. Vito pro patrono, a S. Anſchario ipsis commendato. Sed progreſſu temporis ad idololatriam reverſi ſunt, et hunc ipſum Vitum pro idolo adorarunt et coluerunt, dictum *Suategyth*, vel *Santeyith*. Hoc vero tempore a. 1168. altiores ibi egit radices profeſſio Chriſtiana. Vid. Hel-mold. Chron. Slavorum lib. II. c. 12. et Saxo Grammaticus lib. XIV.

§. CXXXVI. Hae converſiones, licet nec euangelice factae ſint, nec ad purum euangelium, cum ſuperſtitio Romana aequae fuerit propagata, Vid. ex. gr. inſtitutio, ab Ottone tradita Pomeranis, modo memorata, nomen tamen propagationis Chriſtianismi rectius merentur, quam *Expeditiones Sacrae*, ad quarum hiſtoriam pertexendam pergo, cum regni Hieroſolymitani, poſt Bullionei, primi regis, mortem a. 1100., tum novarum expeditionum, reſpectu. Bullioneo ſucceſſit in Regno hoc frater ejus *Baldunus* I., qui regnum fortiter eſt tuitus non tantum, ſed et promovit. Expugnavit, poſt infelix praelium Ramae, Achonem Ptolemaidam a. 1104., opem ferentibus Genuenſibus, qui cum ingente claſſe eo venerant: ut tradit Fulcherini hiſt. Hieroſolym. l. II. Dein, eorum etiam ope, Tripolin a. 1109., mox Sidonem, Berytum, totamque illam oram, excepta Tyro. Reliquit itaque, a. 1118. deſunctus, res Chriſtianorum in florente ſtatu. Utique tenuerunt, praeter regnum Hieroſolymitanum, Principes Chriſ-

tiani principatum Antiochenum, Comitatum Edessae, comitatum Tripolitanum, et portus celeberrimos. *Baldwinus* II. de Burgo, Comes Edessenus, cognatus et successor ejus, sub quo ordo Templariorum ortus est, cum ad comitatum Edessenum tutandum tenderet, captus quidem est a Saracenis a. 1123., sed Saracenos prostraverunt Christiani, Venetorum classe adjuti, ipsamque Tyrum expugnarunt; quando brevi liberatus est *Baldwinus*, pecunia redemptus a. 1124. Suscepit quoque Principatum Antiochenum, mortuo Boamundo, genero suo, Principe Antiocheno a. 1130. brevi fato functus a. 1131. Successit *Fulco*, gener ejus, Comes Andegavensis, qui Principatum Antiochenum gloriose defendit contra Graecorum Imperatorem, illum invadentem, tanquam ad se pertinentem, omnes quoque regni partes contra Sanguinum, Sultanum Aleppi, fortissimum infidelium; denique, occupata Paneade ad septentrionem, et Berseba ad austrum, Cananaeam tenuit a Dan ad Berseba. Mortuus est a. 1142., duobus relictis inpueribus, *Baldwino* primogenito, et *Amalrico*; quorum ille successit sub tutela matris *Milifendis*.

§. CXXXVII. Ingentem quidem jacturam fecit res Christiana in Oriente, durante minorennitate *Baldwini*, Edessa a Sanguino (alias Atabet-Zengi, Atabeck autem est titulus honoris, a Sultanibus datus praefectis provinciarum, Vid. *Herbelot* Bibl. Orient. in voce *Atabeck*.) Aleppensi Principe, Sultano Bagdadensi subdito, expugnata a. 1144., cum ejus comes esset *Josselinus* junior, vir ignavus et luxuriosus, teste Abbate *Urspergense*, Christianis aut occisis, aut in servitutem redactis; quae jactura secum Christianismi interitum trans Euphratem traxit: de quo vid. *Neubrigensis* de rebus Anglorum, qui modum et occasionem urbis captae tradit. Sed *Baldwinus*, ex quo regnum coepit gubernare, illud strenue est tuitus contra *Noradinum*, filium Sanguini, et successorem in principatu Aleppensi, fortissimum hostem; alias principem justum et bonum.

Prac.

Praeter alia egregia facinora expugnavit Balduinus Ascalonem a. 1153., urbemque concessit Amalrico, Joppenſi Comiti, fratri ſuo: ut Gulielm. Tyrius refert. Sub ipſo quoque ſecunda contigit, quae hujus ſeculi prima eſt, expeditio Cruciatorum Ludovici, Regis Francorum, et Conradi, Imperatoris. De quo mox. Sed, quo tempore mortuus eſt, a. 1162. res Chriſtianorum, praecipue in principatu Antiocheno, valde fuerunt adtritae, tum per captum Rainaldum Principem, caeſis vel captis omnibus ejus comitibus, tum per terribilem terrae motum; ut patet ex epiſtola Amalrici ad Ludovicum, apud Bongarſium in *geſtis Dei per Francos*. Amalricus quoque, qui Balduino ſucceſſit, duplici nomine fuit infelix, uno, quod ſeſe rebus Aegypti inmiſcuerit, prima vice a Calipha evocatus contra Noradinum, Aegyptum invadentem, felici, altera, ut theſauros Aegypti raperet, pacto cum Graecorum Imperatore inito, infelici ſucceſſu. Noradinus enim, a Calipha in ſubſidium vocatus, per Siraconem, fortiſſimum Ducem, eo cum exercitu miſſum, Amalricum cum clade et ignominia expulſit. Infelicior porro fuit altero nomine, quod ſub ipſo magnus ille Saladinus fuerit exortus, qui, Siraconi, quem Calipha Aegypti conſtituerat Sultanum, ſeu praefectum Aegypti, ſuccedens, mox ipſum Calipham trucidavit, ſibique totam ſubjecit Aegyptum, imo, Noradino mortuo, ejus quoque Principatum vel Regnum, filio Noradini exhaeredato, et nuptiis cum Noradini vidua contractis, accepit; nomen itaque ſupra alios omnes in Oriente Principes nactus grande, ut Neubrigenſis et Tyrius referunt. Ceterum Amalricus, Princeps avarus, nihil praeclare pro Chriſtianis geſſit. Obſedit quidem Paneadenſem civitatem, mortuo Noradino, ſed haud diu poſt, accepta pecunia, inde diſceſſit, teſte Tyrio.

§. CXXXVIII. Succellor et Filius ejus Balduinus III. a. 1173., cum tredecim vix eſſet annorum, regni procuratio tradita eſt Raymundo, Comiti Tripolitano. Reportata

quidem est a Balduino et Templariis, parva armatorum manu, insignis et mirabilis victoria de Saladino, qui versus ipsam Hierosolimam moverat exercitum, omnibus fere militibus ejus vel gladio vel flumine absumtis, a. 1177.; ut narratur a Tyrio, et aliis, succincte etiam et summarie a Chronographo Aquicinetino: sed haec scena brevi mutata est. Balduino enim morbo elephantiaco laborante, adque regnum inepto, coronatus quidem rex est *Balduinus IV.*, sororis ejus filius, adhuc puerulus, et Guido de Lizoniaco, sororis ejus maritus, constitutus procurator. Sed utroque Balduino, priore a. 1185., posteriore, seu puerulo, a. 1186. mortuo, omnia sunt turbata, Principibus de successione dissidentibus, et Saladino ansam Hierosolimam occupandi praebentibus. Successerat Balduino *Guido* ille Joppensis, ducta ejus matre Sibylla uxore; sed illud aegerrime tulerunt Optimates, inprimis Comes Tripolitanus, tutor Balduini: quem eousque abripuit indignatio, ut res Christianorum prodiderit, et, Muhammedanus secreto factus, Saladinum evocaverit, ad sibi opem ferendam; verius ad regnum Hierosolymitanum destruendum. Quod et factum est a. 1187. a Saladino, post duarum tantum septimanarum obsidionem Hierosolymae: ut Nangius in Chronico refert, quando Christianis tres tantum urbes superfuerunt, Antiochia Syriae, Tyrus, et Tripolis. Qua ratione Hierosolyma post annos 88 rediit ad Turcas, Latinis partim Antiochiam, partim Alexandriam, vel Siciliam, petentibus, sed Syris, Georgianis, Graecis, et Armenis, ibi sub Turcarum dominio manentibus, et servituti addictis. Ceterum inter causas, quibus res Christianorum in Oriente pessum fuerunt, praecipuum merentur locum 1. Crimina et vitia, ut luxur, avaritiae, perfidiae, latrociniorum, et impietatis, in Clero et reliquis grassantia, ut Tyrius l. XXII. et Neubrigensis rer. Angl. l. III. diserte testantur. 2. Inperia divisa inter Regem Hierosolymae, Principem Antiochiae, Comitem Tripolitanum, et Magistros militiae Templi ac Hospitalis,

uno

uno deficiente capite supremo. 3. Mutua diffidia, modo memorata. 4. Saladini virtus, felicesque progressus. 5. Infelices denique Cruciatorum expeditiones, quae hoc seculo fuerunt tres, quas summam enarrare instituo.

§. CXXXIX. Plures quidem susceptae sunt, vel peregrinationes, vel expeditiones, sed quae vix in censum veniunt, et minoris fuerunt momenti, infelicem etiam naetae eventum, qualis fuit, ex. gr., quam, audita Hierosolymae a Christianis expugnatione, inmensa hominum multitudo ex Germania, Gallia, et Italia adgressa est a. 1102., cui ipse Hugo Magnus interfuit, novo studio, quod in patriam post primam expeditionem reversus remiserat, incitatus: sed quae tota multitudo periit fere in itinere, cum per itineris incommoda, tum per Alexii perfidiam, et Turcarum insidias; erat enim confusa et disciplinae expers. Ipse Hugo a Turcis circumventus, et Tarsi Ciliciae defunctus est. *Secunda* itaque expeditio, hujus seculi *prima*, est, quam Conradus III. Imperator, et Ludovicus VII. Galliarum Rex, incitante Eugenio III. Papa, et Bernardo Claraevallensi, qui ex divina revelatione quoque felicem promisit eventum, instituerunt, a. 1146. et 1147., post Edessam a Turcis occupatam, et famam de adfecto Christianorum in Oriente statu quaqua-versum sparsam. Eugenius, de eo certior factus per legatos Orientis, mox, litteris ad Ludovicum datis, a. 1145., Ipsum, aliosque Principes, ad expeditionem exhortatus est, plenaria peccatorum cruce signatis, et debitoribus usurae, remissione concessa, simul licentia data, ut bona et possessiones, si Domini, quorum feuda erant, id recusarent, personis Ecclesiasticis oppignorare possent, liberis eorum, cum uxoribus et bonis, in tutelam Apostolicam susceptis. Ludovicus, cum legati quoque in Gallias venissent, concilium Vezeliacense a. 1146. congregavit, in quo decreta est expeditio, ad quam Rex valde pronus erat, ut grande crimen, in Castri Vitrici basilica, cum 1300 hominibus, incensa, commissum, expiaret; ut, praeter alios, tradit Odo de Diogilo

de *profectione* Ludovici Regis in Orientem, et Anonymus de *gestis* Ludovici in hist. Francica tom. IV. Est autem illud oppidum in ditione Theobaldi, Comitis Campaniae, cui Rex iratus erat, quod Petrum de Castro, Bituricensem Episcopum a Papa consecratum, a Rege vero expulsus regno, suscepisset: ut in Innocentio II. vidimus. Habuit quoque hac in Synodo orationem Bernardus Claraevallensis, qua omnibus expeditionem persuasit. Suscepit itaque Rex crucis insigne, a Papa missum, cum multis aliis, qui communi voce clamabant, *cruces, cruces*. Sumisit quoque eodem anno crucem Conradus Imperator, ejusque nepos Fredericus, qui postea imperavit, ab eodem Bernardo, in generali conventu Spirensi, qui Imperatorem ea de causa convenerat

§. CXL. Imperator, lectissimo et numerosissimo cum exercitu, praecedens, per Hungariam et Bulgariam prospere quidem in Thraciam venit, castraque haud procul CPoli, in amoenissima valle, quam Melas fluvius perfluit, posuit, quorum quam splendidissimus erat conspectus; sed ubi longe tristissimus accidit casus, majoris mali praenuncius. Terribili enim tempestate subito exorta, et fluvio exundante, tentoria sunt deturbata, totusque exercitus dissipatus, nec sine aliquot militum, ac equorum, interitu. Venit dein, collecto exercitu, CPolin, ubi Comneni perfidiam variis modis expertus est, quae interitum exercitus produxit, non obstante, quod duo illi Imperatores duas sorores habuerint uxores. Ipse Nicetas refert, nullum mali genus fuisse, quod Imperator non vel ipse in eos machinaretur, vel aliis machinandi autor esset, ut scilicet eorum posteris perpetuis monumentis ab invadendis Romanis, seu Graecis, absterrentur. Ursit non tantum Manuel, ut fretum quantocyus trajiceret in Asiam, sed et Sultanum Iconii de eo admonuit, exercitum varie infestavit, commeatus negavit, imo curavit, ut ferebatur, inquit Nicetas in Manuele I. I., qui addit, sibi incompertum esse, num jussu Imperatoris factum sit, ut farina, quae vendebatur,

debatur, fuerit gypso corrupta: unde multi mortui, multi infirmati sunt: dedit denique viae duces, qui exercitum in loca sterilia et arida duxerunt, ubi omnium rerum erat penuria, iverunt enim, magno suo malo, per Asiae septentrionalia. Quo facto, fuga dilapsis viae ducibus, exercitus, famae fere enectus, incidit in manus Sultani, ita ut ne decima quidem pars cum Imperatore evaserit, aliis fame, aliis ferro, occisis, aliis servituti addictis. Quo miserabili in statu Imperator, Nicaeam redux, sese quidem Galliarum Regi adjunxit, sed et mox sese ab eo separavit, et cum parva manu residua navibus profectus est in Syriam.

§. CXLII. Ludovicus, Galliarum Rex, felicioribus auspiciis, et sine ulla jactura, per Austriam, Hungariam, Bulgariam, et Thraciam, venit in Asiam. CPoli quoque cum ingente adplausu, multisque amicitiae signis, receptus est ab Imperatore, sed quae in prudentiorum oculos perfidiam adeo ingerebant, ut aliquis Episcoporum Regi suaserit CPolin occupare, et sibi subjicere, eaque ratione Cruciatos a Graecorum perfidia reddere securos. Quo consilio spreto, ut votum contra Infideles inpleretur, Rex non per Asiae septentrionalia, sed inter Phrygiam et mare, sicut olim instituit Alexander M., iter persecutus, cum Ephesum venisset, ora maritima relicta, ortum versus movit, et, Maandro, coram oculis hostium, feliciter trajecto, hostibus quoque fufis vel fugatis, versus Pamphiliam flexit, ne comaeatus deficeret, exercitusque laboraret penuria. Quo itinere cum mons esset superandus, Rex, prudente quidem consilio, exercitu in duo agmina diviso, jussit, ut alterum post alterum eum conscenderet, et castra in eo ponerentur; sed prius agmen, monte conscenso, inde mox descendit, quia multum diei supererat, et vallem fertilem inveniendi spes a viae ducibus erat facta: quod fatale fuit exercitui. Posterius enim agmen in ipso conscensu montis ab hostibus, qui de omnibus certiores erant facti, et montis verticem occupaverant, invasum, et totum dissipatum

tum est, aliis trucidatis, aliis fugatis, ipso Rege non nisi summo discrimine evadente. Qua accepta clade, et reliquiis priori agmini adjunctis, cum ingente fame premeretur exercitus, Rex cum maxima parte naves conscendit, et in Syriam feliciter adpulsus est: reliqui vero partim inedia et morbo, partim ab hostibus, sunt deleti, ita ut pauci per terram salvi venerint in Syriam. Hac ratione cum Rex in Palaestinam adpulsus, et cum Conrado conjunctus, esset, consilio capto, decreta est Damasci oppugnatio, et suscepta, quae felicem habuisset exitum, nisi proditi et decepti fuissent ab ipso Raymundo Tripolitano, qui Ludovicum odio habebat, et aliis, qui partim ferre nequibant, Principatum Damascenum esse Comiti Flandriae assignatum, partim ab hostibus erant pecunia corrupti. Effecerunt enim proditores, ut urbem, relicta parte ubi erant, et urbs brevi fuisset capta, ab altera, qua vinci non poterat, oppugnarint. Quo factum est, ut ingente cum clade et ignominia inde discesserint non tantum, sed et Rex ac Imperator exhausti viribus, et opibus, cum nihil a se praestari posse animadverterent, re infecta, et cum immensae hominum copiae jactura, ad sua reversi sint a. 1149. Ceterum, cum Bernardus Claraevallensis, felicem exitum divinitus pollicitus, magnam sibi creasset invidiam, scripta apologia sese inter alia exemplo Moysis defendit, qui Israelitis promiserat terram Cananaeam, quique in deserto perierunt, propria sua culpa, et criminibus suis.

§. CXLII. *Tertia expeditio*, hujus seculi *Secunda*, suscepta est ab Imperatore *Frederico Barbarossa*, et Regibus *Gallicae* ac *Anglicae*, post *Hierosolimam* a *Saladino* occupatam, et res Christianorum fere deletas in Oriente. Quam, praeter *Teganonem* apud *Freherum*, inter scriptores *Germaniae*, descripsit *Anonymus*, autor aequalis, in *Antiq. Lession. Canisii* tom. III. p. II., qui omnino conferendus est. Promovit eam *Clemens III.*, post *Gregorium VIII.*, qui eam decreverat, sed perficere non poterat, concessa plenissima indul-


indulgentia, ut ab omnibus peccatis, de quibus poenitentes confessi erant, forent liberi et absoluti: multum quoque eo contulit Gulielmus Tyrius, in Europam eo fine missus, Crucem vero mox sumsit Fredericus ex Henrici Cardinalis, Episcopi Albanensis, eo scopo a Papa ablegati, manibus; idem quoque fecerunt quidem eodem anno Henricus Angliae, et Philippus Galliae, Reges, sed, bello inter eos exorto, non sunt eo tempore exsecuti. Imperator, omnibus rite paratis, antequam itineri se adtingeret, misit legatos ad Saladinum, qui bellum denunciarent, nisi crucem Domini captam reddat, et terram Hierosolymae restituat, ad Iconiensem quoque Sultanum, et Imperatorem Graecorum, liberi transitus ergo, quem promiserunt; denique ad Hungariae Regem, eandem ob causam, qui non id tantum concessit, sed et filiam suam filio Imperatoris in uxorem. Quibus peractis, venit Imperator, bono ordine, sine magnis incommodis, nisi quod a Bulgaris aliquid in Bulgaria passus sit, ut Chronographus Reicherspergensis tradit, in Thraciam: quando Isaaci Angeli, Graecorum Imperatoris, perfidia sese mox manifestavit. Ipse enim, promissis non stetisse non contentus, sese hostem praebuit, milites intercipiendo, et exercitum infestando. Quem tamen, quippe ignavum, facile in ordinem redegit oppugnando Adrianopolin, et Isaacio interitum minando, ni promissa expleret. Quo facto in Asiam trajecit, humanissime a Sultano tractatus, donec in campos Laodicaeae ultra Ephesum venerit, haud procul a loco, ubi Ludovicus cladem acceperat. Sed mox, Isaaci et Sultani perfidiam expertus, a Graecis et Turcis undiquaque obsessus et infestatus est, sed, quibus fortiter repulsis, omnibusque incommodis, quae iter difficillimum et fames adferebant, superatis, adtiguit Seleuciam, ubi fatum invenit, subito mortuus, sive in Ciliciae fluvio Cydno, sive in Armenia, aquis suffocatus, quas, vel lavandi, vel hostes insequendi ergo, erat ingressus; variant enim autores. Sicardus in Chron., cui tutius habetur fides, dicit: *cum*

esset aestus magnus valde, Imperator in flumen descendit, cum duobus militibus, volens se balneare; quumque natare coepisset, demersus est. Addit codex Ostens. apud Muratorium, impingens in scopulum, natando vitam amisit; a militibus igitur adprehensus ad ripam semivivus ducitur, accepta poenitentia et corpore Domini, eo die mortuus est. Qua infelici morte dissipatus est exercitus, major tamen pars Conradum, Sueviae Ducem, Imperatoris filium, est secuta. Venit quidem Conradus cum reliquis copiis per mare Antiochiam, sed totum fere amisit exercitum, peste absumtum cum Principibus; quae adeo grassata fuit, ut magna quotidie multitudo caderet, nec, qui sepeliret, inveniretur. Cecidit itaque et haec Imperatoris illustris expeditio in vanum, quae ingentem sui concitaverat expectationem. Vid. Chron. Reichersperg.

§. CXLIII. Galliae et Angliae reges, Imperatorem, pace facta, secuti a. 1190., per mare instituto itinere, post multa incommoda in Siciliam adpulsi, hyemarunt Messanae; quando Philippus Palaestinam versus solvit, et apud Acconem, seu Ptolemaida, eo tempore a cruciatibus obsessam, adpulit. Richardus vero (is enim tunc fuit Angliae Rex, mortuo Henrico,) cum classe Cyprum adpulsus, eam insulam Pseudo-Imperatori Isaaco Comneno, qui ibi dominabatur, ereptam, suis munivit militibus, quam postea Guidoni, Hierosolymitano Regi, vel vendidit, vel, ut Neubrigensis refert, donavit: quod initium fuit regni Cypri. Hoc in transitu peracto, venit et Ipse in Palaestinam, junctoque exercitu Philippi, Acconem expugnavit. Philippo dein, morbo gravato, et Richardo diffidente, ad sua reverso a. 1191., Richardus, qui solus cum lectissimo exercitu ibi mansit, urbes maritimas non tantum recepit, ac reparavit, munivitque, sed Saladinum, 300 millium copiis stipatum, glorioso praelio devicit, ingente illata strage, ipsum Saladinum, duello cum eo inito, de equo deturbavit, ita ut turpi fuga se servare coactus fuerit. Recuperasset forte etiam Hierosolymam,

si recta mox eo tetendisset, sed sese urbibus muniendis occupatum tenuit, et cum postea Hierosolymae oppugnationem intempestive tentasset, re infecta discedere debuit; ipsa quoque Palaestina brevi post deserta. Cum enim, motus in Anglia intestinos esse ortos, et Regem Galliae regno suo imminere, intellexisset, iter in patriam suscepit. In mari autem cum jam esset classis, et Saladinus Joppen oblideret, reversus in eam urbem sese conjecit, ac, eruptione facta, prostravit Saladinum, et inducias cum eo fecit, in has conditiones, ut loca, quae post Acconem expugnatam ceperant Christiani, denudarentur, totam vero oram maritimam a Joppe ad Tyrum retinerent, reliquas Palaestinae terras haberent Saraceni, excepta Ascalone, quae fortiori cederet, induciis finitis: denique, Christianis liceret Hierosolymam devotionis ergo adire. Quibus confectis, mari se rursus commisit Richardus, sed tempestate ad Dalmatiae littora ejectus, per terram iter faciens, et per Austriam tendens, incidit in manus Leopoldi, Ducis Austriae, insensissimi hostis, qui ipsum Imperatori tradidit captivum, unde non nisi difficulter postea liberatus est: ut in historia Coelestini Papae narravi. Ceterum, ut illud obiter observem, Marchione Montisferratenfi Conrado, qui per uxorem Isabellam, Balduini IV. sororem, ad regnum Hierosolymitanum adspirabat, quod tenebat Guido, unde acris erat inter Cruciatos orta concertatio, mortuo, Richardus, antequam Palaestina excessisset, persuasit Isabellae, ut nuberet Henrico, Campaniae Comiti, litemque de eo regno ita compevit, ut Henricus esset Rex, et Guidoni cederet novum illud Cypri regnum, quod Richardus, ut narravi, occupaverat in itinere. Objecerunt quidem hostes Richardi, Conradum ejus instigatione a duobus sicariis fuisse occisum, sed injuria, cum a quodam Principe, qui *Vetus de Monte* adpellabatur, fuerit obtruncatus. De quo sene, *de montanis* dicto, inmani sicario, vid. Paulus Venetus *de regionibus Orient.* l. I. c. 28, et 29., et Maria Sanuta l. III., praeter

alios multos. Adpellati sunt Assassini, et belli sacri tempore maxime innotuerunt, ac in Phoenicia sedes habuerunt, locaque munitissima tenuerunt, et ad 40 millia excreverunt, ducemque habuerunt, a dignitate *senem*, a loco, *de montibus*, dictum; grassati autem quaquaversum sunt rapinis et caedibus, praecipue in nobiliores personas, terrorem ubique circumferentes, donec a Tartaris, Ottomannicum regnum invadentibus, fuerint ad internecionem usque deleti, post medium sec. XIII.; Vid. inter alios H. Bangertus ad Arnoldum, Abbatem Lubecensem, in Chron. Slavorum l. III. c. 37. et VII. c. 10.



SECULUM DECIMUM TERTIUM.

ECCLESIA OCCIDENTALIS.

SCRIPTORES ET STUDIA.

§. CXLIV.



Inter Historicos, ut ab iis auspiciis sumam, qui, paucis exceptis, Ecclesiarum suarum, vel monasteriorum, annalibus condendis passim occupati fuerunt, primum meretur locum *Conradus a Lichtenau*, Abbas Urspergae coenobii, ordinis Praemonstratensis, qui Abbatem egit ab a. 1215. ad 1240., autor Chronici a Belo, Assyriorum primo rege, usque ad a. nonum Frederici II., seu a. 1229., quod dein a Caspares Hedione continuatum est ad a. 1537. Est autem in vitiis aulae Pontificiae taxandis ingenuus, in chronologia accuratus, in rebus Germanicis copiosus: sed de fidelitate ejus in rebus Othonis IV. disputatur. Vid. Meibomius in apologia Othonis, qui ejus patrocinium suscepit contra Urspergensensem. Statuitur quidem, ejus chronicon esse ipsissimum Eggehardi Urspergensis, ante 100 annos jam scriptum, et ab ipso suo nomine publicatum, sed ab hoc plagio ipsum liberare conatus est autor in *Anecdotis Boineburgicis* p. II. p. 1449. Haud minoris faciendus est *Matthaeus Parisiensis*, Anglus, et monachus Benedictinus, in coenobio S. Albani, vir praeclarus, et Henrico III., Angliae Regi, familiarissimus, aulae quidem Pontificiae addictus, sed liberissimus simul ejus censor, qui summae ejus corruptionis vividissimam dedit picturam, adeo ut *Paparum nimii fautores*,

Tom. VI.

Y

res,

res, ad incitas redacti, Matthaeo haec esse inserta sine ullo fundamento finxerint: quod false jam perstrinxit Casaubonus in Prolegom. ad Exercitar. Baron. Scripsit *historiam majorem*, seu rerum Anglicarum, a Gulielmi Conquestoris adventu a. 1066. ad a. 1259., seu 43. Henrici III., Angliae Regis, quam continuavit Gulielmus Rishangerus, Monachus quoque S. Albani, sec. XIV., ad a. 1273. Dedit quoque epitomen, seu *historiam minorem*, ad a. 1250. et *additamenta* ad historiam majorem, nec non vitas duorum Offarum, Merciae Regum, et viginti trium Abbatum S. Albani. Quae omnia opera optime sunt edita cura Gulielmi Watsii, addito glossario vocum barbararum cum adversariis.

§. CXLV. Adjungi iis meretur *Albertus Stadenfis*, natione, ut videtur, Germanus, coenobii vero Stadenfis, in Archiepiscopatu Bremensi, Abbas ab a. 1232. ad 1240. sed quam praefecturam, quia morum correctionem non ferebant Monachi, dein abdicavit. Scripsit Chronicon ab Orbe condito ad a. 1256., quo res Germaniae praecipue enarrantur, e melioris notae autoribus: quare eum in primis imitatus est Krantzius in sua *metropoli*. Continuationem vero ab a. 1264. ad a. 1324. addidit Andreas Hojerus, Hafniae a. 1720. Inter chronicorum conditores nomen quoque proficitur, non spernendus autor, *Martinus Polonus*, seu a loco nativitatis ita dictus, fuit enim Oppavienfis e Silesia, sive quod ad Archiepiscopatum Gnesnensem, et primatum Poloniae, vocatus sit a Nicolao III., cujus fuit major poenitentiarius. Monachus fuit Benedictinus, et in itinere Poloniam versus, ad Archiepiscopatum capeffendum, a. 1278. mortuus. Autor est Chronici, quod *Martinianum* adpellatur, a nato Christo ad a. 1277., in quo res gestas Imperatorum et Pontificum contexuit. Adjecta est continuatio a Ptolemaeo Lucensi, et dein a Bernardo Guidonis ad a. 1316. Novissime prodiit in corpore Scriptorum Germaniae Eccardi. Scripsit denique *Vincentius Belloyacensis*, ita

ita dictus, quod apud Bellovacos habitaverit, ex ordine Praedicatorum, *Speculum* quadruplex, *historicum*, ab orbe condito ad a. 1254., quod seorsim etiam prostat, *naturale*, *morale*, et *doctrinale*. Omisi, verbo memorandum, *Sicardum* Chemonensem Episcopum, circa finem praecedentis, et initium hujus, seculi, qui chronicon contexit ab orbe condito ad a. 1213., cujus magna pars edita est inter Italiae scriptores Muratorii tom. VII. Consuli in rebus sui temporis, vel ad illud propius attingentibus, meretur, sed in aliis fabulosus est.

§. CXLVI. *Petrus de Vineis*, ut nonnullos rerum particularium scriptores subjungam, patria Capuanus, Cancellarius Frederici II., strenuusque ejus contra Papalem tyrannidem defensor, sed qui pro officiis Imperatori hac parte praestitis, tum Patavii in publico conventu a. 1239., tum in Synodo Lugdunense a. 1244., illud retulit, ut proditiōnis accusatus ab invidis, fuerit jussu ingrati Imperatoris oculis privatus, et in carcerem conjectus Paduae, ubi praetadio sibi ipse mortem conscivit. Scripsit *epistolarum* historicarum de gestis Frederici libros sex, a Schardio editos, et dein ab aliis, sed inter quas epistolas aliquae exstant ipso recentiores. *Reinerius Sachonus*, Placentinus, primum Waldensium primipilus, dein apostata, et haereticorum Inquisitor Generalis, qui, post multos per ipsum igni adjudicatos, Mediolano expulsus, obiit in exilio a. 1259. Scripsit contra Waldenses librum, 10 capita complexum, a Gretsero editum, et inde in Biblioth. Patrum; cujus in historia Waldensium est insignis utilitas. *Marcus Paulus Venetus*, celebris itinere per Orientem, dedit *regionum Orientalium* descriptionem. Qui liber, ex lingua Italica in Latinam versus, exstat, ab Andrea Mullero denuo editus, et varia subiit eruditorum judicia, dum alii pro fabuloso, alii fideles, habeant scriptore: multa de Tartaris, eorumque dominio, refert. Floruit etiam *Brocardus*, vel *Barchardus*, ordinis Praedicatorum monachus, et sacerdos: cujus superest

duplex terrae sanctae descriptio: altera sincerior, a Clerico ad calcem Eusebii et Hieronymi Onomast. edita, altera impurior, inde confecta in Antiq. Lection. Canisii tom. IV. Denique agmen claudat Jacobus de *Voragine*, seu, ut alii, *Viragine*, seu vico virginis, Ligurum civitate; forte rectius, ut Muratorius in praefat. ad chronicon ejus observat, de *Varagine*, ab oppido, haud procul Genua, patria ejus, ordinis Praedicatorum, dein Vicarius Generalis, tandem Archiepiscopus Januensis, seu Genuensis a. 1292., famosus autor *historiae Lombardicae*, seu legendae aureae, quae nomen illud a titulo narrationis, capiti 126. subjunctae, accepit. Continet collecta de *vitis sanctorum*, plena fabulis, quare, secundum Ludov. Vivem, et Melchiorrem Canum, dicitur scripta ab homine *oris ferrei, et cordis plumbei*. Quo non obstante avide est lectus, et saepe typis expressus, ejus liber, ut et, ejusdem furfuris, *Manuale ejus aureum*, de laudibus et virtutibus Mariae Virginis. Melioris notae est ejus Chronicon Genuense, nuper editum inter scriptores Italiae Muratorii tom. IX., quo historia Genuae ab urbe condita ad a. 1297. traditur. Refecit editor multa superflua et inepta, et reliqua videntur fideliter conscripta. Ceterum primus dicitur a Sixto Senense Biblioth. S. c. 4. Scripturam S. transtulisse in linguam Italicam: sed ejus nusquam reperitur vestigium.

§. CXLVII. Aliis, vel singulorum Regnorum, ac regionum, vel virorum singularium, scriptoribus missis, ad Theologos, sive scholasticos, sive Commentatores Script. S. pergam, posteaquam verbo memoravero, *Raymundum Martini*, linguarum Orientalium gnarum, et, sicut olim, ita et nunc, celeberrimum, utilissimo libro, qui inscribitur *pugio fidei* contra Judaeos et Saracenos, quorum magna erat in Hispania copia: fuit autem gente Catalaunus, et ordinis Praedicatorum Monachus, circa a. 1278. clarus. Fuisse eum antea inter Judaeos Rabbinum, negat quidem Wolfius in Bibliot. Hebraea, sed sententiam postea mutavit, ut refert

fert in epistola ad la Croze, in thesauro Epistolarum la Croziano tom. II. Disputat autem eo in libro contra Judaeos ex ipsis eorum monumentis, ut viam ad eorum conversionem sternat. Adjunxit huic operi doctas observationes Jacobus de Voisin, Burdegalensis sec. XVII.; et optima editio est Capzoviana, cum erudita introductione in Theologiam Judaicam. Ortum vero est hoc rerum Judaicarum cognoscendarum studium, ex eo, quod Judaeis convertendis hoc seculo operam dederint ordinis Praedicatorum viri, et Judaei, autoritate Regum Castellae, coacti fuerint eorum concionibus contra Judaeos interesse, nec non libros suos omnes cum iis communicare. Quo fine Honorius IV. Paps Parisiis quoque introduxit institutionem linguarum Orientalium, ut ejus litterae apud Wadingum habent a. 1278. Ceterum ex Martini libro omnia sumsit Porchetus in *Vistoria* sua adversus Judaeos, sed citato autore suo; ut et Petrus Galatinus de *arcanis Catholicae veritatis*, sed eo silentio involuto.

§. CXLVIII. Primum inter Scholasticos locum haud uno nomine meretur *Albertus Magnus*, ita dictus, vel quod nomen fuerit familiae, sicut Ludovicus Vives eum adpellat *Grotum*, vel quod eruditio et fama ipsi hunc titulum pepererit. Natione fuit Germanus, seu Lavingensis Suevus; ex nobili stemmate, et professione ordinis Praedicatorum. Narrant, vel potius fabulantur, Dominicani, ipsum, per naturam hebetem, accepisse donum scientiae intercessione Mariae, quam impense coluit, sed et, secundum ejus praedictionem, memoriam ac scientiam triennio ante mortem perdidisse omnem. Illud constat, eum fuisse virum in Philosophicis, Mathematicis, et Theologicis habitum Summum: quare ab inperito vulgo est Magiae accusatus. Docuit primum Parisiis a. 1236., dein Coloniae, ubi, inter alios, Thomam Aquinatem habuit discipulum, denique Episcopus Ratisponensis; ab a. 1260., sed quo munere abdicato, in monasterium Colonienfe rediit a. 1263., et ibi litteris impal-

lescens obiit a. 1280., aetatis 75. Oppido multos scripsit libros, quorum qui editi sunt 21 constituunt in fol. volumina, edente P. Jamny. Sunt autem maximam partem commentarii in Aristotelem, Lombardum, et Scripturam S. Ceterum primus inter Latinos, ut Trihemius tradit, exaravit commentaria in omnes Aristotelis, Lombardi, et Euclidis, similiumque autorum, libros, jecitque secundae aetatis scholasticorum, de qua postea, fundamenta. De summa, qua actus fuit, superstitione, vel sola Biblia ejus Mariana, modo ejus sint, testantur, in quibus omnia fere praeclara, quae in Scriptura S. occurrunt, ad Mariam trahuntur.

§. CXLIX. Aequalis, et in studiorum genere socius, Alexander Halensis, seu de Hales, fuit Anglus, patria Glocesteriensis, Minoritarum ordini adscriptus, studiisque dedit operam Parisiis, tantamque in Theologia scholastica, et Jure Canonico, adeptus est laudem, ut Doctoris *irrefragabilis* elogio fuerit ornatus. Magister vero fuit, non Thomae Aquinatis, quod nonnulli putarunt, ut in collatione Dominicani cum Fr. Minore, apud Natalem Alexandrum in appendice tomi VII. Hist. Eccles. demonstratur, sed Bonaventurae, et Johannis Duns, sive Scoti, unde Scotistae orti sunt, obiit a. 1245. Scripsit commentar. in Aristotelem, libros sententiarum P. Lombardi, et Scripturam S., denique *summam Theologiae*, in qua omnibus palmam praeripuisse visus est. Discipulus ejus Johannes, vel Petrus, Bonaventura, patria Tuscus, ordinis Minorum, seu Franciscanorum, Generalis, dein Cardinalis, et Albanensis Episcopus, inter scholasticos dictus *Seraphicus*, stante concilio Lugdunensi II. a. 1174., cui interfuit, mortuus, summaeque cum celebritate, omnibus Synodi membris exsequias euntibus, sepultus, a Sixto IV., sec. XV., sanctorum catalogo insertus, et a Sixto V. Doctor Ecclesiae declaratus. Coluit prae reliquis Mariam, primusque traditur religiosas Laicorum sodalitates, vel confraternitates, instituisse a. 1270.

Opera

Opera ejus, quae sunt sermones, commentarii in varias Scripturae S. partes, et libros sententiarum, aliaque opuscula, prostant octo vol. in Fol.

§. CL. Celeberrimus omnium inter Scholasticos est *Thomas Aquinas*, unde Thomistae originem habent, in Castro Aquino, ex illustri Comitum Aquinatum, Regumque Siciliae et Aragoniae, stirpe natus a. 1224., ordini Dominicanorum adscriptus est, a. 1241. unde a Matre et Fratribus nullo modo, ne quidem per vim et carcerem, abstrahi potuit. Coloniae audivit Albertum M., dein Parisios accitus libros sententiarum, summo cum adplausu et confluxu, praelegit: creatusque Doctor Theologiae in facultate Parisiensi a. 1255. Dein in publicis Italiae Academiis variis docuit, et tandem confedit Neapoli, ubi reliquam exegit vitam, et summam nactus est auctoritatem, cum superbo titulo Doctoris *Angelici*. Sed ipse in agone mortis Dominum Jesum flens rogavit, ut, si minus vera forte scripisset, et docuisset, veniam sibi concederet, seseque judicio Ecclesiae Romanae submisit. Cujus sedis adprobationem non tantum inpetrauit, sed et, ut fertur, ipsius Domini Jesu, qui ipsi hoc responsum tulisset, *bene de me scripisti, Thoma!* uti in diplomate Pontificio Clementis VIII. ad Neapolitanos traditur. Praeterea, in castitatis conservatae, et strenue defensionis, praemium, cinctus fuit, ut nugantur, zona virginitatis ab Angelis. Ceterum, acta ejus habent, vocem illam Domini ipsi contigisse in urbe Vetere, post officium sacramenti ab ipso compositum, nec non Neapoli, post Incarnationem Verbi explicitam, denique Parisiis, cum dissertationem scripisset de accidentibus, post Transubstantiationem manentibus. Adhaesit autem maxime Augustino, ita ut communi jactatum fuerit voce, animam Augustini migrasse in Thomam. Summam in Ecclesia consecutus est auctoritatem, ita ut, et Concilia, et Papae, ejus doctrinam pro norma, ipsum pro infallibili Doctore, fere habuerint. Mortuus est a. 1274., et a Johanne XXII. sanctis sec. XIV. adscriptus, et quin-

tus Ecclesiae Doctor dictus a Pio V., sec. XVI. Opera ejus, quae exstant 18 vol. in Fol., iisdem de materiis agunt, de quibus modo memorati Doctores. Sed eminet, quoddam didactica, ejus *Summa Theologiae*, in tres partes divisa, et 512 quaestiones, in varios articulos distinctas, continens, quae variis vicibus seorsim prodiit: estque lectu digna. Esse autem illud opus Thomae, quod Launoius negavit, plurimis testimoniis demonstravit Natalis Alexander, dissert. VI. ad hoc seculum, ubi etiam ipsi vindicavit officium de corpore Christi, seu sacramenti, in usum festi corporis Christi, quo universa utitur Ecclesia Latina. Hic ipse tamen Thomas varios nactus est adversarios, qui diversa ejus capitula impugnarunt, quorum antesignanus fuit Gulielmus Lamurensis, ordinis Minorum, Professor Oxoniensis, circa finem seculi, autor libri, cui titulus, *correctorium operum fratris Thomae*; sed quem refutavit Aegedius Romanus, primarius Thomae discipulus, Archiepiscopus Bituricensis, quem Academia Parisiensis dixit doctorem *fundatissimum*. Fuit autem *Aegidius de Columna*, patria Romanus, ex ordine Augustiniano fratrum Eremitarum. Praefuit Philippi Pulchri educationi, et in Academia Parisiensi dein docuit, denique Bituricensis Archiepiscopus, et Aquitaniae Primas, a. 1296., num Cardinalis fuerit, disputatur. Defunctus est a. 1316. Inter opera ejus, quae varia sunt, memorari, praeter commentar. in libros sententiarum, et Aristotelem, meretur quaestio, in utramque partem disputata, de *potestate Regia et Pontificia*, quae apud Goldastum Monarch. tom. II. exstat.

§. CLI. *Johannes Peckam*, Anglus, Bonaventurae haud infimae notae discipulus, postquam Parisiis docuisset, Oxoniae, et Romae, factus est Episcopus Cantuariensis, ab a. 1278., a Papa constitutus, et Romae consecratus, qui propterea, ni se excommunicatum vellet, coactus fuit Papae pendere 4000 Marcas. Lites ipsi cum Episcopo Eboracense fuerunt, quia is in provincia Cantuariensi ante se gestari

gestari permittebat *crucem auream* in sublime. Scripsit collectanea Bibliorum, et constitutiones 47, de vario argumento. [Rogerus Bacon, Franciscanus, et ornamentum Britanniae suae, clarus circa a. 1278., Doctor *mirabilis* dictus, in Philosophicis et chemicis ad miraculum usque eruditus, et mirabilium patrator, plus una vice propterea magiae reus actus, etiam in carcerem coniectus, ipso Nicolao IV. mandante, pulveris quoque pyrei materiam et vim dicitur detexisse, scripsit, praeter epistolas seorsim editas, mathematica et chemica, quae prostant. Opus ejus, *magus* dictum, edidit Steph. Jebb., Doctor medicinae hoc sec. cum erudita praefatione, et notis. In fine seculi celebris fuit *Richardus de Mediavilla*, seu Midleton, et ipse Anglus, ordinis Minoritarum; qui Oxonii docuit, adpellatus *solidus* et copiosus, etiam *authoratus*; autor *Quodlibeticorum*, de quo mox. Scripsit, praeter commentaria in Scripturam S., et in Magistrum Sententiarum, *Quodlibeta Theologica*, 80 quaestiones complexa.

§. CLII. *Hugo de S. Caro*, patria Delphinus, ordinis Praedicatorum, Doctor Parisiensis, et ordinis Praedicatorum Provincialis, denique Cardinalis ab a. 1245., defunctus a. 1260., celeberrimum reddidit nomen suum per *concordantias* et *Postillas*; quarum fuit autor. Concinnavit autem concordantiam vocum declinabilium ad Biblia Latina, locis simpliciter per *librum* et *caput* indicatis, sine versibus, sed capitibus in septem primas litteras Alphabeti divisus; adeoque et ipse pro autore divisionis Scripturae in *capita* celebratur. Adpellantur concordantiae *S. Jacobi*, quia Hugo, domus *San-jacobeae* Prior Parisiis, cognominatus est Hugo de S. Jacobo. Postea, ut concordantiarum historiam verbo tradam, loca non tantum indicata, sed commata integra, etiam longiora aliquando, descripta sunt. Quod alterum est concordantiarum genus, a fratribus Dominicanis de Anglia, in eodem gymnasio San-Jacobeo studentibus, adornatum a. 1250. Accessit postea *tertium* genus, longioribus

scilicet sententiis relectis, et capitibus brevioribus per quatuor tantum litteras distinctis, sed et additis vocibus inclinabilibus, attamen praecipuis, non omnibus. Cujus autor est Conradus Halberstadens. circa a. 1310. Postea, magna orta in Synodo Basileensi inter Graecos et Latinos contentione, de particulis *ex* et *per*, occasione dogmatis de processione Spiritus S., Johannes de Ragusio, Procurator Generalis ordinis Praedicatorum, curavit, per Capellanium suum *Gualterum Jonam*, Sco:um, confici particularum concordantiam, sec. XIV. Vid. Jacobus Quetif in scriptoribus ordinis Praedicatorum tom. I. Denique ultimam huic rei manum inposuit sec. XVI. Robertus Stephanus, qui perfectiores non tantum quarumvis vocum concinnavit concordantias, sed et Scripturam S. in versus minutiones distinxit, et versus numeris notavit: licet saepe minus apte. Autor praeterea est Hugo *postillarum*, seu brevium notarum, ad universa Biblia, secundum quadruplicem sensum, litteralem, allegoricum, moralem, et anagogicum, quae sive sex, sive octo, voluminibus in Fol. prodierunt. Adpellantur autem illae notae marginales *postillae*, quia secundum verba currunt, quasi *post illa* verba. Sed Nicolaus Trivettus in Chronico tribuit distinctionem Bibliorum in capita et postillas Stephano Langtono, Archiepiscopo Cantuariensi, qui a. 1228. obiit: ut observavit Cangius in voce *Postillae*.

§. CLIII. In Jure Canonico praecipuam meruit laudem *Raymundus de Penna forti*, Barcinonensis, ex nobili familia, qui Bononiae jus docuit, postea canonicus et Praefectus Barcinonensis, dein Capellanus et Poenitentiarius Gregorii IX., denique Generalis ordinis Praedicatorum Magister, sed quo munere se abdicavit post biennium. Autor fuit, ut *Adnunciationis Mariae* festum solenniter fuerit actum in Ecclesia Barcinonensi, quod antea ibi minus celebre fuerat; suavit praeterea Jacobo, Aragoniae Regi, ut sacrum Ordinem Mariae de mercede redemptionis captivorum

vorum institueret, cui ipse praescripsit leges: denique, quod longe pejus est, curavit, ut Rex Inquisitionis officio locum in suo regno dederit contra Waldenses. Mitto fabulosam ejus navigationem sine navigio, solo pallio super aquas expanso, et ejus ora reducta ad baculum instar veli. Mortuus est a. 1275., natus 100 annos, et a Clemente VIII. canonizatus. Scripsit *summam casuum conscientiae*, in usum fori poenitentarii: praeterea quinque libros *Decretalium*, ex quinque collectionibus praecedentibus contextos. Cui collectioni multas constitutiones addidit ipse Papa Gregorius IX. Quinque autem illae collectiones praegressae, post decretum Gratiani, sunt. 1. Bernardi, Papiensis Praepositi, qui ex antiquis conciliis et Patribus quaedam, a Gratiano omissa, addidit, nec non constitutiones Pontificum post Gratianum. 2. Johannis Vallensis, et 3 ac 4 ex Regestis Innocentii III., ac concilii Lateranensis III. generalis canonibus, jussu Innocentii. Quas quatuor collectiones edidit Antonius Augustinus. 5. De Honorii constitutionibus ad ejus jussu. Post hasce collectiones novam concinnavit Raymundus, partim ex quinque illis, partim ex novis a Gregorio IX. publicatis. Cui collectioni auctoritatem addidit Gregorius IX. Veniunt autem hi Decretalium libri nomine *extra*, quasi extra decretum Gratiani, suntque pars altera *juris Pontificii*. Vid. Mastricht Jur. Eccles. §. 338. etc.

§ CLIV. Praeter Raymundum nomen in hoc studiorum genere sibi peperit *Johannes Wallis*, Anglus, ordinis Minorum, qui Parisiis Philosophiam docuit et Theologiam, *arbor vitae* dictus; clarus circa a. 1260., autor secundae collectionis, cujus modo memini, et aliorum, praecipue argumenti moralis, librorum. Vixit etiam hoc seculo, a. 1243. defunctus, *Johannes Semeca*, Teutoniens. Ictus, et Azonis discipulus, Ecclesiae S. Stephani Halberstadiensis praepositus, celebris autor *glossae* in decretum Gratiani, sive primus scripserit glossas, sive superiorum glossis suas adje-

adjecerit, Vid. Struvius in historia Juris. Denique cognoscendus omnino est *Gulielmus Durantes*, ob haud unam rationem. Fuit Narbonensis in Gallia, ex ordine Praedicatorum, propter juris peritiam adpellatus *Pater practicae*; et, ob speculum juris, ab ipso compositum, *speculator*. Creatus est Bononiae Doctor, et Mutinae docuit, dein Capellanus Clementis IV., et palatii Apostolici auditor generalis, denique sub Nicolao III. Petri patrimonio praefectus est, cum titulo Rectoris et Comitis patrimonii, nec non Dux militiae generalis in ditionibus Romanae sedis; quo in munere contra Romanae sedis rebelles haud una vice strenue pugnavit: tandem Mimatensis Episcopus in Aquitania ab a. 1286. Scripsit *speculum juris*, commentarios in canones concilii Lugdunensis, denique utilissimum, et lectu dignissimum, librum, *rationale divinatorum officiorum*, saepe typis expressum. Ceterum notari meretur ejus de *eucharistia* dictum, apud Cave Script. Eccles., *motum sentimus, modum nescimus, praesentiam credimus*.

§. CLV. Studia quantum, et qua ratione, floruerint, cum ex superioribus satis colligi possit, nonnulla addidisse observata suffecerit. Mos examinandi et promovendi cum titulis et solennibus invaluit hoc seculo, primum forte Parisiis, dein in aliis Academiis. Fuerunt vero insignia, pileus, annulus, longa vestis, liber apertus et clausus, cathedra, et osculum: de quorum origine non una est eruditorum opinio. Videntur forte solennia eo spectasse, ut Doctores et Magistri quasi in Clericorum ordinem cooptarentur: est enim *pileus* tegumentum sacerdotale, *annulo* quoque, quasi pronubo, episcopalia munera conferri solebant, *longa* etiam vestis est habitus sacerdotalis, Doctorum vero propria sunt *liber* et *cathedra*. Fuisse autem Doctores olim Clericis admuneratos, docuit jam Pancirollus variar. lect. 1. I. Videtur itaque a probabili non alienum, totum hoc institutum originem suam alicui Paparum, forte Nicolao IV., debere, cum totum in sacri ordinis incrementum et hono-

honorem tendat, et in omnes Scholās publicas fuerit introductum, quod ab alio ac Papa fieri non poterat, Nicolaus quoque insigne legatur Parisiensibus concessisse privilegium, ut ibi adprobati doctores potestatem haberent ubique docendi, legendi, regendi etc. Vid. Conringius de *Antiquit. Academicis* Diss. III. Sed sacra Theologiae facultas in Academia Parisiensi distributa fuit in quatuor quasi ordines, ut Filescus de *originibus* statutorum facultatis Theologicae Parisiensis observat; *Magistrorum*, qui doctores erant laurea coronati, *Licentiatorum*, quibus publice in Academia profitendi competeat licentia, et *Baccaliorum*, qui vel erant *formati*, seu, expleto cursu, ad superiores gradus provehi poterant, etiam *dispositi* dicti, vel *Cursorum*, seu Theologiae candidati primi generis, qui cursum Theologicum explicare poterant, primo Bibliorum, postea sententiarum Petri Lombardi; unde alii Biblici, alii Sententiarum, sunt dicti. Quid vero nomen *baccalarii* proprie denotet, et unde ortum sit, non una est omnium opinio. Forte ab ordine militari transiit ad Academicam quasi militiam. Inter milites hoc nomen tulerunt, qui, prae paupertate, vel vasallorum exiguo numero, aut aetate, vexillum educere non poterant, quique ad *bannereti* gradum, qui vexillum *banniere* educebat, adspirabant; adeoque quasi dicas *bafchevaliers*, quia militibus *banneretis* erant inferiores. Alii a *baculo*, alii aliunde, derivant. Vid. Menage in *Dictionar. Etymol. Gallico*, et Cangius in *Glossario*. Ceterum numerum Theologorum Parisiensium ad *octonarium* restrictum voluit, nisi forte multa necessitas, vel utilitas, hoc exposcit, Innocentius III. ep. 151. l. X. ad Episcopum Parisiensem.

§. CLVI. Originem etiam ab hoc seculo repetit Collegium Theologicum, *Sorbonae* nomine notum, Parisiis: cujus fundamenta jecit *Robertus Sorbona*, Theologus, Ludovici Galliae regis poenitentiarius, dein Canonicus S. Mariae Parisiensis; autor trium opusculorum devotionis, de

conscientia, confessione, et iter Paradisi; in Biblioth. Patrum, tom. XXV. Fundavit illud collegium, a se denominatum, a. 1292., aedibus eum in finem comparatis, et haeredibus bonorum suorum scriptis pauperibus Magistris Parisiensibus in Theologica facultate. Sed praecipuum diu postea demum accepit Sorbona splendorem a Cardinale Richelio, Sorbonae Protectore, qui profusis sumptibus in splendidam illam redegit conditionem, qua hodie etiam fulget. Praeterea narratur hoc seculo et aliae erectae Academiae a Frederico II. ut Viennensis, Patavina, et Neapolitana, de qua vid. Epistolarum Petri de Vineis lib. III. cap. 11., ubi etiam jubetur, quod omnes scholares in civilibus sub iisdem Doctoribus et magistris debeant conveniri: porro prohibetur regni Siciliae civibus alibi studere, quam Neapoli, ab Alphonsio Balentina, postea Salmanticam translata a Rege Ferdinando a. 1240. Vid. Lucas Tudenfis in Chronico, denique a Nicolao IV. Papa Monspelienfis, in civitate Montepessula, pro jure canonico et civili; cujus diploma exhibet Raynaldus; postea etiam facultate Theologica addita.

§. CLVII. Scholastici, ut nonnulla de Theologiae Scholasticae statu subjungam, fuerunt in *Sententiariorum*, qui libros Petri Lombardi explicabant, *Summistas*, qui vel summam Thomae tractabant, vel novas summas, aut systemata, condebant, et *Quodlibitarios* divisi. Qui postremi hoc vel illud Theologiae caput sumebant, et, scepticorum ac Academicorum fere instar, in utramque partem disputabant, aliis *quodlibet* horum, seu alterutram, quam vellent, sententiam inpugnandi, relicta potestate. Primus, qui *quodlibeta* scripsit, censetur fuisse Gualtherus, Pictaviensis Episcopus, ab a. 1271., dein imitati sunt alii, ut Thomas, imprimis Richardus de Mediavilla: de quo supra. Sed viguit hoc seculo media Scholasticorum aetas, quae sese ab Alberto M. porrigit ad Durandum de S. Porciano, seculi sequentis Doctorem; cujus character est, Aristotelis placita non

non solum admiscere Theologiae, sed et, una cum Scriptura S. et Patribus, pro *principiis* habere. Denique summa grassata est inter Scholasticos vanitas, et intoleranda superbia, cujus stupendum proferi exemplum Matthaeus Parisiensis a. 1201., in Magistro aliquo Parisiensi, qui, cum multis inextricabiles quaestiones circa Trinitatem summo cum adplausu enodasset, in has profanas erupit voces: *o Jesule, Jesule! quantum in hac quaestione confirmavi legem tuam, et exaltavi! profecto, si malignando et adversando vellem, fortioribus rationibus et argumentis scirem illam infirmare, et deprimendo improbare.* Addit historicus, hunc hominem fuisse e vestigio infatuatum, et elinguem obmutuisse, eoque exemplo multorum adrogantiam et jactantiam fuisse refranatam. Praeterea de vanitate Scholasticorum quoque, cum adrogantiae pleni tituli, supra memorati, tum inutiles et ineptae passim quaestiones, abunde testantur. Notatu digna est epist. Gregorii IX. ad Professores Parisienses apud Boulay hist. Acad. Paris. t. III. contra Scholasticos, quam ita concludit: *mandamus et stricte praecipimus, quatenus sine fermento humanae scientiae doceatis Theologicam puritatem, non adulterantes verbum Dei Philosophorum figmentis etc.*

§. CLVIII. Sed aliud superest, ad studia pertinens, obiter attingendum, paradoxum scilicet et absurdum Joh. Harduini figmentum, de omnibus antiquis scriptoribus, sive paganis, sive Ecclesiasticis, hoc seculo confictis, adeoque autoribus, quorum nomina praeferunt, falso inscriptis, exceptis Herodoto, Cicerone, Plinio, Homero, Virgilio, et Horatio. Finxit eum in finem, societatem hominum, partim Atheorum, partim receptae religionis adversariorum, in specie qui Calvinianis praeluserunt, omnes illos libros Veteres finxisse, ejusque societatis caput fuisse Severum Archontium, sive Fredericum II. Imperatorem, nomine illo tracto ex Vopisco et Firmo. Quod paradoxum eo collineabat, ut traditiones Ecclesiae Romanae, et fictae antiquorum Paparum decretales, factae tectae manerent. Proposuit vero

illud in Dissertatione de *Nummis Herodiadum*, dein plenius exposuit in *Chronologia ex Nummis restituta*, et *chronologia Vet. Test.*, ad *Vulgatam versionem exacta*. Cum vero ab omnibus exploderetur, illud retractavit deinceps, et, tanquam ineptum ac periculosum, publice revocavit. Vid. *Clericus Bibl. Select.* tom. XVIII. Refutavit vero illud, et scopum in lucem protraxit, la Croze in libro; *Dissertationes Historiques* etc.

DOCTRINA ET CULTUS.

§. CLIX. Cum in doctrina nihil se offerat hoc seculo singulare, nisi respectu *cultus* religiosi partium, duas hasce essentielles Ecclesiae partes conjunxi. *Transubstantiationis* dogma, cum ipso nomine, hoc seculo sancitum, et inter capitalia dogmata relatum, est ab Innocentio III., in Concilio Lateranensi IV., a. 1215., ubi in haec verba decretum est: *Christi corpus et sanguis in sacramento altaris, sub speciebus panis et vini, veraciter continentur; transubstantiatis pane in corpus, et vino in sanguinem Christi, potestate Divina.* Quem canonem Papa Waldensibus et Albigenis, in specie Amalarico, de quo postea, opposuit. Sed nec universalem hoc seculo inpetravit haec doctrina adensum inter Latinos, nec omnis dissensus fuit vetitus. Inter eos, qui ab eo fuerunt alieni, haud infimum tenet locum *Johannes de Parisiis*, Dominicanus, et Theologus Parisiensis, satis celebris, circa a. 1290. Inter Philippum Pulchrum, Galliae Regem, et Bonifacium VIII. Papam, orta dissensione, Regias tuitus est partes ingente studio, scripto etiam libro *de potestate regia et Papali*; in quo, Papas nullam in temporalia Regum habere potestatem, probat: singulare vero est, quod ibidem adferit, Reges aequae facere posse, ut Papae deponantur, quam posse Papas, ut Reges priventur regno, Papas autem id per excommunicationem subditorum Regi adhaerentium facere, Reges vero subditis, sub gravi poena,

na, interdicendo obedientiam Papis. Exstat hic libellus apud Goldastum de *Monarchia Imperii* tom. II. Scripsit praeterea libellum, hoc titulo: *determinatio de modo existendi corpus Christi in sacramento altaris alio, quam sit ille, quem tenet Ecclesia*. Edidit Petrus Alixius, praemissa erudita dissertatione historica, de dogmate Transubstant., et praefatione, qua, diversos mansisse modos explicandi conversionem panis et vini, post Innocentii definitionem, demonstrat. Johannes quidem ob hanc doctrinam est a Magistris Parisiensibus damnatus, sed Papam adpellavit, ad quem, causam dicturus, tendens, in itinere mortuus est. Ceterum in libro memorato duos proponit modos, quibus vera Christi praesentia in eucharistia possit explicari, *unum*, per conversionem substantiae panis in substantiam corporis Christi, manentibus accidentibus sine subiecto, *alterum*, per adsumptionem substantiae panis, vel paneitatis, a Verbo, seu divina natura. Quem modum Veteres semper tenuerunt, et seculo superiore Rupertus Tuitiensis clare exposuit. Addit, quod notandum, Johannes, neutrum modum ab Ecclesia esse definitum, adeoque dissensum manere licitum, sibi autem probabiliorum videri posteriorem, ita tamen, ut, si vel aliter definiverit, vel definitura sit, Ecclesia, sese paratum profiteatur Ecclesiae definitioni subscribere. Vid. etiam continuator chronici Gulielmi Nangis in Spicilegio Dacheriano tom. III. p. 58. Agnoscit quoque ipsa facultas Theologica Parisiensis, nullum modum ab Ecclesia esse definitum, teste iudicio Facultatis, apud Laroquanum hist. Eucharist. p. II. p. 744. recensito. Caelestinus V. Papa opusc. VIII. p. II. varias viguisse sententias de natura eucharistiae, his notabilibus verbis, testatur, *Quidam dixerunt non esse in altari corporis et sanguinis veritatem, sed imaginationem tantum, et figuram: sed hoc dictum merito reprobatum ab Ecclesia. Alii dixerunt, quod remanet ibi substantia panis et vini, et in eodem loco, et sub eadem specie, est corpus et sanguis Christi, et hoc etiam damnatur. Dicendum ergo, quod illa substantia,*

Tom. VI.

Aa

quae

quae prius fuit panis et vinum, ex vi verborum convertitur in corpus et sanguinem Domini. At tamen Episcopus Parisiensis, cum Magistris Canonistis, damnavit Johannis sententiam: licet non defuerint Parisiis plures, qui Transubstantiationi contradixerunt: ut patet ex litteris Guidonis Grossi, Narbonensis Archiepiscopi; et Clementis IV. Papae, ad se mutuo scriptis: quas ex registro Mss. Clementis IV. exhibet Albertinus de *eucharistia* p. 473. Guido autem, in aula Papae aliquando praefens, sententiam familiari suo, Transubstantiationi contrariam, declaraverat, addito, sententiam suam factis esse Parisiis vulgatam. Quo audito, post Guidonis discessum, Papa ad eum scripsit litteras, hortatus, ut Ecclesiae fidem de Transubstantiatione teneat: ad quas rescripsit Guido, eum in modum, ut mentem quidem occultaverit, sed transubstantiationem non admittere haud obscure insinaverit. Meminit quoque Joh. Paris. lib. cit. Guidonis de Cluvigni, qui, ut verba ejus habent, *determinavit, corpus Christi esse in altari per adsumptionem, et similiter panem esse corpus Christi per idiomatum communicationem; et dixit, quod si esset Papa, quod confirmaret eam.* Denique notatu digna Guigonis Carthusiensis verba in epistola ad Fratres de monte Dei, apud Bernardum Claraevallensem oper. tom. II. p. 118., non possum quin subjungam, *passionis et redemptionis Christi aduentus accollere beneficia, ad fruendum suaviter in conscientia, et recondendum fideliter in memoria, hoc est, spiritualiter manducare corpus Christi, et bibere ejus sanguinem, in memoriam ejus, qui omnibus in se credentibus praecepit, dicens, hoc facite in meam commemorationem.* Adpellat quoque deinceps hoc ipsum rem ipsam sacramenti et mysterii, sine quo ipsum sacramentum nihil, quin mors, est. Distinguit etiam autor *instructionis sacerdotalis* ibid. apud Bernardum p. 547. inter sacramentalem et spirituales usum eucharistiae. Illud, quod ad efficaciam baptismi adtinet, subjungatur, in concilio Vienneensi sub Clemente V. definitum esse, *tam parvulis, quam adultis, conferri in baptismo informantem gratiam et virtutes,*

nec

nec tantum culpam remitti, infantibus vero quoad habitum, et si non pro illo tempore quoad usum.

§. CLX. Agamus nunc paulo distinctius, more solito, de objecto, partibus, et circumstantiis cultus. Ad *objectum* pertinet, superstitionem erga *Mariam* devotionem hoc seculo quid incrementi accepisse: cujus nonnulla proferam specimina. 1. Autor vitae Gregorii IX. refert, eum instituisse, ut feria VI. in vespers, solito finito cursu, semper caneretur, *salve regina* etc. Cujus cantici, seu antiphoniae, autor habetur Hermannus Contractus, Monachus Benedictinus, sec. XI. Dein Bernardus Claraevallensis, legatus ad Germanos, cum Clericos Spirenses illud audiret decantare, addidit, ter genua flectens, verba postrema, *ó clemens, ó pia, ó dulcis virgo Maria!* ut refert Gulielmus Eifengremius, in chronico Spirensi a. 1147. 2. *Rosarium*, seu psalterium Mariae, Dominicus, tanquam ab ipsa virgine acceptum, invexit, ceu praesentissimum ad daemones fugandos, morbos pellendos, et haereticos convincendos, medium. Constat autem ex salutatione Angelica, *Ave Maria!* 150 vicibus repetita, ad numerum Psalmorum Davidis, addita oratione Dominica ad singulas decades, adeoque 15 vicibus. Adpellatur *rosarium* a copia rosarum, quae suavem spirant odorem, quibus repetitiones illae censebantur similes. Vid. ad a. 1213. Bzovius, Spondanus, et Raynaldus, continuatores Baronii, in miraculis, per *rosarium* patratis, narrandis quoque diffusi ad taedium usque. Licet vero antea in usu fuerint numeratae preces, sed sine *ave Maria!* *rosarium* non innotuit. Vid. Natalis Alexander, ad hoc seculum. 3. Innocentius IV. Papa instituit, in concilio Lugdunensi I., ut *Octava* festi Mariae solenni celebraretur ritu per totam Ecclesiam. Ipsum festum diu antea fuit in usu, ut sec. VII. vidimus, ipsa *Octava* incepit sec. XII., sed aucta nunc est ejus solennitas et celebritas. Vid. Pagi in vita Innocentii. 4. Clemens IV., ut petitioni Ludovici, Regis Francorum, satisfaceret, indulgentiam concessit trium

annorum omnibus, quoties legerent, *benedictum sit dulce nomen Domini nostri Jesu Christi, et gloriosissimae Virginis Mariae, matris ejus, in aeternum et ultra. Amen! nos cum prole pia benedicat virgo Maria! Amen!* Vid. Werner. Rollevinkius, in *fasciculo temporum*, in Clemente IV. 5. Denique huc pertinet *aediculae Mariae*, seu sanctae caesae, in qua Filium concepisse putabatur, miraculosa per Angelos translatio ex urbe Nazareth, primo in Dalmatiae quendam locum a. 1291., dein post triennium a. 1294. in Italiam, tandem in viam publicam agri Recinetensis ibidem, Lauretae culdam, devotae foeminae, propriam: ubi ad hoc usque tempus confidet, undeque nomen tulit *aediculae Mariae Virginis Lauretanae*. Cui fabulae non tantum fidem habuerunt, sed et aedem eam immensis honorarunt donariis, sacris visitarunt peregrinationibus, summis elogiis ornavunt, uti *sanctissimi Sacelli, solis Divinitatis, propitiatorii, altissimi, civitatis refugii* etc.: Vid., praeter continuatores Baronii, ad a. 1292. et seq., Ludovicus Centoflorenius, Romanae curiae advocatus, in *clypeo Lauretano adversus haeticorum sagittas*, Romae edito a. 1643. Ceterum, primus fabulae autor, quem Turselinus citat, est Flavius Blondus, sec. XV., in *Italia illustrata*, qui domus Lauretanae quidem, sed non ejus translationis, meminit, Vid. de fabulosa hac narratione Rivetus, in *apologia pro Maria* l. I. c. 12.

§. CLXI. Ad Sanctorum cultum referre liceat, Christi *stigmata Francisco* inpressa, ut creditum fuit. Fabula utique habet, eum biennio ante mortem in monte Alvernae, quem jejuniorum, et orationum, ergo conscendebat, unum Spirituum Seraphicorum vidisse, inter alas habentem hominem crucifixum, eoque adtentius considerato, disparuisse quidem visum, sed in Francisci corpore mox adparuisse eadem plane clavorum, et lanceae, stigmata, in manibus, pedibus, et latere, quae in Christo crucifixo. Ita in libro *conformitatum vitae Francisci ad vitam Christi* narratur, et apud Bonaventuram in ejus *vita*. Liber *conformitatum* autorem habet Bar-

Bartholomaeum Albizium, Monachum Franciscanum, Pisanum, a. 1385. Unde fuit Jesus typicus dictus, et Angelus, habens signum Dei vivi, Apoc. VII: 2., alia epitheta mitto. Factum dicitur a. 1224., et a multis Papis commendatum, ut Gregorio, et Alexandro IV., Nicolao III., aliis. Quid? quod Benedictus XI. eorum stigmatum festum celebrari iusserit, et Paulus V. officium sacrum recitari. Additur, vulnera illa sanguinem jugiter emisisse. Quod etiam refert Matthaeus Parisiensis ad a. 1227., qui addit, omnia stigmata cum obitu ejus disparuisse, secundum ipsius Francisci praedictionem.

§. CLXII. Sanctorum *canonizatio* quoque magis honorari coepit, per indulgentias in ea concessas, uti primus fecit Honorius III., testibus litteris canonizationis S. Laurentii Dublinensis ab Honorio a. 1225., praeterea per novos ritus ei adjunctos: cujus primum exemplum est in Francisci canonizatione a Gregorio IX., quae coram tota multitudine facta est, corpore ipso in praesentiam adducto, a Papa, qui cum tota curia aderat, pretiosis ornatus vestibus, cum palma et cereis etc. Vid. Albertus Stadenfis in Chronico, et Krantzius in Metropoli l. VII., et in Saxonia l. VIII. Ceterum vixit hoc seculo *Guillelmina Boema*, famosa foemina, quae se in sexu foeminino Spiritum S. incarnatum, e Constantia, Regis Bohemiae uxore, jactitavit, et ante universalem resurrectionem esse resuscitandam, ac coelum conscensuram, quaeque post mortem a. 1281. aliquot annis sancta apud vulgus est habita, sepulta Mediolani: donec, fraude detecta, corpus fuerit exhumatum, et in cineres reductum. Vid. Mabillon. Itin. Ital. p. 19. Sed miraculorum, visionum, et similium fabularum, ingens fuit hoc seculo copia, ad novos firmandos ordines, sanctitatem defuncti alicujus demonstrandam, dogmata et ritus probandos etc., adeo ut catalogus vix iniri possit: studiosi autem in iis recensendis sunt Baronii continuatores. Exstat etiam apud Bzovium a. 1139. in fin. ingens a Gilberto Bremensi miraculorum sanctissimi

tissimi sacramenti catalogus; qui sine taedio vix legi poterit. Ad *transubstantiationem* probandam, ut uno alterove defungar specimine, asinus narratur ad adorandam hostiam compulsus ab Antonio de Padua. Is enim Franciscanus, haeticum de veritate istius dogmatis convicturus, provocavit ad miraculum asinae, inedia maceratae, quae, relicto cibo, ipsi ab Antonio oblato, hostiam, ipso iubente, flexis genibus adoravit, sicut in pictura Ecclesiae Patavinae hodie conspicitur. Vid., praeter Bzovium, legenda Antonii. Quo etiam portentum facit hostiae in formam venusti pueri conversae in Ecclesia Cameracensi a. 1254. apud Spondanum, et hostiae sanguineo colore tinctae etc. Quorum commentorum pro purgatorio, invocatione sanctorum, imaginibus, magna est seges. Vid. Hottingerus hist. Eccles. cap. 13. huius seculi. Narratur, ut illud unum addam, epistola divinitus a. 1200. e coelo missa, ad observandum *diem dominicum*, Hierosolymis ex alto dependens, et post trium dierum et noctium preces a Patriarcha excepta, expansa infula; qua Dominus de neglecta ejus diei observantia conquestus est, poenam etiam minatus, simul eum religiose custodiri injunxit a vespera Sabbati ad solem surgentem diei Lunae, additis etiam sanctorum festivitibus. Qua epistola ad Romanum Pontificem Innocentium III. delata, ipse mox praedicatores ad ejus tenorem per Ecclesias divulgandum ordinavit, sicut non sine miraculis comitantibus factum est. Delata etiam mox est a. 1201. in Angliam, et promulgata cum miraculis. Vid. Matthaeus Parisiensis ad a. 1200., et Rogerius Hovedenus in annal., ubi ipsa etiam exstat epistola. Raynaldus vero ex recentioribus, fictam esse epistolam, et superstitionum ac fraudum plenam, demonstravit: quod facile in oculos incurrit. De stigmatibus Francisci modo dixi.

§. CLXIII. Ad imaginum et reliquiarum cultum spectat sollemnis processio, hoc seculo instituta, qua *Veronica*, seu Sudarium Salvatoris, cum imagine ejus inpressa, deportatur

tur a Basilica S. Petri ad Hospitale S. Spiritus Romae. Vid. acta Innocentii III., et Matthaeus Pariliensis a. 1210. Quo ipso tempore insigne fertur contigisse miraculum. Dicitur enim effigies, cum in locum suum deportabatur, sponte se invertisse cum fronte deorsum. Quod triste portentum cum horreret Papa Innocentius, orationem in imaginis elogium composuit, et decem dierum concessit indulgentias, quas postea auxit Job. XXII., qui decem mille dierum indulgentias dedit omnibus, qui has preces fuderint: *benedicta sis tu o facies servatoris nostri, niveo linteo impressa, munda nos ab omni inmunditie, et societati beatorum infere nos: introduce nos in patriam o beata effigies, ut ibi puram Christi faciem videamus.* Ceterum veronica dicitur velum, seu sudarium, quo Dominus cruentam suam faciem tempore passionis fingitur abstersisse, suamque imaginem impressisse. Quod postea Romam est translatum, ubi adhuc adservatur. Nomen vero accepit, vel a pia foemina Veronice, aut Berenice, quae Christo hoc sudarium, capiti suo detractum, censetur dedisse, vel rectius, quod veram Christi referat imaginem, tracto etymo a vera icon, seu iconia, unde contracte veronica, aut vericonia, et inde veronica, ut opinatur Mabillon. Mus. Ital. tom. I. p. 88. Gervasius utique Tilberiensis in *Otiis Imperial.* decis. III. c. 25. inquit, *est ergo veronica pictura Domini vera.* Exstat inter Scriptores Brunsvic. Leibnizii tom. I. Plura qui de veronica velit, adeat Gretserum *de imaginibus non manu factis.* Bzovius quoque in *Annal.* a. 1216. multa de Veronica, ejusque cultu, testimonia a sec. VIII. usque ad sec. XVII. in medium adduxit.

§. CLXIV. De partibus cultus ritualis uno alterove defungi potero observato. De modo baptizandi per immersionem, ter repetitam, producto signo crucis super aquam, ita tamen, ut una etiam suffecerit immerfio, constat ex Augerio de Montfaucon, Episcopo Conseran. apud du Cange Glossar. Lat. ad vocem *baptismi*. Sed singulare est sta-

tutum Synodale sub Johanne de Zurich, Episcopo Ultrajectino a. 1291., apud Heussenum in *Batavia sacra* p. I. p. 145., quod ita habet, *statuimus, quod caput ter in aqua ponatur, nisi fuerit debilis, aut infirmus, vel frigidum tempus, tunc aqua per manus sacerdotis super caput pueri profundatur, ne propter submersionem, vel frigiditatem, seu debilitatem, puer extinguatur, et moriatur.* Caelestinus V. Papa opuscul. VIII. p. I. de Baptismo c. 6. dicit, Hugonem adserere, *si caput perfundatur, vel praeter caput major pars corporis, baptizatum esse, alias non: alios vero dicere, quod in quacunque parte corporis cadat aqua, baptizatum esse.* Addit ipse, *potest autem infans debilis ac infirmus adspergi tantum aqua.* Praeterea sacramentum confirmationis hoc demum seculo est a baptismo avulsum, et ad aetatem adultam dilatatum, sicut et infantes baptizati desierunt ad eucharistiam admitti, quia sub una panis specie coepit administrari. Vid. Martene de antiq. Eccles. rit. l. I. p. I. c. 2. Sed Graecis in usu mansit utriusque sacramenti conjunctio, baptismi et confirmationis. Vid. Leo Allatius de consensu etc. l. III. c. 18. Ceterum sacramentum confirmationis non fuit simpliciter necessarium habitum ad salutem. Caelestinus V. Papa opusc. VIII. p. II. dicit, *qui sine confirmatione decessit, non minus Christianus moritur, quam si esset confirmatus.*

§. CLXV. Quod ad *eucharistiam* adtinet, cujus ritus fufe, et cum singulorum mystica expositione, enarravit Guibertus Tornacensis, in tractatu *de officio Episcopi, et Ecclesiae ceremoniis*, in Bibl. M. Patr. tom. XXV., ubi etiam de ordinibus Ecclesiasticis differit. 1. Consuetudinem plures uno die celebrandi missas, quae per multa secula obtinuit, abolevit Ecclesia, exceptis festis Nativitatis, Paschatis, et mortuorum exequiis. Vid. Martene l. cit. Caelestinus V. Papa opusculo VIII. cap. 8. Nullus, inquit, *debet cantare in una die duas missas, praeterquam in die nativitatis Domini, quia tunc possunt tres celebrari. Potest quis propter necessitatem peregrinorum, vel infirmorum, vel nuptiarum, plures celebrare.*
Censet

Censet quoque ibid., *missam dici posse in necessitate sub dio, vel in tentoriis, sed semper in altari consecrato.* 2. Mos sub una specie communicandi, sine calice, magis magisque invaluit. Coeperant jam a seculo XI. scrupuloser agere cum calice, sive panem vino intinctum sumendo, sive vinum per pugillares, aut fistulas vitreas, argenteasve, hauriendo, ne gutta quaedam decideret; fundamenta quoque calicis auferendi jacta erant, ut supra suo loco observavi; sed, modis illis abrogatis, tandem hoc seculo introductus est mos, sub una specie panis communicandi, duobus superstructis fundamentis, quorum alterum effundendi sanguinis metus praebeuit, alterum opinio de toto Christo sub singulis speciebus, ut habet Innocentius IV. Vid. Durant. in Rationali l. IV. c. 42. Robur consuetudini addidit Thomas Aquinas, qui eam adprobavit in III. quæst. 80., addit tamen, in multis Ecclesiis alium mansisse morem. De quo etiam testatur Alexander Alesius in Summa p. IV. quæst. 53., dicens, *sua aetate quosdam religiosos petiisse, ut sub utraque specie sumeretur sacramentum.* 3. *Elevatio panis, cujus jam antea sec. XI. adparuerunt indicia, cum adoratione, hoc seculo fere ubique fuit in usu.* Cujus meminit Hilbertus Cenomanensis, postea Archiepiscopus Turonensis, in versibus de *sacrificio Missae*. De Germanis patet ex Caesario Heisterbacense l. IX. dialog. c. 51., apud Raynaldum ad a. 1203., ubi refert, Guidonem Praenestinum instituisse, ut ad *elevationem hostiae omnis populus in Ecclesia ad sonitum nolae veniam peteret, sicque usque ad calicis benedictionem prostratus jaceret.* In Ecclesia Romana nullum ejus vestigium reperitur ante Bonifacium VIII. Quo sedente ejus mentio fit in ordine Romano XIV. apud Mabillon. mus. Ital. l. II., composito a Cajetano Cardinali, ab illo creato. Adtribuitur tamen Honorio III., in decretalibus Gregorii III. lib. III. de celebratione Missae, decretum; *ut, cum in celebratione missae elevatur hostia salutaris, se reverenter inclinent.* Occurrit etiam in caeremoniali Gregorii

Tom. V.

Bb

apud

apud Mabillon. l. cit. 4. De pulsatione autem *campanae* hoc et superiore seculo usitata, constat ex Caesario, modo citato, ac Gulielmo Parisiensi, inter cujus statuta locum habet, *ut in celebratione missarum, quando corpus Christi elevarur, in ipsa elevatione, vel paulo ante, campana pulsetur, ut sic mentes fidelium ad orationem excitentur*: denique ex antiquiore Ivone Carnotense epist. 142., licet ejus testimonium minus sit adcuratum, clarius vero ex Gregorii IX. decreto, *de pulsandis etiam campanis ad confessionem Christi corporis*

§. CLXVI. Adcessit solenne festum, quod *festum Dei* appellatur, in honorem sacramenti, indeque orta *processio* solennis. Festum est ab Urbano IV. institutum a. 1264., celebrandum annuatim, feria quinta post octavam Pentecostes. edita constitutione, a Bzovio a. 1264. recensita, et sec. XIV. a Clemente V., edito diplomate a. 1311., confirmatum, et omnibus injunctum celebrandum. Vid. Bzovius ad a. 1317. Officium vero pro festo compositum est a Thoma Aquinate, ut Natalis Alexander differt. VI. demonstravit. Proximam autem occasionem festi praebeuit miraculosa, ut praetendebatur, sanguinis effluxio ex hostia, in loco non longe ab urbe Vetere, Bolsena dicto, sed remotiorem, revelationem quaedam mulierculis Leodiensium factae, de festi celebratione instituenda, cum Urbanus esset Archidiaconus adhuc Leodiensis. Vid. Diaestemius Blaerus, Prior S. Jacobi Leodiensis, in *commentario de institutione corporis Christi*, a. 1496. conscripto, et ejus excerptum apud Bzovium a. 1230. *Processionem*, qua corpus Christi eo die ad pompam circumgestatur, haud diu post fuisse introductam, docent antiqui libri rituales, circa ea tempora compositi. Nonnulli quidem ex Catholico-Romanis putant, corpus Christi non statim patenter, sed calice, vel vase, absconditum, fuisse circumgestatum, et publice non nisi aliquo tempore post coepisse, verum refutati sunt a Martene de *antiqua Eccles. disciplina* cap. 29. Fuisse eam circumgestionem ad Paganorum imi-

Imitationem factam, observavit jam Polydorus Virgilius de *Inventor. rerum* l. VI. c. 11. 5. Denique in concilio Wurtisburg a. 1287., praefide Legato Honorii IV., institutum est, ut, dum corpus Christi ad aegrotum solenniter deferatur, sacerdos habitu clericali illud gestet, Clerico praecedente cum taeda ardente, et tintinnabuli fonitu: porro, ut, qui occurrerint, genuflectant, et tres *paternostros*, ac *ave Maria!* recentent. In concilio Londinense jam ante sub Huberto Archiep. Cantuariense a. 1200. decretum fuit, inter alia, *ut eucharistia ad aegrotum deferatur lucerna praecedente, atque cruce praelata.* Exitant acta apud Hovedenum in Annal.

§. CLXVII. Inceperunt etiam hoc seculo preces et missae pro defunctis Papis et Cardinalibus; annuatim fundendae, et faciendae. Quod officium nonis Septembris celebrandum, vespers et vigiliis, cum novem lectionibus, instituit Alexander IV., tette caerimoniali Romano, quod in Vaticana Bibliotheca adservatur; ut tradit Raynaldus Annal. tom. III. in addendis. Bonifacius vero VIII. in fine sec. ordinavit, ut festa Apostolorum, quatuor Euangelistarum, et quatuor Doctorum, Gregorii, Augustini, Ambrosii, et Hieronymi, sub duplice officio celebrarentur. In quo Papa se dixit imitari nonnullos decessorum suorum. Vid. Raynaldus ad a. 1295. Unde patet, festa duplicium, et semi-duplicium, jam ante fuisse in usu.

REGIMEN ET DISCIPLINA.

§. CLXVIII. Initio seculi, ut historiam Paparum, pro more, ante omnia persequamur, sedit superbi et elati admodum animi Papa, alter Hildebrandus, ac summus Papalis autoritatis, et, ut loquuntur, omnipotentiae, adsertor, *Innocentius* III., ex Diacono Cardinali electus Papa, 37 tantum annos natus, antea dictus Lotharius, patria Anagninus, ex nobili comitum Signiae familia, studiis Scholasticis probe instructus. Sedit ab a. 1198. ad 1226. Contulit sese mox

in principio ad Romanae sedis dominium tuendum, et dicandum. Altero post Pontificatum adeptum die Praetor urbis, antea Imperatori juramento fidelitatis obligatus et ab eo institutus, ad ligam fidelitatem recepit, ac publice investivit, quod et aliorum Baronum respectu, et totum Petri patrimonium, fecit: universam Marchiam quam Marcuvaldus, vir potens, tenebat, et vel fiduciam retinere petebat, ipsi ereptam, sibi subjecit, nec Ducatum Spoleti, aliasque civitates, patrimonio Petri didicit: Tusciae denique civitates, juramento ad Ecclesiae Romanae defensionem, nullumque Imperatorem, nisi qui volebat Papa, admittendum, obstrictas, in clientelam subiecit. Investituram Siciliae, Apuliae, et Capuae, concessit, et Constantiae, viduae Henrici V., et filio ejus Frederico, Siciliae Regi, sed sub censu, fidelitate, et hominum solitis capitulis praeterea de electionibus, legationibus, pellationibus, et conciliis, antea Imperatoribus concessis, rogatis. Archiepiscopum Salernitanum, aliosque, quos Henricus in Germaniam abduxerat captivos, dimitti iussit, natus quoque, nisi Principes operam ad id impenderent, totam Germaniam interdicto sacro subiecturum esse. Factum est, ut captivi fuerint liberati.

§. CLXIX. Imperio diviso in partes, dum alii Philippum Sueviae Ducem, Henrici VI. fratrem, et Frederici II. Imperatorem, elegerunt Imperatorem, alii Othonem, filium Henrici, Ducis quondam Saxoniae, Papa, qui Frederici Barossa stirpem, oderat, Othonis electionem confirmavit, et eiusque obedientiam inperavit ei praestandam. Cum vero Othone aegrotante, et fere deserto, Philippus sese de fecisset eligi, coronatus quoque esset ab Adolpho, Coloniense Archiepiscopo, Papa, missis legatis, Adolphum deposuit, Brunone ipsi suffecto. Unde multas a Philippo clausas passa est Colonia, donec ipse fuerit Papae reconciliatus. Principes enim Imperii, horum motuum pertaesi, Philippum ad absolutionem a Papa inplorarunt: sed adnuvit Papa,

conditione iuramenti praestandi, de stando iudicio Papae super omnibus, propter quae excommunicatus erat. Composuit quoque inter duos illos competitores, Philippum et Othonem, ut hic illi succederet, ducta filia Philippi, Papa super quarto consanguineitatis gradu dispensante. Philippo dein brevi proditorie necato, Papa omnem movit lapidem, ut Imperium confirmaretur Othoni, factus etiam votorum compos, Othone sese Papae iuramento obstringente, se Praesulum electiones non invasurum, omnes possessiones Ecclesiae restitutum, haereticos deleturum, et pro Sicilia, in fide Ecclesiae Romanae mansura, cauturum esse. Sed Otho, ea ratione a. 1209. Romae a Papa coronatus, iura imperii vindicaturus, cum terras sedis Romanae in Tuscia, et Flaminia, nec non in Apulia ditionem Frederici, Ecclesiae Romanae fiduciarii, invaderet, nec a proposito se dimoveri pateretur, excommunicationis ac depositionis sententiam et ipse subire debuit a. 1210., subditis iuramento fidelitatis absolutis. Quam terribilem sententiam mox electio Frederici, Siciliae Regis, et Henrici V. filii, in Imperatorem secuta est. Qui, Germaniam petiturus, Romam venit, a Papa honorifice susceptus, et donationem Fundani Comitatus, Ecclesiae Romanae factam a Richardo de Aquila, Fundano comite, qui Romanam Ecclesiam scripserat haeredem, confirmavit, simul promisit, electiones Episcoporum in Sicilia canonice esse faciendas, ita ut Papa confirmaret, Regi tantum notificaretur electio. Denique Frederici electionem corroborari fecit in Concilio Lateranensi IV. a. 1215.

§. CLXX. Recenseamus nunc reliqua Papae acta et gesta cum Regibus et Principibus. 1. Alphonsus X., Gallaeciae et Legionis Regem, quia filiam Alphonsi VIII., Castellae Regis, neptem suam, duxerat, excommunicavit, et regnum interdicto sacro supposuit, mox in initio Pontificatus, donec Rex solverit matrimonium. 2. Sanctium, Portugalliae Regem, qui censum annuum, Romanae sedi solvendum,

a Patre Alphonso institutum, inhibuerat, eo per vehementes epistolas, quae supersunt, compulit. 3. Cum Philippus, Galliae Rex, Coelestino Papae obedire, et Ingelburgam Reginam recipere, detrectaret, de quo casu in Coelestino egi, Innocentius totam ejus terram interdicto Ecclesiastico subjecit, ita ut nullum in ea, praeter baptismum parvulorum, et poenitentiam mortuorum, celebraretur officium divinum. Quo fulmine tandem ictus obedire debuit Rex. Vid. Roger. Hovedenus. 4. Regis titulum, quem haud una vice ab Imperatoribus acceperant Bohemiae Duces, a Papis autem obtinere non potuerunt ante Innocentium, qui eum Premislao, Bohemiae Duci, confirmavit, quod, partibus Philippi desertis, se totum dedisset Othoni, cui tanto adhaesit studio, ut inde dictus censeatur *Othocarus*. 5. Armenis et Bulgaris, Romanae sedis subiectis, dominium papale latius extendit. Rex enim Armeniae, cum cruce signatorum Henrici I. Imperatoris classis adpulsa esset in Palaestinam a. 1197., et res prospere gessisset, nunciis ad eos missis, gratulatus non tantum iis est, sed et se paratum professus, Romano Imperio ac sedi Papali subjici, modo coronam a nunciis consequatur: quod factum est. Vid. Arnoldus Lubecensis in Chronico Slavorum l. V. Concessit quoque Papa a. 1202. Regi, et Patriarchae, Armenorum multa privilegia, Regi scilicet, ut nemo, praeter Papam, potestate in Regem aut Regnum polleret interdicti, aut excommunicationis, Patriarchae vero, ut pallium, annulus, et mitra, ipsi, recen-ter electo, mitterentur. Quod idem inter Bulgaros et Blacos, seu Walachos, sub rege Calo-Johanne, factum est. Rex enim, qui se, Graecorum regno excusso, submitit sedi Romanae, a Papa accepit sceptrum, diadema, et vexillum, cruce ac clavibus insignitum, in memoriam Christi et clavium Petri; sicut et Archiepiscopus Bulgarorum ornamenta Pontificalia, cum titulo Primatis, et facultate coronandi Reges, postquam sese juramento obstrinxisset Papae. 6. Rex Aragoniae Petrus II. petiit, et inpetravit a Papa a. 1204.

a. 1204. militare cingulum, et regium diadema, manu quoque Papae coronatus, praestito juramento corporali de subjectione et fidelitate, quare Rex regnum obtulit Papae, et censuale fecit. Fabulosum est, quod nonnulli tradunt historici Hispanici, coronam de *pane* fecisse Regem, et panacea voluisse corona ornari, ne Papa pedibus sibi coronam imponeret, ut moris erat, sed manibus, prae reverentia panis. Vid. Spondanus ad a. 1204.

§. CLXXI. 7. Angliae denique regnum sibi subjecit, post grave certamen, et insigne papalis dominii datum specimen. Huberto, Cantuariensi Archiepiscopo defuncto, monachi istius Ecclesiae clam elegerunt, in ejus locum, Reginaldum, Subpriorem suum, sed publice, ad Regis instantiam, Johannem, Episcopum Norvicensem: Papa, de duplici hac electione certior factus, utramque rescidit, et monachorum legatis ad sedem Apostolicam, qui electionem ad Papam detulerant, novae electionis potestatem dedit; qui Stephanum Langtonum elegerunt, quem Papa mox consecravit a. 1207. Quam ob rem ira concitatus Rex Johannes monachos e conventu Cantuariensi expulit, bona Ecclesiae fisco addixit, et Langtono interdixit aditu in Angliam. Quod ipsi pessime cessit, cum Papa, post frustranea monita, interdicti sacri sententiam promulgari curaverit a. 1208., et, cum Rex nihil moveretur, Ecclesiasticos etiam viros ob interdictum vexaret, eum excommunicaverit, ulterius quoque, cum Regem vincere non posset, progressus, subditos a fidelitate absolverit non tantum, sed et regnum dederit Philippo, Galliae Regi, cum mandato illud invadendi, conscripto insuper cruciatorum exercitu. Quae ex Matthaeo Parisiensi, Westmonasteriensi, et Polydoro Virgilio, constant. Cum autem Philippus in eo esset, ut, numerosissimo instructus exercitu, Angliam peteret, Johannem regno privaturus, ipse viribus diffidens, a Pandulfo, nuncio Papae, etiam deceptus, quippe qui potentiam Gallorum nimium auxit, et Barones Regni ab ipso alienos esse dixit, simul

Petrum aliquem Eremitam subornavit, qui, instar Prophetæ regem regno esse mox privandum, praedixit, se submissum Papae, licet invitus, a. 1113., regia quoque Majestate haud parum prostituta. Coronam enim, capiti detractam, tradidit legato Papae, addito promisso, nec se, nec successores eam, nisi e manu Papae, recepturos esse: imo statuit Rege ut Romanae Ecclesiae clientes sint futuri reges Angliae, et regnum Angliae et Hiberniae beneficiario jure tenerent annuo soluto censu mille marcarum Sterlingorum, salvo per omnia denario Petri, de quo supra suo loco monui. Hæ ratione absolutus est Rex, et recuperavit coronam.

§. CLXXII. Ex dictis, ut et ex aliis factis, quæ suo loco narrabuntur, clare elucescit, Spiritum Antichristianum cum dominii superbi, tum persecutionis, respectu, in ipse sese luculenter ostentasse. De superbia, et autoritate, quæ sibi adrogavit, acta cum Regibus, modo narrata, et æ multa, satis testantur. Quo etiam pertinet, eum statuisse translationes Episcoporum de sede in sedem, quæ olim provincialium Synodorum autoritate fiebant, sua tantum potestate fieri posse, quia inter Episcopum et Ecclesiam et spirituale conjugium, a solo Deo solvendum; quod per Vicarium suum nunc facit. Vid. Tomassinus de *antiqua nova disciplina*, et Boehmer Jur. Eccles. l. I. tit. 7. Scimus ipsum Papam audiamus. In sermone panegyrico, occasione anniversarii electionis suae diei, se *sponsum* adpellat Ecclesiae, et Ecclesiam *sponsam* sibi pro dote contulisse spirituali plenitudinem, et latitudinem temporalium, et in illorum signum mitram, in horum vero coronam, mitram pro sacerdotio, coronam pro regno: dicit præterea, se *vicarium Regis Regum* et se solum retinere plenitudinem potestatis, ut de ipso, per Deum, alii dicere possint, et nos de plenitudine ejus accepimus. Quod idem de sede sua jactat epist. 320. lib. I. ad Clerum Islandiae. Sic et in sermone I. de consecratione Pontificis Papam adroganter dicit inter Deum et hominem constitutum medium, infra Deum, sed ultra hominem, minorem Deo, et majorem

maiorē hominē, de omnibus judicare, sed a nemine judicari. Probat dein, sed more Papali, auctoritatem Papalem esse priorem, digniorem, et diffusiorem Imperiali, inter alia ex eo, quod sol sit Papae, et Luna Imperatoris, emblemata. Vid. Epist. 401. lib. I., et *Extra* de majoritate et obedientia c. 4. Alia haud minus inepta ratiocinia profert in *prima collectione* Decretalium Innocentii, tit. II. Epist. Innocentii Baluzii tom. I. Denique, ne plura congeram, in epist. ad Johannem, Angliae Regem, in Spicilegio Dacheriano, jactat, a Christo esse *unum omnibus praefectum, quem suum in terris vicarium ordinavit, ut, sicut ei flectitur omne genus coelestium, terrestrium, et inferorum, ita illi omnes obediant, et intendant* etc. Hic ipse tam superbus Papa sibi tamen adtribuere non fuit ausus aut infallibilitatem, aut supra concilia generalia auctoritatem, in rebus fidei; ut demonstrat Launojus p. V. epist. 2. De *persecutionibus*, fidei causa, tribunal inquisitionis, ab ipso erectum, et Albigenium tyrannica infectatio, satis testatur. De quo postea.

§. CLXXIII. Quoad qualitates animi, et mores, Papae dissentiunt autores. Rigordus, autor quidem coevus, sed Philippi, Galliae Regis, Chronographus, qui annales Philippi condidit, eum nuncupat virum *clari ingenii, magnae probitatis, et sapientiae, cui nullas secundus suo tempore.* Autor actorum Innocentii de ejus liberalitate in specie testatur, ejusque odio in *venalitate*. Sed longe alia de ipso tradit Matthaeus Parisiensis ad a. 1213., ipsum scilicet fuisse *supra omnes mortales ambitiosum, et superbum, pecuniaeque sitiatiorem insatiabilem, et ad omnia scelera pro pecuniis datis, vel promissis, cereum, et proclivem.* Cui, respectu avaritiae, adtestatur Robertus Limolnienensis apud Matthaeum Paris. ibid., nec non Abbas Urspergensis, in capite de gestis Philippi. Constat quoque, inmensam plane pecuniae summam ab ipso fuisse congestam per indulgentiarum nundinationes, census regnorum exactos, in primis Angliae, per munera Ecclesiastica, et causarum decisiones venales, teste

Tom. VI.

Cc

Ursper.

Urspergenſe, denique obtentu expeditionum cruciatarum etc. Denique notandum eſt, Papam varios edidiſſe tractatus, et libros, qui duobus voluminibus in fol. prodierunt Coloniae, et Epistoſtarum libros, a Baluzio publicatos, additis actis et geſtis ejus, ab autore aequali conſcriptis. Inter ejus libros etiam ſunt *conſtitutiones Decretales*, quas adcurate voluit obſervari. Compoſuiſſe quoque fertur *Spiritus S. ſequentiam, veni ſancte Spiritus!*, ut antiquus habet autor vitae *Noſkeri* apud Mabillon. ſec. V. Benedicſtin. Singulare denique, non negligendum, in hoc Papa eſt, eum narrari viſum poſt mortem devotae virgini Lutgardi mediis in flammis miſere cruciari, et ad quaestionem virginis reſpondiſſe, ſe tribus de cauſis promeritum fuiſſe aeternum exitium, ſed ad virginis interceſſionem ſe ultimo judicio eſſe liberandum; ut refert autor vitae Lutgardis apud Surium, qui addit, ſe cauſas illas ob reverentiam Papae ſilere. Praeterea Abbati cuidam Cisterciensi quoque viſus eſt confugiſſe poſt mortem ad thronum Domini, clamans, *miſerere mihi miſero miſericordiſſime Deus!* ſed dracone ex adverſo clamante, *juſte judica juſtiſſime judex!*, ut narrat autor *computationis Chronologicae* apud Piſtorium tom. I. rerum Germanicarum.

§. GLXXIV. Succedit *Honorius III.*, ab a. 1216. ad a. 1227., antea Centius dictus, Presbyter Cardinalis: in cujus electione paſſim male primum ſtatuitur *incluſionis Cardinalium* in conclavi, ut citius fiat electio, exemplum; coepit enim illud demum tempore Gregorii X., a quo lex ea de re lata eſt in concilio Lugdunenſi a. 1274., ut poſtea patebit. Illud verius eſt, nomen *Vicecancellarii* ſub eo fuiſſe obitum. Conſueverat illud munus, ut id obiter obſervem, ſolis dari Cardinalibus, dein, ſec. XII., ſedente Gregorio VIII., munus, ſub titulo *Cancellarii vices agentis*, ad alios devolutum, rediit hoc tempore ad Cardinales, titulo *Vicecancellarii*; quae praecipua eſt ſedis Apoſtolicae, poſt Pontificalem, dignitas. Vid. Onuphrius Panvin. in Gregorio VIII.

VIII. Extendit et hic Papa manus suas quaquaversum, se politicis aequae ac Ecclesiasticis negotiis ubique inmiscuit, adeo ut in ipsius Patriarchae CPolitani jura involaverit, Petrum Corteniacum, Comitem Altisiodorensem, qui Jolantam, sororem Henrici Imperatoris CPolitani, habebat uxorem, coronando Imperatorem: excusavit quidem sese apud Patriarcham, quatenus id ad Petri, et aliorum, petitiones fecerit, attamen de potestatis plenitudine id egisse addit. Vid. Litterae Papae apud Raynaldum a. 1227., et autor Chronici *foissae novae*, inter script. Ital. Muratorii tom. VII. ad eum annum. Corsicae insulae, quae medio seculo IX. fuit Romanae sedi subiecta, alteram partem Genuensibus dedit a. 1217., ea lege, ut fidelitatis sacramentum praestarent, et libram auri quotannis penderent. Genuensi etiam Ecclesiae non tantum Metropolitica dignitatem, ab Innocentio II. concessam, confirmavit, sed et alia addidit privilegia, inter quae est, *equo albo, cum naso albo*, uti in processionibus, nec non *crucem* vexillum Dominicum per provinciam portare. Vid. litterae Papae apud Raynaldum a. 1217. Obtulit quoque Papae insulam Man, in mari Hibernico, Reginaldus, insularum Britanniae adjacentium Regulus, et ab eo dein recepit possidendam, sub censu annuo duodecim marcharum Sterlingorum, et ei concessit Papa protectionem, Vassallis, et censualibus, Ecclesiae Romanae dari solitam. Vid. Raynaldus a. 1219.

§. CLXXV. Praecipuam verò impendit operam promovendis expeditionibus Cruciatibus, extirpandis Albigenensibus, ac coelibatui Clericorum tuendo. In primo facinore laboravit ab initio usque ad finem Pontificatus, ingente studio, enormibus promissis indulgentiis, statuens, ut refert Aven-
tinus Annal. l. VII., *quemque sceleri obnoxium, parricidio, incesto, sacrilegio, pollutum, continuo, ubi cruciculam vestis ad-
fuisse, solum esse et crimine et poena*. Unde plerique, ut Idem addit, *ansa hinc arrepta, inimicos prius suos tollebant, hinc in militiam sacram nomina dabant*. Fredericus II., praestito

juramento de Ecclesiae Romanae juribus conservandis illac-
sus, et omnibus confirmatis privilegiis, ab ipso coronatus
Imperator a. 1220., una cum Constantia Regina, mox quo-
que crucem accepit quidem, ad expeditionem statim in Ae-
gyptum suscipiendam contra Saracenos, sed variis sub prae-
textibus distulit. Papa cum et epistolis, et variis colloquiis,
ut Verulis, Veronae, denique in Campania, ad opus ad-
grediendum incitavit, ipse quoque intra biennium id factu-
rum esse promisit; sed, variis prolatis causis, non praesti-
tit: quare sub poena anathematis tandem ad id est obstric-
tus. Misit vero Papa legatum ad populos Septentrionales,
Daniae, Sueciae, Poloniae, et Bohemiae, ad res Ecclesiae,
ibi valde corruptas, emendandas, sed praecipue ad coelibat-
um inter Clericos confirmandum; cum illis in regionibus,
sicut et in Anglia, uxores passim habuerint. Vid. Pontanus
rer. Dan. l. VI., et ipse Honorius in litteris variis. De
inpetu in Albigenes postea agam. Ceterum, praeter alias
epistolas, scripsit etiam Honorius *decretales*, collectas a Tan-
credo, Bononienſe Archidiacono, circa a. 1227. Quae est
quinta decretalium collectio, quam seculo superiore luci expo-
ſuit Innocentius Cironius, Cancellarius Academiae Tolosanae.
Composuit quoque, aliis missis, *Censuum* Romanae Ecclesiae
grande volumen, addito *caerimoniali*, in re divina celebranda,
quod inter alios ordines Mabillon. Mus. Ital. tom. II., ex-
hibet.

§. CLXXVI. *Gregorius IX.*, antea dictus Ugolinus, Cardi-
nalis Episcopus Ostiensis, ejus successor, ab a. 1227. ad a.
1241., cum sese in primis celebrem praestiterit gravissima
cum Frederico II. Imperatore concertatione, eam una serie
paulo accuratius enarrabo. Fredericum, cui sub anathema-
te expeditio, intra statutum tempus executioni mandanda, erat
ab Honorio injecta, se quidem cum parvo comitatu ad
eam accinxisse, sed, postquam per triduum fuisset in mari,
rediisse, infirmitatem causatum, et propterea mox a Papa
Gregorio excommunicatum fuisse, a. 1227., tradit Matthaeus

us Parisiensis; referunt etiam alii historici plures. Sed alii tradunt, Papam hoc tantum praetexuisse, et veram causam fuisse, quod terris Imperatoris inhiaret, et propterea eum voluerit longius remotum. Vid. Urspergensis ad a. 1227. et Aventinus l. cit. Ipse Fredericus, litteris ad omnes Principes et Praelatos missis, causam neglectae expeditionis tribuit infirmitati suae, simul Papam increpuit, in Pontificum Romanorum superbiam, ambitionem, et avaritiam detonuit. Exstant multae hanc in rem litterae apud Petrum de Vineis, qui Imperatori fuit a secretis, aliquae etiam apud Matthaeum Parisiensem, qui tamen addit, *hoc factum Imperatoris damnose nimis redundasse in dedecus, et praejudicium, totius negotii crucifixi*. Papa vero, hac Imperatoris obstinatione intellecta, eum anathemate percussit in Synodo Romana a. 1228., omnibus quoque locis, ubi versaretur Imperator, inposito interdicto sacro. Refert autem inter sententiae suae causas, non solum omissam expeditionem, sed et alia multa crimina, et populorum ad Ecclesiam Romanam pertinentium, oppressiones, quodque Archiepiscopum Tarentinum ad sedes suas non siverit ire, etc. Exstant litterae Papae apud Raynaldum. Interea in se hanc ob causam concitavit populum Romanum, qui, inpetu in eum facto, Urbe ipsum expulit, et usque Perusium fugavit, ubi eo et sequente anno mansit, testibus Matthaeo Parisiense, et Abbate Urspergense: unde Assisium perrexit, et Franciscum canonizavit.

§. CLXXVII. Cum vero Fredericus, ut se votum solvere velle ostenderet, Syriam versus cum copiis profectus esset, sed magnam earum partem in regno Siciliae reliquisset Raynaldo, Spoletani Ducis filio, ad jus suum ibi contra Papam tutandum, Papa, vehementiore correptus ira, etiam quod, neglecta absolutione, id fecisset, misit mox Johannem Brennensem, socerum Frederici (duxerat enim ejus filiam Jolantam, et cum ea regnum Hierosolymitanum acceperat Fredericus) ipsi, ob regnum illud occupatum,

inensum contra Raynaldum, ceterasque Ecclesiastici domnii provincias aliis Ducibus commisit defendendas: ex quibus in duas partes fuit aperte scissa tota Italia, unam pro Imperio sub Gibellinorum, alteram pro Papa sub Guelphorum nomine: quae factiosa nomina tunc maxime audita sunt de quibus ad seculum superius dixi. Vibravit praeterea Papa anathematismos in Fredericum, quibus, inter alia, fidelitatem absolvit subditos. Exstat forma anathematismi apud Raynaldum. Interea Imperator, missis ad Soldanum Aegypti legatis a. 1229., foedus cum eo pepigit, ea conditione, ut decem annorum essent induciae, et Imperatori, praeter alia loca, restituerentur Hierosolyma, Nazareth, et Joppe, cur terris circumjacentibus. Quo facto intravit Hierosolyman et summa cum populi laetitia ibi coronatus est. Geroldus vero, Patriarcha Hierosolymitanus, cui hoc pactum cum Templariis et Hospitalariis valde displicuit, illud invidiosum ad Papam transcripsit, addito, Fredericum gladium, ex altari Petri sumtum, tradidisse Soldano, Templum Dominum inquinari sive superstitione Saracenica, terras quoque Orientalium exposuisse Paganorum furori, ut et Hierosolyman non munitam, incursionibus Soldani Damasceni. Vid. litterae Geroldi, et Papae ad Austriae Ducem, apud Raynaldum. Quare Papa, magis exacerbat, nihil non ad Imperatorem nocendum egit, eo etiam usque, ut, nunciis cum litteris ad Soldanum missis, Soldanum ad regnum Hierosolymitanum non tradendum Imperatori incitaverit, quod Imperator apud Petrum de Vineis, uti Epist. l. I. c. 21., se ex litteris Papae interceptis percepisse testatur. Praeterea, missis quaquaversum litteris, Imperatorem criminatus, famamque de morte ejus spargens, civitates ad se Papae subjiciendas, et omnes Alemannos de terra sancta redeuntes, et in Apulia versatos, interficiendos, excitavit, teste Urspergense. Sed praevenit Imperator, et, copioso collecto exercitu, hostes finibus suis expulit, terras quoque amissas recuperavit. Quo in rerum statu animi Imperatori

et Papae coeperunt ad pacem inclinare, quae, mediantibus Principibus Alemanniae, quoque inita est, Imperatore absoluto, ea conditione, ut quae erepta erant Ecclesiae restitueret, eique, ob damna illata, persolveret *centum et viginti millia unciarum auri*: quod factum est, a. 1230.

§. CLXXVIII. Sed haec pax fuit infida, et brevis temporis, nec Papa, ea durante, pacifice degere potuit. Cum enim populus Romanus jura urbis sibi vindicaret, coactus quidem est Papa urbem deserere, sed, collecto exercitu, et ipsius Frederici copiis adjutus, Romam perrexit, villas Romanorum evertens, Romani vero, urbe erumpentes, Viterbium, Pontificis oppidum, invaserunt: sed, a Pontificiis excepti, et decretorio praelio decertare coacti, ab incepto, ingente cum clade, remiserunt, et ad pacem faciendam compulsi sunt: cujus conditiones exhibet Raynaldus a. 1235. Erupit haud diu post nova, et vehementior longe, concertatio cum Frederico, quem Papa a. 1239. tempore Paschatis denuo excommunicavit, extinctis candelis, subditosque fidelitate exsolvit, quod Romanum populum census fuerit ad seditionem concitare, terras Ecclesiae occupaverit, Sardiniae scilicet partem, ad Ecclesiam Romanam pertinentem, aliasque terras, denique Ecclesias spoliaverit, et personas Ecclesiasticas variis modis vexaverit. Sententiae formulam recenset Matthaeus Parisiensis a. 1239., et capita memorata quoque Albertus Stadenfis. Insinuavit insuper Papa, Imperatorem in ipsa fide Christiana minus esse sanum, sed de quo se postea dicit acturum esse. Qua sententia per Ecclesias publicata, Imperator, circularibus litteris, per Petrum de Vincis quaquaversum missis, de injuria, sibi facta, conquestus non tantum est, sed et gravissimis accusationibus impetiit Papam, qui per circulares litteras quoque Imperatorem aterrimis depinxit coloribus, ipsi inter alia inputans, quod dixerit, mundum fuisse deceptum a tribus *baratoribus* (impostoribus) *Mose, Jesu, et Muhammede*. Memorant praeter has litteras, quae supersunt, quoque hanc atrocissimam

accusationem historici, ut Matthaeus Parisiensis, Albericus Monachus, et alii. Matth. Paris. a. 1238. tamen praemittit, *famam Imperatoris admodum esse obfuscata, et maculatam, ab invidis, inimicis, et aemulis suis.* Imo Chronicon Augustanum, autor compilationis Chronolog. Pistorii, aliique, tradunt, Fredericum tale quid vere effutiisse, in comitiis Francofurtensibus a. 1234., audiente Henrico, Landgravio Thuringiae, sed teste infido, et Frederici aemulo: addunt et alia, uti, quod, cum sacerdotem corpus Domini ad infirmum deferentem vidisset, *quandiu durabit trussa ista?* dixisset. Sed ipse Imperator, publicis ad Praelatos scriptis litteris, ea omnia pro puris putis habuit calumniis, et fidem suam Catholicam palam professus est. Exstant litterae apud Petrum de Vineis lib. I. cap. 31.

§. CLXXIX. Erupit mox concertatio in apertum bellum intestinum. Imperator e vestigio in Mediolanenses et Bononieneses, qui Papae patrocinebantur, arma movit, indeque, finitimis occupatis oppidis, Romam recta tetendit, ut eam expugnaret, et Papam puniret. Sed cum Papa, cruce ac reliquiis productis, Romanum populum per preces et lacrymas in partes suas traxisset, conscripto quoque cruciatorum, amplissimis promissis indulgentiis, exercitu, Imperator, post certamen cum iis habitum, quo eos fudit, et gravia de iis sumpta supplicia, ab urbe discessit, et quacunque transiit vastavit, ac incendio delevit. Inde in Campaniam movit signa, et Beneventum, omnia diruens, et sibi subjiciens. Ecclesiasticos in Regno Siciliae, Papae faventes, partim trucidavit, partim in carcerem conjecit. Legatos quidem in Germaniam misit Papa, qui eos contra Imperatorem excitarent, plenarias quoque arma sumentibus concessit indulgentias, sed parum profecit, et Imperator in terris Papae occupandis perrexerit Viterbium usque. Nec majore successu legatos ad Reges Galliae et Angliae misit, aliosque Principes. Imperium Frederico abjudicavit, ac Roberto, fratri regis Galliae, obtulit. Galliae enim rex cum
indig

indignatione illud repulit, et Papam haud obscure in Imperatore oppugnando damnavit, cui insigne praebeuit elogium, Vid. Matthaeus Parisiensis a. 1239. Declararunt inter alia Franci, Imperatorem ante per concilium generale esse judicandum, quam deponatur, nec hostibus, quorum Papa dignoscitur esse capitalis, credendum. Addunt, *Papam, si per nos Imperatorem devicerit, facile omnes mundi Principes esse conculcaturum, sumentem cornua jactantiae, et superbiam, quod Imperatorem magnum contrivisset.* Quibus Papa ad incitatus, animum ad universale concilium adplicuit convocandum, eo scopo, ut Fredericus judicaretur deponendus. Qui cum intellexisset, legatos et litteras eo fini a Papa missos esse, nec aliud, quam depositionem suam intendi, licet in initio consensisset in Synodum, quia Papa, se Synodum velle, ad rei Christianae laboranti succurrendum, praetenderat, teste Matthaeo Parisiensi, se ei opposuit, edicto publico non tantum Praelatos dehortatus, sed et vias omni parte obsidens, ne ad Synodum venire queant. Quo non obstante, Papae se obedire debere rati, iter sunt ingressi, sed ingente suo damno. Entius enim, Frederici filius naturalis, qui ad portas et mare custodiendum erat missus Pisas, classe Pisanorum adversus Ecclesiasticos et seculares, qui navibus Genuensium Romam vehebantur satis magno numero, instructa progressus, praelio habito navali, illos devicit, aliis submersis, aliis captis, et ad Fredericum abductis, ejusque jussu in carcerem conjectis. Vid., praeter alios historicos memoratos, Nicolaus de Curbio in vita Innocentii IV., in Miscellan. Baluzii tom. VII., qui etiam tradit, Imperatorem Romam versus iterum perrexisse, eamque, locis circumjacentibus devastatis, tenuisse obsessam. Quae omnia tanto Papam adfecerunt moerore, ut brevi fuerit defunctus.

§. CLXXIX. Ceterum, ut reliqua ejus gesta levidensi brachio perstringam, Sanctorum catalogo inscripsit Franciscum, Dominicum, Antonium de Padua, et Elisabetham, *Tom. VI.* Dd *filiam*

filiam Andree, Regis Hungariae, viduam Ludovici, Thuringorum Landgravii, in itinere ad terram sanctam mortui, in Sicilia Monachum, mira devotione illustrem: cujus historia satis mirabilis exstat in *Antiquis Lection. Canisii*, tom. IV. Ludovicum praeterea IX., Galliae Regem, in Albigenses accendit, et jura Ecclesiastica in ejus regno defendit, denique Epistolas reliquit multas, et libros Decretalium, ejus jussu a Raymundo de Pennaforti congestos, ex Pontificum litteris decretalibus, per varia concilia ac libros sparsis, additis litteris, quas Gregorius ediderat. Quod volumen promulgatum est a. 1234. Voluit quoque Papa, ut hi decretalium libri auctoritatem habeant in judiciis, et in scholis doceantur. De quo exstat epistola ejus 212. lib. VIII. registri ad Parisiensis Ecclesiae Doctores.

§. CLXXX. Misso Coelestino IV., in ejus locum successore, quippe ante consecrationem mortuo, non sine veneni suspitione, ut refert Matthaeus Parisiensis, qui tamen addit, eum senem jam fuisse et infirmum, successor ejus Innocentius IV., qui ab a. 1243. ad 1253. sedit, nostram meretur attentionem, in primis quoad concertationem cum Frederico. Gratulatus quidem ei est Imperator per litteras, quae apud Petrum de Vineis exstant, et legatos, omniaque pacifica et amica sibi ab eo, quem semper amicum habuerat, promittebat: Papa quoque misit legatos de pace tractaturos, sed voluit, ut ante de criminibus se purgaret, quam ad communionem reciperetur, addito promisso, se Imperatori satisfacturum, si Ecclesia ipsum laesisset, sed judicio secularium et Ecclesiasticorum in Synodo. Cum vero Imperator Papae judicio stare, et bona Imperii resignare, recusaverit, pacis spes non tantum evanuit, sed novae coeperunt hostilitates, dum Imperator omnes ad Papam aditus obstruxerit, ne quis a Papa ad Transalpinos, aut inde ad Papam, veniret, nec non jurisdictiones, ac possessiones villarum et castrorum, Ecclesiae Romanae abstulerit; Papa vero sententiam excommunicationis Gregorii confirmaverit. Sed cum

cum multa odiosa, et fidei et violentiae respectu, de Imperatore spargerentur, quae Matthaeus Parisiensis refert, Nobiles quoque et urbes passim ab eo deficerent, pacis negotium denuo est resumptum. Legati, ab Imperatore missi, inter quos fuit Petrus de Vineis, a. 1244., promiserunt sub juramento, nomine Imperatoris, omnem satisfactionem Papae, et Imperator, edito diplomate, se ea, quae Legati agerent, ratihabiturum, testificatus quidem est, quod apud Matthaeum Parisiensem exstat, sed mox resiliuit, Papae denunciando, se nihil de conventis facturum, antequam litteras habeat absolutionis. Unde nova orta est discordia, mox per Papae fugam aucta. Ipse enim, Imperatoris metuens insidias, quantocyus iter tam de nocte quam de die, inter multa incommoda et pericula, faciens, aufugit in Galliam, et Lugdunum venit, a Rege Ludovico summo cum honore susceptus. De quo itinere legendus est Nicolaus de Curbio in *vita Innocentii*, in *Miscellaniis Baluzii*.

§. CLXXXI. Ubi cum versaretur, indixit mox Synodum *Lugdunensem* I. generalem, a. 1245. celebrandam, ad quam in publica concione, quam coram populo habuit, citavit Imperatorem, ut vel Ipse, vel per Legatos, compareret. Qua in Synodo, cujus notitiam postea dabo, Imperator, non obstante luculenta ejus defensione per Legatos, Archiepiscopum Panormitanum, ac Thadaeum, a Papa solenniter est, accensis candelis, excommunicatus, et a regno depositus, addita excommunicationis denunciatione iis, qui eum aut Imperatorem aut Regem salutarent, ullove modo ope aut consilio adjuvarent, praeterea jussione, ut, ad quos electio Imperatoris pertinet, novum eligant. Crimina, quibus sententia superstruitur, memorantur haec quatuor. 1. frequentia *perjuria*. quia Ecclesiae Romanae, cujus ratione Siciliae esset beneficiarius, et a qua Imperium acceperat, bona et privilegia non tantum non tuebatur, sicut per juramentum erat obligatus, sed et evertebat. 2. *Paris violatio*, et Ecclesiae satisfactio neglecta, licet saepe per juramenta promiss-

sa, imo contumacia in sceleribus, ac continuatio, Ecclesias, ex. gr., expilando, electiones inpediendo, Clericos ad iudicium seculare trahendo, patibulis adfigendo, etc. 3. *Sacrilegium*, Cardinales, aliosque Praelatos, ad Synodum, a Gregorio indictam, tendentes, comprehendendo, submergendo, necando, aut in servitutem redigendo. 4. *Haeresis*, auctoritatem et censuram Ecclesiae spernendo, Saracenos complectendo, cum foeminis Saracenicis consuescendo, Filiam dando uxorem Battacio, Graecorum Imperatori, licet excommunicato, et Ecclesiae inimico. Sed haec sententia, quod notari meretur, non est a Synodo, post causam legitime discussam, et libera collecta vota, verum a solo Papa, lata, praesente tantum Synodo, et stupente, nonnullis tantum publice, aliis, quia contradicere non audebant, nec cum effectu poterant, consentientibus: quare Frederico non tantum, sed et aliis Regibus, valde displicuit, et ab iis spreta est, multa tamen peperit mala. Reges et Principes palam declararunt, ad Panam non pertinere, *Imperatorem instituere vel destituere, sed electum a Principibus coronare*, ut Albertus Stadenſis tradit in Chronico. Fredericus vero, de ea certior factus, corona capiti inposita, dixit, se eam non perdidisse, nec sine cruento certamine perditurum. Interea secum divisi sunt Italiae et Germaniae Principes, quorum alii Henricum, Hassiae et Turingiae Landgravium, elegerunt Imperatorem, alii sententiam illam irritam habuerunt, ut refert Albertus Stadenſis, nec non Trithemius in Chronico Hirsaugiense, qui addit, ipsum Papam, cum tanta inde vidisset orta mala, dixisse, *se voluisse, se depositionem illam nunquam cogitasse.*

§. CLXXXII. Duravit contentio usque ad Frederici mortem, et interregnum peperit usque ad Henricum VII., Imperatorem in Ecclesia Lateranensi coronatum a. 1312. Fuerunt quidem intermedii Reges Germaniae, sed pro Imperatoribus non habiti, aut Regibus Italiae, cum nullus, aut ab Archiepiscopo Mediolanensi regiis, aut a Romano Pontifice *Augustalibus*, insignibus fuerit coronatus: sicut
Itali

Itali rem reputant. Ceterum, Frederico primum fuit oppositus *Henricus* Landgravius, quem Papa omni modo, militibus quoque ejus cruce donatis, tuitus est, sed quem *Conradus*, filius *Frederici*, oppugnavit, dein, *Henrico* mortuo a. 1247., *Wilhelmus*, *Hollandiae Comes*, in ejus locum suffectus. Papa vero Principes Germaniae non tantum ad Imperatorem evertendum sollicitavit, sed ipsum Soldanum, ut *Albertus Stadenſis* tradit, nec ullas pacis condiciones admisit, quam aequiſſimas etiam, ut, quod per omnem vitam contra infideles pugnaret, modo imperium confirmaretur *Conrado*, et cum *Frederico* pie dispensaretur etc. Perrexerit itaque *Fredericus* in bello contra Papam, et in Italia contra adherentes Papae grassatus est, donec a. 1250. vitam finiverit, non sine suspitione veneni, ut nonnulli tradunt historici, qui addunt, ipsum, poenitentia ductum, et absolutione ab Archiepiscopo Palermitano inpetrata, pie obiisse, Vid. *Albertus Stadenſis*, *Matthaeus Parisiensis*, et *Manfredus*, in epistolis binis de morte Imperatoris, in *Miscellan. Baluzii* tom. I. Alii addunt, ipsum poenitentiam etiam professum esse, quod Papae se opposuerit, et Clerum vexarit, sed de eo silent reliqui scriptores.

§. CLXXXIII. *Frederico* defuncto, Papa mox regnum confirmavit *Wilhelmo*, Imperialibus ornamentis jam antea ipsi promissis, *Conradum* vero, *Frederici* filium, et successorem, anathemate percussit, indulgentiarum quoque praemiis, ut ejus inpetum facilius retunderet, populos contra ipsum armavit, dato ipsis crucis signo, ut epistola ejus 292. lib. VIII. habet; denique *Christianum*, Archiepiscopum *Moguntinum*, quod arma sumere detrectaret, sacerdotem non per arma bellica, sed gladium Spiritus, seu verbum Dei, pugnare debere, contendens, gradu deturbavit; ut *Serarius* rer. *Moguntin.* lib. V. refert. Imo pro Regibus Franciae orantibus concessit, in signum grati animi, indulgentias decem dierum; ad quod exemplum successores dies indulgentiarum adhuc multiplicarunt, uti *Urbanus IV.*, qui vi-

ginti, Clemens IV., qui centum, dierum, et Leo X.; qui anni, dedit indulgentias, Vid. Spondan. a. 1251. Diploma Urbani exstat apud Duchesneum tom. V., et de Innocentio IV. testatur Tomas Aquinas ad IV. Sentent. Dist. 20. Cum vero in regno^o Siciliae impune grassaretur Conradus, et Italia varie esset distracta, Papa, qui neminem habebat, qui res suas tueri posset, regnum illud, tanquam feudum Ecclesiae Romanae, obtulit Carolo, Andegavenſi Comiti, et, cum is recusaret, Eadmundo, filio Henrici, Angliae Regis: cui operi intermortuus est Papa. Conrado dein extincto a. 1254. continuavit bellum cum Manfredi, notho Frederici, qui Papae copias profligavit, quando brevi e vivis excessit Papa a. 1254. Reliqua Innocentii acta, et instituta, ut, ex. gr., quod galorum rubrum dederit Cardinalibus, multos sanctorum catalogo inseruerit, ordines Francisci et Dominici potentiores fecerit, Octavas Mariae instituerit, et, quod omnium est pessimum, tribunal Inquisitionis sanxerit, suis locis narrantur. Notabilis est ejus constitutio a. 1254. Romae data, qua Praelatis in Regno Franciae, Angliae, Scotiae, Walliae, Hispaniae, et Hungariae, vetatur studium *legum civilium*, seu *secularium*: cujus haec est clausula: *cum in regnis, modo memoratis, causae laicorum non Imperatoriis legibus, sed laicorum consuetudinibus decidentur, et cum Ecclesiasticae sanctorum Patrum constitutionibus valeant terminari, et tam canones, quam consuetudines, plus confundantur legibus, quam juventur praecipue propter nequitiam — — statuimus, quod in praedictis regnis leges seculares de cetero non legantur etc.* Vid. Matth. Paris. in Additam. p. 1111. Illud in laudem ejus notetur, ipsum, ad petitionem cujusdam Episcopi Slavoniae, concessisse officia illis in regionibus lingua Slavonica vernacula celebrari; teste ejus epistola apud Raynaldum a. 1248., quam libertatem antea concesserant Hadrianus II. et Johannes VIII., sed abstulerant Alexander II. et Gregorius VII.

§. CLXXXIV. Successit Alexander IV., ab a. 1254. ad a.

1261.

1261., qui, novo exemplo, ut notat Matthaeus Parisiensis, litteras misit circulares ad universos Praelatos, quibus preces eorum pro optimo suo regimine petiit. Sed et alias, eodem tempore, misit ad Magnates Italos, sedi Romanae addictos, ut eos in studio Ecclesiam Romanam defendendi confirmaret, Albericum in specie in fratrem Ecelinum incitaret, qui in Marchiam Tervisinam tyrannice saeviebat; ut epistola ejus 2. lib. I. habet. Conscripsit etiam exercitum Cruciatum contra Manfredum, qui universam fere Apuliam sibi subjecerat, sed qui a Papa nec vinci, nec sibi devinci, potuit. Nec in Ecelino felicius fuit debellando. Etsi enim Philippus, Archiepiscopus Ravennatensis, cui has partes demandaverat Papa, Patavium ejus tyrannidi eripuit, Brixeam etiam Ecclesiam reduxerat, postea tamen ab Ecelino victus est, et captus, a. 1258. Grassatus autem Ecelinus refertur horrendum in modum in illis regionibus, Vid. autor coevus, Monachus Paduanus, in Chronico l. II. Iamiscuit sese quoque summa cum autoritate electioni Regis Romanorum. Wilhelmo, Hollandiae Comite, dum sese ad Imperialem coronam, a Papa accipiendam, pararet, a Frisonibus jaculis et contis confosso, nonnulli Germaniae Proceres consilia quidem de Conradino, Conradi filio, adhuc puero, eligendo inierunt, sed a Papa, qui illud sub excommunicatione omnibus interdixit, et electionem fore irritam declaravit, impediti sunt. Vid. litterae Papae ad Gerardum, Archiepiscopum Moguntinum, apud Raynaldum. Quando Proceres in partes scissi sunt, aliis Richardum, Cornubiae Comitem, fratrem Regis Angliae, eligentibus, aliis Alphonsum, Regem Castellae. Sed neutri favit Papa, nec sententiam de ea controversia tulit, neuter utique aut Rex Italiae, aut Imperator, coronatus est. Roma interea per intestinos motus multum est passa, ipse quoque ea excedere coactus. Brancaleo, ut sem strictim paucis enarrem, Bononiensis, a Romanis evocatus, senatoriam dignitatem, sibi, absente Innocentio, oblatam, acceptaverat

taverat ea conditione a. 1252., ut triennium, contra urbis statuta, duraret, et obsides, ad fidem praestandam, darentur. Quid? cum nimis severe exerceret iustitiam, et propterea odiosus fieret, captus est, exorta seditione, et in carcerem detrusus a. 1255. Bononienses vero, cum obsides tradere recusarent, suppositi sunt interdicto sacro a Papa Alexandro. Quae scena brevi est mutata. Cum enim novus senator, ei suffectus, haud minorem exerceret severitatem, populus, animis mutatis, Brancaleonem e carcere eduxit, et in munere restituit. Quo facto, in adversarios suos coepit saevire, non obstante fulmine Papali, quo ipsum propterea feriit Papa; quod non tantum flocci fecit, sed et Papa Roma excedere coactus fuit. Vid. Matthaeus Parisiensis a. 1258. Cum autem Papa Bononienses ad obsides dimittendos permovere non posset, sacra et gymnasium iis interdixit, eaque ratione eos ad obedientiam compulit. Denique, ut alia Papae gesta, suis locis narrata, mittam, infensum sese concubinariis Presbyteris praestitit adversarium, scriptis litteris encyclicis a. 1259. ad Archiepiscopos et Episcopos, quibus presbyteros illos acerbè increpuit, et districte vetuit, ne quisquam eorum interesset sacrificiis. Litteras ad Archiepiscopum Saltzburgensem recitat Henricus Stero in Antiq. Lection. Canisii.

§. CLXXXV. Excepit ipsum *Urbanus IV.* ab a. 1261. ad a. 1265., natione Trecensis, Patriarcha Hierosolymitanus, qui tunc Romae, negotiorum causa, aderat, electus a Cardinalibus, diu secum dissidentibus. Erat familiae ignobilis, ex Patre futore veteramentorum, ut habet Antoninus III. part. tit. XIX. Quod cum ipsi aliquando esset obiectum, hoc vere nobile protulisse fertur dictum, *virum non nasci, sed virtute fieri, nobilem.* Vertit sese, statim ac sedem capessivisset, ad Manfredum Siculum debellandum, cruce in ipsum ubique praedicata, et Regis Francorum ope implorata. Cum vero cruce signati, rebus licet in initio feliciter actis, ad sua, defectu stipendiorum, rediissent,
Man-

Manfredus, ab ipsis Romanis tumultuantibus evocatus, tantum incussit Papae terrorem, ut, urbe relicta, Ovietum, Tusciae civitatem, secesserit: ubi ad mortem usque mansit. Vertit vero sese inde ad res Germaniae in ordinem redigendas. Sententiam excommunicationis, a decessore suo iis, qui Conradinum elegerant, denunciata, renovavit, cum aliqui, Germania inter Richardum et Alphonsum scissa, de Conradino rursus cogitarent eligendo: dein, Principes dissidentes in concordiam redigere conatus, ad utrumque scripsit litteras a. 1263., mandans, ut se per procuratores sistant coram Papa, permissio tantum utrique titulo Regis Romanorum. Carolo quoque Andegavensi, regnum Siciliae, quod aliter tueri non poterat, contulit, simul permisit, ut senator Romanus esset; qua dignitate populus, invito Papa, eum ornaverat, cujus electionis conditiones exhibet Raynaldus. Ceterum instituit festum corporis et sanguinis Christi, ut supra notavi: edidisse fertur constitutionem, ut omnis Episcopus, vel Abbas, sese in persona sistat Papae, Romam adiens: quod *transalpinare* dicitur.

§. CLXXXVI. Succesor ejus *Clemens IV.*, ab a. 1265. ad a. 1272., natione Gallus, decretum decessoris de Carolo Andegavensi mandavit mox executioni, ipsum Siciliae et Apuliae regem creando, et per Cardinales aliquos, cum Papa esset absens, investiendo, ac coronando, post conditiones juramento firmatas. Quo facto, Manfredum adgressus Carolus, eum devicit, et occidit, a. 1266. Qua nece audita, titulum regis Siciliae mox sibi sumsit Conradinus, sed in sui perniciem. Jussit enim, sub gravi excommunicatione, Papa, ut et ipse a proposito desisteret, et nemo eum agnosceret Regem, praeterea coram Papa sese sistat, causam dicturus, aditu Italiae, ni faceret, interdicto: praeterea Carolum, dum vacabat Imperium, creavit *Paciarium*, seu pacis servatorem, in Tusciae partibus Papae subjectis: et postea, cum Henricus, Hispaniae regis frater, senator Romae constitutus, vexillum Conradini ibi erexisset, aliaque similia patraf-

fet facinora, anathemate percussus, et Carolo dignitas senatoria in decennium confirmata, est. Conradinus quoque, qui armata manu intraverat Italiam, nonnullasque terras Imperii, et sedis Romanae, invaserat, gravi est a Papa percussus anathemate, ni discedat, et ad omnem inhabilis est declaratus dignitatem. Quibus non obstantibus in opere perrexit Conradinus, Gibellinis undequaque ad eum confluentibus, ubique honorifice susceptus, in ipsa etiam urbe, ubi tunc adhuc dominabatur Henricus senator. Sed, Apuliam tendens, a Carolo, qui obviam venit, inito praelio devictus, et, ubique oberrans, captus, ac carceri mancipatus, est, una cum Frederico Austriaco. Quo non contentus Carolus se sanguine nobilium foedare ausus est: iussit enim, ut Neapoli publice percuterentur securi: sicut factum est a. 1269. Cujus indignissimi supplicii fueritne autor, vel suavor, Papa, his prolatis verbis, *vita Conradini mors Caroli, mors Conradini vita Caroli*, dubium est. Adfirmant quidem illud scriptores Germanici, ut Albertus Argentoratensis, Henricus Gundelfingius apud Lambecium Bibl. Vindebon. l. II., et alii, sed reliqui, clementiae Pontificis studiosi, id refellunt, cum ex eo, quod Clemens fuerit diu antea defunctus, sed id falsum esse docet Henricus Stero, tum quod Johannes Villani tradat, Papae illud iudicium aegre fuisse, sed hic autor circa medium seculi XIV. scripsit. Vid. Spondanus, qui Papam absolvere conatur. Ceterum, ut illud de Clemente adhuc observem, laudatur a liberalitate erga egenos, et quod a nepotismo fuerit alienus; de quo epist. ejus ad Grossum, fratris filium, testatur; sed iacta sunt sub ipso fundamenta, quibus Papae nixi usurpant collationem omnium omnino beneficiorum, quocunque in loco vacantium, uti notavit Paulus Servita, in elegante tractatu de beneficiis c. 35. Praeterea mentio ab ipso fit in epistola ad Petrum Grossum duplicis sigilli, quo etiamnum utuntur Papae, altero in publicis iussionibus, et expeditionibus, quae bullas vocant, altero in privatis litteris, et gratiis con-

concessis, quas *brevis* nuncupant, prius est plumbeum, ab una parte habens imagines Pauli et Petri, ab alia nomen Pontificis, posterius praefert effigiem Petri, in navigio positi, et retia laxantis.

§. CLXXXVII. Successit *Gregorius X.*, ab a. 1271. ad a. 1276., non nisi post longioris temporis moram electus, cum inter Cardinales conveniri non posset, nondum enim inclusio eorum obtinuit in conclavi; sed singulis diebus summo mane in unum venire solebant, si Romae essent, Laterani, vel in Basilica Petri, aut alibi, prout ferebat occasio, si extra urbem, in Ecclesia cathedrali civitatis, ubi degabant, ut jam notavit Onuphrius Panvinus ad Platinam. Ceterum, peperit haec mora lepidum Johannis Portuensis, unius Cardinalium, dictum, *discooperiamus tectum camerae hujus, quia Spiritus S. nequit ad nos per tot tecta ingredi.* Quod ex eo confirmatur, quod, teste diplomate Cardinalium apud Augustinum Oldoinum, in nova additione ad Ciacoium, palatium tunc vere fuerit tecto nudatum. Adscribitur praeterea eidem Cardinali et hoc dictum, cum Papa esset electus,

*Papatus munus tulit Archidiaconus unus.
Quem Patrem Patrum fecit discordia fratrum.*

Ne autem longiores traherent moras electores, sunt a Praefecto et Magistratu Viterbiensi, ubi tunc erant, inclusi conclavi, ut ex eodem constat diplomate. Celebre nactus est nomen, quod interregno Imperii finem inposuerit, et concilium Lugdunense II. celebraverit. Cum Richardus, antea electus, jam obierat, et Alphonsi, pariter electi, valde dubia erant jura, Papa electoribus Ecclesiasticis, sub poena depositionis, et secularibus sub excommunicatione, praecipit, ut sine cunctatione eligerent Regem; quando Rudolphum Hapsburgensem, unde hodierna domus Austriaca genus suum repetit, constituerunt Regem a. 1273., cui Papa

Ec 2

calculus

calculus addidit a. 1274., postquam Legati, nomine Rudolphi, privilegia, ab Othone IV. et Frederico II. Ecclesiae Romanae concessa, confirmassent, insuper promississent, Regem ditionem Ecclesiae non invasurum, bellum Regi Siciliae non illaturum, denique solenni juramento spopondissent Papae obedientiam, et fidelitatem. Quod juramentum ipse Rudolphus postea praestitit Lausannae a. 1275., ubi Papam convenit. Vid. Ptolemaeus Lucensis hist. Eccles. lib. XXIII. Praeterea sanxit Rudolphus, ut Praesulum electiones summa cum libertate fierent, utque in causis Ecclesiasticis provocari ad Papam possit, operam quoque ad haerese exstirpandas pollicitus. De concilio Lugdunense II., a. 1274. celebrato, postea expositurus, hic tantum observo, adprobatam ibi fuisse, et confirmatam, constitutionem Papalem de inclusione Cardinalium in conclavi, cum inminutione cibi, donec novum elegerint Papam. Vid. Onuphrius Panvinius ad Platinam, in vita Gregorii. Quae constitutio, varias continens leges de electione Papae, deinceps varie mutata, et aliquatenus mitigata, est, etiam ab Hadriano V., et Johanne XXI., suspensa, vel abrogata, sed a Caelestino V. renovata, et a Bonifacio VIII. decreta libus inserta. De quo postea suis locis.

§. CLXXXVIII. Missis Innocentio V., qui quinque tantum menses sedit, Hadriano V., ante consecrationem mortuo et Vicedomino, ne electo quidem, Johanne XXI., qui a. 1276. ad a. 1277. sedit, verbo memorato, quod constitutionem Gregorii de inclusione Cardinalium ad tempus rogaverit, brevi mortuo, ex ruina camerae, quam sibi palatio Viterbiensi extruxerat, ut fertur aliqua stoliditate praeditus, ad Nicolaum III. accedo, successorem ejus, usque ad a. 1282., de domo Ursinorum, antea Johannem Cajetanum, Cardinalem Diaconum, et Inquisitorem Generalem Effecit, ut Rudolphus non tantum privilegia, a Legatis nomine ejus sub juramento promissa, confirmaverit, sed Electores ac Principes idem fecerint: qua ratione multa loca

, ab Imperialibus detenta, in potestatem sedis Romanae
 hierunt, licet difficulter, cum jugum Pontificium detrec-
 rent: inmissus itaque est in Bononiae ac Romandiolae
 flectionem. Impulit Carolum, Siciliae regem, ut vicari-
 um Etruriae, qui juris erat Imperatorii, et dignitatem
 auctoritatem deponeret. Vindicavit quoque eam dignitatem
 i, edita constitutione, ne quis eminentioris dignitatis eam
 quam obiret, et ut, qui ad eam adsumerentur alii, haud
 ra annum, sine publicis sedis Apostolicae litteris, eam
 ercerent: ipse vero eam in se conferri fecit, et per vi-
 rios administravit. Vid. Gulielm. de Nangis in Chron.
 itor quoque est constitutionis in VIto Decretalium, tit.
 Electione, quae habet: *Petrum in consortium individuae*
tatis adsumpsit Deus, id, quod ipse erat Dominus, voluit no-
tari, dicendo, tu es Petrus etc., ut ab ipso quasi capite dona-
retur, velut in corpus omne diffunderet. In alia constitutione,
 am Bzovius a. 1280. recenset, Romam adpellat *civitatem*
novam, Hierosolymam novam, descendente de coelo etc. De-
 que, quod nomen ejus infame fecit, autor, saltem appro-
 ator, fuit conjurationis Siculae in Gallos, quae postea sub
 artino horrendas illas *Vesperas Siculas* produxit, sicut
 nes historici, non tantum Franci, sed et Itali ac Siculi,
 tantur. Erat autem Carolo, modesto licet Principi, val-
 infensus, quod, cum filiam ejus pro Nepote suo peteret
 uxorem, repulsam tulerit, Carolo respondente, *et si Nico-*
us calceis rubris uteretur, ejus tamen sanguinem indignum es-
set, qui regio misceretur. Vid. autor hujus seculi Ricorda-
 s Malespina, Florentinus, in historia Florentina. Fuit fa-
 liae suae amplificandae adeo studiosus, ut quascunque
 mitates et divitias in suos studuerit conferri, sed et ani-
 volverit, duo regna ad familiam suam transferre, Etru-
 ie scilicet et Lombardiae, quae cogitabat erigere, sed
 rte praeventus est. Vid. Ptolemaeus Lucensis, et Jor-
 nus apud Raynaldum.

§. CLXXXIX. *Martinus IV.*, Gallus, successor ejus, ab

a. 1281. ad a. 1285., nomen suum celebravit, quod, cum inter duas potentissimas familias, Hannibaldensium, et Urfinorum, Roma distraheretur, et misere vexaretur, ita ut ex utraque familia unus debuerit eligi, qui Romam senatorio titulo gubernaret, Papa, ut his malis poneret obicem, eam dignitatem in se conferri fecerit, et Carolo Siculo commiserit administrandam, sed famosum reddidit, quod sub ipso terribiles illae, et ex orco natae, contigerint *Vesperae*, sic dictae, *Siculae*. De quibus, praeter alios, nuper egit adcurate P. Giannone hist. Neapolit. l. XX., Ptolemaeus Lucensis in annal. ad a. 1282., et alii. Referunt omnes, per totam Siciliam Gallos, uno eodemque die, spatio duarum horarum, quo tempore populus, sonitu camparum, ad vespertinos hymnos convocabatur, fuisse a Siculis occisos, cum nihil tale inermes expectarent, aut suspicerentur, nullo sexus aut aetatis habito discrimine; nec seculares tantum, sed ipsos etiam Dominicanos, Franciscanos, aliosque Monachos, inter carnifices fuisse. Tanto insuper furore saevitum est, ut mulieres Siculae, a Francis gravidae, fuerint exenteratae, et parvuli saxis adliti, ne quid Francisci superesset sanguinis. Caesa narrantur octo millia, et unicus ex tota Francorum multitudine tantum servatus Guilielmus Porcelletus, ob famam probitatis. Autor vero conjunctionis memoratur Johannes Porchyta, nobilis Siculus, a Carolo relegatus, foedereicto cum Petro, rege Aragonum, sciente et adprobante, ut supra notavi, Nicolao III. Papa.

§. CXC. Inmanis hujus stragis nuncio ad Urbanum Papam, et Carolum regem, qui tunc apud Papam erat, delato, Carolus, re cum Philippo, Francorum rege, communicata, se armavit, Papa Panormitanos excommunicavit, idemque fulmen minatus omnibus, qui regnum Siciliae invaderent, aut conjuratis opem ferrent. Quod cum Petrus Aragonum fecisset, ipseque, cum classe in Siciliam adpulsus, Rex esset proclamatus, Papa fulmen in eum vibravit,

vit, omnibusque ejus terris sacrum inposuit interdictum. Quae sententia exstat apud Raynaldum a. 1282. Cum vero Petrus non obediret, eum a. 1283. declaravit regnis ac ditionibus suis excidisse, subditis a juramento fidelitatis solutis, ejusque regiones Carolo Valelio, filio Philippi, Francorum regis, dedit. Vid., praeter Nangis in Chron., et Ptolemaeum Lucensem, epistola Martini apud Raynaldum. Cum vero Carolus et Petrus, ad litem de regno Siciliae finiendam, in duellum, etiam sub juramento, convenissent, Papa Carolum hac super re increpuit, et sub excommunicatione vetuit, juramento praestito declarato irritum. Exstant ibid. epistolae Papae. Duellum itaque non processit, nec reges in campum progressi sunt, secus ac nonnulli referunt. Admisit dein Papa Sicularum oratores, et ad genus sua provolvi, pacemque his verbis petere passus est, ter repetitis, *agnus Dei, qui tollis peccata mundi, miserere nostri!*, ut refert Paulus Aemilius in Philippo III., et Antoninus in Chronico. Ceterum, quanto Alemannos fuerit persecutus odio, vel illud testatur, quod totam Alemanniam unam dicatur petiisse piscinam, cujus pisces deglutire posset. Vid. Sigefredus, vel Siffredus, autor coaevus, in epitome Chron. a. 1278., et Historia Australis in collectione Freheri ad a. 1284.

§. CXCI. *Honorius* IV., a Cardinalibus non reclusus electus, migrata constitutione Gregoriana, sedem tenuit ab a. 1285. ad 1288.. Decreta Martini in Petrum Aragoniae et Siculos renovavit, quod se subdicere, et Carolum Claudum, Caroli Siculi, jam mortui, filium, quem captivum detinebant, dimittere nollent. Quam sententiam, Petro defuncto, pronunciavit quoque in ejus filios, Alphonsum et Jacobum, quorum ille in regnum Aragoniae, hic in Siciliae, successerat. Rudolphus Imperator vero, quod non erat negligendum, finxit quidem, scriptis ad Papam litteris a. 1285., se Romam, ad Imperialem coronam recipiendam, venire velle, sed, licet saepe id professus fuerit, semper

distulit, apologo usus AEsopico, de animalibus, a leone, ut regiam suam adirent, invitatis, et sola vulpe, cum nulum ex iis redire animadverteret, pedem retrahente; quo insinuavit Rudolphus, multos ante se reges intrasse Italiam laetos, sed paucos sine luctu et damno reverbos fuisse. Ceterum, quod decessores saepe urserant, ipse introduxit studium linguarum Orientalium, ad convertendos Saracenos, et reducendos schismaticos Orientales. Damnavit quoque pseudo-apostolicos: de quibus postea.

§. CXCH. Successit *Nicolaus IV.*, ab a. 1288. ad a. 1294., primus ex ordine Francisci Pontifex. Jura Ecclesiastica in Lusitania, quae Alphonsus III., et dein Sanctius, ejus filius, adripiebant, vindicavit, Tatarorum conversioni, de qua postea, operam dedit. In conversione Jacobitarum, Armenorum, et Tatarorum quid egerit, ex litteris ejus enarrat Bzovius a. 1292., expeditiones cruciatas promovit, Hungariae, cujus regnum censuit esse in clientela sedis Apostolicae, praefecit Carolum Martellum, Caroli II., Siciliae regis, filium, inquisitionem Venetam instituit. Sed rebus Siculis componendis, et Carolo, Salernitano Principi, liberando, praecipue incubuit, absque ut votorum fuerit compos factus. Dimissus quidem est Carolus ope Eduardi, Angliae regis, qui effecit, ut inter Alphonsum et Carolum, jam sub Honorio initum pactum a. 1287., sed ab eo ineditum, fuerit executioni mandatum, quod habebat, ut regnum Siciliae cederet Jacobo, fratri Alphonsi, Carolus Valesius renunciaret juri regni Aragoniae, a Martino concessio, et Papa exoraretur anathemate solvere Aragonos, et pactum firmare: sed nec Galliae rex, nec Papa Nicolaus, pacto stare voluit: imo hic illud abrogavit, et Carolum coronavit Regem Siciliae et Apuliae, iisdem sub conditionibus, quibus Carolus illud a Clemente acceperat. Postea tamen a. 1290., cum ad Aragoniam occupandam sese pararet Rex Franciae, nec ei resistere posset Alphonsus, rogavit Papam, ut pacem conciliaret; quod quidem a Papa factum

factum est, hac conditione, ut regnum Aragoniae redderetur Alphonso, ipseque sese Papae sistens, ac veniam deprecatus, absolveretur, sed ita, ut Aragonios et Catalaunos e Sicilia evocaret, efficeretque, ut Siciliae regnum restitueretur. Sed quibus renuit obedire Jacobus, propterea excommunicandus a Papa. Ceterum, moriturus narratur Cardinales juramento obstrinxisse, ut nemo, nisi e Minoritarum ordine, eligeretur Pontifex: ut Chronicon habet Belgicum magnum, inter Pistorii scriptores rerum Germanicarum, Vid. etiam Krantzius in Saxonia l. VIII.

§. CXCIII. Sedem papalem, post duorum annorum, et aliquot mensium, interpontificium, Cardinalibus discordibus, capessivit *Coelestinus V.* a. 1294., antea Petrus de Murronne, Monachus in monte Murronis, haud procul Sulmone, ubi austeram et eremiticam agebat vitam. Papa invitatus, sese, singulari exemplo, eodem anno sponte abdicavit, quatenus oneri ferendo sese judicavit inparem. Cum, ad ornamenta Pontificalia recipienda, pergeret Aquilam, non equo, sed asino, voluit, prae humilitate, vehi, fraena duobus Carolis, Patre et Filio, tenentibus, illo Siciliae, hoc Hungariae, rege. De miraculis, eo tempore patratiss, etiam aselli contactu, lubens sileo; vid. Westmonaster. in hist. a. 1294., illud notasse contentus, unde quaque ad eum, tanquam coelo delapsum, adeoque re et nomine Coelestinum, concurrisse homines. Inter gesta ejus, quae pauca fuerunt, memorabile est, quod Gregorii constitutionem de inclusione Cardinalium in eligendo Pontifice iterum confirmaverit, ut et pacis conditiones inter Carolum, Siciliae Regem, et Jacobum, Aragoniae. Cum vero nimis esset modestus, superbiam Pontificiam sustinere non valens, Cardinales, quos ad strictiorem adigebat observantiam, quorum praecipuus Cajetanus, eum omni ope ad se abdicandum compulerunt, et facile, quippe sua sponte ad id inclinatum, permoverunt: quare fabulam redolet, quod nonnulli tradunt, quosdam fuisse subornatos, qui, per arundinem

voce ad eum de nocte, quasi coelestus veniret, delata, dixissent, *Coelestine dimitte Papatum, si vis salvus fieri, negotium supra vires est*; ut refert Balaeus; cujus rei altum quoque est apud Veteres silentium. Vid. Spondanus. Facta itaque constitutione, licere Pontifici se abdicare, cessit sua sponte, eodem quo suscepit anno, laetusque in eremum secessit, ubi tamen tranquille non potuit degere, a Bonifacio varie vexatus. Vid. P. de Alliaco in ejus vita. Conscripsit quoque et ipse Coelestinus vitam suam, quam in cella sua reliquit, dum inde, Papa factus, recederet: sicut et postea fecit Abbas Celestinus, Telera Bipontinus; quae utraque recusa est in Bibl. M. Patrum, tom. XXV., ubi etiam opuscula ejus exstant. Sunt autem moralia et ascetica, ex Scripturae S. et Patrum sententiis contexta, sed saepe minus cohaerentia. Spirant simplicitatem et piam devotionem, simul stupendam credulitatem et superstitionem; uti ex. gr. *de miraculis Mariae virginis* opus. VI. Ceterum a Clemente V. sec. sequente Sanctorum catalogo est insertus, sed sub nomine *Sancti Petri confessoris*, quia sic vocabatur ante Papatum, inquit Ptolemaeus Lucensis in vita Clementis, apud Baluz. vit. Paparum Avenion. tom. I., qui addit, *per illud videri Clementem ratificasse renunciationem, quia noluit ipsum vocari Coelestinum*.

§. CXCLV. Excepit ipsum majoris animi, et longe diversae indolis, Papa Bonifacius VIII., de quo hoc Coelestini fertur dictum, *intravit ut vulpes, regnabit autem ut Leo, morietur ut canis*: ut tradit Walsingham in vita Edwardi I., et Warnerus Rollevink in *fasciculo temporum*, praeter alios. Sed autores hujus temporis nihil tale habent, videturque ex eventu fictum, cum Bonifacio haud male conveniat. Antea fuit adpellatus Benedictus Cajetanus, ex illustri stemmate Anagninae in Campania ortus. Electio ejus accepta ferenda est Carolo II., Siciliae Regi, cui illud regnum, si Papa fieret, promiserat, ut Ptolemaeus Lucensis, Joh. Villanius, et alii, referunt. Pompam coronationis

tur-

turbasse narrantur non tantum densissimae tenebrae, una cum terribili tempestate, lampadas, et cereos, in Ecclesia exstinguente, sed et commotio plebis, quae quadraginta hominum, et supra, necem secum traxit, quae mala futuri regimis omina sunt habita. Intravit autem sicut vulpes, quod Coelestino persuaserit abdicationem, Carolum multis promissis in partes traxerit, et omnia contraria praetenderit, Coelestino abdicationem dissuadendo, et pontificatum quasi invite suscipiendo. Qua ratione autores, quorum alii tradunt, eum Coelestino suasse, alii dissuasisse, conciliandi sunt. Emissis litteris circularibus spontaneam Coelestini abdicationem, Cardinalium concilio adprobatam, legitimamque suam electionem, notificavit, praeterea Coelestini constitutionem, de licita Pontificis abdicatione, non tantum corroboravit, sed et aliam addidit, quam lib. VIto. Decretalium, ab ipso confecto, inseruit; denique effecit, ut Aegidius Columna, ordinis Eremitarum Augustini, pro ipso hac de re scripserit apologiam, cum, qui de licita renunciatione dubitabant, non deessent. Litterae vero encyclicae, a Bzovio et Raynaldo publicatae, quibus professionem fidei edit, non videntur genuinae, cum antiquus iste mos, quo ante, vel post, consecrationem, solebant Papae fidei confessionem edere, ut ex *libro diurno* Pontificum Garnerii patet, non amplius viguerit, utique post seculum XI. nullum ejus occurrit vestigium: renovarunt eum postea sec. XV. concilia Constantiense et Basileense.

§. CXCv. Primam mox vertit curam ad Principes Europae, inter se dissidentes, uniendos, eo in primis scopo, ut expeditionem cruciatam promoveret; sed quae non aequè feliciter successit. Eduardum, Angliae regem, et Adolphum Nassaviae, Romanorum, qui Philippo Franciae bellum inferre moliebantur, frustra ab eo proposito abstrahere conatus est; nec plus apud Venetos et Genuenses, horum culpa, profecit. Feliciores fuerunt conatus apud Philippum Franciae regem, et Aragonios, inter quos pax est conciliata: inter

cujus conditiones et hae fuerunt, ut Franci juri in regnum Aragoniae renunciarent, et Aragoni Siciliam, et quicquid in Brutiis occupaverant, sedi Romanae restituerent, suisque copiis Siculos ad obsequium compellerent. Regem Daniae, cum Archiepiscopo suo dissidentem, quem etiam in vincula conjecerat, cum ad meliorem mentem frustra conatus esset reducere, censuris, et regnum interdicto sacro, subjecit: quod ad a. 1399. duravit. Siculos vero, qui Gallorum imperium odio habebant, et, ut se tuerentur, Fredericum, Jacobi Aragoniae fratrem, tunc Siciliae praefectum, creaverant Regem suum, cum nec blanditiis, nec minis, ab eo posset avertere, Jacobum Aragoniae constituit vexilliferum suum, et classem parari curavit, ut rem armis tentaret, licet infidelium praetenderit oppugnationem. Evocavit etiam Carolum Valesium, Comitem Andegavensem, Philippi Franciae fratrem, in Italiam, ut Siculos in ordinem redigeret, et Italiae factionibus obicem poneret. Quo fini ipsum ditionis Ecclesiae Romanae creavit Praefectum, Tusciae paciarium, et Imperii Vicarium. Fuit autem in Siciliae motibus componendis felicius Valesius, quam in Italiae; cum eo res redegerit, ut pax inter Carolum, Siciliae regem, et Fredericum, usurpatorem, fuerit a. 1302. sancita; quae a Papa fuit a. 1303. confirmata.

§. CXCVI. Praecipua ejus fuit concertatio cum Columnensibus, et Philippo Galliarum Rege, paulo adcuratius enarranda. Adeo studiosus fuit Papa factionis Guelficae, ut Gibellinos non tantum, sed et Columnenses, Gibellinarum partium, sibi adversantes, summo fuerit persecutus odio. Cum Cardinales Columnenses audivisset Genuae morari, Archiepiscopum Genuensem, qui die cinerum venerat Romam, ad pedes suos procidentem, adlocutus fertur in dura verba: quibus solennem formulam sacerdotis, *memento homo, quia cinis es, et in cinerem reverteris*, ita invertit, *memento homo, quia Gibellinus es, et cum Gibellinis in cinerem reverteris*: ut Blondus, Platina, et alii, referunt. Duo scilicet

cet Cardinales Columnenses, sive quod Gibellini essent, sive Coelestini abdicationi fuerint in initio adversati, nec non dein Bonifacii coronationi, variant enim autores, cum Papae essent odio, gravis inter ipsos, quorum erat Romae potentissima familia, et Papam, orta est dissensio, quae, occasione suppellectilis Papae, quum Romam transferbatur, direptae a Columnensibus, erupit. Papa enim eos omni privavit dignitate, cruciatam contra eos, et eorum fautores, instituit expeditionem, aedes eorum diruit, oppida quaedam occupavit et castella, et fugientes persecutus est. Columnentes quoque libello edito, et quaquaversum disseminato, Papam, ut illegitime electum, ambitionis et avaritiae plenum, imo tyrannum, diffamarunt. Exstat apud Raynaldum tom. III. in addendis. Inter eos, qui libellum refutarunt, eminet Aegidius Romanus, etiam Columna dictus, scripto apologetico pro Papa, sub titulo *de renunciatione Papae*. Cum vero nusquam tuti illis in oris essent fratres, inde aufugerunt, alter ad Regem Franciae, qui ipsum honorifice suscepit, alter, a piratis Massiliensibus interceptus, dure habitus, et Massiliam abductus, tandem agnitus, et a Rege redemptus, est. Qua vero ratione Papae perniciem fuerint moliti, mox referam.

§. CXCVII. Longe gravius fuit cum Philippo Pulchro, Rege Galliae, discidium: quod, licet ad initium seculi sequentis pertineat, hic, ut Bonifacii vitam pertexam, strictim et summatim narrabo. Prima, sed remotior, causa, quae eorum animos abalienavit, fuit, quod, cum Guido, Comes Flandriae, in regis offensam incurrerat, et in custodiam erat datus, Papa iusserit, ut, vel Flandro satisfaceret Rex, vel se ad tribunal sistat Apostolicum, Rex autem regefferit, se Papae in regni administratione non esse subiectum. Propiorem praebeuit causam constitutio Papae a. 1296., sexto decretalium libro inserta, de *immunitate Clericorum*, qua Regibus et Principibus interdicitur, decimas, aliave subsidia, quovis titulo, exigere a Clero, ut et

Clericis ea solvere, sine speciali permissu Papae, addita excommunicatione et solventibus, et exigentibus. Quae constitutio, Philippum in specie feriens, eum adeo exacerbavit, ut pecunias extra regnum vetuerit efferri, et extraneos ab aditu regni arcuerit. Papa in initio quidem acerbiores ad Regem misit litteras, sed dein, aliorum inductus consiliis, mitiorem indutus animum, mitigavit, respectu regni Franciae, constitutionem, voluntaria permitiendo donaria, licet petita, modo sine coactione, insuper declarando, ea petere et solvere licere in casu necessitatis, si regni aut regis salus exigat, etiam inconsulto Pontifice. Cum hac ratione dissidia viderentur brevi componenda, novae adceserunt causae, quae igni infuderunt oleum. Rex denuo irritatus est, quod Papa, arbiter, ex compromisso, factus controversiae inter Eduardum, Angliae Regem, cujus filio filiam desponderat, inconsulto Philippo, Guido Flandrus, et Philippum, qui filiam, tanquam oblidem, in sua detinebat potestate, secundum Eduardum et Guidonem pronunciaverat; licet, se non nisi consensu Philippi sententiam dicturum, ei promississet. Papae vero bilem movit, quod Rex patrocinaretur Columnensibus: expeditiones cruciatas, a Papa indictas, nollet promovere, quia bello Flandrico erat distractus, denique decimas, belli sacri causa collectas, tradere recusaret, nec alias in regno exigi permetteret.

§. CXCVIII. Erupit vero flamma a. 1300., cum Papa Bernardum, Apamiensem Episcopum, misit legatum ad Regem, qui eum ad expeditionem excitaret, decimas vero alio convertere, Ecclesiarum vacantium fructus retinere, eorumque titulos, sine consensu Papae, conferre, quod Rex fecisse dicebatur, vetaret. Mandatum insolenter admodum et superbe executus est Bernardus, cum, quod minas excommunicationis et exauktionis, nisi rex obediret, adjecerit, tum, suam a rege independentiam jactaverit, seque soli Papae, in Temporalibus aequae ac Spiritualibus, esse

esse subjectum, dictitaverit: crexerat in ejus gratiam Papa Episcopatum illum, invito Philippo. Qua insolentia in iram coniectus rex, cum, tanquam Majestatis reum, ob hoc et alia crimina capitalia, de quo vid. Petrus Marca concord. sacerdot. et Imper. l. IV., ubi dissidii historiam quoque narrat, tradidit Narbonensi Archiepiscopo custodiendum, et ab eo, aliisque Episcopis Provinciae, canonice judicandum. Papa hac de re per ipsum regem, qui honoris causa id fecit, simul episcopi exauktionem petens, ut justitiae traderetur, certior factus, et vehementius concitatus, misit Jacobum de Normandis, Archidiaconum Narbonensem, qui regi juberet, ut Bernardum dimittat, et ad Papam judicandum remittat, simul manus a rebus Ecclesiae abstinere: quod si recusaret rex, in mandatis habebat legatus, ut regnum Franciae ad sedem Apostolicam declararet devolutum, regem feriret anathemate, subditos juramento fidelitatis absolveret, et Praelatos Ecclesiae Gallicanae citaret ad Synodum Romae a. 1302. habendam. Quae cum legatus adgrederetur exsequi, litterae Pontificis ipsi ereptae sunt, et in ignem coniectae, Legatus, una cum Bernardo, carcere educto, longe facessere jussus est, edicto etiam publico prohibitum, ne quis de Clero Romam petat, pecuniam evehat, aut fulminantes Papae litteras suscipiat. Missus denique est ad Papam legatus, qui haec omnia ipsi intrepide nuntiaret; sicut fecit. Cum vero Papa dixisset, *nos habemus utramque potestatem*, regessit Petrus Flotta, is enim erat legatus, *utique Domine, sed vestra est verbalis, nostra autem realis*. Denunciavit mox publicas inimicitias Regi, diplomate evulgato a. 1301., quo cuncta privilegia et gratias, Regibus Franciae, et Clericis ac Laicis a Papali sede concessas, suspendit, decimas, aliaque subsidia, Ecclesiasticis inposita, et exigi et solvi vetuit. Asperiores praeterea scripsit ad Regem litteras, quibus multos excessus, in regno commissos, ei exprobrat, de quibus in proxima Synodo Romae ageretur, simul potestatem suam supra

regalem extollit, dicens, inter alia, *se a Deo esse constitutum super Reges et Regna, ad erellendum, destruendum, disperdendum, dissipandum, aedificandum, et plantandum, falli itaque regem, si existimet, quod superiorem non habet, nec subest summo hierarchae Ecclesiae*, addit, *desipere, qui sic sentit, et, si sit pertinax, eum esse haereticum et infidelem*. Quo eodem tempore brevior est ad Regem missa epistola, nomine Papae, in hanc formam: *Deum time, et mandata ejus observa, scire te volumus, quod in spiritualibus et temporalibus nobis subes. Beneficiorum et praebendarum ad te collatio nullae spectat* etc. Epistolam a Petro Flotta ita esse contractam, nec a Papa eam in formam profectam, contendit quidem Spondanus, sed sine ratione, nec id aut fuisse ausus, aut potuisset facere, legatus, cum sigillo Papae munitae debuissent esse litterae.

§. CXCIX. Ordinibus Regni a. 1302. a Rege, his acceptis, convocatis, ea cum indignatione communiter rejecta sunt, tanquam inaudita, et Regi Regnoque injuriosa, multa quoque de excessibus Papae sunt in medium adlata. Aliqui de Clero tergiversati quidem in initio sunt in ea consentire, sed postea ad sensum praebuerunt, venia tamen Papam adeundi petita; quod ipsis negatum est. Missis itaque litteris ad Papam rogavit Clerus, ut, quod Romam non veniat, aequi bonique consulat, simul ut concordiae studeat. Sed Rex, acerbioris stylo, in haec verba ad eum scripsit. *Philippus Dei gratia Rex Francorum, Bonifacio gerenti se pro summo Pontifice! sciat tua maxima fatuitas, in temporalibus nos alicui non subesse: Ecclesiarum et praebendarum vacantium collationem ad nos jure regio pertinere, fructus earum nostros facere: collationes a nobis factas et faciendas fore validas in praeteritum et futurum, et earum possessores contra omnes viriliter nos tueri: secus autem credentes fatuos et demones reputamus. Et has litteras fuisse, Rege inscio, scriptas, vel decurtatas aut interpolatas a Petro Flotta, absurde contendit Spondanus, cum in archivis regiis reperiantur, et nulla, praeter hypothesin, sit id statuendi ratio.* §. CC,

§. CC. Papa, his litteris ad eum delatis, primo conquestus est, coacto consistorio, litteras suas ab inimicis pacis esse falsatas, cum non scripserit, ut illis in litteris legi sibi (licet falso, cum verba ea ibi non reperiantur) relatum est, quod rex recognosceret regnum a Papa, dein declarat, se nolle usurpare jurisdictionem regis, attamen regem esse Papae subjectum ratione peccati, et posse Papam de omni temporali judicare respectu peccati, imo ipsi omnem competere jurisdictionem temporalem de jure, quia Vicarius Christi est, qui vivos judicaturus est et mortuos, sed eam de actu, et exercitio, Regibus esse concessam, quia Petro dictum est, *converte gladium in vaginam*. Adjungit denique, decessores suos exauctorasse tres Reges Franciae (de quo tamen nihil ex historia constat,) Philippum vero patrasse graviora, quapropter, inquit, nos deponeremus regem ita, sicut unum Garcionem. Insistit denique mandato de Clero Gallicano Romam venturo. Ex quibus clare constat, Papam; etsi verba emolliverit, re vera sibi supremam in Reges et Regna vindicasse, potestatem, sed indirectam, respectu peccati et Ecclesiae, cui subsunt Reges. Quod ex ejus constitutione, unam Sanctam, extra de majoritate et obedientia, luculentius adhuc elucescit: docet enim ibi, utramque potestatem esse penes Ecclesiam, temporalem subesse spirituali, et ab ea institui, ac judicari, papalem vero, vel spirituales, a nemine judicari, nisi a solo Deo, imo de necessitate salutis esse, Romano Pontifici subesse. Quam insolentem opinionem et hoc seculo refutarunt regiae auctoritatis studiosi, inter quos excellunt Aegidius Romanus, et Johannes de Parisiis, doctores et Theologi Parisienses; quorum exstant tractatus apud Goldastum de *Monarchia Imperii* tom. II.

§. CCI. Ultimum antequam Papa adhiberet remedium; misit adhuc legatum ad Regem, a. 1303., qui eum permoveret, ut Papae amice adurgeret, et de capitibus accusationis satisfaceret, quae tredecim erant, quorum summarum

una cum responso Regis, recenset Spondanus. Quae responsa cum Papae displicerent, nec Rex sese statim submittere vellet, Papa ultimam tandem sententiam excommunicationis in Regem tulit, quam legato misit, ut Regi intimaret, et in toto regno promulgari faceret, addito mandato, ut Ecclesiastici intra tres menses sese Romae coram Papa sistant. Sed qui has litteras et diplomata deferebat captus est Trecis, et in carcerem conjectus. Praeterea Ordinum in conventu Parisiis a. 1303. Gulielmus de Plessiaco vehementem habuit orationem investivam in Papam, qua ipsi, praeter varias haereses contra immortalitatem animae, vitam aeternam, praesentiam corporis Christi realem in eucharistia, inpegit atrocia crimina Simoniae, luxuriae gulae, saevitiae, sacrilegii, magiae, contemptus rerum sacrarum, necis Coelestini Papae, illegitimae intrusionis in sedem Papalem, fomenti bellorum et dissidiorum, odii in specie in regnum Gallicanum, etc. Decreta etiam ibi est adpellatio ad concilium universale, quam Clerus Gallicanus et Academia Parisiensis confirmarunt, addita tantum exceptione, *salvis in omnibus Ecclesiae Romanae honore et reverentia*, et adpellatione prolata dictione disjunctiva, ad *concilium*, vel *futurum legitimum Pontificem*, ad quem, vel ad quos, provocandum esset. Concilium itaque generale fuit papali auctoritate superius habitum. Petrus Marca de concord. sacerdot. et Imper. l. IV. c. 17., ubi in adpellationis ejusmodi originem inquit, et disjunctivam illam adpellationem exponit, rem haud parum palliavit, et involvit, ne Papalis auctoritas aliquid capiat detrimenti. De quo hic non est agendi locus.

§. CCII. Quibus ad Papam delatis, ipse vehementer est concitatus, et, postquam sese in consistorio a criminibus solenniter per juramentum purgasset, ad censuras in Regem et Regnum sese vertens, Regem devovit, Regno sacris interdixit, Academias jure docendi privavit, subditos fidelitate exsolvit, Regnum Alberto, Romanorum Regi, tradidit, *justitque,*

iussitque, ut illud invaderet, Flandros etiam et Anglos in Regem acriter concitavit. Sed, antequam hoc decretum in publicum emitteretur, Papa captus est, et brevi post mortuus. Captus est per Columnenses, aliosque, Anagninae conspiratione in eum inita, cum scriberet decretum illud, inscio, ut volunt, Rege Galliae. Recuperavit quidem post triduum libertatem, cum Anagninenses, sumtis armis, expulerunt conjuratos, Romam etiam magna cum pompa intravit, sed in ardentissimum mox incidit morbum, qui eum e vivis abstulit. Narrant nonnulli, eum inter maledicta in Regem coniecta instar furibundi decessisse, imo caput muro adfuisse, et ungues momordisse: sed quod alii silentio involverunt, alii etiam refutarunt. Sicut itaque ut vulpes intravit, et tanquam leo regnavit, ita mortuus est ut canis. Fuit quidem, teste ipso Johanne Villanio, *vir doctus, et multo rerum usu excellens, sed crudelis, ambitiosus, seseque avaritiae sordibus foedavit, ut gentiles locupletaret.* Habitus nihilominus est pro sancto a Romanis, et miraculis clarus. Ceterum instituit *Jubilaeum*, de quo postea, et sex-
tum decretalium librum, cujus maximam faciunt partem constitutiones declaratoriae, et sententiae, ab ipso factae, promulgavit.

§. CCIII. Ex historia Paparum, summatim tradita, clare elucescit, 1. Papas sibi supremam in temporalibus et spiritualibus, ut loquuntur, adrogasse potestatem: licet Gregorius X., in concilii Lugdunensis indictione, videri possit summam concilii generalis auctoritatem agnovisse, ubi dicit, se *ad id, ad quod se non sufficere sciat, convocare concilium.* Sed respicit ad unionem Ecclesiarum Latinae et Graecae, sine concilio vix efficiendam, cum ipsa Paparum auctoritas inter controversa fuerit capita. Ceterum, quae fuerunt censurae Papalis muneris specialia, egregie elucescit ex Coelestino V. Papa in opusculo VIII. c. 9., cujus verba propterea proferam. *Specialia Domini Papae sunt triginta quatuor. Translatio Episcopi, renunciatio electionis ejusdem, exceptio Episcoporum.*

porum, restitutio depositorum ab ordine, judicialis definitio, mutatio sedis Episcopalis, constituere sedem Episcopalem de novo, subicere unum Episcopum alteri, duos unire, et unum dividere in duos, commutatio voti, item, ut quem vinciat contra juramentum illicitum, vel de quo dubitatur an sit licitum: dispensatio etiam in majoribus criminibus; consuetudinem Ecclesiae circa regionem remove: quaestio fidei, celebratio concilii generalis, condere legem generalem, privare personam Ecclesiasticam jure suo, concedere Ecclesiam, vel praebendam, vacantem. Solus cognoscit simpliciter, solus potest excommunicatum a se ipso absolvere, vel a suo delegato, si steterit in excommunicatione per annum: solus cognoscit de causis ad eum delatis: solus ordinat diaconum, quem prius ordinaverat subdiaconum: solus concedit pallium, dispensat cum bigamo, et illegitime nato, vel defectum habente, ut promoveatur in Episcopum; item, ut habeat plura beneficia cum cura animarum: solus utitur pallio semper et ubicunque, solus dat subdiaconatum diebus Dominicis, vel festo: solus absolvit excommunicatum, scienter communicando ei, si per hoc intendat absolvere eum: ad eum solum adpellatur missis mediis iudicibus: item majora negotia sunt ad eum ferenda ubi dispensatur de Simoniacis, ut supra, et cum eo qui excommunicatus celebravit, vel ordinem suscepit. Singulare, et ideo hac occasione notandum, est, Bonifacium, ut refert Abbas Ursperg. in Paralipom., primo Jubilaei die sacerdotali habitu sese populo ostentasse, eique benedixisse, sed secundo imperiali pallio amictum compa-ruisse, et coram se duos gladios portare, et proclamari curasse, ecce hic duos gladios! quo sibi utramque potestatem civilem et Ecclesiasticam adrogavit. Denique, si quis fundamenta velit, quibus Petri primatus, cui Romanae sedis innititur, fuit hoc tempore superstructus, legat inter alia epist. Innocentii III. 209. lib. II. ad Patriarcham CPolit-
 num; inter quae, satis nota, illud singulare occurrit, quod
 eum Dominus adparuisset in littore discipulis navigantibus —
 — — Petrus se in mare misit, aliis navigio venientibus.

— — Czm

— — — *Cum enim mare mundum designet, — — — per hoc, quod Petrus se misit in mare, privilegium expressit Pontificii singularis, per quod universum orbem suscepit gubernandum etc.* Quo etiam mox trahitur, quod super aquas maris mirabiliter ambulaverat, ad Christum tendens etc.

2. Infallibilitatem in rebus fidei nec sibi Papae sumserunt, nec alii ipsis tribuerunt. De Innocentio III. supra vidimus. Totidem verbis illud falsus est Innocentius IV. in commentario ad 5 libros Decretalium, ubi inter alia docet, Pontifici non esse obediendum, si ejus mandata vel haeretica sint, vel Ecclesiam turbent, posse enim eum in rebus fidei errare etc. Deleta quidem sunt ea verba in recentioribus commentarii editionibus, sed in Indice manserunt: uti autor anonymus, in tractatu Gallico de autoritate Paparum tom. I. observavit. Attamen non defuerunt, qui Medii Papali infallibilitatem tribuisse videntur. Qualis fuit Guibertus Tornacensis, ordinis Minorum, in tractatu de officio Episcopi, et ceremoniis Ecclesiae cap. 35. in Bibl. M. Patr. t. XXV., ubi inter alia dicit: *sola Romana Ecclesia, cujus fides in nulla tentatione defecit, ut pote super Petram stabilitam solidata, nullis haeresibus, nullis erroribus, potest, vel potest, vel poterit inquinari.* Addit mox, solum Petrum vocatum esse a Christo in plenitudinem potestatis, cum omnes alii in partem sollicitudinis sunt vocati. Quid? quod ipse Innocentius III. ep. 209. l. II. verbis Christi ad Petrum, *ego pro te rogavi, ne deficiat fides tua etc.*, citatis, ita pergit: *ex hoc innuens manifeste, quod successores ipsius a fide Catholica nullo unquam tempore deviarent etc.* Contulerunt 3. multum ad autoritatem Papalem extollendam Scholastici, in primis Thomas Aquinas, multis fictis ex Cyrillo Alexandrino productis, ut Launojus et Dupinius agnoscunt. Sed 4. non defuerunt, qui ingravescenti Paparum autoritati sese opposuerunt, ut, inter alios, ex Regibus, in primis Fredericus II., et Philippus Pulcher, Galliarum Rex: ut ex supra dictis constat. Ipse Ludovicus IX., Sanctorum catalogo a Boni-

facio VIII. insertus, pragmaticam sanctionem paulo ante obitum edidit a. 1268., qua exactiones curiae Romanae, Simoniam in conferendis beneficiis, omne jus collationum quod Papae sibi vindicarunt, prohibuit. Edicta quoque ejus contra usurpationes Papae in jurisdictionem et auctoritatem secularem exhibet Goldastus tom. I. *Constitut. Imperal.* Eduardus I., Angliae rex, cum Bonifacius VIII. contendere, regnum Scotiae esse juris Ecclesiae Romanae, quae litterae apud Westmonasteriensem in *floribus histor.*, exstant, respondit, nec reges, aut regnum, Scotiae unquam aliis, quam regibus Angliae, subjici consuevisse, nec reges Angliae super illo suo jure, aut aliis temporalibus, coram aliquo tribunali Ecclesiastico respondisse etc.

§. CCIV. Denique 5. tyrannidem, foedamque corruptionem, uti avaritiam, libidinem, fastum, luxuriam etc. Curiae Romanae multi, praeter Albigeneses et Waldenses, vivis depinxerunt coloribus: inter quos eminent in Germania Petrus de Vineis, in *epistolis et invektivis*, Abbas Urspergensis, Johannes Semeca, et Nicolaus de Bibrach, Theologus Erfordiensis circa a. 1290., scripto libello, cui titulus *Oculus*, ex quo quaedam in Papas et Episcopos profert Flaccius in *catalogo testium veritatis*, lib. XVII., cujus in Martinum IV. ita habet epitaphium,

Hic jacet ante chorum submersor Teutonicorum.

Pastor Martinus, extra qui totus ovinus.

Et lupus introrsus, cui nulla redemptio prorsus.

Sed sit ad inferna detrusus ab arce superna.

Verba Abbatis Ursperg. de *questu curiae Romanae*, in Chron. p. 321. excerpti, et hic legi, merentur, *Gaude mater nostra Roma, quoniam aperiuntur cataractae thesaurorum in terra, ut ad te confluant rivi et aggeres nummorum in magna copia. Laetare super iniquitate filiorum hominum, quoniam in recompensatione tantorum malorum datur tibi pretium. Jucundare*

super adjutrice tua discordia, quia erapit de pateo infernalis abyssi, ut accumularentur tibi multa pecuniarum praemia. Habes, quod semper sitisti, decanta canticum, quia per malitiam hominum, non per tuam religionem orbem vicisti. Ad te trahit homines, non ipsorum devotio, aut pura conscientia, sed scelerum multiplicium perpetratio, et litium decisio pretio comparata. In Gallia Gulielmus, Parisiensis Episcopus, circa a. 1220., qui Romanam Ecclesiam adpellavit Babylonem, Sodomam, Aegyptum, cujus Praelati non aedificant, sed destruunt Ecclesiam, varia scripsit; quae duobus voluminibus in Fol. prostant, opera Ferrarii. Johannes Parisiensis, qui de Regia potestate et Papali pro Philippo Pulchro scripsit. *Probus*, Episcopus Tullensis, Franciscanus, de quo refert Aventinus, Annal. l. VII., eum fuisse invecum in *Romulojos vultures*, et *Pontificum flagitia, luxum, avaritiam, superbiam*, etc. Gulielmus de S. Amore, Doctor et Theologus Parisiensis, in libro de *periculis novissimorum temporum*, contra praedicatores mendicantes, quorum erat summus adversarius, iisdem insistens vestigiis, de quo postea: denique Petrus Johannes Olivus, dioecesis Bituricensis Minorita: cujus articuli in Romanam Ecclesiam, tanquam Antichristianam, meretricem Apocalypticam, Babylonem etc., ex libro ejus in Apocalypsin excerpti ab Inquisitoribus, exstant apud Baluzium in Miscellan. tom. I. Inter Anglos hac parte primas tenet Robertus Grossetest, vel Grossehand, alias Capito, Episcopus Licolnicensis, vir eruditionis et pietatis laude celeberrimus, qui in Curiae Romanae, et Monachorum, vitia liberrime est invecum, in *sermonibus et epistolis*. Quae opuscula sunt edita in *fasciculo rerum expetendarum et fugiendarum* tom. II. Habet etiam quaedam Matthaeus Parisiensis a. 1253., et ex sermone aliquo Joh. Hus de ipso, *catalogus test. ver.* lib. XVI. Roma, quam, ut curiae Romanae tyrannidem et exactiones in Anglia reprimeret, adiit, re infecta cum discessisset, licet bene ibi fuisset habitus, acrem scripsit ad Papam Innocentium IV. epistolam, quae

ipsum in summam coniecit iram, ita ut dixisse feratur: *per S. Petrum, et S. Paulum, tam terribiliter ipsum puniam, ut orbis obtupefcat*, quam retulerunt Cardinales, dicendo, *vera esse, quae dicebat*. Vexatus, vel excommunicatus, propterea a Papa, flocci id fecit. Vid. Matthaeus Parisiensis, qui, querimonia ejus de Romano Pontifice exposita, adjungit, vere de curia Papali judicari, et dici

Ejus avaritiae totus non sufficit orbis.

Ejus luxuriae meretrix non sufficit omnis.

Exstat quoque Petri Cassiodori, Equitis Angli, epistola de tyrannide Papae excutienda, apud Goldastum in *Monarchia Romani Imperii* tom. VI. Denique Gualterus Mapes, Archidiaconus Oxoniensis, Romanae curiae vitia et flagitia *taxavit* in rythmis de *corruptissimo statu praelatorum Romanae curiae*, apud Wolfium Memorab. tom. I. Ipse insignis historicus Matthaeus Parisiensis nullam idem faciendi praetermisit occasionem: apud quem idem praeiit Germanus, Patriarcha CPolitanus, in epist. ad Gregorium IX. et Cardinales. Prolixa Matth. Paris. excerpta reperiuntur in *Catalogo test. Ver.* lib. XVI.

§. CCV. *Cardinales*, post Papas in Ecclesia honoratiores inter Clericos habiti, ad quos etiam sede vacante potestas Papalis devolvebatur; ut adfirmavit Matth. Paris. a. 1243. p. 533. coeperunt jam uti calceis et vestibus purpureis, uti de Pelagio, legato Innocentii III. ad Graecos, testatur Georgius Logotheta in Chronico, a Leone Allatio latine verso, et illustrato. Cujus rei etiam meminit anonymus autor vitae Gregorii IX., qui hoc seculo vixit. Mentio praeterea fit capelli, seu galeri, rubei, sub Urbano IV., quem acceperunt sub Innocentio II., qui illum honorem ipsis decrevit in concilio Lugdunensi I., ut Nicolaus de Curbio in ejus vita tradit, qui addit, Cardinales anno sequente, seu 1246., eo usos esse in colloquio inter Papam et Ludovicum

IX. habito. Ratio autem purpurei coloris datur, ut semper recordarentur, se capita pro Ecclesiae libertate tuenda debere offerre ad mortem.

§. CCVI. *Episcopi*, de quibus pauca habeo observata, 1. canonice et libere fuerunt electi a Capitulo, sed licentia eligendi a Regibus concessa, et electione ab illis approbata. Erat itaque non amplius penes Clerum et populum, ut antiquitus, sed ad solum capitulum devoluta, ad imitationem aulae Romanae, in qua electio fiebat a Cardinalibus. Deinceps sec. XIV. tractae sunt electiones Romae, per provisiones et expectativas, sed sec. XV. per concordata Germanica restituae Capitulis. 2. Electi confirmabantur a Metropolitano, sicut Metropolitani ab Episcopo Romano. Erat autem intra tres menses petenda confirmatio. 3. Inceperunt jam sese adpellare Episcopos *per gratiam sedis Apostolicae*, cum antea vel *Episcopos*, vel, uti post seculum VI., *per misericordiam Dei*. Primi id fecerunt Nicosiae Archiepiscopi; deinceps seculis sequentibus id magis invaluit. Vid. *traite de l'autorite du Pape* lib. III. p. I. cap. 2. 3. Juramentum fidelitatis et obedientiae praestare tenebantur Papis, et Regibus suis. 4. Cessiones Episcoporum, et translationes, fieri, sine Papae autoritate, non poterant: cujus rei rationem repetiit Innocentius III. a conjugio spirituali inter Episcopum et Ecclesiam, quod carnali conjugio est arctius: unde derivat, illud non nisi a Deo esse solvendum, et per consequens a solo Christi vicario: cujus potestate conjugium illud solvitur, sive per cessionem, sive translationem, sive depositionem. Quae omnia constant ex cap. *inter*, de *translatione Episcopi*. Vid. etiam Epist. 117. et 447., 532. lib. I. 5. Alia beneficia praeter Episcopatum fas non erat tenere, nisi Papalis accessisset dispensatio. Cardinales itaque facti, Episcopatum sine ea dispensatione retinere non poterant. Commendae vero beneficiorum, quibus administratio aliis concedebatur, absque ut proprius ibi esset Praelatus, nonnunquam a Papis concessae sunt, Tom. VI. Hh saepe

saepe etiam revocatae, et vetitae, cum multa hinc orizentur incommoda. Haec autem beneficiorum coacervatio, et collatio, sub titulo *commendae*, vel curae, aut administrationis, nomen et conspectum habuit *polygamiae* spiritualis. 6. Jurisdictio competebat Episcopis in Clericos, tam in criminalibus, quam civilibus, causis, nullo relicto loco iudicio seculari: sicut multae Paparum, et Conciliorum, evincunt constitutiones. Sed viguit hac super re disceptatio inter Clericos et Laicos Galliae, quorum hi contenderunt, casus quosdam esse excipiendos, in quibus Clericorum iudicium ad seculares pertinebat, uti *a.* in crimine furti *b.* in clericorum conjugatorum delictis *c.* si Clerici sine tonsura et veste clericali essent in crimine deprehensi *d.* si de ipsorum conjugibus ageretur *e.* Clericos in terris Baronum capi non posse. Ecclesiasticorum causam egit Petrus Bertrandi, Aduensis Episcopus, secularium vero Petrus de Cugnerus, regius advocatus a. 1329. Extendebat sese praeterea Episcoporum jurisdictio ad nonnullas causas Laicorum; adeo ut ad forum Ecclesiasticum tractae sint, praeter usurae crimen, et adulterium, causae Nobilium, ratione iuramenti, fidei, testamenti, matrimonii; sed et aliae eo deferri poterant, ut sacrilegia, causae viduarum, et alia. Saepe tamen seculares se opposuerunt, variasque causas ad se traxerunt: de quo conquestus est Durandus, Episcopus Mimatensis, in tractatu de *modo concilii generalis* celebrandi. 7. Denique causarum Episcopaliū prima cognitio pertinebat ad Metropolitanos, et concilia provincialia, sed finitiva et ultima ad sedem Papalem. Innocentius tamen III. primam causarum Episcopaliū cognitionem ad se videri posset traxisse, nisi verba ejus molliorem ferant interpretationem, et ad finitivam trahantur sententiam: uti disputat Natalis Alexander cap. VII., de his omnibus legendus.

§. CCVII. Quod ad reliquos adinet Clericos, eos 1. sine titulo beneficii aut patrimonii fas non erat ordinari. 2. Praebendae cathedralium Ecclesiarum, ab Episcopis et

ca-

capitulis, five utrisque conjunctim, five a singulis seorsim, conferebantur. 3. Sed Papae, five mandatis, five reservati-
onibus, multa conferebant beneficia, simul jus ea conferendi
sibi adrogarunt; cui juri Gallicani et Anglicani strenue con-
tradixerunt: unde varia sunt orta certamina, diversa etiam
Paparum statuta, quorum alia palam defenderunt mandata,
et reservationes, alia mandatis substituerunt preces, ita ut
non exegerint, sed precati fuerint, beneficiorum collatio-
nes in hos vel illos, alia denique restrinxerunt ad beneficia
in curia Romana vacantia, quam tamen curiam latius ex-
tenderunt. Papae itaque, cum antea precibus, dein manda-
tis, agerent apud ordinarios collatores, nunc directo confer-
re coeperunt beneficia, nec hoc solum, sed ante vacationem
clabant *expectativas*, vel pleraque beneficia, in quibusvis reg-
nis, suae *reservabant* collationi: unde multae sunt ortae li-
tes, et in conciliis Constantiens. ac Basiliens. sec. XV.
modus est inpositus, sed sine executione: dein per concor-
data nationis Germanicae id factum est. Vid. Cl. Boeh-
mer. Jur. Eccles. l. III. tit. V. Denique 4. solebant be-
neficia in Ecclesiis et monasteriis ad primas Principum pre-
ces conferri: sed Reges Franciae nonnulla pleno jure id
faciebant, in primis jure *Regaliae*. Continet autem illud
a. collationem beneficiorum, vacante sede Episcopali, quae
curam animarum non habebant conjunctam; quorum colla-
tio ceteroquin ad Episcopum pertinebat. b. usumfructum
redituum Ecclesiae, seu jus fruendi redditibus Ecclesiae, non
his tantum, qui ex feudis proveniunt, sed universis. Ad-
pellatur jus *regium*, et *regalia*, quod nobilioribus regiae
dignitatis, et ei propriis, sit accensendum partibus. Fun-
datum vero est i. in custodia et defensione Ecclesiarum,
cujus causa honorarium competit defensoribus Ecclesiae,
situm in usufructu reddituum Ecclesiae vacantis, et praeben-
darum collatione, quae inter fructus solet computari.
2. in natura feudorum regalium, quem conspectum habent
bona in Ecclesias, et Ecclesiasticos, collata. De quo ad sec.

XI. in Gregorio VII. exposui. Quo utroque fundamento Reges Galliae jus *regaliae* semper exercuisse, probat Natalis Alexander ad hoc sec. 5. Beneficiorum vero pluralitas, maxime quibuscum conjuncta erat animarum cura, et residentiae necessitas, variis canonibus, et decretis, fuit damnata.

SYNODI.

§. CCVIII. Triâ hoc seculo celebrata sunt concilia Generalia, quae nostram merentur adtentionem, apud Latinos Lateranense IV. Lugdunense I. et II. Primum fuit ab Innocentio III. a. 1213., missis quaquaversum litteris, indictum, post duos annos et dimidium habendum Romae, in Basilica Lateranensi, tribus de causis, in litteris expressis, recuperatione terrae Sanctae, extirpatione haeresium et haereticorum, ac universali Ecclesiae reformatione. Ad quod jussu ingente numero venerunt Praelati Romam, qua Ecclesiastici, qua seculares, a. 1215., quo anno incepit mense Novembr. Papa praesedit, interfuerunt Oratores Regis Siciliae, tunc Romanorum Regis, Imperatoris CPolitani, Regum Galliae, Angliae, Hungariae, Hierosolymae, Cypri, et Aragoniae: praeterea Patriarchae CPolitanus et Hierosolymitanus, legati vero Antiocheni et Alexandrini, Primates et Metropolitani septuaginta septem, Episcopi supra 412., Abbates et Priores ultra 800. Absentium Praelatorum et Capitulorum procuratores innumeri. Fuit itaque inmensus undiquaque confluxus, et si Graeci ac Orientales, qui cum Ecclesia Latina dissentiebant, adfuissent, Oecumenica, summo gradu, haberi potuisset, nunc, pro Ecclesiae Latinae universali quominus agnoscat, nihil impedit; soletque a Latinis adpellari Oecumenicum *duodecimum*. Historia Synodi ex Abbate Urspergenſe, et Matthaeo Parisiense, praecipue petenda est, et canones septuaginta, hic conditi, in tomis Conciliorum reperiuntur, etiam apud Magdeburgenses, centur. XIII. §. CCIX.

§. CCX. Sunt autem ejus acta et decreta 1. fidei catholicae definitio, quae nihil particulare habet, nisi quod Transubstantiatio fuerit sancita, et, praeter articulos Symboli, baptismi, et parvulorum et adultorum, efficacia ad salutem. 2. Omnes sunt damnatae haereses, nominatim Almarici, et Joachimi Abbatis: de quibus postea. 3. Decretum de extirpandis haereticis, et morte plectendis, si-ve brachio seculari tradendis, hic etiam cusus est. De quo etiam postea. 4. Expeditio in terram Sanctam decreta est, amplissimis concessis indulgentiis. 5. Dux Comitum Tolosani, quam Innocentius custodiae Simonis, Comitis Montisfortis, tantum tradiderat, ipsi in perpetuam possessionem est data, teste Petro de Valle Cernaii in historia Albigenensium. Ipsa vero sententia prostat in Spicilegio Dacheriano tom. I. Qua ratione Comes Tolosanus, ob Albigenensium defensionem, terris suis privatus est. De quo postea. 6. Excommunicationis sententia est ab Innocentio in Proceres Anglos, qui in Johannem, Angliae regem, conspiraverant, lata, eorumque regiones sunt interdicto sacro subjectae. Vid. Matthaeus Parisiensis a. 1216. Frederici II. electio, rejecto Othone, et hic 7. confirmata est, teste anonymo, autore aequali, apud Raynaldum. Denique 8. multa, ad disciplinam Ecclesiasticam pertinentia, hic sancita sunt; ut ex undecim ejus canonibus patet. Nonnulli quidem Protestantium opinantur, hos canones non a concilio, sed a Papa, post illud, esse confectos, sed sine solida ratione. Concilium enim Lateranense, hic citatum, non est hoc ipsum, sed *II^{um}*, sub Alexandro III. Matthaeus vero Parisiensis, ubi dicit, *recitata esse in pleno concilio capitula septuaginta, eaque aliis placabilia, aliis visa esse onerosa*, sicut ea fuisse recitata tradit, ita non addit, rejecta esse, tantum nonnullis visa onerosa, quod majoris partis approbationi non adversatur. Vid. Natalis Alexander diss. I. ad hoc sec., qui genuinos esse hujus Synodi canones demonstrat.

§. CCX. Inter canones nostra digni sunt adtentione sequentes, quos tantum adtingam. 1. Stabilitur canone V. Pontificia potestas universalis in omnes per orbem Ecclesias, et Romana Ecclesia dicitur *mater universonum Christi fidelium et magistra*: post eam reliqui throni Patriarchales hoc recensentur ordine, CPolitanus, Alexandrinus, Antiochenus, et Hierosolymitanus. 2. Datur quoque canone III. Pontifici potestas exauctorandi Reges et Principes, propter haereses, vel favorem haereticis praestitum. Canon enim iste sese, quod aliqui putant, ad inferiores et feudatarios dominos non patitur restringi, sed ad Imperatores et Reges sese quoque porrigit, ut vel sola ejus inspectio evincit. 3. Auricularis confessio sancita est canone II., de qua postea. 4. Prohibet canon 43. Clericis juramentum fidelitatis praestare Laicis, a quibus nihil temporale tenent. 5. Canon 46. tributa, aliave onera, vetat inponere Ecclesiasticis, ne quidem dona gratuita permittit ab illis conferri, sine Papae consensu. 6. Privilegium concedit canon 58. Episcopis officia celebrandi divina, januis clausis et secreto, quum terra est interdicto subjecta, exclusis excommunicatis, et interdictis. 7. Jubentur canone 5. quatuor sedes Orientis, CPolitana, Alexandrina, Antiochena et Hierosolymitana, pallium a Romano Pontifice sumere, quod est plenitudinis Pontificalis insigne, sed ante praestito fidelitatis et obedientiae juramento, salvis adpellationibus ad sedem Apostolicam, ad ipsos adpellari posse. 8. Multi denique sunt conditi canones contra vitia Simoniae, avaritiae, libidinis etc., Clericorum.

§. CCXI. Secundum concilium, universale *decimum tertium* inter Latinos, Lugdunense I. a. 1245. ab Innocentio IV. habitum est, praecipue in causa Frederici II., qui in eo est exauctoratus: ut supra narravi. Interfuerunt, praeter Papam et Cardinales, tres Patriarchae, CPolitanus, Antiochenus, qui tunc Latini erant, et Aquilejensis, Archiepiscopi 140.; ex Principibus vero Balduinus, Imperator CPolitanus

CPolitanus titulo tenus, Tolosianus Comes, et Ludovici IX., aliorumque, oratores; sed nulli Praelati e Palaestina, praeter Berytensem Episcopum, nulli ex Hungaria, paucissimi e Germania. Longe minore jure itaque ei titulus Oecumenici convenit. Rationes convocati concilii, quas Pontifex in oratione praevia exposuit, fuerunt quinque. 1. Tatarorum in terras Christianorum irruptio. 2. Schisma Ecclesiae Graecae. 3. Haereses pullulantes Waldensium, Albigensium, et Gibellinorum. 4. Clades Hierosolymitanis illata a Saracenis Chorasminis, quos Sultanus Aegyptius exstiterat. 5. Causa Frederici II. Historia Synodi petenda est ex Sterone in annalibus apud Canisium in Antiq. Lection., Alberto Stadenſe, et Matthaeo Parisiense. Decreta sunt sequentia. 1. Frederici exauctoratio. 2. Subsidium Balduino dandum, ut se contra Graecos schismaticos in regno CPolitano tueretur. 3. Tatarorum motus observandi ac reprimendi. 4. Expeditio Crucata in terram Sanctam, cum indulgentiarum concessione. 5. Octava natalis Mariae restituta est. Constitutiones sunt editae ad judiciorum Ecclesiasticorum reformationem. Denique 7. observandum est, legatos Henrici III., regis Angliae, ad Synodum fuisse missos, qui concessionem regis Johannis de censu annuo pro Anglia, Hiberniaque, Ecclesiae Romanae solvendo, contradicerent, de Martino, nuncio Papae in Anglia, quoque conquererentur, tanquam qui potestate sua abutebatur, in collatione beneficiorum extraneis, patronorum jure violato, in pecunia extorquenda, excommunicationis, et interdicti sententia etiam in eos lata, qui solvendo non erant. Nihil non tantum hac in re actum est, sed Papae auctoritate factum, ut Episcopi Anglicani subscripserint *chartae Johannis Regis*.

§. CCXII. Tertium concilium, Oecumenicum *decimum quartum*, est *Lugdunense II.*, a Gregorio X. indictum, et a 1274., celebratum. Praefuit Papa quidem, sed ad ejus nuntium illud direxit Bonaventura, ab eo specialiter evoca-

tus, cum Toma Aquinate, in itinere mortuo. Adfuerunt praeter Latinos Orientis Patriarchas, Episcopi 500, Abbatibus 70, Praelati inferiores 1000, denique, praeter oratores Regum, ipse Jacobus, Rex Aragoniae, sed qui, post secundam sessionem, mox discessit, indignatus, quod regnum suum vectigale, et annuum tributum sedi Romanae solvendum, vellet Papa, nec, nisi sub hac conditione, coram inponere, ut refert Mariana. *Causae* coacti concilii fuerunt. 1. Ecclesiarum Graecarum cum Latinis redunitas. 2. Subsidia nova petita ab Orientalibus. 3. Disciplina Clericalis et morum correctio. Decreta et acta summa huc redeunt. 1. Ecclesia Graeca fuit Latinae subiecta Oratoribus Graecis; ut postea narrabo. 2. Triginta constitutiones, ad disciplinam spectantes, sunt conditae, sed partim in Synodo, partim extra eam a Pontifice, teste praefatione Gregorii. Inter quas nobis memorandae sunt sequentes. *α.* Electio Pontificis a Cardinalibus inclusis facienda confirmata est. *β.* Jus regaliae est Regibus et Principi ereptum, vel inminutum. *γ.* Reliquae de Clericorum electione et immunitatibus agunt, quae nihil singulare habent.

DISCIPLINA.

§. CCXIII. Characterem seculi, et periodi Antichristiani constituit, quod in Synodo Lateranense IVta decreta sunt poena capitalis in haereticos, et tribunal Inquisitionis fuerit erectum. Decretum Synodi, ab Innocentio III. cusu habet, haereticos damnatos, excommunicatos, etiam, Clerici fuerint, degradatos, secularibus potestatibus tradendos, ut poenis temporalibus adficiantur. Sancit praeterea eodem canone 3tio est, ut seculares potestates omni ope, etiam per censuras, eo compellerentur, ut haereticos in terris suis exstirpent; quod si facere neglexerint, excommunicarentur Reges et Principes, et a Papa exauctorentur, denique Catholicis, qui, cruce sumta, ad haereticos con-

corum se adcinxerint exterminium, illa promittitur indulgentia, illudque privilegium, quod accedentibus ad terrae sanctae subsidium conceditur. Postremo, fautores, receptores, defensores, haereticorum, vel, qui iis excindendis non invigilant, severae subjiciuntur censurae. Tyrannica itaque disciplina haereticidii publice est in Latina Ecclesia hoc seculo stabilita, sed non in Graeca, quae sese, quod notandum, a poenis, dissentientibus infligendis, declaravit alienam, apud Cotelierum in monumentis Graec. tom. III. p. 515. Nec hoc decreto contenta fuit Ecclesia Pontificia, verum, ad illud exactius extequendum, erexit quoque *tribunal* aliquod *inquisitionis*, quo nihil injustius et terribilius sol vidit; cuius adcuratio omnino danda est notitia, petenda ex historia inquisitionis, qualis in Goa exercetur a Lusitanis, quam autor ex propria descripsit experientia, nec non ex Limburgii historia Inquisitionis, et Pauli Servitae historia Inquisitionis Venetae, quae aliquid habet particulare. Ex antiquioribus in primis consulendus est Nicolaus Eymericus, Inquisitor generalis in Aragonia sec. XIV., qui *directorium Inquisitorum haereticae pravitatis* scripsit a. 1376., varie editum, et illustratum a Francisco Pegna, publicato quoque libro de *forma procedendi contra inquisitos de haeresi*, Venetiis inpresso a. 1587. Alios autores mitto. Vid. Fabricius in *luce salutari per orbem* cap. 33., qui eos magno numero citat. Dabo inquisitionis intellectum, antequam ejus originem et progressum enarrem. Ad intellectum pertinent ejus ministri, personae circa quas versatur, forma et processus, denique effecta. De quibus ordine exponam.

§. CCXIV. Cum Episcopi, quorum erat in haereticos inquirere, et censuras exercere, hoc munere segnius fungerentur, alii sunt hoc seculo instituti, quibus haec demandata est provincia. Primus fuit Inquisitor Rainerius, Waldensium ante Episcopus, dein apostata, et Praedicatorum ordini adscriptus, de quo supra, suo loco, egi. In ipsum est ab Innocentio III. plenae legationis officium

Tom. VI.

Ii

collatum,

collatum, per provincias Aquisensem, Arelatensem, et Narbonensem, cogendi haereticos redire ad Ecclesiam, et *percellendi poena canonica contumaces*; ut Innocentii epist. 122. lib. II. habet. Vid. etiam ep. 123., et aliae plures similes, ut l. I. ep. 94. et l. II. ep. 123. Haud diu post ab eodem Papa Inquisitoris officium est Dominico, ordinis Dominicanorum fundatori, datum, qui in haereticos inquirendi, nec non in Episcoporum studium eos extirpandi, denique Principes ad bellum contra eos excitandi, potestatem accepit. Quo munere functus est post concilium Lateranense IV. a. 1215., tamque fideliter et severe, ut ipsius Ordini fuerit adligatum, ita tamen, ut ex Franciscanis, seu Minoritis, passim aliqui fuerint adjuncti. Nec tamen separatum tribunal nactus est Dominicus; quale quid per Innocentium IV. demum est erectum, quod negotium fidei unice tractaret, in quo iudicium pronunciarent Inquisitores solius Papae nomine. Qualia tribunalia primum introducta sunt in Italia, inter Praedicatores et Minoritas divisa; cui utrique Ordini officium fuit assignatum. Praeterea, cum Papam saepe necesse haberent consulere Inquisitores, et ita Romam adire, quando officii exercitium interrompebatur, Urbanus IV., ut huic malo mederetur, instituit a. 1263. Inquisitorum omnium *Generalem*, Romae residentem, quem per litteras consularent, quique cum Papa ageret: quorum primus fuit Johannes Cajetanus Ursinus, Cardinalis, postea Papa Nicolaus III. Deinde, progressu temporis, cum unus Generalis Romae non sufficeret, Paulus III. a. 1542. deputavit sex Cardinales Inquisitores Generales, in omnibus orbis Christiani locis, cum summa potestate, quam sequentes Papae adhuc auxerunt: a quo tempore concilium inquisitionis supremum est formatum, cui omnes reliqui Inquisitores essent subiecti.

§. CCXV. Quibus praemissis, ad Inquisitores, aliosque, qui iis inserviunt, adcuratius describendos accedo. Inquisitores sunt *iudices extraordinarii*, ex Praedicatorum, vel Minorum,

norum, Ordine (ab Episcopis, qui ordinarii sunt, diversi) a *Papa Romano*, supremo fidei Iudice, *delegati cum plena jurisdictione in haereticos et apostatas*. Eligi solebant a Magistro et Prioribus Provincialibus Ordinis Praedicatorum, vel a Generali et Provincialibus Ordinis Minorum, sed postea vel a Papa, vel a Cardinalibus Inquisitoribus Generalibus, ut nunc fit, licet in Hispania a Praefide Inquisitionis generali, ex quo suprema ejusmodi concilia quoque in Hispania et Lusitania sunt instituta. Ab iis porro solis, a quibus electi sunt, deponi possunt, alias durant ad vitam, solique Papae subiecti, et omni alia jurisdictione exempti, sunt; tantum cessat munus, si Episcopalem, aut aliam dignitatem, consequantur. Eorum autem *Vicarii* sunt vel *generales*, qui ipsorum, cum absunt, locum supplent, vel *foranei*, in singulis civitatibus constituti; qui utrique ab Inquisitore instituuntur. Habet praeterea Inquisitor *adfectores*, Theologos, Canonistas, et Jurisconsultos laicos, quos consulere debet, absque ut eorum sententiam necessè habeat sequi. Theologorum est respondere de qualitatibus causae, sitne haeretica, an erronea, aut schismatica, aut seditiosa, aut injuriosa, aut temeraria etc., quare adpellantur *qualificatores*, Canonistae rogantur, num concilia, aut Papae, aliquam propositionem condemnarint, Jurisconsulti vero de processu juris observando, inde dicti *consultores*. Eliguntur vero adfectores vel ab Inquisitore, vel a Cardinalibus Inquisitoribus generalibus; debent juramentum secreti praestare consultores, et, quod singulare est, nomina testium ipsis occultari solent, quare non nisi vaga dare possunt consilia. Ejusmodi autem adfessoribus opus est, quia inquisitores, ut plurimum, sunt ignorantes; de quo multa prostant exempla.

§. CCXVI. Alios ministros recensuisse suffecerit. Sunt autem 1. *promotor fiscalis*, qui accusatoris gerit personam, et ex alia, quam ubi officium administrat, esse debet provincia. 2. *notarii et secretarii*, qui *denunciations*, accusatio-

ones, testium depositiones, reorum responsa, eadem lingua et verbis, quibus data sunt, scribunt, praeterea habitus, seu accidentia, respondentium, ex. gr. si facies colorem mutaverit, si trepidaverint, etc. 3. *Judex*, et *receptor* bonorum publicatorum, quorum ille litem inter fiscum et privatos, respectu bonorum, dirimit, hic recipit bona, vendit, et pecunias distribuit, etiam thesaurarius dictus. 4. *Executores*, et *officiales*, qui mandata inquisitorum exsequuntur, reos comprehendunt, custodiunt, etc. 5. *Stipatores*, qui Inquisitorem in officio exsequendo adjuvant, defendunt, et comitantur, etiam *familiares* adpellati, quasi ex Inquisitoris familia, ut et alibi *crucesignati*, alibi *S. Petri martyris scholares*, qui crucem in extima veste praeferrunt, et armati incedunt. 6. Sed a quibus sunt distincti *crucesignati*, a Dominico instituti, qui, voto in manibus Inquisitorum emisso, se ad fidei catholicae defensionem, cum rerum et vitae discrimine, obstrinxerunt. Quibus plenae indulgentiae, cum multis aliis privilegiis, sunt concessae. Postea vero, cum armis ad haereticos subigendos opus amplius non esset, militiae nomine cum armis deposito, nonnullisque mutatis constitutionibus, nuncupati sunt de *S. Dominici poenitentia*, et novam constituerunt religionem.

§. CCXVII. Ceterum, inmensa est Inquisitorum potestas, summa sunt eorum privilegia, nullaque relicta est Regum, Principum, aut Magistratum, in haec tribunalia potestas, e contra obligatae sunt potestates seculares iis manus in omnibus praebere, eorumque decreta exsequi, ut multae Paparum constitutiones docent. Episcopi tantum aliqua adhuc gaudent hac parte potestate, cum aliquid seorsim possint, nec omnia sine iis Inquisitores: licet horum sit superior et praecipua. Quibus nihil adtinet inmorari. Possunt vero, ut nonnulla eorum privilegia memorem, edicta contra haereticos publicare, sententiam excommunicationis, quae etiam cum bonorum confiscatione conjuncta est, suspensionis, et interdicti sacri, ferre, eos, ad Ecclesiam licet confu-

gientes,

gientes, capere, se invicem vero ab excommunicatione, laicis exceptis casibus, absolvere possunt, et indulgentiam dare, quae ipsis plenissima in vita et morte concessa est. Praeterea potestate gaudent, civitatis Rectores, et terrarum Dominos, cogendi ad juramentum, de Ecclesia contra haereticos tuenda, haereticisque expellendis, et extirpandis. Obligati etiam sunt seculares capere haereticos, et quo veniunt Inquisitores, ducere, si jusserint. Possunt quoque statuta contra eos, si quid dubii habeant, interpretari pro beneplacito, denique qualescunque ad testimonium coram se dicendum cogere: excommunicare etiam eos, qui disputant de fide, quique haereticos non revelant. Addatur, Inquisitores, praecipue in Hispania, potestate gaudere libros prohibendi et purgandi, quorum etiam jussu *indices expurgatorii*, ut vocantur, prodierunt in Hispania, Rex nihilominus sibi reservavit potestatem eam de libris Regiae dignitati noxiis, quam etiam in Baronii tom. XI. Annal. exercuit, frustra contra nitentibus Romanis. Senatus etiam Venetus illud jus sibi assignavit, exclusis Inquisitoribus. Vid. Paulus Servita de Inquisitione Veneta. Summa vero potestas libros prohibendi, et indicem expurgatorium conficiendi, est penes Papam, a quo etiam varii sunt profecti. Quousque temeritas jam hoc seculo sese exseruerit, vel illud docet, quod Jacobus I., Aragoniae Rex, qui a. 1260. obiit, edicto statuerit, ne quis libros Vet., aut Nov., Testamenti habeat in Romancio, et, si habeat, eos Episcopo loci tradat comburendos. Vid. Cangius in *Romancio*. Ceterum de librorum prohibitionem, expurgationem, et censuram, egregie differt ex jure canonico, ratione, et Script. S. Boehmer. Jur. Eccles. l. V. tit. VII.

§. CCXVIII. Succedant nunc *Personae*, et *crimina*, tribunalis objecta. Nemo, cujusunque sit dignitatis, aut potestatis, exemptus, est nisi Episcopi officiales, ac nuntii Papae, quorum tamen delicta denunciare potest sedi Apostolicae. Inquisitorum vero Generalium Cardinalium potestati

nemo est exemptus, praeter Papam. Tantum contra nonnullos *Religiosos*, ob praerogativam ordinis, caute admodum procedere debent, quales sunt Magistri ordinum Praedicatorum, et Minorum Generales, nec non Magistri Generales ordinum militarium. Laicorum et secularium nemo est exceptus, ne Reges quidem et Principes, nisi quod eo casu tutius habeatur, Papam de modo processus contra eos consulere. *Crimen*, quod aliquem coram hoc tribunali sistit reum, in genere quidem est *haeresis*, unde Inquisitio haereticae pravitatis adpellatur, sed in hunc sensum non tantum refertur directus circa fidem error, sed crimen quaecunque, sive, per quod haesios suspicio oritur, sive, quod cum aliquo dicto aut facto haereticali est conjunctum. Pro reis itaque, ut distinctius agam, habentur 1. *haeretici*, proprie et vere sic dicti, quorum tres sunt characteres *a. baptismus* praegressus, seu Catholicae fidei per baptismum professio. *β. error* circa aliquod fidei caput, scilicet quod a Papa necessario credendis est adscriptum, aut inter traditiones Apostolicas est relatum *γ. pertinacia* in errore, quae alicui imputatur, si, a iudice fidei de tali errore admonitus, ei ad mandatum ejus renunciare recuset, aut poenitentiam injunctam et abjurationem renuat.

§. CCXIX. 2. Haeticorum sunt variae classes, variis gradus, digni qui innotescant, et recenscantur. *a.* Alii sunt manifesti, alii occulti haeretici. *Manifesti*, qui aut professi sunt, et praedicaverunt publice, aut coram Inquisitoribus convicti, sive professi sunt, aut per eorum sententiam condemnati de haeretica pravitate, *Occulti* censentur, qui in mente tantum habent, sive convinci nequeunt: qui secundum nonnullos non sunt subiecti tribunali, secundum alios excommunicationem incurrunt. *b.* Alii sunt *adfirmativi*, alii *negativi*, illi, qui errorem coram iudice confitentur, et pertinaciam dicto aut facto manifestant, hi vero, qui vel negant, licet per testes convicti, et catholicam fidem profiteantur, vel omnes errores, aut omnes socios, re-
velare

velare recusant, vel dicta facta haereticalia confessi, intentionem haereticalem negant; qui postremi, secundum doctores Hispanicos, torquendi sunt pro confitenda intentione. Est autem eorum regula, praesumendum esse in re dubia pro haeresi. *c.* Alii sunt *inpoenitentes*, vel pertinaces, alii *poenitentes*. Ad priores pertinent, qui vel legitime convicti, vel confessi, abjurare nolunt errorem, et satisfactionem praestare, aut poenitentiam inpositam negligunt. Quod si aliquis metu supplicii fuerit confessus, ei innocentiam non licet adferere, nisi denuo velit Inquisitioni tradi, et tanquam inpoenitens puniri. Posterioris classis sunt, qui errorem abjurant, et congruam exhibent satisfactionem; si vero sponte ante citationem et requisitionem veniant, mitius quidem tractantur, sed bona sua ad implendam poenitentiam obligare debent Inquisitori, si non nisi post requisitiones et monitiones varias redeant, severiori subjiciuntur poenitentiae, si eo demum, quum iudicio seculari sunt tradendi, veniant, non recipiuntur, in primis, si Regibus et Principibus conati fuerint haeresin instillare. *d.* Alii sunt *haereticarum*, alii *credentes*. Priores, etiam dogmatistae, dogmatizatores, ac perfecti adpellati, conversi, mitius sunt initio tractati, et admissi, sed postea seculari brachio coeperunt tradi. Posteriores sunt, qui, vel priorum haeresi fidem adhibent, vel credere iudicantur ex verbis factisve suis, aut testibus legitimis. Ad quorum classem etiam referuntur schismatici, qui ab unitate Ecclesiae, aut Pontificis obedientia, recedunt.

§. CCXX. *e.* Alii sunt vel *receptatores* haeticorum, qui eos in domum recipiunt, sive ad hospitandum, sive ad praedicandum, vel *defensores*, qui eos, vel verbo vel facto, vel quocunque alio modo, defendunt, et Ecclesiam inpediunt officium facere, vel *fautores*, qui eos non deferunt, aut iis non incumbunt extirpandis, aut quovis modo alio favorem aliqualem praestant, qui, sive sint Magistratus, sive privati, ipso jure excommunicati sunt, sique intra annum non resipiscant

piscant haeretici, vel *inpeditores* officii inquisitionis, sive directe, captos liberando, processus inquisitionis carpendo, testes absterrendo, sive indirecte, unde per consequentiam inpeditur officium, ex. gr. si dominus temporalis vetat, aliquem sine suo jussu capere. *f.* Alii sunt *suspecti* de haeresi, alii *diffamati*. Suspecti haesios variis de causis fiunt, ex patria, parentibus, educatione, sociis, nec non, si vel adlocuti fuerint haeticos, si defensores, vel fautores, fuerint eorum, vel inpeditores officii inquisitionis, vel tales Ecclesiasticae sepulturae scienter tradunt, qui a moribus Ecclesiae discedunt, qui scandalosum, aut suspectum, quid dixerunt, qui haeticorum conventiculis iterata interfuerunt vice, qui in excommunicatione per annum, aut biennium, persistunt etc. Est denique suspicio vel *levis*, quae requirit canonicam purgationem, abjuracionemve, vel *vehemens*, quae generalem omnis haesios abjuracionem imponit, vel violenta, quae aliquem declarat haeticum. *Diffamati* vero de haeresi audiunt, contra quos publica clamor fama, cui duo testes boni sufficiunt, licet in loco, tempore, aut causis scientiae, non concordent: infligitur ipsis canonica purgatio, aliaque poena ordinaria. *g.* Alii sunt *relapsi*, vel in haesin, vel fautoriam haesios, sive post abjuracionem in eandem, aut aliam, haesin deprehendantur incidisse, sive *perjuri* inveniantur, aut poenitentiam non egerint inpositam post abjuracionem, vel purgationem. Quales vel severae subjiciuntur poenitentiae, vel brachio seculari traduntur.

§. CCXXI. 3. Praeter haeticos, proprie dictos, alii, quorum facinora aliquid de haeretica pravitate trahere videntur, ad hoc tribunal rapiuntur. Quales sunt *a.* qui libros prohibitos et haeticos habent, legunt, vendunt etc., sine ulla exceptione, *b. polygami*, utpote haesios circa sacramentum matrimonii suspecti. Quod si teneant, plures licere ducere uxores, haesios rei aguntur, si libidinem tantum fateantur, torturae pro intentione subjiciuntur. Post

shin.

abjuratiōem inponuntur ipsis variae poenitentiae, etiā ad certum tempus ad triremes damnantur. *c.* Qui sacramenta administrant, absque ut legitimi sint sacerdotes. *d. Confessarii sollicitantes*, mulieres scilicet et pueros ad concubium, dum confitentur, qui tamen morte non puniuntur, etiā passim tractantur mitius. *e. Inordescētes* in excommunicatione, qui per annum in ea steterunt, et se pertinaciae suspectos fecerunt. *f. Blasphemi*, qui haereticales evomunt blasphemias contra Deum, sanctos, in specie Mariam etc., qui morte quoque non plectuntur. *g. Divinatores*, sortilegi, astrologi judicarii, in specie *lamiae*, alias strigiae et maleficae dictae, quae pactum cum Diabolo censuebantur fecisse. Quae sic dicta secta fuit circa a. 1400. nata in Italia, de qua mirabilia et absurda, prorsus incredibilia, referri solent. Narrantur vero, quod quis horreat, spatio 150 annorum triginta millia lamiarum concremata ab Inquisitoribus. Denique *h. Judaei*, et ad Judaismum reversi. Judaei quidem non sunt, secundum Pontificios, ad fidem cogendi, licet saepe contrarium faciant, sed iudicio sunt obnoxii, si, vel suscepto baptismo redeant ad Judaismum, vel reditus se suspectos faciant, vel quid agant contra religionem Christianam, aut Pontificiam, tribunal quoque Inquisitionis aliquo modo impediāt etc.

§. CCXXII. Difficilior est *processus* judicialis descriptio, cum multa pro re nata, et arbitrio, agant Inquisitores, et qui e carcere dimittuntur ad severam silentii legem iurati obstricti sint. Generales tantum proferam regulas, ab illis observandas. 1. Statim ac Inquisitor in ditionem aliquam, ubi munere suo fungi debet, venit, *commissionem* suam Apostolicam offert potestatibus secularibus, et Ecclesiasticis, ejus territorii, et ab iis juramentum exigit fidelitatis, ac obedientiae, quod gravi sub censura tenentur praestare. Die solenni dein indicto, post sermonem de fide catholica habitum, litterae monitoriae, *edictum generale* inquisitionis dictae, populo publice praeleguntur, quibus omnes, nulla

dignitatis, sexus, adfinitatis, aut consanguinitatis, habitatione, jubentur sub gravi poena haereticos, vel haeresios suspectos, ad sacrum deferre tribunal, intra sex, aut duodecim, dies. Quando nec conjuges, nec parentes, liberi, aliquoque alio vinculo conjuncti, sibi invicem parcere queunt. Quod edictum dein jubetur per totam ditionem praelegi, et dein bis in anno, ac ubique, adfigi. Quibus praelectis litteris, juramentum praestant Inquisitoribus, qui indulgentias iis promulgant, qui sermonem audierint, et officio suo fungantur. Promittit quoque Inquisitor tempus gratiae, si haereticus intra mensem sponte confiteatur coram tribunali, immunitatem nimirum a morte, inmutatione, culeo, et confiscatione bonorum. Sunt itaque ab hoc tempore omnes, sub poena excommunicationis, et per juramentum, obligati alios revelare, et accusare, nemine excepto, ne parentibus quidem, liberis, conjugibus, amicisve. 2. Qui vero sponte intra tempus gratiae venerint, et errorem vel crimen confiteantur, accuratissime interrogantur, ex. gr. quando in reatum inciderint? qua occasione? quales legerint libros? quinam sint complices? Cum satisfaciant, a graviore poena liberantur quidem, sed censurae canonicae, pro arbitrio Inquisitoris, saepe subjiciuntur, ut multam solvant, elemosynas faciant, et similia poenitentiae opera alia, aliquando etiam carceri ad tempus manciantur, et bona confiscantur.

§. CCXXIII. 3. Processus ipse Inquisitionis triplici incipit modo, vel per *inquisitionem*, cum quis inquisitorem adit, publicam tantum ei famam de haeretica alicujus pravitae denunciatur, quando inquisitio debet ab ipso Inquisitore institui, vel per *accusationem*, ubi quis alium directe accusat, sed is se ad legem talionis inscribere debet, si non probaverit, quare iste modus est rarior, maxime post Fiscalem introductum, qui ab illa obligatione immunis est: vel denique per *denunciationem*, qua delator declarat, se per *mandatum* Inquisitoris obligatum ad revelanda, quae ad

ad fidem pertinent, accedere, non ut accusatorem, sed denunciato- rem. Qui usitator est modus. Facta vero denuncia- tione, et praestito, tactis euangelis, juramento, Inqui- sitor per varias quaestiones in causam scientiae, circumstan- tias facti, et principia, quae denunciato- rem moverunt, inquit. Quae omnia per Notarium extensive scripta con- firmantur a delatore per subscriptionem nominis; quo fac- to, et secreti juramento praestito, discedit delator.

§. CCXXIV. 4. Quibus peractis, Inquisitor sese ad ve- ritatem per testes indagandam adcingit. Possunt autem testes esse qualescunque, modo non sint capitales inimici, adeoque et tales admittuntur, qui in causis civilibus, et cri- minalibus, aliis in tribunalibus repudiantur, quales ex. gr. sunt excommunicati, criminis socii, haeretici contra haere- ticum, perjuri, infames; licet semiplena ipsis tribuatur pro- batio, quae tamen fit plena ex verisimilibus conjecturis ex personarum qualitate, ex numero, et similibus rebus. Testes ceteroquin *duo*, si fide digni sunt, ad plenam suffici- unt probationem, modo de eadem re, eodem loco et tem- pore, facta testentur: plures vero testes singulares, et diver- si, pro uno tantum habentur, paucis exceptis casibus, ex. gr. cum in speciem haereticos conveniant, in loco vero et tempore singulares tantum sint. Sed delator, licet inimi- cus capitalis, admittitur, saepe etiam adnumeratur testibus. Denique testes singuli seorsim ab Inquisitore, cum Notario, et duobus aliis, qui adstant, et totius negotii testes sunt, examinantur, licet id semper non observetur. Testis porro, praestito per Deum, crucem, et sancta euangelia manu tac- ta, juramento, examinatur per varias quaestiones, ut prin- cipium, ex quo agit, scientia causae, aliaque veritatis in- dicia, in lucem prodeant. Quando post secreti juramentum dimittitur. Quod si ex testibus pateat, ipsam delatorem esse criminis socium, contra ipsum quoque instituitur actio, sed mitius cum eo agitur.

§. CCXXV. Testium examine peracto, convocantur 5. con- sultores,

fultores, et, post solennes ad Spiritum S. preces, proceditur ad *deliberationem* citationis. Si vero dubium sit, num crimen ad hoc officium sacrum pertineat, Theologi qualificatores consuluntur. Ipsa citatio est *verbalis*, vel *realis*: prior, ubi de levi agitur crimine, vel leviter suspectus est reus, posterior fit per incarcerationem, ab executore, ad Inquisitoris mandatum, qua, non sine vinculis, saepe arctissima includitur custodia. Sequitur 6. *examen* rei, ab Inquisitore cum Notario institui solitum in camera, alias mensa sacri officii dicta; ubi reus, capite, brachiis, et pedibus, nudis, comparet, et, interposito juramento de veritate dicenda, infinitis obruitur quaestionibus ab Inquisitore, ex. gr. num sciat, ubi sit? quare in eum locum ductus? quid cogitaverit, aut fecerit, religioni catholicae contrarium? dein de patria, familia, educatione, conversatione, amicis, inimicis, et similibus rebus aliis, interrogatur; imo, num non dubitaverit aliquando de aliquo fidei capite? cum haereticis habuerit aliquod commercium? legerit librum prohibitum, audiverit quid contra fidem? Quae generalia interrogata si nullam elicuerint confessionem, ad peculiariora transitur, quae delictum, cuius accusatus est, directe tangunt; quod tamen examen uno alterove die post instituitur, quando rogatur, num se non recollegerit, et ad superiora interrogata aliquid confiteri queat, dein, num non ex. gr. de missa locutus fuerit, aut loqui audiverit, et quid? denique quid ipse de ea credat, etc., si hoc scilicet fuerit accusationis caput. Tandem accusationis capita ipsi exhibentur, et ad ea interrogatur. Interea usu receptum est, ut de vero accusationis capite diu admodum incerti relinquantur rei, eo scopo, ut aliud quid ex ipsis eliciatur, utque, carceris taedio fracti, aliquid confiteantur. Utuntur autem multiplicibus artibus ad eruendam confessionem; saepe jurare debet reus, saepe de veritate dicenda admoneatur, accurate etiam cavetur, ne ex interrogatis cognoscat reus aut delatorem, aut testes. Fingit interrogator, se omnia

nia probe scire, de circumstantiis tantum rogat, ut eum irretiat, nec blanditias omittit aut minas, ob oculos ipsi ponit carceris diuturnitatem, taediumque, etiam torturam; testes jactat esse sufficientes, quos tamen non nominat. Imo subornantur nonnulli aliquando, qui se reorum fingunt amicos, seque ipsis adjungunt comites, sub praetextu salutaris dandi consilii, sed vere, ut aliquid per mutua colloquia eliciatur, quod Inquisitori denuncient: subinde etiam tanquam reos se includi patiuntur, et tractari, ut aliorum verba facilius expiscantur. Verbo, nullae non adhibentur artes, et fraudes, ad confessionem eruendam; inter quas etiam est liberationis promissum, si confiteantur, quod tamen vel vagum est, vel non observatur post confessionem.

§. CCXXVI. 7. Quibus omnibus non obstantibus, si reus in negativa perseverat, judicialis instituitur *processus*, et reo datur advocatus, sed ab Inquisitore electus, eique obstrictus juramento, fidei quoque Zelota; secreti porro juramento ligatus, et ad causam, si eam cognoverit falsam, dimittendam obligatus, simul ad complices, si a reo audierit, revelandos. In ipso processu judiciali *a.* licet quidem reo exigere, ut testium repetatur examen, et interrogatoria, testibus proponenda, addere, sed testes suos nequit cognoscere, nec cum iis confrontatur, adeoque praecipua defensionis via ipsi clausa est. *b.* in libello accusatorio, a promotore fiscali contra reum edito, non illa tantum, quorum accusatus est, sed plura alia, continentur, ut tanto criminum numero obruatur, simul tentetur, num forte aliquid horum criminum commiserit. *c.* Permittitur insuper reo proferre articulos ad crimen refellendum, vel minuendum, ex. gr. ex bona intentione, aut ebrietate etc., hoc vel hoc dictum factumve esse, porro ad fidem suam catholicam probandam, vel ad nonnullos suos capitales inimicos detegendos, denique testes in favorem producere quidem licet, sed qui

passim non veniunt, aut meticolose comparent, et testantur. *d.* si forte testes contra ipsum deprehendantur falsi, puniuntur quidem, sed mitius, quam merentur, ne abstergeantur alii; quorum gravissima poena est exilium, fustigatio, vel triremes ad aliquod tempus etc. *e.* Conceditur etiam aliquando reo adpellatio ad Papam, sed ab interlocutoria, non definitiva, sententia, si nondum satis de haeresi aut crimine ejus constet, adeoque si ad torturam, vel purificationem, vel ictus fustium etc. damnatus sit.

§. CCXXVII. Effecta tribunalis, seu judicialis processus *terminationes*, de quibus dicendum superest; varios continent modos. 1. Primus est modus, quo terminatur per absolutionem, sive quod reus fuerit innocens deprehensus, denunciatoribus et testibus falsis, sive quod nec per sufficientes testes, nec facti evidentiam, nec confessionem, convictus. Innocens si judicatus sit, equo solet circumvehi, lauro ac palma coronatus. 2. Si probari nequiverit haeresis, reus tamen publice sit diffamatus, non simpliciter absolvitur, sed ab Inquisitore et Episcopo conjunctim ipsi injungitur *purgatio canonica*, qua, coram septem, sive quot requisiverit Inquisitor, testibus, vel compurgatoribus, se juramento purgat ab haeresios suspicione, et compurgatores ipsi quoque jurati adtestantur. 3. In semiplena probatione solet per sententiam interlocutoriam damnari ad *torturam*, ut si nihil fuerit confessus, pro innocente habeatur, si confiteatur, sese convertat et vivat. Quam sententiam Episcopus quoque et Inquisitor pronunciant. Locus torturae est in Hispania antrum subterraneum, carnifex et tortor est ob longa veste nigra linea coopertus, capite longo et nigro caperone obvelato; ipse torquendus omnibus spoliatur vestibus, totus est nudus, nulla pudoris habita ratione, nisi quod foeminae, prius nudatae, dein stricta femoralia lineae induant. Ipsa tortura ibidem fit per elevationem in equaleo et squassationem, qua miser, ponderibus adligatis pedibus, in altum subleatus, aliquamdiu ibi retentus, praecipitatur,

tatur, sed in medio lapsu subito retinetur; quo fit, ut omnes corporis juncturae summo cum dolore dissolvantur, totumque corpus distendatur. Sunt adhuc alia tormentorum genera, quae barbara reperit saevitia. Est vero haec probationis tortura distincta ab illa, quae damnatis ad mortem infligitur. Si, in tortura confellus, revocet confessionem, iterum torquetur.

§. CCXXVIII. 4. Suspecto de haeresi inponitur *abjuratio*, sive publica in Templo, sive privata in palatio Episcopi, vel camera Inquisitionis, qua in fidem non tantum jurat Catholicam, sed et omnes haereses, in specie eam, in cujus suspicionem incurrerat, abjurat, seseque poenis relapsorum subjicit, si recidat. Quando ipsi poenitentia injungitur levior gravior pro indole suspicionis, ex. gr. ut stet in valvis Ecclesiarum cum ardente cereo in manibus, ut peregrinetur, aliquando etiam ad tempus carceri mancipetur. 5. Similem praestant abjuratorem, juramento firmatam, haeretici *conversi* et poenitentes, sed qui graviores poenas poenitenciales subire debent. Sunt autem ejusmodi poenae, quae vel suspectis, vel convictis, et haereticis conversis injunguntur, variae admodum, et graves. *a.* bonorum confiscatio, saepe etiam eorum, quae, licet aliorum sint, ipsi administrarunt. *β.* Poenitentiae, sic dictae, *salutares*, ut jejunia, orationes, eleemosynae, frequens poenitentiae et eucharistiae usus, peregrinationes ad loca quaedam sancta, sed cum nigro habitu, nonnunquam ad militiam contra infideles, *γ.* Poenitentiae *honorariae*, et cum infamia conjunctae, ut stare prae foribus Ecclesiae, cum accensa candela in manu, discalceatum in braccis et camisia esse in processionibus. *δ.* Exilium, detrusio in monasterium, fustigatio, seu verberatio, multa pecuniariae. *e.* Infamia, qua ipsi, eorumque filii et nepotes, ad quaevis officia publica fiunt inhabiles. Usitatissima denique poena est gestatio crucium in vestibus poenitentialibus, per quam omnium exponuntur ludibrio, et ab omnibus vitantur. Vestis

autem ea est livida, ad modum scapularis *Monachalis sine* caputio facta, cui ante et retro cruces sunt inpositae. Quod palliamentum Itali adpellant *Abitallos*, Hispani *Santbenillo*, quasi *sacco benito*, seu saccum benedictum. Gravissima denique poena est *inmuratio*, qua ad perpetuam muri carcerem sunt damnati, ut ibi in pane doloris, et aqua tribulationis, perpetuam agant poenitentiam. Infligi solebat credentibus haereticorum, et aegre ad poenitentiam adductis, nec non graviorum criminum in re fidei reis: sed postea commutata est ea poena cum detrusione in monasterium. Accessit adhuc postea damnatio ad tiremes passim loco inmurationis.

§. CCXXIX. 6. Relapsi, licet poenitentiam denuo promittant, non admittuntur, sed, si Clerici, solenniter degradati, traduntur brachio seculari, et igne comburuntur, ita tamen, ut ante strangulentur; quo ab inpoenitentibus distinguuntur. 7. Haeretici inpoenitentes postquam diu fuerint admoniti, ut resipiscant, etiam in obscuro carcere compedibus constricti diu retenti, ad pertinaciam frangendam, tandem brachio seculari ad poenam vivicomburii traduntur. Quam eandem sortem subeunt haeretici negativi, sed convicti, qui constanter aut haeresin, aut dictum factumve haeretice, negant. Qui pro inpoenitentibus habentur, si per testes, aut facti evidentiam, legitime sint convicti, sed prius strangulantur, si, se in fide catholica mori velle, profiteantur. Ceterum sententia definitiva, si, quod aliquando fit, non fuerit praesente iudice seculari lata, ipsi insinuat, cum jussu, ut haeticum damnatum recipiat, et secundum leges contra haeticos statutas judicet, addita tamen deprecatione mortis, plane dicis causa. Iudex enim sub gravissima censura eum tenetur recipere, nec sententiam examinare ei licet, tantum executioni debet mandare per vivicomburium, sive mox, sive intra quatuor, aut quinque, aut summum sex, dies. Haec autem sententiae pronuntiatio, et traditio curiae seculari, adpellari solet *actio fidei*, quae magna solennitate die dominico, vel festo, ab Inquisitore constituto,

constituto, peragitur. Qui dies, ante publice promulgatus, ut omnes praesto esse queant, cum adluxerit, omnes captivi ornatu sibi congruo induuntur, omnes veste nigra, qua sola incedunt foeminae, sed viri poenitentes, aut de vehementi suspecti, insuper accipiunt saccum illum benedictum. Haereticis vero ad flammam damnatis, datur quidem ejusdem formae saccus, sed notis diversis, colore atro, flammis adpictis, aliquando etiam ipso haeretico in medio flammarum depicto, daemonibus subinde additis, qui haereticum ad inferos detrudunt. Quem saccum, vel vestem scapularem, nonnulli nuncupant *Samarram* vel *Samarettam*. Adjunguntur adhuc chartariae mitrae, in formam coni, cum daemonibus et flammis adpictis. Qui post latam sententiam sese, antequam e carcere exeant, convertunt, eodem quidem incedunt ornatu, sed ignis adpictus flammam deorsum mittit.

§. CCXXX. Quibus praeparatis, Inquisitor sese prope portam domus Inquisitionis sistit cum notario, qui reorum nomina ordine recitat, initio a minus delinquentibus factis; quando eo exeunt ordine, una cum comitibus suis, qui reorum fidejussores vocantur, processionem ducentibus Dominicanis monachis, qui cum S. Officii vexillo praeunt, in quo imago Dominici comparet, una manu tenens gladium, altera ramum olivae, cum his verbis: *justitia et misericordia*: uti habet vexillum Inquisitionis Goanae, a quo Hispanicae paulo diversum est, quippe in quo est crux viridis in campo nigro, et ad sinistram districtus gladius, ad dextram olivae ramus, cum hac inscriptione, *exsurge Domine et judica causam tuam*. Inter eos porro, qui morte plectuntur, et alios, ab ea liberos, media incedit imago Christi crucifixi. Post damnatos ad mortem circumferuntur statuariae in haeresi defunctorum, et ossa e sepulchris eruta, cistaeque nigrae, daemonibus et flammis pictae. Intranter hoc modo Templum, in quo sermo est de fide habendus, quo finito, sententiae singulorum praeleguntur. Absoluti a morte ad-

sumuntur solenniter ab Inquisitore, sacerdotibus stipato, et Ecclesiae reconciliantur; quos ritus praetereo. Sed ad mortem damnati mox a secularis potestatis ministro vindicantur, postquam mortis poenam deprecatus fuerit Inquisitor, et ad judicem secularem deducuntur, qui praesens adest, ut mortis sententiam audiat. Qua pronunciata, rogantur, in qua fide mori velint, ad quod cum responderint, palo, strui lignorum inposito, adligantur, qui Catholicos se profitentur prius strangulantur, reliqui comburuntur vivi. Dum autem hi ad supplicium ducuntur, reliqui cum fidejussoribus in carcerem reducuntur. Haec est famosa illa actio fidei Lusitanica, qualem autor inquisitionis Goanae descripsit: a qua paululum diversa est Hispanica, cui non inmoror. Sed Romae, et in Italia, ejusmodi solennes processiones non obtinent, nec etiam hoc seculo alicubi usitatae fuerunt, ut ex Inquisitione Tolosana patet. Attamen actio fidei, ut appellatur, publice semper fuit instituta, et sententia solenniter pronunciata: qua forma, et quibus ritibus, nihil addidit enarrasse. Illud adhuc notandum, lintea, Ecclesiarum parietibus adfixa, in paroeciis, ubi vixerunt haeretici illi, solita fuisse suspendi, cum personae, criminis, et sententiae descriptione, in perpetuam memoriam, majoris infamiae ergo.

§. CCXXXI. Quod vero ad fugitivos haereticos, et mortuos in haeresi, adtinet; priores, post solennem damnationem in statua, traduntur brachio seculari, et in ea a judice seculari concremantur: quod tamen hoc tempore nondum fuit in usu, nec, quando coeperit, constat. *Mortuorum* vero, sive in carcere Inquisitionis, postquam de eorum haeresi constiterit, sive sibi manus intulerint, qui pro haeticis habentur, sive in communione Ecclesiae defuncti, postea tanquam haeretici innotuerint, mortuorum, inquam, eorum bona fisco addicuntur, si intra quadraginta annos ab ipsorum morte constiterit de haeresi eorum, postea haeredes a confiscatione liberat praescriptio; praeterea memoria eorum

rum publice damnatur, absque ut praescriptioni temporis locus sit: denique ossa, si inveniri queant, exhumantur, et comburuntur. Exempla ubique prostant; illustria dederunt secula sequentia, ut Johannis Wiclefi, Bucerii, Fagii, qui diu post mortem ita tractati sunt, Marci Antonii de Dominis, Archiepiscopi Spoletani, in ipso carcere Inquisitionis mortui. Denique porrigit sese Inquisitorum saevitia non tantum ad posteros haereticorum, qui bonis privantur, et inhabiles fiunt ad publica officia, nec ad libros solum, qui prohibentur, et flammis dantur, sed ad ipsas eorum domos, ubi haeresin docuerunt, quae solo aequantur, reaedificari sub gravi poena prohibentur, aliquando etiam area domus dirutae sale conspergitur, cum dira inprecatione, imo marmorea subinde columella, quatuor aut quinque pedes alta, ibi erigitur, cum inscriptione, quae nomen domini, et causam destructionis, praefert.

§. CCXXXII. Injustitiis, et tyrannicis oppressiōibus, quas hic processus contra haereticos cum aliis persecutionibus, fidei causa qualibuscunque, habet communes, quaeque Antichristi et Satanae spiritum manifestant, missis, alias nonnullas exstantiores, ei proprias, verbo adtigisse, et superiori tractationi subjunxisse, non erit alienum. 1. Omnes, nulla vinculi aut necessitudinis habita ratione, obligantur detegere, et praesentissimo objicere periculo, etiam suspectos ac occultos. 2. Qualescunque admittuntur testes: excipiuntur quidem capitales inimici, sed de quibus vix certo potest judicari, et judicium est penes Inquisitores. 3. Unus testis, sola fama, duo testes diversi et singulares, pro uno habendi, semiplenam adferunt probationem, et ad torturam sufficiunt. 4. Duo testes, iique reo ignoti, nec in ejus praesentiam adducti, ad damnationem satis sunt. 5. Per testes convictus, si sit innocens, nec confiteri, nec negare, crimen sine periculo potest: si enim neget, tanquam contumax et inpoenitens damnatur, si fateatur, sicut contra conscientiam agit, ita ex opinione ipsorum canonistarum

crimen committit capitale. Si negare perseveret pro catholico et martyre est secundum ipsos habendus. Contingere itaque potest, ut quis per ipsam Ecclesiam Catholicam corone; tur martyrio. 6. Delati se ipsi debent accusare, eoque saepe per carceris taedium, inmanemque torturam, quae hic omnium est crudelissima, adiguntur. 7. Qualescunque, etiam Satanicae, artes ad reum irretiendum adhibentur. 8. Advocati dantur secundum arbitrium Inquisitoris, juramento obstricti etiam ad omnia rei arcana, quae audiverint, revelanda. 9. Absoluti, quod insufficiens sit probatio, de novo postea conveniri possunt, si modo nova accesserit delatio, quae etiam cum priore conjuncta vim habet probandi, ita ut nemo securus post absolutionem esse queat. 10. Pro damnato intercedunt apud judicem secularem, ne morte adficiatur, quam tamen nisi infligat judex, in severissimam incurrit poenam. 11. Denique, ne de mortuis dicam, contra quos saevitur usque ad liberos et haeredes, quanta est in tormentis, et vivicomburio, crudelitas? nec non in actione illa fidei? quanta in illis, qui absolvuntur, exercetur? ut ex poenis Ecclesiasticis ac poenitentialibus elucescit. 12. Postremo, quam late extenditur haerefeos crimen? quam facile quis suspectus fieri potest, et coram hoc tribunali listi?

§. CCXXXIII. Mysterio iniquitatis in lucem protracto; *originis et progressus* ejus historia summatim restat tradenda. Postquam per Raynerium, et dein Dominicum, a Papis cum plena potestate ad haereticos extirpandos emissos, ut supra retuli, fundamenta Inquisitionis essent jacta, deinde res non tantum per Albigenes bello subactos, variasque in conciliis contra haereticos constitutiones, de quibus supra etiam monui, editas, esset promota, sed et Frederici II. adcessisset edictum. ortum tandem ex his principiis est separatum aliquod tribunal a. 1251. sub Innocentio IV. Viguit quidem ante illud tempus Inquisitio, uti in partibus Tolosanis, Gallia, et Italia, Ecclesiasticorum etiam et secularium decretis firmata,

mata, et sancita, verum in ejusmodi tribunali erigendo superari non potuerunt ante Innocentium omnia obstacula. Fredericus II. vero sese famosum, dignumque, qui hac parte primum inter *cornua bestiae Apocalypticae* locum teneat, praestitit, per quatuor constitutiones severissimas, et infames, contra haereticos, eorumque fautores, quibus praecipuas, in hoc tribunali usitatas, poenas sancivit, estque primus, qui vivicomburium, lege lata, constituit; in usu quidem antea fuerat, sed non per aliquam legem. Recepit praeterea Inquisitores, jussitque, ut Judices et Magistratus ubique locorum iis manus praeberent. Latae sunt hae leges a. 1225. et per bullas Paparum, quibus insertae sunt, postea confirmatae. Vid. etiam Petri de Vineis Epist. lib. I. cap. 25. 27. Exstant etiam apud Bzovium ad a. 1225. Cum vero haeresis maxime vigeret per Insubriam, Fredericus, Imperatorio edicto, omnes criminis illius convictos, *flammis tradi, vel, si ad aliorum terrorem vitae reservandi viderentur, linguis, quibus blasphema evomissent, amputari jussit.* Sunt etiam nonnulli Patarenorum Romae concremati a. 1231., et severae leges a Papa et Senatu Romano contra eos publicatae. Imo introducta est Inquisitio in Arragoniam a. 1232., Gregorio IX. urgente, qui Regi, ut ei opem ferret, injunxit. Potestatem quoque Archiepiscopo Tarraconensi, ejusque suffraganeis, dedit, Inquisitores ex ordine Praedicatorum constituendi: quod et factum est. Eminuit autem inter Inquisitores Raymundus de Pennaforti, Barcinonensis, celebris autor *formulae*, secundum quam contra haereticos procedendum sit, quam integram recensuit Bzovius a. 1235. Quo eodem tempore Tolosam, post longa conamina, nec sine tumultu populari, adeo ut mox expulsi, mox restituti, sint, introducti sunt Inquisitores. Placentini etiam a. 1234. expulerunt Rolandum Inquisitorem. Dein Viterbii constituit Papa Inquisitores a. 1235., concessa quoque Provinciali Lombardiae ordinis Praedicatorum Viterbii potestate eligendi eos, litteris ad eum missis, quibus officium Inquisito-

ris distinctius exponitur apud Bzovium. Denique Robertum ejusdem ordinis Praedicatorum, Inquisitorem constituit in universo Galliarum regno, et ubique hoc negotium urfit.

§. CCXXXIV. Nec tamen res eo adduci potuit, ut tribunalia ejusmodi fuerint erecta, quibus omne de personis judicium secularibus eripitur, ipsis tantum sententiae, ab Ecclesiasticis latae, executione relicta: imo Ludovicus, Galliae rex, lege emissâ, vetuit quidem subditos suos ad Ecclesiasticum tribunal citatos comparere, sed, Papa intercedente, legem non urfit. Novitas vero non tantum, sed et inaudita Inquisitorum crudelitas, cujus plura fuerunt exempla, vid. Cangius in voce *Inquisitio*, odiosa fecit haec tribunalia; quam ipsam ob causam Praedicatoribus, nimium severis, adjuncti sunt ex ordine Minorum, quorum major erat lenitas. Accedit, Papas contra ipsos Reges et Principes uti coepisse hoc tribunali, ut exempla sunt in ipso Frederico, nec non Ezelino, Patavii Domino, qui a partibus Imperatoris itabat. Vid. Raynaldus in Annal. Durante autem bello intestino inter Imperatores et Papas, cum haeretici magis invalescerent, Papae iis debellandis minorem possent dare operam, mortuo tandem Frederico, Germania turbata, Italia Principe destituta, et Papae Innocentio IV. omnia essent subjecta, ipse primus separatim aliquod tribunal erexit in Italia, non unum, sed varia, in diversis Italiae partibus. Creavit primum in Insubria a. 1252. Inquisitores Vivianum Bergomensensem, et Petrum Veronensem, ex ordine Praedicatorum, datis litteris, apud Raynaldum obviis. Sed Petrus, in itinere Como Mediolanum ab aliquo haeretico interfectus est, ab Alexandro IV. propterea sanctis adscriptus, indeque, post Dominicum, *patronus*, ac princeps, S. Officii adpellatus, et qui primus illud sanguine suo consecravit. Sed, ne aut Episcoporum, aut Principum, privilegia infringere videretur Papa, voluit, ut cum Inquisitore iudex sederet Episcopus, et Magistratus aliquae

aliquae in eo essent partes; licet dicis causa, cum omnis potestas esset penes Inquisitorem, et Magistratus tantum sententiae executor. Hunc in modum varia per Italiam sunt constituta tribunalia, ex. gr. in Lombardiam et Marchiam Januensem ab Alexandro IV., a. 1260. apud Bzovium, cum amplissima potestate, eaque inter Dominicanos et Franciscanos divisa, sed non sine variis motibus, a Magistratu vel populo suscitatis, quos tamen Papae superarunt. Translata dein sunt ad alia extra Italiam loca, uti ex gr. in agrum Tolosanum ab Innocentio IV. in Galliam ab Alexandro IV., ipsius Ludovici regis rogatu, a. 1255., qui propterea sanctis est adnumeratus; in Castellae quoque, et Legionis, regna, circa idem fere tempus; imo in totam fere Germaniam, ipsam Syriam et Palaestinamque, a. 1290., et Serviam a. 1291. Quae fusius enarrasse nihil adinet. Ceterum, praeter haec tribunalia, pure Ecclesiastica, et nomine Papae tantum agentia, introductum est inter Venetos tribunal Ecclesiastico-Politicum, in quo iudices seculares, a Republica constituti, inquirebant in haereticos, Ecclesiastici de eorum fide iudicabant, essetne fidei Catholicae consentanea? dein Dux et Senatores pronunciabant sententiam. Cum vero Papa Nicolaus IV. non cessaret urgere, admissum quidem est hoc officium publico decreto a. 1289, sed manserunt quaedam partes penes seculares. Adstant enim tres inquisitores nomine Principis, nulla silentii lege constricti, nec a Papis dependentes, qui processui intersunt, et, si quae occurrant dubia, Principi renunciant. Cavit insuper Senatus, ne processus, aut captivi, extra suum Dominium, invito Principe, mittantur, ut et, ne libros prohibendi potestas sit penes Inquisitorem. Vid. Paulus Servita in historia *inquisitionis Venetae*. Neapolitani vero nunquam voluerunt admittere hoc tribunal; de quo legendus est Giannone hist. Neapol. l. XXXII, qui etiam consuli meretur de ejusmodi tribunalis erectione; lib. XV et XIX.

§. CCXXXV. Prolixa hac tractatione absoluta, reliqua ad
Ll 4 disci.

disciplinam pertinentia, leviter perstringam, initio a *confessione auriculari*, ab Innocentio III. in concilio Lateranensi IV. sancita, facto, postquam verbo memoravero, canone XIV. concilii Tolosani a. 1229. Laicis fuisse vetitum libros V. et N. Test. legere, eosque habere translatos in linguas vernaculas. Quod et ideo est notatu dignius, quia prima est hujus rei inhibitio; quantum mihi constat. Privata peccatorum confessio, ut rem paulo altius repetam, seculo IX. in usu quidem jam fuit, sed cujusque arbitrio relicta, non per legem necessaria facta, nec tam fusa, circa omnis generis et gradus peccata, nec etiam pro sacramento habita, quacum cohaereat absolutio, quippe cum confessione Deo conjuncta; fiebat autem privata confessio eo scopo, ut poenitens de modo poenitentiae agenda instrueretur a sacerdote, non ut solemnii formula *ego absolvo te* ipsi adnunciaretur remissio; usitata erat formula precatoria tantum *absolutionem et remissionem tibi tribuat Deus*, quae Tomae tempore adhuc in usu fuit; ut ex opusculo XXII. Tomae patet. Invaluit vero post seculum IX. confessio auricularis non tantum, sed et opinio de ejus necessitate; absque tamen, ut haeresios nota fuerit contrariae opinioni inusta, aut confessionis neglectui; quod hoc demum seculo per Synodum Lateranensem factum est. Inter ipsos Catholicos non defuisse, qui ei ad sensum negarunt, manifestum est 1. ex Petro Lombardo Sententiar. l. IV., ubi dicit, *quibusdam esse visum sufficere, si soli Deo fiat confessio, sine judicio sacerdotali et confessione Ecclesiae*. Dissensum licet profiteatur Lombardus, et opinionem eorum refutet, haereticis tamen eos non adscribit, aut Catholicos esse negat, qui eam fovent; 2. ex Gratiano in tractatu de poenitentia: ubi utriusque partis, et eorum, qui confessionem soli Deo sufficere censebant, et eorum qui negabant, proposita, concludit: *cui autem harum potius adhaerendum sit, lectoris judicio reservatur: utraque enim fautores habet sapientes et religiosos viros*. 3. Tomas Aquinas in Magistrum sententiarum l. IV. distinct. 17. et Bonaventura ad Thomam, de hac quaestione agentes, concludunt:

Ma-

Magister et Gratianus hoc pro opinione ponunt, sed nunc, post determinationem Ecclesiae, sub Innocentio III. factam, haeresis reputanda est. Nec tamen post Innocentianum hoc decretum defuerunt, qui palam dissenferunt, haeretici non tantum, sed et Catholici, uti ipse Gratiani glossator Johannes Semeca, qui ad Gratianum l. cit. propositionem, *adulto peccata non dimitti, sine oris confessione*, pronunciat falsam. Forma praeterea absolutoria, Catholico-Romanis in usu, hoc demum seculo nata est, ut ex Toma Aquin. l. cit. colligi potest. Vid., praeter alios, J. Morinus de *sacramento poenitentiae*, et Jac. Goar not. in *Euchologium*. Occurrit quidem in *Ordine Romano*, sed ei inserta est. Ceterum, canon Innocentianus 21^{mus} praecipit, *ut omnis utriusque sexus fidelis, postquam ad annos discretionis pervenerit, omnia sua solus peccata confiteatur fideliter, saltem semel in anno, proprio sacerdoti* etc. Per proprium sacerdotem intelligi parochum, vel presbyterum qucuilibet, ab Episcopo ad sacramenta administranda institutum vel delegatum, probavit, post Launoium, Natalis Alex. diff. IV. ad hoc seculum.

§. CCXXXVI. Confessione auriculari introducta, invaluit magis *excommunicatio*, quae dicitur *minor*, qua quis, salva communione Ecclesiastica, arcebatur per sacerdotem a solo Eucharistiae usu, cum antea passim non nisi excommunicatus, et in statum poenitentium rejectus, Eucharistia privaretur. De quo vid. Boehmer Jur. Eccles. l. III. tit. 41. Occurrit quoque hoc seculo prima mentio in decretalibus Innocentii *characteris indelebilis*, cujus opinionis occasionem praebuit sententia Waldensium, de pravis Clericorum moribus, eos ad sacrum officium reddentibus ineptos. Vid. Beaufobrius in *Biblioth. German.* tom. XV. Denique Bonifacius VIII., constitutione a 1300. edita, *indulgentias* non tantum eo anno concessit omnibus, qui basilicas Petri et Pauli Romae visitaverint, Romani scilicet triginta diebus continuis, vel interpolatis, et semel saltem quotidie, peregrini quindecim diebus; sed instituit insuper, ut singulis centum annis, vel quolibet anno centesimo, iisdem semper in posterum gauderent privilegiis. Quae con-

stitutio exstat inter *extravagantes communes* cap. *antiquorum de poenitentia et remissione*. Unde in vulgus emanavit opinio, *Jubilaea* Ecclesiastica huic seculo debere originem, et Bonifacium esse centenariae indulgentiae autorem. Sed Catholico-Romani e contra opinantur, Papam quidem indulgentiam secularem sancivisse, et semper observandam voluisse, verum morem, quo anno quovis centesimo populus Romam, ad Ecclesiam Vaticanam ad indulgentias lucrandas perrexit, jam antea viguisse, argumento petito cum ex ipsa constitutione, tum ex tractatu Jacobi Cajetani de *centesimo*, vel *Jubilaeo*. Sed totum illud nonnullorum fidelium relationibus est innixum, idque secundum testimonium Cajetani, nepotis papae. Quod nimis lubricum est testimonium, vel potius totum fictum, aut subornatum a Papa et complicibus, ad annum centesimum stabiliendum. De quo nuper luculenter exposuit Vir Reverendus et eruditus Pastor Hagiensis C. Chais in *epistolis de Jubilaeo*; qui rationes politicas et superstitiosas, quae Papam ad hoc institutum moverunt, non neglexit in lucem proferre. Ceterum Bonifacius nec Jubilaeum adpellavit, nec annum quinquagesimum instituit, adeoque ad Jubilaeum Judaicum non tam, quam ludos seculares Romanorum, respexisse videtur, quos in sacras convertit ceremonias, ut facere saepe solebant Christiani. Clemens vero VI. ritum illum ad annum quinquagesimum reduxit, et primus est nomine Jubilaei usus; postea ad annos triginta tres Urbanus VI., denique Paulus II. et Sixtus IV. terminum quinque lustrorum, vel 25 ann., posuerunt. Fuit autem hoc anno ingens hominum concursus Romam, et inmensa donationum ac oblationum copia in thesaurum Papalem confluit. Exclusit autem hoc beneficio Fredericum I., Genuenses, Siculos, Columnenses, omnesque eos, qui merces suas ad Saracenos deportassent.

VITA ET MORES.

§. CCXXXVII. Novi Monachorum Ordines, quorum hoc
seculum

seculum fuit feracissimum, hoc seculo exorti, qui nostram in primis merentur adtentionem, sunt Mendicantium, Carmelitarum, Eremitarum S. Augustini, Dominicanorum, et Franciscanorum. *Carmelitae*, a monte Carmelo in Palaestina sic dicti, originem quidem suam ab Elia repetunt; qui, dum in vivis esset, Ordinem instituisse, ad hoc usque tempus sine interruptione continuatum, sed quae pura puta sunt figmenta, ut Papebrochius in *elucidatione histor. act. sanct.* Aprilis tom. III. jam demonstravit. Primum Ordinis fundamenta jecit seculo XII. Almericus, Patriarcha Antiochenus, qui eremitas, per Palaestinam sparsos, in unum collegit, structo in cacumine montis Carmeli coenobio. In quo cum exemplum Eliae censerentur secuti, Carmelitae adpellati sunt, et ab Elia suam duxerunt originem; imo, per Eliae revelationem id esse factum, iactitarunt, uti autores aequales, a Papebrochio citati, testantur. Vid. quoque Johannis Phocae, qui loca sancta seculo XII. visitavit, itinerarium, editum a Leone Allatio in *Symmetis*. Primus Ordinis Praeses Bertoldus, revelatione Eliae de colligendis eremitis fingitur ornatus a. 1156., secundus vero Brocardus a. 1171. regulam composuit, quam Albertus, Patriarcha Hierosolymitanus, abbreviavit, et confirmavit a. 1199., cum Praeses generalis esset Cyrillus circa a. 1229. Is novam de coelo narratur accepisse apocalypsin de futuro Ecclesiae statu. Regulam vero postea adprobavit Honorius III. Papa a. 1226., sed et mitigavit Innocentius IV. in concilio Lugdunensi I., quando, superinducta coenobiticae vitae forma, inter Ordines religiosos locum accepit. Ulterius denique Ordinem confirmavit Honorius IV. circa a. 1285., et habitum mutandi potestatem concessit; a quo tempore habitum adsumserunt, quem ad hoc usque tempus gestarunt, albam scilicet et amplam cappam, et subtus tunicam griseam cum scapulari. Quae habitus mutatio ipsis concitasse traditur odium Soldani Saracenorum, ita ut ab eo sint expulsi; postea tamen eo reversi. Vid. *continuator belli sacri* lib. V. Brevi vero adeo multiplicati sunt, ut cum Dominicanis et Minoritis publicas

de perpetua a carnibus abstinentiâ, excepta morbi necessitate, continuum ab exaltatione crucis ad pascha jejunium, per septem menses, a festo crucis Septembrino, lineis indusiis ad carnem non uti, etc. Quatuor vero annis post Ordinem institutum bona et possessiones, quibus antea gavisi erant, abdicarunt, absolutam paupertatem, quae nihil proprii possidere permittebat Ordini, elegerunt, in generali capitulo Bononiae habito a. 1220. Denique praecipuum Ordinis munus erat *discere et docere*. Ibant itaque per vicos, castella, et civitates; praedicantes; unde *Praedicatorum Ordo* nuncupati sunt. Tandem ei officium *inquisitionis* adjunctum est, et Dominicus ipse primus fuit Inquisitor in provincia Narbonensi, autoritate Innocentii III., et Honorii III. Sed duos alios, praeter hunc, Ordines instituit Dominicus, unum *Sanctimonialium*, alterum *militiae Jesu Christi*, ad Ecclesiae jura vindicanda, haereticos oppugnandos, et sacrum tribunal tuendum. Qui Ordo post Dominici obitum, cum armis contra haereticos opus amplius non esset, mutatus est in Spiritualis devotionis Ordinem, nomenque accepit de *poenitentia Dominici*. Mortuus est Bononiae a. 1221., et a Gregorio IX. sanctorum catalogo insertus a. 1224. Adtribuuntur quidem ipsi aliqua scripta, sed nemo antiquorum, qui acta Dominici concinnarunt, eorum meminit. Antonius Senensis, in Ordinis Bibliotheca, duos ipsi dat libros contra Albigeneses, diversis vicibus in ignem coniectos, sed ab igne resilientes; sed breves tantum fuisse videntur schedulae. fidem orthodoxam contra Albigeneses complexae, et Petrus Cernaii, in hist. Albigensum, unius tantum meminit schedulae, in ignem sine laesione missae.

§. CCXL. Celeberrimus hic Ordo variis fuit insignitus nominibus, Dominicanorum ab autore, Praedicatorum a munere, fratrum Beatae Mariae, a summa in eam, tanquam Ordinis protectricem, devotione; *rosario* quoque ejus, cujus supra memini, instituto a Dominico. Generalis Ordinis, qui universo praest, etiam Magister ejus dictus, primus fuit
Domi-

Dominicus, cui successit Jordanes Saxo: sub quo nacti sunt licentiam artes et Theologiam publice profitendi Parisiis. Tertius fuit Raymundus de Penna-forti, de quo supra suo loco egi; redegit ipse constitutiones Ordinis in unum volumen. Ceterum, inmensum brevi tempore adeo crevit Ordo, ut per totum orbem fuerit dispersus, et ubique fixerit sedes. Vid. Antoninus Florentinus, tit. XXIII., qui circa a. 1458. historiam absolvit. Quam propagationem nemo mirabitur, qui adverterit, Dominicum, ejusque primos socios, summam vitae praetulisse austeritatem, multa visa et miracula fuisse jactata, fervidum fidei propagandae studium ees spirasse, haereticis debellandis infudasse, et Paparum auctoritati tuendae ac ampliandae in primis fuisse intentos. Singulare denique est, quod subjungi meretur, matrem Dominici, ipsum in utero gestantem, visam narrari sibi fuisse, se *catulum portare, gestantem facem ardentem, qua totus mundus accenderetur*, teste Antonino. Quod experientia docuit inpletum esse, per persecutiones, et motus, ab ipso et Ordine suscitatos. Spiritus enim, quo hic ordo agitur, est crudelitatis et persecutionis, ut ex Officio Inquisitionis, et historia Albigensum, aliisque e speciminibus, elucescit.

§. CCXLI. Alter Ordo, praecedenti aemulus, variis quoque venit nominibus. *Franciscani*, ab autore, de quo mox plura, in humilitatis signum *Minores* adpellantur, ipsius Francisci iustus, qui Ordinis praelatos propterea non Magistros, sed *Ministros*, salutari voluit, praeterea *Chordigeri*, seu funigeri, a chordis, vel funibus, quibus cinguntur, denique a Germanis *Barfusser*, quod nudis soleant pedibus incedere, praeunte quoque Francisco, cum vilissima et curtissima tunicula, fune cincta. In regula, qua vetuit quidem calceis uti, aut equis vehi, sed vilia tantum in genere injunxit vestimenta: ex quo de colore, forma, et mensura, vestium ortae sunt inter ejus discipulos variae contentiones per multos annos, donec conveniret, i. ut vel pedibus incederent, vel mulis aut asinis veherentur

rentur 2. Soleae adnecterentur pedibus per lora 3. De colore, forma, et mensura, vestium dissensum variis Papis detulerunt definiendum, qui eos dubiis demiserunt responsis; quando tandem uti coeperant, quod adhuc durat, demissis ad talos vestibus, et grandibus cucullis, grisei coloris ex albo et nigro quodammodo, sed circa manticas, quas alii patulas, alii strictas, habent, manserunt discordes. De vita et statu monachali ex regula, a Francisco praescripta, satis constat, Vid. etiam Matth. Paris. a. 1227. Strictissima paupertas et obedientia Ordinis sunt fundamenta. Caput quartum praecipit, *ne denarios aut pecuniam recipiant, vel per se, vel per interpositam personam: caput quintum, ut, si possint, manibus laborent, quod si pretium laboris ad vivendum non recipiant pro opere*, permittitur ipsis mendicare, ut testamentum Francisci habet: caput sextum injungit, *ut fratres nil proprii possideant, nec domum, nec locum, nec ullam aliam rem sub coelo, sed altissimam profiteantur paupertatem, adeoque vel labore manuum, vel mendicitate victum et amictum, aliaque necessaria, acquirant*. Denique praecepit Franciscus, ut regulae suae nihil addatur, nihil dematur, nullaue glossa explicetur. Nec tamen hisce legibus stetit Ordo, licet stare voluerit videri.

§. CCXLII. Famosum hunc Ordinem instituit Franciscus, adprobavit Innocentius III., et confirmavit Honorius III. Rexit primus, sub ministri titulo, idem Franciscus, quem alii successive exceperunt. *Franciscus* vero, ut nonnulla de ipso summatim tradam, Assisiensis, a patria Assisio, civitate vallis Spoletanae dictus, ex patre mercatore natus a. 1182., studiis leviter tinctus, mercaturam in initio exercuit, vitamque egit prorsus mundanam, et luxuriosam, donec divinitus, ut volunt, admonitus de nocte, sese ad monachalem adplicuerit habitum. Cum autem hoc in statu libidini, per glaciem, nives, similiaque exercitia alia, vincendae incumbere, multaque, et abnegationis singularis, et charitatis, in primis erga leprosos, a quibus maxime abhorruerat, exempla dedisset, tandem in missa audivit ex Evangelio dictum

Christi

Christi ad Apostolos, quo illis vetatur *possidere aurum, argentum, duas tunicas, et calceamenta*. Quo, tanquam fulmine, ictus illud sibi pro regula praescripsit a. 1208. Quo in statu comparatis sociis Romam perrexit, ut regulae et Ordinis confirmationem ab Innocentio III. inpetraret. Qui, cum hominem vidisset habitu deformem, vultu despicabilem, cum barba prolixa, et capillis incultis, quo habitu iter per Italiam fecerat, ab omnibus spretus, et ludibrio habitus, quod patienter tulerat, regulam praeterea observatu impossibilem considerasset, eum his verbis repulit, *vade frater, et quaere porcos, quibus potius debes quam hominibus comparari, et devolve te cum iis in volubro, illisque regulam trade* etc. Vid. Matthaeus Parisiensis a. 1227. Praestitit sese mox devote obsequiosum, cumque porcos reperisset, se in luto tamdiu cum iis convolvit, donec a planta pedis ad verticem usque sese misere pollulisset. Quo in habitu cum sese denuo stitisset Papae, dicens, *Domine! feci sicut praecepisti, exaudi nunc, obsecro, petitionem meam*, Papa obstupescens, animo mutato, regulam cum Ordine adprobavit, motus in primis, uti fertur, visionibus, cum *palmae succrescentis*, tum Ecclesiae Lateranensis a ruina, quam minabatur, per similem hominem liberatae. Confirmavit dein Honorius III. a. 1223.

§. CCXLIII. Praeter hunc Minorum Ordinem, duo alii per ipsum in lucem venerunt, similem professi paupertatem, unus *Monialium*, quae primo *Damianitae*, ab Ecclesia S. Damiani, in qua eos collocaverat Franciscus, dein *Clarissae*, a S. Clara, virgine Affiliata, sic dictae sunt, alter *tertiariorum*, tam regularium, quam secularium, utriusque sexus, quos *fratres poenitentiae* vocant, etiam *saccipos*, a saccis poenitentiae. Defunctus est a. 1225., et eodem anno ingente et singulari pompa canonizatus a Gregorio IX. Narrantur de hoc homine multa mira et absurda, tum in vita ejus, a Bonaventura scripta, tum praecipue in libro profano *conformitatum S. Francisci cum Domino nostro Jesu Christo*, cujus autor censetur Bartholomaeus Albicius Pij

sanus, qui a. 1399. fertur hunc librum composuisse. Editus autem est, adprobante Ecclesia Romana, primum Mediolani a. 1510., dein 1513., cujus excerpta dedit Erasmus Alberus in *Alcorano Franciscanorum*; contra quem apologeticum scripsit Henricus Sedulius, sed cui respondit Matth. Betulejus in *Francisco profano-rediivo*. Dici nequit, vixque credi potest, quantae ineptiae et profanitates in eo libro congestae sint. Praeter fabulam stigmatum, de quo supra dixi, insana in eo occurrunt figmenta et elogia. Franciscus ex. gr. Jesus adpellatur typicus, consiliarius Christi, vexillifer summi Regis, et ei illud Pl. VIII. *gloria et honore coronasti eum* adplicatur, nec non Joh. VIII. *vidit Abraham diem ejus* etc., et *omnia mihi tradita sunt a Patre* etc. Alia superstitiosa et fabulosa lubens praetereo. Multa protulit autor *historiae Ecclesiast.* sec. XV. Scripta Francisci, imperitiae et superstitionis plenissima, collegit et publicavit Lucas Waddingus, autor ille celebris *Annalium Ordinis Minorum*; cujus operis supplementum edidit Johannes a Divo Antonio. Alios de vita Francisci et Franciscanorum Ordine recensuit Fabricius *Biblioth. med. et infim. Latinitatis in Francisco*.

§. CCXLIV. Moram adhuc aliquam injicit insignis hujus Ordinis promotor et illustrator *Antonius de Padua*, gente Lusitanus, sed qui dein, cum Francisco se adplicuisset, mortuus est Paduae, ibique mortuus a. 1231., unde titulus de *Padua* fluxit. Fuit primus Minoritarum professor Theologiae, suaeque eloquentia, visionibus, et miraculis, ingentem sibi comparavit famam: licet sermones ejus, quorum aliqui prostant, nihil minus spirent. Inepta sunt, et ridicula, quae ipsi adfinguntur, miracula: inter quae est, ut illud unum proferam ex Bzovio a. 1231., quod, ad Transubstantiationem, et adorationem hostiae, demonstrandam, asina, inedia macerata, neglecto pabulo, ipsi oblato, corpus Christi ipsi propositum, flexis genibus, jussu Antonii, adoraverit. Alia, apud ipsum Bzovium obvia, mitto. Dicitur ipse est *arca Testamen-*

Testamenti, et scripturarum armarium; sanctis vero adscriptus a Gregorio IX., cum indulgentiis promissis, si qui ejus f. pulchrum visitaverint.

§. CCXLV. Duos hosce inter Ordines, Dominicanorum et Franciscanorum, qui iisdem artibus, et eodem modo, creverunt, exorta progressu temporis est aemulatio, et ingens discordia, etiam in doctrina circa capita de libero arbitrio, gratiae internae necessitate, et efficacia, ut et immaculata conceptione Mariae, a Franciscanis adfirmata, sed Dominicanis negata. De quo postea. Praestiterunt praeterea hi Ordinis sese infames per Officium Inquisitionis, aliaque scelera, ut avaritiae, libidinis etc., ab iis perpetrata. Vid. Matthaeus Parisiens. a. 1235., Petrus de Vineis in Epistolis, Doctores Parisienses in libro de *periculis novissimorum temporum*. De quo, et liubus inter hos Ordines, et Academiam Parisiensem, distinctius est agendum. Ortae autem non solum sunt inter eos, et ordinarios sacerdotes, acerrimae concertationes, ex nimis Praedicatorum et Minorum ambitione, qua praedicandi, et confessiones audiendi, munera sibi fere soli vindicabant, et ordinarios sacerdotes privilegiis suis privabant, de quo hi in litteris, vel ad Fredericum II., vel ad Synodum Lugdunensem, a. 1245. celebratam, acerbe conquesti sunt: exstant apud Petrum de Vineis, et inde apud Usserium de successione Ecclesiae etc. cap. IX., sed in primis inter eos, et Academiam Parisiensem, maxime postquam liber, *aeternum evangelium* dictus, in lucem prodisset. Cujus libri argumentum, et nonnulla capita, exhibet liber de *periculis novissimorum temporum*, nec non Gulielmus de *sancto Amore*, sermone II., ac Ptolemaeus Lucensis hist. Eccles. l. XXII. Sed longe plura repraesentat: Eymericus in *directorio Inquisitionis* apud Usserium l. cix. Librum eo collineasse, ex prioribus autoribus tantum constat, ut, evangelium Christi esse imperfectum, nec semper duraturum, evinceret, sed sicut illud in locum legis successit, ita etiam locum perfectiori, ac magis Spirituali, evangelio cessurum, illudque futurum esse. a. 1260. Perfectius vero euan-

gelium censebatur Spiritus, quod ad Joachimi abbatis opinioniones conformatum, a Praedicatoribus et Mincritis adnunciabatur, vitam continens spiritualiorem, quam hucusque viderat mundus. Reliqua capita apud Eymericum nunc praetereo. Autores, qui de hoc libro egerunt, recensuit Fabricius in Bibl. med. et infim. latinitatis in *Johanne de Parma*. De autore libri non convenit inter doctos. Matthaeus Parisiensis eum a Praedicatoribus esse compositum tradit, sed Eymericus Inquisitor autorem adserit esse Johannem de Parma, Italum, et Ordinis Minorum Generalem. Atenim ex libro de *periculis novissimorum temporum* nihil aliud colligi potest, quam a Praedicatoribus illud euangelium fuisse commendatum, et Parisiis publice propositum a. 1254. Sed et illud inde constat, librum non fuisse tunc novum, quippe per annos quinquaginta quinque jam incepisse concinnari. Ex quo mihi verosimilius videtur, doctrinam de aeterno evangelio initio saeculi jam coepisse vulgari, cum Praedicatores surrexerint, et ab iis, vel potius aliquibus eorum, seu *Spiritualibus*, publice propositum fuisse, ac divulgatum. Utique illud ex modo citatis testimoniis manifestum est, et in Praedicatores apte quadrat. Solebant enim jactitare, se *illuminasse mundum, et vitam ostendisse veniendi ad vitam*; ut refert Wilhelmus de S. Amore serm. II., ubi etiam, quid a religioso quodam in aliqua Ecclesia praedicatum audiverit, enarrat, his verbis: *audiui, quod quidam religiosus in quadam civitate praedicabat, et dixit: Ordo noster valde est exaltatus, quia ante Ordinem nostrum totus mundus fuit in tenebris. Sed venit beata virgo, et cecidit Filio suo ad pedes, et jacuit ante ipsum tres dies, et dixit ei Dominus, ut peteret, quod vellet, et ipsa tunc dixit, quod vellet, ut unus fieret Ordo, qui totum mundum illuminaret, et Dominus concessit ei, et ipsa tunc dixit cuidam, ut faceret Ordinem, et iste Ordo noster est.*

§. CCXLVI. Hoc libro Parisiis evulgato, simul ad Monachos illos applicito, sicut *introductio* ad eum habet, ab ipso libro bene distinguenda, (argumentum enim libri generale est,

est, et ambiguum, introductio vero, autore forte Johanne de Parma, vel ejus intimo amico et socio Gerardo, Monacho Franciscano, ut disputat Eckard. de script. Dominic. t. I., ejus explicationem et adplicationem continet, ad Monachos illos) Doctores Sorbonici sese hisce Monachis majore studio opposuerunt, scripto etiam libro *de periculis novissimorum temporum*, qui et alibi, et in *fasciculo rerum expetendarum ac fugiendarum*, ed. Brownii, extat. Praecipuus vero Praedicatorum adversarius, et libri autor, celebratur *Gulielmus de S. Amore*, sic dictus ab oppido ejus nominis in comitatu Burgundiae, unde oriundus fuit. Canonicus primum Bellovacensis, dein Doctor Sorbonicus Parisiensis, ipse Roberti, qui Sorbonam fundavit, *familiaris, magnae vir scientiae*, et *opinionis*, teste Antonino in *summa histor.* tom. III. Nonnulla etiam ejus opuscula contra mendicantes Monachos in lucem protraxit Johannes Aletophilus, alias Cordesius, erudita praemissa praefatione, de autore, et doctrina ejus. Duo autem ejus sermones quoque prostant in citato *fasciculo rerum expetendarum* etc. tom. II. Hisce in operibus Praedicatores aterrimis depinguntur coloribus, tanquam 1. illegitimi praedicatores, et Sacramentorum administratores, qui contra Ecclesiae canones, et legitimam disciplinam, sibi jus praedicandi, et confessiones audiendi, etc. adrogabant in aliorum Ecclesiis, non obstante permissione Papae, quippe Scripturae S. et canonibus adversa, eoque nomine nulla. Quam thesin sequente seculo etiam tuitus est Johannes de Poliac, Theologus Parisiensis, sed damnavit Johannes XXII. Papa, etiam revocasse fertur Johannes de Poliac, ut habetur in *Extravagante, vas electionis*, edita a. 1321. 2. Validi mendicantes contra instituta Apostolica, ipsamque rationem, quae Monachis mendicitatem prohibet, et labores vel vitam communem inperat. 3. Hypocritae famosi, qui, sub specie pietatis, se in domos ingerebant, earumque secreta aucupabantur, praeterea bona corradebant, et varia crimina alia committebant. 4. Ambitiosi et superbi,

qui Principum et Praelatorum favorem sibi conciliabant, alios spernebant, solique in Ecclesiis dominari volebant. 5. Crudeles, qui omnes, auctoritati et ambitioni suae adversos, e medio tollebant, non quidem ipsi, sed brachio seculari occidendos tradebant. 6. Praecursores adeoque Antichristi, et signa praenuncia novissimorum temporum, vel, ut populus apud Matthaeum Parisiensem, eos nuncupavit, *Antichristi successores, Regum et Principum adulatores et consiliatores, ordinariorum contemptores et supplantatores, thalamorum regaliū subintratores, confessionum praevaricatores, qui, peragran-tes ignotas provincias, peccandi audaciam subministrabant.*

§. CCXLVII. Hac contentione ad Papam Alexandrum IV. utrinque delata, damnavit quidem Papa aeternum euangelium, vel ejus introductionem, supra memoratam, sed ita, ut *secreto, et si fieri possit, sine fratrum scandalo combureretur*, ut habet Matthaeus Parisiensis, sed simul Doctorum Parisiensium librum de *periculis novissimorum temporum*, tanquam *iniquum, scelestum, et execrabilem, continentem documenta prava, falsa, erronea, et nefaria.* Combustus praeterea est liber, jussu Papae, cum in curia Papali, quae Anagninae residebat, tum Parisiis, coram tota universitate. Nec tamen propter haeresin damnatus est liber, verum quia *contra praefatos religiosos seditionem et scandalum movebat*, ut Gulielmus Nangius in vita S. Ludovici, et in Chron. a. 1256. tradit. Interdictum praeterea est Gulielmo, auctoritate Pontificia et Regia, docendi facultate non tantum, sed et regni Franciae aditu: reliquis Doctoribus injunctum, ut Praedicatores et Minores Parisiis reciperent in societatem Academicam, simul ut sequentes profiterentur articulos 1. Romanum Pontificem posse praedicatores et confessores mittere ubique per mundum, sine consensu inferiorum Praelatorum, seu parochialium Sacerdotum 2. statum mendicitatis propter Christum esse statum salutis et perfectionis 3. Religiosos pauperes mendicando posse acquirere victum, sine labore manuum, etiamsi sint validi corpore; maxi-
me

me qui student verbo Dei, legendo, disputando, praedicando. 4. Ordines Praedicatorum et Minorum esse bonos, et ab Ecclesia adprobatos, adeoque quae in praedicto libro habentur, de pseudo-prophetis et nunciis Antichristi, non esse de illis Ordinibus intelligenda. Deinceps vero, post Alexandri IV., ejusque successoris Urbani IV., obitum, patris Academiae rebus, et Dominicanis in duplicis cathedrae publicae in Academia possessione confirmatis, Gulielmus rediit Parisios, et librum de *periculis novissimorum temporum* aliam redegit in formam, sub hoc titulo: *collectio-nes catholicae et canonicae scripturae ad instructionem et praeparationem simplicium Christi fidelium contra pericula imminens Ecclesiae generali per hypocritas, pseudo-praedicatores, et penetrantes domos et otiosos, et curiosos, et gyrovagos.*

§. CCXLVIII. Reliquos ordines, hoc seculo erectos, verbo recensuisse, secundum ordinem temporis, suffecerit. 1. Ordo regularis *Hospitalariorum* S. Spiritus constitutus est apud Montem Pessulanum in Gallia a Guidone Comite, et ab Innocentio III. confirmatus a. 1198. 2. Ordo S. *Trinitatis* de captivorum redemptione et servitute infidelium originem repetiit a Johanne de Mata, Doctore Parisiensi, Felice, anachoreta Valesiense, confirmationem ab Innocentio III. a. 1198. Vid. ep. 481. lib. I. Innocentii, ubi regulae Ordinis exstat. 3. Ordo *humiliatorum tertius*, a S. Bernardo, et Guidone, viro nobili, institutus a. 1135., huc usque sine certa regula degens, eam nactus est ab eodem Innocentio a. 1199. Sed a quo bene sunt distinguendi alii *Humiliati*, haereticis accensi ab Innocentio, qui praedicatorum et confessorum munus sibi adrogabant. Diversi etiam sunt *Pauperes Catholici* ex Waldensibus, qui etiam dicti sunt *pauperes de Lugduno*, ex conversis ad fidem Catholicam orti, et ab Innocentio ann. 1210. confirmati. Hi vero conversi, bonis abdicatis, in vili habitu, paupere vita, jejuniis, et orationibus, se exercuerunt, simul lectionibus et disputationibus contra haereticos toti dederunt; quorum praeci-

pui fuerunt Bernardus primus, et Durandus de Osca: degerunt in primis in provincia Tarraconensi, et parte Calaloniae, sed quae congregatio postea sensim defecit. 4. Ordo *Vallis Scholarium*, a Gulielmo, aliisque doctoribus Parthenisibus, qui secundum regulam Augustini coeperunt Deo militare, institutus est in dioecesi Lingonensi, in valle, ipsis a Praefule Lingonensi, assignata: unde nomen vallis Scholarium. Postea sunt regulae adiectae certae constitutiones, apud Dacherium in Spicilegio. Confirmavit Ordinem Honorius III. a. 1218. 5. Ordo *Silvestrinorum*, sic dictus ab autore ejus Silvestro Guzelino Auximate, e canonico facto eremita, multosque sanctitatis suae fama adlicente, a. 1231., in eremo S. Benedictide monte-fano, dioecesis Camerinenfis, haud procul a Fabriano, oppido Piceni. Confirmavit Innocentius IV. a. 1247. 6. Duplex ordo Mariae, unus *Mariae de mercede*, captivis e manu infidelium redimendis destinatus, autorem habuit Jacobum Arragoniae regem, a. 1223, confirmatus a Gregorio ex a. 1230., a quo regulam Augustini accepit a. 1235. Alter *Servorum Mariae*, Florentiae ortus a. 1232., sub nigro habitu et regula Augustini, confirmatus ab Alexandro IV. a. 1255., et postea a. 1304. a Benedicto XI. Denique a Martino V. inter mendicantium Ordines relatus. Ceterum de origine Ordinis Servorum Mariae Vid. dialogus Pauli Florentini ad Petrum Cosmae, fabularum plenus, in deliciis J. Lamii tom. ultimo, et Archangelus Gianeus Florentinus apud Bzovium a. 1231. 7. Denique Ordo Celestinorum institutus est a Petro de Morone, postea Celestino V. Papa, in Apuliae quadam solitudine, et confirmatus a Gregorio X. in concilio Lugdunensi, dein ab ipso institutore, Papa facto a. 1294. Fuit autem quaedam reformatio monasticae disciplinae sub regula Benedicti.

§. CCXLIX. Reliquis Ordinibus missis, non possum quin singularem Ordinem *Flagellantium*, a. 1260. in Thufcia ortum, et dein ad alias provincias longe lateque diffusum, verbo

verbo adtingam. Cum dirissima fames, anno memorato, per Orbem grāssaretur, nobiles, et mercatores, primum, dein plebeji, sacerdotes, cujusque etiam sexus et ætatis alii, coibant, et, processionis ad modum, ad oppida et templa procedebant: in quorum conspectum cum venissent, hymnos cantabant, preces fundebant, modo procumbentes, modo palmas ad sidera tendentes, modo pectora tundentes; sed et qui vestibus exutis, et ab umbilico superne nudi, capite operto, *scutica nodosa* humeros et pectora cruentabant, in eo supra triginta dies continuando. Quo facto, se expiatis putabant, et Deo reconciliatos. Hi homines, nulla auctoritate Papali muniti, diversa admodum subierunt judicia: cum alii eos pro bonis, alii pro hæreticis, flagitiosis, et superstitiosis, habuerunt: multi quoque Principes fines regni ingredi vetuerunt, ut tradit Aventinus annal. l. VII. Nec tamen reprimi potuerunt, quin sequente seculo majore cum impetu se rursus in publicum dederunt: de quo postea. Ann. 1320., ut illud anticipem, inquit Ptolem. Lucens. in vita Clementis. V. *acciderunt in Italia verberationes hominum. Ex quo infinitæ paces factæ sunt ultra opinionem hominum; et mirabilia dicuntur adparuisse in imaginibus, licet multa falsa sint inventa, sed quicquid sit, hoc fuit vere mirabile, quia quod Principes, vel Optimates, facere non potuerunt, hoc fuit in eis, qui ad invicem inimicabantur, virtus Divina, quia Patres requirebant hostes, quorum filios occiderant, ad faciendam pacem.* Vid. Monachi S. Justinae Paduensis Chronicon ab Urstizio editum, Fr. Pipinus, autor antiquus, in Chronico, inter Scriptores Italicos Muratorii tom. IX., et Chronicon Foroliviense ibid. tom. XIX., nec non autor vitæ Balduini in Miscellan. Baluzii tom. I. Ceterum de primis spontaneæ flagellationis originibus quaedam ad sec. XI. dixi, hic non repetenda.

§. CCL. Dictis subjungo, inter *fraternitates* hoc seculo natam esse illam *Kalendariorum*, sic adpellatam a verbo *calo*, h. e. convoco, quia conveniebant ad bona communicanda,
Tom. VI. Oo et

et animabus defunctorum subveniendum. Vid. C. Iken in *symbolis literariis* tom. I. Invaluerunt quoque in Belgio *Beguinæ*, *denique* exercitationem peculiarem sectantes, et castitatem sine voto tenentes, nomen sortitæ, secundum nonnullos, a viro religioso Lamberto le Begue, presbytero Leodiense, qui sec. XII. floruit, et devotione celebris fuit: sed forte rectius a devotione et precatione. De quo supra monui, ubi de Beguardis viris exposui. Vid. Aegidius, aureae vallis Monachus, in Radulpho, Episcopo Leodiensi, cap. 52., quarum varia fuerunt fata: ex recentioribus Boehmer Jur. Eccles. l. III. tit. 31., et, qui nuper ad manus venit, Mosheimius in hist. Eccles. hujus seculi, qui de hisce foemina, et similis instituti viris, in Belgio plura adfert.

§. CCL. De vita et moribus parum habeo, quod supra dictis, ubi de Curiae Romanae corruptione exposui, addam. Erat Curia illa, cum Clero fere universo, depravatissima, superstitio modum nesciebat, tyrannis palam dominabatur, publice sancita per leges, et tribunal Inquisitionis De Monachis mendicantibus modo quoque egi. Subjungam tantum generales nonnullorum querelas, et scripta hujus seculi: cujus generis sunt libri Eliae Rubei Tripelaviensis, Gilberti Monachi, Roberti Galli, et Nicolai de Bibrach, et aliorum, in *catalogo testium veritatis* lib. XVII., praeterea planctus Bernardi Westerrodi, exemplar Mythologiarum Aesopi, ac similia, cum figuris, ibid. l. XVI. Notabilis etiam est epist. Gregor. IX. ad Archiep. Burg. a. 1223. edita in *Gallia Christiana* tom. II. in adpend., qua vitia Ordinum Spiritualium perstringuntur. Eadem de re testatur, siue verum, seu imaginarium, siue fictum, sit, quod Bzovius a. 1248. ex Toma Cantiprat., etiam Wolfius Memorab. a. 1270., refert, Clericum aliquem in Synodo Paris. a Satana, quasi adhaerente, inductum, jussu Dei, haec v rba ad Patres Synodi retulisse, *Principes Inferiorum tenebrarum Principes Ecclesiarum saluant, laetitia summa perfunditur, et gratiae ingentes*

ingentes vobis habemus, quia per negligentiam Praelatorum, et ipsi ad inferna devolvuntur, et plures animae iis subditae damnantur. Addantur canones concilii Viennensis a. 1267. et Salisburgensis a. 1274., in Antiquis Lectionibus Canonici tom. IV., quibus multi pravi mores decernuntur emendandi.

HAERESSES.

§. CCLII. Cum *Waldenses et Albigenfes*, quorum historia primum pertexenda est, magis magisque invalescerent, et quaquaversum disseminarentur, ita ut, ipso Innocentio III. in epistola 94. lib. I. ad Aquensem Archiepiscopum teste, *innumeri Populi ea haeresi essent infecti*, ubi adpellantur Waldenses, Catari et Patarini, Pontifici nihil non tentarunt ad eos extirpandos, quibuscunque usi mediis, ut scriptis, colloquiis, conciliis, edictis Imperatorum et Regum, denique aperto bello, et tribunali Inquisitionis. De quibus ordine est agendum. Inter eos, qui scriptis refutarunt, locum tenet, hic memorandus, Moneta Cremonensis, primum Professor artium Bononiae, dein Ordini Praedicatorum adscriptus, Inquisitor quoque fidei Mediolanensis, qui plures neci dedit. Floruit a. 1230. et deinceps. Latuit ejus liber contra Catharos et Waldenses in Bibliothecis, editus demum a. 1745. Romae, opera Augustini Ricchini, qui et dissertationes de haereticis illis addidit. In concionibus vero contra eos, et disputationibus cum iis, praecipuam retulerunt laudem ex Cisterciensi Ordine Arnaldus Abbas, Petrus de Castro novo, et Rudolphus, Professores, ab Innocentio III. hac legatione ornati, ex reliquis Ordinibus Dominicani et Franciscani, ipse in primis Dominicus. Vid. Gulielmus de Podio Laurentii, qui Raymundo juniori a saceris fuit, in Chronico, et Petrus de Valle Cernii in hist. Albigensum. Habita autem sunt disputationes 1. apud Vindesoliam, ubi confusi, non conversi, narrantur haeretici

2. ad Apamiam, haud procul Tolosa, ubi ~~item~~ feruntur convicti, ipso iudice disputationis converso. 3. Aliam memorat Petrus de Cernali, a Dominico cum ipsis habitam, in qua insigne contigisset miraculum, cuius supra memini, schedulae Dominici, ipsis ad examinandum traditae, et bis vel ter in ignem ab ipsis coniectae, sine ulla laesione resilientis ab igne. 4. Denique longe sollemnior fuit apud Montem regalem in dioecesi Carcassionensi a. 1207. inter Catholicos, modo laudatos, et Pontificem Jordanum, Arnoldum Aurisanum, ac Arnoldum Hot, vel Otthonum, coram quatuor arbitris, partim nobilibus, partim plebejis. Superfuit disputationis acta Mss., quorum summam ex Nicolao Vignerio Hist. Eccles. a. 1207. recenset Usserius de *success. Ecclesiae* etc. cap. X. Capita disputationis fuerunt sequentes Arnoldi Hot theses. α. Romanam Ecclesiam non esse sponsam Christi, sanctamque Ecclesiam, sed turbulentam, Satanae doctrina institutam, adeoque Babylonem, de qua in Apoc. Johannis agitur, matrem fornicationum, et abominationum, sanguine sanctorum et martyrum Christi inebriatam. β. Politiam illius non esse bonam, neque sanctam, neque a Christo stabilitam. γ. Missam, quo modo hodie celebratur, non esse a Christo, aut Apostolis, institutam.

§. CCLIII. Quae omnia media cum frustra cecidissent, erupit mox apertum bellum, a Cruce signatis, jussu Innocentii III., gestum cum Tolosanis, et aliis, qui Albigenisibus patrocinebantur. De cruce signatis ad hoc bellum legendae quoque sunt epistolae Episcopi Tolosani ad Gervasium Abbatem Praemonstratensem, hujusque responsoria, inter Epistolas Gervasii ab Hugone editas, in *monumentis sacrae antiquitatis*, epist. XLII. et XLIII. Multa ad hoc bellum pertinentia exhibet quoque Gulielmus Briton, Armoricus, Philippidos l. VIII. inter XI. script. Francic. Pithoei, ex recentioribus de hoc bello vid. Usserius l. cit., et Limburg hist. Inquisit. lib. I., et ex Catholicis, praeter alios, Benedictini in *hist. generali Langedociae* tom. III., qui accuratio-

res hac parte sese praestiterunt. Natalis vero Alexandet, diff. III. ad hoc seculum, belli iustitiam demonstrare conatus est, hoc Antichristiano nixus principio, quod religionis causa contra haereticos, eorumque fautores, fuerit gestum. Conscripsit hunc exercitum, ex omnibus fere orbis Pontificii partibus collectum, Papa Innocentius, amplissimis promissis indulgentiis, quales contra infideles concedi solebant. Vid. ex. gr. epist. 149. l. X. ad Regem Francorum, et l. XI. ep. 156. et seq. ad Archiepiscopos et Episcopos, et 230. ad universos fideles; quos ad hanc sacram scilicet militiam adhortatur, in clausula promittens *confidentissime*, ut inquit, *ob hoc regnum coeleste*. Crucem quoque gesserunt milites, sed in pectore, non in tergo, ut reliqui cruciati contra infideles. Praedicatores, quaquaversum missi ad crucem promulgandam, pro textu passim habuerunt verba Ps. XCIV: 16. *Quis consurget mihi adversus Malignantes? aut quis stabit mecum adversus operantes iniquitatem?* Occasionem belli praeiit Raymundus, Comes Tolosanus, quod haereticis faveret, vel eos tutaretur, quodque necis Petri de Castro Novo, legati Papae, et furiosi haereticorum persecutoris, qui sagitta erat a satellite Raymundi confixus, haberetur reus. Quas ob causas cum Raymundus esset anathemate percussus, subditi et socii a fidelitatis iuramento soluti, cuilibet quoque data esset potestas Comitem persequendi, ejusque terras occupandi, ut Gulielmus de Nangis in Chron. a. 1207. refert, et ipse Papa testatur in epist. 26. lib. XI. ad Archiepiscopos Narbonens., Arelatens., et alios vicinos. Comes, ut hanc terribilem tempestatem compesceret, promisit obedientiam, et Ecclesiae petiit reconciliari. Inpetravit quoque absolutionem, sed modo plane indigno, ac tyrannico, quem Bzovius enarravit. Exstat etiam processus negotii Raymundi inter Epistolas Innocentii, edit. Baluz. lib. XII. post epist. 8. Ante portas Ecclesiae S. Aegidii ductus, praesentibus plusquam viginti Archiepiscopis et Episcopis, iuramento sese non tantum ad obedientiam obstrinxit, sed

et super collum Comitis injecto sacro orario, seu stola; Legatus Papae ipsum traxit in Ecclesiam, et ad ictus flagelli absolvit, quibus adeo afflictus est, ut per eundem locum, per quem intraverat, regredi non potuerit: qua eadem plaga dein rursus adductus est ante sepulchrum Petri occisi. Comite hac ratione reconciliato, impetus cruciatorum non fuit fractus, sed sese contra haereticos movere perrexerunt, castella et urbes expugnantes, omnia spoliantes, et inmensam hominum copiam ferro et igni modo barbarico trucidantes.

§. CCLIV. In prima expeditione, a. 1209. facta, 1. expugnata est amplissima civitas Biterrae, quae supra 100 millia hominum fertur continuisse. Spoliata non tantum est tota urbs, sed et flammis tradita, ac inmensa hominum multitudo misere periit, 60 millibus et amplius trucidatis. Saevitum autem est in omnes, sine sexus, aetatis, aut fidei discrimine. Cruciatos, refert Caesarius Heisterbaccensis, cum Arnolfo, Abbati Cisteriensi, significassent, se inter bonos et malos discernere non posse, et, quid faciendum esset, requisivissent, hoc tulisse responsum, *caedite eos, novis enim Dominus, qui sui sunt.* 2. Carcassona dein sese ea conditione est coacta dedere, ut cives, omnibus bonis spoliati, exirent nudi, vel, ut alii tradunt, pudendis tantum velatis. 3. Haeretici, quotquot capti fuerunt, crudelissime sunt tractati. Duo, ex. gr., in urbe Castro sunt ad rogam damnati; cumque unus haeresin vellet abjurare, indeque inter cruciatos fuisset, quid cum eo agendum? contentio orta, Comes Montfortius comburendum eum voluit, hac intentione, quod si convertatur, ignis ipsi esset pro expiatione peccatorum, si vero fide loqueretur, reciperet pro perfidia talionem. Robertus vero quidam, Albigensum apostata, Magistratus et Principum autoritate munitus, valde in haereticos saeviit, effecitque, ut intra duos vel tres menses quinquaginta fuerint aut vivi terrae infossi, aut rogis injecti. Qua ratione ubique saeviit bestia persecutrix. 4. Denique, capta Car-

cassona

castella Simon de Monteforti urbi, et universae regioni, acquirendae pariter et acquisitae, praefectus est, communi Baronum et Praelatorum consensu. Erat autem ex notho Roberti, regis Francorum, oriundus, et e regno Angliae, ubi Comes Leicestriae gessit honorem, expulsus: negotium vero Papale et suum strenue promovit, multasque urbes et castra eodem anno occupavit, haereticos ubique fugavit, vel occidit.

§. CCLV. *Secunda et tertia expeditio*, a. 1210 et 1211., haud minorem cladem inflixit Albigenibus, nec minus saeva fuit ac crudelis. Capto Albio, multi sunt capitis supplicio adfecti, dein Minerbia, munito castro, haud procul Carcastona, cremati sunt centum et octoginta, mox Vauro, innumeri sunt ad rogam damnati. Praefectus urbis Aymericus resti suspensus, octoginta alii nobiles securi percussi, Girarda, soror Aymerici, populi princeps foemina, in puteum projecta, et saxo obruta est. Expugnato dein castro de Termis, Raymundus de Termis captus, et carceri inclusus est, ubi occubuit, uxor, soror, et filia ejus, aliaeque nobiles, rogo crematae sunt. Inter quas turbas multi quidem Albigenes in Britanniam concesserunt, sed et ibi passi sunt persecutionem, aliis combustis, aliis fugatis; ut Anglorum historici produnt. Raymundus interea Comes Tolosanus, successibus Comitis Montfortii territus, et tanquam refuga fidei, et publicus hostis Ecclesiae, cunctis ad diripiendum expositus, a. 1211., ut habet Robertus Altissiodorensis in Chronico, sibi et ditioni suae metuens, ingentem conscripsit exercitum contra Cruciatos. Miserunt enim ei auxiliares copias Reges Aragoniae, et Angliae, quibus adfinitate erat junctus, nec non alii Principes. Magna quidem promissit copiosus exercitus, ex centum mille, ut fertur, militibus constans, sed nihil effectit, quin ingente cum strage fugatus a Simone Montfortio, exigua tantum manu praedito, sive mille, sive plurium, hominum, variant enim auctores, a. 1213., ipso etiam Aragonum rege interfecto.

Foederati enim, nimium copiis suis fidentes, sese luxui et otio tradiderunt. Qua victoria elati cruciati, et novis cruce signatis aucti, qui undique ad eos confluerant, multa in suam potestatem redegerunt oppida.

§. CCLVI. Quibus peractis, Simon Montfortius declaratus est in concilio, prope montem Pessulanum, a. 1215. a Legato Papae, Dominus omnium ditionum bello partarum. Quod Papa confirmavit, teste Epist. ejus, ad Simonem, 122 et 123. lib. XII., ipse etiam Ludovicus, Philippi Francorum Regis filius primogenitus, approbavit. qui, ante triennium cruce in Albigenes signatus, vorum hoc tempore solvit. Montfortius vero, suscepto Imperio, urbes munitas ut Tolosam, Carcassonam, et Narbonem, moenibus nudavit, civium voluntatibus diffidens. Quo eodem tempore celebrato concilio Lateranense IV., a Papa omnes ditiones, Raymundo ereptae, adjudicatae sunt Montfortio. Qua Synodica sententia promulgata, Raymundus, cui nihil supererat spei, secessit quidem in Hispaniam, ubi a. 1221. obiit, fidelium sepultura orbatus, sed filius ejus Raymundus in Provinciam sese contulit, et novas copias auxiliares sibi comparavit. Multi enim, tota Gallia Raguli, et ex Catalonia haud pauci, eum viribus et opibus adjuverunt. Animo itaque resumto, bellum ingente successu cum Montfortio renovavit, ditiones quasdam occupavit, ipsum etiam Tolosam, Montfortio, qui eam obsessam defendebat, in ipsa urbis oppugnatione, lapidis ictu percusso a. 1217., quando Raymundus recuperavit Patris comitatum. Sed, scena hac ratione mutata, Honorius III., cum Raymundum sibi non posset reddere obnoxium, sententiam excommunicationis in ipsum tulit non tantum, qua ipsum ditionibus suis exuit, sed novam quoque militiam sacram promulgavit, praeterea Ludovicum, qui Patri in regno Franciae successerat, litteris ad eum datis, quae in Miscellan. Baluzii lib. II. exstant, et vera persecutionis principia continent, ad arma contra Albigenes excitavit. Interea Parisiis a. 1223. habitata est a

Legato

Legato Papae Synodus, in qua Amalricus, Montfortii filius, et Raymundus, de jure suo contenderunt, et Raymundus se Catholicum professus est, simul admisit, ut haeretici, si qui sint in terris suis, requirantur ac puniantur. Cecidit nihilominus causa sua, et expeditio cruciata decreta est, cui ipse Ludovicus nomen dedit. Superest Raymundi juramentum in concilio Montempestulano a. 1224. una cum litteris Amalrici ad Synodum, ne pacem cum Raymundo faciat, in conciliis Graeciae *Narbonensis* Baluzii. Ludovicus, cruciatorum exercitu coacto, expeditionem suscepit a. 1226., et urbs Avenio non nisi post multorum, ipsius quoque Ludovici, interitum, capta est, dolo et fraude Legati Papae, ut fuse narrat Matthaeus Parisiensis. Tolosa dein omnibus viribus oppugnata, et strenue ab ipso Raymundo defensa, tandem ad deditionem coacta, Raymundus sese Ecclesiae subjecit, et solenniter, non sine dignitatis suae prostitutione, absolutus est, stans quippe in camisia, et braccis, pedibusque nudis, coram altari. Inter condiciones pacis erat, ut haeresin ejuraret, haereticos persequeretur, et, cruce sumta, totis quinque annis contra Saracenos, aliosque fidei hostes, propriis sumtibus militaret; Tolosam vero, et Episcopatum Tolosanum, ad vitam tantum retineret, reliquas terras Regi Franciae et Ecclesiae cederet.

§. CCLVII. Comite Tolosano subacto, severiores leges, ut ad Principum edicta, et violenta media alia, veniam, sunt contra haereticos latae, et executioni mandatae, ab ipso quoque Raymundo, qui praecepit, ut omnes in ditione sua caperentur. Quod idem fecit Ludovicus, Galliae Rex, qui iussit, ut statim, ac ab Episcopo, aut Ecclesiastica persona, essent haeretici declarati, debitis adficerentur poenis. Ludovici et Raymundi edicta prostant quoque apud Bzovium a. 1228. Sed infamem sese in primis hac parte praestitit Imperator Fredericus II., qui et Inquisitionis negotium valde promovit: de quo supra monui. Denique Inquisitiones et vivicomburia ubique coeperunt introduci, ut supra narravi.

Addo, in Anglia, et Scotia, multos esse combustos a. 1210., Papelardos, seu hypocritas, vocatos: dein in Alsatia a. 1212., qui, ut ex Huldrico Mutio German. Chron. l. XIX. observat Usserius de success. Ecclesiae etc.: cap. X. Papam damnarunt, quod conjugia Clericorum et cibos vetuerit: quam ob causam severe tractati sunt, ita ut uno die circiter centum fuerint ab Episcopo Argentinensi combusti, multi carceribus mancipati, donec resipiscerent. Sed alii tradunt, eos fuisse sectae Nicolaitarum, qui promiscuos admiserunt concubitus: quo nomine traducti sunt, qui Clericorum conjugia defenderunt. In Germania Inquisitionem urisit a. 1214. Conradus, Marpurgensis Inquisitor, qui, ut refert Trithemius in Sponheimensi et Hirsaugiensi Chronico, innumeros haereticos flammis tradidit, usus quoque insolita probatione per ferri candentis iudicium, quo qui fuerant adustis censentur haeretici, et iudicio seculari tradebantur comburendi. De quibus omnibus vid. Usserius l. cit. De Henrico vero Minnike, Praeposito novi operis Goslarie, ot Manichaeismum combusto, Vid. Parerga Gottingensia tom. 1. l. 4. In sententia ejus condemnatoria habetur, ipsum confessum esse, Spiritum S. esse Patrem Filii, et Mariam virgine majorem esse in coelis Dominam, summam fortis sapientiam, praeterea matrimonium reprobasse, et Diabolum dixisse redire velle ad gratiam.

§. CCLVIII. Perstringamus nunc reliquos haereticos insigniores. Initio seculi floruit *Almaricus*, e territorio Carnotensi Clericus, et Doctor Parisiensis, qui docuisse traditur, necessarium esse fidei articulum, credere, se esse membrum Christi; quod quivis Christianus, si salvus sit futurus, de se credere debet. Cui opinioni cum Doctores Parisienses contradicerent, causa ad Innocentium III. delata, ipse damnavit, et ad palinodiam coegit, Almaricam. Adseculae vero ejus, ipso brevi post mortuo, alios narrantur addidisse errores; uti. 1. Patris potestatem usque ad finem Oecono-
miae legalis durasse, legem vero Christi usque ad hoc tem-

pus, adeo ut nunc cum omnibus sacramentis et ritibus externis cessarit, et regnum Spiritus S. inceperit, quo homo sola gratia interna Spiritus S. servandus est. 2. Charitatem Dei adeo esse amplam, ut nullus relinquatur justitiae locus, charitatem mutuam hominum se eo usque extendere, ut quaevis flagitia et stupra sint licita. Ita refert Rigordus, autor coaevus ad a. 1209., de gestis Philippi Augusti, Francorum Regis, inter scriptores Franc. XI. Pithoei. Sed Caesarius Heisterbacensis lib. V. dialog. c. 22., alios adhuc memorat errores. 1. Non aliter esse corpus Christi in pane altaris, quam in alio pane, aut re qualibet. 2. Sic Deum esse in Ovidio locutum, sicut in Augustino. 3. Corporum non dari resurrectionem, nec paradisum aut infernum aliud esse, quam bonam vel malam mentem. Denique in lucem emisit E Martene anecdot. tom. IV. e codice Mss. aliquos errores, in concilio Parisiensi, quo Almaricus proscriptus est, rejectos, inter quos est, *omnia esse unum, quia quicquid est Deus est*. Cl. Moshemius in hist. Eccles. Almaricum, ejusque adsecclas reos egit opinionum Pantheistarum et mysticorum, qui fratres liberi spiritus vocantur. De quibus ibi prolixè egit. Praecipuus sectae praeco memoratur Willelmus Aurifaber, qui se jactavit Prophetam, et Papam dixit Antichristum, Romam vero Babylonem. Ceterum hi homines in Synodo Parisiensi sunt damnati a. 1209., et edicto Regis igni traditi, quatuor perpetuo addicti carceri, Almarico autem dictum est anathema, ejusque ossa exhumata sunt, et in sterquilinum missa. Damna quoque est haeresis ea in concilio Lateranensi IV., erroribus tamen non expressis. Cum autem Almaricus et socii crediti fuerint libris Aristotelis de Physica et Metaphysica abusi, hi quoque nota fuerunt inusti, ut refert Rigordus, qui addit, sub poena excommunicationis in concilio Parisiensi cautum fuisse, *ne quis eos de cetero scribere, legere, praesumat, vel quocunque modo habere*.

§. CCLIX. Succedat Joachimus, Abbas Curatii monaste-

rii, Ordinis Cisterciensis in Calabria, qui, ut continuas Cisterciensium suorum vexationes, quibus ipsum, tanquam inanibus divinationibus fasciatum, exagitarunt, evitaret, alio secessit, et monasterium, de *Flore* dictum, construxit, novamque condidit congregationem Florentem a. 1188., mortuus a. 1202. Vid. inter alios de ipso Franciscus Pipinus, autor fere aequalis, in Chron. inter Scriptores Italos Muratorii tom. IX. Reddidit autem sese celebrem 1. prophetiis et revelationibus, sive, ut credi voluit, divinitus acceptis, sive ex verbo Prophetico, et Apocalypsi, per subtilem interpretationem, haustis. Exstant vero vaticinia ejus de Papis a Nicolao III. ad Innocentium VIII., de Regibus Castellae et Legionis a Ferdinando I. ad Philippum V. Scripsit commentarios mysticos ad Prophetias Vet. et Novi Test. qui prostant. 2. Oppugnatione Petri Lombardi, et error de Trinitate inde orto. Dictum Petri Lombardi, *Patrem, Filium, et Spiritum S. esse quandam summam rem, quae neque generans, neque genita, neque procedens*, accepit, ac si Petrus voluisset, essentiam, tribus communem, esse quartum quid, a personis distinctum, adeoque quaternionem statuerit in Trinitate. Quod ut refutaret, ipse unitatem simplicem, et essentiae, sustulisse fuit visus, et unitatem collativam, moralem, adfectivam, et concordiae introduxisse, qualis est inter Deum et pios, multos homines et unum populum, fideles et Ecclesiam, etc. quo retulit loca Joh. XVII. et 1 Joh. V: 7. 8. Refert utique hunc in modum opinionem ejus Thomas Aquinas Opusc. 24., et propterea liber ejus damnatus est in concilio Lateranensi IV. ab Innocentio a. 1215., Sed non desunt, qui Joachimi Orthodoxiam defendunt, verba ejus male esse intellecta, contententes. Verum licet sit multa in ejus scriptis occurrere, receptae de Trinitate sententiae minus, ut videtur, consona, ut in *Psalterio decem choridarum*, probabile mihi fit, ipsam de Personarum distinctione nimis fortiter esse locutum, et Petrum Lombardum veram et realem distinctionem sustulisse. De quo non est necesse pluribus

pluribus egisse. Plura de Joachimo vid. apud Papebrochium act. Sanct. Mens. Maji tom. VI., et Wolfium Memorab. lection. Ceterum, quod non erat negligendum, multa habet Joachimus de Curiae Romanae sceleribus, et Antichristo jam nato in civitate Romana. Sic ex. gr. in comment. ad Jeremiam inter alia disputat, *Ecclesiam carnalem, quae Babylon adpellatur, fore triplici percutiendam flagello, primo, temporalium amissione ab Alemannorum Imperio, secundo, haeresi, et praecipue a Patarenis, de quorum secta erit mysticus Antichristus, tertio, gladio ab Infidelibus, praesertim Muhammedanis.*

§. CCLX. Adjungamus ei similis generis haereticum, licet temporis intervallo longius ab eo distantem, *Petrum Johannem Oliyum*, qui a. 1297. Narbonae mortuus est. Fuit natione Gallus, natus in Castro. S. Mariae Serignani in Gallia, inde *Serignanus* dictus, et anno aetatis duodecimo jam oblatum S. Francisco in conventu Biterrensi a. 1259., unde *Biterrensis* nomen tulit. Cujus Ordinem Minorum ita est tuitus, et illustravit, ut norma disciplinae fuerit aliis factus, et paupertatem omnimodam ita urisit, ut sectae Beguardorum et Fratricellorum, de quo postea, praecipuus fuerit autor. Praefixit autem se in primis celebrem *posilla*, seu commentario, in Apocalypsin, qui Mss. superest; ex quo excerpta, a nonnullis Theologis, ad petitionem Johannis XXII. Papae facta, exstant apud Baluzium in Miscellan. tom. I. Propter quae reus est haeresios declaratus, et a Johanne XXII. post mortem damnatus, ossa quoque exhumata sunt, et concremata. Traditur quidem, alios etiam fovisse errores, uti, *parvulus in baptismo gratias et virtutes non conferri, animam rationalem non esse formam corporis, denique Christi, non mortui, sed viventis, latus esse lancea apertum: verum, licet Clemens V. in Synodo Viennensi eos errores damnaverit, Sixtus tamen IV, qui scripta ejus diligenter jussit examinari, ea ab errore pronuntiavit immunia. Quae contraria Paparum judicia, et secum invicem, et cum Paparum infallibilitate, difficulter conciliantur.*

ciliantur. Adseclae autem Petri Olivi postea ob errores, in comment. ad Apocal. adsertos, partim combusti, partim incarcerationati, sunt seculo sequente a. 1318. Vid. Baluzius, l. cit.

§. CCLXI. Hypotheses vero hujus viri, quas in lucem protraxisse operae pretium est, de Ecclesiae fati, et Papis Romanis, in excerptis memoratis obviae, sunt sequentes. 1. Tres Ecclesiae status distinguit, Legis Moysi, Evangelii, et consiliorum euangelicorum, quae omnimodam continent abnegationem et obedientiam. Primus status est Patris, qui ad Christum usque duravit, secundus Filii, usque ad Franciscum, et Spiritualium ortum. Tertius inde usque ad finem mundi, qui est Spiritus S. Sicut autem secundus status est primo perfectior, ita tertius secundo: qui praeterea vitae Christi respondet, et in consiliis euangelicis expressus est. 2. Ecclesiae Novi Testamenti sunt septem aetates, vel periodi, quae diebus Creationis, septem sigillis, et tubis, Apocalypticis conveniunt. Quarum prima est foundationis Ecclesiae per Apostolos, secunda persecutionis Gentilis, initio a Nerone facta, tertia vindicationis fidei contra haereticos, quae a Constantino M. incepit: quarta vitae anachoreticae, quae ab Antonio Magno initium sumsit; et mundum, instar solis et lunae, illustravit, eumque usque ad extrema solitudinis fugit: quinta est vitae communis, partim zeli liberi, partim condescensivi, sub Monachis, et Clericis, possessiones habentibus: cujus initium a tempore Caroli M. repetitur: sexta est renovationis euangelicae vitae, et expugnationis Antichristianae, ac finalis conversionis Judaeorum ac Gentium, seu iteratae aedificationis Ecclesiae, simul primae, quae a tempore Francisci aequaliter, sed plenius a damnatione Babylonis, meretricis magnae ortum ducit: septima est respectu hujus vitae quies et mira possessio futurae gloriae, sed futurae vitae respectu generalis resurrectio, ac consummatio omnium.

§. CCLXII. 3. Adcurata est comparatio a. inter regulam Francisci, et vitam euangelicam, quam Christus degit, et Apostolis injunxit b. inter Synagogam carnalem Judaeorum, et

Ecclesiam Catholicam hujus temporis, nec non inter utriusque oppugnationem, qua Synagoga euangelium, et Ecclesia carnalis regulam Francisci, oppugnavit *c.* inter Synagogae carnalis et Ecclesiae carnalis excidium *d.* inter Christum Crucifixum et resuscitatum, ac Franciscum, cui plagae Christi sunt impressae, quique ante alios sanctos resuscitatus est. *e.* inter duodecim Christi Apostolos, ac Francisci totidem primos fideles et socios, ut et duodecim viros evangelicos, per quos universalis Ecclesia reliquiarum, Judaeorum et Gentium, est propaganda *f.* denique inter Ecclesiae propagationem, non tam inter Judaeos quam Gentiles, ac regulae Francisci exaltationem, minus inter Latinos, quam Graecos, Saracenos, Tartaros et Judaeos. 4. Ecclesia itaque Pontificia est Babylon, meretrix magna, Papa est mysticus Antichristus, et verus Antichristi, qui est Deus et Messias Judaeorum, post delectam Babylonem mysticam, futurus praecursor. Franciscus autem est Angelus ille, de quo in Apocalypsi dicitur *v.* alterum Angelum, habentem signum Dei vivi etc. 5. Bestia tremo ex abyssu est potestas secularis, et septem ejus capita sunt 1. decem Imperatores gentiles, totidem persecutorum autores, 2. Ariani, seu haeretici, 3. carnales, et laxi, 4. mysticus Antichristus est sextum, et 5. magnus Antichristus cum rege Monarcha adhaerente caput septimum. Bestia praeterea cum duobus cornibus est pseudo-papa cum pseudo-religiosis, et pseudo-prophetis. Reliqua praetereo, cum haec ad systematicum aliquem dandum intellectum sufficiant.

CCLXIII. Dicta qui ad animum retulerit, haud differre perspexerit 1. Petrum Olivum, et Joachimum Abbatem, nec non aeternum euangelium, cujus supra memini, in praecipuis convenire capitibus, adeoque vix dubitare, quin ex hoc Ordine liber iste prodierit. 2. Persequitur quidem illos viros inmanem Curiae Romanae, et Ecclesiae temporis, depravationem, sed et ipsos magna laqueis superstitione, multasque ineptias de Francisco, et

Ordine severe mendicantium effutiisse, ac ad eum misere detorsisse Apocalypsin, adeoque eos in Apocalypsi explicanda parum praestitisse, nisi quod Romanae Ecclesiae faciem corruptam in ea viderint depictam, simul reformationem Ecclesiae ex ea recte derivarint.

§. CCLXIV. Subjungamus postremo tractationi de haereticis errores a facultate Parisiensi damnatos, a. 1240., praeterea diabolicam quandam haeresin, quae per Germaniam grassata est. Opiniones ab ea Facultate proscriptae memorantur sequentes. 1. Divinam essentiam ab Angelis et Beatis videri non posse 2. eam, ratione formae, non esse in Spiritu S., uti in Patre et Filio. 3. Spiritum, prout est amor et nexus, non esse a Filio, sed a solo Patre 4. multas esse veritates aeternas, quae non sunt, ipse Deus. 5. Angelum malum in primo instanti fuisse talem. 6. Angelum in eodem instanti esse posse in diversis locis. 7. Cujus meliora fuerint naturalia, majorem necessario esse gratiam et gloriam. 8. Liberum arbitrium habere potentiam naturalem ad recipiendam gratiam, sed non effectivam, h. e. gratiae receptioni cooperantem. 9. Qui damnatus est nunquam fuit in gratia. Vid. de his Natalis Alexander in hist. hujus seculi. Contextuit etiam prolixum catalogum errorum, eosque damnavit a. 1277., Stephanus Parisiensis Episcopus, qui recensentur in Bibl. M. Patrum tom. XXV. Dicit autem in praefat., eos in Academia Parisiensi publice fuisse propositos quasi dubitabiles, et in scholis disputari solitos. Addit, dici, ea esse nota et vera secundum Philosophiam, sed non secundum fidem Catholicam: quod carpit. Contextuerunt quoque aliorum errorum longum catalogum Centuriatores Magdeburgenses, sed quos ibi legi malim. Diabolica vero haeresis, quae in Germania fertur erupisse, tam enormis describitur et inopia, ut fidem fere superet. Depinguntur enim hi homines, qui *Stadinghi* adpellantur, tanquam foederati Diaboli, et professi hostes, ac aperti oppugnatores Dei, coelorum Domini, quem etiam palam et directe blasphemiiis

phemii inpetunt, a quo Luciferus fraudulenter, et injuste, est ad inferos detrusus, quem inde rediturum sperant. Praeterea omnia Deo ingrata, et Diabolo accepta, feruntur patrasse. Contra quos, omnium pessimos haereticos, et humani generis pestes, sacram indixit expeditionem Gregorius IX. Papa, cujus Duces fuerunt Henricus, Brabantiae Dux, et Florentius, Hollandiae comes, eo cum successu, ut, licet infane pugnantes, fuerint deleti. Vid. litterae Gregorii ad Archiepiscopum Moguntinum, et alios, Albertus quoque Stadenſis in Chronico, cujus excerptum exstat apud Bzovium a. 1234., et Chronicon Belgicum Johannis a Leydis l. XXII. Autor incertae historiae *Archiepiscoporum Bremensium*, inter Scriptores Septentrion. Lindenbrogii, ad a. 1234. hoc bellum enarrans, Stadinghiis tantum imputat, quod quaesierint responsa daemonum, simulacra fecerint aerea, consulentes etiam in suis spurcitiis erroneas Pythonissas, et, quod deterius est, inquit, viaticum salutis aeternae horribiliter, quam deceat exprimi, pertractantes. Clericos etiam, adlit, et religiosos in pie lacerantes cruciabant omni genere tormentorum. Interea hi ipsi homines, tam atris depicti coloribus, adeo ab ipso narrantur infecisse populum Christianum, ita ut infinita rusticorum multitudo, tam in remotis quam in vicinis provinciis constituta, verbotenus eos defenderit, et si se opportunitas obtulisset, prompto animo proterviae eorum auxilium tulisset.

PROPAGATIO ECCLESIAE.

§. CCLXV. *Quarta* ordine expeditio suscepta est ab Henrico VI., Germaniae Rege, a. 1195., instigante Papa Celestino III., qui, postquam Galliae et Angliae Reges frustra permovere conatus fuerat, tandem se ad Henricum, licet excommunicatum, vertere debuit. Aures autem praebeuit Hen-

Tom. VI.

Q9

ricus

ricus, sive, quod sese ea ratione gratiam Papae sibi conciliare posse crediderit, sive, ut ea occasione Normannos, sibi in regno Neapolitano et Siculo adversantes, subigeret. Divisi vero sunt Cruciatii in tres turmas seu exercitus, quorum duo cum Ducibus per diversa loca sunt praemissi, comitante etiam heroici animi foemina Margareta, regina, et Belae, Hungariae Regis, vidua. Ipse Henricus cum tertia manu sese in Italia detinuit, et adversarios sibi subjecit: quo facto meliorem exercitus partem quoque in Palaestinam misit. Cruciatii, non obstantibus induciis, quae nondum expiraverant, bellum mox intulerunt Infidelibus, et Saphadinus, qui tunc regnabat, sese iis, copiis suis unitis, non sine successu opposuit in initio, expugnata Joppe; sed praelio inter Tyrum et Sidonem inito, magna cum clade discessit inferior. Qua victoria recte uti nescientes Cruciatii Thoronem, munitissimum castrum, obidentes, sese frustra fatigarunt: deinde corrupti sunt Templarii et Hospitalarii, cum nonnullis Ducibus, a Saphadino; adeo ut oblidionem fecerint missam, et per mutua dissidia se adtriverint. Accessit denique mors Henrici VI., unde multa sunt per totam Europam orta dissidia, et Principes, de rebus suis solliciti, in proprias terras quam citissime sunt reversi. Qua ratione tota expeditio in vanum cecidit, nihilque quam immensam cladem attulit Christianis. Desiit autem a. 1198.

§. CCLXVI. Quinta expeditio, brevi secuta originem suam debet Innocentio III., qui eam, litteris quaquaversum missis, et Legatis, inter quos eminuit potentissimus in Francia concionator Fulco, procuravit, induciis inter Reges Galliae et Angliae factis. Principes in ea partes habuerunt Galli, quorum praecipuus fuit Balduinus, Comes Flandriae, quibus sese adjunxerunt Veneti, sub famigeratissimo Duce Dandulo, a. 1201. Cruciatii partim Massiliam profecti sunt, inde in Palaestinam navigaturi, partim Venetias, ut sese cum Venetis jungerent. Cum vero pecuniam, Venetis promissam, non nisi ex parte solvere possent, res in vanum cecidisset, nisi Dandulus

huc viam rem terminandi invenisset. Obtulit autem Cruciatibus, ut Jaderam, vulgo Zaram, urbem Dalmatiae maritimam, quae a Venetis defecerat ad Hungaros, expugnarent, Venetis redderent. Quod a. 1202. executioni est mandatum. Cum vero in Papalem excommunicationem, iis denuntiatam, qui Christianorum terras invaderent, incurrissent, papa eos absolvit. In quo facinore omen fuit observatum expeditionis contra Christianos vertendae quod eventus comprobavit. Exiit enim in Constantinopolis, et regni Graecum, occupationem, regno Latinorum ibi condito. Alexius, rem paucis enarrem, cum fratrem suum Isaacium Angelum, oculo et oculis privaverat, simul carceri, cum Isaaci filio Andronico, mancipaverat, et post res suas firmatas libertati redierat, hic Alexius, libertate recepta, se ad Philippum Suevum, Germaniae Regem, qui ejus sororem duxerat uxorem, contulit, a quo Cruciatibus, apud Zaram hyemantibus, commensus est; qui, postquam Alexius eos ingente spe lactaverat, specie Ecclesiae Graecae cum Latina unionem promiserat, per mare adgressi sunt a. 1203. versus Constantinopolin, obstante aut interdicto Papae, qui illud propositum inhibuit, aut multorum separatione, qui Papae obedientes terram suas repetierunt, quorum tamen maxima pars itinere periit, partim in Syriam profecti sunt, ut se cum quibus, qui Massiliae iter susceperant, jungerent contra Inglese. Perseverarunt reliqui in proposito Constantinopolin invadere et subigendi, maxime postquam Papa, rectius informatus, sensit; remque perfecit. Etsi enim in initio resistit Alexius cruciatibus, mox, terrore panico correptus, sese fugam dedit, et res Graecorum prostituit: quando Graecorum Isaacium, e carcere eductum, in throno collocavit, qui filium suum Alexium in urbem admisit, et cum cruciatibus foedus pepigit: cujus tamen condiciones non praevaluerunt Graeci. Agnoverunt quidem Papam pro capite unionis Ecclesiarum spem fecerunt, sed in pecunia redenda et militibus ad expeditionem sacram suppeditandis

falsos se demonstrarunt: quare hyemem ibi triverunt Cruciatii, exspectantes, ut Alexius fidem praestaret. Quo ipso tempore res longe aliam induerunt faciem. Alexius Ducas, cui Martzuphli cognomen fuit, ex Imperatorio cretus sanguine, ad Imperium aspirans, Graecorum animos, qui a Latinis, quibuscum foedus pepigerat Alexius junior, erant alienissimi, sibi devinxit, et Alexium inter ac Latinos concivit similitudines, adeo ut res brevi in apertum bellum inter Latinos et Graecos eruperit, dein rem eo adduxit, ut, Alexio carceri incluso, ipse a populo, seditione commoto, fuerit proclamatus Imperator, quando Alexium in carcere propriis manibus trucidavit. Quo in statu cum res essent, Cruciatii, urbem incredibili virtute adgressi brevi expugnarunt, Alexio Duca etiam fuga se subducente. Urbs vero spoliata, et nihil non criminis in ea commissum est. Visa vero fere miraculosa est haec expugnatio ob situm urbis, et inmensam Graecorum in ea copiam. Censentur enim ultra 400 millia armatorum in ea fuisse, ita ut pro uno adgressore, fere ducenti essent, qui urbem defenderunt. Praeter multa alia spolia in Latinorum manus venerunt variae reliquiae, quae in diversas Europae partes brevi sunt transportatae: inter quas memorantur pars coronae spineae Christi, frustum ligni Crucis, sacra cuspidis lanceae, pars capillorum Christi, cum puer esset, aliquid de linteo, quo in praesepe fuit implicitus, una Philippi Apostoli costa, cum ejus dente, caput Johannis baptistae, et quae sunt similes aliae. Ceterum mansit regnum, CPolitana capta a. 1204., penes Latinos Francos, a primo Rege Balduino usque ad Balduinum II. a. 1261., per annos quinquaginta octo, quando a Graecis prodicione urbs est recuperata. Historiam vero ex Graecis descripsit Nicetas Choniates, ex Latinis Villharduinus, socius expeditionis, inter scriptores Byzantinos. Vid. etiam Guntheri monachi Basileensis, *narratio CPolitana* in Antiq. Lexicon. Canisii tom. IV.

§. CCLXVII. Cum vero reliqui Cruciatii, qui in Palaestina adpulerant, triste fatum ibi experti fuerint, et maximam

nam partem peste, aut Infidelium ferro, perierint, adeoque nihil fuerit effectum, *sexta* suscepta est expeditio, quae in concilio Lateranensi IV. decreta est ab Innocentio IV. a. 1215., sed non nisi a. 1217. sub Honorio III. executioni mandata. Ducem sese praeiuit Andreas, Belae filius, rex Hungariae, reliquis quippe Europae Principibus varie distractis. Fuerunt autem cruciati maximam partem Germani et Itali. Adgressi sunt iter in Palaestinam per mare, longe plures partim per Venetias, partim per Siciliam, et variis ex Italiae portibus, Hollandi vero et Colonienſes per fretum Herculeum, instructa classe. Venerunt priores Cyprum, ubi sese cruciatis adjunxit rex Cypri, inde Ptolemaida, ubi Johannes Bryennius rex Hierosolymae idem fecit. Moverunt sese mox contra Saracenos, quorum Dux erat Coradinus, filius Saphadini, Sultani Babylonis et Damasci, Babylone se tenens. Cum vero is praelium evitaret, redierunt, multis onusti spoliis, Ptolemaida, postquam Principes, prae devotione, sese aquis Jordanis abluissent. Dein, ne nihil agerent, munitissimum castellum Tabori monti inpositum, et civitati Acrae valde infestum, obsidere quidem coeperunt, sed, fastigio montis licet jam occupato, mox inde discesserunt, per Boamundum Comitem Tripolitanum, qui metum illis incussit, delusi. Suscepta dein expeditione in Phoeniciam, ea longe pejus cessit, multis frigore, longe pluribus ingente tempestate, subito exorta, inter Tyrum et Sareptam, absuntis. Quando, exercitu separato, Andreas cum maxima parte regnum suum, ubi res turbatae erant, repetiit.

§. CCLXVIII. Quo in statu deplorabili cum res esset, felicibus avibus adpulit classis Septentrionalium, quam evanuisse putabant. Classis autem ea, ingente coorta tempestate, conjecta fuit in aliquem Portugalliae portum, et ab ea opem petiit Alphonsus II., qui ibi degebat, in expellendis Mauris, et expugnanda urbe Aliazar. Cui petitioni etsi aliqui restiterunt, qui navibus discesserunt, Hollandi,

tamen et Colonienſes, aliiſque, aures praeſbuerunt, urbemque, debellatis Maurorum copiis, ceperunt a. 1218., quando et illi ſunt iter ſuum perſecuti. Statim ac in Palaſtinaſtina veniſſent, ſeſequē cruciatis, qui ibi erant, iunxiſſent, conſilium ceperunt omnes arma vertendi contra Aegyptum, unde omnia mala et pericula veniebant, illudque mox executi ſunt. Cum autem Damietta, ab antiquo Peluſio probe diſtinguenda, quippe ad ſecundum Nili oſtium Taniticum ſita, praecipuum eſſet Aegypti munimentum, et emporium, eam adgreſſi ſunt oppugnare. Erat urbs munitiſſima, habebatque turrim, quae 400 capiebat homines, in Nilo aedificatam, et turri Damiettae catena ferrea, quae omnem prohibebat navium introitum, adligatam. Expugnarunt, licet non ſine magno labore, et gravi clade, hanc turrim, catena ferrea perrupta per Harlemeſes; ſaltem hanc gloriam ſibi vindicarunt, et ejus imaginem in Templo majore, adhuc adſervatam, exhibent. Quo facto, urbem vix in poteſtatem redigere potuerunt, cum, quod numeroſiſſimo Meledini Sultani, qui Saphadino Patri ſucceſſerat, exercitu obſideretur, tum, quod minus concordes eſſent cruciati, Legato Papae et Bryennio de ſuperioritate contendentiſque; tum denique, quod per longam obſidionem, continua cum Saraceniſ praelia, multorum quoque in patriam diſceſſum, valde deminuti eſſent. Tandem tamen, novis cruciatis continuo accedentiſque, urbis facti ſunt compotes, poſt ingentes clades et labores, poſtquam octodecim meſes eam tenuiſſent obſeſſam: erat enim urbs fame et peſte fere exhausta. Cum vero, urbe expugnata, veteres lites inter Legatum Papae Pelagium, et regem Hieroſolymitanum Bryennium, vehementiores fierent, Rex inde in Syriam cum ſuis diſceſſit, et multi patriam repetierunt terras, adeo ut nihil amplius potuerit effici. Sed, cum a. 1221. novi cruciati ingente numero adveniſſent, ipſe etiam Bryennius ad exercitus petitionem, deliberationem inſtituta, et Legato urgente, ut recta Cairum tenderent, Sultanum regno privaturi, in illud, renitente Bryennio, conſenſerunt.

senferunt; honestissimis etiam pacis conditionibus, a Sultano oblati, quibus et Damiatam et Hierosolymam, cum regno Hierosolymitano cessit Cruciatu, susque deque habitis, per Legati ambitionem, contra Bryennii et Principum vota. Quod pessime ipsis cessit. Cum enim ab urbe Cairo prope abessent, brachiis Nili inclusi, claustra ejus aperiri fecit Meledinus, unde totius regionis, ubi erant Cruciatu, orta est tanta inundatio, ut totus exercitus fuisset deletus, nisi ipsius Sultani humanitas succurrisset. Obtulit adhuc octo annorum inducias, et liberum discessum, sub conditione restitutionis Damiatæ. Quibus conditionibus acceptis, humanissime a Sultano tractati sunt, qui ipsis omnia suppeditavit necessaria, et Aegyptum, re infecta, deseruerunt. Qua ratione et hæc expeditio in fumum abiit.

§. CCLXIX. Ultima, ordine *septima*, simul omnium infelicissima, fuit expeditio Ludovici IX., Galliarum Regis, a. 1245. Frederici II. Imperatoris, a. 1228., suscepta, quæ nihil præstitit, quam induciarum per decem annos prolongationem, et Hierosolymæ, Nazarethæ, Joppes, aliarumque nonnullarum regionum, restitutionem, cujus supra in Gregorio IX. memini, in censum venire non solet; multo minus una alterave particularis, nulliusque momenti, uti Theobaldi V., comitis Campaniæ, et Navarrorum Regis, a. 1249., Richardi, Cornubiæ comitis, et fratris Henrici III., Anglorum Regis a. 1240. Ludovicus crucem ex voto admisit, cum ex gravi morbo decumberet, eoque animo, ut Christi sepulchrum manibus Infidelium eriperet. Promovit vero eam Innocentius IV., qui eam in Synodo Lugdunens. I. decrevit a. 1245. Causam, vel occasionem, præbuit miserabilis Christianorum conditio in Palaestina per Chorasminos, Persas a Tataris ejectos, quibus Palaestinam concesserat invadendam Sultanus Aegyptius, qui horribili modo in ea grassati sunt. Praecipui Duces et Comites fuerunt Robertus Atrebatensis, Carolus Andegavensis, et Alphonsus Pictaviensis, Comites. Habuit quidem felicissima initia expeditio,

peditio, ~~per~~ 1249. versus Aegyptum et Damiatam, quae exiguo labore brevi tempore capta est, quippe a civibus et militibus desertâ, sed funestum exitum. Ad Massoram progressi, fluvium Taneos, licet non sine periculo, transierunt, aliis relictis, qui castra tuerentur; sed Galli, qui primi transierunt, in Saracenos magno inpetu, admodum imprudenter, non expectatis aliis, irruerunt, et circumventi interierunt: unde, acerrimo mox orto praelio, ingentem passi sunt cladem Christiani, locum et statum tamen, incredibili regis virtute, adhuc tuiti: donec a Saracenis circumventi, et inedia ac morbo debilitati, partim occisi, partim capti sint; inter captos fuit ipse Ludovicus, cum nonnullis Principibus. Gessit autem sese Rex in captivitate magnanimiter, nec nisi in has consentire voluit condiciones, ut pro captivorum redemptione penderentur octo millia Byzantinorum Saracenorum, seu 400 millia librarum Gallicarum, pro sui vero liberatione redderetur Damiatâ, Christiani cum omnibus impedimentis discederent, et decem annorum essent induciae. Quo pacto cum Sultano inito, accidit, ut mox interfectus fuerit Sultanus a Mammelucis, quibus hodierni Janitarii respondent, quibuscum, non sine vitae novo periculo pactum renovare debuit Ludovicus. Hac ratione in Regnum suum rediit Rex, inmensa hominum copia in Aegypto deleta, et res Orientis reliquit desperatas. Narrant nonnulli, ipsum ciborium, seu S. eucharistiam, oppignorasse Saracenis. Sed hoc fabulis est adnumerandum, cum nemo Vterum id tradiderit, et indoli regis nimis adversetur: m enim mortes potius subiisset devotissimus rex, quam ageret. Ceterum descripserunt hanc famosam expeditionem Sanutus lib. XII., Joinville in historia Ludovici IX., lielm. Nangis in Chron. Fuit autem Johannes de Joinville comes Regis in hac expeditione, ejusque vitam Geographus conscripsit, notis illustratam a Menardo et Cangio.

§. CCLXX. Rex licet non nisi post urbes maritimae Iustiniae, quas Christiani possidebant, munitas, disces

res tamen Orientis in pejus vergere coeperunt. Ortae mox levi de causa lites inter Venetos et Genuenses, in apertum bellum eruperunt in Palaestina, et res Christianorum valde adtriverunt. Tataři quoque in Palaestinam irruperunt; sed quos ipsorum Saracenorum Aegypti, qui sese Christianis junxerunt, ope superarunt. Quo factō, a Saracenis illis invasī sunt, et ad summas redacti angustias. Quo in rerum statu Ludovicus IX., novo accensus zelo, alteram suscepit expeditionem contra Infideles a. 1269. Sed imprudenter, et infelici successu. Adgressus enim in initio est Africam, expugnavit Carthaginem, et Tunetum obsedit, ut fidem ibi plantaret, quod maxime in votis habebat, impedimenta praeterea inde cruciatis oriri solita, e medio tolleret; sed morbo correptus ibi occubuit, et res in summo reliquit discrimine, a. 1270., quas quidem aliquatenus restituit Carolus, Rex Siciliae, qui, post nimias moras, tandem cum instructa classe ad eas oras adpulit: vere tamen nihil effecit aliud, ac quod Rex Tuneti ad inducias his conditionibus fuerit adactus, ut certam pecuniae summam daret Carolo, et praecones fidei admitteret. Quo factō, discessit inde Carolus in Siciliam, sed in itinere passus naufragium, quo, praeter alia damna, omnem perdidit pecuniam. Eduardus, Rex Angliae, parva cum manu quidem venit Ptolemaida, sed, re infecta, discedere coactus est. Adcinxit quoque sese Carolus, Siciliae Rex, cui regnum Hierosolymae obtigerat, ad illud tuendum, sed Vesperae Siculae, quas supra descripsi, aliaque mala ingruentia, omnes conatus fecerunt irritos. Adcesserunt tandem intestini Christianorum motus in Palaestina, et res eo recidit, ut Syria et Palaestina fuerint exacti, Ptolemaide a Sultano destructa a. 1291., in quo finem belli sacri constituit Paulus AEmilius in historia Philippi Pulchri. Fuit autem incredibilis morum Christianorum in Palaestina corruptio, longe supra reliquos Palaestinae incolas teste autore hujus aevi Brocardo in *descriptione terrae sanctae* cap. 12., quae eos intolerabiles fecit, dignosque, qui judicio Divino delectantur.

§. CCLXXI. Conversi narrantur hoc seculo, ut ad veriorum Christianae professionis propagationem veniam, Borussi et Tatarī, de quibus quaedam dicenda restant. Borussis, seu Prussis, qui capita initio seculi erexerunt, et provinciales non tantum, sed et conterminos, Chelmeneses et Massavios invaserunt, convertendis non tantum incubuerunt Cistercienses Monachi, quorum praecipui fuerunt Christianus et Philippus, prior quoque Prutenorum Episcopus consecratus a. 1215. sed in primis Crucesignati, interque eos ordinis Teutonici equites, qui eos fidem armis coegerunt admittere, bello cum iis per annos quinquaginta gesto ab a. 1230. Quo tempore ab illis equitibus, in honorem Mariae protectricis, arx primaria Ordinis, Mariaeburgum dicta, aedificata est. Vid. Krantzius in Vandalia l. VII. Ceterum, quod notatu non est indignum, cum populi illi a Christianae fidei professione absterrentur, quod timerent, *ne post susceptionem fidei per Principes Orbis libertates eorum ad servitutis onera deducantur* verba sunt Frederici II. inter Epistolas Petri de Vineis l. VI. cap. 30. Imperator libertatem eorum fore sartam testam declaravit, epist. citata. Celebrrior est Tartarorum, vel potius *Tatarorum*, conversio: de quibus quaedam sunt praefanda. Scripserunt de iis, praeter Persicos, et orientalem christianum Abulpharagium in *historia dynastiarum*, Aytonus, seculi sequentis scriptor, Marcus Paulus Venetus de *regionibus Orientalium*, et ex recentioribus in primis Assmannus Bibl. Orient. tom. IV., qui consulendi sunt. Schythae genere antiquitus adpellati sunt Tatarī, qui fluvium ejus nominis accoluerunt, dicti quoque *Sumogli*, seu *Mogli* aquatici, pars colluviei variarum nationum in Schythia intra et extra Imaum montem. Qui omnes populi nuncupati sunt *Mogli*, alias *Mogoli*, *Mogores* *Mogulenses*, quorum illi, qui ad fluvium illum sedes habebant, nomen Tatarorum tulerunt, sed quod dein omnibus factum est commune, cum Chingius regnum fundavit, in quod omnes illos coegit. Erat autem Chingius ex gente Tatarorum ortus, *fundator*
vero

vero imperii *Cinghis Can*, seu Cingius rex et imperator; nomen enim proprium est *Cinghis*, et *Chan* principem vel regem denotat; quare omnes Tatarorum Imperatores nomen Chan retinuerunt, sicut Romani *Caesaris*, vel Augusti, Persae Chosroae et Sophi. Fundavit vero imperium ex omnibus illis populis per Scythiam a. 1203., quando ab Unchano, Tatariae proprie dictae Principe, deficiens, ad ejus vitandas insidias, eo interfecto, regni fundamenta jecit. Erant autem Tatarum antea vectigales, et subiecti Regi Chatajorum, seu Sinensium, bestialem debebant vitam, et nomen Scenitae, canum luporumve pellibus vestiri, et murum aliorumque animalium carnibus vescerent, et lac equorum bibentes: ut habent Aytonus, et Abulpharagius, nec una fuit omnium religio semper. Alii fuerunt idololatrae, et imaginum cultores, alii unum coluerunt Deum, quod Cinghis-Can praecepit, dein facti Muhammedani.

§. CCLXXII. Sed fuerunt quoque, jam ab antiquis temporibus, inter eos, haud exiguo numero Christiani, imo floruit ibi Christiana professio Tataris Imperantibus. Insignis utique Christianorum fautor fuit *Unch canus*, alias Johannes Presbyter dictus, Tatarorum Imperator: de quo ad superius seculum egi. Ipse Cinghis-Can Christianam habuit uxorem, et Christianis favit: quod idem fecerunt filii ejus et posterii; inter quos fuerunt, qui fidem professi sunt, uti Gujuch-canus, nepos magni Chani, qui ab a. 1246. ad 1251. omnibus praefuit Tataris, matrem habuit quoque Christianam, et Ducem copiarum Cadachum, seu Erchaltai, cujus exstat epistola ad Ludovicum IX., Francorum regem, in qua, inter alia, dicit, *regem suum praecepisse, quod in lege Dei non sit differentia inter Latinum, Graecum, Armenium, Nestorianum, Jacobinum, et omnes, qui adorant crucem; omnes enim, addit, sunt, unum apud nos.* Vid. Vincentius in *Speculo histor.* Sed propagata fertur Christiana professio per eas regiones a Praedicatoribus, et Minoritis, ad eas ab Innocentio IV. missis: vid. eorum epistolae apud Raynaldum

dum. Gujucho successit Mango-Chan ab a. 1251. ad a. 1260. quem, a Rege Armeniae inductum, nomen Christo dedisse, refert Aytonus, qui addit, cum eo, praeter domum ejus, fuisse multos baptizatos, utriusque sexus, nobiles et Magnates. Coblajum, fratrem ejus, et successorem ab a. 1260. ad a. 1302. Christianum fuisse, tradit quidem Nicolaus III. Papa in epist. ad eum apud Raynaldum, sed verius est, eum factorem fuisse Christianorum, ut ex Paulo Veneto, et Abulpharagio, constat.

§. CCLXXIII. Frater vero ejus *Hulachus*, qui Tatarorum *Occidentalium* in Perside, Mesopotamia, et Syria Imperatorem egit ab a. 1256. ad a. 1265., et, Bagdado capta, Saracenicum ibi delevit Imperium, matrem uxoremque habuit Christianas, et eo tempore ibi floruit Christiana religio, teste Abulpharagio. Imo ipse Hulachus eam professus est, ut ex Aytono, et Epistolis Papae ad eum, apud Raynaldum, patet. Filius et successor ejus Abaka coluit quidem idola, sed favit Christianis, teste Aytono. Cujus frater, et successor, ab a. 1282., Tachador, Saracenicam suscepit religionem, indeque Achmed-chan voluit adpellari, attamen sele universis gentibus, in primis Christianis, exhibuit clementem, teste Abulpharagio, qui tunc floruit; licet Sanutus et Aytonus referant, ejus jussu Ecclesias Christianorum ubique fuisse destructas. Obiit a. 1284. Alia longe mens fuit Argono, Abakae filio, qui ab a. 1284. ad 1291. regnavit, quippe qui Christianus fuit, et religionem quoque Christianam propagari fecit. Denique, aliis missis, Cassanus, vel Cazanus, filius Argoni, qui ab a. 1295. ad 1303. praefuit, initio quidem, ut iis, per quos ad regnum pervenerat, placeret, fidem Muhammedanam professus est, sed Christianam deinceps amplexus est, uxore quoque ducta filia Aytoni, Armeniae Regis, quae ad Christianae fidei propagationem multum contulit. Plura et alia qui velit, adeat historiam Ecclesiasticam Tatarorum, quam nuper, ut his scriptis vidi, in publicum dedit Moshemius, ab antiquis ductam temporibus, et *leste* dignam. ECCLE.

ECCLESIA ORIENTALIS.

CLXXIV. De statu Ecclesiarum Graecarum antequam
m, historia schismatis est pertexenda, ut, Ecclesias
et Latinas mansisse divisas, ob eadem ac antea ca-
adpareat. De qua divisione multa prostant testimonia,
exhibenda. α. Canon IV^{tus} concilii Lateranensis IV.
nocentio, non tantum ipsis verbis id adfirmat, sed et
Graecorum in Latinos eum adtigisse gradum tradit, ut
nis baptizatos rebaptizaverint, altaria, si Latini super
lebraverint officia, polluta, ac abluenda, dixerint etc.
tiam Germanus, CPol. Patriarcha, in epist. ad Cyprios
Cotelerium in Monum. Gr. tom. II. β. Idem evincunt
versiae circa doctrinam, regimen, et ritus, inter eos agi-
Quae capita qui scire velit, adeat *indicem antiquarum accu-*
sationum contra Latinos, tempore Innocentii III. scriptum,
Cotelerium ibid. tom. III., epistolam Germani, modo
1, alias etiam Graecorum epistolas ad Papas, et contra
s, apud Leonem Allatum de *consensu* etc. l. II. c. 15,
nec non scripta eristica Graecorum et Latinorum; de
i. mox. Fuerunt autem praecipua capita 1. Primatus
, quem Graeci depingunt tanquam a Latinis supra reli-
Patriarchas non tantum evectum, sed et Christo ac Pe-
trem, imo majorem. Germanus ex. gr. l. cit. dicit,
Italicus non sustinet, Christum caput esse et vocari, sed,
b hoc ordine ejiciens, senioris Romae Pontifici illum lar-
etc. In *accusationum indice* inter alia traditur, eos Pa-
ere *supra Petrum deificare*, in specie carpitur, quod
sibi potestatem adroget *peccata remittendi, canones, et*
abolendi, dispensandi, indulgentias concedendi etc. 2. Pro-
Spiritus S. ex *Patre Filioque*, etiam Symbolo fidei in-
quam multi Graecorum in pugnarunt, ut Theodorus
is junior Imperator, Germanus Patriarcha, Nicepho-
emmydes, Gregorius Cyprius, alii. Vid. Leo Allatus
3. Purgatorium, azyma, Transubstantiatio, coelibatus

Clericorum, suffocata, rasura sacerdotum, jejuniorum varietas; et alia. 4. In specie taxarunt Graeci, quod Latinorum sacerdotes exerceant militiam, aliorum terras invadant Latini, homines occidant, spolient, multa etiam CPoli patnaverint facinora: quorum catalogum texuit Index citatus. Graecos sese Ecclesiae Romanae non subjecisse, quod *forte tyrannidem et avaritiam ejus pertimescerent*, inquit Matth. Paris. l. cit. Subjungit, schisma inde fuisse ortum, quod quidam Archiepiscopus, Romam, ut confirmaretur, petens, exaudiri non potuerit, *nisi pro inpenetratione illa infinitum aurum promitteret*: quod ipse detestatus infecto negotio recessit, et *toti Graecorum nobilitati nuntiavit*: addit Historicus, *et alii, qui Romam adierant, testimonium de similibus, aut deterioribus, perhibebant, et sic omnes a subjectione Romanae Ecclesiae tempore Gregorii istius recesserunt*. Contra Graecos vero calamus strinxerunt hoc seculo Dominicani, qui praecipua capita controversa discusserunt. Exstat tractatus in Antiq. lection. Canisii tom. IV., non male pro eo tempore scriptus, et lectu dignus, licet Patrum locis, ibi citatis, minus sit fidendum. Probatur autem in eo, Spiritum etiam ex Filio procedere, et Graecorum opinio refutatur, dein quatuor esse extrema contenditur, *Paradisum*, seu coelum, sedem bonorum, *infernum* damnatorum, *limbum*, puerorum non baptizatorum, et *purgatorium*, poenitentium: Graecis vero tribuitur opinio, animas bonorum in paradisum non venire, nec reproborum esse infernum ante ultimum judicium, nec limbum dari, aut purgatorium. Denique, panem azymum in eucharistia recte usurpari, et Papam esse caput Ecclesiae, probatur.

§. CCLXXV. Idem confirmat unio Ecclesiarum irrita effectu tentata, sub Johanne Duca, et Michaelae Palaeologo, strictim enarranda. Johannes Duca, Latinorum amicitiam et opem ambiens, legatos ad Papam Gregorium IX. misit, petens unionem; et litteras eum quoque in finem scripsit Germanus Patriarcha, tunc Nicaeae residens, a Matthaeo Parisiensi a. 1237. recensitas, in quibus, inter alia, praecipuam
discidii

discidii causam ponit esse, tyrannidem oppressionis Papalis, et exactionum Romanae Ecclesiae, quae de matre facta est no-verca etc. Regessit Papa, Romanum Ecclesiam esse omnium Ecclesiarum caput, et magistram etc. Secundum dictum Christi ad Petrum etc. Misit insuper quatuor apocrisarios, duos ex Praedicatoribus, et totidem ex Minoritis, qui post praeliminaria colloquia cum Graecis Nicaeae, Synodum cum iis celebrarunt in urbe Nymphaeo, ad Pontum Euxinum; in qua Graeci causam suam de processione Spiritus et azymo, de quibus capitibus praecipue disputatum est, strenue sunt tuiti. Monachi vero Romanae Ecclesiae subjectionem, a Graecis faciendam, urserunt, Imperator proposuit, ut ab utraque parte aliquid concederent. Latini Graecis processionem Spiritus S. ex Patre, Graeci Latinis azymos panes: sed re non tantum infecta discessum est, verum res in dura erupit verba, et minas, et Imperator arma cum Bulgaris capeffivit contra Latinos. Vid., praeter tomos conciliorum, Georgius Acropolita in historia Byzantina. Misit dein, sed et sine effectu, Innocentius IV. a. 1247., eodem sedente Imperatore, Monachos Franciscanos, qui omnimodam tantum obedientiam Ecclesiae Romanae exegerunt. Vid. Wadding. in Annal. Minor. a. 1247.

§ CCLXXVI. Majorem in speciem successum hoc unionis opus habuit sub Michaelae Palaeologo, qui, regno CPolitano, Balduino II. imperio exuto, recuperato, sibi a Cruce-signatis praefertim a Carolo Andegavenfi, metuens, unionem urfit, ut Papam sibi devinceret. Egit autem de ea sub Urbano IV., Clemente IV., et tandem Gregorio X., omnemque sponndit subjectionem, Ludovicum IX. pro sequestro quoque petens. Voluit vero Clemens IV., ut antequam res perficeretur, Graeci fidei professioni, a Papa praescriptae, subscriberent, quo facto, in Synodum Generalem consentiret, non ad fidei discussionem, sed ad confessionem fidei Latinae, a Graecis receptae, et pacti unionis, confirmationem. Quo in statu cum negotium hoc reliquisset Pa-

pa, ejus successor Gregorius X., Synodum generalem Lugdunensem II., a. 1274. celebrandam, de qua supra egi, indicavit, quatuor insuper misit ex Minoritis apocrisarios, cum formula fidei, ad Michaellem, ut ei cum Patriarcha et Episcopis subscriberet, et Clero. Oratores quoque ad Synodum misit Imperator, qui ipse non adfuit, secus ac nonnulli scripserunt, Graecorum vero Praefules legatos ablegarunt. Imo Imperator, litteris ad Gregorium datis, fidem professus est secundum formulam Papalem, in specie relate ad processionem Spiritus S., purgatorium, et primatum Papae, addita tamen petitione, ut Ecclesiae Graecae liceat Symbolum recitare, prout ante schisma fieri solebat, eosdemque retinere ritus, in quibus nihil est reprehensibile. Lectae sunt in Synodo hae litterae, ut et Praelatorum, qui Imperatori adsurgebant, imo Imperatoris Orator Georgius Acropolita, nomine ejus, Romanae Ecclesiae fidem professus est, schisma ejuravit, Papae agnovit primatum, et subjectionem promisit; quod et reliqui fecerunt Legati.

§. CCLXXVII. Quibus peractis, cum Legati et Oratores in patriam essent reversi, Imperator in eo fuit, ut promissa impleret, Josephum quoque Patriarcham, unionis adversarium, ad abdicationem compulit, eique suffecit Johannem Veccum, ex Latinorum oppugnatore eorum magnum factum patronum: de quo postea. Praeterea, quotquot ex Clero vel Optimatibus unioni factae sese opponerent, bonorum proscriptioni, exilio, carcere, manuum amputatione, oculorum effossione, quin morte, punivit: ut narrat Pachymerus lib. V., et Nicephorus Gregoras lib. V: Legatos dein misit a. 1276. Johannes XXI. CPolin., ad ulteriorem confirmationem, Synodusque ibi habita est, in qua Veccus et Graeci Praefules professionem fidei secundum formam Latinorum ediderunt, et primatum Papae agnoverunt. Prostant Synodales Graecorum Litterae ad Papam in conciliorum collectione, et apud Raynaldum ac Leonem Allatum. Cum vero deinceps Nicolaus III., missis Apocrisariis CPolin.

a. 1278,

a. 1278., vellet, ut Episcopi eam professionem sub iuramento reciperent, et symbolum cum famoso additamento *Filioque* caneretur, Imperator ei significavit, a sua, et Ecclesiae, re non esse, rem ulterius urgere, quia gravissimi jam a Graecis propterea suscitabantur motus, nec Imperator in throno esset tutus; Papam itaque aegre non debere ferre, si aliqua uteretur oeconomia. Quo responso, et vacillante animo Imperatoris, adeo fuit offensus Papa Martinus IV., Nicolai successor, ut a. 1281. Michaelē, tanquam schismaticis et haeresios Graecorum fautorem, anathemate percussit, omnibus Principibus foedus cum eo contrahere interdixit. Exstat sententia apud Raynaldum. Papam ad praematurum; et indignum, illud facinus fuisse per Carolum, Siciliae Regem, incitatum tradunt Jordanus apud Raynaldum, et Ptolemaeus Lucensis. Carolus enim narratur regno Graecorum inhiasse, illudque Michaeli ereptum voluisse. Omnia itaque inde fuerunt disrupta, quae ad speciem videbantur unita; maxime post Palaeologi mortem, sub Andronico Imperatore, adeo etiam, ut, in unionis factae detestationem, Palaeologi corpus honesta fuerit orbatum sepultura; ut Pachymeres l. XII. refert. Rescissa etiam mox sunt acta illa, Veccus depositus, et Iosephus restitutus est, omnes Praelati, quibus partes in eo negotio fuerant, exauctorati, denique, Synodo coacta, anathemati subjecerunt Papam, cum universa Ecclesia Latina; ut autor de *separatione Veteris Romae*, apud Leonem Allatium, tradit, et Pachymeres. Unde postea factum est, ut Andronicus a Clemente V., et aliis Papis, fuerit excommunicatus. Divisi quoque fuerunt ipsi Graeci, quorum alii, ut Iohannes Veccus, Georgius Metoschita, et Constantinus Meliteniota, Latinorum causam tuiti sunt, alii vero Graecorum, ut Georgius Cyprius, Georgius Moschompar, Constantinus Acropolita, et Georgius Pachymeres. De quibus, et aliis scriptoribus, nunc quaedam proferam.

SCRIPTORES ET STUDIA.

§. CCLXXVIII. Inter Historicos, a quibus ordiar, primum meretur locum *Georgius Acropolita*; non a patria, sed familia, ita cognominatus, ut Leo Allatius in *diatriba* de *Georgiis*, recusa ad calcem historiae Byzantinae, in *corpore Byzantino*, observat. Natus est a. 1220. ex illustri stemmate, Imperatorem ipsum cognatione adtingens. Versatus vero est adolescens in aula Johannis Ducae Imperatoris, et in disciplinam datus Exapterygo, ac Nicephoro Blemmydae, inbutus est scientiis Rhetoricis, Logicis, ac Mathematicis. Dein in aulam adscitus, magnus Imperatoris Logotheta factus est, multisque legationibus illustris. Quarum in rem nostram celeberrima est ad Synodum Lugjuniensem II; in qua quid egerit, modo narraui. Vir fuit, iudicio Georgii Cyprii, omnium hujus temporis doctissimus. Praecipuum ejus opus, a nobis memorandum, est *Chronicon CPolitanum*, a capta urbe a Latinis a. 1204. usque ad eandem a Michaele Palaeologo recuperatam a. 1260. Exstat in corpore Byzantino, cum versione Leonis Allatii, ejusque, et Theodori Douzae, notis, subjecta etiam *Chronographia compendiaris Toci*, a condito Mundo ad captam a Latinis CPolin: circa quod tempus autor videtur vixisse.

§. CCLXXIX. *Georgius Pachymeres*, de quo vid. Leo Allatius de *Georgiis*, Nicaeae, ubi Pater exul degebat, natus a. 1242., dein, CPolin a Graecis recepta a. 1260., studia ibi perfecit, et ad insignia in Ecclesia et aula munera est admotus; missus quoque est, cum aliis, a Michaele et Synodo CPolitana, a. 1267. ad Arsenii, qui Patriarchatu ob crimen laesae Majestatis, submotus, et in aliquam insulam relegatus erat, causam examinandam, quod factum est eo eventu, ut absolutus, et Imperatori reconciliatus sit Arsenius; quam historiam ipse enarrat lib. IV. Fuit acerrimus Latinorum oppugnator, et carmine jambico a Manuele Phile, discipulo ejus, post mortem celebratus. Praecipuum ejus opus

opus est *historia rerum CPolitanarum*, sub Michaelē, et Andronico Seniore, gestarum, usque ad a. 1208., in corpore *Eyzantino*. Scripsit quoque paraphrasin in Dionysium Areopagitam, sed Maximi Abbatis vestigia premens; inter opera Dionysii, edit. Corderianae. Denique et ejus est libellus de *processione Spiritus S.*, contra eos, qui dicunt, *propterea appellari Spiritum Filii, quod ejusdem sit cum eo substantiae*, vel, *quod ab eo dignis suppeditetur*. Locum libellus tenet in *Graecia Orthodoxa* Leonis Allatii.

§. CCLXXX. Reliqui scriptores, in quaestionibus inter Latinos et Graecos versati, maximam partem pro Graecis, pauci pro Latinis, pugnarunt. Inter posteriores celebris in primis sunt Johannes Veccus, Georgius Metochita, et Constantinus Meliteniota. *Primus*, Chartophylax Ecclesiae CPolitanae, unionis Ecclesiae Graecae cum Latinis fuit primum acerrimus adversarius, eamque ob causam a Michaelē terribilissimo mancipatus carceri, dein eo fractus, vel Blemmydae scriptis convictus, et causae Latinorum insignis promotor, Patriarcha CPolitanus factus, in locum Josephi exauctorati, quod in unionem consentire nollet, a. 1274. Sed, scena post Michaelis mortem sub Andronico mutata, iterum iterumque relegatus, et in carcere mortuus est a. 1298. Varia pro unione utriusque Romae, et pace, salvis tamen Graecorum ritibus, reliquit scripta, quae maximam partem reperiantur in *Graecia Orthodoxa* Leonis Allatii. Eadem causae non tantum favit, sed et malorum sub Andronico socius fuit, Archidiaconus Vecci *Georgius Metochita*: ejus scripta pro Latinis ibidem exstant, nec non *Constantinus Meliteniota*, Becci quoque Archidiaconus, auctor *tractatus de unione et processione Spiritus S.*, ibidem.

§. CCLXXXI. Inter eos, qui sese Latinis opposuerunt, eorumque opiniones refutarunt, fuerunt, praeter anonymos multos, Leoni Allatio de *consensu* etc. l. II. memoratos, de quibus etiam vid. Lambecius *Biblioth. Caesarea* l. VIII., et Cotelierius monum. Gr. tom. II et III., praecipue sequen-

tes. 1. *Theodorus Lascaris junior*, Imperator ab a. 1255. ad 1259., qui, res adversus Bulgaros feliciter tuitus, habitum induit monasticum, totus devotioni ejus temporis deditus, eruditus nihilominus, et studiorum patronus. Scripsit tractatum de *processione Spiritus S.* contra Latinos, cujus prologum exhibet Cave hist. Litter. 2. *Arsenius*, Autorialus dictus, ex Monacho Patriarcha CPolitanus, sub Theodoro Lascari juniore a. 1251., dein a Michaele Palaeologo, cujus ambitioni restitit, varie vexatus, ut ipse in *testamento suo* apud Cotelerium monum. Gr. tom. II. enarrat, tandem depositus, et relegatus est in exilium: unde schisma *Arsenianum*, vel *Arseniatarum*, est ortum, ad quod componendum scripsit tractatum Methodius Monachus, cujus Leo Allatius de *Methodiis* meminit. In *testamento* autem suo, modo citato, *impietatem, et omnimodam perfidiam*, Latinorum taxat. Ceterum scripsit etiam Arsenius *Synopsin divinorum canonum*, in Bibliotheca Juris canonici Jusselli tom. II. 3. *Germanus*, ex pio et erudito Monacho Patriarcha CPolitanus, Nicaeae residens, ab a. 1226., dein ob studium contra Latinos depositus, sed et restitutus postea. Scripsit non tantum contra Latinos, sed homilias ad crucis et imaginum cultum promovendum, denique duas epistolas ad Cyprios, publicatas a Cotelerio in monum. Gr. tom. II. 4. *Gregorius Cyprius*, ex Latinis quidem in Cypro natus, sed Graecorum fautor, et Patriarcha CPolitanus, in locum Josephi a. 1248. Veccum persecutus est, sed ipse postea idem passus est, et cedere debuit a. 1289. Scripsit plura contra Latinos, et Veccum; fuitque, ipsius Allatii judicio, vir acerrimi ingenii, eruditus, et eloquens, qui *elegantem Graecorum rythmum, et Atticam linguam*, verba sunt Nicephori Gregorae l. VI. c. 1., *longo jam tempore oblivionis gurgite demersam, ingenii dexteritate, ac singulari studio, in lucem produxit, et velut ab inferis revocavit.* 5. Denique *Georgius Moschomper*, Ecclesiae CPolitanae chartophylax: qui eodem tempore eandem egit causam, De quo vid. Leo Allatius in *Georgiis*.

STATUS

STATUS ECCLESIAE GRAECAE.

§. CCLXXXII. Ex dictis facile elucescit, studia Graecorum praecipue fuisse versata in historia concinnanda, et capitibus controversis cum Latinis. Interea superstitio superbum hoc seculo adtigit inter Graecos quoque gradum; quod vel ex Germani sermonibus, respectu crucis, sanctorum, et imaginum, satis constat. Divisiones quoque et lites grassatae fuerunt variae et multiplices, vel sola schismatis cum Latinis historia, supra tradita, teste. Unde multa, ut solet, orta sunt mala. Vexati etiam sunt a Latinis, summam rerum tenentibus. Denique mores Graecorum fuerunt corruptissimi. Vid. Nicephorus Gregoras lib. VI. c. 5.

NESTORIANI.

§. CCLXXXIII. De Nestorianis nihil suppeditat seculum nostra observatione dignum, nisi quod medio seculi in potestatem venerint Tatarorum, seu Mogulensium, ab a. 1257. et ab iis cum reliquis Christianis humanissime tractati sint, cum Tataři a Christiana religione non adeo fuerint alieni; ut ex superioribus constat.

EUTYCHIANI.

§. CCLXXXIV. Syro-Jacobitarum historia cum nihil etiam notabile praeferat, nisi quod, sedente Ignatio, eorum Patriarcha, qui ab a. 1222. praefuit, missi fuerint ex Praedicatoribus et Minoritis ab Innocentio Papa, qui Jacobitas ad unionem cum Ecclesia Catholica reducerent, Ignatius vero et Maphrianus, litteris ad Papam datis, fidem Eutychianam professi sint, mentemque de Primatu Ecclesiae Romanae explicuerint, apud Raynaldum ad a. 1247., de celeberrimo inter ipsos viro, et insigni historico, Gregorio Bar-hebraeo, etiam

etiam *Abulpharagio* dicto, quaedam sunt monenda. Vid. *Asseman. Bibl. Orient.* tom. II. Filius fuit *Aaronis Medici*, a. 1226. natus, indeque *Bar-hebraei*, seu filii *Hebraei*, cognomine insignitus. Primum fuit *Episcopus Gubae*, dein *Lacabanae*, seu *Alepenfis*, denique *Maphrianus*, seu *Primas Orientis* ab a. 1264. ad a. 1286.; quando mortuus est. Vir fuit notitia linguarum *Graecae*, *Syriacae*, et *Arabicae*, nec non *Philosophiae* ac *Theologiae*, egregie inbutus, et scriptorum *Jacobitarum* facile princeps, fidei *Christianae* ad mortem usque tenax. Quod enim *Ebn-chalicam*, apud *Pocockium*, de *Bar-hebraeo* tradit, eum ad *Muhammedanismum* defecisse, vel falsum est, vel de alio similis nominis intelligendum. In fide fuit *Monophysita*, teste symbolo fidei ejus, quo dux agnoscit in *Christo* naturas, sine commistione et confusione, sed unam substantiam, personam, hypostasim, voluntatem, virtutem, et operationem. *Graecis* vero consensit in capite de processione *Spiritus S.* ex solo *Patre*, in eo a reliquis *Syris* discedens. Eam etiam fovit opinionem, quaestiones, quae *Catholicos*, *Nestorianos*, *Jacobitas*, et *Monothelitas*, dividunt, non esse de haeresi, sed puras *Theologorum* opiniones. Circa *eucharistiam* idem sensit quod *Graeci*, et antiquiores omnes, panem scilicet et vinum non esse naturam et vere ipsum corpus et sanguinem *Christi*, sed propter gratiam *Spiritus S.*, quae ipsis illabatur, quemadmodum humana natura unita est cum *Divina*. Peculiare habuit, animas *justorum* detineri in *paradiso terrestri* usque ad resurrectionem, statum quoque medium dari inter coelum et infernum, scilicet *paradisum*, in quo aeternum vivant, qui nec servantur, nec damnantur: quod variorum autorum testimoniis firmat; quos recenset *Asseman*. Ex operibus ejus, quae supersunt, praecipuum est *Chronicon Arabicum*, ab *Adamo* usque ad a. 1276., cujus pars prodiit titulo *speciminis historiae Arabum*, sive de origine et moribus *Arabum*, cum versione et notis *Eduardi Pococki*, dein integrum opus, sub titulo *Dynastiarum*, eodem interprete. Condidit praeterea *Chronicon Syriacum*

ab orbe condito ad suam usque aetatem, nondum editum; ex quo multa protulit Asseman., in specie *epitomen historiarum Syrorum Jacobitarum et Nestorianorum*.

§. CCLXXXV, Bar-hebraeo adjungatur alius insignis historicus *Georgius Elmacinus*, qui historiam Saracenicam conscripsit, a Muhammede usque ad initium inperii Atabacaei, per quadraginta novem Imperatorum successionem; quae cum Erpenii versione in lucem prodiit: multa vero inmixta sunt ad res Christianorum pertinentia, fuitque autor quidem Christianus, ut ex historia ejus manifestum est, sed qui de Muhammede, ejusque lege, in meliorem subinde loquitur partem, sive ex prudentia, vel timore, cum inter Muhammedanos fuerit versatus, sive ex proprio judicio.

NAZARAEI VEL ASSISSINI.

§. CCLXXXVI. Insigniti fuerunt hoc titulo homines, qui primum Muhammedani, dein facti sunt Semi-Christiani: unde Nazaraeorum nomen acceperunt. Christiani enim, ex quo Syria a Muhammedanis fuit occupata, adpellati sunt ab indigenis sermone Arabico *Nazaraei*. Alterum autem nomen tulisse videntur ab Assassa, Tagritensis ditionis regione. Originem eorum et historiam ex Bar-hebraeo narrat Asseman. Bibl. Orient. tom. II. Legendus quoque de ipsis, eorumque Domino, *Vetulo de montanis*, moribus horrendis, et conversione ad Christianismum, dein defectione, et exterminio Fr. Pipinus in Chronico, inter scriptores Italiae Muratorii tom. IX. Nobis moras non licet trahere in re, ad scopum directae non pertinente.






SECVLVM DECIMVM QVARTVM.

ECCLESIA OCCIDENTALIS.

SCRIPTORES ET STUDIA.

§. CCLXXXVII.



Inter *Historicos*, a quibus initium sumo, primum jure tenet locum *Gulielmus Nangis*; seu de Nangino, Benedictinus. S., Dionysii Parisiensis; qui *Chronicon* condidit ab orbe condito ad initium seculi; cujus fragmentum rerum Gallicarum edidit Pithoeus, inter *duodecim scriptores coaetaneos*, continuationem vero Sigeberti Gemblacensis ab a. 1113 ad a. 1300., cum duabus continuationibus aliis, ab a. 1301 ad 1367., Dacherius in *spicilegio* tom. III., denique gesta Ludovici IX., Francorum Regis, ejusque filiorum, Philippi Audacis, et Roberti; Pithoeus inter *undecim scriptores*, nec non Du Chesne, seu Quercetanus, in historia Franciae tom. V. Cujus ejusdem temporis et professionis fuit *Henricus Stero*, Benedictinus Altaichensis, in Bavaria inferiore, qui *annales* concinnavit ab initio Frederici Barbarossae a. 1152 ad a. 1305., quos una cum continuatione Eberhardi ab a. 1273 ad a. 1305. exhibent *Antiquae Lectiones* Canisii tom. IV. Scripsit quoque gesta Rudolphi Habsburgensis, Adolphi Nassovii, et Alberti Austriaci, ab a. 1266 ad a. 1300.; quam historiam continuarunt Udalricus Welling, ejusque frater Conradus, Monachi Augustani, usque ad a. 1335. inter scriptores German. Frœheri tom. I. Floruit etiam eo tempore *Ptolemaeus Lucensis*,

censis, ex civitate Italiae Luca, ordinis Praedicatorum, dein Episcopus Torcellensis, in ditione Veneta, ab a. 1318. autor *annalium Ecclesiasticorum et Politicorum* ab a. 1060. ad a. 1303., nec non *Chronici Pontificum et Imperatorum*. Quod utrumque opus lucem vidit a. 1619., et annales seorsim in Biblioth. Patrum. tom. XXV. Historia vero ejus *Ecclesiastica*, antea non edita, existat inter scriptores Italiae Muratorii tom. XI., in rebus anterioribus nullius, sed sequentium temporum majoris, pretii.

§. CCLXXXVIII. *Siffridus*, vel Sigfridus, Presbyter Misnensis in Saxonia, Chronicon condidit ab orbe condito ad a. 1307., cujus epitome, a Georgio Fabricio primum edita, recula est inter scriptores German. Pistorii tom. I. Vixit etiam hoc seculo *Ferretus Vicentinus*, nonnullorum carminum autor, et litterarum promotor, qui historiam rerum, praecipue in Italia gestarum, scripsit a morte Frederici II., seu ab a. 1250. ad a. 1318., satis fideliter, nemini parcens, et eleganter. Primus vulgavit, sed e vitioso codice, Muratorius Scriptor. Ital. tom. IX. Similis farinae historicus est *Johannes de Cermenate*, notarius Mediolanensis, autor gestorum, in primis sub Henrico VII., ibidem, altera vice a Muratorio publicatus. Celebris etiam fuit tempore Ferreti alter litterarum cultor, poeta, et historicus, *Albertinus Mussatus* Patavinus, plebeji quidem ordinis, sed ad praecipua Reipublicae negotia admotus. Opera ejus, inter quae praecipua historica, ex. gr. de gestis Henrici VII., et Italicorum post eum, ut et Ludovici Bavari, novissime et curatius sunt in lucem emissa cura Muratorii Scriptor, Ital. tom. X. *Aythonus*, vel Haitonus, regis Armeniae ejus nominis nepos, regulus provinciae in Georgia, dein, post operam militiae sacrae contra Saracenos praestitam, Monachus Praemonstratensis, exaravit historiam *Orientalem*, et de Tartaris a. 1305: cui *passagium* terrae sanctae adnectitur: quod eo tendit, ut *passagium*, seu iter, in terram sanctam suadeatur. Prodiit cum Paulo Veneto haud una vice.

Tom. VI.

T §

§. CCLXXXIX.

§. CCLXXXIX. *Nicolaus Trivethus*, ex Patre equestri ordinis Anglo natus, Dominicanorum Londini Prior, a. 1328. mortuus. Scripsit, praeter alia, historiam Plantagenistarum, seu sex Regum Angliae, a Comitibus Andegavenfibus originem ducentium, ab a. 1136. ad a. 1307., admixtis rebus Pontificum et Imperatorum, ac Regum Galliae. Edidit Dacherius in Spicilegio tom. III. Sed castigatius Antonius Hallus Oxon. a. 1719. *Marinus Sanutus*, patricius Venetus, cognomento *Torfellus*, quod, ope Germani cujusdam, in Ecclesiam introduxit organa pneumatica, Italis *Torfellos* dicta, quorum hodie usus est; clarus praeterea quinque itineribus in Palaestinam et Orientem. Scripsit *secreta fidelium crucis* tribus libris; quibus de terrae sanctae recuperatione agit, et conservatione, ejusque historiam a primis incolis ad sua usque tempora deducit, seu ad a. 1320., una cum Palaestinae, et vicinarum regionum, descriptione, additis mappis Geographicis. Exstat in *Gestis Dei per Francos* Jacobi Bongarsii, caeci adnexis Epistolis Marini. *Gulielmus de Baldensel*, vel *Boldensleve*, nobilis Germanus, itineris sui in terram sanctam, quod, ordini Praedicatorum nuncio missio, suscepit, historiam scripsit; in *Antiquis Lectionibus* Canisii tom. IV.

§. CCXC. *Petrus de Dufburg*, ordinis Teutonici frater et sacerdos, posteritati reliquit *historiam Prussiae*, et ordinis *Teutonici*, ab a. 1192. ad a. 1326., editam cum notis et dissertationibus a Christophoro Hartknochio, *Gualterus Hemmingsdorfius*, Anglus, *chronicon* de gestis Regum Angliae, dedit, ab a. 1066, ad a. 1273., a Galeo editum, ut et de rebus Eduardi I. II. et III. ab a. 1273. ad 1308., publicatum a Toma Hearne, *Johannes de Beka*, Belga, canonicus Ultrajectinus, concinnavit *chronicon* Episcoporum Trajectinorum, et Comitum Hollandiae, a Wilbrordo usque ad a. 1346, ab aliis postea continuatum. Edidit cum notis Bernardus Fumerius, Leovardiensis, dein emendatius et plenius Arnoldus Buchelius, qui et alia adjecit. *Henricus*, Augustinianus Monachus in dioecesi Aichstadiense, annales Regum Germaniae

niae condidit ab a. 1295. ad a. 1362., editos a Frehero inter scriptores Germaniae. *Matthaeus Westmonasteriensis*, Benedictinus, *flores historiarum* contexuit a M. C. ad a. 1307., unde *florigeri* nactus est nomen: quod opus ab aliis est continuatum, et a Parkero, Archiepiscopo Cantuariensi, editum. *Gulielmus Thora*, Benedictinus, quoque Anglus, coenobii Cantuariensis chronicon composuit de *gestis Abbatum S. Augustini Cantuariensium*, ab Augustini in Britanniam adventu usque ad a. 1397., inter scriptores historiae Anglicanae, Rogero Twyldeno, et Johanne Seldeno, editoribus. Ubi etiam exstat *Henrici Knigthoni*, canonici Regularis Leicestriensis, egregii historici, *Chronicon de eventibus Angliae* ab a. 950. ad a. 1395.

§. CCXCI. Praeter historiae studium coeperunt quoque Litterae humaniores, quae longo tempore jacuerant quasi sepultae, resuscitari. Linguae *Latinae* studium excoluerunt Dantes Aligerius, Franciscus Petrarca, Johannes Bocatius, alii. Dantes fuit Florentinus, et Oratoris munere functus apud Bonifacium VIII., Guelforum vero et Nigrorum factionibus Florentia ejectus, obiit exul Ravennae a. 1321. Illustravit autem multis scriptis linguam Hetruscam. Notissimum, et celebre, est opus ejus de Imperio superiore Ecclesiis, etiam Romana, nec a Papa, sed Deo, pendente, variae editum: cujus causa locum meruit inter haereticos. Protulit et alia Papismo adversa, quae Mornaeus in *mysterio iniquitatis* non neglexit producere, uti, quod Papa de pastore lupus evaserit, Scriptura S. misere torqueatur, et traditiones obtineant primas, in cathedra variae quaestiones, et merae fabulae, audiantur: taxat quoque indulgentias. etc. Plura de ipso vid. apud Baelium in Lexico. Iisdem vestigiis institit alter linguae Hetruscae et Latinae stator, Aligerii discipulus, *Franciscus Petrarca*, Florentinus, rhetor et poeta celeberrimus, qui, Trithemii judicio, *humaniores disciplinas, post longa silentia mortuas, ab inferis revocavit ad superiores, non minus sancta conversatione, quam scientia, clarus. Me-*

ruit laurea poetica coronari in capitolio Romano a Gubernatoribus urbis a. 1341. Delituit autem primum in amoena quadam Galliae valle, quam *clausam* vocant, haud procul Avenione, studiis operam dans; dein Clericus, et Archidiaconus Parmensis, denique Canonicus Patavinus, defunctus est fere septuagenarius a. 1374. Scripsit varia, ut poemata, epistolas, aliosque tractatus: in quibus multa occurrunt de corruptione sui temporis, in specie, aulae Romanae: quam vivis depingit coloribus, imo Babylonem, et meretricem Apocalypticam diserte adpellat. Vid. Mornaeus l. cit. Discipulus ejus, ipsi merito adjungendus, fuit *Johannes Boccattius*, natus Certaldi in Thuscia, et a. 1375. ibi mortuus. Propensior cum esset ad obscena carmina, fertur cum mortis praedictione absteritus a S. Petro Patrono, in actis sanctorum Maji; utique in Latinis ejus scriptis nulla hujus nequitiae reperiuntur vestigia. Sunt autem Genealogiae Deorum, de montium, sylvarum, etc., nominibus, de claris mulieribus, de casibus virorum et foeminarum illustrium etc.

§. CCXCII. Graecae linguae studium inter Latinos revocavit, postquam per septingentos annos in Italia prorsus neglectum jacuisset, *Michael Chrysoloras*, qui a Johanne Palaeologo missus in Occidentem, ut Latinorum contra Turcas imploraret opem, ibi mansit, variisque in locis habuit Graecae linguae institutiones, ut Venetiis, Florentiae, Romae et Ticini, variis etiam post se relictis discipulis. Fuit origine Romanus, patria Byzantinus, ex illustri stemmate, clarus circa 1389., et mortuus Constantiae, quo tempore famosum illud concilium Constantiense celebratum est, a. 1414., ubi ejus quoque legitur epitaphium. Scripsit, praeter artis Grammaticae regulas, comparisonem Veteris et Novae Romae, nec non epistolas, ad calcem Codini de *Antiquitatibus CPolitanis*, denique tractatum de *processione Spiritus S.* contra Graecos. Linguae Hebraeae notitia inbutus *Porchetus Salvaticus*, ex illustri Salvaticorum gente, qui, incertae licet aetatis, hujus videtur esse seculi, scripsit, Ray-

mundi

mundi Martini, qui *pugionem fidei* superiore seculo dedit, vestigia tenens, opus contra Judaeos, cui titulus *victoria*, editum ab Augustino Justiniano, sed a Galatino, sub finem sec. XV. compilatum.

§. CCXCIII. Missis scriptoribus de jure civili et Canonico aliis, duo tantum memorabo, qui de *ordine Romano*, seu caeremoniis Ecclesiae Latinae, exposuerunt, a Mabillonio itin. Ital. t. II. publicatos, *Jacobum Cajetanum*, Cardinalem, et *Petrum Amelium*, Senogallensem Episcopum; ex quibus rituum Ecclesiae notitia est petenda. Inter scripturae S. interpretes, ut ad eos et Theologos veniam, primum merito tenet locum *Nicolaus de Lyra*, vir Hebraice perdoctus, et literalis scripturae commentator, vanissimis et allegoricis interpretationibus explosis. Fuit Normannus, Lyrae in dioecesi Ebroicensi natus, sed num e parentibus Judaeis, postea conversis, originem duxerit, quod nonnulli tradunt, incertum, si non falsum, est, e studio ejus in Rabbinicas litteras ortum, cum, ex Judaeum eum fuisse, nullo pateat testimonio, vid. Saubertus in *Palaestra*, nec simile quid in ejus epitaphio, quod exhibet Fabricius in Bibliotheca, occurrat. Professus inter Franciscanos nomen a. 1291., postea Parisiis Magister Theologiae creatus, ibi docuit; Doctor planus et utilis cognominatus, et mortuus est ibidem valde senex a. 1340. Praestitit autem se per scripturae commentarium, litteralem passim sectatus sensum, celeberrimum, per sequentia quoque secula. Scripsit *postillas perpetuas*, seu brevia commentaria, in totam Scripturam, a. 1292. incepta, et a. 1330. absoluta, notabili admodum clausula, quam recenset Baluzius tom. I. *Papae Avenionensis*, qua inter libros canonicos et non canonicos eodem modo, quo solent Protestantes, distinguit. Utitur saepe Salomonis Raschi commentariis, seseque in rebus Judaicis demonstrat bene versatum; verum in Novo Test. explicando minus eruditum et exactum, adcuratiorem tamen in locis Vet. Test., quae in Novo citantur, exponendis, secundum duplicem

sensum, typicum et antitypicum, quem utrumque litteralem, seu vere intentum, adpellat: immiscet praeterea subinde quaestiones Philosophicas et Theologicas. Exstant *postillae* in Bibliis, sic dictis, Glossatis, una cum glossulis, tum marginalibus Anselmi Laudunensis, tum interlinealibus ordinariis Hugonis a S. Caro, et Walafridi Strabi, nec non additionibus Pauli Burgensis, et Replicis Doeringii: subijuncti quoque, ad calcem postillarum sunt *Lyrae* nonnulli tractatus contra Judaeos, ad veritatem religionis Christianae demonstrandam. Alia ejus scripta praeterea. Ceterum, quod non erat negligendum, multa in *Lyrae* postillis sese offerunt, quae saniozem redolent fidem, quarum aliqua reperiuntur excerpta in Biblioth. Bremensi cl. II., unde vulgatum illud dictum:

Si Lyra non lyrasset, Lutherus non saltasset.

§. CCXCIV. Agmen Theologorum ducat, qui ad scripturae Interpretes etiam pertinet, quod eam in linguam Gallicam, ipsius Caroli regis jussu, verterit, *Nicolaus Oresmius*, Normannus, eruditus non tantum Theologus, sed et Philosophus ac Mathematicus, qui Carolum, Galliae regem, postea sapientem dictum, erudit. Theologus Parisiensis factus, gymnasium Navarreum suscepit regendum a. 1356., dein Lexoviensis Episcopus ab a. 1377. Obiit a. 1382. Vid. Lannoius, in *historia gymnasii Navarrei*, de ipso, ejusque scriptis. Celebris est ejus oratio ad illud *Jesaiæ juxta est Salus mea, ut veniat* etc., habita coram Urbano V., et Cardinalibus, in qua de vitiis curiae Romanae, et Cleri, liberrime disserit. Exstat in *catalogo testium veritatis*. Notanda etiam est ejus epistola *Luciferi ad Praelatos Ecclesiae*, quam edidit quoque Flacius, et Wolfius in *memorabilibus*. Nec nullus est tractatus ejus de Antichristo, ejus ministris, adventu, et signis, apud Martene Monument. tom. IX. *Tomas Bradwardinus*, Anglus, in dioecesi Cicestriensi natus, et Oxonii in collegio Merto-

Mertonense educatus, postea Theologiae Doctor creatus; dein, post longiorem in aula Stratfordi, Archiepiscopi Cantuariensis, moram, confessionibus Eduardi III. Regis praefectus, eum arma victricia per Galliam circumferentem secutus est, tanta pietatis fama clarus, ut fuerint, qui dixerunt, victorias esse ipsius pietati acceptas ferendas. Denique Archiepiscopus Cantuariensis electus est, sed ante consecrationem mortuus a. 1340. Summus fuit habitus Mathematicus, et Theologus, qui etiam Theologica primus tractavit methodo Mathematica, dictus *Doctor profundus*. Celeberrimum condidit opus de *causa Dei et praedestinatione*, contra Pelagianos, quorum tantam dicit in *praefatione* suo tempore fuisse per Ecclesias copiam, ut Catholicorum copiam longissime superaverit; editum, cura Henrici Savilli, Londini a. 1618. Sed ipse in alterum extremum videtur praecipitatus, dum Deum fecit omnium actionum causam efficientem, et immediatam, libertati hominis nullo fere loco relicto. Vid. theses ejus, ad calcem operis, quae ejus summam comprehendunt.

§. CCXCV. Theologiae, sic dictae, Spiritualis, seu mysticae, insignis promotor fuit *Johannes Taulerus*, natione Germanus, Ordinis Dominicanorum in conventu Coloniensi monachus. Floruit circa medium seculi, et scriptis ac concionibus in eo totus fuit, ut homines ab externa adduceret ad interiam devotionem; indeque pro Theologiae mysticae, ac vitae interioris, magistro habitus, et Theologus *illuminatus* dictus. Obiit Argentorati a. 1362. Lutherus epist. XXIII. de ipso fassus est, se *neque in Latina, neque in Germanica, lingua, vidisse Theologum salubriorem, et cum Evangelio consonantior*. Quam ipsam ob causam Eckius, famosus ille Lutheri adversarius, minus honorifice est de Taulero locutus, quem somniatoribus et visionariis adnumerat. Sed Ludovicus Blosius, Lactiensis Abbas, eum in *apologia* pro ipso multis defendit. Opuscula ejus, ex lingua Germanica in Latinam translata, publicavit Laurentius Surius. Plura de ipso suppe-

ditat Staupelius, in *memoria Tauleri instaurata*. Similis plane generis vir fuit *Johannes Ruysbrok*, etiam Germanus, Prior canonicorum regularium Viridis Vallis, in Brabantia Cameracensis dioecesis, dictus Doctor *Divinus* et *ecstaticus*, et alter Dionysius Areopagita; mortuus a. 1381. Postea haereticos a Gersono accusatus, sed a Surio defensus est, qui etiam multa ejus opuscula mystica e lingua Belgica in Latinam vertit. Est vero idem, qui Johannes Rusberus, et Rusbachius, adpellatur.

§. CCXCVI. Succedant Scholastici, quorum cum hoc seculo princeps fuerit *Johannes Duns*, *Scotus*, ab eo ordiatur. De ejus patria, licet Angli, Scoti, et Hiberni certent, probabilius tamen est, eum fuisse Anglum, Dunstonae in Northumbria natum, ut ex Warthone ad Cave hist. Litter. patet. Praeceptorem habuit Gulielmum Verum, seu Guarro-nem; quod alii addunt, ut Trithemius, Alexandrum Halensem, est in incerto. Studiorum cursu summa cum laude absoluto, et in omni scientiarum genere princeps, successit praeceptori, Parisios evocato, in cathedram Theologicam Oxoniensem, in primordiis seculi, tantoque cum adplausu docuit, ut plusquam triginta scholarium millia ad ipsum confluxisse dicantur. Dein a sociis Franciscanis, erat enim Minorita, Parisios accitus, ibi non minore cum laude docuit ab a. 1304. Denique Coloniam a Minoritarum Generali translatus a. 1308., et solenni susceptus pompa, apoplexia eodem anno correptus, et e vivis ablatus est. Tradunt nonnulli, eum, nimis cito, tanquam mortuum, sepultum, et ad se reversum, edito frustra mugitu, et diu pulsato lapide, tandem, capite eliso, periisse: sed, illud fabulis esse accensendum, non sine ratione disputat Waddingus in *Annalibus Minoritarum*, et in vita Scoti, operibus praefixa. Nec aliae desunt fabulae de ipso, ut 1. quod ad immaculatam conceptionem Mariae adferendam fuerit Parisios evocatus, eamque 200 argumentis evicerit, ita ut festum ejus ab eo tempore institutum, et facultatis Parisiensis decretum

cretum formatum fuerit, neminem ad gradus Scholasticos esse admittendum, qui non ante juraverit, se immaculatam conceptionem esse defensurum. Illud enim juramentum non nisi seculo sequente, post concilium Basiliense, introductum est, et nullus aequalium, aut antiquorum, ejus meminit; quid? quod ipse Scotus alibi, in III. *sententiarum* distinct. 3. meticolose de ea sententiam dixerit, immaculatam conceptionem, tanquam perfectiorem, esse *probabilem* statuens, modo ea opinio non sit Script. S., et Ecclesiae auctoritati, contraria. 2. Quod Colonensem fundaverit Academiam; cum illud demum sub Urbano VI. a. 1388. factum sit. Vid. Middendorpius de Academia Colonienſe. Ante Scotum quoque publicae ibi in usu fuerunt lectiones, et Schola illa per Albertum M. ac Thomam Aquinatem celebris esse coepit. Ceterum celeberrimum fuit Scoti nomen, mansitque diu. Praeterquam quod *Subtilis* doctoris titulum meruerit, multorum operum, quae duodecim voluminibus in fol. edita sunt a Waddingo, quae Philosophica continent et Theologica, autor haberi solet: *Realium* quoque condidit, vel promovit, sectam, et scholam Scotistarum, jam ante a. 1320. erectam, a quo tempore Scotistae et Thomistae divisi, et secum collisi, sunt; de quo postea.

§. CCXCVII. Discipulus ejus *Gulielmus Ockam*, Magistro licet in multis oppositus, et *Nominalium* praecipuus autor, gente fuit Anglus, in vico ejus nominis natus. Cathedram Theologicam tenuit in seculi initio Parisiis, et Philippi Pulchri causam contra Bonifacium VIII. Papam strenue est tuitus, edito dialogo de *Potestate Ecclesiastica et seculari*. Deinde Minoritarum, cui Ordini adscriptus fuit, Provincia- lis in Anglia factus a. 1322. conventui eorum generali, Pe- rursi habito, interfuit, in quo celebre illud conditum est decretum, sanam et orthodoxam esse doctrinam, Christum et Apostolos nihil, aut proprium, aut in communi. possedis- se. Quam paupertatem et ipse contra Johannis XXII. Pa- pae decreta fortiter ubique defendit, donec a Papa fuerit

sub anathemate ad silentium compulsus. Inde in Galliam secedens causam Ludovici Bavari egit contra Papam, ejusque ambitionem et errores acriter perstrinxit. Quare anathemate percussus a. 1330. ad Imperatorem contugit, in cujus aula consenuit, in partibus ejus defendendis perseverans, Imperatorem quoque, si vera narrat Trithemius, saepe his verbis adhortatus, *tu me defendas gladio, ego te defendam calamo*. Defunctus est Monachii a. 1347., variis relictis operibus, quae, praeter Philosophica, maximam versantur partem in potestate seculari, et paupertate Monachii, tuenda contra Papam, apud Goldastum in *Monarchia Imperii* obvia. Faverunt quoque ei Nominales Parisienses, et Johanni XXII. sese praestiterunt adversarios, in articulis ad Ludovicum missis, cum Rex Ockami et Nominalium doctrinam condemnari jussisset: qui a Baluzio in *Miscellanea* tom. IV. exhibentur. Ockamum vero sub vitae finem resipuisse, et a censuris absolutum esse, tradit Trithemius, et ex litteris Clementis VI. confirmat Waddingus in *Annalibus Minoritarum*: quod suo relinquo loco. Ceterum elegio et titulo *Venerabilis inceptoris, Doctoris singularis et invincibilis*, ornatus est.

§. CCXCVIII. Eandem causam egit, eadem quoque subijt fata, *Michael Caesenas*, Italus, ac ordinis Minoritarum Generalis ab a. 1316., qui, conventu Ordinis Perusii coaecto a. 1322., sententiam Minoritarum de paupertate Christi, et usu ac dominio rerum, a Johanne Papa condemnatam, comprobavit. Deinde et ipse sese Ludovici partibus adjunxit, et ad ipsum, cum anathemate ictus et depositus esset a Papa, recepit, a partibus suis tuendis nihil remittens, quin Johannem haeresios accusans. Obijt Monachii in Bavaria a. 1343. Prostant tractatus ejus contra haereses et errores Johannis apud Goldastum l. cit. tom. II. Scripsit quoque commentarios in Scripturam S., et Romanam Ecclesiam vocavit Antichristianam, Babylonem mysticam, etc. ipsius Petri Apostoli principatum quoque confutavit.

Franciscus

Franciscus Mayronius, Scoti etiam, sed fidelior, discipulus, natione Gallus, ex ordine Minorum Academiae Parisiensis, primum *baccalaureus*, dein Doctor creatus, claruit circa a. 1315., quo fere tempore primus introduxit *adum*, sic dictum, *Sorbonicum*, quo, aestivo tempore, singulis diebus Veneris, ab ortu solis ad occasum, sive a sexta matutina ad sextam vespertinam, sine ulla requie, sine cibo et potu, ab uno respondente, absque Praeside, disputatur contra multos opposcentes. Dictus autem est Doctor *illuminatus* et *acutus*. Catholico-Romanis autem male audit, quod superabundantem Christi et sanctorum defunctorum thesaurum in dubium vocaverit IV. sentent. distinct. 29. Operum ejus catalogum contexuit Waddingus l. cit.

§. CCXCIX. Dompicani Ordinis celeberrimus Doctor, *Durandus a S. Porciano*, Gallus, in oppido, a S. Porciano Abbate adpellato, et Arvernorum Boiis proximo, natus est. Doctor, vero Parisiis creatus, postea in Italiam profectus, a Johanne XXII. S. Palatii magister a. 1323. constitutus, Sacras explicuit Litteras. Dein Meldensis, mox Aniciensis, seu Bodiensis, Episcopus obiit a. 1333. Scripsit, praeter librum de Jurisdictione, commentaria ad quatuor libros *sententiarum*, sed a Tomae doctrina haud parum discessit. In praefatione, quod notandum, duo ponit principia, unum *scripturam* de rebus fidei et mysteriorum, dubiorum tamen locorum Scripturae S. interpretatione ad Romanae Ecclesiae decisionem rejecta, alterum, in rebus ad fidem non pertinentibus solam *rationem*, repudiata hominum ac quorumvis Doctorum autoritate. Refutavit quoque errorem Johannis XXII. de *statu animarum*, de quo postea. Quam ob causam citatus a Papa, sed defensus, est per Regem Franciae; ut Cornelius Zantfliet in Chronico a. 1334. refert apud Martene Monument. tom. V. Dictus est Doctor *resolutissimus*. Nomen etiam adeptus est *Petrus Aureolus*, Doctor *facundus* adpellatus, ex Professore Theologiae Parisiensi Archiepiscopus Aquensis in Gallia a. 1321. Scripsit, praeter commentaria

mentaria in libros sententiarum, tractatum de immaculata conceptione Mariae, breviarium Scripturae S. etc. *Johannes Baconus*, seu *Baconthorpius*, a pago agri Nordfolciensis in Anglia, unde oriundus est, sic dictus, Carmelitarum in Anglia ab a. 1329. Provincialis, Doctor *resolutus* appellatus, et Princeps Averroistarum habitus, mortuus a. 1346. multorum scriptorum fuit autor, quorum aliqua tantum lucem adspexerunt, ut ex. gr. de fide et baptismo, compendium legis Christi et vitae Christianae, commentar. in libros sententiarum, etc. *Petrus de Palude*, seu *Paludanus*, Burgundus, Ordinis Praedicatorum Professor, dein Patriarcha Hierosolymitanus ab a. 1329., defunctus est a. 1342. Fuit praecipuus autor judicii facultatis Parisiensis de *visio- ne beatifica* contra Johannem XXII., apud Launoium in historia *gymnasii Navarrei*. In ea quoque fuit opinione, sigillum secreti in confessione auriculari se ad peccata tantum extendere, non ad ea, quae ad veritatis manifestationem faciunt, adeoque ea revelari posse. Quod Catholico-Romani in eo carpunt. Scripsit in libros sententiarum, Scripturam S., de causa immediata Ecclesiasticae potestatis, et contra paupertatem omnimodam Minoritarum etc.

§. CCC. Reliquis omiſſis, cum omnes retēſere nec liceat, nec ſcopo conveniat, in *Raymundo Lullo*, haud uno nomine celebri viro, deſinam. Fuit Majoricenſis, ex inſula Majorica apud Baleares, primo mercator, et vitae infamis, dein inopinato aliquo caſu ad meliorem mentem et vitam converſus, ſeſe Minoritis adjunxit, totumque tradidit ſtudiis linguarum, Philoſophiae; et aliarum ſcientiarum ac artium. Magno autem ſtudio infideles convertendi flagrans, plus una vice Africam adiit, ut Saracenis fidem perſuaderet, ſed magno ſuo damno, donec ultima vice adeo fuerit excruciatuſ, ut brevi occubuērit a. 1315. Cui ſtudio etiam acceptum ferendum eſt, quod linguarum Orientalium ſcientiam ubique conatuſ fuerit introducere, et ad expeditiones cruciatuſ in Palaſtinam omneſ excitaverit, licet fruſtra,

tra. Ceterum diversa admodum iudicia de se peperit. Alii enim eum haereticis, histrionibus, circumforaneis, et nugivendulis accensent, ut Bzovius, alii sanctorum et martyrum albo inscribunt, et ab alio Raymundo, autore librorum de *secretis naturae*, de *alchymia*, et *invocatione daemonum*, errorumque illis comprehensorum, distinguunt: quod pluribus contendit Waddingus in *Annal. Minorum*; qui tamen longe abest ab elogiis, quae sectarii Raymundi satis inepte ipsi dant: a quibus adpellatur Doctor *illuminatissimus*, *tuba Spiritus S.*, *organum Dei*, *fons veritatis*, *Ecclesiae restaurator*, etc. Imo non verentur adserere Lullistae, Vetus Testamentum esse Patris, Novum vero esse Filii, sed doctrinam Lulli esse Spiritus S. omnes porro Theologos esse, tempore Antichristi, a fide defecturos, et tunc veram fidem per doctrinam Lulli esse resuscitandam, eam autem doctrinam per revelationem haberi, et a solis Lullistis intelligi: etc. Verum et ex mea est opinione, autorem libri de *secretis naturae* etc. non esse hunc Lullum, sed alium Raymundum de Terraja, alias Neophytum dictum, ex-Judaeum, gravium errorum doctorem, quos ex Eymerico repraesentat Natalis Alexander; sed nec illud negari potest, ex Raymundo Lullo varias quoque res et phrasas erroneas ac haereticas ab eodem Eymerico esse collectas, quae Gregorio IX. Papae exhibitae, et ab eo, post examen a Theologis institutum, damnatae sunt, edito diplomate a. 1376., quos errores idem Natalis recenset. Versantur circa Trinitatem, purum Dei amorem, sine spe remunerationis, hominisque deificationem, et quae alia sunt Quietistarum placita. Videtur vero Lullus fuisse fanaticus, quique prae se tulit, se artem et doctrinam generalem accepisse in quodam monte, ubi sese Christus ipsi manifestum fecit. Interea ipsa illa ars Lulliana hominem sapit meditationibus subactum, et ingeniosum; cujus conspectum dedit Alstedius in *clavi artis Lullianae*, et Morhovius in *Polyhist. l. II.* Est autem artis praecipuus usus in dicendo, versaturque ipsa ars

in subjectorum et praedicatorum connexionē, seseque ad omnes porrigit scientias. Dictis subjungo, excerpta Eymerici ex libris Lulli fidem per omnia non mereri, cum et eo tempore multi fuerint conquesti, examen ejus librorum minus exacte et fideliter esse factum, novumque petierint, teste Régis Arragonum Petri epistola ad Papam a. 1371.: accedit, maximam partem quidem, sed non omnia, esse erronea. Illud porro in Lullo valde fuit laudabile, quod haereticorum supplicio capitali sese palam opposuerit, licet illud ipsum inter haereticas ejus opiniones fuerit relatum.

§. CCCI. Ex hoc qualicunque scriptorum catalogo cum, quo in statu fuerunt hoc seculo studia, facile elucescat; paucis desungi potero. Exculta fuerunt, quovis in scientiarum genere, magno ardore; renovata in specie studia, sic dicta, humaniora, et linguarum Orientalium: maxime post decretum Synodi Viennensis a. 1311., quo statutum est, ut linguae Orientales, Hebraea, Arabica, et Chaldaea, in scholis docerentur. Sicut et Graecae linguae studium per Chrysoloram fuit in Occidentem inductum. Parisiensem Academiam talibus viris fuisse ornatam, qui has linguas professi sunt, ex epistola Johannis XXII. ad Cardinalem, legatum Parisiis agentem apud Carolum Pulchrum a. 1325., constat. Litterarum Hebraicarum studium quoque in Academia Oxoniense viguisse, annales ejus testantur. Praeterea novae Academiae plures huic seculo debent originem suam. In Gallia fuit erecta *Andegavensis* a Ludovico II. Duce, *Aurelianensis* sub Philippo Pulchro; cujus quoque conjux Johanna, Navarrae regina, testamento instituit collegium *Navarrenum*, in et sub Parisiensi Academia, in quo Grammaticalia, quaeque ad Logicam, Philosophiam, et Theologiam pertinent, tractarentur: cujus notitiam dedit Launojus in *historia collegii Navarreni*. Chartam quoque edidit Johannes, Rex Francorum a. 1351., apud Baluz. Pap. Avenion. t. II. c. 162. in gratiam magistrorum, baccalariorum, et scholarum facultatis Theologiae, Universitatis Montis-pessulani, qua in specie, quod

quod notandum, *Bedellis* conceditur, dum officium exercent, *virgas argenteas, vel alias, quas voluerint, tenere et portare* etc. In Anglia Cantabrigienſis condita eſt per Eduardum Regem, et Papam Johannem XXII. In Italia *Piſana* et *Ferrarienſis*, in qua priore docuit Bartolus, *lucerna juris* dictus: in Bohe-mia *Pragenſis*, ad normam Pariſienſis, teſte diplomate inſtitutionis ſub Carolo IV. Imperatore et Papa Urbano V: in Polonia *Cracoviienſis* florere ſub Uladiſlao Rege coepit: in aliis Germaniae regionibus conditae ſunt *Coloniienſis*, ſeu *Agrippinenſis* ab Urbano VI., *Erfordienſis* Thuringiae a Bonifacio IX., denique celeberrima illa *Heidelbergienſis* a Ruperto Seniore, Duce Bavariae et Comite Palatino Rheni, ad normam Pariſienſis, ab Urbano VI. a. 1385. per bullam confirmata: in qua primus Scripturae S. Profeſſor fuit Marſilius ab Ingen, Doctör Pariſienſis, et Canonicus, primus quoque Academiae Rector a. 1386., qui annus cenſetur Academiae natalis. Scripſit Commentarios in *libros ſententiarum*.

§. CCCII. Sed ſtudia Theologica per Scholaſticos magis magisque ſuerunt depravata. 1. Incidit in hoc ſaeculum *tertia*, et ultima, aetas Scholaſticorum, poſt Durandi in primis tempora, non tam in eo ſita, quod nova adoptaverint principia, niſi quod Ariſtotelis ſere ſola vigerit autoritas, quam, quod curiositas ineptarum quaestionum, decidendi audacia et temeritas, dialecticae denique tricae, nullum tenuerint modum. Quas ſupervacuas ſubtilitates et quaestiones in Theologis ipſe Papa Johannes XXII. perſtrinxit, data ad Academicos episto-la apud Raynaldum a. 1317: ſicut et Clemens VI. litteris ad Pariſienſes a. 1346. Poſſet ineptarum, ſaepe profanarum, quaestionum prolixus texti catalogus, ſed ſpeciminis loco hae ſufficiant: *quomodo Deus diligit contraria, et quomodo non exiſtentia? utrum poſſibilis ſit propoſitio, Deus odit Filium? utrum Deus poſſit aliqua diſtincte intelligere, ſi ad illa non habeat diſtinctas relationes rationis? an hae, et ſimiles, propoſitiones, Deus eſt upupa, eſt ſcarabaeus, aequae poſſibiles ſint, ut ea, Deus eſt homo? utrum naturam mulieris, aſini, ſerpentis*

pentis, vel columbae, Christus potuerit aut debuerit adsumere? utrum Deus possit homini damnationem revelare? utrum factum reddere infectum? utrum universale conservare sine particulari? utrum Deus, an homo, an ex utroque unum sit Papa Romanus? Alia similia infinita mitto. 2. Infana superbia hos homines transversos egit; ut ex disputationibus, decisionibus, et titulis, satis elucescit. Dicti sunt, acuti, subtile, singulares, illuminatissimi, invincibiles, resolutissimi: et qui sunt alii, supra notati.

§. CCCIII. 3. Variae denique factiones eos dividerunt, et secum commiserunt. Divisi fuerunt ex. gr. in Nominales et Reales, Tomistas et Scotistas, ne de Lullistis dicam. Quod ad Nominales et Reales attinet, *Nominales*, etsi a Rolcelino sec. XII deriventur, praecipuam acceperunt a Gulielmo Ockamo celebritatem, sicut *Reales* a Petro Lombardo, et Toma Aquinate, ac Scoto. Discrimen autem eorum luci exposuerunt Nominales Parisienses, in articulis ad Ludovicum VI., Galliae Regem, missis, apud Baluzium in Miscell. tom. IV., ubi nonnulla quoque eorum fata recensentur. 1. *Reales* ibi dicuntur, qui res multiplicatas esse contendunt, secundum multipliciter terminorum, *nominales*, qui contra instituunt, ex. gr. sapientiam in Deo a deitate separant Reales, sed, unam eandemque rem esse Deitatem et sapientiam Dei censent Nominales, quia omne quod in Deo est Deus est. 2. *Nominalium* praecipuum ponitur studium in cognoscendo omnes proprietates terminorum, a quibus veritas et falsitas orationis secundum ipsos dependet; quae proprietates sunt *suppositio*, *adpellatio*, *ampliatio*, *restrictio*, *distributio* etc. *Reales* autem in his sunt negligentiores, dicuntque, nos imus ad res, de terminis non curamus. 3. Denique *Realium* nomine veniunt, qui statuebant universale a parte rei, et ante omnem rem, ita ut deletis, vel non existentibus, particularibus, sint universalia realiter; fere sicut *ideae* Platonicae per se subsistentes, et communes, quarum participatione generabantur singularia. Sed *Nominales* audiebant,

t, qui universale tantum a parte nostri conceptus adtebant, instar *abstracti*. De *Tomistis* et *Scotistis* alibi ur; quarum *illi* Augustiniani erant, Augustini placita *isti*, *hi* vero ad Pelagianos et Semipelagianos accedebant pius.

REGIMEN ECCLESIAE.

. CCCIV. Cum fidei et cultus respectu res in eodem iterit statu, nec nova aut dogmata aut instituta coepe-, nisi paucorum festorum respectu, de quibus in Papahistoria dicam, mox ad Regimen et Disciplinam per-, postquam verbo notavero, i. lectu digna esse, quae concilio Vaurenfi a. 1368. decreta sunt, de laicis informis notitia articulorum fidei, apud Baluzium in *conciliis liae Narbonensis*; ubi, quod adtendi meretur, docetur, laicum ratione habita, quid *fide implicita*, quid *explicita*, sit lendum 2. exortos esse, qui circa Transubstantiationem uid novi sunt commentu, si hostia consecrata in turpem it locum, aut a mure corradatur, aut a bruto absuma-, denique ab homine indigno sumatur: illis scilicet in bus corpus Christi discedere ab accidentibus panis, in um rapi, et substantiam panis redire. Duo memorantur opinionis viri, Johannes de Latone, et Petrus de Boeta, Ordinis Minorum Professores, quos alii religiosi fecunt in provinciis Tarraconensi et Caesaraugustana 371 Quorum sententia jussu Gregorii XI. est damna- Vid. Eymericus in *directorio Inquisitorum*, et Raynaldus l. 1372.

. CCCV. Bonifacio VIII., ut Paparum historiam proe pertexam, successit *Benedictus XI.*, infimi quidem ges vir, sed animi nobilioris, et a decessore suo longe rsum. Aeta enim Bonifacii contra Regem, et regnum, liae, rescidit omnia, autoritate Apostolica, etiam ante m Rex petierit absolutionem: ut *historia diffidii inter om. VI.*

Bonifacium et *Philippum* Regem edocet. Recepit etiam, ad regis petitionem, Columnenses, et sententiam, in eorum a Bonifacio latam, declaravit irritam. Sardiniae et Corsicae regnis a Bonifacio concessis Jacobo, Arragoniae regi, sub conditione, inter alia, ut Ecclesiae Romanae ligium homagium, et fidelitatis iuramentum, praestaret, illud fecit Jacobus, et Papa recepit, ut et a Frederico, Trinacriae rege, una cum censu annuo trium millium unciarum auri, quo se tributarium sedis Apostolicae fatebatur rex Siciliae. Obiit a. 1304., soletque bonis adnumerari Papis. Tradunt nonnulli, ipsum veneno esse extinctum, sive per Columnenses, sive per Florentinos. Receperat quidem Columnenses in gratiam, sed Sciarram Columnam, et Gulielmum Nogaretum, captionis Bonifacii autores, ad suum se sistere tribunal iussos, nec obediens, publico et diro anathemate confixit. Dedit, quod notatu dignum est, modestiae singularis exemplum, quod, cum bubulci esset filius, ad Papalem sedem euectus, matrem, non nisi usitata veste indutam, suscepit, et splendidiore amictam repudiaverit, suam esse ea veste matrem negans.

§. CCCVL. *Clemens V.*, antea *Bertrandus de Agutis*, *Burgalensis* Archiepiscopus, in ejus locum est, ope *Niculae Pratenis* electus, postquam Regi Galliae *Philippo* promississet, actorum Bonifacii, cum ipsius damnatione, rescissionem, praeterea decimas reddituum Ecclesiasticorum in quinquagnum, denique secretum articulum, quem alii Templariorum excidium, alii sedis Papalis translationem *Avenionem*, comprehendisse opinantur: quod utrumque effectum est. Coronatus est *Lugduni*, et, ut Regi Galliae placeret, simul sub ejus tutela contra Imperatorem esset, sedem Papalem fixit, deserta Roma, *Avenione*, Galliae *Narbonensis*, eo magis, quod Ecclesiae Romanae patrimonium per Italicas factiones et seditiones valde infestabatur; ubi sedes mansit annos septuaginta tres. Quae translatio haud unum Galliae adtulit damnum. Praeterquam enim, quod vitia aulae

Papa-

Papalis in Galliam introduxerit, ut Nic. de Clemang. de corrupto Ecclesiae statu c. 27. quoque notavit, libertas Gallicana haud parum per eam inminuta est, jure regio in beneficiorum collatione a Papis usurpato; peperit denique funestum illud schisma Papale, ut suo loco tradam. Edidit vero Paparum Avenionensium vitas, a vetustis descriptas; Baluzius, cum eruditis notis. Praestitit quidem Papa promissa, Regi facta, sed postulata ejus de memoria Bonifacii damnanda astute delusit, sub praetextu, id nisi in damnum eorum fieri non posse, qui a Bonifacio creati et ordinati erant, inter quos multi erant Cardinales, Regi accepti, a quibus et ipse erat electus Pontifex; addit, in Synodo Oecumenica id tantum fieri posse. Cum autem Rex instaret, concessit quidem Papa accusationem et defensionem Bonifacii, sed et a Rege inpetravit, ut totum negotium permitteretur sedi Apostolicae. Exstant acta accusationum et defensionum in *historia dissidii Bonifacii et Philippi*. Omnibus itaque actis Bonifacii rescissis, Papa in eum statum, in quo ante dissidium fuerant, redegit omnia, absoluto etiam Nogareto, sed sub conditione, ut peregrinationes et expeditiones sacras suscipere, usque ad generalem, quam movebatur, expeditionem. Attamen Bonifacii constitutionem, *de salutis necessitate esse, Romano Pontifici subesse*, confirmavit, rejecta tantum opinione ejus de Paparum potestate in Reges, et eorum temporalia, ita tamen, ut temporalis potestas Pontificiae in Spiritualibus obedire teneatur: quod alio conspectu eodem fere recidit. Celeberrimam praeterea celebravit Synodum illam Viennensem a. 1311., in qua, praeter alia, vindicata est memoria Bonifacii, si Villani lib. IX. sit credendum, sed acta Synodi de eo silent, et totum illud negotium jam antea, ut dixi, fuit terminatum, exitio devoti sunt Templarii, etc. de quo postea. Admisit etiam Roberti, Siciliae Regis, et Romanae Ecclesiae fiduciarium, defensionem contra Henricum VII., Germaniae Regem, *ac de Henrici abrogatis: exegit quoque ab Henrico, qui illud*

negavit, juramentum fidelitatis; denique constituit, teneri Reges Germaniae nomen, et jura, Imperii recipere a Papis. Henricus Papam in ordinem redegit, si diutius fuisset superstes, sed a Dominicano monacho, ab aliis corrupto, est veneno, vino eucharistico inmixto, in ipsa communione praebito, extinctus. Sed Ptolem. Lucens. in vita Clementis V. refert, ipsum *morte naturali* esse defunctum, et *malevolos aliquos dixisse, venenum ipsi fuisse datum in eucharistia*. Ceterum, inter superbiae Papalis specimina alia, illud notetur, quod Franciscum Dandulum, Venetorum procuratorem, et eorum nomine supplicem apud Papam, ferrea catena collo injecta passus sit ad Papae mensam jacere prostratum: ut Sabellicus, et Veneti scriptores, referunt. Denique, diplomata de festo *corporis Christi* celebrando renovavit, et *Clementinas* edidit, sive librum septimum decretalium; in libros quinque divisum, a successore Johanne XXII. promulgatum a. 1317. Defunctus est a. 1314., seseque, inter alia, Templariorum excidio, libidinibus, ac nundinationibus, praestitit infamem. Obviae sunt ejus accusationes apud Dantem A'igerium, Massonum, Villanium, et alios.

§. CCCVII. Successit, postquam sedes, propter Cardinalem dissidia, supra biennium vacasset, Jacobus de Ossa, e patrefutore veteramentario natus, dictus Johannes XXII. qui se ipse Papam nominavit, ut tradit Joh. Villanius. Cum inter Cardinales conveniri non posset, compromissum fecisse narratur, eum fore Papam, quem Jacobus de Ossa nominaret; quo facto, se ipsum declaravit Papam. Quod utrumque tamen in dubium vocatur. Sunt enim, qui, ipsum ex prisca nobilitate originem habuisse, referunt, Vid. Baluzius not. ad *Vitas Paparum Avenion. l.* Propriam electionem quidem testantur Villani, et Antoninus in *Chronico*, sed alii silent, nec ipsi in signum ambitionis objecit Ludovicus Bavarus, ipse quoque, litteris encyclicis, se refert concorditer esse electum a Cardinalibus, ac initio haesitasse, num onus susciperet. Vid. Baluz. *l. cit. p. 726.*, qui viam compromissi primo quidem

dem propositam putat, sed, ea postea dimissa, processum fuisse per viam scrutinii. Nomen nactus est celebre, et famosum, per varias lites, quibus exercitus est, et dominium Papale, ac errorem, ipsi inputatum, de statu animarum. De quibus distinctius erit tractandum. Graviissima fuit ejus concertatio cum Ludovico Bavaro, quam ex Protestantibus enarravit Buddeus in *Parergis histor. Theolog.*, et ex Catholico-Romanis Natalis Alexander hist. *Eccles. hujus seculi*: ne aliorum faciam mentionem.

§. CCCVIII. Henrico Lucenburgensi defuncto, ut rem summam breviter tradam, cum Electores, secum divisi, alii comitiis legitimis, et pluribus suffragiis, elegissent Ludovicum, Bavariae Ducem, alii in conventiculo schismatico, paucioribus suffragiis, Fredericum Austriacum; uterque sese legitime electum gessit, sed Ludovicus Aquisgrani, secundum antiquam consuetudinem, ab Archi-praesule Moguntino, coronatus est, uterque, litteris ad Papam datis, petiit coronam Imperii, interea duo illi Principes de corona contendebant, sed superior fuit Ludovicus Bavarus. Quo in rerum statu Papa, edita constitutione a. 1317., declaravit publice 1. Regis Romanorum electionem non esse ratam, nisi Papa confirmaverit 2. coronam Imperialem a solo concedi Papa 3. adeoque juramentum fidelitatis praestari debere Papae et Ecclesiae Romanae 4. vacantis Imperii administrationem esse penes Papam 5. utramque potestatem, secularem et Ecclesiasticam, Papam suo arbitratu moderari 6. Imperii vicarios, sive praefectos, ab Henrico VII. in Italiae civitatibus, imperio obnoxiiis, constitutos, exautoravit, et Robertum, Siciliae regem, in Italia Vicarium Imperii declaravit, donec Imperator inauguraretur. Denique 7. Ludovico diem dedit et Frederico, ut se coram Papa sistant, juraque sua instrumentis et rationibus, coram Papae tribunali, adstruant, sed Ludovicus, his spretis, Fredericum adgressus in potestatem suam brevi redegit, Gibellinos, cum Guelfis in Italia dimicantes, defendit, eorumque vires confirmavit a. 1323.,

non obstante, quod Papa Matthaeum Vice-comitem, Gibellinae factionis ducem, anathemate devinxerit, et haereticos, et pertinaciae, in retinendo imperii Vicariatu apud Mediolanenses, causa. Papa, huiusce exacerbatus, monitorio ad Ludovicum misso, apud Raynaldum a. 1323., ei imperii administrationem, Gibellinorum defensionem, ac subditis obedientiam prohibuit, sub poena anathematis, donec electio Ludovici discussa, et a Papa confirmata, esset, addito trium mensium termino. Cui declarationi Ludovicus duas opposuit protestationes de consilio Principum, Episcoporum, et Doctorum, quibus legitimam quidem obedientiam Papae, et fidei orthodoxae strenuam defensionem promisit, sed simul declaravit, se, legitime electum, non indigere Papae confirmatione, nec sibi constare, Vice-comitem, et alios, quos in clientelam susceperat, haereticos esse condemnatos, aut in Ecclesiam perduelles. Ad quae, ipsum omni jure, ex electione orto, privatum declaravit Papa, eique alias poenas, nisi mandatis obediret, intentavit. Quod accidit a. 1324.

§. CCCIX. Secuta mox est anathematis sententia in Ludovicum, et publica inter eos divisio: Ludovicus enim secl. Papae, et scriptis et factis, palam opposuit. Acerrimam utique eo tempore in publicum misit epistolam contra Papam, qua eum haereticos et multorum criminum egit reum, simul ad generale concilium provocavit. Prostat in Pap. Avenion. vit. Baluzii tom. II. c. 75. Exorti etiam varii sunt docti, qui Imperii jura contra tyrannidem, et usurpationem, Papalem strenue sunt tuiti, uti Dantes Aligerius, Florentinus Wilhelmus Ockam, de quibus supra, Johannes Jandunus, Paulinus, Marsilius de Padua, vel Patavinus. Quorum scripta apud Goldastum de Monarchia exstant, et in *Fasciculo rerum susciendarum et expetendarum*: sed quibus notam inussit, et anathema infixit, Papa. Praeterea Ludovicus in Italiam a. 1327. profectus, Tridentino indicto conventu, Johannem ob haeresin, in specie ob editas constitutiones contra paupertatem Christi, aliaque ob capita, indignam pronunciavit Pontificatu,

ortu, et abdicavit, unde Mediolanum progressus Imperator corona ferrea pro more coronatus est. Sed vices ei rependit Papa, ultimamque ac depositionis sententiam in Imperatorem tulit, omnibusque et obedientiam et conversationem cum eo interdixit; apud Raynaldum a. 1327. Quo facto Romam tetendit Imperator a. 1328., ibique in Basilica S. Petri a Sciarra Columna coronatus est altera vice, et ab Alberto, Venetiarum Episcopo, inunctus, sententiam quoque depositionis in Johannem tulit, tanquam qui Romanam Ecclesiam deseruerat, pecuniam per iniquas decimationes, praetextu belli sacri, coacervaverat, Simoniam exercuerat, sanam quoque doctrinam de temporali dominio Imperatorum, et paupertate Christi, corruerat, aliaque patraverat crimina. Existat in Annal. Caesenat. apud Muratorium script. Ital. tom. XIV. et apud Baluzium vit. Paparum Avenion. tom. II. c. 77. Substituit denique novum Papam Petrum Corbarium, Ordinis Minorum Professorem, adpellavitque Nicolaum V.; sed quem Johannes mox anathemate confixit. Ceterum accidit tunc, ut narratur, quo novus Papa ludibrio est expositus, ut uxor ejus, ab ipso, cum Ordinem Minoritarum adoptavit, relicta, ipsum nunc repetierit, Johanni, Reatino Episcopo, libello porrecto, qui, causa cognita, conjugium injuste esse dissolutum, declaravit. Sed videtur vel uxor, quae post quadraginta annos desertionis maritum reclamavit, a Papa concitata, vel potius tota illa res fabulam sapere, ad novum Papam prostituendum, muliere hac subornata ad se uxorem fingendam. Nemo utique ante Bernardum, in vita Johannis Papae, aequalium hujus rei meminit, et Oedericus Vitalis Nicolaum omni parte laudat: misit vero haec omnia Johannes Papa ad Principes Catholicos. Interea res Ludovici per Roberti, Siciliae Regis, et Johannis Ursini, Cardinalis, oppositiones, prolapsae sunt in Italia, novus Papa desertus est, et animi ad Johannem rursus inclinati sunt: quare Ludovicus Italiam deseruit, Nicolaus sese Johanni submisit, errores et acta abjuravit, veniam, quam supplax-

petiit, quoque consecutus est, sed custodiae est mancipatus. Haec summa est dissidii Papae cum Ludovico, de quo vid. Alvarus Pelagius de *planctu Ecclesiae*, Aventinus in *Annal.* praeter alios bene multos.

§. CCCX. Praeter hoc exercuit Johannem aliud negotium, per factiones in Ordine Minoritarum excitatas, circa regulam Francisci de omnimoda paupertate, quam historiam infra tradam. Alia quoque egit multa, ad dissidia Principum compescenda, et euangelium inter Infideles propagandum: de quo etiam suo loco. Subjungam itaque nonnulla de hoc Papa observata. 1. Dominium Papale ad summum evertit gradum. De quo, praeter dissidium cum Ludovico Bavaro, abunde testantur *Extravagantes* ejus. Quo nomine constitutiones ejus in corpore Canonico veniunt. Adferitur in illis Papae summum jus in Imperium, Regna, et beneficia, ita ut de illis pro arbitrio possit disponere: praefertur quoque Imperatori, ut Sol Lunae. Edictum Ludovici Bavari comitiorum Regnoburgensium consensu vulgatum habet, inter alia, de Johanne, ipsum *sibi Satanae sumere Spiritum, se similem Altissimi facere, se adorari permittere, quod Angelus sibi a Johanne prohibuit* in Apocalypsi. 2. Avaritia ejus in congerenda pecunia nullum novit modum. Johannes Villanius refert, ipsum *viginti quinque milliones argenti* reliquisse. Quod et Paulus Sarpinus Venetus non neglexit observare, in utilissimo tractatu de beneficiis cap. 38. *Thesauros pecuniarum, quos de diversis mundi partibus exigit, et exegit, et exigi facit in praesulum subsidium* (terrae sanctae hostibus eripiendae, ad quod destinatae erant) *non convertit, imo in effusionem impiam et crudelem sanguinis Christiani* etc., verba sunt Imperatoris Ludovici in epist. invektiva contra Papam, apud Baluz 1 cit. 3. Quo scopo primus introduxit *Annatas*, seu redditus unius anni cujusvis vacantis beneficii, persolvendos Pontifici; ut tradi solet. Sed Johannes hoc tributum beneficiis non electivis tantum inposuit ad triennium; ut ex ejus constitutione, cum nonnullae, patet. Postea vero Bonifacius IX. omnibus inpo-

inposuit beneficiis, ita ut, qui beneficium consequeretur, *dimidium proventus annui* fisco Apostolico persolvat. Censentur praeterea Johannis esse *taxae* beneficiorum, seu certa pecuniae summa, pro gratiis et beneficiis solvenda. Vid. *tara Cancellariae Apostolicae*, etiam a Laurentio Bank edita. Unde Simonia sedis Apostolicae demonstrari solet. Originem etiam ab ipso habent *regulae Cancellariae*, norma iudicii Romani in judicando, quae per vitam Pontificis tantum valent. Vid. Mastricht hist. Jur. Eccles. 3. In sanctis canonizandis, et haereticis per inquisitionem persequendis, aliorum vestigia edulo pressit. Sanctis adscripsit Tomam, Herfordiensem in Anglia Episcopum, quod lacrymas in missa multas effundere oleret, Psalmos poenitentiales, litanias, et officium defunctorum quotidie recitaret, et ob similia alia devotionis, tunc usitatae, signa. Inter quae expresse memoratur, quod *camitam cilicinam ad carnem vestiebat, Zona etiam cilicina nodosa et aspera, latitudinis duarum palmarum, et quandoque ferrea, carnem cingebat occulte*. Vid. Baluzius in Papis Avenion. tom. II. cap. 54. Canonizavit etiam Tomam Aquinatem, et alios. De inquisitione, quam urfit, luculentum exstat testimonium vitae Johannis, a Veneto aliquo conscriptae, subjunctum, apud Baluzium ibid. tom. I. *iste Venetus adulator nihil dicit de tyrannide gesta per Papam istum, de trucidatione Christianorum facta, suo jussu etc.* Cujus specimina dedit in *fratribus spiritualibus* inter Franciscanos, de quo postea, persequentibus. Denique instituit, ut festum *S. Trinitatis*, jam antea hic illic usitatum, ubique celebraretur sollemniter. Vid. Martene de antiqua *Ecclesiae Disciplina* c. 28.

§. CCCXI. 4. Peculiarem meretur animadversionem error ipsi imputatus de animabus sanctorum, ad visionem Dei non admittendis, ante iudicium ultimum. Quaestione jam ante agitata, dein in aula Pontificia a. 1333. mota de animarum beatitudine, num sanctorum animae, etiam purgatae, in coelum reciperentur, et ad beatificam Dei visionem admitterentur, salvo discrimine gloriae animarum, et hominis post

Tom. VI.

Y y

ultimam

ultimum iudicium, an, contra, non nisi post resurrectionem eo pervenirent, licet ante pace et beatitudine gavissae? Johannes enim, qui posterius tenuit, et in concionibus jam antea proposuerat a. 1329., ut tradit Nicolaus Minorita apud Baluz. not. ad vitas Paparum Avenion. t. I. p. 788 neutiquam statuit, quod nonnulli opinantur, animas dormire. Prius passim ex Ordine Praedicatorum, cum tota Academia Parisiense, censuerunt, posterius vero minister Generalis Minorum, aliquae ex eo Ordine: quod ipsum non tantum admisit, et praedicari permisit Johannes, sed et, cum Tomas Valen, Anglus, Ordinis Dominicanus Doctor, coram Papa illam opinionem valide refutaret, mandato Papae in carcerem Inquisitionis coniectus, multaque passus est, indeque aegre ad Philippi Regis instantiam ereptus, ut refert Gobelinus Persona in *Casmodromia*. Vid. et Paulus Langius in Chronico Citizenensi, et Albertus Krantzius hist. Wandal. l. VIII. Sparsa vero Johannis opinione per Ecclesias, Philippus Valesius convocavit Episcopos, Abbates, et Theologos Parisienses in unum, in saltu *Vincennarum*, de quo vid. Launoius Epist. 7. part. III., a quibus Papae sententia est damnata, tanquam fidei contraria, adeoque haeretica, ut Nangii continuator refert in Spicilegio Dacheriano. Imo vehementissimas scripsit Rex litteras ad Papam, intentans quoque rogam, nisi haeresin revocaret: ut testatur Petrus de Alliaco in oratione de *schismate tollendo*, a. 1406. coram Rege Carolo habita. Rescripsit Papa, se nihil extra Scripturae S., et Doctorum testimonia adseruisse, nec suam opinionem alicui obtrudere, sed velle a Doctoribus discussam: tandem tamen sub vitae finem revocasse, traditur ab ejus successore Benedicto XII. in diplomate apud Raynaldum a. 1334. Quae historia cum Papae infallibilitatem infringat, Pontifici excipiunt, Johannem vel non *adseruisse*, sed tantum inclinasse ad eam opinionem, et ad examinandum proposuisse, sicut ipse Johannes postea in epist. ad Regem praetendit, vel non *ex cathedra*, seu accedente Ecclesiae consensu, hac de re pronunciasse, sed tanquam

quam privatum, adeoque errare potuisse. Sed Gerson Parisiensis Cancellarius in sermone de *festo Paschatis*, et Hadrianus VI. in IV. Sententiarum, Papam haeticis adnumerare non dubitarunt. Certum quoque est ex autoribus, modo citatis, Johannem eam fovisse opinionem, quam et sub vitae finem revocavit. Vid. etiam Petrus de Herentals in *vita Papae* apud Baluzium in *vitis Paparum Avenion.* tom. I., qui litteras Papae, quibus mentem suam exposuit, et opinionem revocavit, recensuit. Ubi et hoc notatu est dignum, quod *omnia submittat determinationi Ecclesiae, ac successorum suorum.* Ceterum pro sententia Catholica contra Papam scripsit Durandus de S. Porciano, edito commentario: de quo supra egi.

§. CCCXII. *Benedictus XII.*, qui ab a. 1334. ad 1342. sedem tenuit, humili loco ex Patre molitore natus, et antea dictus Jacobus de Furno, in eo quidem a Decessore dissentit, quod Catholicam de animarum statu fidem confirmaverit, tractatibus antea non tantum editis, sed et nunc diplomate, quo sub poena *anathematis ac incurfionis haeresis*, verba sunt auctoris *primae* ejus vitae apud Baluzium, *mandavit, ne quis contra hujusmodi terminationem suam dogmatizaret, aut crederet.* Ipsum diploma exstat apud Herentals, autorem *septimae* ejus vitae apud Baluzium lib. cit. Verum in reliquis vestigia ejus presse calcavit. Visus in initio quidem fuit reconciliationem cum Ludovico Bavaro quaerere, ut Albert. Argentinenfis, in ejus vita apud Baluzium, et alii, referunt, ut Philippi Galliae Regis postulatis obviam iret: petiit enim, praeter regnum Arelatense, Vicariatum Italiae, et multos thesauros; misit quoque Papa legatos ad Ludovicum, qui ipsum ad pacem cum Ecclesia cohortarentur, nec alienum se demonstravit Ludovicus: verum haud una vice missis legatis ad Papam, ad petendam absolutionem, is subterfugia semper quaesivit, modo minas Regis Galliae, modo alia, praetendens, ut quod Cardinales resisterent. Qua dilatione Imperator exacerbatus comitia cum Electoribus et Principibus habuit Reniae a. 1338., in quibus, post acta Johannis Papae

annullata, decretum est factum, eum esse Imperatorem, qui ab Electoribus fuerit electus, licet a Papa non unctus et coronatus, eosque, qui contrariam teneant, criminis laesae Majestatis esse reos. Exstat decretum apud Goldastum tom. III. Quae mox eodem anno renovata et corroborata sunt in concitiis Francofurtensibus, addito singulari decreto, quod ibidem reperitur, de *jure et excellentia Imperii*, ac potestate electi Romanorum Regis; simul Papae intimata sunt per Electorum litteras, apud Goldastum *stat. et rescript.* Imperii tom. II., imo ipse Imperator se edito apologetico strenue defendit, ibid., et in *catalogo testium* Flacii. Quid ad haec Papa? *multis et horrendis bullis fulminavit*, ut Mutiusl. XXIV. habet, Imperii quoque, acsi vacaret, instituit Vicarios, contendens, vacante Imperio, etiam per interdicta Pontificum, omnem ejus potestatem ad Papam esse revolutam, tanquam *unicum Christi, superni Regis, vicarium in terris*, ut loquitur Platina, adlerens porro, Imperialem dignitatem et potestatem esse a Papa.

§. CCCXIII. Praeter haec, alia adhuc publicavit decreta, uti pro taxandis certo pretio bullis, ac brevibus poenitentiarum Apostolicae, pro beneficiis vacantibus in Curia reservandis dispositioni Papae, pro extirpandis haereticis, qui, Sacramentum adorandum, aut Papae obediendum, esse, negant. Fuit, teste autore *vitae ejus primae*, apud Baluzium, *maximus Zelator fidei, ac in omni statu suo fervidus haereticorum expugnator, ac rigidus persecutor*. Concrematus etiam est ipso sedente Franciscus de Pistorio, quod decisioni Johannis XXII., contra paupertatem Christi, contradixisset. Sed et meliora ac utilia promulgavit decreta, ad reformanda Monasteria, aliosque tollendos abusos. In specie *dedit operam*, inquit autor citatus, *efficacem, ut in beneficiis, dignitatibus, et praelaturis, suo tempore vacantibus, ponerentur bonae et honestae personae, providaeque et disertae, ac sufficientes in literatura, ac maturae in moribus etc.* Addit autor, *propterea, quia tales reperire non poterat, multa beneficia, dignitates*

tes, et praelaturas quamplures, diutius in vacatione permansisse. Quod idem tradit autor vitae ejus octavae, ibid. apud Baluzium, sed qui Papae minus aequus habetur. Tradit utique, eum fuisse avarum, durum, et tenacem, in conferendis gratiis remissum, tardum, negligentem in providendo statum Ecclesiarum, supra modum: et in excusatione duritiae suae paucos ad haec dignos, vel sufficientes, dixisse etc. Addit autor deinceps, ipsum in propositionibus turpibus et inhonestis plus quam in virtuosis habere complacentiam, ex risibus, et motibus aliis, omnibus notum esse: potator vini maximus, ita pergit, ab omnibus curialibus dicebatur, adeo ut versum sit in proverbium consuetum dici, bibamus papaliter. Ipse Herentals in fine vitae ejus refert, tale metrum de ipso scriptum esse.

*Iste fuit Nero, laicis mors, vepera Clero.
Deius a vero, cappa repleta mero.*

Ceterum scribit Hieronymus Squarzacicus in vita Francisci Petrarchae, Papam ejus sororem petiisse utendam, promisso Galero Cardinalitio, Petrarcham vero recusasse, dicentem, *tam foetidum Galerum capiti suo non esse inponendum*; postea tamen, Papam votorum factum esse compotem per Gerardum, Petrarchae fratrem. Cujus veritatem praestare non possum, cum alii, nullam fuisse Petrarchae sororem, tradant.

§. CCCXIV. Lites cum Ludovico successor ejus, *Clemens VI.*, antea Petrus Rogerius, Lemovicensis, et Ordinis Benedictini, ab a. 1342. ad a. 1352. strenue, et tyrannice, persecutus est. Statim ac sedem capessivisset, dira Johannis fulmina in Ludovicum renovavit, et Imperatorem publice citavit, ut ad certam diem Deo et Ecclesiae satisfaceret, ac ab Imperii administratione abstineret. Quo tandem fractus Imperator, missis legatis, se Papae submitit, a. 1344., haereses et errores confessus, personam, statum, bona, ipsum Imperium, arbitrio Papae relinquens. Exstat haec indigna submitio in Miscellan. Baluzii tom. II. Relaxavit quidem

dem Papa processus Johannis XXII., sed cum hac restricta remissione, ut Imperator Gulielmum Ockamum, ejusque collegas, traderet Pontifici, decreta contra Johannem rescinderet, denique edicto perpetuo publice sanciret, *Imperium esse beneficium Papae, nec ante Caesarem esse aut vocari, quam Papa fieret autor.* Quibus articulis ad Imperatorem delatis, ipse, comitiis Francofurtensibus habitis a. 1344., eos, tanquam iniquos, et ad imperii destructionem tendentes, reprobavit. Quod idem de iis tulerunt judicium Theologi Parisienses, et Bolonienses, hac de re consulti. Papa vero flecti nescius, de Imperatore exterminando serio ab eo tempore deliberavit, una cum Johanne, Bohemiae Rege, ejusque filio Carolo, et patruo Archiepiscopo Trevirensi. Renovavit itaque processus Johannis XXII., et Imperatorem declaravit haeticum, et jure regni privatum, Electoribus quoque in mandatis dedit, ut intra certum tempus novum eligerent Regem, a. 1346. Quod nisi faciant, ipse de eo cogitaret. Henricus praeterea, Praeful Moguntinus, fautor Ludovici, depositus, eique suffectus est Gerlacus Nassovius, qui Principes evocavit Rensam a. 1346., a quibus Rex Romanorum est electus Carolus, Moraviae Marchio, quem Papa solenniter adprobavit, et Colonienfis Archiepiscopus coronavit. Superior tamen Germania in fide Ludovici maximam partem perstitit, et Ludovicus sese ad juris sui defensionem omnibus adcinxit viribus, sed brevi post mortuus, a. 1347. Cum vero durante excommunicatione fuerit defunctus, male solet audire, sed strenue defensus est a Georgio Herwarto ab Hohenburg, singulari edito scripto.

§. CCCXV. Eduardum, Angliae Regem, ut reliqua Papae gesta strictim recenscam, qui Cardinalium, aliorumque sacerdotum absentium, beneficia occupaverat, et redditus in suos verterat usus, per anathematis comminationem ad sanio-
riorem revocavit mentem a. 1352. Vid. Raynaldus. Necis
Andreae, in Apulia Regis, accusatus est, una cum Andreae
uxore, a fratre Andreae Ludovico, Hungariae Rege, pro-
curatae,

curatae, et reus habitus; quod Johanna reginae conjugium cum Pontificis fratre fecit probabile. Vid. Aventinus Annal. l. VII. Papa vero se et Johannam declaravit innocentem, a qua, insigni dato pretio, Avenionem comparavit. Vid. Bzovius a. 1348. Indixit quoque expeditionem in Turcas, quae etiam a Venetis, Genuensibus, Rege Cypri, et Rhodiis, est suscepta, sed cum nullo alio effectu, quam, quod Smyrna sit occupata, a. 1344., et quaedam Turcarum naves sint incensae. Singulare plane est, minusque vulgatum, et nondum revocatum, privilegium, Regi Galliae, ejusque successoribus, concessum, emissâ bulla, quo confessionariis eorum data est potestas, eos ab omni juramento absolvendi. Exstat inter Epistolas Clementis apud Dacherium in *Spicilegio* tom. III. *Jubilaeum* ad annum *quinquagesimum* reduxit, et eo nomine adpellavit, extenditque ad peregrinatores et visitatores Ecclesiae Lateranensis. Vid. Bosquetus in vita Clementis apud Baluzium, et Herentals ibid., qui bullam etiam recenset. Bonifacius enim VIII. restrinxerat visitationem ad Basilicas Petri et Pauli, Clemens adjunxit Lateranensem, et Gregorius XI. sanctam Mariam majorem. Vid. Raynald. a. 1373. Denique infamem sese praestitit cum per Nepotismum, ut vocatur, quo agnatos et nepotes honoribus cumulavit et opibus, *ditavit enim*, ut Ptolem. Lucens. in ejus vita tradit, quae quarta est apud Baluz. l. cit., omnes fratres suos cujuscunque conditionis, aut status, essent, tam de beneficiis Ecclesiasticis, quam de thesauris et honoribus, atque officiis et divitiis mundanis, tum per libidines, quibus, teste Villanio, nobilium uxores violavit. Postremo, auctoritatem Papalem in summo posuit culmine; ut Epistolae ejus ad Clerum Armenorum apud Raynaldum demonstrant a. 1351. Papam declaravit eandem potestatis habere plenitudinem, quam Petrus habuit. et ipse Christus in terra, super totum et universum corpus Ecclesiae; Papas de omnibus posse judicare, vel judices dare, ipsos a nemine, nisi a solo Deo, judicari, nec Regali aut Imperiali potestati esse

esse subiectos: solos posse condere generales canones; et plenas concedere indulgentias: solos posse controversias fidei decidere, esse autem verum et catholicum, quicquid Papa auctoritate clavium, sibi a Christo traditarum, determinat esse verum, quodque determinat esse falsum, aut haereticum, tale esse censendum. Quid? quod in Bulla, qua Jubilaeum instituit, *mandare se, dixerit, Angelis Paradisi, quatenus animam illius, qui in via moritur, a purgatorio penitus absolutam, in paradisi gloriam introducant.* Exstat in Vita IVta Clementis, autore Herentals, sed spuriam esse disputat, non adeo male; Baluzius ad vitas Paparum Avenion. t. I. p. 916. Hic ipse nihilominus, in signum fallibilitatis suae, morti proximus, revocavit, edito diplomate a. 1351., *si qua in re errasset.* Vid. Raynald. a. 1352.

§. CCCXVI. Innocentius VI., antea Stephanus Alberti Gallus, qui ab a. 1352. ad a. 1362. sedit, praeterquam quod inepta instituerit festa, ex. gr. lanceae Longini, crucis, clavorum, coronae spineae, cum plenissimis indulgentiis, apud Bzovium a. 1354., festorum Augustini confessoris in Anglia, et Eduardi Regis, institutionem promoverit, de quo epistolae ejus in Conciliorum tomis supersunt, haud unum dedit supremae potestatis in seculares, et tyrannidis Ecclesiasticae, specimen. Carolus IV. imperialem coronam, ad quam accipendam Romam tetendit, hac conditione ab Hostiensis Cardinalis consecutus est, jussu Papae, ut mox Italiam defereret, eamque nunquam, nisi a Papa, Italiae Domino, vocatus, repeteret, praeterea, se Papae voluntati omnibus pariturum viribus promitteret. Vid., praeter Aventinum, Innocentii litterae apud Bzovium et Raynaldum. Johannem, Gallorum Regem, litteris objurgavit, quod, premente licet necessitate, Clero Gallicano decimarum unius anni solutionem imposuisset; ut epistola ejus habet apud Raynaldum, a. 1356. Ludovicum, Siciliae Regem, anathemate, ob neglectam census solutionem, obstrinxit, Duos Minores, opinionem de absoluta paupertate publice tuitos, curiae seculari tradidit

com-

comburendos a. 1354., ut in *prima* et *secunda* Papae vita apud Baluzium traditur. Johannem denique de Rupefciffa, Gallice Roquetrillade, ob praedictiones, quas, teste Aventino, se probaturum dixit ex Apocalypfi, de duobus Antichristis, generali conculcatione Cleri, regno millenario etc. carceri mancipavit. Vid., praeter vitam *quartam* Innocentii apud Baluzium, continuater Nangii.

§. CCCXVII. *Urbanus V.*, antea Gulielmus Gromoardus, Gallus, Ordinis Benedictini Professor, et S. Victoris Massiliensis Abbas, statim ac sedem Papalem, quam ad a. 1370. tenuit, capeffivit, animum ad sacram expeditionem adjecit, in eam adunatis Johanne Galliae, et Petro Cypri, Regibus; sed, Johanne mortuo, successu caruit. Expugnata quidem est Alexandria, Aegypti regia; sed mox sine praelio omiffa, Anglis et Aquitanis Regem Cypri deferentibus. Vid. Petri Tomafii, legati Apostolici in ea expeditione, litterae apud Bollandum Mens. Januar. Laudabilis est, quod Petrarcha epist. i. lib. VII. etiam in ipso celebravit, quod disciplinae Ecclesiasticae incubuerit instaurandae, Academias, Viennensem et Cracoviensem, rogantibus Principibus, erexerit, et Bononiensem privilegiis maftaverit. Notatu maxime dignum est, quod sedem Papalem in animo habuerit Romam transferre. Profectus quoque eo est a. 1367. et missam in altari S. Petri solenniter celebravit, urbi quoque instaurandae et ornandae operam dedit, sed recessit Avenionem, et brevi mortuus est. Notari quoque meretur, Papam Romae ab Ecclesia Lateranense ad palatium tetendisse recta, et non obliqua, via, ut nonnulli Decefforum fecerant, viam vitantes, *occasione fatuae mulieris*, inquit autor *primae* vitae Urbani a Bosqueto editae, apud Baluz. l. cit., *quae aliquando Papatum dicitur occupasse, et in eadem via abortum faciendo pepcriffe refertur*. Ex quo colligi potest, historiolam illam jam ante fuisse divulgatam, sed et nunc in dubium vocatam. Sed longe pejus est, quod, *dum Romae fuit, Fratricellos vocatos nonnullos, a fide Catholica divertentes*,
Tom. VI. Zz

tes, igne fecit concremari in Roma; ut autor *quartae vitae* ejus ibid. refert. Ceterum iter ejus Romam exstat apud Baluz. Pap. Aven. t. II. c. 173. In agone mortis quoque professus est, quae singularis ejus est modestia, se *omnia jura dicta subficere Ecclesiae correctioni, et, si Ecclesiae sint contraria, revocare*, ut autor *primae vitae* ejus, apud Baluzium refert: autor vero *secundae vitae* ibid. tradit: *vix Ecclesiam esse in mundo, in locis solennibus, quin sit imago ejus depicta, et cum vigiliis ac oblationibus honorata.*

§. CCCXVIII. Quod animo, ut modo dixi, voluit Urbanus, de sede Romae restitnenda, perfecit ejus successor Gregorius XI., antea Petrus Rogerius, Lemovicensis, Clementis VI. ex fratre nepos, qui ab a. 1370. sedit ad a. 1378. Transtulit enim sedem Romam, quam incredibili fastu intravit a. 1377. Requirebat quidem Papae praesentiam generalis rebellio Bononiensium, Florentinorum, aliarumque civitatum per Italiam, contra Papam, erecto vexillo, in quo erat *Libertas*; sed compulit in primis Papam devotio erga devotissimas foeminas, Catharinam Senensem, et Brigittam, quae revelationes praetendebant, *Dominum velle, ut curia Papalis Romam reduceretur.* Cujus rei poenitentia ductum, sub finem vitae omnes admonuisse, ut ab ejusmodi foeminis sibi caverent, tradit Gerson. de *examine doctrinarum* p. II. oper. tom. I. ubi vid. du Pin; nescio quam vere: contradicit utique, non sine ratione, Natalis Alexander. Fuit quoque ad superstitionem usque devotus erga foeminas sanctas, et totus ab ore Catharinae ac Brigittae pependit. Florentinos non tantum gravissima sententia feriit a. 1376. Magistratus et vexilliferos anathemate percussit, civitati interdictum inposuit, et civium bona disceptioni tradidit, sed et legationem demandavit Catharinae Senensi, ut Florentinos sedi Romanae conciliaret; quod post varia certamina tandem successit, sed non nisi mortuo Papa consummatum. Vigiliam cum jejunio instituit ad festum *inventionis et exaltationis S. crucis*, ut et in festum *nativitatis*

tatis Mariae Deiparae, una cum officio proprio. Novum etiam introduxit festum *praesentationis* Mariae Virginis, quando praesentata erat in Templo trimula, et Carolo V, Galliae Regi injunxit, ut per totum regnum curaret celebrari. Officium vero integrum, prout in Oriente canebatur, ab ipso transumptum est. Sed aliud erat in Oriente festum *praesentationis* Mariae, Filii scilicet praesentati in Templo, et purificationis Mariae. Vid. Martene de antiq. Eccles. disciplina cap. 34. Denique, quod pejus est, Antichristum se se praebuit haereticis. Albertum Halberstatensem Episcopum, qui merita bonorum operum negabat, et sanctorum invocationi se opponebat, et Johannem Wiclefum, de quo postea, oppugnavit, Mallaesium, Pragensium concionatorem, ac praecursorem Johannis Hussi, poenis haereticorum plecti jussit. Ceterum notabilis est ejus confessio, in testamento expressa, apud Dacherium Spicileg. tom. III. de fallibilitate sua; revocat enim quicquid forte sive in consistorio, sive in conciliis, sive alibi, et alio modo, dixerit contra fidem Catholicam.

§. CCCXIX. Horrenda post ejus mortem confusio corripuit Ecclesiam Occidentalem, per schisma Papale, in ea ortum, quod plusquam quinquaginta annos duravit, adeo ut duo, vel tres, fuerint Pontifices, et Ecclesiae terribiliter scissae, aliis hunc, aliis illum, nonnullis nullum agnoscentibus. Quod schisma enarrarunt Theodoricus Niem, Gobelinus Persona, Antoninus, Nicolaus de Clemangis, alique vitarum Paparum Avenionensium scriptores, omnes seculi sequentis, et ex Recentioribus, praeter alios, in primis L'Enfant in *historia concilii Pisani*. Dabo ejus historiam, quantum pote, brevibus. Causa et occasio fuit tumultuaria, et nihil minus quam libera, novi Papae electio. Cum Cardinales dissiderent, dum alii Gallum vellent, alii Italum, populus Romanus vero a seditione prope abesset, et, nisi Romanus vel Italus eligeretur, Cardinales minaretur in frustra concidere, illi, de eo, cum in eo essent, ut electio-

nem facerent, per ipsum populum certiores facti, elegerunt Bartholemaeum Prignanum, Archiepiscopum Parensem, patria Neapolitanum, dictum *Urbanum VI.* Cujus electionis circumstantias licet varie narrent scriptores laudati, elucescit tamen ex omnibus, tumultuariam fuisse eam, et coactam, nec nisi *provisionalem*, et ludicram, ut tumultus sedaretur, et liberae electionis daretur occasio. Cardinales Romae in litteris ad Cardinales, qui Avenione manserant, significaverunt quidem, electionem fuisse *seriam et unanitem*, sine ullis populi clamoribus, aut tumultu peractam, sed illud partim omnibus historicis aequalibus, etiam praesentibus, adversatur, partim ab ipsis. qui litteris subscripserunt, saltem tredecim, est retractatum, cum libertate gavisi sunt. Gallicani utique Cardinales, cum sese Avenionem recepissent, scripserunt, et ad Urbanum ipsum, et ad omnes Principes, ac Praelatos, litteras, quibus violentam et illegitimam fuisse electionem declararunt, simul Urbanum, quia thronum ea ratione occupatum tenebat, pro intruso, excommunicato, imo Antichristo, et destructore Ecclesiae, habent. Quo intempestiva Urbani superbia, et severitas, quoque multum contulit, mox in initio demonstrata, qua Gallicanorum non tantum, sed et nonnullorum Italarum, animos a se alienavit; imo Johannam quoque, Siciliae Reginam, et Ortonem Brunsvicensem, maritum ejus, bene erga ipsum adfectos, exacerbavit, et in se irritavit. Quibus omnibus factum est, ut Cardinales Gallicani, cum paucis Italis conspirantes, sese Fundos, Neapolitani regni civitatem, sub tutela Johannaë, receperint, novumque elegerint Papam, majore quidem libertate, sed simul fraude usi, qua Italos circumvenerunt. Electus est Robertus Gibennensis, vel Genevensis, ita adpellatus, quod frater vel nepos esset Comitis Genevensis, dictus *Clemens VII.*, qui mox, majoris securitatis ergo, tetendit Avenionem, ibique sedes fixit. Habitus est vir sapiens, et magni animi, cui multae familiae illustres et potentes erant necessitudine conjunctae, praeterea

praeterea nec Gallus, nec Italus, adeoque prudenter electus.

§. CCCXX. Duo hi Papae, a. 1378. electi, totam brevi diviserunt Europam, maxime cum, fulminibus mutuis in se invicem vibratis, omnes fere Ecclesias ad partes eligendas coegerint. Tota fere Europa adhaerebat in initio Urbano, exceptis nonnullis Neapolitani et Siciliae regni locis, nisi quod Gallia et Hispania sese extra partes tenuerint. Galli autem sese brevi post, instituto examine, pro Clemente declararunt, quos Hispani secuti sunt, et alii, ut Castellae et Navarrae Reges, etiam Sabaudia, Lotharingia, et aliae regiones: reliquae Europae partes in Urbani obedientia, ut loqui solebant, manserunt, uti Italia, Germania tota, Anglia, Hungaria, etiam Lusitania. Urbani partes etiam tuita est Catharina Senensis, famosissima illa foemina, sed Clementis Petrus de Luxenburgo, juvenis septendecim annorum, mirabilis, ut fertur, et visionibus clarus. De quo vid. autor *primae vitae* Clem. VII. apud Baluz. Pap. Avenion. t. I. ad a. 1387. quo Petrus est defunctus. Nec tamen deerant, qui neutram volebant partem, viri non tantum singulares, sed et ipsa Academia Parisiensis, testibus litteris ejus ad Carolum VI. a. 1394. in spicilegio Dacheriano tom. I., et ad universos fideles a. 1395. in appendice ad *fasciculum rerum expetend. et fugiendarum*. Quae divisio non tantum, ut dixi, mutua produxit anathemata, sed et bella, persecutiones, ac multiplicia mala, per omnes Ecclesias.

§. CCCXXI. Uterque Papa sese in regimine gessit pessime. Clemens, licet a Gallis passim laudetur, sese magnum praestitit Principum adulatorem, et Gallicanae libertatis oppressorem, qui etiam ex beneficiis Ecclesiae ingentem pecuniae summam coacervavit ad Cardinales suos ditandos. Vid. Nicolaus de Clemangis de *corrupto Ecclesiae statu*, cap. 27. et Monachus S. Dionysii in vita Caroli VI. lib. I. Wenceslaum Imperatorem, et Ludovicum Regem Hungariae, vehementer a se abalienavit, quod legatos eorum, ad ipsum permoven-

dum, ut Urbanum agnosceret, missos, crudeliter tractaverit, et diu in carcere detinuerit. Vid. Theodoricus Niem de *Jchismate* lib. I. Qua simili de ratione sibi adversarium fecit Urbanus Johannem, Castellae Regem, sententia quoque excommunicationis, et exautorationis, in ipsum lata, tanquam laesae majestatis Pontificiae reum, ipsa sacra militia contra ipsum conscripta a. 1382. Devinxit tamen sibi Florentinos, ope Catharinae Senensis reconciliatos sedi Romanae, et a Papa absolutos.

§. CCCXXII. Bello inter Carolum Dyrrachinum, Gravinæ comitem, cui Urbanus regnum Siciliae, Johanna ereptum; donaverat, et Ludovicum Andegavensem, qui tunc regnum Galliae administrabat, in quem Johanna jus suum transtulerat, quod Clemens Papa confirmaverat, orto, Urbanus, cum Ludovici partes viderentur superiores, iter, invitis Cardinalibus, in regnum Neapolitanum suscepit, eo praetextu, ut res Caroli firmaret, sed vere, ut nepoti suo, viro sceleratissimo et libidinosisimo, Capuanum principatum acquireret, factus quidem est votorum compos, sed Carolo vicissim, quicquid volebat, concedere debuit, quippe a quo, sub specie officii, in custodia eoque fuit detentus. Contigit illud a. 1383. Ludovico dein brevi defuncto, et exercitu ejus dilapso, cum Carolus nihil amplius haberet metuendum, nova, et funestissima, inter ipsum et Urbanum orta est discordia, quacum Papae cum nonnullis Cardinalibus dissidium fuit conjunctum. Carolo aegre erat, quod Papa, se invito, ingressus esset regnum suum, illudque reliquisset; sed Papae, quod in custodiam fuisset a Carolo datus. Jussit itaque, ut ad se rediret Papa, de rebus alicujus momenti cum ipso tractaturus. Respondit Papa, propterea exacerbatus, se non recipere, sed dare jussa, Regum quoque et Principum esse ad suos pedes devote accedere: adjecit, Carolum, si amicitiam suam velit, tributa, regno feudatario Ecclesiae inposita, abolere debere; a quo tempore Carolus de Papa perdendo cepit consilium. Interea, quod Papam vehementius irritavit,

irritavit, quaestiones motae sunt, et propositae, liceatne Papae, si sine Cardinalium judicio omnia agat, et Ecclesiam perturbet, dare *Curatorem*, sine quo nihil agat? Ad quod cum affirmative passim esset a Jure-Consultis responsum, et Curator ipsi destinatus esset Carolus, illud cum Margareta Regina omni ope promovit. De quo certior factus Papa, primum sex Cardinales praecipuos adprehendi, et in teterrimum carcerem duci, jussit, eosque conjurationis in Papam accusavit, torturae quoque saevissimae subjecit; ut narrat Theodoricus Niem, qui adfuit, et Papae omni modo dissuasit, sine ullo effectu. Dein eos excommunicavit, anathema quoque dixit Carolo, ejusque uxori, depositionis addita sententia, et interdictum inposito regno. Qua occasione arrepta, Carolus interdictum non tantum sprexit, et Papae adhaerentes vexavit, sed et, coacto exercitu, Luceriam, ubi Papa erat, obsedit, expugnavit, et incendit, excepta munitissima arce, in qua Papa conclusus, gravique laborans penuria, se consolatus est maledictionibus, quas ter singulis diebus in exercitum Caroli vibravit, donec Clementinorum factione, ut Carolo aegre facerent, inde liberatus, et Genuensium triremibus Genuam evaserit, secum Cardinales illos captivos ducens: quos, uno excepto, misere trucidavit, sive saccis insutos, et in mare coniectos, sive in carcere strangulatos, et stabulo equorum inhumatos, sive securi percussos: non enim convenit inter autores. Quae inhumana saevitia produxit, ut Papa fuerit a multis desertus. Hoc in statu res manserunt usque ad mortem Urbani a. 1384. Ceterum ipsi novi festi, *visitationis* scilicet Mariae virginis, institutio tribuitur, et Jubilaeum ab ipso traditur redactum ad annum 33tium. Ob motus vero ab ipso concitatos ei nomen *Turbani* fuisse datum, scribit Oldoinus in additament. ad Ciacconium. Testimonia scriptorum de ejus crudelitate, et inmanitate, qui velit, adeat Baluz. ad vitas Paparum Avenion. tom. I. p. 1269.

§. CCCXXIII. Morte Urbani tantum abest, ut finis fuerit,

rit schismati inpositus, ut multo funestius sit factum per novi Papae, in ejus locum, electionem. Successit ipsi *Bonifacius IX.*, antea Petrus Thomacellus, Neapolitanus, qui Ladislao, Caroli Siciliae regis filio, regnum paternum mox, post Patris obitum, confirmavit, et Ludovicum II. Andegavensem confixit anathemate. Unde bellum Ecclesiasticum non tantum, sed et civile, denuo renovatum est, Ludovico et Ladislao de regno decertantibus, in quo bello cum victoria penes Ladislaum manserit, partes Bonifacii firmatae sunt: praeterea Clemente VII. defuncto, a. 1394., ei mox quoque successus est *Benedictus XIII.*, antea Petrus de Luna dictus. Reliqua ad hanc historiam pertinentia persequar, ne hic sim prolixior, ad seculum sequens.

§. CCCXXIV. Quo usque auctoritatem extulerint Papae, superque omnes potestates Ecclesiasticas et seculares elevarint, cum ex historia Paparum sponte in oculos incurrat, hic nihil habeo quod addam, nisi hoc unum, Apostolicam sedem censitam fuisse habere *innatum*, quod vel *sanctum inveniat hominem*, vel *sanctificet jam inventum* etc., uti satis inepte L. Colutius de Stignano, Florentinorum Cancellarius in epist. ad Franc. Bruni. in Miscellan. Baluzii lib. IV. loquitur. Infallibilitatem tamen nondum ipsis fuisse datam, aut ipso facto ab ipsis praestitam, ex superiore etiam clare constat historia. Quam fortiter praeterea Reges et Principes usurpationibus Paparum restiterint cum superiora etiam edoceant, hic nonnullos tantum subjungam autores, praeter notos haereticos, qui jura Principum contra Papas vindicarunt, aliqui etiam tyrannidem Papalem notarunt, et horrendam corruptionem. Litterae Eduardi III., Angliae Regis, de communi consilio regni, seu Parliamenti, scriptae ad Clementem VI. a. 1343., inter alia, habent, *Vineae progeniem degenerasse in labruscas, singulares feras eam depascere inpositionibus et provisionibus sedis Apostolicae, animarum curam negligi, ac mercenarios solummodo temporalia quaerere bona* etc. Vid. Chronographi Angli, et apud Goldastum Constit.

Constit. Inper. tom. III. Inter viros singulares eminuerunt hac parte Dantes Aligerius, Florentinus, Fr. Petrarca, Gulielmus Ockam, Nicolaus Oresmius, Johannes de Rupescissa, de quibus supra egi, Arnoldus Villanovanus, a Jacobo, Arragoniae Rege, missus ad Clementem V., de quo postea, ubi de haereticis, alique. Vid. Mornaeus hist. Paparum, et *Catalogus testium veritatis*, ne alios memorem.

§. CCCXXV. Sed unum alterumve non possum quin addam. Circa finem seculi floruit Matthaeus de Chracovia, sive arce Chrachove, in Pomerania, qui sermonem habuit in Synodo Pragensi a. 1384., de *emendatione morum et Cleri*, librum quoque conscripsit de *squalore curiae Romanae*, in fasciculo rerum expet. et fug. tom. II., in quo, Papam esse fallibilem, et hominem defectuosum, contendit: vitia vero Curiae et Cleri acerrime perstringit. Idem de Papae fallibilitate, ac Concilii Generalis superioritate, urfit Henricus de Hassia cognomento de Langenstein, Vice-cancellarius Parisiensis, dein sacerdos et Canonicus Wormatiensis, denique Theologiae Doctor *Viennae* ab a. 1384., qui, inter multa alia, composuit *consilium pacis*, sive de *unione et reformatione Ecclesiae*, in Synodo Universali quaerenda. Exstat in adpendice operum Gerson. edit. du Pin., nec non in actis Concilii Constantiensis Hardtii. Denique Conradus de Geilenhusen, nominatus ad Episcopatum Wormatiensem, scripsit tractatum de *congregando concilio* tempore *schismatis*, quem publicavit Martene, in thesauro Anecdotorum tom. II., ubi evincit, concilium eo in casu esse congregandum, cum nec ad Papam, nec ad Patres purpuratos, recurri queat, quippe erroribus, et mortalibus peccatis, obnoxios.

§. CCCXXVI. De reliquo Clero nihil habeo, quod, praeter supra dicta, observem, nisi hoc unum, levioris etiam momenti, institutam fuisse hoc seculo *congregationem fratrum vitae communis*: quae Daventriae incepit, et inde per Germaniam inferiorem late propagata est, praecipue sec. sequente, quo congregatio stabilita est, et adprobata a

concilio Constantiense; quando variae erectae sunt scholae, unde viri egregii sunt orti, inter quos Erasmus fuit. Fratres non erant canonici regulares, sed Clerici, nullo voto obligati, bona in commune deferebant, et, si, quod licebat, congregationi renunciarent, bona relinquere debebant. Occupati autem erant Patrum scriptis describendis, et juventute instituenda in litteris humanioribus, et vitae Christianae praeceptis: unde et *fratres bonae voluntatis* adpellati sunt. Ceterum autor congregationis fuit Gerardus Magnus, alias Grot, Daventria oriundus, Doctor, Theologus Parisiensis, et Canonicus Ultrajectensis ac Aquisgranensis, mortuus a. 1384. Varia condidit opera, maximam partem inedita. Nonnulla opuscula edi solent cum operibus Tomae a Kempis: qui Gerardi, et aliorum quorundam insignium congregationis virorum, vitas conscripsit. Vid. de hac congregatione Pennotus hist. tripartitae l. II., et Miraeus in Chron. ad a. 1384.

DISCIPLINA ET SYNODI.

§. CCCXXVII. De disciplina cum seculum nostrum nihil suppeditet, notatu dignum, praeter illud unum, quod in urgenda Inquisitione perrexerint Papae, et Inquisitores, ut in haereticorum historia videbimus, conati quoque sint hoc tribunal in locis, ubi nondum erat, erigere, sicut ex. gr. in Poloniam introductum est per Johannem XXII. a. 1327., qui litteras hac de re dedit ad Regem et Praelatos Poloniae. Confirmavit dein, seculo sequente, a. 1436. Uladislaus Jagello, Rex Poloniae, etiam amplificavit. Vid. Bzovius a. 1327. de Synodis nonnulla observabo. Habita est Synodus Generalis *Viennensis*, ordine Oecumenica *decima quinta*, paucis describenda. Particulares enim, pro Papis, et concilio eos, aliasque ob causas, celebratas recensere longum, et inutile foret. Indicta est a Clemente V. a. 1307., ut biennio post haberetur, sed non nisi quadriennio post celebrata est, a. 1311.

1311. Viennae Allobrogum, ad fluvium Rhodanum, et
 ad Danubium, quae Vindebonensis proprie adpellatur.
 usae fuerunt variae, in diplomate convocationis expres-
 e, sed aliae accessoriae, aliae principales, 1. discussio et
 indemnatio Templariorum: eorumque extirpatio. 2. Sub-
 lium terrae sanctae, ejusque recuperatio. 3. Fidei Catho-
 ae confirmatio contra Fratricellos, Dulcinistas, Beguar-
 s et Beguinas 4. Morum et disciplinae reformatio. Ut
 tem collapsa disciplina eo rectius instauraretur, jussit
 pa, ut, quae reformatione indigebant, ea ad Synodum a
 udentibus viris deferrentur. Unde Gulielmi Durandi ce-
 oris iste tractatus, *de modo generalis Synodi celebrandae*, na-
 s est. Fuit iste viri cognominis, de quo seculo superio-
 dixi, nepos, et in Mimatenſi Episcopatu successor ab
 1296. Quo in tractatu, qui cum aliis, uti Nicolai Cle-
 ingis, *de corrupto Ecclesiae statu* etc., prodiit Parisiis a. 1671.,
 omanae curiae, Cleri, et Monachorum vitia vivis depingun-
 coloribus. Recensitus quoque est liber iste in *Catalogo*
Verit. lib. XVI. Synodo praefedit Clemens V., ad-
 runt, secundum *continuatores* Chronici Nangiacy, 114
 scopi et Abbates, sed secundum Villani et Antoninum
 . Interfuerunt etiam Patriarchae Alexandrinus et An-
 ienus, ritus Latini. Absoluta est tribus sessionibus, et
 em menses duravit. Decreta denique sunt sequentia.
 emplariorum excidium, bonis eorum dispositioni Pa-
 ro parte relictis: de quo postea. 2. Expeditio crucia-
 terram sanctam: quam promissit Philippus, Galliae Rex,
 im in finem sacrae decimae in sexennium sunt adsig-
 sed in vanum cecidit. Vid. Krantzius Saxoniae lib.
 3. Johannis Olivi tres erroneae opiniones damnatae
 Vid. Clementina prima *de fide Catholica*. Sunt autem,
 a monui, Christi adhuc viventis latus lancea esse
 m, animam rationalem non esse per se et essentia-
 mam corporis, denique habitum fidei et virtutis
 indi parvulis in baptismo. 4. Proscripti etiam sunt

Beguardorum et Beguinarum errores; ut ex Clementina *ad nostrum*, tit. de haereticis, constat. 5. Denique variae constitutiones Clementinae, ad disciplinam spectantes, non quidem in concilio sunt editae, licet Papa, se eas *sacro concilio adprobante* publicare, dicat, sed a Clemente, cui illud commiserat Synodus; teste *continuatore* Nangii. 6. Postremo, ut passim putatur, Bonifacii VIII. memoria vindicata est, ipseque ordini Catholicorum Pontificum insertus, licet acta ejus in Philippum, et alios, sint rescissa. Sed de quo in vita Clementis V. egi.

VITA ET MORES.

§. CCCXXVIII. In Monastici Ordinis historia nostram ante omnia meretur adtentionem stupendum illud *Templariorum* excidium, cum Ordinis totali abolitione; cujus singularis casus tradenda est paulo adcuratior notitia. Tragediam hanc a Philippo Pulchro, Galliae Rege, incepisse, ejusque jussu et opera, uno eodemque die, imo quasi *sub ejusdem horae momento* a 1307., die Veneris, tertio Idus Octobris, omnes per totam Franciam Templarios fuisse captos, et in carceres coniectos, ut narrat continuator Nangii, omnes quidem testantur historici, sed de occasione et causa tam inauditi casus inter eos non convenit. Sunt, ut Johannes Villani, Antoninus, et autor Chronici Hirsaugiensis, ex Bibliotheca S. Galli vulgati, qui causam a duobus Ordinis viris, ob scelera in vincula coniectis, repetunt: illi enim, ut Regis gratiam aucuparentur, et libertati redderentur, horrenda de Ordine crimina Regi significassent: quorum alter memoratur Prior Montisfalconis in agro Tolosano, ab ipso Ordinis Magistro perpetuo carceri ob scelera mancipatus, alter Noffus, patria Florentinus, sive ab eodem Magistro, ut Chronicon citatum habet, sive, ut alii, a Praetore Parisiensi in carcerem ob scelera trusus. Sed *continuator* Nangii in genere tradit, *dudum ad Regis aures*

causes pervenisse ex testimoniis plurium, et relatu, quorum quidam Ordinem ipsum professi fuerant, tam Ordinem, quam Ordinis professores, detestandis criminibus fuisse infectos. Inputata vero sequentia ipsis sunt crimina, 1. abnegatio Christi, et Christianae religionis, statim ac Ordinem ingrederentur, ab iis solenniter facta. 2. Quod ter imaginem Christi conspuerent, cum suscipiebantur, licet nonnulli juxta spuerent: ipsam porro crucem pedibus conculcari mandarent. 3. Quod in receptionibus sese oscularentur in pudendis. 4. Sanctos, imaginesque, spernebant, et verba consecrationis in celebrando sacramento omittebant. 5. Cranium quoddam deauratum, et proluxa barba ornatum, adorabant, tanquam idolum suum. 6. Sodomitica se conspurcarent libidine, 7. denique, quod ad haec crimina, omnes sub diro anathemate, et metu poenae, essent obligati, et silentii juramento adstricti. Quae omnia ex continuatore Nangii, et in primis ex actis Inquisitionis apud Petrum Puteanum in historia condemnationis Templariorum, constant. Addit alia crimina Robertus Gaguinus hist. l. VII. de potu cinerum, ex sociorum corporibus in cineres redactis, de puero tosto ex virgine suscepto, et unctione simulacri ex ejus pinguedine etc. Sed quorum nec in actis, nec alibi apud antiquiores, occurrit mentio.

§. CCCXXIX. Templariis ea ratione per Gallias captis, multifariam per Ecclesiasticos faciendam inquisitionem crevit Rex, quae etiam a Gulielmo de Parisiis, Inquisitore Generali per Gallias, ejusque deputatos, est instituta; cujus acta supersunt, a Puteano publicata. Patet ex illis, eos longe maximam partem confessos esse crimina, alios sponte, alios promissis, alios tormentis, eo compulsos. Inter quos fuerunt ipse Magister Templi Jacobus Mola, Burgundus, et Guido, Delphini Viennensis frater, Magister Normanniae; sed qui postea constantissime revocarunt confessionem, et revocationem morte obsignarunt, de sua et Ordinis innocentia publice protestati, cum hostium et accu-

fatorum, nominatim Philippi et Clementis V., illius intra annum, hujus intra 40 dies, citatione ad tribunal Dei. Vid., praeter continuatorem, et Chronicon Hirtaugienſe, Mariana hiſt. Hiſpaniae l. XV. *ex fide dignis*, ut ait, *autoribus*. In hoc cum eſſet Philippus, Clemens V. illud aegre tulit, vel ſe ferre finxit, quod Templarii ſine ſua autoritate capi et inquiri juſſiſſet Rex, contendens et exigens, cauſam ad ſuum tribunal eſſe deferendam. Philippus, quamvis initio fuerit de Papae poſtulado conqueſtus, jura Episcoporum regni ſui eo violari contendens, conceſſit tamen mox in vota Papae, multosque miſit ad Papam, ab eo examinandos. Vix itaque dubium eſt, quin haec Regis et Papae contentio, fuerit ſcenica, et pura puta colluſio. Examine vero coram Papa facta, eorundem criminum confeſſionem, ſed et eodem modo, ediderunt. Quare mox generalis eſt nomine Papae decreta, et inſtituta, Inquiſitio. Habitum etiam eſt concilium Provinciae Senonenſis a. 1310. a Philippo Archiepiſcopo Pariſiis, in cauſa Templariorum, quorum alii, poenitentia injuncta, ſunt abſoluti, alii in arctam dati cuſtodiam, alii quamplures ad perpetuam muri incluſionem damnati, alii curiae ſeculari traditi, et publice combuſti, ad quinquaginta uſque uno die. Quo eodem anno celebratum eſt Rhemenſis Provinciae concilium Silvanecti, in quo aliquot etiam, criminis convicti, brachio ſeculari traditi ſunt, et combuſti. Vid. idem continuator Nangius. Eſt quoque ejusdem anni Synodus Ravenneniſis, autoritate Apoſtolica, convocata; a qua, cum nonnulli ſeſe conſtanter declararent innocentes, decretum eſt, innocentes eſſe abſolvendos, reliquos ex lege puniendos, ſed pro innocentibus etiam habendos, qui, metu vel vi tormentorum confeſſi, poſtea revocaverint, et de innocentia conſtaret. Vid. Rubeus hiſt. Ravenn. ad a. 1310. Denique per Longobardiam et Thuſciam facta quoque eſt inquiſitio, ac horrendorum criminum rei ſunt deprehenſi Templarii. Vid. Bzovius a. 1308.

§. CCCXXX.

CCCXXX. Intra Gallias enim non mansit inquisitio, sed sese per omnes fere alias regiones longe lateque porxit. Eodem quo in Francia capti sunt anno 1307., nuntiata Philippo ad omnes Principes Christianos missi sunt, ut eos contra hunc Ordinem concitarent. Jacobus Arraniae Rex eos mox in regno suo capi iussit, eorumque nomina proscribi. Multi in custodiam sunt dati, alii sese ad castra sua munita receperunt, ut se defenderent, ne indicta causa damnarentur: sed oppugnati sunt et devicti. Quo dem modo res in Catalonia est peracta. Quaestio etiam in Anglia, regia et Apostolica autoritate, in eos est habita. Quod eodem iis evenit in Castella, sub Rege Ferdinando, a quo nomina eorum, post Ordinem abolitum, quoque sunt occupata, cum omnibus oppidis. Nec meliorem sortem nacti sunt in Anglia, sub Eduardo II., cujus iussu omnes per totum regnum sunt comprehensi uno die a. 1308. et anno sequente concilium Londinense, autoritate Papali, in ea causa celebratum est; cujus acta non supersunt. Vid. Walsingham in hist. Angliae. Imo, jubente Papa, ubique terrarum Synodi hanc in rem indictae sunt, et celebratae, et constitutiones institutae, donec Viennensis oecumenica, cum modo memini, finem huic rei imposuerit a. 1311., iussu Ordinis extirpatione decreta. Notandum vero est, quod neminem non fuisse per modum definitivae sententiae, pro juris observato, abolitum, sed per viam *provisionis*, ordinationis Apostolicae; cujus ratio fuit, quod universo ordo non fuerit citatus, nec, ut Papa praetendebat, quod potestatem haberet, quodque nonnullis in Provinciis Ordo absolutus. Decretum porro est, universa Ordinis observanda esse ordinationi et dispositioni Papali; unde Ordini Hospitaliariorum sunt adtributa, partim a Regibus, et Principibus ea, quae in regnis eorum erant, a. De quo mox.

CCCXXXI. Hoc editto vulgato, et quaquaversum manus ubique in Templariorum bona injectae sunt,

et in eorum personas varie, et crudeliter, est saevitum. Omnes enim ubique per Europam, ubi tunc versabantur, capti sunt, et, per tormenta quoque, examinati, quorum plures sunt flammis traditi, aliqui extra patriam proscripti, vel alia ingressi coenobia, teste Chronico Harfaugiente. Integri autem septem anni sunt iis extirpandis intumui. Inter eos, qui triste hoc fatum subierunt, ipse est Magister militum Jacobus Mola, cum Guidone, Magistro Normanniae: quorum notabilis est historia. Spe veniae delusi criminum dederunt confessionem, sed quam, cum se perpetuo muro esse includendos viderent, animis resumtis constanter revocarunt, eam quoque sacrilegii et impietatis accusantes: quare lento igni tolli, et combusti sunt, summa tamen cum constantia, nihil magis damnantes, quam quod temeraria sua confessione Ordinem innocentem adgravassent. Citarunt praeterea, ut fama fert, non enim de eo aliquid certi constat, Philippum et Clementem ad tribunal Dei, illum intra annum, hunc intra quadraginta dies. Quo de quicquid sit, duo illi eo fere tempore extincti sunt.

§. CCCXXXII. Singularis et stupendus cum hic sit casus, diversa hominum de ejus justitia, verisque rationibus, quae Philippum et Clementem concitarunt, si rationes habuerint politicas, fuisse judicia, mirum non est. Nec recentiores tantum, sed et antiquiores, et ejus fere temporis viri, hanc circa rem fuerunt, suntque, divisi. Inter hos, qui Templarios non fuisse injuste damnatos contendunt, fuerunt Henricus Stero in Annalibus, Continuator Nangii, Guido in chronico Romanorum Pontificum, Albertinus Musfatus, Tomas Walsingham in historia Angliae, Flavius Blondus, qui tempore Pii II. vixit, Vollateranus, tempore Julii II., Albertus Krantzius, alii: ex recentioribus vero Puteanus, supra citatus, Natalis Alexander differt. X., ne alios memorem, qui causam Regis et Papae strenue egerunt. Quo etiam inclinat Mariana in hist. Hispaniae. Nec tamen ab altera defuerunt parte, qui crimina inpecta censuerunt

fuerunt esse maximam partem ficta, et Templariorum ex-
surpationem rationibus politicis adscripserunt. Inter quos
sunt Johannes Villani, Antoninus in Chronico, Trithe-
mius Chron. Hirsaugiense, Wilhelmus Heda in historia
Ultrajectinorum Episcoporum, alii; et ex recentioribus in-
ter Catholico-Romanos Papir. Massonus annal. l. III., inter
Protestantes Hildebrandus hist. Conciliorum, Tomasicus in
Dissert. Academ., inter Reformatos Spanhemius in hist.
Eccles., alii. Nec desunt ab utraque parte rationes, qua-
rum praeicipuas exhibebo.

§. CCCXXXIII. Pro Templariorum innocentia non sine
specie sequentes pugnant rationes. 1. Originem totius sce-
nae dederunt duo viri scelerati, ab ipso Ordine damna-
ti et expulsi, Prior Montissalconis, et Nossus Florentinus;
ut supra notavi. Sed illud per omnia non est veritati
consentaneum, cum alia accesserint; ut supra etiam obser-
vavi. Cum tamen hominum eorum delatio, et fama, non-
dum satis probata, Regem ad Templarios comprehenden-
dos tantum excitaverit, Regem nimis praecipitanter egis-
se, nec justitiae regulam tenuisse, negari nequit. Unde
tamen de Ordinis innocentia nondum liquet. 2. Majoris
est, criminum confessionem fuisse tormentis, minis, ac pro-
missis extortam, nec defuisse, qui revocaverint ad mortem
usque. Sed illud de omnibus affirmari nequit: cum multi
spontaneam dederint confessionem, si omnis non sit dene-
ganda fides tum actis Inquisitionis apud Puteanum, tum
Papae diplomatibus, quorum alterum est ad Regem Galliae,
regnans in coelis, apud Labbeum in Concil., alterum apud
Raynaldum a. 1307. Nec tamen nihili est, quod multi
fuerint per tormenta coacti fateri, multi de innocentia
protestati sint: notabile inprimis est Magistri Ordinis, de
quo supra, exemplum. Ipse Bernardus Guido in vita Cle-
mentis V. apud Baluzium vit. Pap. Aven. t. II. dicit, *u-*
num esse mirandum, quod omnes et singuli, a. 1310. in concilio
Senon. damnati, *suas confessiones, tanquam vi aut metu*

actis Inquisitionis non reperiuntur. Esse quoque potest, ut crucis et imaginum contemptus, et formulae consecrationis eucharistiae omissio, animum Christianae fidei abnegationem ipsis inputandi dederit. Qua de re quicquid sit, fidem fere ab altera parte quoque superat, Reges cum Papa in Ordinis persecutionem, et exterminium, potuisse conspire, simul reliquorum Praelatorum consensum inpetrare, eamque rem effectui dare, si nihil veri subsit accusationibus tam enormibus, aut pessima non laboraverint ubique fama Templarii.

§. CCCXXXVI. Nostrae rationes, ut mentem paucis exponam, habent 1. dubitari vix posse, quin ab altera parte gravissima crimina Ordinem, quoad maximam partem, corruerint, imo nonnullas res, eo tempore sacras, ut cruce et imagines, ludibrio habuerint, ab altera etiam, Reges cum Papa Ordinem habuisse odio, et occasionem eum extirpandi, quam crimina praebant, avide adripuisse. De quo utroque ex complexu historiae facile constat, 2. et illud mihi plusquam probabile videtur, crimina vera a falsis, innocentes a nocentibus, non satis fuisse distinctos. Quid autem veri, quid falsi, in accusationibus fuerit, qui rei, qui innocentes, nunc definiri nequit, nec temere quid hac de re adfirmandum esse censuerim, cum Trithemio in Chron. Hirsaugiens. ad a. 1307., cuius haec sunt verba: *inpingebatur iis, quod in professione sua Christum abnegarint. Quod sine verum an falsum? non est nostrum judicare.* Interca 3. adfirmare non vereor, legitimum in processu iudicii modum non fuisse observatum, cum quod sine sufficiente ratione omnes subito capti sint, tum inquisitio in eos instituta sit, tum quod defensionis locus Ordini non fuerit concessus: ut ex superioribus facile constat. Hac ratione famosissimus Ordo est extinctus, postquam annos 187 stetit, ab a. 1118. ad a. 1407. vel annos 194, si ad annum 1314., quo perfecta est abolitio, referas.

§. CCCXXXVII. Quemadmodum summa Templariorum deprava-

depravata conditio Ordinem vel extirpavit, vel ejus rei ansam praebeuit, sic inanes quaestiones, inter Franciscanos ortae, schisma inter ipsos produxerunt, et Ecclesiam adeo turbarunt, ut nonnulli et eum Ordinem eodem modo esse delendum censuerint. Quod tamen non est factum, licet haud pauci istius Ordinis multum propterea passi sint. Quam notabilem historiam multa luce nuper perfudit Moshemius in hist. Eccles. sec. XIII. XIV. et XV., cum hac nostra tractatione, diu ante facta, conferendus. Prima inter eos nata est controversia circa *regulae* Francisci observantiam, cum quoad formam, et colorem, vestitus et habitus, tum paupertatis respectu. Quae lis duplicis generis produxit Franciscanos, alios *spirituales*, et *fratres* strictioris observantiae, alios *conventuales*, seu fratres communitatis, adpellatos. Quorum illi habitus curtos, strictos, inusitados, et squalidos sumserunt, et conventualium superfluum, et irregularem, condemnarunt. Praeterea Spirituales illi paupertatem in communi et speciali omnimodam requisiverunt, ita ut nihil proprietatis, imo nihil juris in rem, ne quidem in cibum ac potum, aliaque necessaria vitae subsidia, relinquatur, sed solus concedatur usus, non juris, sed facti tantum, ita ut alimentis quidem vescerentur, sed sine ullo suo jure proprio. Conventuales autem laxiorem hac parte profitebantur paupertatem, quae aliquid proprii habere permittebat, ut frumentum et vinum in granariis, licet eleemosynis quaesitum.

§. CCCXXVIII. Papae has quaestiones, ad se delatas, varie definiverunt quoad paupertatem, habitus et caputis decisione relicta passim Ordinis Praefectis. Nicolaus III. celebri decretali, *exiit qui seminat*, judicavit, *abdicationem proprietatis omnium, tam in communi quam speciali, propter Deum, meritoriam esse et sanctam*, eamque perfectionem Christum et verbis docuisse, et *exemplo* monstrasse, primosque fidei fundatores tenuisse; adeoque Minoritis solum usum esse concessum, sine ulla proprietate aut jure, bonis eorum.

omnibus, ipsis donatis, sedi Apostolicae reservatis. Quam in eandem fere rationem causam definivit Clemens V. in Synodo Viennensi, edita constitutione, *exivi de Paradiso*, nisi quod in consistorio fuerit decretum, modum vivendi conventualium, et communitalis Ordinis esse licitum, simul regulae Francisci observandae sufficere: ut Waddingus observat. Ab his vero definitionibus, quae Spiritualibus magis favebant, discessit Johannes XXII., qui, edita decretali, *ad conditorem*, inter ejus *Extravagantes*, declaravit, Minoritis non simplicem usum facti in rebus concessis, sed et jus, proprie dictum, competere, quia sine eo usus foret illegitimus; praeterea dominium earum rerum sedi Romanae negavit, et Ordini transcripsit. Quae decretorum diversitas nimia est, quam ut cum autoritate Papali conciliari queat. In quo frustra laborarunt Catholico-Romani, seu Pontificii.

§. CCCXXXIX. Praeter Spirituales, ut sectae historiam persequar, adpellati quoque sunt, quod ante omnia observandum est, per Italiam et Galliam, *fratricelli*; quo nomine eos, per contemptum, insignivit omnium primus Johannes XXII., quasi dicas *fraterculos*, ut habetur in diplomate Ludovici IV. a. 1324., in eorum favorem contra Johannem, apud Goldastum Constit. Imper. p. II., per Germaniam vero et Belgium, aliasque regiones, *Beguardi et Beguini*, ab antiqua voce Germanica *beggen, beggeren*, hodie *begheren*, seu studiose petere. Quibus nominibus viri et foeminae veniunt, tum pauperes mendicantes, tum ardentem precantes, et devoti in genere. Quo etiam *Bizochorum* nomen pertinet, quo *peram*, Gallice *besace*, instar mendicantium gestantes, insigniuntur. In specie autem Beguinae dictae sunt foeminae ejus sectae, unde pro virginibus, Deo sacratis, usurpatur. Ipsi denique sese nuncuparunt *fratres pauperes de tertio Ordine Francisci*, unde suam repetierunt originem. Separatae autem a Minoritis sectae initia derivantur a Petro de Macerata, et Petro Forosemprenio, qui a Papa Caelesti-

o V. inpetrarunt, ut Francisci regulam stricte, et ad litteram, observent. In quam sectam jam invalescentem Papa Bonifacius VIII. inquisitionem institui iussit. Vid. Raynald. a. 1297. Praecipuus sectae promotor celebratur Petrus Olivi, de quo seculo superiore egi. Clemens vero V. greges Minoritas conatus quidem est ad unitatem Ordinis reducere, declaratione de regula Francisci data, quam modo memoravi; sed tantum abest, ut ei obediverint, ut Papae auctoritatem publice insurrexerint. In quo praecipuas habuit partes Ubertinus de Casali, Minorita, Petri Ori vestigiis insistens, ut ex articulis contra eum produculiquet, in Miscellan. Baluzii tom. I.

§. CCCXL. Quae Spiritualium, et adversariorum, contentio longe vehementior facta est sub Johanne XXII., quorum opinionem de paupertate non tantum damnavit, sed et haeresios notam iis inussit, eosque tribunali Inquisitionis objecit, cum in pertinacia, qua papalem auctoritatem contemnebant, perseverarint, edita contra eos constitutione

1318. *gloriosam Ecclesiam*, in Extravagantibus, in qua quentes errores ipsis imputantur. 1. Duas esse Ecclesias, unam carnalem et corruptam, cui Papae et Praelati praesident, alteram Spiritualem, pauperem et puram, quae vera est sectae. 2. Penes Praelatos Ecclesiae carnalis, sicut nulla est sanctitas, ita nullam esse auctoritatem, nullam potestatem res ordinandi, aut sacramenta administrandi, adeoque iis non esse praestandam obedientiam. 3. Juramentum se illicitum, quin peccatum mortale. 4. Euangelium Christumque abjectum et extinctum in se solis compleri. 5. Multa alia contra conjugii Sacramentum, de cursu temporis, et fine seculi, de Antichristi instante adventu, eos comminari. 6. Denique tribuitur ipsis opinio de omnimoda paupertate, et Christi ac Apostolorum, et regulae Francisci, nec non de caputio et vestitu stricto, quae primae purificationis fuit origo, insuper de Papali auctoritate nulla vera regulam Francisci, adeoque Papae praecceptis non esse

esse obediendum. Haec omnia in tractatu contra Beguinos et Spirituales Minoritas reperiuntur, in Miscellan. Baluzii tom. I. Johannes XXII. in epist., ad Johannem Episcopum Argenteratensem apud Baluz. Pap. Avenion. tom. II. c. 66. Beguinas dicit de *summa Trinitate de sacramentis, de articulis fidei, et obedientia Ecclesiae, in injuriam suam, et in scandalum Ecclesiae, et vacillationem animarum simplicium, temere disputare, praesumere, contemnere. Praelatorum suorum obedientiae subjacere, nominantes se pueros vel sorores liberi Spiritus, et voluntariae paupertatis.*

§. CCCXLI. Alios adhuc errores memorat, et condemnat, sub Beguardorum nomine, Clemens V., et concilium Viennense; qui cap. ad nostrum de haeticis recensentur. 1. Hominem in hac vita eum adsequi posse perfectionis gradum, ut sit inpeccabilis, et amplius in gratia proficere nequeat. 2. Eum, qui eousque provectus est, nec jejuna-
re, nec orare, amplius oportere. 3. nec esse humanae obedientiae subiectum, aut ad aliqua praecepta Ecclesiae obligari. 4. Intellectualem quamlibet naturam in se ipsa naturaliter esse beatam, nec indigere lumine gloriae, ad Deum videndum elevante. 5. In actibus virtutum se exercere esse hominis imperfecti etc. 6. In corporis Christi elevatione non licere adfurgere, aut ei reverentiam exhibere; altitudinem quoque contemplationis non admittere cogitationes de passionibus Christi. Denique additur, mulieris osculum, cum natura ad illud non inclinet, esse mortale peccatum, sed rem cum ea habere propterea non esse peccatum, praeterea gravia ab ipsis committi crimina non nominanda. Imo inputatur Begardis dogma de licentia peccandi, et quidvis patrandi, modo quis habeat charitatem: sed sine fundamento Vid. etiam Beausobre de *Adamitis*, ad calcem belli Hussitici Lenfantii.

§. CCCXLII. Recenset non tantum eosdem fere errores Alvarus Pelagius, autor aequalis, Silvensis Episcopus, in libra de *plantis Ecclesiae* l. II., sed et caput sectae Beguardorum

ardorum refert esse *Dulcinum*, Geraldii Sagarelli discipulum. De quorum erroribus exposuit Antoninus in Chronico, Eymericus in directorio Inquisit., et Franciscus Pegna. Sagarellus in manus Inquisitorum incidit, a quibus damnatus et Magistratui ad comburendum traditus est, et flammis absumptus a. 1300. In *Dulcinum* vero, qui Novariensis Dioecesis dicitur fuisse, et filius sacerdotis spurius, ejusque adsecclas, qui ad aliqua millia numerantur, in Alpibus se detinentes, Inquisitores primum, dein exercitus Cruciatii, sunt incitati; et *Dulcinus*, cum multis aliis, post varia virtutis heroicae, et prudentiae, data specimina, captus quoque est, et flammis traditus a. 1307. Ceterum *Dulcini*, ejusque dogmatum, et stupendorum facinorum in bello cum Catholicis, palam gesto, denique mortis etc. historia, ab aequali autore conscripta, exstat apud Muratorium Script. Ital. tom. IX. Ex recentioribus id luculenter, ut solet, praestitit Cl. Moshem. in peculiari libello. Fidem quidem Catholicam, ut ibi traditur, praetulit, licet Ptolemaeus Lucensis in vita Clementis V. tradat, ipsum in *sacramentum etiam peccasse*, silentibus aliis, sed omnimodam paupertatem et continentiam suavit, Praelatos cum eorum Ecclesiis damnavit, denique spiritum praetendit propheticum, et Prophetarum ac Apocalypsis effata adplicuit ad sua tempora, Fredericum, regem Siciliae, filium Petri, Regis Arragonum, Papam esse debellaturum a. 1305., et tunc suam sectam esse dominaturam statuit. Est itaque Apostolicorum secta, cujus conspectum dedi seculo XIII., renovata, cum aliqua mutatione. Inputatur quoque ei promiscuus concubitus, et licita sectae abnegatio ad pericula vitanda: quae si ea ratione averti nequeant, confessionem esse intrepide edendam. Singulare est, quod prophetaverit, Antichristum esse venturum post tres annos, quibus Fredericus dominium teneret; tunc autem ipse cum suis latitaret, in paradisum translatus; Henrichum autem et Eliam eo tempore in terram esse mittendos, ad Antichristum refutandum. Sed ab eo esse occidendos,

Tom. VI.

Ccc

donec

donec ipse Antichristus e medio tollatur, quando Dulcius cum iuis in terram rediret, etc.

§. CCCXLIII. Haud levem Fratricelli quoque subierunt persecutionem sub Johanne XXII.; quorum nonnulli ab Inquisitore damnati, ab Episcopo Massiliensi degradati, et Massiliae combusti sunt, cum quod et habitum, et paupertatem, tenerent secundum suam regulae Francisci interpretationem, tum praeceptis Papae hac parte negarent obedientiam. Acta supersunt in Miscellan. Baluzii tom. I. Praeterea Petri Johannis Olivi libri sunt, jussu Papae, examinati et proscripti, ipsius ossa exhumata et combusta: ut Franciscus Pegna narrat. Sententia vero a Magistris Theologiae in eos libros lata exstat apud Baluzium l. cit. Sed ne sic cessavit persecutio, et plures alii eos ob errores, et quod Olivum, ac Massilienses combustos, defenderent, eandem subierunt poenam Narbonae, et in ejus Provincia: Vid. apud Baluzium l. cit. Ceterum praecipui errores eorum fuerunt, quod regulae Francisci stricte adhererent, et Papalem spernerent auctoritatem, ritusque varios ac instituta Ecclesiae Catholicae damnarent. De reliquis erroribus, ipsis imputatis, nihil certi adfirmari potest, licet non sit improbabile, eos praelusisse Pietistis, sic postea dictis. Quales Beguardos depingit Gerson de *consolatione Theologiae* lib. IV. Denique adnumerandus et ipsis est Arnaldus Montanerii, ex Catalonia oriundus, Minorum Professor, ab Inquisitoribus damnatus, et jussu Gregorii XI. captus, ob hos errores. 1. Christum et Apostolos nihil habuisse proprii 2. nullum, habitu Francisci indutum, damnari posse 3. Franciscum semel quotannis descendere in purgatorium, indeque sui Ordinis viros extrahere. 4. Ordinem Francisci duraturum in perpetuum. Vid. Eymericus in *directorio Inquisitionis*.

§. CCCXLIV. Superior de omnimoda paupertate secundum regulam Francisci controversia peperit aliam, quae Franciscanos et secum et cum aliis commisit, de *paupertate sci-*
licet

licet *Christi et Apostolorum*. Cujus originem maxime prae-
buisse fertur Beguinus quidam, sive Bizochus, jussu Narbo-
nenſis Archiepiscopi, et Johannis Pelvae, Ordinis Praedica-
torum, Inquisitoris, captus Narbonae: qui inter alia adse-
ruit, Christum et Apostolos, viam perfectionis sequentes,
nihil habuisse jure proprietatis, et dominii, nec in specia-
li, nec in communi. Qua super theſi cum Inquisitor vi-
ros Doctos consuluiſſet, Berengarius Taloni, ex Minoritis
Theologus, eam declaravit orthodoxam, et a Nicolao III.
Papa jam definitam. Re ad Papam Johannem XXII. dein
delata, is inter alios in consilium adhibuit Ubertinum de
Casalis, de Minorita factum Benedictinum per dispensatio-
nem Papalem, qui a. 1322., nonnullis adhibitis distinctioni-
bus, explicuit, qua ratione vera, et qua falsa, sit habenda:
quod responſum edidit Baluzius l. cit. Antequam vero li-
tem dirimeret Papa, cui responſum placuit, Minores ge-
neralem Ordinis conventum celebrarunt Perusii, missisque
quaquaverſum litteris encyclicis declararunt, se Nicolai III.
decisioni insistere, theſinque illam pro sua et orthodoxa
admittere, contraria, tanquam haeretica, rejecta. Quibus
litteris subscripsit Michael Cefenas, minister Generalis, cum
aliis provinciarum ministris. Qua Minoritarum praesumptio-
ne, qui ante Papalem definitionem tale quid fuerunt ausi,
exacerbatus Johannes, edita constitutione, *ad conditorem Ca-*
nonum, declaravit, Nicolai decretalem *exiit* non esse intel-
ligendam de rebus, quae usu consumuntur, quarum rerum
usum non tantum, sed et dominium, antea ſedi Pontificiae
transcriptum, reddidit Minoritis, praeterea per definitivam
ſententiam, emissa constitutione, *cum inter nonnullos*, a.
1323. propositionem, *Christus et Apostoli in speciali non ha-*
buerunt aliquid, nec in communi, ejusque defensionem, decla-
ravit erroneam et haeticam. Quae definitio valde irri-
tavit Minoritas, ingentesque motus et turbas concitavit.
Michael Cefenas, cujus declaratio exſtat in Annal. Cefenat.
apud Muratorium Script. Ital. tom. XIV., Ockamus, alique,

sefe adeo fortiter Papali auctoritati opposuerunt, ut totius Ordinis abolitionem nonnulli suaserint Papae, ad exemplum Templariorum: sed illud inpeditum est, in primis quod major Minorum pars sese Papali constitutioni submisit. Vid. Antoninus in Chron., et ex recentioribus Wadding. in Annal. Minoritarum. Inter eos, qui Papalem auctoritatem impugnarunt, celebrem sese praestitit Johannes Vitoduranus, ab oppido natali Helvetiae sic dictus: cujus superest historia ab a. 1215. ad a. 1348. in corpore histor. Eckardi tom. I. Nec vices Minoritis rependere destitit Johannes, eos excommunicando, multisque modis vexando, ad mortem et vivicomburium usque. In quo opem ipsi strenue tulerunt Dominicani, quorum furor eoque processit, ut, in Minorum contumeliam, Christum depinxerint, una manu cruci adfixum, et altera denarios tractantem, et buris in cingulo suo pendentibus inferentem: ut refert Vitoduranus. Passi deinceps sunt Franciscani ejus sectae in Germania multiplicem persecutionem, mortuo Ludovico Bava-ro, eorum patrono, sub Carolo IV., ab anno 1347., qui manus per omnia prae-buit Papis. Quo factum est, ut sese per Helvetiam, Brabantiam, et Hollandiam, disperferint. Vid. Raynald. Annal. ad a. 1372.

§. CCCXLV. Superest, ut praecipuos aliquos novos Ordines, hoc seculo natos, verbo recenseam. *Congregatio S. Mariae montis Oliveti*, seu Ordo Olivetanorum, a monte Oliveti, seu colle Senis in Italia, sic dictus, originem suam debet Bernardo Ptolemaeo a. 1313, cum sociis Patricio, et Ambrosio, et adprobationem Johanni XXII., qui regulam Benedicti illis praescripsit, ut eam, pene collapsam in Italia, instaurarent. Cui congregationi adjuncta est seculo XVI. illa *Monachorum corporis Christi*, hoc seculo etiam nata. Festo nimirum corporis Christi ab Urbano IV. instituto, et a Clemente V. in Synodo Viennensi confirmato, viri quidam religiosi sese adorationi sacramenti, et officio a Toma Aquisate conscripto, ejusque recitationi, adstrinxerunt,

runt, inde dicti *Monachi albi corporis Christi, et fratres de officio corporis Christi*; professi sunt regulam Benedictinam. Vid. Lancelottus in historia Olivetana, et de origine Ordinis Olivetani vita Franciscæ in Actis Sanctorum Mart. Ordo *Eremitarum S. Pauli*, qui primus fuit Eremita, institutus est ab Eusebio Strigonenſi in Hungaria a. 1215., sed hoc demum seculo a Clemente V. confirmatus a. 1308., rursus a Johanne XXII. a. 1328., regula Augustini præscripta. Ordo *Jesuatorum*, eo insignitus nomine, quod nomen Jesu frequenter haberent in ore, originem repetiit a Johanne Columbino, nobili Senenſi, et confirmationem ab Urbano V., sub regula Augustini a. 1367., sed extinctus est a Clemente IX. a. 1668. Victum sibi comparabant hi Monachi, non mendicando, sed opere manuario, secularibus negotiis se non inmiscabant, Orationem Dominicam, et salutationem Virginis, recitabant quotidie 165 vicibus. Vid. præter Sabellicum, et Polydorum Virgilium, Sylvester Maurolycus, in mari *Oceano religionum*. Ordo *Hieronymitarum* in Castella institutus est a Petro de Guadaffinaria, aliisque nobilibus, partim Italis, partim Hispanis, confirmatus vero, sub regula Augustini, a Gregorio XI., qui et habitum dedit, et certis constitutionibus robur addidit. Vid. Mariana hist. Hispan. l. XVII. Transiit quoque Ordo in Italiam a. 1380., ubi eremitæ S. Hieronymi dicti sunt. Vid. Sabellicus ennead. IX. et Polydorus Virgilius. Denique Ordo *S. Ambrosii*, qui diu antea exſtitit, nunc sub regula Augustini corroboratus est a Gregorio XI., cum potestate recitandi officium Ambrosianum, prædicandi verbum Dei, confessiones audiendi, et mortuos sepeliendi, sed sine præjudicio parochialis Ecclesiæ, dato diplomate a. 1375. in Bullario Romano tom. I.

§. CCCXLVI. Denique cum duo Ordines nomen haberint, a duabus famosissimis foeminis, unus a Catharina Senenſi, ad ejus vitæ normam institutus sec. XV. sub Nicolao V., alter a Brigitta Sueca, hoc ipso seculo, de illis

foeminis quaedam, sed strictim, sunt proferenda. *Catharina*, cujus vitam, seu legendam, composuit Raymundus de Vineâ, Capuanus, Ordinis Praedicatorum Magister, et Catharinae confessionarius, in Actis Sanctorum, quocum conferendus est Antoninus in *summa historica*, Catharina, inquam, fuit Senensis, ex ignobili domo, virgo Ordinis tertii Dominicani, de *poenitentia* dicti, multis modis famigeratissima, per jactatas revelationes, extases, apparitiones, etiam Christi, Mariae, Apostolorum, aliorumque Sanctorum, imo per familiarissimum cum Christo commercium, vario modo demonstratum. Christus utique eam fertur, ad Mariae petitionem, sibi solenni ritu desponsasse, annulo aureo ejus digito in visione inposito, qui ei semper adhaesit: praeterea, cum novum postulasset a Christo cor, ipse ei se manifestans, latere sinistro aperto, cor carneum sustulit, et in ejus locum indidit rubicundum, suum id esse adfirmans, et in ejus testimonium relinquens cicatricem in sinistro latere. Vidit quoque, ut nugantur, Christum crucifixum super se ingente cum lumine descendere, et ex quinque vulnerum ejus cicatricibus sanguinem in se defluere, ac ad cor suum penetrare. Qualium nugarum plenissima est haec legenda. In carnis autem mortificatione praeripuit omnibus palmam, sed et sibi succum vitalem, cum ipsa vita; mortua est anno aetatis 33tio, a. 1380. Maceravit enim corpus inedia, pane ac crudis herbis tantum usa, cum aqua frigida, saepe longum tempus jejunans, solo pane eucharistico vivens, dein Vigiliis, ita ut intra duos dies dimidiam tantum horam dormiret: pro strato habebat tabulas ligneas, catenam autem ferream cuti immediate adhaerentem, eamque stringentem, gestabat, sibique catena ferrea disciplinas quotidie severe inferebat, unam pro se, aliam pro defunctis, tertiam pro vivis. Haec talis tam devota, vel superstitiosa, foemina summae fuit existimationis, et autoritatis, quae Gregorio XI. sedis restitutionem Romae persuasit, ejusque, et Urbani VI., functa est legationibus,

ut

ut supra narravi. Ordini Sanctorum inscripta a Pio II. a. 1461. Scripsit, praeter Epistolas, quae Italice et Gallice exstant, et alia, *librum dialogorum*, a Raymundo in linguam Latinam translatus, et *divinam doctrinam*, datam per *personam aeterni Patris intellectui loquentis*.

§. CCCXLVII. Brigitta, seu rectius Bergitta, Sueca, filia Bergeri, Regis Uplandiae, conjux Ulfonis, Principis Nericiae, octo ex ipso liberorum mater, marito inter Cistercienses Monachos defuncto a. 1344., vidua, celeberrimum nacta est nomen per revelationes divinas, a concilio Basiliensi sec. XV., variosque Papas, approbatas, perque varias susceptas peregrinationes ad loca sancta, ut Compostellam, Romam, Hierosolimam, denique per novi Ordinis, et regulae, institutionem, ab ipso Domino et Salvatore, ut praetendit in ipsa regula, dictatam; quae et inde adpellata est *regula Salvatoris*, sicut et Ordo ipse *Salvatoris*, praescripta viris et foeminis in honorem Mariae, matris Domini, quae quotidie tanquam regina mundi et Angelorum erat invocanda. Quam confirmavit Urbanus V. a. 1363. Ipsam autem Brigittam canonizavit Bonifacius IX. a. 1391., Johannes XXIII. in concilio Constantiensi, dein Martinus V. a. 1419. Vid. etiam L'Enfant, in hist. concilii Constantiens., ubi etiam icon Brigittae visitur. Sed illud negligendum non est, eam Biblia sibi curasse verti Suecice a Matthia Lincopensi Canonico, vid. vita Brigittae, ipsamque immaculae conceptioni Mariae fuisse, secus ac Catharina Senensis, quae adseruit, sibi revelatum esse, Mariam in peccato originali esse conceptam. Vid. Antoninus in *summa* p. I. tit. de *peccato originali*, sermonem Angelicum de *excellencia* Mariae, et orationes ejusdem argumenti. Composuit etiam *officium Mariae*, quod e Latino versum Anglice prodiit. Vid. Warthon in *auktorio* ad Usserium de *script. Vernaculis* etc. Ordinem vero secundum regulam ejus institutum descripsit Tomas Wallingham in hist. Anglicana.

§. CCCXLVIII. De *vita et moribus Ecclesiae Latinae* paucis defungi potero, cum omnium una fuerit vox, eam, si res in genere consideretur, fuisse in Capite et Membris corruptissimam, per omnes Ordines et status, adeoque reformationem hac parte esse necessariam, nec longe abesse posse. Qua de re legendus omnino est Durantius Mimatensis junior, ab alio cognomine, speculatore dicto, Mimatensi quoque Episcopo, qui seculo superiore floruit, probe distinguendus, fuit enim ejus nepos, et in Episcopatu successor. Interfuit concilio Viennensi sub Papa Clemente V., ibique publice recitavit tractatum suum de *modo celebrandi concilii Generalis*, jussu Clementis compositum, in quo singulorum Ordinum vitia, in primis Monachorum et Sacerdotum ignaviam, libidinem, et luxuriam, vivis depingit coloribus, et acerbè perstringit. Tractatus est varie editus, ejusque summam exhibet *Catalogus testium veritatis* lib. XVI. Testatur quoque de eadem depravatione libellus de *aetatibus Ecclesiae*, ibid. recensitus, lib. XVIII., nec non colloquium inter Fredericum, Siciliae Regem, et Arnaldum de Villa Nova ibid., quod eo tendit, ut Frederico eximatur dubitatio de veritate religionis Christianae, inde orta, quod nulli non Ordines essent infectissimi, ac nimium difformes Euangelio. Calamum quoque acriter strinxit in Ordines mendicantes. Conquestus quoque ipse Papa Benedictus XII. est in epist. ad Capitulum Narbonense apud Baluzium Miscell. l. II. de Cleri Narbonensis corruptione, sicut et Clemens VI., Monachorum mendicantium causam agens, in Cleri vitia investus est, dicens inter alia, *si tacerent mendicantes, quinam praedicarent populo? si de humilitate praedicaveritis*, ad Clericos sermonem vertens, inquit, *vos estis, super omnes status mundi, magni, superbi, et elati, et pomposi: si de paupertate, vos estis magis tenaces et cupidi, unde non votis sufficiunt omnes praebendae, et beneficia mundi, si praedicatis de castitate, de hoc tacemus, quia Deus scit, qualiter quilibet agit etc.* Vid. continuator Nangii in spicileg. Dachérii.

cherii. Addatur Alvarus Pelagius, Johannis Scoti discipulus, Minorita, et Johannis XXII. poenitentiarius summus, qui *summam de planctu Ecclesiae* scripsit, eoque in libro deplorabilem Clericorum et secularium statum multis descripsit. Quo eodem pede inceserunt Dantes Aligerius, Petrarca, et alii. De quibus supra dixi. Plura qui velit, adeat Hostingerum hist. Eccles. hujus seculi.

HAERETICI.

§. CCCXLIX. Fuerunt quidem hoc seculo magno numero, praeter Fratricellos et Beguardos, de quibus modo differui, qui ob pravas opiniones damnati, vel et flammis traditi sunt, vel eas revocarunt, sed quos recensere longum foret et taediosum. Mitto itaque ex. gr. Cecconem Asculanum, Eccardum Theologum Germanum, ex ordine Praedicatorum, cujus opiniones, ad mysticismum tendentes, a Joh. XXII. a. 1329. damnatae sunt, exstant apud Raynaldum, Marsilium Patavinum, et Jandunum, qui duo Imperatorum et Regum jura tuiti sunt contra Papas et Clerum, eo etiam usque, ut Petro, adeoque et Papis, nullam datam fuisse prae reliquis praerogativam statuerint, Clericorum porro differentiam a Principum autoritate pendere, nec illis jurisdictionem coactivam competere, nequidem excommunicationem sine Principis voluntate, Johannem de Mercuria, Nicolaum de Ultricuria, aliosque multos, qui partim Mysticorum Kabbalistarum errores tenuerunt, partim Philosophicis subtilitatibus se implicuerunt, partim alia, quae tanti non sunt, male sana urserunt: illas tantum memorabo haereses, sic dictas, quae dominanti religioni, vel superstitioni, fuerunt oppositae, et aliquos fecerunt progressus. Arnoldo Villanovano inter alia, apud Eymericum in *directorio Inquisitionis*, inputatur. 1. Naturam Christi humanam, cum divina unitam, aequalem esse Deo in omnibus. 2. Apostasiam a planta pedis usque ad verticem regnare in toto

Christi corpore, et doctrinam per Monachos et Philosophos adulterari. 3. Opera charitatis et misericordiae esse foundationibus capellarum, aut praebendarum, aut Missa ipsa, Deo gratiora, imo in Missa Deum ore, non opere, laudari, et passionem Christi magis in eleemosyna, quam in Missa, praesentari. 4. Aeternam damnationem Deum non esse comminatum tam peccantibus, quam malum exemplum praebentibus. 5. Revelationem Cyrillo factam esse Scriptura S. pretiosiore, et Mundum a. 1335. esse perituum.

§. CCCL. *Lollardorum* sectae, per Germaniam, Austriam, et Bohemiam, ortum dedisse fertur Lolhardus Walterus, vel Gualterus Lolhardus. Sed nomen esse derivandum ab antiquo Germanico verbo *lollen*, *hullen*, quod est voce submissa canere, et nota terminatione *hard*, adeoque denotare homines devotos, ac Deum carmine celebrantes, occupatum jam est. Vid. Cl. Mosheimius hist. Eccles. sec. XIV., qui etiam recte observavit, nomen hoc non fuisse alicui sectae proprium, sed in genere iis datum, qui sub specie majoris devotionis sese Deo et Ecclesiae visi sunt opponere. Walterus vero a Trithemio quidem *Lolhardus* adpellatur, sed ipso autote sectae non habetur; epicheton autem illud tulit, quod Lollardis adhaereret; quorum primarius fuit minister, et sectae promotor, in ditionibus Germaniae ad Rhenum. Inputantur autem huic sectae sequentes errores, circa a. 1315 spargi coepti. 1. Sacramenta Ecclesiae, baptismum, missam, poenitentiam, matrimonium, extremam unctionem, ut et jejunia, festa, intercessionem sanctorum, nihili esse facienda. 2. Romanam Ecclesiam non esse Christi, sed gentium potius infidelium, ejusque statuta, cum ipsis Praelatis, nullius esse pretii. 3. Mariam, dum Christum peperit, non mansisse Virginem. 4. Daemones esse servandos, et Michaellem, ac bonos Angelos, esse damnandos. 5. Deum nec scire, nec punire, mala quae sub terra fiunt: quare in subterraneis locis quaevis foeda patrasse narrantur. Quae capita recenset Trithemius in *Chron. Hirsaugiense*; additque, sectam per

per eas regiones adeo fuisse propagatam, ut plusquam octoginta millia nomina sua ei dederint, multos eorum fuisse combustos summa cum fiducia et laetitia. Ipse autem Lohardus, eodem teste, eandem poenam subiit Coloniae a. 1322. Ceterum quae de Angelis bonis, et Deo subterranea facinora ignorante, ipsis adscribuntur, fabulam sapiunt.

§. CCCLI. Eiusdem generis et sectae homines fuerunt *Turrelupini*, utrique Waldensium propagines. Auctor de excidio Waldensium et Albigenium, apud Camerarium in *historia Ecclesiae Bohemorum*, dicit, in regione *Lugdunensi* pauperes de *Lugduno* adpellati sunt, in extremis *Sarmatiae Livoniaeque* partibus *Lollardi* sunt nominati, in *Flandria et Artesia*, a loco deserto et lupis exposto, *Turrelupini*. sed aliam nominis rationem ad sec. XII., ubi de Waldensibus, dedi. Esse autem eos ipsissimos Waldenses, qui primum in *Flandria et Francia* resederunt, dein, cum ibi vexarentur, secesserunt ad fratres suos in *Delphinatu et Sabaudia*, ubi hoc nomen tulerunt, uberius demonstravit *Beaufobre de Adamitis*, ad calcem *belli Hussitici* L'Enfant. Gravissimam autem ibi sustinuerunt persecutionem a *Carolo V.*, *Franciae Rege*, et *Amedeo*, *Principe Sabaudiae*, incitatus a *Gregorio XI. Papa* a. 1371. et 1372., magno numero flammis absumti. Vid. *Bzovius*. Ceterum illis in regionibus etiam dicti sunt *Bougres*, seu *Bulgares*, quia confundebantur cum *Manichaeis*, qui ex *Bulgaria* venerunt in *Italiam*, indeque in *Franciam*. Vid. *Usserius success. Ecclesiae* etc. cap. 8., quibus etiam eadem obsoenitates, publice exercitae, licet falso, fuerunt imputatae. 1. Voce non esse orandum sed corde, eaque *Spiritus libertate*, quae nullis est subjecta legibus. 2. Neminem pudere debere pudendorum, quae a natura accepimus. 3. Cui opinioni convenienter, narrantur sine pudore incessisse nudi, et libidinem more canum explevisse: unde *Cynicorum* nomen ipsis adhaesit. Quam puram putam fuisse calumniam, multis probavit *Beaufobre* l. cit. Reliqua cum *Begardis*, vel potius *Waldensibus*, habuerunt communia.

§. CCCLII. In ditione Salzbουργensi vivicomburii poema adfectus est *Rudolphus* Presbyter, quia tenuit, Judaeum et Paganum sine bapismo posse salvari, verum Christi corpus non esse in altari, Daemones posse ad pristinam redire dignitatem, quia solo cogitatu peccarunt: uti Anonymus Lobienſis, Ordinis Praedicat., refert in Chronico ad a. 1340. citante Hanſizco in Germania Sacra tom. II. In Anglia errores narrantur, incertis autoribus, disseminati, praecipue in Cantuariensi Provincia, a Simone Langham, conventu doctorum habito, ad examen revocati, et damnati a. 1368., quos recenset Natalis Alexander triginta numero; quorum praecipui sunt. 1. neminem ob peccatum originale, aut baptismi defectum, damnari. 2. infideles, tam adultos quam infantes, ante mortem gaudere visione Dei, cui si obediant servari, nec nisi propter inobedientiam eam damnari, imo posse de communi lege salvari, qui fide carent, esseque in natura sufficiens ad beatitatem consequendam medium. 3. omnes beatos, aequae Angelos ac homines, esse peccabiles et damnabiles, damnatos quoque reparabiles, et beatificabiles. 4. Deum non posse aliquid annihilare, nec aliquem immediate punire, cum tortor esse nequeat, nec rationalem creaturam posse facere, quae peccare nequeat. 5. Malum esse per se, et non quia prohibitum est. 6. Deum nihil agere, nisi habeat causam quare agat. 7. denique, Patrem et Filium in divinis esse finitum, solum Spiritum S. esse infinitum.

§. CCCLIII. Longe majores motus et progressus fecit Wicleſianismus, in Anglia natus, et longe lateque per alias quoque oras disseminatus, haud uno nomine dignus, qui adcuratius describatur, et enarretur. *Johannes Wicleſus*, ejus autor, vel Johannes de Wiclef, a loco nativitatis in provincia Eboracense ita dictus, ut observat Johannes Lewys, qui ejus vitam novissime, et omnium optime, conscripsit; quocum conferendus est L'Enfant hist. concilii Constantiensis lib. II., natus est a. 1324., et Oxonii in collegio Mertonenſi educatus, ibique in scientiis Theologicis, Philo-

lofophicis et Canonicis, ingentes fecit progressus, adeo ut titulum Doctoris evangelici meruerit. Primam vero occasionem, quae ipsum reddidit celebrem, praebuerunt Monachi mendicantes a. 1360. Cum enim illi, praetextu privilegiorum suorum et exemptionum, violarent statuta Academiae Oxoniensis, et a Papa contra Universitatem, ipsum quoque Regem, defenderentur, inter eos, qui se iis opposuerunt, eminuit Wiclefus, qui, ea arrepta ansa, in hypocrisin, superbiam, et corruptionem, Monachorum coepit declamare. Adcessit mox aliud, quo fortius est incitatus. Collegio Cantuariensi fundato Oxonii praefecerat quidem Monachum aliquem Simon Islepius, Archiepiscopus Cantuariensis, eique, ob turbulentum animum deposito, succederat Wiclefum, a. 1365., sed mortuo Islepio a. 1366., successor ejus, Simon Langham Monachus, causam Monachorum eo in collegio tuitus, Wiclefum voluit dejectum, et Monachum restitutum. Cui cum resisteret, una cum sociis, Wiclefus, ad Papam Urbanum V. provocans, Papa secundum Monachos pronunciavit, seculares collegio eiecit, et solos in eo posuit Monachos. Erat enim Papa in Wiclefum, praeter alia, exacerbatus, quod praetensum Papae jus in Angliam animose oppugnaverat. Lite enim inter Wiclefum et Monachos pendente, Urbanus V. Regi Eduardo III. intimavit, ut, nisi tributum sedi Romanae, cui Johannes sine terra regnum subjecerat, penderet, sese coram tribunali suo sistat; cui Rex respondit, Johanni hoc sine Parlamenti consensu non licuisse, et, si Papa vi uteretur, totum regnum ipsi repugnaturum. Displicuit hoc responsum Monachis, qui Papae causam publice tuebantur, sed ad Wiclefi fuit palatum, qui occasionem inde adripuit, jura Regis et regni defendendi. Quo Papae quidem in odium incurrit, sed favorem Regis, et protectionem Ducis Lancastriae sibi conciliavit.

§. CCCLIV. Quo in rerum statu munus Professoris Theologiae, seu sacrae paginae, Oxonii adeptus a. 1372. tanto

cum adplausu illud obiit, tantamque sibi adquisivit auctoritatem, ut dicta ejus, tanquam oracula, fuerint excepta. Nullam itaque praetermisit Monachos mendicantes perstringendi occasionem, quibus varios haud exiguo numero imputavit errores, sed nec pepercit Papis, maxime postquam unus Legatorum, ad lites inter Regem et Papam componendas, a. 1374. incepisset artes et tyrannidem curiae Papalis Romae propius cognoscere. Utique ab hac legatione redux, in Papam, tanquam Antichristum etc., non fuit veritus declamare: quo ingentem fautorum et adseclarum numerum sibi comparavit. Habuit enim, praeter Eduardum, Ducem Lancastriae, Richardum II., filium Eduardi, sibi faventes optimates quosque regni, Academiae quoque Oxoniensis viros Principes, et plebem fere totam, ipsius etiam Cleri tertiam partem. Vid. Warton in *austario* Script. Eccles. Cavei, Rex praeterea ipsum novo auxit honore Ecclesiam de Lutterworth in Provincia Licestriensi ipsi committens. Interea Monachi, vehementius irritati, in eo fuerunt toti, ut eum deturbarent. Novendecim mox articulos, ex sermonibus et lectionibus ejus excerptos, circa Papae ac Regis potestatem, et limites excommunicationis, ad Papam miserunt, a. 1376. aut 1377., quos recenset Natalis Alexander. Quibus acceptis Papa eos misit cum litteris ad Regem, ad Simonem Subdriensem, Episcopum Londinensem, ad Universitatem Oxoniensem, et alios, jussitque, ut in errores Wiclefi inquirerent, imo ipsum in custodiam darent, una cum adseclis. Quo jussu excitati Praelati concilium quidem indixerunt eo ipso anno Londini, et mox alterum a. 1378., sed nihil in ipsum ausi sunt decernere, ob summorum virorum patrocinium, quo Wiclefus gaudebat. Tantum vero abest, ut, quod nonnulli referunt, uti habet Walsingham, explicationem articulorum obtulisset, eosque emolliisset, ut Papam diserte adpellaverit Antichristum, eo in primis fundamento, quod clero avaro et superbo inperet; teste responso Wiclefi, sub titulo, *aliqualis responsa*
ad

ad bullam, quod ex Mss. Seldeni produxit Joh. Lewys. Nihil itaque in eum hoc tempore actum est; cujus et haec fuit ratio, quod Gregorius XI. fuerit defunctus, et sedes Papalis per schisma varie distracta: ut in historia Paparum narraui.

§. CCCLV. Wiclefus vero, pace per eas turbas Papales gavisus, sese magis magisque in studio Scripturae S. exercuit non tantum, sed et edito tractatu de utilitate versionis Scripturae in linguas vernaculas, annum a. 1380. admovit ad novam translationem Biblicorum ex Latina lingua in Anglicanam: qualem ante se nemo suscepit, ut in praefatione dicit, post ipsum vero eodem seculo praestitit Johannes Trevisa, sacerdos Cornubiensis a. 1387. Uterque autor acerbas effudit querelas de tyrannide Cleri, translationem in linguas vernaculas prohibentis, et Laicos a lectione Scripturae S. arcentis; imo posterior testatur, neminem Theologiam aut Scripturam discere, nisi cursum suum in artibus peregerit, et per duos exin annos fuerit Regens; ita ut decem sint exigendi anni post Grammaticae studium, antequam ad Scripturam pateat aditus. Vid. Warton l. cit. Addatur, libros, iudicio Protestantium Apocryphos, Canonorum catalogo excludi. Quantum vero e lectione Scripturae profecerit Wiclefus, luculento mox specimine declaravit, sese a. 1381. opponendo dogmati Transubstantiationis. Publicavit itaque sedecim conclusiones, quarum prima habebat, *hostiam consecratam non esse Christum, nec partem ejus, sed signum*. Impedita quidem est a Doctoribus Academiae publica ejus defensio, quam Wiclefus promiserat, sed ipse illud ubique disseminare non destitit. Quenam autem ejus de praesentia Christi in eucharistia fuerit opinio, postea exponam.

§. CCCLVI. Sed hinc novi sunt in eum fuscitati motus, qui gravius ipsi adtulerunt damnum. Cum enim hucusque, quamdiu contra Papale dominium, et Monachorum corruptionem, declamavit, fuisset a Rege et Proceribus, aliisque.

defensus, nunc, cum receptam inciperet oppugnare doctrinam, a plerisque eorum desertus est, uti a Richardo H. Rege, Duce Lancastriae, aliisque. Statim vero ac conclusiones suas evulgasset, eas condemnavit Cancellarius Academiae Gulielmus de Berton, qui ejus opinionem declaravit *haereticam*, addito sub poena excommunicationis interdicto. Provocavit quidem Wiclefus ad Regem, eique libellum obtulit supplicem, quo doctrinam Christi publice profitendi et docendi licentiam petiit, sed nihil profecit. Narratur quidem, Ducem Lancastriae ipsi non silentium tantum, sed et retractationem, persuasisse. Verum retractationis scriptum, a Lewys recensitum, nihil simile praefert, potius contrarium. Nec cessavit doctrinam suam quaquaversum spargere; nactus quoque est fautores et adscelas, ut Nicolaum Herfordum, Philippum Rapingdum, Johannem Aysten, et alios. Synodo porro a Courtenejo, Archiepiscopo Cantuariensi, coacta Londini a. 1382. viginti quatuor propositiones Wiclefi damnatae sunt, decem primae tanquam haereticae, reliquae quatuordecim ut erroneae, et determinationi Ecclesiae contrariae. Quas ex actis Synodi Constantiensis, ubi cum aliis propositionibus damnatae sunt, exhibet L'Enfant in hist. ejus concilii tom. II. et Fasciculus *rerum fugiend.* etc. tom. I. Inter prioris generis sunt, quibus a Wiclefo contradicuntur, Transsubstantiatio, confessio peccatorum, missa, possessiones temporalium a Clericis, et quibus adseritur, Episcopum, vel sacerdotem, peccati mortalis reum, sacramenta, non rite administrare, Papam, si praestigiator sit, aut malus, omni potestate, a Christo data, excidere, nec post Urbanum VI. aliquem pro Papa agnoscendum, sed vivendum secundum proprias leges. Inter posterioris generis sunt, neminem excommunicandum, nisi ante sit a Deo excommunicatus, nec a praedicatione aut auditione concionis abstinendum esse propter excommunicationem hominum, Diacono vel Presbytero licere praedicare sine autoritate Papae, vel Episcopi, posse Dominos seculares bona temporalia eripere Clericis delin-

delinquentibus, Decimas esse puras eleemosynas, quas Parochiani propter Curatorum peccata inhibere possunt, male agere, qui privatas vivendi regulas instituerunt, et qui eas observant, nec illud convenire religioni Christianae, Fratres teneri labore manuum vivere, nec licere mendicare.

§. CCCLVII. Wiclefus cum, tanquam harum thesium autor, licet non nominatus, intentus tamen fuerit, varios mox scripsit tractatus, quibus partim eas, quae vere erant suae, defendit, quae in perversum raptae sensum, explicuit, partim, quae falso ipsi erant inactae, negavit: ex. gr. Inter priores propositiones erat, Deum debere obedire Diabolo, quam habuit pro calumnia, ut et indignos ministros non posse conficere corpus Christi; inter posteriores, Dominum secularem, propter peccatum mortale, excidere jure et possessione sua, nec non populum posse Regem et Dominum suum pro arbitrio corrigere, cum ipse dixerit, *secundum leges Regni et legitimo modo observato*. Citatus; auditusque licet non fuerit a Synodo, attamen damnatus, renunciare debuit, jussu Regis, muneri Professoris in Academia Oxoniensi; quando in Ecclesiam suam Lutterworth secessit: ubi labores contra corruptionem dominantem in doctrina et moribus continuavit: praesertim quo tempore Urbanus VI. expeditionem cruciatam contra Gallos, qui Clementem VII. tuebantur, promulgari fecit in Anglia, cum plenis indulgentiis, ingentemque pecuniae summam eo nomine colligebat. Scripsit tunc tractatum, cui titulus, *explicatio magnae sententiae maledictionis*: quo Papae titulum Antichristi dat, et bella ejusmodi sacra acriter perstringit: a quo tempore nihil non egit Papa ad ipsum perdendum, Romanamque eum citavit. Sed Deus praevenit, ipsum ad se transferendo. Mortuus enim est ex paralyti a. 1384. Fuit sine controversia supra aevum suum doctus, praecipue in Scriptura S. versatus, simul laboriosus, et in corruptione Ecclesiae, quam bene perspectam habuit, perstringenda fervidus ac intrepidus, multos quoque edidit libros, quos

Tom. VI.

Ecc

sum

cum aliqui sunt editi, plurimi adhuc latent in Bibliothecis.

§. CCCLVIII. Tantum abest, ut Wiclefianismi historiam ante persequar, quam de ejus capitibus accuratius differam, ut secta illa fuerit cum ejus obitu extincta, ut magis magisque invaluerit. Testatur quoque Johannes Hus oper. tom. I., a. 1411., libros Wickfi ab annis triginta legi et teneri in Universitate Oxoniensi. Hostes quoque ejus, quorum praecipui erant Tomas Arundellius, et Chichelejus, Archiep. Cantuar., de novo in ipsum insurrexerunt. Arundellius itaque Synodum a. 1396. celebravit, in qua octodecim propositiones, ex libro Wiclefi, qui Trialogus inscribitur, excerptae, condemnatae sunt. Cum autem illae satis fideliter, teste Lewys, fuerint extractae, earum summam exhibuisse, operae erit pretium. Exstant in *fasciculo rerum expetend.* etc. tom. I., una cum articulorum eorum refutatione per Willelmum Wodfordum, Franciscanum, qui circa finem seculi floruit. Habent vero inter alia, quae mitto, Scripturam S. esse unicam fidei et vitae normam, substantiam panis et vini manere in eucharistia, duos tantum Ordines Ecclesiasticos esse ab Apostolis institutos, sacerdotum et Diaconorum, duodecim autem hos esse procuratores Antichristi, Papam nimirum, Cardinales, Patriarchas, Archiepiscopos, Praesules, Episcopos, Archidiaconos, Officiales, et Decanos, Monachos, et Canonicos bifurcatos, Pseudofratre introductos jam ultimo, et Quaestores. Haereticum esse, et Antichristum maximum, qui docet, quod licitum est sacerdotibus et Levitis legis gratia dotari cum possessionibus temporalibus, Dominos praeterea temporales non posse tantum, sed debere, bona temporalia ab Ecclesia habitualiter delinquente auferre: ad verum dominium seculare requiri justitiam dominantis, scilicet, non in foro humano, sed Divino, nullum esse unctionis sacramentum, nec infantes, sine baptismo mortuos, damnari propterea; denique omnia, quae eveniunt, necessario evenire.

§. CCCLIX. Haud diu post hanc Synodum severissimam publicavit ipsum Parlamentum legem contra Wiclefianismum a. 1400., qua ad ignem etiam damnantur, qui legunt, docent, aut favore prosequuntur hanc sectam. Deinde novo in concilio, Oxonii habito a. 1408., idem Archipraeful Arundellius decreta condidit, ad extirpandam haeresin, libros quoque Wiclefi non tantum legi vetuit, sed et novam versionem Scripturae in linguam vernaculam fieri, sub gravi poena. Quod idem mox fecit Johannes XXIII., in Synodo Romana a. 1423., iussitque, libros hujus haeresios conquiri et concremari, et contra eos, qui habuerint, legerint etc., procedi tanquam haeresios suspectos; denique, qui memoriam Wiclefi defendere velint, iussit, ut intra novem menses Romam veniant. Quo eodem anno Synodum Londini celebravit Tomas Arundel, contra Virum nobilem Johannem Oldecastel, Wiclefianae sectae Professore, et Patronum fervidum; quem etiam ob negatam Transubstantiationem, auricularis confessionis necessitatem, crucis adorationem, et ob Papae Antichristianismum adsertum, damnavit, ac judicio seculari tradidit puniendum: ut refert Walsingham in histor. Angliae in Henrico V. Vid. etiam, quae ex publicis Angliae actis excerptis Clericus in Bibl. Ant. et Nov. tom. I. Denique Pragensis Academia eosdem Wiclefi errores transfixit, a. 1408. Ultimam tandem manum huic rei inposuit Concilium illud famosum Constantiense a. 1415, in quo quadraginta quinque propositiones proscriptae sunt, nec non 260, ab Academia Oxoniensi ex libris Wiclefi extractae; libri quoque ejus igni addicti, ipse Wiclefus tanquam manifestus haereticus damnatus est, corpus denique ejus sepulchro educi, et ignibus cremari, decretum est. Quod quoque executioni est mandatum a Richardo Flemmyng, Lincolnensi Episcopo a. 1428.

§. CCCLX. Historia Wiclefi, et Wiclefianismi, tradita, hypothesis ejus sunt in lucem protrahendae, cum ex propositionibus, ipsi ab adversariis objectis, quarum modo memini,

E e e 2

tum

tum ex confessionibus ac libris Wiclefi, in primis Trialogo, seu dialogorum libris, qui soli exstant Latine. Vid. etiam J. Lewys, qui doctrinae ejus explicandae utilem navavit operam. Hypotheses ejus, quae ad universum Papatum, et systema Catholico-Romanum, destruendum tendunt, sunt sequentes. 1. Pro unica fidei et religionis norma habetur Scriptura S., rejectis traditionibus, et decretis Paparum ac Synodorum, a Scriptura S. discedentibus. 2. Cultus religiosus Mariae, Sanctorum, reliquiarum, et imaginum plane rejicitur, et inter supersticiosos ac idololatricos refertur ritus. 3. Sacramenta tantum duo admittuntur, baptismus, et Eucharistia, reliquis repudiatis: infantes sine baptismo mortuos propterea damnari negatur. 4. In Eucharistia agnoscitur quidem vere corpus Christi, sed salva natura panis, adeoque panis dicitur figuraliter et typice corpus Christi. Qua parte doctrinam Wiclefi in clariorem protraxit lucem L'Enfant l. cit. 5. Ritus baptismo et eucharistiae additi, in specie chrisma, confirmatio, panis adoratio etc., partim inutiles, partim idololatrici, declarantur. 6. Ordines Ecclesiae, praeter presbyteros et diaconos, pro humano habentur invento, et Antichristi mancipiis. 7. Ordines Monachales, in primis mendicantium, damnantur. 8. Papa Romanus non est Christi vicarius, potius Antichristus, et potestatem accepit a Caesaribus. Antichristianismi signum etiam ponitur in dominio temporali. Ecclesia porro Romana non est universalis, et suprema inter Ecclesias. 9. Proprietas rerum et bonorum a Clericis est aliena, 10. Oblationes pro mortuis, purgatorium, injunctae poenitentiae, confessiones auriculares, Praelatorum excommunicationes, et quae sunt similia alia, rejiciuntur. Verbo, omnia voluit Wiclefus ad simplicem Scripturae doctrinam revocari, et totam Ecclesiam dominantem reformari. Sed notari meretur, eum huc non nisi per gradus venisse, adeoque mirum non esse, nonnulla in ejus scriptis occurrere, quae nonnullis harum propositionum contradicunt; cum,

teste

itae ejus historia, sensim profecerit. Adtribuuntur ea Wiclefo opiniones, quae, si vere ipsius essent, eum, d. gravius dicam, ad Praedestinianos, sec. V., ut exortos, pertinere demonstrarent: ex. gr. omnia ex evenire necessitate, Deum singulas naturas activas are ad actum, infantem praescitum et baptizatum rio vivere diutius, et peccaturum in Spiritum S., quod damnandus sit. Sicut praedestinatus non po- gratia deficere, ita praescitus in illa manere nequit. e, quod majoris est, quamlibet creaturam esse Deum, nihil posse producere, quam quod producit, nec are nec imminuere posse mundum, nec animas nisi um numerum creare, nullam creaturam in nihilum e posse, Deum obedire debere Diabolo. Quae, et i similia alia, Wiclefo sunt ab ejus adversariis, ut ghamo, Toma Waldensi, Concilio Constantiensi, et objecta, et ejus nomini inscripta, adeoque fidem non ur, siue sint ficta, siue in perversum sensum detor- e per consequentiam elicitata. De quo, prae monu- um aliorum defectu, nihil certi adfirmari potest.

PROPAGATIO ECCLESIAE.

quam quod Equites Teutonici, et cruce signati Chris- um, vi et armis, per Prussiam, et vicinas regiones, pa- i reliquias destruendo, stabilivisse, et disseminasse, cen- Christianae fidei professio in Lithuaniam est intro- Duce ejus Jagellone a. 1386. eam adoptante, et bap- nomine Uladislai suscepto. Quo haud parum tribuit, egnum Poloniae, et regis Ludovici, regis Poloniae, a. defuncti, filiam, non nisi hac conditione sibi ac- potuerit. Vid., praeter alios, Solignac. *Histoire gne*, t. III.

ECCLESIA GRAECA.

§. CCCLXI. Tentata quidem plus una vice est unio Ecclesiae Graecae cum Latina, sed sine successu; adeoque, quod ante omnia est observandum, schisma illud hoc seculo continuavit. *Andronicus* junior, qui solus coepit regnare ab a. 1332., ut Latinorum auxilium contra Turcas inpetraret, legatos misit *Barlaamum*, Abbatem monasterii salvatoris CPolitani, et *Dindulum*, ad Papam *Benedictum XII.*, qui unionis negotium promoverent, licet prudentiores Graeci, Latinos esse spernendos, et ab omni cum iis disputatione abstinendum esse, contenderint; ut habet *Nicephorus Gregoras* lib. X. fin. Proposuerunt vero Legati, 1. ut Latini Graecis ante omnia mox succurrant contra Infideles. 2. Concilium universale a Papa indiceretur, cui quatuor Patriarchae Orientis interessent, ad unionis condiciones definendas, vel 3. saltem dogma processionis Spiritus S. a viris doctis, ab utraque parte convocatis, retractaretur: denique 4. ut se invicem tolerarent, et Papis, ac Patriarchis, antiqua restituerentur privilegia. Sed nulla harum conditionum placuit Papis et Latinis, qui Graecorum subjectionem in causa fidei et regiminis simpliciter urserunt. Qua ratione totum illud negotium in vanum cecidit. Vid. *Raynaldus* a. 1339.

§. CCCLXII. Nec meliorem successum haec res habuit sub *Johanne Cantacuzeno*, qui novos misit a. 1346. legatos *Georgium* Protovestiarium et *Sigerum* ad Papam *Clementem VI.*, ut pacis ostenderet studium, et auxilium Latinorum imploraret. Excepit quidem eos benigne Papa, et duobus Episcopis in Orientem ablegatis, in Concilium Generale, a Papa loco Graecis commodo convocandum, consensit. Sed nihil est effectum, sive ob Papae mortem, sive aliam ob causam. Vid. *Cantacuzenus* l. IV. c. 9. De *Johanne Palaeologo* narratur quidem, eum ad Urbanum V. profectum Romam a. 1369., et, edita ac signata confessione, in fidem

dem Latinorum penitus, nullo excepto capite, consensisse, apud Raynaldum, et Leonem Allatium, de consensu etc. l. II. c. 17. Sed silent Byzantini scriptores; nec ullus tunc fedit Paulus, Patriarcha CPolitanus, qui Imperatori traditur tunc adfuisse, verum Philotheus, Latinis infestus, et dein Macarius etc. Vid. Chronicon Orientale apud Leunclavi-um. Habendum itaque illud est pro incerto.

SCRIPTORES ET STUDIA.

§. CCCLXIII. Schismatis denique continuationem cum scriptores, qui calamum contra Latinos strinxerunt, quoque evincant, ab iis eorum recensionem incipiam. Floruit sub Andronico seniore, ei maxime acceptus, *Maximus Planudes*, Monachus Graecus, vir eruditus, et utraque lingua peritus, qui Graecorum primus censetur usus cifris Indicis, seu Arabicis, in numerando, ut ex Kircherii Arithmologia observavit Papebrochius, in tractatu praeliminari tom. III. Aët. Sanct. Maji. Vid. etiam Moyne Var. S. tom. II. p. 797. Inter multa, quae composuit opera, exstat tractatus de *processione Spiritus S.* contra Latinos, apud Petrum Arcudium in *opusculis aureis*. Quo eodem in opere versati sunt duo *Cabasilae*. alter Nilus, alter Nicolaus, prioris ex sorore nepos. *Nilus* Cabasilas, Archiepiscopus Thessalonicensis, a. 1340. celebris, duos scripsit libros de causis divisionum Ecclesiae, et Primatu Papae, a Silmasio editos ad calcem libri de *Primatu Papae*. Alter *Nicolaus*, primum Sacelli curator, dein Archiepiscopus Thessalonicensis in locum Patriui, floruit circa ann. 1350., variorum operum autor, inter quae sunt contra Latinos de *liturgia*, et *processione Spiritus S.* Plura de utroque Cabasila suppeditat Leo Allatius, in *diatriba de Nilis*, recusa a Fabricio Bibl. Gr. vol. V. Floruit eodem tempore *Demetrius ὁ Κυδών Cydon*, quod ejus fuit cognomen, Johanni Cantacuzeno familiaris, cum quo etiam ingressus est monasterium; sed Mediolanum postea

adpulsus, teste Volaterrano, linguae Latinae et Theologiae incubuit, tandem Cretae substitit, bonis in pauperes erogatis. Scripsit contra errores Palamae, et de processione Spiritus S., in opusculis aureis Arcudii. Alia ejus opuscula praetereo.

§. CCCLXIV. Praeter hos scriptores, qui in controversiis cum Latinis collocarunt operam, fuerunt alii, qui controversias inter ipsos Graecos tractarunt, historias conscripserunt, et in jure canonico laudem acquisiverunt. Inter *Historicos* celebre nactus est nomen *Nicephorus Callistus*, historiae Ecclesiasticae conditor. Floruit sub Andronico seniore, et deinceps, usque ad Joh. Cantacuzeni tempora; ut ex catalogo Pontificum, ab ipso contextu, liquet. Monachus videtur fuisse in S. Sophiae asceterio; utique in Bibliotheca S. Sophiae testatur ipse, in dedicatione historiae suae, se florem aetatis transegisse. Exstant *historiae Ecclesiasticae* libri XVIII., a nato Christo ad interitum Phocae a. 610., compilati ex superioris temporis historicis, uti Eusebio, Socrate, Sozomeno, Philostorgio, Theodoro Lectore, Euagrio, et aliis. Num ulterius continuaverit historiam, incertum est. Ipse l. I. c. 1. dicit, se eo tempore plures non scripsisse, sed argumenta librorum sequentium, usque ad XXIII., et mortem Leonis Philosophi a. 911., reperiuntur, nec tamen superest continuatio. Novissima editio est Parisiensis, duobus voluminibus in Fol., cum versione Johannis Langi, et Frontonis Ducaeï recognitione. Reliquit quidem ex bonis, qui perierunt scriptoribus, haud spernenda, et stylo utitur haud inelegante, sed fabulis historiam nimis commaculavit. Exstat praeterea ejus catalogus Imperatorum et Patriarcharum versibus jambicis, apud Labbeum, in adparatu historiae Byzantinae.

§. CCCLXV. Historiae Universalis conditoribus accenseri solet *Theodorus Metochita*, magnus Logotheta sub Andronico Seniore, ab a. 1314., cui semper mansit fidelis, etiam postquam ab Andronico jun. esset throno deturbatus, quare
et

ipse dignitate privatus est. Vir fuit, iudice Gregora, in funebri ipsum decoravit sermone, insigni eruditione et erute praeditus. Ejus sub nomine publicavit Meursius *Historiam Romanam*, a Julio Caesare ad Constantinum M., et alii observarunt, esse librum tertium Michaelis Glycae. Multo opera ejus Mss., nec non paraphrasin in aliquot Aristotelis libros; quae Latine existat ex versione Gentiani Arveti, et ad *Nicephorum Gregoram*, ejus discipulum, et familiarem, pergo. Adhaesit quoque cum magistro Andronico seniori, idemque fatum in initio subiit; sed postea

Andronici junioris aulam revocatus est: quem defunctum e rostris quoque laudavit. Inmixtus praeterea fuit controversiis, tunc temporis inter Graecos exortis, seseque munus praestitit Palamitarum adversarium, quam ob causam cum reliquis Acyndinistis damnatus est in concilio Constantin. a. 1351., et in monasterio consenuit. Vitam ejus descripsit, variis etiam de ipso additis judiciis, cum catalogo operum Mss., Johannes Boivinus in prolegomenis ad historiam ejus. Exstat vero *historia* ejus *Byzantina*, libris XXIV. comprehensa: quorum primi XI. a Theodori Lascaris initio a. 1204. usque ad obitum Palaeologi jun. a. 1341. verum et editi sunt ab Hieronymo Wolfio, reliqui una cum illa a Johanne Boivino, usque ad a. 1351., in corpore Byzantino. Inserta vero est libro XXII. etc. disputatio Gregorae cum Nicolao Cabasila, et anonymo, de Palamae erroribus, cum versione et notis Claudii Caperonerii. Ceterum non spernendus est historicus, sed a partium studio minime liber. Adjungatur ipsi *Johannes Cantacuzenus*, Palaeologus per matrem adfinis, primum magnus Domesticus, post quem summa est rei, Andronici junioris, cui carissimus fuit, dein, eo defuncto, tutor Johannis Palaeologi, filii ejus, denique Imperator, et post varias concertationes, cum bellum intestinum cum Johanne, et Anna, vidua Andronici, in quo fuit superior, purpura deposita, tandem monachus, adsumto Joasaphati nomine. Scripsit *historiam*.

Tem. VI.

Fff

rerum,

rerum, suo tempore gestarum ab a. 1320. ad a. 1357.; exstat in Corpore Byzantino. Ceterum adcuratus est historicus, sed nimius sui laudator.

§. CCCLXVI. In Jure Canonico insignem meruit laudem *Matthaeus Blastares*, hieromonachus, seu sacerdos in aliquo monasterio. Ipse a. 1335. *alphabeticum* concinnavit *Syntagma* canonum, ex conciliis, Patribus, et Imperatorum legibus, sub certis titulis, litterarum ordine dispositis: quod a Beveregio in Pandectis canonum est editum, praemissis prolegomenis de eo. Inpendit quidem utilem locis in hoc opere emendandis operam Cotelierius in notis ad monumenta Graeca, sed plura reliquit corrigenda. Ceterum exstat et ibi donatio famosa Constantini M., cum *quaestionibus matrimonialibus*, in Jure Graeco Romano editis. Hujus etiam seculi, et non, quod multis visum, XII^{mi}, est *Constantinus Harmenopolus*, de quo vid. Fabricius Bibl. Gr. vol. X., vir in Jure Civili et Canonico peritissimus, qui nomen Antecessoris, non nisi senibus, et bene meritis, concedi solitum, jam accepit annos 28 natus. Fuit etiam multis honoribus illustris, et magna praeditus autoritate, Sebastus et Curopalata sub Johanne Palaeologo, dein Praefectus Thessalonicae et Nomophylax, obiit a. 1380., vel 1383. Praeter alia descripsit *epitomen divinorum et sacrorum canonum*, in Leunclavii Jure Graeco Romano, ut et librum de sectis *haereticiis*, cum confessione fidei Orthodoxae in Auctario Bibliothecae Patrum Ducaeano, denique, tomum contra Greg. Palamam, apud Leonem Allatium, in Graecia Orthodoxa.

CONTROVERSIA INTER GRAECOS AGITATA.

§. CCCLXVII. Cum praecipui autores, qui quaestionis de lumine Taboreo, creato, an increato? serram recipiunt, fuerint Palamas, Barlaamus, et Acyndinus, de iis antea agam, quam quaestionis intellectum et historiam dem. *Gregorius*

gorius Palamas, gente Asiaticus, in aula Imperatoria licet educatus, et opibus adfluens, vitam elegit Monasticam, quam primo decennio in monte Atho, altero decennio in Berrhaeae Scete degit. Unde Thessalonicam delatus sese Monachis, qui a Barlaamo infestabantur, ducem praebeuit, et controversiae de lumine Taboritico fundamenta jecit, quae ab eo tempore magnis animorum motibus est agitata. Usus est Johanne Cantacuzeno, Imperatore, familiari et patrono; quare causa ejus maxime triumphavit. Bis constitutus Episcopus, neutram sedem potuit obtinere. Priore vice Patriarchae CPol. ab Imperatore designato restiterunt Episcopi, qui Isidorum voluerunt Patriarcham: altera vice consecratus quidem est, jussu Imperatoris ab ipso Isidoro Patriarcha Archiepiscopus Thessalonicensis, sed a praefectis urbis non admissus: quando in Lemnum insulam secessit, tantoque vixit in otio. Unde a Cantacuzeno evocatus interfuit Synodo CPolitanae a. 1351. et contra Barlaamitas, ac Acyndinistas, strenue disputavit, eosque condemnari fecit. Multa conscripsit opuscula, quorum praecipua sunt contra memoratos adversarios, alia contra Latinos, quorum acerrimus fuit adversarius: sed plurima opera sunt inedita. Exstant duae Orationes in *Transfigurationem Domini* in monte, quibus probare nititur, lumen illud fuisse increatum, nec tamen Dei essentiam, apud Combefisium, in *audario novissimo* tom. II. Duae etiam supersunt contra Latinos *demonstrativae* de Spiritu S., editae Londini; denique refutatio *epigrapharum* Johannis Vecchi apud Arcudium in *Opusculis aureis*. Ceterum Palamam fuisse quoque *imaginum* hostem, et imagines sacras Sanctorum a Palamitis in ignem aliquando conjectas, tradit Nicephorus Gregor. hist. l. XIX. l. 3., illorum qui viderunt testimonio nixus: addit, Palamitas, plebis inpetum veritos, id dissimulasse, quin se eas adorare finxisse. Denique Palamam in eucharistia tenuisse, *panem* et *vinum* non esse ipsum corpus et sanguinem Christi, sed *τύπον* *typum* et figuram, ex eodem Grego-

rio l. XXIV. haud procul a fine patet; absque tamen, ut verum Christi corpus adesse negaverit. Tenuit enim Iconomachorum opinionem sec. VIII.

§. CCCLXVIII. Adjungantur ipsi duo ejus acerrimi adversarii, Barlaamus et Acyndinus unde Barlaamistae et Acyndinistae sunt dicti. *Barlaam* fuit Calaber, ex urbe Seminaria oriundus, tribus adsumtis personis famosus, et per controversiam Palamiticam celeberrimus. Inter Latinos educatus eorum causam egit contra Graecos, dein ad Graecos delatus, sese Latinis opposuit, et ab Imperatore legatus ad Ipsos missus, Synodum generalem foriter, sed in casum, urisit: exstant illae Orationes apud Bzovium a. 1339. Denique cum Palamitae apud Imperatorem primas tenerent, sese rursus ad Latinos contulit, eorumque causam contra Graecos tuitus est: quare factus est Episcopus Gyracensis, seu Hieracensis, in regno Neapolitano. Quae personae mutatio in causa fuit, quare nonnulli duos distinxerint Barlaamos, sine solido fundamento. Vid. Basnage in Observatione praemissa opusculis Barlaami apud Canisium. Cum vero inter Graecos versaretur, incidit in Monachos Hesy-chastas, quos, errore eorum intellecto, accusavit apud Johannem Patriarcham CPolit., et oppugnare coepit: quorum causam cum Palamas susceperit tuendam, motus inde orti sunt. Varia scripsit pro Latinis et contra eos, quorum aliqua exstant. Edidit nonnullas Epistolas pro causa Latinorum, et ad unionem spectantes, Canisius Antiq. Lection. tom. IV. Variis vero epistolis, jam Episcopus Gyracensis, demonstrare conatus est, Romanam Ecclesiam esse veram, Graecorum vero schismaticam non tantum, sed et haeticam. Spiritum S. esse ex Patre Filioque multis argumentis subtilibus probat. Librum ejus contra Primatum Papae luci exposuit Salmasius ad calcem libri de *Primatu Papae*. Ceterum varios ei inputavit errores Simeon, Archiepiscopus Thessalonicensis sec. XV., in Opere de *fide, ritibus et mysteriis Ecclesiasticis*: inter quos est, preces lingua ignota
susas

fusas esse efficaciores. Vid. Warthon in auctario Ufferii hist. dogmat. etc.

§. CCCLXIX. *Georgius Acyndinus*, alter Palamitarum infestus oppugnator, sed et Latinorum accerimus adversarius, Monachus Graecus, qui et postea ipsius Barlaami errores refutavit, varia quoque condidit opera. Carmen ejus jambicum de erroribus Palamae exstat in *Graecia Orthodoxa* Leonis Allatii, duo fragmenta apud eundem de *consensu* etc. l. II. c. 16., denique duo libri de *essentia* et *operatione Dei* lucem viderunt cura Gretseri. Praeter hos duos praecipuos memorari merentur duo alii Palamitarum adversarii, *Johannes Cyparissiota*, cognomine sapiens, et *Manuel Caleca*. Prior scripsit *Palamitarum transgressionum* libros quatuor, quorum primum et quartum edidit Combesius in *auctario novissimo*; superest et aliud ejus opus, quod mysticam simul tradit Theologiam, sed Latine, opera Turriani, et inde in Bibliotheca Patrum. Alter, Manuel Caleca. Graecus quidem fuit, sed Latinorum patronus contra Graecos, et Ordinis Praedicatorum Monachus, hujus, et non superioris, seculi, cum contra Palamitas scripserit. Prostat ejus liber de *essentia* et *operatione Dei*, contra tomum Palamae, nec non de *fide* et *principiis fidei Catholicae*, ibid. apud Combesium. Fuerunt quidem alii adhuc Palamitarum oppugnatores, sed omnes non licet recensere, nec necesse est. De Nicephoro Gregora, et Demetrio Cydone, supra egi.

§. CCCLXX. Accedamus nunc ad ipsam controversiam, ex his fontibus explicandam. Vid. ex recentioribus Petavius dogmat. Theolog. tom. I., et Leo Allatius de consensu etc. l. II. c. 47. Originem quaestionis praebuerunt *Hesychastae*, *ἡσυχασταί*, Monachi, a quiete et animo inperterriti sic dicti, alias etiam *ὀμφαλοψύχοι* *umbilicani* appellati a Barlaamo non quod fuerint ventricolae, gastrimargi, ventres pigri, sed a modo, quo preces fundebant; capite scilicet ad pectus et umbilicum firmiter adposito,

oculis irretortis, suppressoque spiritu in eum locum intento, donec facultates animae ibi intuerentur, et laetitia ac divino lumine perfunderentur. Cui Monachorum sectae originem dederat sec. XI. Simeon aliquis, praefectus monasterii S. Mamantis in Xylocerio, seu circo ligneo, CPoli: de quo vid. Cangius in *Constantinopoli Christiana* l. I. Hic Simeon a Niceta Stethato, seu Pectorato, ejus discipulo, aliisque Graecis, miris extollitur laudibus, et junior Theologus eximie adpellatur. Vid. Leo Allatus de *Simeonibus*, qui etiam de scriptis ejus, ut orationibus et hymnis, disserit. Sed dum viveret in suspensionem jam incurrit errorum, etiam in carcerem conjectus, et multa passus est. Adseculae vero ejus videntur post ipsum latitasse, seseque apud montem Athon tenuisse quietos, donec a Barlaamo detecti, ac in lucem protracti, hoc seculo, horum motuum ansam praeberint. Barlaamus enim hos homines offendens, eorumque instituta percipiens, in primis, quae de modo orandi, et luminis circumfusione, tenebant, in eos tanquam inpostores, Massalianos, Omphalopsychos, similisque generis fanaticos, inpetum coepit facere. Monachi vero Thessalonicensis, homines simplices et rudes, ut Barlaami spiritum sedarent, nihil mirum aut absurdum in eo esse contendunt, quod divinum lumen oculis corporeis conspiciatur, cum lumen, quo in monte Tabor circumfulserunt Apostoli, fuerit increatum, et ipsius essentiae Dei essulgescentia. Unde mox originem repetiit controversia de lumine increato essentiae divinae, et Taboreo creato, an increato? et Monachorum causam suscepit Palamas. Quam historiam atequam enarrem, ipsius quaestionis intellectus pandendus est.

§. CCCLXXI. Quaestio fuit duplex, una de essentiae et *δυνάμει* vel *εργείας* potentiae ac operationis, seu efficientiae, distinctione in Deo, altera de lumine Taboreo, essentiae divinae efficientia increata, an creata? Monachi memorati et Palamitae operationes et potentias Dei distinxerunt ab ipsa.

ipsa essentia et substantia, tanquam ejus effecta, et effluvia naturalia, coaeterna quidem et increata, sed ab essentia diversa, et inferiora, instar radiorum solis, a sole distinctorum, et eo inferiorum. Has vero potentias Dei statuerunt esse effectrices causas rerum, quae creatae sunt, quaeque conservantur et diriguntur, adpellari etiam posse *Θεότητες Deitates*. Vid. Nicephorus Gregoras Hist. l. XVI: 5. XIX: 3. et XX: 2. Tenebant porro, quoad alteram quaestionem, lumen, quo cincti sunt in monte Apostoli cum Christo, esse ipsissimum tale essentiae Dei effluviū increatum, quo et beati fruuntur in coelo, et in quo Deum vident, ac participant, cum ipsa essentia Dei nec visibilis sit nec participari possit. Videtur horum hominum hypothesi fuisse, essentiae Divinae quid corporei, vel materialis, inesse: ut Beausobre hist. Manich. p. II. p. 470. jam observavit, quae multorum quoque Patrum fuit opinio.

§. CCCLXXII. Quaestione hac inter Palamam, Monachorum patronum, et Barlaamum, eorum accusatorem et adversarium, mota, et per tres annos agitata, Synodus est a Johanne Patriarcha CPol. indicta a. 1341., cui ipse praesedit, et Andronicus Imperator praesens adfuit, sed quid in ea actum et decretum sit, autores dissentiunt. Ipse Patriarcha apud Leonem Allacium l. cit. tradit, Barlaamum fuisse duobus in capitibus damnatum, quoad lumen Taborem et Orationem: praeterea utrique parti, et Palamae et Barlaamo, silentium inpositum: de ipsis vero dogmatibus controversis nihil actum, aut definitum. Refert vero Niceph. Gregoras l. XI: 10., ad Imperatoris nutum quaestionem tantum esse propositam de *precatione*, quae vero ad mysteria Theologica pertinent, *silentio regi oportere visum fuisse, tum quod sacra Theologiae mysteria profanis vulgi auribus non ingerenda essent, tum, ne Barlaamo, inepti oris et animi rationes reddente, Palamas etiam blasphemae et inopportuae Theologiae reus videretur esse, atque inde non pax et bonus ordo, qualenus*

res flagitarent, sed tumultus et indiscreta confusio oriretur. Sed Synopsis Synodica apud Petavium l. cit., quae Synodum eam adpellat Oecumenicam nonam, diserte tradit, doctrinam Palamae de essentiae et operationum distinctione, operatione increata, ex Deo emanante, ac lumine Taboreo increato, esse sancitam, contraria damnata. Quod etiam confirmat Synodi quartae, in hac causa habitae, tomus apud Combefisium. Addit Cantacuzenus, sed Palamae patronus, hist. l. II. c. 40., Barlaamum cecinisse palinodiam, et in gratiam rediisse cum Palama et Monachis. Post hanc Synodum, Barlaamo in Italiam ad Latinos profecto, continuante controversia inter Palamam et Barlaami discipulos, quorum praecipuus erat Gregorius Acyndinus, alia mox est coacta Synodus, eodem Patriarcha praefide, cum Cantacuzeno, adhuc magno Domestico; in qua, praeter Barlaamum, damnatus est Acyndinus, cum reliquis adseclis, ut Cantacuzenus l. cit. narrat. Conscriptus etiam pro more est tomus unus actorum. Secuta mox tertia est Synodus, praefide Anna Augusta, ejusque filio Johanne Palaeologo; in qua ipse Patriarcha Johannes, quod Barlaami et adseclarum dogmata sequeretur, sede est depositus; ut idem historicus lib. III. narrat. Denique a quarta Synodo, inperante Cantacuzeno, eodemque cum Calixto, novo Patriarcha, praefidente, dogmata Palamae sunt adserta, et Barlaami adseclae damnati, ac depositi: inter quos fuerunt Episcopus Ephesus, Gani metropolita, Nicephorus Gregoras, Dexius, et alii. Exstant acta Synodi in *auclario novissimo* Combefisii Vid. etiam ipse Cantacuzenus l. IV., et David Monachus in sua relatione; denique Niceph. Gregor. l. XVIII. et XIX. Atro admodum carbone membra Synodi notavit Nicephorus Gregor. Hist. lib. XVIII. cap. 3., his notabilibus verbis, quae hic legi merentur, et in multas Synodos ejus naturae conveniunt. *Quoniam itaque praeter Thraciam nulla amplius Provincia Romanis (Graecis) supererat, solos Thraciae Episcopos statim accersit (Cantacuzenus,) nec eos quidem omnes, sed*
quos

et quales consilii sui adjutores habiturum se, sperabat: autem non plures quam duo et viginti: atque eorum plene constabat intrusos esse in locum virorum sanctissimorum, injuriam expulso- rum, eisdemque Palamae erroribus impiis manu subscripsisse; quorum alii ab aratro et ligone vesperam redire solebant, vix prima rerum elementa arte enunciare edocti, alii non ita pridem sacrilegia admiserant, et se identidem in lupanaribus volutaverant, nec, ut ad dignitatis gradum eveherentur, aliud quidquam contulerant, professionem ejus haeresios, quam impius Palamas instituit.

Vid. etiam investiva ejus oratio coram Cantacuzeno imperatore, ibid. cap. 4., ferventissimo zelota dignior, quam modesto et pacifico. Præter haec Concilia Palamae erunt, præter Cantacuzenum Imperatorem, qui ipsum in quoque ornavit elogio hist. l. IV. c. 3. Isidorus Pacha ab ann. 1347., Cabasilas jam senex, antea ejus ad- jarius, Josephus Bryennius in Oratione de transfiguratione Christi, denique præ reliquis Philotheus, primum præ- tus Monachorum in monte Atho, dein Heracleae Episcopus, denique Patriarcha Constantinopolitanus, qui Palamam multis condidit scriptis, quae nondum prodierunt.


NESTORIANI ET EUTYCHIANI.

CCCLXXIII. De Nestorianis nihil habeo, quod obser- meretur, nisi quod ab a. 1318. federit Patriarcha Theus II., qui librum de sacramentis Ecclesiae edidit, is capita recenset Assemanus Bibl. Orient. tom. III., nihil singulare habent. Syro Jacobitarum Patriarcha titius, qui ab initio seculi sedit, ideo adtingendus est, id nomen Ignatii fuerit ab ipso ad successores, ad haec ra tempora usque, derivatum, neglecto eorum ordine, illud nomen antea gesserant, quodque sub ipso natum om. VI.

Ggg

fic

sic inter Jacobitas schisma, usque ad a. 1494., quo inter se divisi sunt Orientales et Occidentales, quorum illi Patriarcham habuerunt Ignatium, hi vero Constantinum, qui Ignatii quoque nomen adoptavit. *Coptorum* denique historia nihil quoque suppeditat memorabile, nisi quod aliquam passi fuerint Christiani persecutionem, initio seculi, sedente Johanne VIII., eorum Patriarcha: sed quae post unum annum sedata est, et in Ecclesiis clausis praecipue sita.





SECULUM DECIMUM QUINTUM.

ECCLESIA OCCIDENTALIS.

SCRIPTORES ET STUDIA.

§. CCCLXXIV.



Rimum inter *Historicos*,
quorum ingens fuit copia,
locum meretur *Theodoricus*
Niemus, seu de Niem,
vir celebris, et corrup-

tae aulae Papalis acerrimus castigator: de cuius laude vid.
L'Enfant Concil. Pisan. l. II. Fuit Westphalus Germanus,
Clericus Lucensis, Romanorum Pontificum scriba, qui curia-
am illam per annos 37 et ultra frequentavit, dein Episco-
pus Verdenſis electus, sed non factus, tandem Cameracensis
Episcopus defunctus a. 1417. Scripsit tres libros de schis-
mate Papali, quibus historiam ab a. 1378. ad a. 1418. per-
texuit. Accessit liber quartus, dictus, *nomen unionis*, in quo
de modis tollendi schismatis adhibitis a Principibus, de
fraudibus Gregorii XII. et Benedicti XIII. etc., agit. Ex-
stant multa ex his libris excerpta apud Goldastum de *Ma-
narchia Imperii* tom. II. Ipsi autem libri varie sunt editi.
Exaravit etiam vitas Pontificum a Nicolao IV. usque ad
Urbanum V., continuatas ab Anonymo ad a. 1418.; in
corpore Germanico Eckardi tom. I. Est quoque ejus histo-
ria vitae Johannis XXIII., apud Meibonium Scripta Ger-
man. tom. I.; nec non liber de *necessitate reformationis Ec-
clesiae in Capite et membris*, ab Harduo publicatus tom. I.

Ggg 2

concilii

concilii Constantiensis, sub nomine Petri de Alliaco. *Johannes Froissardus*, canonicus et Thesaurarius Chimacentis in dioecesi Lodivensi, composuit historiam Gallice rerum ab a. 1326. ad a. 1400., qua, praeter alias res gestas, narrantur in primis bella Gallorum cum Anglia. Varie prodierunt, sed valde corrupti et castrati. Epitomen utilissimam Latine composuit Johannes Sleidanus, quae cum Philippo Cominaeo, ex ejusdem versione, plus una vice edita est. *Gobelinus Persona*, Westphalus quoque Germanus, ex Officiali Paderbornensi, seu Vicario Episcopi, Decanus Bilefeldensis, contexuit Chronicon a mundo condito ad a. 1418., per sex aetates digestum, luci datum a Meibomio, in cuius corpore Germanico quoque reperitur.

§. CCCLXXV. *Leonardus Brunus Aretinus*, ex Italiae urbe Aretia, oriundus, Graece et Latine doctus, studiorum quoque humaniorum instauratoribus adnumerandus, ab Innocentio VII. in aulam adscitus, ei fuit ab Epistolis ab a. 1404., quo munere sub Johanne XXIII. adhuc functus est, dein, a Senatu Florentino in Hetruriam revocatus, munus Cancellarii Reipublicae obiit; mortuus a. 1444, et pro funere laudatus a Poggio, ejus successore. Quae Oratio extat in Miscellan. Baluzii tom. III. Scripsit *historiae Florentinae* libros duodecim, Latine editos a Sixto Brunone, et *commentarium rerum suo tempore gestarum in Italia*, ab a. 1378. ad a. 1440., varie editum, etiam in *thesauro Italiae*. Aua scripta praetereo, ut Epistolarum libros octo, de bello Italico et Punico. ex Procopio et Polybio, et verbo memoro egregiam Nannis Strozae, Equitis Florentini, laudationem, ab Aretino habitam in Miscellan. Baluzii tom. III., ubi et ipsius Aretini laudatio a Poggio extat. Successor ejus in munere, et in litteris resuscitandis aemulus, Florentinus et ipse, *Poggius*, ab Epistolis Innocent. VII., et sequentium aliquot Pontificum, dein Cancellarius Florentinus, cujus vitam et laudes multi dederunt, in primis Julius Niger, in *historia scriptorum Florentinorum*; multos autores Latinos veteres in lucem

em protraxit, et varia condidit monumenta, ad rem historicam et Litterariam pertinentia, hic non recensenda. fecerit notasse, ipsum octo libros *historiae Florentinae* composuisse, a primordiis urbis, in specie ab a. 1350. ad 15., apud Muratorium in *Scriptor. Ital.* tom. XX., praefata vita Poggii, praeterea Hieronymi Pragensis obitum, fasciculo *rer. expetend.* etc., et inter Hussi opera, denique varias epistolas et orationes, etiam invectivas in L. illum. Sed fuit litigiosus, et lascivi ingenii, qui ob *faciarum* librum, obscoenitatibus refertum, passim male au-

J. CCCLXXVI. Habuit et Anglia historicum non incerem, *Tomam Walsinghamum*, Ordinis Benedictini Monachum, qui de rebus Anglicis duplicem conscripsit historiam, alteram breviorē ab a. 1273. ad a. 1422., alteram longiorē, ab irruptione Normannorum a. 1066. ad a. 1447., in utramque in lucem emisit Cambdenus inter Scriptores Anglicos Normannicos. *Flavius Blondus*, ut in Italiam reversus, Foroliviensis, nonnullorum Pontificum Secretarius, junctus a. 1463. scripsit, praeter *Romam illustratam*, et *hanc lustratam*, utilem librum de origine et gestis *Venetorum*, nec non tres decades *historiae Romanae*, a Roma peritricum capta a. 410. usque ad a. 1440., quarum epitomen dedit Pius II. Ad Historicorum classem referri quod potest, qui ad Canonistas ceteroquin pertinet, *Antonius Florentinus*, Ordinis Praedicatorum, et Archiepiscopus rentinus, insignis pietatis laude conspicuus, quin, utitur, multis miraculis clarus, et sanctis adscriptus a. 1523. haec canonizationis exstat praemissa summae ejus historiali. et etiam Baluzius Misc. tom. III. Scripsit, praeter alia *opus Canonicum* peritricum, *summam historicalem*, seu chronicon tripartitum, a Muro condito ad a. 1459. Quod opus id quidem est contemnendum, sed scatet fabulis. *Mateus Palmerius*, et ipse Florentinus, qui concilio Florentino interfuit, de quo postea, et summae fuit dignitatis, ora-

ter et historicus egregius. Fertur quidem ob Arianæ hæresios suspicionem flammis combustus, sed falso: Vid. *diarii* Eruditorum Italiae autores, et Muratorius Thes. Ital. tom. XIII. Tantum poema ejus, in quo cum Origene de origine animarum visus fuit facere, flammis est datum, sed ipse jam senex in honore defunctus est. Scripsit Chronicon a M. C. ad a. 1449. Quod ab a. 444., quo Prosperi Chronicon desinit, adjunctum est Eusebii et Prosperi Chronicis: Integrum vero nondum lucem adspexit. Scripsit etiam de captivitate Pisarum, a Florentinis expugnatarum, a. 1406.

§. CCCLXXVII. Historicorum catalogum etiam inplet *Petrus de Natalibus*, Venetus, Episcopus Equilinus, provinciae Gradenfis, quia *catalogum sanctorum et martyrum* confecit, quo vitas, miracula, et passiones, eorum complexus est, absolutum a. 1482. Jacobo de Voragine, et aliis similibus, quidem diligentior, sed ejusdem credulitatis, ac superstitionis. Prodit primum Vincentiae a. 1493. cum nonnullis sanctorum, nuperrime canonizatorum, gestis, ab Antonio Verke, nobili Vincentino: dein varie. Adjungatur ei celeberrimus Paparum historicus *Bartholomaeus Platina*, a patria Piadena sic dictus, antea proprio nomine *Sacchus*. Est autem verum nomen non, ut aliis videtur, Baptista, sed Bartholomaeus. Vid. Muratorius Script. Ital. tom. XX. ubi historia Mantuae, a Platina conscripta, comparet. Patria fuit Cremonensis, humili loco natus quidem, sed eruditione commendatus Bessarioni Cardinali, inter domesticos ejus adscitus, dein a Pio II. Papa *Abbreviatoris* Apostolici munere honoratus: sed a Paulo II. valde vexatus, carceri mancipatus, et equuleo inpositus, tanquam laesae majestatis, licet falso, reus, et tandem haeresios accusatus, non aliam ob causam, quam quod de immortalitate animae disputaret, et Philosophorum scripta legeret: denique a Sixto IV. honoribus auctus, et Bibliothecae Vaticanae praepositus: obiit a. 1482. Scripsit, praeter alia, argumenti moralis etc., notissimum

issimum illud opus de *Vitis Pontificum*, a Petro usque ad Paulum II., ab Onuphrio continuatum usque ad Pium V. Cujus variae prostant editiones, et in varias linguas versiones: hic non recensendae. Vitae illae, cum aliis Platinae opusculis, lucem viderunt Colon. a. 1529.

§. CCCLXXVIII. *Augustinus Patricius*, Italus, Canonicus Senensis, indeque Episcopus Pientinus (Pienza) in Heturia, scripsit a. 1480. historiam conciliorum Basileensis et Florentini, in tomis conciliorum obviam, praeterea historiam conventus Ratisbonensis, a. 1471. celebrati, in corpore Germanico Freheri, denique narrationem adventus Frederici III. Imperatoris ad Paulum II., in Museo Ital. Mabillonii tom. I. *Matthaeus Mareschallus de Pappenheim*, illustrissima natus familia, Juris utriusque Doctor, et Canonicus Augustanus, dedit *Chronicon Australe*, seu Austriae, antiquum, quo totius Europae res succincte refert, ab a. 852. ad a. 1327., quod plenius exstat in Freheri corpore Germano. edit. Struvii: ubi etiam ejus chronica, Augustanum, Elvangers in circulo Suecico, etc., reperiuntur. *Wernerus Rollwinck du Laer*, Westphalus, et Carthusianus Monachus, utilissimum concinnavit opus *fasciculum temporum*, ex antiquis chronicis per sex aetates digestum, ab O. Conditio ad sua usque tempora, seu a. 1480.; inter scriptores Germani. Pistorii, cum continuatione Lenturii ad a. 1514. *Marcus Antonius Coccius Sabellicus*, Italus, Liberalium artium apud Venetos doctor publicus, inter alia scripsit *historiarum* ab O. C. ad a. 1504. *enneades undecim*, nec non de rebus gestis Venetorum, ab urbe condita ad a. 1487.; quae opera ejus prodierunt quatuor tom. in Fol. *Donatus Bossius*, Mediolanensis, autor est *Chronici*, seu *conditionum et mutationum humanarum* historiae, ab O. C. ad a. 1492., nec non *Episcoporum et Archiepiscoporum Mediolanensium* ad a. 1489.

§. CCCLXXIX. *Jacobus Wimphelingius*, Germanus, ut in Germanis desinam, primum Spirensis Ecclesiae, dein
Ggg 4 paedago-

paedagogus in Gymnasio Heidelbergensi, acris ille ignorantiae et arrogantiae Monachorum castigator, a. 1528. mortuus, *epitomen* dedit Imperatorum, et rerum in Germania gestarum, inter scriptores German. Schardii, et Germaniae nationis *gravamina* contra sedem et curiam Romanam composuit, apud Freherum Script. German. *Johannes Trithemius*, utilissimus scriptor, qui seculum suum egregie illustravit, nomen traxit a Villa Tritenheim, in dioecesi Trevirensi, ad Mosellam fluvium, fuitque Benedictinus, et primum Abbas Spanhemensis, dioecesis Moguntiae, dein Herbipolensis, priore monasterio propter Monachorum factiones derelicto, mortuus a. 1519. Vir fuit laboriosissimus, et celeberrimus, ad quem undiquaque confluxerunt, qui in monasterio Spanheimensi instructissimam quoque erexit Bibliothecam, et ipse ingentem librorum conscripsit copiam, quorum alios collegit, et edidit, Freherus, duobus in fol. voluminibus, alios Johannes Busaeus in fol. et oct.: sed hi sunt maxime devotionis libri, Freherianae vero collationis sunt historici: quorum praecipuos recensuisse suffecerit. Sunt, *Catalogus scriptorum Ecclesiasticorum*, a Fabricio in *Bibliotheca* Scriptorum recusis, dein *Illustrium virorum* Germaniae, de viris illustribus *Benedictinis*, *Chronica* coenobiorum Hirsaugiensis, Spanheimensis, et Herbipolensis, denique *Epistolae* etc. Famosum vero est ejus opus *Steganographiae*, seu de ratione occulte scribendi, quod varia subiit judicia, dum alii, ut magiae plenum, illud damnant, alii defendant. *Johannes Nauclerus*, alias *Vergenhaut* (*Verge* enim, vel *ferge* est Germanis *nauta*, a verbo *ferien*, seu *fahren*) nobilis Suevus, Juris Canonici Professor, Cancellarius et Rector Academiae Tubingensis, a Duce Wirtembergico Eberhardo, cujus adolescentiae dirigendae fuit praepositus, erectae a. 1477., cum publico communicavit *Chronicon Universale* ab O. C. ad a. 1500., primum Tubingae publicatum, dein a Melanchthone auctum, et cum Basiliensi, monachi Hirsaugiensis, adpendice ad a. 1514., et ab alia

nia manu ad a. 1544., denique cum Surii continuatione ab a. 1500. ad a. 1561.

§. CCCLXXX. Sed omittendus non erat adcuratus rerum *Hungaricarum* scriptor, Antonius Bonfinius, Italus quidem, sed florente in gratia apud Matthiam Corvinum, Hungariae Regem, cujus hortatu res Hungaricas memoriae prodidit, ab ipsis gentis primordiis usque ad a. 1495. Prodiit liber cum additionibus et emendationibus Johannes Sambuci. Iubjungendus denique his omnibus est *Johannes Annii Viterbiensis*, Ordinis Praedicatorum, S. palatii Magister, famosus sua impostura, qua ficta monumenta sub vetustorum auctorum nominibus in publicum emisit, uti Berosi, Manethonis, Xenophontis, et aliorum, sicut a Doctis dudum detectum et demonstratum est. Obiit autor tempore Alexandri VI. Papae. Libri autem, quibus haec monumenta sunt comprehensa, sunt XVII libri *Antiquitatum variarum*, varie editi.

§. CCCLXXXI. Historicis succedant *Litteratores*, qui in omni fere litterarum genere fuerunt plures. Latinae litteraturae operam, praeter Aretinum et Poggium, de quibus modo dixi, dederunt sequentes praecipui. *Laurentius Valla*, *Triccius Romanus*, Theologiae Doctor, et Ecclesiae Johanne Lateranensis Canonicus, insignis litterarum stator, et elegantiarum sectator, nec non ineptiarum et barbarie teologorum acerrimus reprehensor; in quorum incidiere stertea odium, adeo infestum, ut sub Alphonsi V., Aragoniae Regis, ad quem confugit, protectione, vix rogo, cui inquisitoribus erat addictus, fuerit ereptus: crimen tamen in foro caesus eluere debuit. Ita quidem narratur, cujus veritatem praestare nolum, maxime cum Rodericus a Papa fuerit honoratus, et publice docuerit. Obiit a. 1465. Varia condidit opera, inter quae elegantiarum linguae Latinae libri VI., Annotationes in *Novum Test.*, de *libero arbitrio*, de ementita Constantini *donatione*, quae in *fasciculo rer. expet.* etc. exstat, *investigatio* in Poggium, apologia etc.: etiam de *gestis VI.*

Hhb

tis Ferdinandi, Castellae et Arragoniae Regis, ab a. 1410 ad 1415. Litterarum scientia et eloquentia celebris, simul varia fortuna jactatus, fuit *Franciscus Pinelphus*. De quo vid. Foppius in Miscell. Lipsi. tom. V. *Angelus Politianus*, a patria, urbe Etruriae sic dictus, praecipuus Litterarum instaurator, a. 1494. defunctus, variorum opusculorum autor fuit, quae maximam partem sunt epistolae, Critica, Miscellanea, translationes librorum Graecorum etc. Inputatur quidem ipsi contemptus sacrarum Litterarum, sed defenditur in *diario Italico* tom. XVIII. Ejusdem aetatis, utique eodem anno mortui, fuerunt Hermolaus Barbarus, et Johannes Picus. *Hermolaus*, nam de Pico postea agam, sub alio titulo, Patricius Venetus, a Republica Veneta ad Innocentium VIII. a. 1494. legatus, et infcio Senatu Patriarcha Aquilejensis constitutus, bonis est propterea mulctatus, civitate Veneta ejectus, exul Romae pauperem degit vitam. Vir fuit sui aevi doctissimus, optimisque moribus. Varia opera Aristotelis Latine vertit, castigationes Plinianas edidit, variis quoque Epistolas et Praefationes, orationem congratulatoriam ad Fredericum Imperatorem, compendium scientiae naturalis etc. Succedat denique vir egregius, et litterarum stator, *Rudolphus Agricola*. Friso, in pago Baslon, prope Groningam, natus, cognomine a *Siloha*, quod a coenobio Frisiae Orientalis *Silomonniken* repetit Harckenroth Bibl. Brem. class VII. linguis, Latin., Graec. et Hebr., peritus, aliisque scientiis probe instructus, primum Syndicus Groninganus, dein, per ingratos coactus cives, partim Wormatiae degit, partim Heidelbergae, utrobique litteras docens. Obiit Heidelbergae a. 1485. Opera ejus sunt aliquot translationes, ut Isocratis, Luciani, et aliorum, orationes, Epistolae, notae in aliquas Senecae declamationes, de inventionem dialectica, de universalibus etc., Elogium ejus exstat apud L. Vives ad Augustinum de *civitate Dei* l. I. c. 21., et vitam dedit autor *effigies* et *visarum* Professorum Groninganorum. Habet etiam nonnulla de ipso H. Ab in hist. Eccles. Palatin.

J. CCCLXXXII.

§. CCCLXXXII. Graecas litteras in Europam hoc seculo introduxerunt Graeci aliqui, qui patriae calamitatibus pressi ad Latinos confugerunt, secumque hanc litteraturam inter Latinos adtulerunt: quorum praecipui fuerunt Manuel Chrysoloras, Georgius Trapezuntinus, et Theodorus Gaza. *Manuel Chrysoloras*, ex antiquo Romanorum, qui cum Constantino M. in Graeciam venerunt, genere, natus Byzantii circa a. 1389., a Johanne Palaeologo in Occidentem legatus, ut Latinorum auxilium contra Turcas imploraret, omni ope frustra adhibita, confedit in Italia, et linguae Graecae studium, plusquam septingentis annis ibi neglectum, et ignotum, resuscitavit primus, Venetiis, Florentiae, Romae, et tandem Ticini, docens, insigni cum successu, ita etiam ut ex ejus schola plures prodierint viri egregii. Constantiam lenique, Synodi visendae causa, petens, ibi stante Synodo est defunctus a. 1414. Vid. elogium et epitaphium ejus apud L'Enfant *consil. Constant.* lib. II. et Pisan. p. II., ubi ejus imago quoque exhibetur. Pauca ejus tantum exstant opuscula, scilicet *erotemata Grammatica*, seu artis grammaticae regulae, *comparatio Veteris et novae Romae*, binae *Epistolae* ad Johannem et Demetrium Chrysoloras, ad calcem Rodini de Antiquit. CPolit. *Georgius*, in Creta licet natus, paterna tamen origine Trapezunte, Cappadociae urbe, iectus *Trapezuntinus*, Romam quoque profectus, Graecam in linguam, et liberales artes, professus est, multaque ex Graeca in Latinam transtulit. Cum vero Aristotelis solius umen adoraret, Platonem insuper maledico dente dilacerasset, multorum, inprimis Bessarionis, odium sibi concipavit, et ad miseram redactus est conditionem. Cujus misertus rex Alphonsus eum Neapolin evocavit, lautoque satis stipendio honestavit. Ceterum extrema senectute repuerascentem epit omniū rerum, etiam proprii nominis, oblivio: mortuus est nonagenarius a. 1486. Referunt vero nonnulli, nescio an satis solido fundamento, eum prae dolore et indignatione in delirium incidisse, quod loco insignis praemii

pro lucubrationibus suis, Papæ oblati, vilissimum acceperit; additur, eum pecuniam a Papa datam projecisse in Tiberis, cum exclamatione, *perire labores, pereat et ingrata merces*. Opera ejus sunt parum translationes Patrum, et Rhetoricorum Aristotelis, parum ab ipso composita, uti de processione Spiritus S. contra Graecos, de dialectica et partibus Orationis, de comparatione Platonis et Aristotelis, etc. Epistola ad Johannem Palaeologum, qua ipsum hortatur; ut in Italiam ad Synodum veniat, exstat ad calcem G. Phranzae protovestiarii. Denique notatu dignum est, ipsum in expositione dicti Christi Joh. XXI. *si volo cum manere de nec veniam*, contendere, Johannem Evangelistam nondum esse mortuum. *Theodorus Gaza*, Thessalonicensis, in Italiam a. 1430. adpulsus, utriusque linguae Latinae et Graecae peritus, obtinuit, ope Bessarionis, sacerdotium in magna Graecia; quam tamen sedem non occupavit, nisi postquam expertus didicisset, lucubrationes suas Papæ Sixto IV. nimis vili pretio aestimari. Obiit a. 1478. Varia Veterum scripta Latine vertit, Grammaticam concinnavit Graecam, de Mensibus Atticis scripsit, et de Origine Turcarum in Symmictis Leonis Allatii tom. II.

§. CCCLXXXIII. In *Hebraica* litteratura laudes nacti sunt Johannes Reuchlinus, et Aelius Antonius Nebrissenfis. *Johannes Reuchlinus*, alias Capnio, natione Germanus, patria Suevus, primus litteras Latinas, Graecas, et Hebraicas resuscitavit in Germania. Studiis feliciter absolutis, ab Eberhardo Comite Wirtenburg. in aulam adscitus, et ad Imperatorem legatus, elementa Hebraea didicit a Judaeo quodam, dein, rebus Wirtenbergicis turbatis, in aulam Comitis Palatini Philippi concessit, et Romam est ablegatus: ubi a Judaeo Abdia eam linguam adcuratius hausit; licet magno suo dispendio, pro singulis enim horis singulos dedit ipsi aureos. Rediit dein, rebus Wirtenberg. compositis, Tubingam, et quatuorviris Provinciae Suevicæ Judicibus adscriptus omnem ab eo tempore inpendit operam linguae Hebraeae promovendae.

vendae, sed ringentibus Monachis et Scholasticis, qui, Duce Johanne Hochstrato, ordin. Praedicatorum, et Academiae Lovaniensis Decano, in eum inpetum fecerunt, eique haeresi-
os inusserunt notam, quasi Judaeorum esset et Gentilium fautor.
Nec intra hos limites sacer eorum furor mansit, verum in ipsos
Judaeorum libros sese effudit, quos conburi, et litteraturam
Hebraeam e republica Christiana eliminari, voluerunt. Quam
rem apud Papam non tantum urserunt, sed et ab Impera-
tore inpetrarunt edictum, ut omnes Judaeorum libri, excep-
tis Bibliis, flammis traderentur. Opposuit vero sese iis Reu-
chlinus, et cucullatorum inscitiam, ac malitiam, false per-
strinxit, scriptis *obscurorum virorum epistolis*, quae ab Hut-
tenio sunt editae: quibus ridiculus Monachorum et Scho-
lasticorum, Latine scribentium, stilus vivis depingitur co-
loribus. Cum autem Monachorum precibus inductus Papa
Leo X. epistolas illas damnasset, aliud simile, et alio sub
titulo, volumen publicavit mordacius Reuchlinus. Contro-
versia de libris Judaicis a Papa demandata iudicibus, quos
delegavit, ipsi hi secundum Reuchlinum pronunciarunt,
et Monachi ad Papam adpellarunt. Interea Erasmus et
Huttenus patrocinati sunt Reuchlino, ipsaque controversia,
gravioribus litibus cum Luthero suscitatis, mansit indecisa,
et Reuchlinus in Hebraeis et Graecis litteris in Academia
Ingolstadiensis docendis perrexit, obiit a. 1521. Scripsit
de arte Cabbalistica, et varia ad litteraturam Hebraeam
pertinentia, aliaque similia: uti in Psalmos septem poeniten-
tiales, ex Hebr. versos, dialogum, an Talmud sit suppri-
mendum? denique obscurorum virorum epistolas memora-
tas. Ceterum de Capnione, ejusque studiis et litibus, vid.
Seckendorf, hist. Lutheran. a. 1520., et Alting hist. Eccles.
Palatin. c. 5. Varia vero scripta ea de causa edita, et re-
center publicata, sunt ab Herm. van der Hart hist. litterat.
Reformat. p. II.

§. CCCLXXXIV. Trium linguarum, ac studiorum huma-
norum, in Hispania instaurator fuit *Aelius Antonius Nebri-
senfis*,
Hhh 3

sensis, seu de Lebrixa, qui Salmanticae ac Compluti docuit, sub auspiciis Cardinalis Ximenii, insignis litterarum et litteratorum fautoris, a quo etiam iis fuit adsociatus, qui Bibliorum Complutensium editionem procurarunt: unde tres Nebrissensis quinquagenae sunt ortae *locorum Scripturae non vulgariter enarratorum*, seu criticae responsiones ad quaestiones Biblicas, quarum tertia quinquagena tantum exstat, in Bibliis, sic dictis, Criticis, et seorsim. Prima enim et secunda est per Inquisitores suppressa: quid? quod ipsi Antonio haeresios crimen imputarint; quod Hebraicam et Graecam excoleret litteraturam, et sola artis *Grammaticae fides* Scripturam adgrederetur explicare, uti in apologia ad Ximenium refert. Defunctus est a. 1522. Scripta ejus licet ad litteraturam praecipue spectent, edidit tamen etiam, praeter homilias aliquot, opus historicum de rebus, et Ferdinando et Elizabetha, Hispaniarum regibus, gestis usque ad a. 1509., nec non de bello Navarrensi contra Joannem Navarrae Regem a. 1512.

§. CCCLXXXV. Inter Scripturae S. *commentatores*, de quibus agere incipio, principem obtinet locum *Aiphonsus Tostatus*, Hispanus, qui litteras et artes liberales primum docuit Salmanticae, dein Episcopus Abulensis, et Regi a secretioribus consiliis fuit. Vir habetur omni scientiarum genere instructissimus, summae diligentiae, et memoriae stupendae, cui nihil unquam excidit, Hispani ipsum hoc ornarunt elogio.

Hic stupor est mundi, qui scitabile discutit omne.

Plura spatio viginti duorum annorum scripsit, quam quis per aetatem legat, vel legeré velit. Exstant commentariorum ejus in Scripturam S. 27 tomi in Fol., una cum indicibus, et opusculis ejus. Nitore non tantum caret stilius, sed et genus commentandi est nimis diffusum, multisque quaestionibus refertum. Obiit a. 1454. Laudem hac parte meruit

meruit *Paulus Burgenſis*, etiam de Carthagera dictus, ortu Judaeus, Salomo Levi nominatus, per Tomae lectionem ad Christianismum converſus, cum tribus filiis a. 1390., inde primo Carthaginienſis in Africa, dein Burgenſis, Episcopus, et Archicancellarius regis Castellae et Legionis; scripsit *scrutinium* Scripturae, sive dialogum Sauli et Pauli contra Judaeos, praeterea *additiones* ad N. Lyrae *postillas* ad Scripturam, quibus Judaeorum opiniones saepe refutat, denique *quaestiones duodecim* de nomine tetragrammato, quae ex additionibus ad Exod. III. desumptae sunt, et reculae ad calcem Drusii de hoc nomine, et in Relandi collectione. Adnumerari quoque commentatoribus potest *Dionysius Carthusianus*, qui, praeter multa alia, maximam partem Spiritualia et moralia, commentarios compilavit in totam Scripturam: de quibus legi meretur R. Simon hist. Crit. N. T. III: 34. Ceterum Dionysius de Leewis, patria Ryckelius, in dioecesi Leodicensi magister artium Colonienſis inter Carthusianos Ruremundae apud Geliros nomen suum professus est, et diem obiit a. 1471., dictus Doctor Ecstaticus, et visionibus, ut putabatur, illustris.

§. CCCLXXXVI. Primus ordine temporis hujus seculi *Theologorum*, quorum praecipui restant recensendi, fuit *Petrus de Alliaco*, Gallus, e tenuissimae fortis parentibus, circa medium superioris seculi, natus, sed ad supremas evectus dignitates. Fuit primo Collegii Navarrei Parisienſis Magister et moderator, dein ipsius Academiae Parisienſis Cancellarius, dein Anicienſis, seu Vellarenſis, denique Cameracenſis Episcopus, tandem Cardinalis: *aquila Franciae*, et *aberrantium a veritate malleus indefessus* dictus. Interfuit Synodo Pisanae, et Constantienſi, cujus tertiae sessioni praefuit, et per triennium pars magna fuit. Persuasit quoque Benedict. XIII., ut festum *Trinitatis* decerneret celebrandum ubique terrarum. Defunctus est a. 1425. Inter ejus scripta, bene multa, ut in libros sententiarum, in Hexaemeron, in Psalmos aliquot, ne alia memorem, attentionem

meretur in primis liber de *emendatione Ecclesiae*, Synodo Constantiensi oblatum, in *fasciculo rer. expetend* etc., et in *memorabilibus* Wolfii, nec non de Ecclesiae et Cardinalium auctoritate, inter Gersonis opera, denique de *difficultate reformationis in concilio generali*, apud Hardtium Concil. Constant. tom. I., et in Gersonis editione Dupiniana. Eo non minor, quin superior, fuit discipulus ejus *Johannes Gerson*, a viculo Rhemenfis dioecesis, unde erat oriundus, sic dictus, more satis recepto iis, quorum obscuriores erant maulles, elogio *Doctōris Christianissimi* ornatus. Fuit gente Gallus, et studia in collegio Navarrensi confecit, cujus etiam factus est Magister a. 1392., inde Cancellarius Parisiensis, adeo praeclare in eo munere versatus est, ut *Cancellarius* soleat eximie adpellari. Praecipua vero ejus negotia fuerunt in schismate Paparum tollendo, et Johannis Parvi adsertione jugulanda. Synodis Pisanae et Constantiensi interfuit, et Ecclesiae ac Synodi Universalis auctoritatem supra Papam vehementer urisit, Papas deponi posse contendit, ut in tractatu, *de auferibilitate Papae ab Ecclesia*. Controversia cum Johanne Parvo ex Ludovici Aurelianensis nece, a Johanne Burgundiae Duce procurata, originem habuit, quippe quam tanquam illicitam oppugnavit Gerson, defendit Johannes Parvus, qui contendit, tyrannum ab unoquoque, ubicunque, et quocunque modo, licite trucidari. Quam temerariam adsertionem Gerson non tantum sermonibus et scriptis refutavit, sed et a Facultate Parisiensi fecit condemnari. Vid. L'Enfant concil. Pisan. p. II., ubi Ducis Burgundiae apologia etiam recensetur: historiam vero domum Aurelianensis et Burgundicae divisionis, indeque ortae necis Aurelianensis, clare et succincte enarravit Varillas hist. haeref. lib. II. Incurrit vero Gerson eo ipso in odium Ducis Burgundiae, et Burgundionum, qui causam illam Synodo Constantiensi, quae sess. XV. propositionem, autore non nominato, in genere damnaverat, denuo decidendam obtulerunt, et triumpharunt. *Judices enim, a Synodo ad*

eum

eam rem delegati, censuram Parisiensem abrogarunt, et Synodus eorum iudicium confirmavit, nequicquam repugnante Gersone: qui ab eo tempore, Lutetiam, quam Johannes Burgundiae Dux tenebat, reverti, et munus Cancellarii repetere, non ausus, Lugdunum concessit, et reliquum vitae tempus, ibi delitescens, libris scribendis, ac parvulis catechizandis, impendit, mortuus subito inter orandum a. 1429. Receptae doctrinae licet adhaeserit, furiosus etiam zelctus fuerit, qui ad Johannis Hussi condemnationem multum contulit, acerrimum sese nihilominus praestitit corruptionis Ecclesiae sui temporis in Capite et membris castigatorem. Taxat saepe in Clero ignorantiam, superbiam, superstitionem, libidinem, luxum, rerumque mundanarum studium. Ecclesiam, inter alia dicit, factam esse stabulum porcorum grunientium, vel canum latrantium, vel ridicularum finiarum, etc. Vid. excerpta ex ejus libris in fasciculo rerum fugiend. etc. tom. II. Flacium Illyricum in catalogo testium, et Richerium Sorbonicum concil. tom. II. Opera Gersonis novissime et optime sunt edita quinque vol. in Fol. a Dupinio, additis Gerlonianis, ad exemplum Origenianorum Huetii, nec non aliis scriptis adnexis; ingentemque praebent ad seculi notitiam usum.

§. CCCLXXXVII. *Tomas Waldensis*, a natali etiam solo sic adpellatus, ex vico Walden in agro Essexiensi oriundus, Carmelita, conciliis quoque Pisano et Constantiensi interfuit, et contra Antipapam Gregorii et Benedicti partes fortiter disputavit, ad schisma tollendum: sed nec minore zelo sese Wiclefistis ac Hussitis opposuit, ita ut Henricum V., Angliae Regem, pro concione non erubuerit increpare ob socordiam in puniendis haereticis; quam ob causam a sacris confessionibus Regi meruit adhiberi, tanquam unicus fidei pugil. Unde etiam ejus doctrinale antiquitatum fidei Catholicae, contra eos haereticos, est natum: quod ex innumeris aliis ejus operibus solum exstat inpressum, obiit a. 1430. Longe melioris animi fuit *Reginaldus Pava*, Anglice

glice Peacock, Anglus, primum Episcopus Asaphensis, dein a. 1450. Ciceltriensis; qui quidem id operam dedit, ut Wiclefistas, vulgo Lollardos, ad unitatem Ecclesiae reduceret, sed ita, ut supplicia capitalia inprobaverit vehementer, ac mitius, et rationali modo, cum iis agi voluerit. Praeterea gravissimos in Ecclesiae regnare errores et superstitiones agnovit, Ecclesiae repraesentativae, sive Papa sit, sive Concilium generale, infallibilitatem, quae tunc maxime venditari coeperat, acriter inpuignavit, aliosque errores et abusus Ecclesiae ingenue notavit. Quare ad Synodum Lambethanam citatus, haeresios accusatus, et ad palinodiam compulsus est, a. 1457. Vid. de ipso, et scriptis ejus, quae Anglice supersunt, Warthon ad Cave Script. Eccles., ubi etiam duo occurrunt excerpta, quibus et apocrypha, Bibliis adnexa, repudiantur, et nuptiae sacerdotum adprobantur.

§. CCCLXXXVIII. Inter eos, qui de seculi corruptione testati sunt, haud infimum meretur locum *Nicolaus de Clemangis*, Gallus, in vico Clemangi, provinciae Catalaunensis, natus; vir sinceri animi, intrepidus vitiorum censor, simul elegantioris stili, dictus *Doctor Theologus*. Studia confecit in collegio Navarrensi, praeceptore Johanne Gersono usus a. 1393. Rector ab Academia Parisiensi creatus, et scribendis epistolis adhibitus est, unde in curiam Avenionensem Papalem a Benedicto XIII. accitus Papae fuit a secretis. Cum vero Papa Galliae regnum, edicto regio ejus obedientiae subductum, supposuisset interdictio sacro, Clemangius in suspicionem scripti interdicti venit, a qua sese non nisi aegre, et post pericula, purgavit. Postea sese ad Lingonenses conferens, Thesauriatus munus, ipsi antea oblatum, capeffivit, sed, quo deinceps abdicato, Ecclesiae Bajocensis, non, ut putatur Archidiaconus, sed Cantor, est constitutus. Obiit a. 1440. Scripta ejus, quae maximam partem junctim edidit, cum analectis et glossario, Joh. Mart. Lydius, Ecclesiae Veteraquaniae pastor, sunt, praeter epistolae,

tolas, varii tractatus, ad schisma extirpandum, et Ecclesiarum unionem, tendentes, praeterea de corrupto Ecclesiae statu, de novis festis non instituendis, de Antichristo, de Praesulibus Simoniacis. Praeter haec scripta exstat liber de studio Theologiae in spicilegio Dacheriano tom. I. et Epistolae nonnullae ibid. et in Miscellan. Baluzii tom. VI.

§. CCCLXXXIX. *Alphonfus Spina*, Hispanus, ex Judaeo Christianus, Franciscanus, Academiae Salmanticensis Rector, ac fidei inquisitor, denique, ut putatur, Episcopus Orinopolitanus, celebre reddidit nomen suum opere, cui titulus, *fortatitium fidei contra Judaeos, Saracenos, et haereticos*: ipsum enim ejus esse autorem Mariana de *rebus Hispanicis* tradit, nec ratio est dubitandi. Prodiit primum Norimbergae a. 1494., dein Lugduni a. 1511.; sed antiquiorem memorat editionem a. 1487. R. Simon. Liber propterea magni est faciendus, quod inde disci queat, quaenam hoc tempore fuerit Ecclesiae Romanae doctrina, quibus rationibus oppugnari et defendi solita, quae porro dogmata pro fidei articulis habita sint, qua denique ratione cum haereticis fuerit actum: et quae similia alia sunt. Summam libri satis amplam dedit Warthon ad Cave, sed ob unoquoque legi meretur.

§. CCCXC. Superfunt duo viri egregii, qui Reformationi praeluserunt, Johannes de Wesalia, et Johannes Wesselus Hermanni, familiares etiam amici, et ejusdem instituti, probe tamen a se invicem distinguendi. Vid. Oudinus script. Eccles. tom. III. *Johannes de Wesalia*, qui in Academia Erfordiensis praecipue docuit, nimia in docendo et concionando usus libertate est, quam ut ab Orthodoxis ejus temporis ferri potuerit. Cum Wormatae concionaretur, quaedam ex ore ejus paradoxa sunt a Tomistis excerpta, quae in *fasciculo rerum fugiend.* etc. tom. I. exstant, quibus Doctorum infallibilitas, divina festorum institutio, et jejuniorum, Romanae quoque peregrinationes, aliaque capita, vel negantur, vel in dubium vocantur. Unde Inquisitorum nata est persecutio, qui libros ejus accuratius ad examen revoca-

runt, et errorum ejus concinnarunt catalogum; inter quos sunt, solam Scripturam S. esse fidei normam, Ecclesiam non esse infallibilem, substantiam panis in eucharistia manere, indulgentiarum nullum esse pretium, Spiritum S. ex Patre magis quam Filio procedere, etc. Coactus fuit, ut ignem evaderet, palinodiam canere. Vid. *fasciculus citatus*. *Johannes* vero *Wesselus*, ob doctrinam et pietatem dictus *Lux mundi*, fuit Groninganus, qui Groningae et Swollae linguam Latinam, sed Coloniae Graecam ac Hebraeam, didicit, dein Parisiis magis excoluit. Heidelbergam ad Cathedram Theologicam vocatus, eo quidem profectus est, sed cum *Theologi* careret titulo, ea non est potitus, quare litteras et Philosophiam ibi professus est, simulque purioris doctrinae semina jecit; vid. *Alting hist. Eccles. Palatin.*, ubi ad ejus calcem nonnulla quoque de ipso notanda praefert *Clar. Isinck* in *brevi historia reformationis Groningae*, aliquos etiam ejus discipulos, et in puriore doctrina sequaces, recenset per regionem Groninganam, unde primordia reformationis petenda sunt. Laurea vero Theologica deinceps ornatus praestitit sese Coloniae concionando celeberrimum, maxime cum puriorem, a multis erroribus et superstitionibus Ecclesiae Pontificiae purgatam, evulgaret doctrinam: cujus summa exhibetur in *effigiibus et vitis Professorum Academiae Groninganae*. Tenuit, ex. gr., unicam fidei et vitae normam esse Scripturam S., traditiones, canones, aut scripta Patrum, ad eam nullo modo pertinere: Christum solum esse mediatorem, non Angelos, aut defunctos: justificari hominem per fidem, non per opera, satisfactionibus propriis rejectis: missam esse eucharistiae profanationem; indulgentias esse simoniacas nundinationes; purgatorium esse commentum; Orationes pro defunctis esse inanes; conjugium Clericorum esse licitum; nullum esse Papae primatum, Papam etiam et Praelatos esse Antichristos, si quid verbo Dei contrarium sanciant: nihil nocentius esse Ecclesiae quam nimias opes, nihil corruptius moribus Clericorum etc. Quae, et quorum similia

lia, cum inculcaret dogmata, adpellari ab adversariis et monachis coëpit *magister contradictionum*, et Gaensfortius, seu anser valde clamor; nec Inquisitorum effugisset manus, nisi Episcopus Ultrajectinus, cui suberat, ipsum fuisset tutus. Obiit itaque in pace, Groningae sepultus in Choro monasterii *Spiritualium Virginum* a. 1489. Opuscula ejus junctim sunt edita Groningae a. 1614., et Amstelodami a. 1617. praemissa vita ejus, ab Hardenbergio adornata.

§. CCCXCI. Praeluxit itaque Reformationi; ipse Lutherus de convenientia suae et Wesseli doctrinae testatus est in epistola, Wesseli epistolis praemissa. Vid. etiam Ifinck l. cit. Ingenium a superstitione abhorrens jam cito patefecit Wesselus. Cum Swollae in aedibus Fratrum incumberet literis, religiosus quidam Monachus, ipsum ad Mariae peculiarem cultum hortatus, retulit hoc responsum: *Pater! quare me non potius ad Christum adducis, qui omnes oneratos ad se tam benigne vocat.* Ceterum singulare quoque est, quod, cum Sixtus IV., Papa factus, Wesselo, quocum familiare semper coluerat commercium, diceret, *ut, quicquid vellet, a se peteret*, responderit ipsi se nihil petere, quam ut Papa munere ita fungeretur, ut summo civium Pastori placeret, dein Papae regnanti, *haec nobis curae erunt, tu pro te aliquid pete*, Wesselus dixerit, *rogo ergo, ut mihi detis e Bibliotheca Vaticana Hebraea et Graeca Biblia*: uti Hardenberg in ejus vita narrat. Maxime notatu dignum est, quod Canonicus Daventriensis, Johannes Ostendorpius, adhuc adolescens, eum senem visitans, hoc ab ipso acceperit vaticinium: *studiose adolescens, ad eum vives diem, quo doctrinae Tomae, et Bonaventurae, et aliorum ejusdem farinae recentiorum, et contentiosorum, Theologorum, ab omnibus vere Christianis Theologis explodetur.*

§. CCCXCII. Inter illustriores Concionatores, de quibus, ut et asceticis, agendum super est, primum ordine temporis locum tenet Vincentius Ferrerius, Hispanus, Ordinis Dominici, et Benedictoq. XIII. a sacris confessionibus, ac S.

palatii Magister: unde se ad concionandi officium contulit, quo triginta annos per Hispaniam, Galliam, Italiam, et Britanniam functus est. Mira de ejus miraculis, et concionum effectu, narrantur: ipsum, ex. gr., 35 millia Judaeorum, octo millia Saracenorum, convertisse, centum vero millia peccatorum ad meliorem mentem revocasse. Interfuit, ut putatur, concilio Constantiensi: adhaesit quidem in principio Papae Benedicto XIII., sed eum postea deseruit, et in concionibus acriter perstrinxit. Obiit a. 1419. a Calixto III. sanctis adscriptus. Exstat, praeter epistolas, et alia opuscula, tractatus ejus de vita *Spirituali*, ut et de *fine mundi*, et *duplici Antichristi adventu*. Vitam ejus concinnavit Petrus Ranzanus in Aët. Sanct. Aprilis. Vid. etiam L'Enfant. Concil. Pisan. p. II. Ejusdem etiam tenoris fuit *Bernardinus Senensis*, cujus vitam prolixè enarrat Waddingus in Annal. Minoritarum; quorum Ordini fuit adscriptus. Praestitit sese concionando quoque celebrem, maxime quod id imprimis intenderit sermonibus suis, ut *nominis Jesu Christi* reverentiam insinuaret auditoribus. Quo fini cum nomen illud in centro solis, circino circumscripti, depictum circumgestare, et auditoribus ostentare, soleret, populum ad nominis adorationem incitans, accusatus est apud Martinum V. Papam haesios, et, licet crimen diluerit, novo hoc more abstinere jussus est. Deinde *Fratribus de observantia*, quos a. 1412. instituerat, Cis-montanis praefectus, trecenta amplius monasteria vel condidit, vel instauravit. Mortuus a. 1444., sex annis post a Nicolao V. in Sanctorum est relictus catalogum. Scripta ejus quam plurima edita sunt novissime a Johanne de la Haye, quinque tomis in fol., maximam partem morales et ascetici argumenti.

§. CCCXCIII. *Tomas a Kempis*, cujus celebratissimum est nomen per librum de *imitatione Christi*, ipsi adtributum, a patrio solo Kempen, in ditione Colonienſe, sic dictus, cognomento vero *Hamercken*, sive malleolus, studia confecit Daventriae, sub Florentio, fratrum Clericorum praefecto, inde

inde Ordini Canonicorum regularium Augustinianorum adscriptus, Subpriorem et Procuratorem egit S. Agnetis ad Swollam. Diem obiit supremum a. 1471., et multa post se reliquit scripta, maximam partem ascetica; quae variis prodierunt vicibus. Omnium celeberrimum est opusculum utilissimum de *Imitatione Christi*, nemini non notum, cujus innumerae sunt editiones, et in omnes fere linguas translationes, quod ipsi inscribi quidem solet, sed de cujus autore acriter contenditur inter Canonicos regulares, qui Tomae, adstipulantibus Jesuitis, et Benedictinis, qui Johanni Gersenio, alias Gessen de Gessate, Abbati S. Stephani Vercellensis, Ordinis Benedictini ab a. 1230., vindicant. Nec desunt, qui Johannem Gersonem pro autore habent. Historia controversiae contextitur in Oper. Posthumis Mabilon. etc. tom. I., ubi etiam observationes in vindicias Kempenses occurrunt. Prolixus quoque est in hac historiola, et rationibus, quibus singulae sententiae sunt superstructae, Du Pin, in Prolegom. Oper. Gersonis l. III., qui concludit, rem esse incertam. Vid. etiam de hac Kampisiana quaestione Schelhorne in Amoenit. Litter. tom. VIII. qui Tomam esse autorem demonstrat.

§. CCCXCIV. *Hieronymus Savonarola*, omnium hac parte illustrissimus, dignus prae reliquis qui cognoscatur, origine quidem fuit Patavinus, sed patria Ferrariensis, e nobili familia, Ordinis Dominicani. Reddidit sese haud uno nomine celeberrimum. 1. Absolutissimus fuit *concinator*, sive loquentiae et vis dicendi, sive doctrinae et peritiac, sive pietatis et morum, habeatur ratio. 2. Corruptionis seculi, in primis Paparum, Praelatorum, et Principum, castigatissimus ac liberrimus; in seculo suo reformando totus, in operi unice aptus habitus. 3. Verus itaque censitus hac arte *Prophetarum* imitator; eo etiam magis, quod, ut putatur, dono prophetandi fuerit praeditus: Ecclesiae Dei flagellationem, reformationem, et Infidelium conversionem, praedixisse fertur. Guiccardinus hist. lib. II. tradit, ipsum

apud majorem populi partem sibi nomen et auctoritatem vitis vindicasse, pro concione saepenumero praedixisse externorum exercituum in Italiam adventum, et grassationes, denique haec, et *alia multa, quae quotidie praedicebat, neque humana conjectura, neque ex cujusdam scriptoris scientia, sed Dei solius instinctu, atque adfatu, praenunciare*, sed in ultima sua confessione, se ea ex S. Scriptura hausisse, declaravit apud Guiccard. l. III. fin. 4. Summae fuit auctoritatis, quam eloquentia, et moribus, ac prudentibus datis consiliis, sibi acquilivit, ita ut ab ejus fere ore pependerit Italia, et Florentiae esset anima omnium consiliorum ac operum. Medicis, tyrannidem exercentibus, expulsis, et populo tumultuante, ipse compescuit motus, libertatem et jura reddidit populo, omnibusque praefuit negotiis. 5. Reformationem strenue urfit, scriptis etiam ad Principes litteris, quibus eos hortatus est, ut Ecclesiae collapsae, convocata Synodo Oecumenica, succurrant. Vidit denique abusum, et doctrinae depravationem, in Ecclesia Pontificia. Utique reprobasse traditur operum merita, confessionem auricularem, indulgentiarum nudationes, communionem sub una specie, et similia alia. Vid. Catalogus *testium veritatis*.

§. CCCXCV. Celebritatem postremo ejus auxit tragica mors. Cum in Alexandri VI., et nonnullorum ex nobilibus Florentinorum, qui mores ejus severos, ac reprehensionem, ferre non possent, odium incidisset, anathema in ipsum est pronunciatum, et inpetus in eum est, a Franciscanis factus, cum in Templo esset, ferro et flamma aditum sibi facientibus: qui quidem ab Hieronymianis sunt repulsi, sed cum, data a Senatu fide, ut incolumis reverteretur in coenobium, egressus esset, summa perfidia adprehensus, carceri mancipatus, calumniis obrutus, haeresios, et falso praetensarum revelationum, reus actus, ab Inquisitoribus damnatus, brachio seculari traditus, strangulatus, et dein combustus est in foro Florentino. Traditur quidem revelationum falsarum confessionem aliqualem ipsi per tormenta fuisse extortam; sed

Sed sine fundamento. Sed singulare est, provocatum fuisse, cum de propositionibus, in primis Prophetis, Savonarolae, veris an falsis? disceptaretur, inter Dominicanum et Franciscanum ad ignis judicium; sed illud, licet omnia essent parata, non processisse; quia Franciscanus, Savonarolae adversarius, omnia quaesivit subterfugia, et permittere noluerit, ut Dominicanus, qui a partibus Savonarolae stabat, eucharistiam secum, quod volebat, sumeret in igne. Exstant plurima ejus opuscula, moralia, ascetica, politica etc. Vitam vero conscripsit Joh. Picus Mirandula, praeter alios, et ex recentioribus Jac. Quetif., ac alii: sed conferendi imprimis sunt historici integrae fidei, Guiccardinus et Cominaeus. Ceterum varia, et opposita, sunt, fueruntque olim, hominum de hoc viro judicia. Alii enim eum pro inpositore habent et tyranno, qui sub pietatis larva ambitioni unice litavit, et summum Florentiae imperium, ejectis Medicis, ambivit, et exercuit: alii eum defendunt, et inpenso laudant: sed priores numerum non faciunt, nec integrae sunt fidei, ut Poggius, et similes, posteriores longe melioris notae sunt, ut historici modo laudati. Qua de re, qui plura velit, adeat Buddeum in *Parergis Historico-Theologicis*.

§. CCCXCVI. Adjungi ipsi meretur, haud absimilis instituti ac factorum, *Andreas Craynenfis*, Ordinis Praedicatorum, et Craynenfis, seu Carensis, in Carinthia Archiepiscopus, Romanae etiam Ecclesiae Cardinalis, facundia et sanctitate celebris, sed celeberrimus per conatus pro reformanda Ecclesia factus. Corruptionem aulae Pontificiae, et reliquorum Ecclesiasticorum, in doctrina et vita, cum ferre non posset, apud Sixtum Papam, et Cardinales, urisit primum frequentibus monitis et precibus reformationem, sed ludibrio habitus est. Contulit dein sese ad Fredericum Imperatorem, et, ab eo accepta potestate, concilium Generale indixit Basileae a. 1482., ad fidei Catholicae reformationem, morum correctionem, et pacis Ecclesiae restitutionem. Quo ausu exacerbatus Sixtus iussit, ut, sub anathematis poena, Basileenses eum

sibi tradant vinctum: qui cum illud, non obstante anathemate pronunciato, detrectarent, Papa Imperatorem volentem nolentem in partes suas traxit; et Basileenses eum in carcerem detrudere coacti sunt a. 1482., ubi haud diu post, clam strangulatus, periit. Opuscula, ad reformationem Ecclesiae spectantia, collegit Petrus Numagen Trevirensis, secretarius Andreae, addita *gestorum ejus brevicula*: quae edita sunt ab Hottingero hist. Eccles. sec. XVti.

§. CCCXCVII. Urfit quoque valde Reformationem, et de superstitione ac corruptione in Ecclesia dominante acerbè conquestus est, ut ex Catalogo *testium veritatis* quoque liquet, vir praeclarus, seculi sui miraculum habitus, Johannes Picus Mirandula, Dominus Mirandulae et Concordiae Comes ac Princeps, natus a. 1463., et denatus cum triginta duorum tantum esset annorum, a. 1494. Doctus fuit supra aevi sui viros, omni scientiarum et linguarum, Graecae, Latinae, ac Orientalium genere, propterea Phoenix appellatus. Annos nondum viginti quatuor natus publice ad disputandum proposuit Romae *conclusiones nongentas*, de rebus Dialecticis, Metaphysicis, et Mathematicis, ex Hebraeorum Cabbala, et Philosophorum veterum mysteriis in primis petitas: quas tamen Romanae sedis judicio subjecit. Inter quas nonnullae fuerunt, quae ab aemulis ejus sunt erroris et haeresios accusatae, et a Papa, ad eorum instantiam, damnatae. Quare a spiritu disputandi absterritus se castiori Theologiae, Scripturae S. cum textu originali conferendae, et veritati contra Judaeos et Muhammedanos tuendae, tradidit. Opera, in unum collecta, haud una vice lucem adspexerunt in Fol. Vitam vero ejus conscripsit nepos ejus ex fratre Johannes Franciscus Picus.

§ CCCXCVIII. Duo huic Scriptorum catalogo subjungendi restant, alter Platonicae Philosophiae in Occidente instaurator, alter celebris Scholasticae Theologiae cultor, Prior est *Marsilius Ficinus*, Florentinus, apud Laurentium et Cosmum Medicos in gratia, et ab iis canonicatu Florentinae

rentiae, annuoque stipendio, donatus; defunctus a. 1499. Huic viro variorum scriptorum Graecorum, ut Platonis, Plotini, Speusippi, Xenocratis, et aliorum, versiones debemus; est quoque ejus insignis libellus de *Religione Christiana*, ne epistolas et alia opera, ut de *immortalitate animarum*, in Epist. Pauli ad Romanos, et alia, memorem. De vita, moribus, et scriptis, ejus legi meretur Schelhorn amoenit. Litter. tom. 1., qui insignem abusum Scripturae S. dictorum, quae adulatorie saepe ad alios adplicuit, non neglexit notare, ut et superstitionem ejus circa stellas; licet ipsum a *Magia* pronunciet liberum. Alter, cujus memini, est *Gabriel Biel*, Spirensis: cujus consilio in Academia Tubingensi fundanda a. 1477. usus est Eberhardus Comes, et Dux Wurttembergicus; ubi etiam Theologiam docuit et Philosophiam, dein Ordini *Fratrū de communi vita*, seu Caputianorum, adscriptus. Obiit a. 1495. De vita et scriptis ejus fuse egit Jac. Moserus in vitis Professorum Theologiae Tubingensium. Scripsit in libros sententiarum, varios sermones, historiam passionis Christi, defensorium de obedientia sedis Pontificiae contra aemulos suos. Ingens fuit Aristotelis admirator, cujus quoque *ethica* aliquando publicis concioni- bus exposuit loco Scripturae S.

§. CCCXCIX. Ex dictis facile elucescit, studia jam hoc seculo incepisse felicius excoli, et per Europam ubique instaurari. Quo etiam facit Scholarum et Academiarum novarum erectio, ac Bibliothecarum. Conditae autem sunt Academiae Lipsiensis a. 1409., Rostochiensis a. 1419., Lovaniensis a. 1427., Gripswaldensis a. 1457., Basileensis a. 1460., Ingolstadiensis a. 1472., Tubingensis a. 1477. Moguntina, et aliae. Nova quoque collegia, ut Salmanticae collegium Bartholomaei, et Oxonii varia sunt exorta. Bibliothecae quoque fundari coeperunt, et libri colligi, uti Vaticana a Nicolao V. et Archipalatina Heidelbergensis, quae postea, in urbis et Academiae direptione, donata est Leoni X. a Duce Bavariae, ac Romam translata. Vid. Hottingerus

Hist. Eccles. sec. XV., praeterea Medicaea, et Vindobonensis. Denique multum contulit ad studia promovenda *ars typographica*, hoc demum seculo adinventum, qua, ut verbis Polydori Vergil. *de rerum inventoribus* l. II. utar, *tantum uno die ab uno homine litterarum imprimitur, quantum vix toto anno a pluribus scribi posset*; praeterea longe facilius per orbem diffeminantur scripta. In usu quidem aliquot ante seculis fuit species quaedam typographiae apud Chinenfes, sed ab hac longe diversa, cum illa non ex typis, ex singulis elementis combinatis, constaret, sed ex integra facie ligno insculpta, ad modum scripturae cupro insculptae. Artem vero typographicam Europaeam ab a. 1440. incepisse introduci, eamque usque ad a. 1457. fuisse perfectam, constat quidem, sed de inventore, et inventionis loco, disputatur. Secundum H. Junium, in *Batavia* S., et Chronographos Belgas, laus illa debetur Harlemo, et *Laurentio Johannis Costero*, Harlemoni, cum genero ejus Toma Pietersen; a quibus forte fortuna characteres primo in cortice arborum expressi sunt, unde occasio artis inveniendae fuit nata. a. 1430. Sed ex aliorum opinione inventor fuit *Johannes Guttenberg* Argentiniensis, qui Moguntiam delatus primum ibi erexit praelum, adjuvante et perficiente *Johanne Fausto*, Moguntino, ut Trithemius refert in Chronico, praeter alios. A quo Fausti invento derivat Dürrius in epistola ad Fükrerum, apud Schelhorn amoenit. Litter. tom. V., fabulam artis magicae, ac diabolicae, quae in legenda Fausti narratur. Denique Costerum illum primum invenisse figuras, et verba in tabulis ligneas incidendi, chartaeque inprimendi modum, sed Guttenbergium, inde arrepta ansa, typos separatos, et rationem verae artis typographicae, quae nunc obtinet, ex Uffenbachio docet Schelhorn amoenit. litter. tom. IX. Quae de re quicquid sit, hujus enim non est loci eam rem fufius et adcuratius discutiendi, quod praeclare nuper praestitit eruditus Vir Meerman in *Originibus Typographicis*, qui Harlemonensibus primam artis inventionem competere luculenter

evicit: suffecerit notasse, artem illam brevi post fuisse per Conradum et Arnoldum, sedente Paulo II. Papa, qui ab a. 1464. coepit sedere, ex Germania Romam translatam. Vid. Mabillon. itin. Ital. p. 64. Plura qui de artis inventione, perfectione, et propagatione per orbem velit, adeat Mich. Mattaire in *annalibus typographiae*.

§. CCCC. Quod vero ad Theologica adinet studia, etsi opinionibus receptis passim inhaeserint, suasque doctrinas Ecclesiae Romanae subjecerint; fuerunt nihilominus, qui antiquam methodum ex Scriptura S. et Patribus hauriendi dogmata renovarunt, inutilibus quoque ac spinosis quaestionibus resectis. Quales fuerunt Johannes Gerson, Petrus Alliatus, Nicolaus Clemangis, Johannes de Wesalia, et Wesselus, alii. Nec defuerunt, qui Reformationi, seculo sequente exortae, praeluserunt, ejusque fundamenta jecerunt, ut Wesselus, Hieronymus Savanorala, alii, supra laudati. Platoniam quidem Philosophiam introducere coepit Marcus Ficinus, sed maximam partem incubuerunt Theologiae Scholasticae, quae primas deferunt Aristoteli, nec non quaestiones, tunc agitatae, tractarunt. Viguerunt denique inter Scholasticos, Nominales et Reales, Scotistas et Occamistas, acerrimae contentiones, et natae sunt aliae inter Theologos et Monachos, partim ad cultum, partim ad regimen et disciplinam pertinentes: de quibus commodius suis locis agitur.

DOCTRINA ET CULTUS.

§. CCCC. Cum in doctrina nihil sit innovatum, et quae ejus fuerint capita, quibusve modis vindicata, et defensa, facile ex Alphonsi Spirae *fortalitio fidei*, Gersonis operibus, ac Dupinii *Gersonianis*, peti possit: ad cultum religiosum, qui nonnulla offert singularia, mox pergo. Honor et cultus Mariae Virginis ingentia cepit incrementa, per immaculatam ejus conceptionem hoc seculo solenniter

Kkk 3

definit

definitam, aliasque superstitiones, et nova festa. Immaculata conceptio Mariae sine peccato originali definita quidem est in Synodo Basileensi, sed, sicut antea fuerunt, ita postea non cessarunt, circa eam acerrimae lites. Disceptatum de ea fuit seculo praecedente, Johannes Scotus favit, sed meticolose, immaculatae conceptioni, ut suo loco notavi. Cum vero Johannes de Montefono, Hispanus, Ordinis Dominiciani, et Professor Theologiae Parisiensis, ei contradixisset, propositio ejus fuit, una cum aliis ejus thesibus, damnata a Facultate Parisiensi a. 1387., licet, quod nonnulli tradunt, falsum sit, Facultatem jam tunc ab alumnis suis exegisse juramentum, ad immaculatam conceptionem propugnandam; introductum enim illud demum est post Synodum Basileensem. De quo supra jam monui. Synodus vero illa, sess. *decima tertia*, opinionem de immaculata conceptione Mariae, absque peccato originali, ejusque inmunitate a peccato actuali, sancivit, tanquam *piam*, et *cultui Ecclesiastico, fidei Catholicae, rectae rationi, et Sacrae Scripturae consonam*, adeoque ab omnibus Catholicis adprobandum et tenendam, addito doctrinae contrariae interdicto. Nec tamen lites inter Franciscanos et Dominicanos cessarunt, sub Sixto IV. praecipue agitatae, quorum illi Virginem de Spiritu esse conceptam tenebant, hi vero, peccati maculam in ejus conceptu urserunt: unde mutuae haeresios et sacrilegii accusationes sunt ortae. Favit quidem Sixtus IV. Franciscanis, quorum Ordini fuerat deditus, sed, neutram sententiam definire aut reprobare autoritate Apostolica ausus, liberam reliquit disputationem, modo ab haeresios accusatione abstinetur. Vetuit enim, edito diplomate *grave nimis* a. 1483., eas accusationes sub excommunicatione. Manserunt itaque disputationes, et Ecclesiae fuerunt divisae. Franciscanis variae accesserunt Academiae, uti Parisiensis, formula quoque sacramenti hanc in rem introducta, Colonienfis, et Turingensis; totus praeterea fere Clerus cum Praelatis. Imo Avenionense concilium, Praefide Petro de Foxo, Cardinali,

a. 1457.

a. 1457. eam sententiam confirmavit, et contrariam sub gravi censura prohibuit doceri. Perstiterunt nihilominus Dominicani in maculata conceptione defendenda; sicut Johannes Viridis, concionator apud Rothomageneses, adhuc fecit a. 1497. Quid? quod sequente seculo nec Synodus Tridentina, nec Papae, sententiam protulerint definitivam. Ceterum historiam quaestionis de hac immaculata conceptione per varia secula, usque ad XVIII^{um}, fuse enarravit Heideggerus Dissert. Select. tom. I., qui etiam omnes Paparum hac super re editas *bullas* recensuit.

§. CCCCII. Ad Mariae honorem etiam referendum est, cum quod Concionatores concioni praemittere coeperint salutationem Angelicam *ave Maria*, ut patet ex Vincentio Ferrerio a. 1410. Vid. etiam Ferrarius de *ritu concionum* l. I., tum concilium Basileense duo confirmaverit festa, unum *visitationis* Mariae, cum Elisabethae domum ingressa est, alterum *inmaculatae conceptionis*, cum officiis propriis et Octavis, corroborante Sixto IV. Nota quidem antea fuerant haec festa, ut suis locis notavi, sed non generaliter recepta. Denique huc facit *confraternitas rosarii*, ab Alano de Rupe, Dominicano, in conventu suo Swollensi defuncto a. 1474., instituta, cujus singularis devotio sita fuit in frequente repetitione salutationis Angelicae, singulis fratribus qualibet hebdomade ter recitantibus *rosarium*, quod comprehendebat orationem Dominicam quinquies, et salutationem Angelicam, *ave Maria*, quinquagies, ad numerum tot globulorum ex filo, vel chorda, pendentium, repetitam. De quo ad superiora secula dixi. Confirmata autem haec mira devotio hoc seculo novis fuit, ut fertur, adparitionibus, simul renovata, quippe jam antea usitata. Sixtus IV. praeterea bullis et indulgentiis fraternitatem comprobavit a. 1489. Scripsit denique Johannes de Lanshem, Wormaciensis Augustinianus, librum a. 1495. de *institutione et utilitate rosarii* B. Virginis, superstitionis et fabularum plenissimum.

§. CCCCIII. Genium seculi manifestant quoque lites, circa

cultus objecta, et reliquias, magnis animorum motibus agitatae, paucis enarrandae. Quaestio de sanguine Christi, in triduo passionis in terra sparso, num latriae sit objectum nec ne? Dominicanos et Franciscanos exercuit, Ecclesiam in partes scidit, coram Pio II. Papa ab utriusque partis principibus viris ventilata, sed indecisa relicta a Papa, licet ad Dominicanorum sententiam inclinato; tantum silentium utrique parti indixit, diplomate a. 1564. promulgato, quo inter alia declaravit, utriusque partis opinionem tolerandam esse, donec Christi in hac terra Vicarius tempus et occasionem rem determinandi fuerit nactus. Quod nondum contigit. Tenebant Dominicani, unionem hypostaticam inter sanguinem fusum in terram, et Christum, manere, adeoque cultu latriae esse adorandum: quod utrumque negarunt Franciscani. Quaestionis ansam praebuit Jacobus Marchianus, Minorita, et Professor Theologiae apud Brixienfes, qui in sermone ad populum negaverat, illam sanguinis fusi partem cum Christo mansisse unitam, et latriae fuisse objectum. Quod aegerrime tulit haereticae pravitatis Inquisitor, Dominicani Ordinis, et haeresios accusavit. Vid. Bzovius, qui utriusque partis argumenta profert, nostra non digna adtentione. Ex hujus seculi scriptoribus legendus est Gobelius Persona l. XI.

§. CCCIV. Eiusdem farinae et aliae sunt lites circa reliquias. Missa quaestione, ex superiorae nata, de praesentio Christi, apud Lateranum et alibi adservato, latriae objecto, nec ne? acerrimae memorandae sunt contentiones de corpore Lucae Evangelistae, et annulo pronubo Mariae Virginis. De quibus vid. Hottingerus l. cit. Prior quaestio fuit, essetne corpus S. Lucae apud Patavinos, in monasterio S. Justinae reconditum, eo CPoli delatum, an quod nuper Iaieza, Bosniae metropoli, ab Hungariae Rege Matthias Turcis erepta a. 1463. esset Venetias translatum a Franciscanis, et Mauro Duci oblatum? Ingente studio haec controversia fuit inter Venetos et Patavinos agitata, et utrinque

utrinque multae rationes sunt in medium adductae, quae fraudes et inposturas circa reliquias detegunt. Mansit vero penes Patavinos haec praerogativa, a Pio II. confirmata, et Veneris est silentium inpositum. Vid. Bzovius. a. 1463.

§. CCCCV. Altera contentio versata fuit circa *annulum pronubum* Mariae, quem Iosephus sponsus ei donasset, et Perusinos et Clusinos, vel Senenses secum divisit. Cujus historiam ex Joh. Bapt. Lauro Perusino, qui commentarium de hoc annulo scripsit, prolixè narrat Rivetus in *Apologia pro Maria Virgine* l. II. Annulum, ut ejus summam strictim tradam, sive ex Amethysto, sive ex Onyche, tornatum, de quo ipse Laurus, qui eum vidit, dubitat, cum diu, secundum ipsius narrationem, latuerit, usque ad tempus Gregorii V. a. 998., gemmarius quidam Clusinus Romae ab alio gemmario, qui Hierosolyma Romam venerat, dono accepit; et cum eum flocci faceret, Clusinus ab altero gemmario illo audivit, eo annulo pronubo sponsum Iosephum Mariae digitum oppignorasse, Clusinus vero gemmarius Rainerius, hoc enim ejus fuit nomen, domum rediit annulum occultavit, usque ad mortem filii decennis: qui, dum funus ejus duceretur, e feretro surgens, Patrem contemptae religionis Mariae jussu increpuit, et annulum ostentare praecepit. Quod tunc inter ingentes plausus factum est, annulus etiam miraculo est celebratus. Sed, postquam in potestate fuisset Clusinorum per annos 484., furto ablati sunt ab aliquo Wintero, Franciscano, venitque ea occasione, non sine miraculo, in manus Perusinorum: et hinc acerrima orta est concertatio inter Clusinos, quibus Senenses patrocinati sunt, ac Perusinos, usque fere ad bellum; donec Perusinis fuerit ab aula Pontificia sub Innocentio VIII. in perpetuam possessionem adjudicatus.

§. CCCCVI. Succedat controversia, quae et magnos peperit motus, inter Dominicanos et Franciscanos de stigmatibus crucifixi Christi, inpressis Catharinae Senensi, de qua supra dixi. Facti veritatem urserunt Dominicani, Franciscani

ciscani vero, ut hanc praerogativam soli Francisco suo vindicarent, inficias iverunt. Fundarunt autem sese Dominicani in Raymundo Capuano, Catharinae confessionario, et historico, nec non Pii II. Papae testimonio, qui eam Sanctis adscripsit. Sed Minoritae a Sixto IV. interdictum de virgine cum stigmatibus pingenda impetrarunt; quod tamen postea sustulit a. 1483. Dein Clemens VIII. utrique parti induxit a. 1599. silentium. Urbanus vero VIII. Dominicanos defendit, et stigmata illa confirmavit; qua ratione, finis huic superstitioni liti est, ad incredibile Senensium gaudium, inpositus, uti narrat Franc. Boninsignius, in tractatu Italico: sub hoc titulo: *triumphus stigmatum Catharinae Senensis*. Fuit porro *reliquiarum* studium ferventissimum, siue de novo fuerint inventae, siue alio translatae. De quo consulendi sunt Baronii continuatores. Suffecerit notasse. 1. *titulum* crucis Dominicae fuisse Romae inventum cum inscriptione sub Innocentio VIII. 2. *Ferrum* lanceae, quo Christi latus fuit perfoctum, eidem Papae a Bajazethe II. oblatum a. 1492. Quod tamen idem adservatur Noribergae inter Caesarea insignia, imo etiam Parisiis, donatum Ludovico IX. De Sanctorum canonizationibus etiam verbo absolvam. Inter frequentes hoc seculo memorabiles sunt, Bernardini Senensis per Nicolaum V., Catharinae Senensis per Pium II., Vincentii Ferrerii per Calixtum III., Bonaventurae per Sixtum IV., Leopoldi Austriaci per Innocentium VIII. Alia exempla oppido multa lubens praeterco.

§. CCCCVII. Ad *ritus* vero religiosos quod adtinet, notatu digna est *calicis* in eucharistia subtractio Laicis, solenni concilii Constantiensis decreto sess. XIII. cujus summa habet, *sacrorum canonum auctoritatem, et laudabilem ac approbatam Ecclesiae consuetudinem servare, quod a conficientibus sub utraque specie, et Laicis tantum sub specie panis sumatur, ad evitandum aliqua pericula et scandala*: additur, Christum quidem sub utraque specie instituisse, et antiquam etiam observasse Ecclesiam, sed, hoc non obstante, contra-

rium

n esse tenendum, cum *firmissime credendum sit, integrum
isti corpus et sanguinem, tam sub specie panis quam vini
ineri*. Quo itaque fundamento famosum hoc decretum
e innixum est. Sicut itaque eucharistiam a jejunis esse
endam Ecclesia postea instituit, licet Christus post coe-
id fecerit, ita, una tantum specie uti licere, censue-
t, cum res sit aequae indifferens, ac alia de tempore et
umstantiis eucharistiae, quia Christi totum corpus aequae
olo pane, ac in pane et vino sumitur. Concilium dein
leense sess. XXX. declaravit, *communicantes non adstrin-*
x. praecepto Christi ad suscipiendum sub utraque specie, a-
ue Ecclesiae decretis et ordinationibus hac parte standum

Exstat vero Johannis de Ragusio oratio, illo in con-
habita, pro communicatione Laicorum sub una specie,
nonnulla habet notabilia, et propterea lectu digna
ex. gr. quae de Scriptura S., et regulis eam interpre-
li, profert, quod doctrinam de Transubstantiatione fusi-
et clarius exponat, denique rationes, quibus communio
una specie superstructa est, exhibeat, phrasas scilicet
pturae, quae solius panis faciunt mentionem, traditio-
veterum, et Ecclesiae auctoritatem; quam, quod no-
um, latissime extendit, et summam esse contendit in libris
is declarandis, fide definienda, et ritibus instituendis,
nutandis etc. Ceterum notari meretur, Innocentium
., secundum Volaterrani Geogr. l. VII. narrationem,
visisse Norvegis, ut ipsi sacerdotes sacrificium *Missa*
rent sine vino; nescio quam vere, cum nemo ejus me-
rit, Pontificii ipsi, quod notandum, illud et ideo in du-
vocant, vel negant, quod Papa *in eo, quod juris Di-*
est, dispensare non potest.

CCCCVIII. Praeter festa *visitationis*, et immaculae
ptionis Mariae virginis, quod ad circumstantias tempo-
cultus religiosi pertinet, supra memorata, illudque *Jo-*
sponsi Mariae, quod Gersonis zelo erga eum praeci-
tribuitur, de quo vid. L'Enfant concil. Pisan. p. H.

valgo censetur hoc seculo institutum festum *Transfigurationis* Christi in monte: sed illud esse antiquius probavit, praeter Baronium not. ad *martyrologium*, Martene de *antiqua disciplina* c. 33. Sed silentio non est involvendum, de nimia festivitatum copia, et vitiis ea occasione committi solitis, jam conquestos fuisse Nicolaum de Clemangiis, in sermone de *novis festivitibus non instituendis*, et Johannem Gersonem, sermone habito in Synodo Rhemense a. 1408.

REGIMEN ECCLESIAE.

§. CCCCIX. Clementi VII. mortuo, ut Paparum historiam, quam ad Benedictum XIII. Avenionensem, Bonifacium IX. Romanum, perduxi, pertexam, suffectus est a. 1394. Petrus de Luna, dictus *Benedictus XIII.*, nobilissimo genere in Arragonia natus, Juris utriusque Doctor, et Professor apud Montempessulanum, indeque Cardinalis Diaconus a Gregorio XI. creatus, qui sex Paparum Romanorum, Bonifacii IX., Innocentii VII., Gregorii XII., Alexandri V., Johannis XXIII., et Martini V., fuit aemulus: vixitque, sive Papa, sive Antipapa, usque ad a. 1424.; quando in regno Valentino obiit fere nonagenarius, nec sine veneni suspitione. Antequam Cardinales ad novum eligendum Papam se adcinxerunt, jurarunt singuli, se, si eligerentur, ursuros esse, usque ad *cessionem*, Ecclesiae unitatem: sed nihil minus praestitit Benedictus XIII., ambiguitate juramenti regens ambitionem: habebat enim illud, Papam esse munere cessurum, si utilitas Ecclesiae exigeret, et maxima Cardinalium pars id necessarium judicaret. Dedit quidem in principio luculentam spem animi ad unionem inclinari et pacifici, per litteras et colloquia, sed eventus docuit contraria omnia. Inter eos, qui schismati tollendo incubuerant, celebrem sese praebeuit *Johannes de Varcennis*, Doctor Parisiensis, Bonifacii IX. Capellanus, et palatii sacri auditor, cujus hac de re epistolae inter opera Gersonis tom. II. reperiuntur,

ir, una cum Benedicti responsionibus. Declarat inter alia Johannes, se primum fore, qui eum Paparum, qui se unioni opposuerit, adpellaturus sit *filium satanae*, *Antichristum*, *rum perditionis* etc. cujusque obedientiae sit renunciaturus. Gallia vero summo adgressi sunt studio extinguere schisma. In Concilio Nationali, a. 1395. habito Parisiis, jussu Caroli VI., decretum est, post seriam deliberationem, unum medium esse *cessionem*, ab utroque Papa faciendam: utque fini missi sunt Legati ad Benedictum, ut ad decreti executionem permoveretur. Sed Papa judicavit, opus esse unionis medium, ut duo Papae in unum conveniant, eaque de re deliberent; si dissentiant, ut singulorum jus committant arbitris. Quo responso, editaque tum in rem bulla, dimissis legatis, Duces, universitatis Parisiensis membra, Cardinales etiam maximam partem, *cessionis* decreto inhaerere perrexerunt, Papamque multis instantiis, precibus, et minis, eo compellere conati sunt. Provocerunt, cum apud Papam nihil obtinere possent, ad juramentum, in electione factum, sed Papa primum negavit invidenter se subscripsisse, dein variis artibus illud elusit. Confundere praeterea in Academiam Parisiensem, cui totum hoc negotium inputavit, coepit indignationem Papalem, sed Academia ad Pontificem ab universali Ecclesia receptum adpellavit, Papa adpellationem declaravit nullam, a se adpellari posse negans; Universitas vero, variis productis rationibus et exemplis, eam defendit. Quo rerum statu Rex Galliarum, missis per Europam legatis, viam *cessionis* strenue, et cum successu, promovit. Variis enim eo fini habitis conventibus a. 1396., et 1397. ea est admissa et sancita. Inter quos eminet Francofordiensis, ubi quoque ad Bonifacium IX. Romanum decreta est eum in finem legatio, sed qui aequae se alienum demonstravit, ac aemulus ejus.

§. CCCCX. Huc cum res devenisset, regnum Gallicanum, facto concilio, decretum formavit, quo sese obedientiae Papae totaliter subtraxit a. 1398., existat apud Dacherium

in Spicileg., et Martene Anecd. tom. II. Quod concilium et edictum eo notabilius est, quod antiqua Ecclesiae Gallicanae libertas eo fuerit renovata. Secuta hoc exemplum est tota fere Europa, adeo ut utriusque Papae obedientiae sese maximam partem subdixerint Ecclesiae. Ne autem Benedictus evaderet, aut bona consilia redderet irrita, in custodia est, jussu et opera Regis, detentus in aula Avenionensi. Nec tamen defuerunt, quibus obedientiae subtractio displicuit. Inter quos fuit Academia Tolosana, quae hac super re litteras ad Regem dedit, Nicolaus de Clemangiis, qui epist. ad Carolum VI., Francorum Regem, quae XVII. est inter Epistolas a Lydio editas, subtractionem dissuasit, late deducens incommoda, inde Regno et Ecclesiae eventura, et Johannes Gerson, qui tamen decreto, hac de re in Gallia facto, sese submisit, licet medium hoc minus aptum judicaverit tollendo schismati.

§. CCCCXI. Nec meliorem sortem in sua habuit ditione, vel obedientia, Bonifacius IX., a. 1404. defunctus, qui sese, per Simoniam, tyrannidem, aliaque vitia, reddidit infamem. Beneficiorum nundinationem, quam graphice descripsit Theodoricus Niem, et Gobelinus Persona, non occulte jam, sed palam, exercuit. Primus Annatarum tributum beneficium sine discrimine inposuit, hac ratione, ut qui beneficium Ecclesiasticum consequeretur dimidium annui proventus persolvere debuerit fisco Apostolico. Quam consuetudinem omnes admiserunt, exceptis Anglis, qui ad Episcopatus restrinxerunt: indulgentiae, eaeque plenariae, ita passim vendebantur, ut jam, narrante Platina, vilesceret clavium et litterarum Apostolicarum autoritas. Jubilaeum ingente quaestu acceleravit, et celebravit a. 1390., repetendum a. 1400. Denique inperium et tyrannidem exercuit in temporalibus et spiritualibus. Magistratus pro nutu creavit in patrimonio Petri, Ludovico Andegavense anathemate percusso, confirmavit Ladislao, Caroli Siciliae regis filio, regnum Neapolitanum. Cum Richardus et Eduardus, Angliae reges,

reges, jus conferendorum beneficiorum sibi vindicarent, se iis fortiter opposuit, eorumque leges abrogavit. Columnenses, qui ipsum, et ditiones ejus, invadebant, et Benedicti partes fovebant, acriter persecutus est, declarans, eos, tanquam Majestatis reos, puniendos esse, omnibus dignitatibus ac bonis privatos. Testatur Gobelinus Persona, nullum fuisse Papam, qui tanto usus est in temporalibus dominio. Gavissus tamen est in initio Ruperti Palatini, in locum Wenceslai depositi, in Regem et Imperatorem electi, Papa adpröbante, patrocinio; nec voluit propterea Rupertus, qui, ut se in throno confirmaret, indigebat ope Papae, consentire in subtractionem, quam Galli urgebant.

§. CCCCXII. Redeamus ad Benedictum, quem Avenione in custodia reliquimus detentum. Novo exorto dissidio inter Principes et Praelatos de subtractione obedientiae, et detentione Papae, quam utramque tanquam legitimam defenderunt Dux Burgundiae, Academia Parisiensis, et Clerus maximam partem, sed condemnarunt Dux Aurelianensis, Legati Arragoniae, Academia Tolosana, et alii: nata fuit Papae elabendi occasio, quam Dux Aurelianensis praebuit, et praestitit Robertus Bracquemontius, nobilis Normannus. Papa liberatus a. 1403. illud mox per litteras significavit Regi Galliae, Principibus, et Academiae, simul declaravit, se promissa, olim facta, ad unionem refarciendam, esse inpleturum. Quando brevi secuta est reconciliatio Cardinalium et civium Avenionensium cum Papa, Rex quoque Galliae, et tota Ecclesia obedientiae ejus, redierunt ad obedientiam, sub his praecipue conditionibus. 1. Scripto declararet Papa, se cessionem approbaturum, si aemulus suus idem faciat, aut moriatur, aut ejiciatur. 2. Injuriae ultrocitroque factae condonarentur. 3. Confirmaret Papa electiones, consecrationes, collationes, durante abstractione factas ab Ordinariis. 4. Intra annum convocaret Synodum totius obedientiae suae, ejusque decreta haberet rata. Quibus acceptis conditionibus, obedientia est a Rege et Ec-

clesia Gallicana ipsi restituta, et publice promulgata. Secutus quoque hoc exemplum est Rex Castellae, et omnia videbantur ad pacem spectare: quando infidelitas Benedicti, mors Bonifacii, et novi Papae electio, novam prae-buerunt barbarum materiam. Perfidiam mox ostendit, quod tertio articulo contradixerit, absque ut ad meliorem mentem redigi potuerit. Interea animum ab altera parte simulavit pacificum, legatos ad Bonifacium mittendo, qui de pace cum ipso tractarent. Venerunt quidem Legati Romanam, a. 1404., et Papae proposuerunt, ut cum Benedicto in unum conveniret locum, de pace acturus: sed aegre id tulit Bonifacius, et, cum Legati duriora adhibuissent verba, adeo exarsit, ut, calculi acerbo accedente dolore, brevi exspiraverit. Nuntii Benedicti non tantum nequicquam petierunt, ut a novi Papae electione abstinerent Cardinales, sed et in custodiam dati sunt. Accesserunt etiam mox, ad novam electionem, praestito prius juramento, ut quisquis eligeretur se sponte abdicaret, si alterius obedientiae Pontifex idem faceret, crearentque Papam Romanum Cosmatum Melioratum, mox dictum Innocentium VII.

§. CCCCXIII. *Innocentius* fuit Sulmonensis, doctrina, experientia, et vitae integritate clarus: sed statim ac electus esset Roma in horribilem praecipitata est confusionem per Gibellinos, quorum Duces erant Columnenses, et Guelfos, quorum Principes erant Ursini: illis, novae electionis arrepta occasione, populo libertatem et dominium reddere, his vero Papae et Ecclesiae reservare, conantibus. Tumultus concitavit, et fovit, maxime Ladislaus, Rex Neapolitanus, sub spe imperii Romae consequendi. Dici nequit, quantae rapinae et caedes fuerint commissae, quamque omnia per intestinum hoc bellum turbata. Exacerbavit maxime Romanorum animos inmane Ludovici de Meliorati, nepotis Papae, facinus, quo undecim Primorum Romae, e palatio Papae reversos, crudeliter trucidavit propria manu, et nudos eiecit fenestris. Papa vero Roma discedere coactus an-

fugit

fugit Viterbium, ubi ad a. 1406. delituit, donec pace facta est a Romanis receptus. Romam redux fulmen in Columnas vibravit, et Ladislaum, quocum tamen, poenitentiam demonstrante, mox est reconciliatus. Vid. Aretinus, et Theodoricus Niem. Ceterum studiorum egit patronum, Romae erexit Academiam, et in quavis arte instituit Professores. Indixit quoque sacras expeditiones adversus Tamerlanem, ad petitionem Emmanuelis, Graecorum Imperatoris; testibus litteris ejus ad ipsum apud Raynaldum a. 1405. Sed brevi post apoplexia est e medio sublatus a. 1406.

§. CCCCXIV. Initio Pontificatus, ut schismatis historiam resumam, ingens pacis studium praetulit Innocentius, magnam ejus concitavit spem; uti ex litteris, quibus electionem suam per Europam publicavit, elucescit, inprimis ex iis, quas ad Universitatem Parisiensem dedit, apud Dacherium in Spicilegio. Sed quam simulate egerit, mox palam fecit, cum quod pacem noluerit, nisi Ladislao Neapolitano regnum Siciliae adjudicaretur contra Ludovicum Andegavensem, quam conditionem Regi Galliae displicentiam esse probe noverat, tum Legatis Benedicti, de unione cum ipsa tractaturis, negaverit saluum conductum. Benedictus scilicet, ut pacis studium praeferret, et mundo inponeret, iter meditatus in Italiam, ut aemulum suum conveniat, decimis quoque eo fini a Clero totius Galliae collectis, venit Genuam, litterisque ad Innocentium missis saluum conductum postulavit pro nunciis, ad ipsum ablegandis. Quod cum negaret Innocentius, fraudem scilicet suspicatus, eum tanquam pacis osorem traduxit Benedictus. Sed se inter alia eo defendit Innocentius; quod sibi, legitimo Papae, vix cum Benedicto, utpote intruso, agere liceat. Quo sibi haud levem inussit notam. Vid. Theodoricus Niem. Novi quoque mox contra Benedictum, qui animum a sincero pacis studio, quicquid praetenderet, alienum omnibus adprobavit, motus exorti sunt, et Gallia sese obedientiae ejus denuo subtraxit. Initium

fecit Academia Parisiensis, quae a Rege postulavit, ut 1. Academiae Tolosanae epistola contra subtractionem, quatuor ab hinc annis scripta, damnaretur, tanquam Regi et Ecclesiae Gallicanae injuriosa. 2. Ecclesia Gallicana ab exactionibus Papae liberetur. 3. Subtractio obedientiae renovaretur. Senatus Parisiensis Curia, ad quam haec causa fuit remissa, cum prima duo capita adprobasset, tertium ad Synodum Nationalem Galliae ablegasset, coactus est Praelatorum conventus, et tota causa per varios Oratores discussa: quando decretum formatum est, ut renunciaretur Benedicti obedientiae, Ecclesia Gallicana interim suis regeretur legibus, et antiquis frueretur libertatibus; denique opus esse concilio Generali ad Ecclesiam in Capite et membris reformandam. Vid. Johannes Juvenalis de Ursinis in historia Caroli VI., et historia Universitatis Parisiensis tom. V. Acciderunt haec a. 1406.

§. CCCCXV. Sedente hoc concilio defunctus est Innocentius, et in ejus locum mox electus est Angelus Corario, nobilis Venetus, Cardinalis Presbyter, adpellatus *Gregorius XII.*, qui et ante electionem cum reliquis Cardinalibus juraverat solenniter, se cessurum promte et simpliciter, si vel Antipapa moreretur, aut cederet, et utriusque obedientiae Cardinales se jungerent, porro per omnes significaturum Ecclesias, mox post electionem, se ad cessionem, aut quodvis aliud medium commodum schismatis finiendi, esse paratum. Vid. Niem l. III. Erat autem jam octoginta annorum, simul sanctitatis, lenitatis, ac prudentiae, laude conspicuus: teste Leonardo Aretino, et Antonino. Scriptis mox litteris ad Regem Galliae, ad Benedictum, et Cardinales Avenionenses, se ad unionem, vel cessionem, modo Benedictus idem faceret, et utriusque partis Cardinales in unum convenirent, paratissimum esse professus est: quod idem in litteris responsoriis testatus est ipse Benedictus. *Exstant omnes litterae apud Raynald., ubi etiam reperiuntur Christianissimi litterae ad Benedictum, sicut et in Spicilegio*

alegio Dacheriano ad Gregorium et Cardinales, quibus u-
rumque Papam serio est ad promissa implenda adhortatus.
sed omnia haec promissa fuerunt illusoria. Omnia quidem
ecit Rex ad unionem promovendam, edictum subtractionis
liquandiu pressit, honorificos misit ad Benedictum Lega-
os, et dein ad Gregorium; sed praeter ambigua responsa
ihil fuit ab ipsis relatum. Imo Benedictus, publicata *con-*
stitutione in Spicilegio Dacheriano obvia, omnibus cujus-
unque Ordinis et dignitatis, qui aut a Papa adpellarent,
el ab ejus obedientia recederent, majorem denunciavit
xcommunicationem et exautorationem. Quo eodem tem-
ore in publicum est missum Parlamenti Galliae arrestum,
e exactationibus et annatis per Galliam abolendis, ipsum e-
iam subtractionis edictum, huc usque sub specie pacis oc-
ultatum, constitutio denique Benedicti est lacerata; adhae-
rentes Papae partim sunt in carcerem conjecti, partim pu-
lice notati ignominia. Praeterea, concilio Nationali coacto,
rivatio beneficiorum et dignitatum decreta est in quoscun-
ue fautores et defensores *Petri de Luna*, velut haeretici,
t ab Ecclesia separati. Denique Gregorii quoque Cardina-
s, cum se deludi, et indigne tractari, viderent, tum quod
Gregorius novos Cardinales, se invitis, contra promissum e-
is, creasset, tum prohibuisset, ne absque ejus consensu,
uca exirent, vel inter se convenirent, aut cum Rege Gal-
ae, ejusve Oratoribus, ac Benedicti Legatis, colloqueren-
r, sese obedientiae Gregorii subdlexerunt, et Pisas seces-
runt, rationibus ejus facti sui per litteras encyclicas, qua-
naversum missas, datis; denique, ut se contra minas Papae
edderent tutos, adpellarunt ad concilium Generale, et le-
itimum Papam. Traduxerunt quoque publico scripto, quod
heodoricus Niem conservavit, Gregorium, tanquam hae-
xicum, schismaticum, praecursorem Antichristi, scelera-
um, perfidum, ebriosum, sanguinolentum, et publicae pacis
sturbatorem.

§. CCCXVI. Hac subtractione ab utraque Papae obe-
Mmm 2 dientia

dientia facta, missae sunt utrinque ad omnes Ecclesias litterae, eo tendentes, ut idem facerent; viam quoque utriusque partis Cardinales, secum uniti, et in unum coacti, straverunt ad Concilium Pisanum: quod Pisae a. 1409. celebrandum indixerunt. Utrumque contendentem scriptis litteris invitarunt ad concilium, si vero adesse recusarent, nihilominus pro genuino concilio Oecumenico esse habendum, ejusque decretis standum, decreverunt. Praeterea quoque suae obedientiae Praelatos convocarunt ad Synodum, et Regum ac Principum inplorarunt auxilium. Litterae Cardinalium hanc in rem editae sunt a Dacherio in Spicilegio. Ceterum, quod notatu dignum est, contendunt his in litteris, 1. Ecclesiam per hoc schisma in horrendam esse coniectam confusionem. 2. Papas nullo modo ad pacem ineundam potuisse adduci. 3. Utrumque se demonstrasse schismaticum, perjurum, haereticum: adeoque 4. hoc in rerum statu jus convocandi Synodum, et in ea praesidendi, esse ad Cardinales devolutum. Denique 5. addiderunt, concilia, ab utroque Papa convocata, schismati exstinguendo esse inepta, nec pro Generalibus habenda. Indixerunt nimirum Synodos Gregorius et Benedictus, ille in Aquileiensi provincia, hic Perpinianam. Quae posterior, a. 1408. habitata, licet frequens, fuisset frequentior, nisi ad eam per Galliam aditus fuisset prohibitus, et actu interclusus: celebrata nihilominus est adeo solenniter, acsi esset Oecumenica. Circa medium vero unionis, cum valde secum dissentirent in Synodo, alii enim, ut mox Pisam cum litteris abdicationis mitteretur, volebant, alii procrastinationem eligebant, dilapsa fere est, octodecim tantum Praesulibus manentibus, qui Benedictum ad viam cessionis conati sunt permovere; sed Papa, licet se ab ea demonstraverit haud alienum, adsumere nondum voluit. Legatos quidem Pisam misit Benedictus, sed qui aegre eo venerunt, in itinere jussu Regis detenti, donec, intercessionem Regis Arragoniae, fuerint cum salvo-conductu dimissi: interea, Pisis vix a periculo mortis
tuti,

tuti, clam se subduxerunt. Vid. Bonifacius Ferrerius Carthusianus, in tractatu pro *defensione Benedicti*, in thesauro Anecd. Martene, tom. II., sed nimis addictus Papae, quocum historia conciliorum Hispaniae Cardinalis D'Aguirere conferenda est. Gregorius vero nusquam invenire potuit locum pro concilio, tota Italia fere se ei opponente, omniumque in votis existente Pisano concilio.

§. CCCCXVII. Omnibus itaque rebus ad concilium habendum paratis, celebratum est Pisis, loco aptissimo, in Hetruria, a. 1409. Convocatum est a Cardinalibus utriusque obedientiae, consensu Regum et Principum totius fere Europae, excepto Ruperto Imperatore, qui Gregorio adhaerebat. Petiit, missis legatis, ejus dilationem, propositis variis difficultatibus, quae quarta sessione sunt discussae. Interfuerunt, praeter Legatos Regum et Principum, Cardinales viginti duo, Patriarchae quatuor, Archiepiscopi viginti quatuor, Episcopi 182, partim ipsi, partim per deputatos, Abbates magno numero, etiam Academiarum deputati, Doctores, et alii. Praefedit Cardinalis Pictaviensis, utriusque collegii Decanus, et viginti una sessionibus est absoluta; acta integriora luci exposuit D'Acherius in Spicileg. tom. I. Decretum est 1. utrumque Papam, Benedictum et Gregorium, Papatu excidisse, frustra contranitentibus Legatis Ruperti Bavariae, qui Rex Romanorum a multis agnoscebatur; qui contendebant, concilium non esse legitimum, a Papa quippe non coactum, aut adprobatum, iudices non esse competentes, quia Papa erant inferiores, et ejus adversarii, qui obedientiae ejus jam ante nuncium miserant. etc. 2. Cardinales, aliosque, qui Paparum partes sectabantur, esse exautorandos. 3. Novum esse eligendum Papam; qui et stante Synodo electus est Alexander. V., de quo mox. 4. Papam electum omnia Synodi acta habiturum rata, quod et fecit, nec dissoluturum Synodum, nisi reformatio Ecclesiae in Capite et membris esset peracta. Quod tamen posterius est a Papa dilatum ad sequentem Synodum, trien-

rio post celebrandam. Sententia vero depositionis Paparum, quod observari meretur, habet, eos esse notorios schismaticos, et haereticos, perjuros, Ecclesiae scandala, multisque criminibus aliis infames, adeoque Papatu prorsus indignos.

§. CCCCXVIII. Interea, cum Synodus Pisana ad finem vergeret, conciliabulum aliquod congregavit Gregorius *Austriacae* in provincia Aquileiensi a. 1409., adpellavit Oecumenicum concilium, quia a Papa erat indictum, et omnes ad id invitatae Ecclesiae erant. In quo decessorum electiones sunt canonicae, ac legitimae, Benedicti vero et Alexandri nullae, temerariae, injustae, et sacrilegae declaratae; et in Cardinales, qui ab ipso defecerant, lata est exauكتورationis sententia. Vid. Raynaldus. Quo facinore nihil aliud effecit, quam quod se risui exposuerit Papa, ac persecutioni; adeo ut sese clam debuerit subducere, nec in sua retinuerit obedientiam, praeter pauca Italiae et Germaniae loca. Benedicto autem Hispania, Scotia, et paucae aliae regiones parebant, reliquae Christiani orbis partes agnoverunt *Alexandrum V.*, antea Petrum Philargum, vulgo de Candia, oppido Papiensis territorii, ut probabile est: variant enim auctores. Fuit autem Minorita, Parisiensis Doctor, et dein Archiepiscopus Mediolanensis, ac Cardinalis: vir probatae virtutis et devotionis, liberalis praeterea ad profusionem usque: ita ut dicere soleret, se *divitem fuisse Episcopum, pauperem Cardinalem, et mendicum Pontificem*. Eos autem, qui per nefas corradebant aurum, adpellavit *raptores*, qui nemini dabant *lucifugas*, qui indignis *lapidatores*. Anathemati subjecit Ladislaum, Regem Neapolitanum, qui Romam tyrannice tenebat, et Ludovico Andegavensi favit. Denique in religiosos mendicantes, edita constitutione, nimia contulit privilegia, quibus uti noverunt Praedicatores, reclamante etiam Academia Parisiensi, sed quibus superbiunt Minores, nec iis renunciare voluerunt, propterea edicto regio repressi.

§. CCCCXIX.

§. CCCCXIX. Tantum abest, ut schisma per concilium Pisanum fuerit e medio sublatum, ut gravius fuerit factum, et Ecclesia triceps; nec communem meruit Synodus adplausum, sed disputationum praebuit materiam. Johannes Gerson quidem defendit, scripto tractatu de *auferibilitate Papae ab Ecclesia*: sed alii, haud exiguo numero, se ei opposuerunt. Bonifacius Ferrerius, cujus supra feci mentionem, traduxit quoque tanquam conciliabulum haereticum, profanum, maledictum, et diabolicum: exstat iste tractatus in *Anecd. Martene* tom. I. Pro legitimo non agnovit Antoninus in *Chron.* p. III., nec Theodoricus Urias, autor historiae concilii Constantiensis, qui hoc tempore vixit, nec Nicolaus Clemangis in tractatu super *materia concilii Generalis*. Rationes praecipue fuerunt 1. quod a Papa non fuerit convocata, aut confirmata, Synodus 2. Papa non possit a Synodo judicari 3. Antipapam, adeoque illegitimum, constituerit 4. Schisma non fuerit ablatum, quin auctum. Quae rationes quanti valeant, facile dijudicatur.

§. CCCCXX. Alexandro, ut in historia pergam, post decem menses, nec sine suspitione veneni, a successore ejus procurati, mortuo, successit Balthasar Cosca, Neapolitanus, Cardinalis Presbyter, a cujus ore totus pependerit Alexander, dictus *Johannes XXIII.* Electio ejus minime fuit libera, sed Cardinales partim pecunia fuerunt corrupti, partim vi et metu coacti: ut probat *L'Enfant hist. concilii Pisani* p. II. Auctor vero hujus temporis, Philippus Bergomensis, qui *supplementum* dedit *Chronicorum*, refert, Cardinales, se eum dissentientes, jus eligendi concessisse Johanni, ipsumque, sumpta, et sibi inposita, chlamyde, dixisse: *ego sum Papa*: cui Cardinales contradicere non fuerunt ausi. Vir fuit, judicio historicorum Leon. Aretini, Theodoricus Niem, et Antonini, in temporalibus quidem magnus, sed in Spiritualibus nullus omnino, atque ineptus. Imo Niem eum depingit: ut monstrum avaritiae, ambitionis, crudelitatis, injustitiae, et horrendae impudicitatis. Ruperto Bavaro mortuo,

tuo, commendavit ad imperium Sigismundum, Hungariae Regem, Ludovicum vero Andegavensem et Paulum Urfinum exstimulavit in Regem Ladislaum, Gregorii fautorem. Unde bellum inter eos ortum, initio infaustum Ladislao, magna quippe clade fuso exercitu ejus, dein, cum Ludovicus in Gallias esset reversus, et Ladislaus animos viresque refumisset, Papa in eum conscripsit exercitum Cruciatum, et anathema vibravit, quo territus pacem petiit, seque Papae subjecit, relicto Gregorio, qui ad incitas tunc redactus aufugit Riminum. Sed mox, in Papam rebellans, Romam, aliasque ditionis Ecclesiasticae urbes, occupavit; Papa vero, fuga sibi consulens, venit Florentiam, et Legatos ad Sigismundum misit, ut auxilium contra Ladislaum inpetraret, simul de concilio, ejusque loco, ageret. Interea, mortuo Ladislao, Papa, ab eo metu liberatus, animum ad concilium, ex Pisanae Synodi decreto habendum, adpulit, loco, quem Sigismundus elegerat, constituto Constantia ad Rhenum; Congregaverat quidem concilium Romae a. 1412., eo scopo, ut, quod Pisana Synodus decreverat, *generale foret*; sed, quamvis undiquaque ad illud fuerint missi, pauci advenerunt Romam, sive quod omnia in circuitu loca fuerint a Ladislao, Synodo minus favente, occupata, iterque propterea minus tutum esset, sive Romam minus aptum judicaverint locum Synodo in causa reformationis habendae. Tantum itaque abest, ut Oecumenicae conspectum gerere possit, ut nequidem conciliabuli titulum mereatur, potius abortus Synodi sit; cum incepta mox sit interrupta, nova Synodo Constantiae indicta. Primam vero et Secundam sessionem haud parum turbavit, et Papae in primis horrorem incussit, bubo, seu avis nocturna, quae pleno die sese in medio Synodi ostentavit, fixos in Papam tenens oculos, nec nisi occisa potuit abigi. Vid. Nicol. Clemangis de *concilio Generali*. Erant, qui dicebant, *ecce sub specie bubonis adest Spiritus*. Wiclefi errores, cum ejus libris, hic esse proscriptos, libros quoque igni combustos, tradit

tradit Joh. Cochlaeus in hist. *Hussitica*, et bulla exstat in collectione Labbeana; sed alii historici de eo silent.

§. CCCCXXI. Synodi convocatione decreta, et urbe *Constantia*, quae Germaniae urbs est, prope Helvetios, in *Moguntina* provincia, a Sigismundo proposita, a Johanne Papa, licet invito, adprobata; mox promulgata est Bulla Papae de Synodo habenda a. 1414., et litterae a Sigismundo quaquaversum missae sunt, quibus Principes et Praelati, sine discrimine, promisso salvo conductu, invitati sunt. Incepit itaque a. 1414., annos quatuor et sex Menses duravit, quadraginta quinque sessionibus absoluta a. 1418. Interfuerunt, praeter Sigismundum ipsum Imperatorem, Principes, eorumque, et aliorum, ac Regis Galliae, legati, Praefules, Abates, Doctores, ingente numero. Praefuit in principio Johannes Papa, sed, ipso sese secunda sessione subducente, alii, in primis Johannes, Episcopus Ostiensis, Cardinalis Vivariensis dictus, qui plurimis sessionibus praefuit, quatuor vero postremis Martinus V. Papa, tunc electus. Praecipuae Synodi causae moventes fuerunt, schismatis papalis extirpatio, Ecclesiae in Capite et membris reformatio, haeresium et haereticorum Wiclefitarum et Hussitarum proscriptio. Modus, quo singulae res peractae sunt, hoc habuit singulare, quod Praefules fuerint secundum nationes distributi et seorsim deliberaverint, ut et Cardinales secum separatim; nihil fuerit Synodo propositum, nisi per Episcopos et Cardinales in singulis conventibus discussum et conclusum.

§ CCCCXXII. Duabus primis sessionibus, ut acta Synodi enarrem, schisma Papale, praesente et praesidente Johanne, est tractatum. Synodo a Johanne petente, ut, si aemuli abdicarent, vel unio Ecclesiae id requireret, cederet, ipse solenni juramento sese ad id obstrinxit, de quo publicum factum est instrumentum. Legati vero Gregorii XII. tantum promiserunt, se, ut a Papa suo inpetrent cessionem, nihil non acturos; obedientiam etiam promiserunt

Tom. VI.

N n n

Synodo,

Synodo, si, quod petebant, Johannes non praecesset, sed nunci Benedicte XIII. nihil aliud obtulerunt ac conventum Sigismundi, et Ferdinandi, Regis Arragonum, cum Papa, Niciae in ora Liguria habendum, ut de unionem deliberaretur. Interea cum Synodus a Johanne postularer, ne Synodus ante perfectam unionem dissolveretur, aut alio transferretur, ne Papa discederet, aut alius aliquis Praelatus, denique, ut procuratorem ad renunciandum constitueret, Papa primum concessit, sed consultius declaravit, ut Synodus ad locum Niciae vicinum transferretur, procuratorem vero recusavit. Legati autem Gregorii Niciam noluerunt tendere, nec cum Synodo, nec cum Johanne, se acturos esse declararunt. Quo in rerum statu Johannes sese clam subduxit Schafhusam. Frederici, Austriae Ducis, oppidum, ne, secundum promissum et juramentum, se abdicare cogereetur. Perrexit nihilominus Synodus, et se ipsa confirmavit, edito constituto, sessione *tertia*, quo statuit, Synodum esse legitimam, nec nisi rebus peractis dissolvendam, aut alio transferendam, negata quoque Episcopis licentia discedendi, nisi necessaria de causa. Ut autem illud fortius adstringeretur, sancitum est, sessione *quarta* et *quinta*, Synodum Generalem immediate a Christo dependere, ipsumque Papam ei esse subiectum, Johannem etiam Papatui renunciare, et decretis Synodi teneri stare; sique ad Synodum non redierit, contra ipsum, ut fautorem schismatis, et haereticos suspectum, esse procedendum.

§. CCCCXXIII. Quibus peractis et constitutis Synodus sese ad causas, propter quas coacta erat, pertractandas adiecit. Quod ad *schisma* Papale adinet, de quo nunc praecipue agimus, *Johannes*, cum ad iteratas citationes ad varias non compareret pronunciatus est, sessione *decima*, eorumque, et depositionis sententia in ipsum lata, qua *ab omni administratione Pontificali, tam Spirituali quam temporali*, est suspensus, omnibusque obedientia, ipsi praestanda, interdicta. Declaratus autem in hac sententia est Simoniacus,
bonorum

bonorum Ecclesiae dilapidator, et muneris male administrati reus, praeterea pessimae vitae et morum, denique contumax et incorrigibilis. Addita quidem sequente sessione sunt crimina, ipsi inpaeta, ut quod Alexandro V. paraverit venenum, et resurrectionem ac vitam aeternam negaverit, sed probata non sunt. Articulis vero ad ipsum delatis, respondit, *volo, quod concilium sit defensio mea, quod scio errare non posse, nec alia qualicunque defensione uti volo*. Promisit quoque, sese sententiae Synodi praestitutum obsequium, eamque confirmaturum esse. Quando tandem perrexit Synodus sessione *duodecima* ad ipsam depositionem Johannis XXIII., ob modo memorata crimina, sententiam tulit publicam hac de re, et ad Johannem misit: qui eam habuit ratam, et Pontificatus insigne deposuit. Secuta est sessione *decima quarta* abdicatio Gregorii XII., quam et ipse fecit, sed in manibus Sigismundi Augusti, et non Synodi: quo fini praefedit in principio Sigismundus, et hac ratione Legati Papae adprobarunt eam, et Synodum confirmarunt, nomine Gregorii. Qua abdicatione solenniter peracta, Cardinales ejus obedientiae admissi, et reliquis adunati sunt. Praeterea decretum est, novum Papam, stante Synodo, non, nisi cum Synodi deliberatione et consensu, esse eligendum.

§. CCCXXIV. Ad *Benedictum*, qui solus supererat, decreta est sessione *decima sexta* illustris legatio, in qua primas tenuit ipse Sigismundus, ut ad abdicationem permoveretur. Quos conatus cum variis artibus deluderet ambitiosus Papa, inter Sigismundum, cum reliquis legatis, et Oratores Regum Arragoniae, Navarrae, et Castellae, et Comitum Foxi et Armaniaci, qui Benedicto parebant, certos in articulos est concordatum; eaque ratione sententia depositionis, sessione *trigesima septima*, in eum est lata ac pronunciata, tanquam in perjurum, universalis Ecclesiae scandalum, schismatis fautorem, et pacis turbatorem, schismaticum et haereticum, quippe articuli fidei, *unam sanctam Ca-*

tholicam Ecclesiam, violatorem notorium et pertinacem. Quando et ejus obedientiae Cardinales recepti sunt, et schismati, ut videbatur, finis inpositus. Quem in finem decretum etiam est sessione *trigesima nona*, ut Concilia Generalia continue celebrarentur statis temporibus, uti *quinquennio* post hanc Synodum, et tunc singulis decenniis, in locis vero vel a Papa ante finem cujuslibet Synodi, cum ejus consensu, vel ab ipsa Synodo, definiendis. Decretum ita incipit: *frequens conciliorum generalium celebratio est agri Domini praecipua cultura*. Quod effectum vix cum experientia conciliatur. Sed et alia sunt ad praecavendum schisma ordinata, formula quoque fidei singulis Pontificibus, ante electionis promulgationem, praescripta est, qua sese credere profiteri debebant, et tenere, sanctam fidem Catholicam, secundum traditiones Apostolorum, generalium conciliorum, et aliorum S. Patrum, in primis octo Universalium Nicaeni, CPolitani, Ephesini, Chalcedonensis, CPolitani quinti et sexti, Nicaeni II. CPolitani octavi, Lateranensis, Lugdunensis, et Viennensis.

§ CCCCXXV. Quibus omnibus ad felicem adductis finem, progressa est Synodus ad novi Papae electionem, estque a viginti Cardinalibus, qui praesentes aderant, et triginta electoribus, a Synodo deputatis, in conclave ingressis, electus Odo de Columna, e nobili illa Columnensium familia, dictusque *Martinus V.*, quem Platina a justitia, prudentia, et moderatione inpenso laudat. De quo antequam agam, reliqua Synodi decreta et acta strictim recensebo; de praecipuis enim fufius suis expono locis. Huc pertinent 1. Wiclefi condemnatio, et violentiae in ejus cadaver et libros commissae. 2. Vivicomburium tyrannicum, et Antichristianum, virorum praeclarorum Johannis Hussi, et Hieronymi Pragensis, 3. Calicis in eucharistia ablatio Laicis, et communio sub una panis specie definita. 4. Reformationis denique quaedam sunt constituta capita; potissimum sequentia. a. Potestas et autoritas Papalis est circumscrip-

ta,

ta, cum quod superioritas concilii generalis supra Papam sit definita, tum reservatio et perceptio procurationum, ordinariis et aliis inferioribus Praelatis debitarum, ratione visitationis, nec non spoliolum decedentium Praelatorum, aliorumque Clericorum, siue in curia Romana, siue extra eam, obierint, a Romanis Pontificibus fieri solita, prohibita fuerit.

β. Articuli, circa quos reformatio Ecclesiae in Capite et membris a Papa cum concilio fieri debeat, sunt definiti sequentes octodecim. 1. de numero, qualitate, et natione Cardinalium. 2. de reservationibus sedis Apostolicae. 3. de Annatis, communibus servitiis, et minutis. 4. collationibus beneficiorum, et gratiis expectativis. 5. Confirmationibus electionum. 6. Causis in curia Romana tractandis, vel non. 7. de adpellationibus ad curiam Romanam 8. Officiis cancellariae et poenitentiariae. 9. exemptionibus et incorporationibus, tempore schismatis factis. 10. Commendis. 11. fructibus medi tempore. 12. de non alienandis bonis Romanae Ecclesiae. 13. Propter quae et quomodo corrigi et deponi posset Papa Romanus. 14. de extirpatione Simoniae. 15. dispensationibus. 16. provisione Papae et Cardinalium. 17. indulgentiis. 18. decimis. Ex quibus articulis elucescit, quantum in vera Ecclesiae corruptione, sicut antea ita et nunc, coecutierint. Sunt quidem de nonnullis articulis formata decreta, sed quibus recensendis non inmoror. Denique Synodi decretis et illud addatur, concilium Papiae habendum esse, et omnibus, qui Synodo interfuerunt, plenariam concessam indulgentiam.

§. CCCCXXVI. *Martinus*, cujus praecipua gesta paucis recensenda sunt, in eo totus fuit, ut haereticos et schismaticos debellaret. Contra Wiclefitas et Hussitas edita constitutione a. 1418. Episcopis et Inquisitoribus severe iunxit inquisitionem. Misit quoque eum in finem Legatum in Bohemiam et Hungariam, cum amplissima potestate, ipsam expeditionem sacram indixit adversus Hussitas. Excommunicationis fulmen vibravit in Sigismundum, Lithuariae

Principem, qui haereticis patrocinabatur, et Conradum, Archiepiscopum Pragensem, qui ad Hussitas defecerat, anathemate confixit, et exautoravit, jubens quoque Germaniae Episcopis, ut illum captum in custodiam darent. Quam sententiam recenset Raynald. a. 1426. *Fratres de opinione* dictos in Italia, extirpare adlaboravit, litteris ad Praefules et Inquisitores eo scopo datis, ibid. apud Raynaldum a. 1428. Denique schismati Papali penitus tollendo incubuit felici cum successu. Cum Alphonsus, Arragonum Rex, Benedictum non tantum fuerit usque ad mortem ejus, quae a. 1423. contigit, tuitus, non obstante Concilii Constantiensis decreto, sed et post ejus obitum novum eligi fecerit Papam Aegidium Munionem, licet invitum, a duobus Cardinalibus, sub nomine *Clementis VIII.*, Papa anathematis sententiam in ipsum proferre minatus est. Quo territus Alphonsus cum ipso in gratiam rediit a. 1418., et Clemens se abdicavit a. 1229. Quod exemplum mox secutus est Johannes, comes Armaniaci, qui schisma strenue fovebat, postquam Papa sententiam in eum tulisset, quae sacrorum non tantum usu, sed et temporali potestate, privatus est. Quo fulmine prostratus sese Papae subjecit. Hac ratione finitum est schisma Papale, quod ab a. 1378., quo Clemens VII. electus est, duraverat ad a. 1429. Denique jura sedis Papalis feliciter vindicavit Martinus. Inpetravit a Carolo VII., Rege Galliae, ut leges, a Patre durante schismate latae, de beneficiorum collatione, et causarum Ecclesiasticarum judicio, in praedictum sedis Romanae, fuerint rescissae, vel emendatae, Rege a juramento, quo se ad earum observantiam, junior adhuc Delphinus, obstrinxerat, absoluto. Quod idem fieri curavit in Anglia, Hispania, et aliis in locis. Recepit etiam Ecclesiasticae conditionis urbes, tempore schismatis occupatas a Principibus. Quibus verbo addatur, Urbani IV. decretum de *festo corporis Christi* fuisse ab ipso novo diplomate confirmatum.

§. CCCXXVII. Concilium, ex decreto Constantiensis celebrandum

celebrandum Papiae, ut quid in opere reformationis sit praestitum enarrem, inchoari fecit quidem a 1423., sed, cum pauci adessent Praelati, et pestifera lues Ticini grassaretur, loco mutato, transtulit Senas, ubi haberi coepit, sed et mox abruptum est, ob paucitatem Praesulum, et ingruentia bella, ac infesta conamina Alphonsi, Arragonum Regis. Quo non obstante, inter generalia concilia locum reservavit, quia legitime est indictum, et universalis Ecclesiae consensum meruit. Nihil interea magni momenti in eo actum est, reformatione Ecclesiae ex Constantiensis decreto, et hujus ipsius Senensis, ad proximum Basiliense concilium dilata. Tantum Wiclefitarum et Hussitarum damnatio confirmata est, et Principes, propositis indulgentiis, incitati sunt ad eam haeresin extinguendam. Praeterea rata est habitata sententia in Benedictum XIII., et adhaerentes schismati: de Ecclesiae Graecae reduntione agi coeptum, sed nihil peractum est. Ne autem reformationis causam videretur missam facere, selectis Cardinalibus in mandatis dedit, ut de ea consulerent, consilia insuper et monita a quibuslibet reciperent, ut omnia scilicet ad novum concilium essent parata. Praescripsit et ipse Cardinalibus vitae puritatem, ac honestatem, apud Raynaldum a. 1224. Sed ipsi interea inputatur, quod divinas leges de matrimoniorum gradibus mutaverit per suas dispensationes, non tantum quod Comiti Fuxensi, Gallo, prioris uxoris sororem, permiserit ducendam, sed et germanam sororem fratri concesserit uxorem. Sed posterius in dubium vocatur, et Papa tantum dispensasse censetur cum homine, qui feminam duxerat, cujus sororem stupraverat: vid. Spondanus a. 1431. In priore vero casu non nisi communi Doctorum et Cardinalium consensu egit. Obiit ex apoplexia a. 1431., cum annos 14, et quod excurrit, sedisset. In sepulchri inscriptione insigni ornatus est encomio, adpellatus *temporum suorum felicitas*.

§. CCCXXVIII Succesit *Eugenius IV.*, Venetus, antea Gabriel Condulmerius, Gregorii XII. ex sorore nepos. Ne-

gotium quidem initio ipsi intercessit cum Columnensibus, i quibus thesaurum, pro Ecclesiae necessitatibus collectum, repetiit; quo se cito expedivit, seditione eorum in Papam repressa, Venetorum et Florentinorum copiis in eos immis- sis. Longe gravior, et ipsi funestior, fuit concertatio cum concilio Basileense, quae novum peperit schisma Papale. Quae historia exactiorem meretur narrationem. Indixerat, ut modo indicavi, Martinus concilium *Basileae*, quae nobil- sima est ad Rhenum urbs, secundum decretum Constanti- ensis et Senensis Synodorum, celebrandum a. 1431., *bulle* eo fini publicata, qua concilii indictionem confirmat, simul Julianum Cardinalem constituit Legatum a latere, et Syno- di Praesidem, cum plena potestate. Inter causas Synodi praecipuae memorantur Reformatio Ecclesiae, haeresium extirpatio, et Ecclesiarum, in primis Graecae, redunitio. Martino interea defuncto, haec omnia confirmavit Euge- nius, et Synodus, hac autoritate munita, legitime coacta, et inchoata est mense anni memorati Julio. Ordo autem et modus, quo negotia sunt peracta, hic fuit. Quatuor nationes, Italica, Gallica, Hispanica, et Germanica, in toti- dem conventus separatos, *sacras deputationes* dictos, divisae sunt, quibus, secundum negotia, ipsis demandata, indita sunt nomina *fidei*, *pacis*, *reformationis*, et *communium*. Sin- guli conventus habebant suos magistratus et ministros, Praesi- dem, promotorem, notarium: ter hebdomade propriis in prae- toriis conveniebant. Quibus in conventibus omnia prius exa- minari et concludi debebant, quam ad Synodum deferantur; quod fiebat, si tres saltem conventus in idem consentirent. Decreta dein in ipso concilio adprobabantur, et tunc formam decreti accipiebant, Vid. Augustinus Patricius, Canonicus Senensis, et dein Episcopus Pientinus, in historia concilio- rum Basileensis et Florentini; quae *actorum Patricianorum* nomine venit.

§. CCCXXIX. Synodo hac ratione incipiente, et felicem
 exitum, omnia sunt per Eugenium subito tur-
 bata

bata; Papa enim, metuens, ne de summa sedis suae auctoritate aliquid per Synodum detraheretur, in animum praecipitanter induxit eam dissolvere, et post annum aliam indicere, Bononiae habendam. Praetexit paucitatem membrorum ejus, bellum inter Philippum Burgundiae, et Fredericum Austriae, Duces, quo Synodus turbari posset, denique in primis unionem Graecorum, qui Basileam venire non poterant, et Bononiam elegerant. Sed vani erant hi praetextus, a Juliano, Praefide et Legato, nec non a Sigismundo Imperatore, dilucide et solide refutati. Nec illi tantum, sed et Clerus Gallicanus, Avarici Biturugum coactus, ipsi quoque Patres Synodi, acriter contenderunt, Synodum nec esse dissolvendam, nec prorogandam. Formavit quoque Synodus, sessione *secunda* et *tertia*, decretum, quo declaravit, se legitimam esse Synodum universalem, potestatem autem ab ipso Christo habere immediatam, eique Papam esse subiectum, adeoque ab eo dissolvi, aut alio transferri, non posse invitam, eos denique, ne excepto quidem Papa, qui contra eam aliquid tentaverint, gravi esse mulctandos censura. Imo Eugenium admonuit, ut praetensam dissolutionem publice revocet, et intra tres menses vel ipse ad Synodum veniat, vel mittat legatos, gravem ceteroquin subiturus censuram. Praeterea Cardinales stante Synodo si crearet, irritam fore electionem eorum, Papam, si sedes hoc tempore vacaret, in Synodo esse creandum, declaravit. Dogma itaque, in superioribus conciliis sancitum, corroboravit, et perpetuam habere vim sancivit, Papam scilicet conciliis generalibus esse obnoxium in his, quae ad *fidem*, *extirpationem schismatis*, et *generalem reformationem* spectant, adeoque et Papam ob haeresin, schisma, et pravae mores, judicari ac deponi posse ab ejusmodi conciliis, quippe quae Ecclesiam Catholicam repraesentant et constituunt, nec errare possunt; uti possunt Papae, et subinde erraverunt reapse. Qua occasione sunt variae habitae Orationes, aliae a Legatis, ab Eugenio ad Synodum mis-

sis pro summa Paparum autoritate, aliae ab ipsa Synodo pro sua supra Papas potestate: varii etiam scripti sunt tractatus, in favorem conciliorum Generalium, a viris peritis, uti ex. gr., a Nicolao, Panormitano Archiepiscopo, Johanne, Antiocheno Patriarcha, in opusculo ipsi concilio oblato, Nicolao de Cusi, Germano, S. Florini Constantiensis decano, et postea Cardinali, in libris de *Catholica concordantia*; quos nunquam revocavit, licet, relicta denique Synodi defensione, defecerit postea ad Eugenium, a *Gregorio Corrario*, Veneto-Romanae Ecclesiae pronotario, in Oratione habita ad Sigismundum a. 1433. in ipso loco Synodi.

§. CCCXXX. Eugenius, Synodum Basileensem contra se, ut contumacem, stricto jure processuram esse, animadvertens, paulo benignius, ad hanc tempestatem avertendam, agendum esse prudenter censuit. Litteras itaque bullatas, post varias tergiversationes, tandem ad Synodum misit, quibus tres bullas, seu litteras Apostolicas, super dissolutione Synodi vulgatas, revocavit, Synodum, usque ad hanc sessionem pro legitima habens, omnia ejus decreta adprobavit, et cum omni devotione prosequi testatus est. Quae litterae sessione XVI. lectae, et cum gaudio approbatae, sunt. Papa itaque, quod notandum est, concilii generalis superioritatem supra Papam solenniter agnovit et sancivit. Admissi etiam mox sessione XVIII sunt Legati Papae, utque vice et nomine Eugenii praesiderent, sed sine jurisdictione coactiva, et salvis modis procedendi, hucusque a Synodo, et in ea, observatis, denique ut sigillo et bulla Synodi obsignarentur acta. Quo facto, de novo sunt confirmata decreta praecedentium sessionum de suprema concilii Generalis, etiam supra Papas, autoritate. Praeterea sessione XXIII forma juramenti, a Papa, cum electus est, praestandi, praescripta est, qua solenniter confitebatur, se fidem Catholicam, et decreta conciliorum generalium, in specie Basileensis, servaturum, et talium conciliorum celebrationem promoturum esse, denique pro fidei puritate,

morum

morum reformatione, ac pace populi Christiani, laboraturum esse. Sed pax, hac ratione inter Synodum et Papam facta, brevi est penitus rupta. Cum enim sessione XXV. de loco Synodi, in causa unionis Graecorum habendae, dissentirent Patres Synodi, dum Legati, cum plerisque Praesulibus, Florentiam et Utinum, tanquam loca et Graecis et Papae commodiora, etiam secundum pacta cum Graecis conventiona, nominarent, alii, sed longe majore numero, licet ex secundi Ordinis sacerdotibus, Duce Ludovico, Cardinale Arelatensi, Basileam, aut Avenionem, aut locum in Sabaudia, praeterea, cum sessione XXVI. et seq. Eugenium cepisset Synodus variorum criminum accusare, citareque coram Synodo, etiam contumacem pronunciare, instituisset, licet contra Principum Christianorum plerorumque, etiam Sigismundi Imperatoris, et Regis Hispaniae, voluntatem; scissa est ipsa Synodus in partes, et Eugenius eam esse Ferrariam transferendam declaravit, cum Cardinalium, Archiepiscoporum, ac multorum Episcoporum, consensu, edito diplomate Bononiae. Permisit tantum causam Bohemorum, respectu communionis sub utraque specie, terminari Basileae intra triginta dies, confirmavit vero decreta Synodi usque ad eam translationem, sed *absque praejudicio juris, dignitatis, et praeminentiae sedis Apostolicae.* etc.

§. CCCCXXXI. Hisce Papae mandatis ad Synodum delatis, variae sunt consultationes habitae, diversi etiam animorum motus exorti: donec decretum sit, *dissolutionem et translationem* Synodi esse irritam; sicut mox declaratum est, simul Papae injunctum, ut eam revocaret, alias censuram Synodi subiturus. Prohibitum praeterea est, ne quis Synodum propterea deserat, aut Ferrariam tendat, sub poena excommunicationis et depositionis. Denique, post prolixas, disputationes, declaravit Synodus, has propositiones esse *veritates fidei*, scilicet, concilium generale esse supra Papam, nec posse sine suo consensu a Papa *autoritative* dissolvi, aut alio transferri, repugnantem vero his veritatibus esse

condemnandum haereticum. Quibus stabilitis, ad Eugenium deponendum se adcinxit Synodus, et actu perfecit, non obstantibus Regum et Principum consiliis et dehortationibus. Pronunciata est sententia sessione XXXIV. a. 1439. qua depositus est Papa, tanquam *notorius et manifestus contumax, mandatis Ecclesiae Universalis inobediens, violator canonum synodaliū, pacis et unitatis Ecclesiae perturbator, notorius Simoniacus, perjurus, incorrigibilis, schismaticus, haereticus, dissipator rerum et bonorum Ecclesiae, inutilis et damnosus*. Nec hic substitit Synodus, licet pauci adessent Praefules, sed ad novi Papae electionem provolavit. Electus est a Cardinalibus praesentibus, et Synodi Deputatis aliis, Amedeus, Dux Sabaudiae, in secessu Rupallensi vitam agens devotam, dictusque *Felix V.* Quae electio adprobata est, et promulgata, sessione XXXIX. et XL., damnata quoque, sessione sequente, sententia Eugenii contra Felicem, ejusque obedientiam, veluti *scriptum famosum, schismaticum, haereticum*. Nominavit vero Felix, concilii jam Praefes, civitatem Lugdunensem locum concilii, intra triennium celebrandi, absque ut Basileense sit dissolutum; quod vel ibi continuandum, vel ad civitatem Lausannensem esse transferendum, decretum est.

§. CCCXXXII. Actis Synodi, quae ad historiam Paparum pertinent, enarratis, reliqua suis locis proferam, et hic praecipua tantum recensabo simpliciter. 1. Ad fidem spectat cum definitio immaculae conceptionis Mariae Virginis, tum damnatio libelli *Augustini de Roma*, Nazareni Episcopi, ex Ordine Eremitarum S. Augustini, de *Christo et Ecclesia*, ob male sanas opiniones, uti de humana Christi natura fere Deificata, in primis, quod habeat, *Christum quotidie peccare*, et *ex quo fuit Christus, quotidie peccasse*, licet illud non Christi, sed Ecclesiae, respectu, et ob aeternam Christi et Ecclesiae unionem dixerit. 2. Ad ritus religiosos pertinet festum immaculae conceptionis, et visitationis, Mariae, a Synodo sancitum, nec non decretum de eucharistia

eucharistia sub una specie a Laicis sumenda, cum Christus integer sit sub alterutra specie, et consuetudo Ecclesiae pro lege habenda. 3. *Regiminis* et disciplinae respectu, definita est superioritas concilii Universalis, et nonnulli abusus proscripti. Quo pertinet electio Papae cum formula fidei, et decretum de numero et qualitate Cardinalium, de aetate et qualitatibus Episcoporum eligendorum, de excommunicatione, interdictione, praeterea contra reservationes, concubenarios, Simoniacos, Papales usurpationes, et frivolas adpellationes, Annatas quoque, quae abolitae sunt. De quo postea, ubi etiam de Bohemis.

§. CCCXXXIII. Interea dum Synodus Basileensis continuaret sessiones, et acta persequeretur, Eugenius quoque non quievit, sed Synodum habuit, quam Basileensi opposuit, primum Ferrariae a. 1438., dein Florentiae, quo translata est. Cum Basileenses, ut hujus rei aliquam dem notitiam, actionem contra Eugenium coepissent instituere, et Graecos Basileam conarentur adlicere, ut de unione ageretur, Papa, qui concilium illud propterea volebat dissolutum, et alium in locum transportatum, edita Bononiae constitutione a. 1437, cui octo Cardinales cum Papa subscripserunt, declaravit, Synodum, nisi ab actione contra Papam desistat, esse Ferrariam transferendam; sicut et mox, cum Basileenses in actione sua pergerent, factum est, nova edita constitutione qua jubentur omnes se *Ferrariam* conferre a. 1438. Inchoata quidem ibi est Synodus, et sedecim sunt habitae sessiones, sed, peste ibi grassante, translata est *Florentiam*, ubi novem reliquae sunt habitae, a. 1439., quibus Synodus est absoluta. Praesedit Eugenius ipse, adfuerunt 7 Cardinalibus, et Praelatis Latinis, haud magno numero, Gallicani Praesules eo a Rege prohibiti sunt tendere; et Basileae manserunt, paucis exceptis, longe maximam partem, et Clerici, et Regum ac Principum Oratores. Ex Oriente interfuerunt, praeter ipsum Imperatorem, Patriarcha CPolitanus, et reliquorum Patriarcharum vicarii, praeterea

terea Abbates et Praelati hand exiguo numero. Acta Synodi a Sylvestro Sgyropulo, M. Ecclesiarcha et Dicaeophylace, qui praesens adest, confecta, lucem viderunt operi Creygonis, cum versione et notis a. 1660. sed alia, ab his diversa, et Latinis faventiora, a Theodoro Xanthopulo conscripta, in lucem prodierunt Romae. Comprehendunt fere nihil aliud ac disputationes Graecos inter et Latinos de capitibus inter eos controversis, et unionem inter eos initam. De quo postea. Canonem Ver. Test. fuisse in hoc concilio definitum, accensitis sic dictis libris apocryphis, refert quidem Caranza in *summa* conciliorum, sed in actis nihil simile occurrit, nec videtur verum. Vid. Raynoldus praelection. XLI., et Rivetus Isagog. cap. X. Praeter Synodi Basileensis dissolutio confirmata est, et omnia acta, exceptis in causa Bohemorum, post translationem condita, nulla sunt et irrita declarata, ipsi quoque conciliarii schismatici habiti, et puniendi.

§. CCCXXXIV. Hac ratione Ecclesia rursus varie est scissa, et inter duos Papas, Eugenium ac Felicem, et inter duo concilia generalia, Basileense et Florentinum. Basileense postea rursus damnatum est a concilio Lateranense VI, sub Julio II. et Leone X. Pontificibus, sed adprobatum ac confirmatum a Lausanense, ut ex ejus diplomate observavit Raynald. a. 1449. Scripsit quoque contra Basileense, tanquam illegitimum, et numero Generalium expungendum, L. Holstenius, cujus dissertatio inserta est tom. XIII. conciliorum Labbei, in adpendice, sed pro Basileense calammum strinxit Launoius p. I. epist. 22. et Edmund. Richerius Sorbonicus de Conciliis p. II. Quam quaestionem licet Catholico Romanis relictam velim, non possum tamen quin verbo observem, translationem concilii Basileensis fuisse a Papa factam 1. contra conciliorum generalium praerogativas et autoritatem; sunt enim Papis superiora. 2. adversus ipsius Eugenii solennem in Synodo Basileensi declarationem, de non dissolvenda illa, nisi post reformationis opus perfectum,

fectum, et cum ipsius Synodi consensu, denique ex iustis et manifestis causis, quae non fuerunt, nec iudicium de iis penes Papam, sed ipsam Synodum, erat.

§. CCCCXXXV. Schismate hac ratione facto, partes Eugenii manserunt superiores, et magis magisque confirmatae sunt. Adversarium initio habuit Alphonsum, Arragonum Regem, et Fredericus III., Germanorum Rex, neutralitatem tenuit cum Principibus Germaniae; sed ea obstacula e medio sustulit. Alphonsum sese Papae opposuit, causa regni Neapolitani, quod mortua Johanna regina, ipse Renato, Duci Andegavensi, dederat, ejusque jura contra Alphonsum, regni invasorem, tuitus erat: postea vero, ut cum, qui regnum, pulso Renato, occupaverat, sibi devinceret, et a Felice ac concilio Basileense abstraheret, ejusque quoque auxilio contra Franciscum Sfortium, Ecclesiasticae ditionis hostem, indigeret, concessit ipsi regni Neapolitani investituram, pace cum ipso facta. Pacta conventa et diplomata Papae hanc in rem, recenset Raynaldus a. 1443. Germani, qui neutralitatem, quam ab a. 1438. per octo annos tenebant, Synodum Basileensem reveriti, nec ab Eugenio deficientes, suspensa veluti obedientia, donec alio in concilio concordia iniretur, redierunt his conditionibus ad ejus obedientiam a. 1447. ut 1. generale concilium, loco et tempore designando, celebraretur, 2. professio potestatis, autoritatis, et praeeminentiae conciliorum generalium, a legatis Apostolicis facta, confirmaretur diplomate, 3. nationis Germanicae gravamina tollerentur, et 4. decreta contra Archiepiscopos et Electores, Colonensem et Trevirenses, rescinderentur. Consensit Eugenius in has conditiones, editis diplomatibus, apud Raynaldum, censuras propter neutralitatem pronunciatas revocavit, et acta ejus tempore facta rata habuit.

§. CCCCXXXVI. Sed res cum Rege Galliae, Carolo VII., et Ecclesia Gallicana, minus ex voto successit. *Pragmatica*, ut adpellatur, *sanctio* in conventu Bituricensi lata erat

re omnino Procerum, et in Synode Basileensi adprobata; ut antequam instauranda, et libertatibus Ecclesie Gallicane restitueretur, qua superioritas conciliorum est sancita, Aristocraticum in Ecclesia regimen institutum, Paparum autoritas reducta, varii curiae Romanae abusus circa regimen Ecclesie aboliti sunt. Quam sanctionem Eugenius aegerrius tulit, omnique ope ejus abrogationem efficere conatus est. missis etiam ad Regem litteris, apud Raynaldum a. 1439 et 1440. Sed irrito conatu. Postea tamen obtinuit a Francisco I. Leo X., invita Ecclesia Gallicana. Nihil magis precepsit apud Eduardum, Lusitaniae Regem, quem litteris suis a. 1433. reprehendit, quod causas de jure patronatus ad suum traheret tribunal, et Praefulus in jus vocaret. Hinc in statu res reliquit Eugenius, a. 1447. defunctus, Papa alias non spernendus, munificus, liberalis in pauperes, austerus in vitae modo, et patronus litterarum. Notabilis fuerunt ejus, jam morituri, voces ad religiosos: *quantum magis condusisset saluti animae suae, si nunquam Cardinalatum vel Pontificatum obtinisset. Sed in suo monasterio religiosam vitam colasset*; ut habetur in vita ejus apud Raynaldum.

§ CCCCXXXVII. Successor ejus Tomas Sarzanensis, Vicerex Bononiensis, et Presbyter Cardinalis, sumpto nomine Gregorii V., schisma vidit penitus extinctum, omnesque Societas sub uno capite unitas. Nuncio de ejus electione Germaniam delato, Rex Germanorum Fredericus, abrogationem in solenni conventu Ordinum non approbavit, et obedientiam jussit exhiberi Nicolao: *quod conditiones initae sunt a Johanne S. Angeli, Diacono, et legato, et sedis Apostolicae per Germaniam legato, cum Proceribus et Principibus, quibus Ecclesiasticas dignitates conferendi modus, ac annatas exigendi, et cetera.* Quae *concordata Germanica* adpellari solent, a. 1448. et a. 1449. edita constitutione, confirmata sunt a. 1448. et cetera. Illustrabit Schilterus. Ceterum, ut hoc or-
biter

biter observem, abolita quidem haec concordata sunt tempore reformationis stabilitae, respectu Paparum, sed vigent quoad Principes, qui eodem jure, quo antea Papae, gaudent in capitulis. Vid. Boehmer Jur. Canon. l. I. tit. II. Inita quoque pax est ope Caroli, Regis Galliarum, inter Felicem, et Synodum Basileensem, quae tunc Lausanae continuabatur, ab una parte, et Nicolaum ab altera, in has condiciones, ut Felix sponte abdicaret, et post abdicationem, primus, ac Decanus, Cardinalium, nec non Legatus perpetuus sedis Apostolicae in Germania esset, et ditionibus Sabaudiae: praeterea gesta sive in concilio, sive per Felicem, rata essent, denique omnia interdicta, et sententiae in Basileenses, eorumque patronos, cassarentur. Quibus conditionibus ratihabitis, Nicolaus pro solo Pontifice est agnitus, et schisma penitus extirpatum. Quam in rem tres publicavit constitutiones Nicolaus, apud Raynaldum, et in conciliis Labbei, ut et in libro, cui titulus *A-medaeus pacificus*. Vid. etiam acta ad pacem pertinentia apud D'Acherium in Spicileg. tom. III. Ceterum Felix secessit Ripuliam, Sabaudiae castrum, ad ripas lacus Lemanni, ubi reliquum vitae tempus otio et voluptatibus exegit, brevi post mortuus a. 1450., ut ex Brevi Nicolai, a. 1450. patet, in quo ejus jam defuncti fit mentio. Vid. Biblioth. Italica tom. IX.

§. CCCCXXXVIII. Reliqua Nicolai acta levidensi brachio perstringam. Indixit 1. et celebravit *jubilaeum* a. 1450., secundum Clementis VI. constitutionem, de jubileo singulis quinquaginta annis habendo. Quo etiam tempore canonizavit Bernardinum illum Senensem, praecipuum Ordinis Franciscanorum *de observantia* promotorem; cujus singularis, ut supra monui, fuit devotio erga nomen *Jesu*, quod in tabula depictum, et sculptum, offerebat auditoribus adorandum. 2. Fredericum III. coronavit Imperatorem 3. Manichaeis, qui in Bosnia narrantur repullulasse, sed et Bohemis excindendis, vel convertendis, incubuit 4. Classem

Tom. VI.

P p p

instruxit

instruxit contra Turcas, ad CPolin tuendam, sed quae non, nisi post urbem a Mohamete expugnatam, adpulit, simul intercepta est a. 1453. Defunctus est a. 1455., et celebratur tanquam litterarum amator et promotor liberalis: sed vitiis non caruit, inter quae ebrietatis illud ipsi fuit familiare, secundum Volaterranum.

§ CCCCXXXIX. Suffectus in ejus locum est Alfonso Borgia, Hispanus, septuagenario major, sub nomine *Calixti III.*, quo jam usus est, cum sese ad bellum sacrum voto obstringeret, nixus, ut fertur, praedictione Papatus sui a Vincentio Ferrario prolata. Fuit autem praecipua ejus cura, Principes Europae ad bellum sacrum contra Turcas excitare, classem contra eos construere, sed et eo scopo, vel praetextu, pecuniam corradere, decimis toto orbe Christiano exactis. Quibus se objecit Parisiensis Academia, et provinciae Rothomagensis clerus, licet Rex cum Ecclesia Gallicana consensisset. Vid. litterae Calixti in Spicilegio Dacheriano. Expostularunt quoque cum eo Germani super pecuniarum extorsione, et Concordatorum violatione. Quas criminationes ipse diluere conatus est in litteris ad Fredericum, apud Raynaldum a. 1457. Papae vero ad eas expeditiones currenti stimulos addidit Antoninus, Archiepiscopus Florentinus, elegante coram ipso habita oratione, quae Chronico ejus inserta est. Indixit quoque, eum in finem, preces, ad signum campanae meridianum a populo fundendas: quae ab eo tempore in usu esse coeperunt. Quo ipso tempore celebris illa victoria de Turcis ad Bellogradum, ope Hunniadae, Hungarorum regis, et celebratissimi Herois, est reportata. Ob quam victoriam non instituit quidem, sed renovavit, et celebrius fecit, propositis quoque indulgentiis, festum *transfigurationis Christi*. Exstat de eo diploma, a. 1457. datum, apud Raynaldum. Autor etiam Henrico, Castellae Regi, fuit, ut bellum gereret contra Mauros Granatenses, amplissimis promissis indulgentiis, militibus non tantum, sed et adiutoribus, qui pecuniam con-

ferrent.

ferrent. Denique sese Regnorum causis inmiscuit. Matthias, Hunniadae filius, Rex Hungarorum electus, et a Georgio Podiebracio in carcere detentus, ope ejus est liberatus, et regnum capeffivit. Graviore ei fuerunt lites cum Ferdinando, filio notho Alfonsi, Regis Arragonum et Siciliae. Papa enim Alfonsi mortui regnum, tanquam feudum Ecclesiae, ad se pertinere contendit, teste Antonino in Chronico, et in nepotem suum conferre voluit. Ferdinandum vero, qui illud haereditatis titulo adire volebat, Papa, in contempto anathemate, repulit. Sed Ferdinandus sese, Eugenii IV. bulla, qua legitimatus erat, prolata, defendit, Regemque dixit, et ad universale concilium adpellavit. Vid. Antoninus in Chronico. Defunctus est a. 1458. Notantur in ipso praecipue vitia ambitionis et avaritiae. Reliquit moriens 115 millia nummum aureorum, in usus, ut praetendebat, belli sacri, teste Platina: Nepotes quoque promovere in primis adlaboravit. Secundum Pontanum vero, in *historia belli Neapolitani*, fuit, *fluxa fide, pertinace ingenio, variis consiliis*, et *praecipiti ambitione*.

§. CCCXL. Excepit ipsum Aeneas Sylvius Piccolominaeus, dictus Pius II., qui exemplo suo confirmavit, quantam animi mutationem adferat vitae et muneris ratio. *Nemo magis laboraverat, ut verbis Mezeraei ad a. 1461. utar, reducendae Paparum potestati inter terminos canonum, quam Aeneas Sylvius; et nemo inter Papas magis solícite laboravit, ut eandem potestatem ultra juris et rationis omnis limites extenderet, quam fecit Pius. Anté Pontificatum meruit communem adplausum, et contra illimitatam Paparum potestatem militavit, urfitque adpellationes a Papa ad concilium, curiae Romanae vitia perstrinxit, reformationis opus promovere contendit, scriba fuit in concilio Basileensi, ejusque anima, cujus etiam nomine variis obiit legationes, ad ejus auctoritatem et decreta tutanda. Conscripsit quoque ejus historiam satis diligenter et fideliter, duobus Commentariorum libris, in fasciculo rerum expetend. et fugiend.* Fre-

derico III. a secretis factus Romam ad Nicolaum est ablegatus, cum ipso de coronatione Imperatoria acturus, dein ab eodem ad Calixtum missus, ibi retentus, et Purpuratus est ascriptus, ac dein Papa creatus. Praestitit sese hand uno nomine celebrem, etiam famosum. Statim ac Papa esset factus retractavit acta et scripta in favorem concilii Basileensis contra Eugenium, cujus retractationis diploma, a. 1463. datum, exstat apud Baronii continuatores. Adpellationes ad concilium severe prohibuit; quas etiam erroneas et detestabiles vocat, et adpellantes declarat reos majestatis, et haereticæ pravitatis, iisdem etiam poenis obnoxios. Superest diploma in *commentariis* Gobelini l. III. Pragmaticæ Sanctioni regni Galliae bellum indixit, ejusque abolitionem a Ludovico XI. a. 1461. impetravit, invita Curia et Academia Parisiense.

§. CCCCXLI. Ferdinandi, Alfonsi Regis filii nothi, partes tuitus est, contra Renatum, Siciliae Regem, et Gallos, respectu regni Siciliae, nec Ferdinandi jura tantum confirmavit, sed et thesauros, pro expeditione sacra collectis, exhaustis in gratiam ejus, eoque rem adegit, ut Galliae causa in regno Neapolitano fuerit dilapsa. Favit autem Ferdinando, ut fertur, spe familiae Piccolomineae amplificandae. Quo spectat, quod Ferdinandi filiam Antonio Piccolomineo, nepoti suo, procuraverit uxorem, cum Amalphitano ducatu, nomine dotis, Urfinos, aliosque Romanos procures, sub anathemate abstraxit a partibus Gallicanis. Sed nihil non ad Pontificiam Majestatem, in summo culmine ponendam aut tuendam, egit, omnesque ei adversantes deprimendos per censuras. Praeter modo memorata, Sigismundum, Austriae Ducem, ob jus Ecclesiasticum violatum, corfixit censuris; ad concilium autem, et universum populum Christianum, adpellantem pronunciavit laesae Majestatis, ac scutoriae haeresios, reum, Dietherum quoque, Archiepiscopum Moguntinum, causa simoniae, et perduellionis in sedem Apostolicam ac Imperium, excommunicatum, simul ad
concilium

concilium adpellantem, exauctoravit. Denique, indixit non tantum unam et alteram expeditionem sacram in Turcas, et in bellicos sumtus prioris expeditionis exegit a Laicis reddituum trigessimam, a Judaeis vigessimam, a Clericis decimam, quae in fumum abiit: de quo exstat libellus Leodrisii Cribelli inter scriptores Italicos Muratorii tom. XXIII. ad alteram et ipse ire decrevit, a. 1463. profectus eo fine Anconam, ut triremem conscenderet: sed copiae, defectu Ducis et stipendiorum, dilapsae sunt, et ipse diem obiit ibi supremum. Circumfertur nobile ejus dictum, *sacerdotibus magna ratione ademtum connubium, sed majore quadam restituendum*. Varia ab ipso condita sunt opera, inter quae peculiarem merentur attentionem historica, ut *de gestis concilii Basileensis, de ortu et gestis Bohemorum, Cosmographia de rebus a se gestis*, quae historia sub Johannis Gobelini, Secretarii sui, nomine prodiit.

§. CCCXLII. *Paulus II.*, antea *Petrus Barbus*, patria *Venetus*, et *Eugenii IV.* e sorore nepos, successor *Pii*, multa habuit vitia, parum aut nihil virtutis. Litterarum rodus, earum fuit hostis, et litteratorum persecutor, qui litterarum humaniorum studiosos dixit haereticos. Sustulit etiam *Ordinem abbreviatorum*, eosque lucro privavit, inter quos erat *Platina*, qui propterea vehementer cum eo in epistola exposulavit, quare in carcerem conjectus est, et varie vexatus. *Pactiones* juratas in conclavi ante electionem dissolvit, et *Cardinales* partim blanditiis, partim terrore, ad consensum compulit, ipse primum ad id excitatus per duos *Praefules*, qui, *Cardinalatum* ambientes, et per illas *pactiones*, quae numerum *Cardinalium* ad 24 restrinxerant, aditum sibi videntes praeclusum, *Paulo* inter alia dixerunt, *indignum esse, vicariam Christi potestatem humanis conditionibus subdi, ipsumque non tam sui arbitrii, quam alienae administrationis ministrum videri, idque agendum, ut auctoritatem Ecclesiae apud se, non apud Cardinales, esse, omnes agnoscerent*. Vid. *Jacobus Piccolomineus*, *Cardinalis Papiensis*, in

Commentariis l. II. et in Epistolis; quae Pii II. Commentariis adjungi solent. Infamem sese praeterea praestitit, perjurio, luxu, et pompa: *sub ipso januae vitiorum reclusae*, teste Volaterrano l. XXII., *antiqua pastorum disciplina perfundata, dies toti aut voluptati, aut nummis pensitandis, aut numismatis dati, et sive gemmis, sive imaginibus, spectandis.* etc. Ceterum ad magnificentiam, et religiosam pompam Pontificis, et aulae Papalis, sacrorumque celebrationem ambiciosam cognoscendam, legi meretur narratio Frederici III. adventus Romam, ab Augustino Patricio conscripta, in Museo Ital. Mabillon. p. II.; ubi inter alia notari merentur verba auctoris: *Ecclesia Romana, Deo bene volente, imperio et divitiis, Pontificum diligentia, praesertim Pauli nostri (Pauli II.) aucta, eoque processit, ut maximis quibusque regnis sit comparanda. Contra vero, Imperii Romani auctoritas, et vires, adeo sunt diminutae, atque adtristae, ut, praeter nomen Imperii, fere nihil remanserit.* — — — *Olim magnae Imperatorum et Caroli vires* — — — *Pontificis autem tanta erat potentia, quanta ab Imperatoribus permittebatur.* Cardinales quoque ornavit rubris capitulis, quod Pontificum solebat esse proprium, praeterea panno ejusdem coloris equos eorum iussit esse stratos: sibi autem paravit mitram, quae, tribus educta coronis, *Regnum* adpellitur, quam Papae jam a longo desierant gestare. Notanda etiam sunt ejus verba, cum a Platina reprehenderetur: *ita nos ad iudices revocas? ac si nescires, omnia jura in scrinio pectoris nostri esse collocata.* Taxat quoque in ipso Jacobus Papiensis epist. 156. *vanos sermones, et astrologiam judiciariam, cui credere censebatur.* Laudi tamen ipsi datur, quod labem Simoniacam oderit, et liberalis fuerit, indulgentias etiam, temporum necessitate concessas, abrogaverit, quod maximam partem essent lucrativae, ut testatur Franciscus Philelphus l. XXXV. epist. 1. Ceterum Jubilaeum ad annum 25^{um} revocavit, et Georgium, Bohemiae regem, Hussitarum fautorem, exauctoravit. Obiit a. 1471., cum septem annos sedisset.

§. CCCCLIII.

§. CCCCLXIII. Successor ejus, Franciscus de Ruvera, ex infimis ministeriis ad summum gradum evectus, ex Ordine Minorum, dictus *Sixtus IV.*, literis quidem non adeo fuit excultus. licet Scholasticæ Theologiæ non inperitus, attamen litterarum et litteratorum promotor. Bibliothecam extruxit Vaticanam, et ornavit, ei præfecto Platina, et libris undiquaque advectis, licet de Theodoro Gaza haud bene fuerit meritis, cum librum suum ei offerret, qui propterea dixisse fertur, *asino non offerendos esse nisi carduos*. Devotionis etiam ejus temporis sese præbuit promotorem, ut ex ejus bullis, ac constitutionibus, apud Raynaldum constar. Festa immaculatae conceptionis et visitationis Mariæ instituit, immunitates et privilegia mendicantium amplificavit, Bonaventuram canonizavit, novam congregationem Minimorum Francisci de Paula confirmavit; ne alia similia memorem. Sed infamiae notam sibi inussit per Nepotismum, pecuniae corradendæ studium, et libidinis patrociniū. Nepotum fuit studiosissimus, magis ex sororibus, quam fratribus, in primis ex sorore majore natu: quare a nonnullis, ut a Machiavello hist. Florentin., et aliis, eorum parens fuit habitus. Honoravit autem eos amplissimis dignitatibus, et spoliis Ecclesiæ ditavit: adeo ut ab ipso potissimum censeatur incepisse *Nepotismus*. Vid. Volaterranus in *historia Nepotismi*. Pecuniae coacervandæ maximam dedit operam, ut ad sumtus, in Nepotes effundendos, et ad bella, haberet sufficientes. Vetera non tantum vectigalia auxit, nova inlaxit, decimas a Clericis exegit, sed et nova instituit, ac odiosa collegia, quorum munia erant publice venalia. Qualia fuerunt *breviatorum, sollicitatorum, adstipulatorum*, siue quibus tabulae non possent confici, *Fanizzariorum, Strahotarum, Mammaluchorum*. Vendidit quoque officia *procuratoris camerae, notariatus Apostolici*, etc. Vid. Bonvilius in ejus vita. Unus Nepotum Petrus Riarius, cui maxime favit, fuit quidem perditissimi luxus vir, et nobile extruxit Papa lupanar Romæ, quod tamen rarum non est

in Italia, vid. Agrippa de *vanitate scientiarum* c. 64. sed nec probabile, nec verum, est, quod, ut Balaeus centur. VIII. fide Wesseli Groningani, et Saldenus *Of Theolog.* fide Agrippae, referunt, liberum Sodomiae exercitium nonnullis Cardinalibus, id pro mensibus aestivis petentibus, concesserit: nusquam etiam illud reperitur apud Wesselum aut Agrippam, nec etiam apud Flacium in *catalogo testium*. Vid. Baelius in Lexico.

§. CCCXLIV. Majore jure ipsi inputatur, quod facem belli accenderit in Italia, seseque armis magis aptum natum, quam religioni, demonstraverit. Mediceos, Principes Florentinos, eorumque cau'a ipsos Florentinos, inmani persecutus est odio, eorumque perniciem omni studio quaesivit. Inmissi sunt in eos, conscio, ut historiae Florentinae scriptores tradunt, Papa, conjurati a. 1478., a quibus Julianus Mediceus est confossus, Laurentius vulneratus, et aegre ereptus. Dein mox bello petivit cum et Florentinos, a Ferdinando, Rege Siciliae, adjutus, et Senensibus; quo ad extrema redacti Florentini, superati fuissent, nisi Laurentii prudentia pax fuisset cum Ferdinando, invito licet Papa, inita. Ceterum infensus erat Mediceis ob causas quaedam ad temporalem Ecclesiae Romanae statum pertinentes, et commoda nepotis sui Hieronymi Riarii. Bellum praeterea cum ipso Ferdinando gessit, se adjungens Venetis, sed quos mox deseruit, partes Ferdinandi contra eos suscipiens, pro Hercule Estensi, Duce Ferrariae. Denique, cum Veneti, spreto Pontifice, pacem cum hostibus fecissent, tantum inde concepisse traditur moerorem, ut brevi fuerit e vivis ablatum, dignus itaque hoc epitaphio

Pacis ut hostis eras, pace peremptus obis.

Alia quoque virulenta epitaphia reperiuntur apud Balaeum, centur. VIII. Solent quidem ipsi Baptistae Mantuani in Alphonso hi adplicari versus

est

*At tu, inplume caput, cui tanta licentia quondam
Foemineos fuit in coitus, tua furta putabas.*

etc. sed sine solida ratione. Vid. Baelius in Lexico.

§. CCCCXLV. Successor ejus *Innocentius VIII.*, antea Baptista Cybo, sive ex ignobili familia, ut Onuphrius in *comment. de Pontificibus et Cardinalibus*, sive ex illustri Cyborum apud Genuenses, ut idem in ejus vita tradit, sese haud minus praestitit infamem. In initio visus est nil nisi bellum meditari. Principes unire, et classem instruere, adgressus est contra Turcas, qui Italiae littoribus iminebant; Ferdinando, Castellae regi, decimas concessit, et indulgentias cruciatis proposuit in bello contra Mauros Granatenses, eo cum successu gesto, ut eorum in Hispania regnum fuerit extinctum. Ferdinando, Regi Neapolitano, bellum indixit, quod nobiles regni vexaret, et tributa sedi Apostolicae negaret. Carolum VIII., Galliae Regem, in Italiam evocavit, sub spe vindicandi regni Neapolitani, quod sui juris esse contendebant Galli. Suscitavit etiam persecutionem Waldensium, et cruciatis in eos conscripsit; vid. Leger et Perrin in eorum historia, sed deinde se otio dedit, et luxui, nihilque amplius egit. Fuit autem, si Volaterrano et Satyricis sit credendum, vitae infamis, et admodum scandalosae. Secundum Volaterranum fuit Pontificum primus, qui novum exemplum introduxit palam liberos nothos jacendi, et eos divitiis cumulandi; innatam quoque avaritiam jocis ac disteriis transigebat. Inventa traduntur decies centena millia nummum aureorum, ab ipso, belli Turcici et Neapolitani obtentu, congesta. Epitaphium a Marullo ipsi positum habet,

*Spurcities, gula, avaritia atque ignavia deses,
Hoc, Octave, jacent, quo tegeris, tumulo.*

Tribuuntur etiam Marullo haec in Papam disticha
Tom. VI. Q99 Mornaco,

Mornaeo, licet Baelius ea in sua editione inveniri neget,

*Quid quaeris testes, sit mas an foemina? Cybo,
Respice natorum, pignora certa, gregem.
Oclo nocens pueros genuit, totidemque puellas,
Hunc merito poterit dicere Roma Patrem.*

Eundem in modum Sannazarius de ipso.

*Innocuo priscos aequum est debere Quirites,
Progenie exhaustam restituit patriam.*

§. CCCCXLVI. Ultimus hujus seculi, et omnium scelestissimus, fuit Alexander VI., antea Rodericus Borgia, Cardinalis Portuensis, nepos Calixti III., Papa creatus a. 1492. a Cardinalibus, partim auro corruptis, partim promissis amplissimorum munerum, partim etiam morum similitudine, plecttis. Erat enim jam tum vitae infamis, qui ex Vanozia, Romana puella, quatuor procreavit filios, et unam filiam Lucretiam, cum Cardinalis esset. Nec Papa factus castiorem duxit vitam. De filia ejus hoc notum est epitaphium

*Conditur hoc tumulo Lucretia nomine, sed re
Thais, Pontificis filia, sponsa, nurus.*

Tradit Onuphrius, eum sese omni jucunditatis generi sine discrimine dedisse, praeterea sub ipso gladiatorum et Sicariorum in urbe nunquam fuisse licentiam majorem, nunquam populo Romano libertatem minorem, delatorum fuisse ingentem numerum, levissimo maledicto poenam mortis fuisse; grassatorum etiam omnia plena, nec noctu tutum per urbem iter, nec interdum extra urbem, Romam factam esse carnificinam, illaque omnia permisisse Papam, suorum causa, quibus omnia indulgit.

Guiccardi,

Guiccardinus hist. l. I. refert, eum, cum filios suos ardentem amaret, omnium Pontificum primum, qui, suae infamiae ex parte velandae causa, nepotes eos adpellare solebant, filios adpellasse, et cunctis mortalibus tanquam filios ostentasse. Deinde lib. II. dicit, nunquam forte, post hominum memoriam, deterioribus artibus fuisse Pontificatum administratum, nihilque tam iniquum esse, quod in ejus Pontificis scelesti natura non facile crederetur. Denique ipsius funus enarrans lib. VI. testatur, universam Romam cum incredibili laetitia concurrisse, vix oculos satiantem adpectu serpentis extincti, qui ambitione immoderata, perfidia pestifera, libidine monstrosa etc. totum intoxicaverat mundum. Hunc ipsum tamen hominem scelestum, addit, ab ineunte aetate ad extremum usque vitae diem, singulari, ac pene perpetua, gavifum esse felicitate, manifesto indicio, ut ipse observat, quam male homines judicent, qui, quicquid mortalibus vel fausti, vel adversi, accidit, ex bene maleve factorum causis manare ajunt. Praeterea fuit, teste Onuphrio, perfidiae plusquam Punicae, superbiae in Reges et Principes intolerandae, saevitiae inmanis. Notum de eo est hoc distichon

*Sextus Tarquinius, Sextus Nero, Sextus et iste,
Semper sub Sextis perdita Roma fuit.*

nec non de Simonia ejus, et avaritia;

*Vendit Alexander claves, altaria, Christum;
Emerat ille prius, vendere jure potest.*

Pessimus filiorum ejus fuit Caesar Borgia, in quem Papa thesauros, ex indulgentiis et Jubileo congestos, profudit, unde dicerii loco dixisse fertur Caesar, se dilapidare peccata Germanorum. Fuit enim iste bipedum nequissimus, divini et humani juris proculcator, omni libidinum et scelerum genere infamis, dignus itaque, quem Machiavellus in

Qqq 2

exemplum

exemplum proponat in suo *Principe*: caedibus et rapinis omnia replevit. Exstitit etiam ipsius Alexandri necis, sed casu, autor. Veneno enim praeparato, et vino mixto, ad nonnullos potentiores, quos ad convivium invitaverat, ut eorum bona sibi vindicaret, e medio tollendos, accidit, ut, pocillatoris errore, illud sumserint Alexander et ipse Caesar Borgia: unde Papa mortuus est, ipse per aetatis robur et remedia evasit. De quo omnes testantur historici, Volaterranus, Guiccardinus, Petrus Bembus, Onuphrius, alii; mortuus est Papa a. 1503.

§. CCCXLVII. Inter Antichristiana ejus facinora etiam est, quod Savonarolam, de quo supra, comburi fecerit, et in Waldenses per Bohemiam et Moraviam, de quo postea, Inquisitores in miserit. Difficilia quoque ipsi fuerunt negotia cum Carolo VIII. Galliae Rege; cui ut se opposeret, singulare, et Papae infame, pactum iniit cum Bajazete Turca: cujus notitiam dederunt ipsius Sultani litterae ad Papam, apud Burchardum in diario, in appendice Gordoni. Papa scilicet concesserat Alphonso, filio Ferdinandi, investituram regni Neapolitani, spreto Carolo, qui illud ex Principum Andegavensium haereditario jure sibi vindicabat: contractae vero ad foedus Papae faciendum erant nuptiae inter Sanciam, notham Alphonsi, et Joffredum, nothum Papae. Rex vero Galliae, ut jus suum adfereret, incredibili celeritate, et ingente ausu, cujus pauca sunt similia nota exempla, Italiam intravit cum exercitu, tantumque toti Italiae incussit terrorem, ut vix quisquam se movere auderet. Papa, ad incitatus redactus, Regem recipere quidem debuit Romae, et pacis cum ipso inire condiciones, sed atrox ipsi deinceps suscitavit bellum; foedere cum Maximiliano Caesare, Ferdinando, Hispaniarum Rege, et aliis, pacto: quod bellum ingentem adtulit Italiae vastationem. Quae historia est aliunde petenda.

§. CCCXLVIII. Paparum historia, quantum pote brevibus, absoluta, nonnulla sunt de eorum suprema potestate sub-
jungenda.

jungenda. Viguit enim hoc in primis seculo quaestio de hac potestate, ejusque limitibus, inter ipsos Catholicos. Convenit quidem inter eos, 1. Papam esse, jure divino, in Ecclesia universa summum Pontificem, qui a Christo immediate honoris non tantum et dignitatis, sed et potestatis ac jurisdictionis, primatum tenet. 2. Majores Ecclesiae causas dubias ad sedem Papalem referri, eamque consuli, pertinere ad disciplinam Ecclesiae universalis. 3. Adpellationes ex toto orbe Christiano ad eam sedem fieri posse secundum canones. 4. Posse quoque canones ab ea temperari, eorumque executionem urgeri, et infractionem coerceri. 5. denique, sedem illam sibi posse aliquos casus reservare, indulgentias concedere, et leges ad Ecclesiae aedificationem condere. Sed quaestio fuit de *limitata*, an *illimitata*? Paparum potestate, sitne ea absoluta, infallibilis, et conciliis generalibus superior, an inferior et subiecta? possitne Papa in haeresin et crimina incidere, et propterea castigari, ac deponi? Gallicanae Ecclesiae, cujus libertatis hoc seculo jacta sunt fundamenta, hae sunt hypotheses 1. Papam nihil contra Scripturam S. et canones posse. 2. nihil ipsi in Reges et Regna, quippe ab ipso independentia, esse juris. 3. Concilia generalia ipso esse superiora, eumque iis esse subiectum, et adpellationes ad ea dari a Papa, adeoque concilium generale esse supremum ac infallibile in Ecclesia tribunal. 4. Posse denique Papam in haeresin ac crimen incidere, propter quod a concilio generali deponi possit.

§. CCCCXLIX. Quae duae postremae hypotheses hoc quidem seculo sunt in lucem protractae, sancitae, et vindicatae, a Conciliis et Doctoribus, occasione schismatis Paparum; alio modo non tollendi, ut ex superioribus constat; sed per omnia viguerunt secula, nec hoc demum natae; ut per singula observavimus secula. Concilia hanc in rem fuerunt illustria Pisanum, Constantiense, et Basileense; ut supra demonstravi. *Pisanum*, sicut ipso actu hanc potestatem in Papas exercuit, ita sessione XIII. supremam conciliorum

liorum auctoritatem stabilivit. Qua in sessione Petrus Platonius Theologiae in Academia Parisiensi Doctor, eam thesin in publico conventu multis comprobavit; sicut et eam confirmavit Episcopus Navarrensis suffragio centum et trium doctorum, aliorumque Theologorum, ac celebris Academiae Bononiensis. Quam eandem viam tenuit concilium Constantiense, quod multo adhuc evidentius, et conciliariter, eam thesin sancivit, sessione IV. et V. In priore declaravit, concilium generale totam repraesentare Ecclesiam militantem, et potestatem immediate a Christo habere, eique omnem, cujuscunque sit conditionis, etiam Papalis, obedire debere in his, quae pertinent ad fidem, et extirpationem dicti schismatis, et reformationem generalem Ecclesiae Dei in capite et membris. Posterior vero omnes, cujuscunque dignitatis, etiam Papalis, censurae subjicit, qui mandatis et praeceptis, super praemissis, seu ad ea spectantibus, factis aut faciendis, ab hoc aut alio concilio generali, obedire contumaciter contemserint. Quibus canonibus licet nihil hanc in rem possit esse evidentius, Papalis nihilominus omnipotentiae patrum eorum sensum, et auctoritatem, conati sunt variis modis eludere, sive clausulam canonis session. IV. esse spuriam, sive decretum a pleno concilio non esse formatum, sive ad casum schismatis Papalis esse restringendum, contendentes, sicut, data opera, conati sunt Schellstrate, Petitdedierius et alii, quos refutarunt Maimburgius, Dupinius, Bossuetus, Natalis Alexander, alii. Confirmavit dein eadem decreta Synodus Basileensis sess. II. et III., et Synodi dissolutionem a Papa, etiam legitimo, fieri posse negavit. Quae decreta ipse Eugenius Papa confirmavit.

§. CCCCL. Accedant denique Doctorum hujus seculi testimonia, sive ante concilia illa, sive iis stantibus, sive post edita, quae strictim recensebo. Primum locum meretur *Johannes Gerson*, variis hac de re scriptis opusculis, et habitis sermonibus; uti de *auferibilitate Papae ab Ecclesia*, de *modis capiendi ac reformandi Ecclesiam*, variae Orationes in Synodo

do Constantiensi habitae, tractatus de *potestate Ecclesiastica*, seu origine juris et legum, nec non tractatus, cui titulus: *quomodo, et an liceat in causis fidei a summo Pontifice adpellare?* denique *libellus*, vel dialogus apologeticus, nec non *liber de examinatione doctrinarum*. In his aliisque tractatibus demonstrat illustris Cancellarius, Christum supremam contulisse potestatem in Ecclesiam universalem, eam vero repraesentare concilium generale, adeoque illud esse supremum et infallibile tribunal. Eandem doctrinam tenuit, et inculcavit, *Petrus de Alliaco*, variis in tractatibus, uti in *Oratione*, quam, cum Doctor Theologiae crearetur, habuit in laudem *Scripturae S.*, nec non in dissertatione, cui titulus, de *officio Imperatoris, Papae, et reliquorum membrorum concilii Constantiensis*, denique in *monitis de necessitate reformationis Ecclesiasticae in capite et membris*: ut et in tractatu de *Ecclesiastica potestate*. Idem urisit *Stephanus de Praga* (alias *Stephanus Pelez*, Theologus Pragensis, et Hussi adversarius, qui concilio Constantiensi interfuit, ut existimat L'Enfant, hist. istius concilii p. II.) in *Oratione* isto in concilio habita, de *maturanda Ecclesiae emendatione*, in *Actis Constant. Hardtii*, tom. I. Eodem etiam tendit *Mauritius de Praga*, celebris Theologus Pragensis, in dissertatione, *utrum plenitudo potestatis Ecclesiasticae resideat in solo Romano Pontifice?* vid. P. de Alliaco de *potestate Ecclesiastica* p. III., nec non in *Oratione*, de *Ecclesiastico statu in concilio Constantiense mature reformando*: ibid. apud Hardtium.

§. CCCCLI. *Franciscus Zabarella*, Florentinus Cardinalis, membrum istius concilii, Ecclesiae reformandae serio intentus, inter alia scripsit tractatum de *schismatibus auctoritate Imperatoris tollendis*, quo Paparum mores non tantum acriter perstrinxit, sed et eos, aequae ac ceteros homines, esse erroribus obnoxios, arguit, ac Imperatoris et concilii generalis iudicio subjectos. Qui libellus videtur ab eo diversus, quem actis Constantiensibus inseruit Hardtius: ubi etiam aliud ejus opusculum, ejusdem tenoris, exstat de *Ecclesiae reforma-*

reformatione. Papam concilio subesse in his, quae fidem et statum Ecclesiae universalem concernunt, probavit quoque Simon de Cremaudo, Archiepiscopus Rhemenfis, et dein Cardinalis Presbyter, membrum quoque istius Synodi, in epistola de *unione Ecclesiae*; in thesauro Anecdor. Martene tom. II. *Benedicti Gentiani*, Monachi S. Dionysii, et Academiae Parisiensis ad concilium Constantiense legati, supersunt apud Hardt. I. cit. tom. II. *monita de concilio Constantiense* continuando, quibus Imperatorum, et Conciliorum generalium, potestatem in Papas adstruit. Inter opera Nicolai de Clemangiis exstat *disputatio super materia concilii generalis*, in qua et illud occurrit singulare, quod ne generali quidem concilio privilegium infallibilitatis tribuat. Theodoricus quoque de Niem, praeter alia opera, scripsit quatuor libros de *Schismate Universalis*; in quibus Paparum infallibilem autoritatem destruit, Imperatorum, et conciliorum in Papas potestatem defendit. Celeberrimus Jureconsultus Nicolaus Tudeschus, Archiepiscopus Panormitanus, tractatum quoque de *superioritate concilii* supra Papam composuit, de quo vid. Cave in hist. litter., sed sibi non constat. Vid. L'Enfant. hist. Hussit. et concilii Basil. p. II. Denique addo, integras nationes, et Academias, eandem conciliorum generalium superioritatem defendisse. *Parisiensis*, post Johannis XXIII. fugam, obtulit Synodo per legatos *positiones duodecim* hanc in rem, insertas Actis Hardtii. Ita quoque censuit illustre *Reformatorum collegium*, ex omnium nationum eruditis viris, jussu concilii Constantiensis, compositum, quod communia de *reformatione* condidit *statuta*, ibid. apud Hardt., inter quae occurrit, Papam non tantum haeresis causa, sed et in aliis casibus, privari posse dignitate Papali, et conciliis subesse generalibus. Idem fecit *natio Germanica*, oblato, publico Germanorum nomine, libello de *articalis juxta decretum Synodi Constantiensis reformandis*, ibid. apud Hardtium.

§. CCCCLII. Hae theses de limitata et inferiore Paparum potestate,

potestate, quamvis, ut ex dictis patet, fuerint vulgatiores longe: non defuerunt tamen, sed qui vix numerum faciunt, et passim sunt reprehensi, qui Paparum autoritatem et dominium mire, etiam supra supremas potestates politicas, ac Concilia generalia, extulerunt: cujus tenoris sunt *scripta* quaedam *anonyma* contra Jacobum de Musa, vel Jacobellum, eximium illum communionis sub utraque specie in Eucharistia adsertorem; *actis Constantiensibus* tom. III. inserta: quibus inter alia adfirmatur papatum habere *summum dominium universi post Christum, et ejus autoritatem esse caput omnium autoritatum post Christum in mundo*. Quae, et quorum similia, effata, et loca, alia studiose collegit Petididerius in dissert. hist. et Theol. de *concilio Constantiensi*. Eundem in modum probare conatus est Johannes, Patriarcha Antiochenus, in scripto, eidem concilio oblato, Papam non subesse concilio generali, et concilii statuta fieri debere nomine Papae, quippe a quo virtus et autoritas concilii dependeat. Memorat quoque P. de Alliaco, in prooemio libri de *Ecclesiae autoritate*, ut et J. Gerson de *potestate Ecclesiastica*, nonnullos Paparum *adulatores*, qui *ipsis adtribuunt primariam autoritatem, dominium et potestatem immediate a Christo profectam, in temporalibus bonis, non solum Ecclesiae donatis, seu aliis juste acquisitis, sed etiam Principibus secularibus subjectis*, ita ut, sicut Christo data est potestas omnis in coelo et terra, ita ipse eandem Petro et successoribus reliquerit. Quas propositiones viri laudati fervere perstrinxerunt. Interea, quod non licet premere, similem sibi potestatem in temporalia Regum et supremorum Principum forte adrogarunt concilia generalia, Constantiense, Basileense, praeter Senense, cum poenas privationis dominiorum, jurium, ac bonorum temporalium, in quoscunque contraventores decreverint, licet *imperiali et regali praefulgeant dignitate*. Quod nescio an, quod Natalis Alexander contendit, ad eos restringendum sit, qui Ecclesiae jure feudi sunt subjecti, et respectu bonorum feudalium capiendum.

Tom. VI.

Rrr

piendum.

piendum. De quo quicquid sit, illud certum est, potestati Papali in temporalibus sese opposuisse, praeter memoratos autores, *Antonium de Rosellis*, utriusque juris Doctorem, et Eugenii IV. Oratorem ad concilium Basileense missum, sed postea Frederico III. a secretis. Condidit ipse opus, *Monarchiam* dictum, de potestate Imperatoris et Papae, quo multis evincit, Papam non praeesse in temporalibus, nec gladii potestatem habere, imo nec supra reliquos Episcopos potestatem. Exstat opus apud Goldastum de *Monarchia*, et seorsim editum. Denique *Guillelmus Lendwood*, Anglus, post alias dignitates Episcopus Menevensis, ab Henrico VI. ad Synodum Basileensem legatus, obtulit, nomine Regis, in isto concilio *adpellationem* contra Paparum factum, et adrogantiam, simul denunciavit, Regem in temporalibus nullum agnoscere superiorem. Vid. de ipso Warton ad Cave Script. Eccles.

§. CCCCLIII. Huc cum *sanctio pragmatica* Regni Gallicani, hoc seculo introducta, qua libertatis Gallicanae fundamenta sunt iacta, quoque pertineat, ejus al qua danda hoc loco est notitia. *Sanctio* legem denotat, et *pragmatica* id, quod fieri et praestari debet. Quae loquendi forma, et hoc genus constitutionum, originem debet Ludovico IX., dicto *sancto*: qui sec. XIII. pragmaticam edidit sanctionem, pro *libertate* Ecclesiarum Galliae. Vid. tractatus de *libertate Ecclesiae Gallicanae* tom. II. Est autem *sanctio* haec *pragmatica* edictum publicum, quo superioritas concilii supra Papam, jus regaliae in beneficia Ecclesiastica, aliaeque adfinia, sunt definita, contra praetensiones curiae Romanae. Desumpta vero est ex decretis concilii Basileensis, sed cum aliqua modificatione, quam status Regni requirebat, salva concilii autoritate. Confecta autem est in conventu Principum et Praelatorum regni, coacto Avarici Biturigum a. 1438., praeside Rege Christianissimo Carolo VII. Continet triginta tres articulos, et vulgata est a Cosma Guimiero; et exstat quoque *Commentariorum Cleri Gallicani* tom.

tom. II., histeriam vero ejus, et *Concordatorum*, tradidit Bensonius, advocatus Parisiensis. Tulit quidem hanc pragmaticam aegerrime Eugenius Papa, testibus ejus litteris ad Carolum VII. apud Raynaldum: sed obtinuit nihilominus, et vim per viginti fere annos habuit, usque ad Pium II. Pontificem factum, qui omnem ad eam abolendam movit lapidem, eo cum successu, ut abolitionem a Ludovico XI. impetraverit a. 1461.; repugnante tamen Senatu Parisiensi, qui ejus defensionem, lectu dignam, Regi obtulit a. 1465. Nec defuit sanctio in usu esse, exceptis *reservationibus et gratiis expectativis*. Imò postea est solenniter renovata sub Carolo VIII. et Ludovico XII.: unde novae sunt ortae lites. De quo ad sec. sequens.

§. CCCCLIV. Superest, ut de *Annatis*, quae ad eam sanctionem quoque pertinent, et de quibus hoc etiam seculo actum est, aliquid hac occasione, sed breviter, moneam. *Annatae*, secundum definitionem Cangii in glossario, sunt *reditus unius anni, ab eo, qui recens, in demortui Episcopi aut Abbatis locum, succedit, exsolvi summo Pontifici solitus, ob provisionem, vel ordinationem*. Distinguendae itaque sunt a *jure regaliae*, quippe versato circa beneficia vacantia, et reditus durante vacatione; cum annatae propter constitutionem et ordinationem. Diversae quoque sunt a *reservationibus fructuum vacantium beneficiorum*, quae etiam, quia et quamdiu vacabant beneficia, locum habuerunt. Episcopi nimirum, concessu Pontificis, aliquando, vel pro relevatione oneris debitorum, vel aliam ob necessitatem, sive veram, sive fictam, sibi vacantium beneficiorum fructus conservabant ad certum tempus, quae propterea tam diu vacabant, quamdiu fructus percipiebant Episcopi. Qualis mos a seculo XII. jam obtinuit. Ipsi Papae simile quid aliquando sibi adseruerunt, ut Clemens V. in Regno Angliae, teste Mathaeo Westmonasteriensi, sed ibi tantum ad breve tempus, nec non Johannes XXII., qui sibi *reservavit*, usque ad triennium omnium *praebendarum Ecclesiarum parochialium et Capellarum*,

pellarum, quae intra illud temporis spatium vacarent: ut ejus constitutio habet III. lib. *Extravagantium communium*, tit. de *praebendis et dignitatibus*. *Annatae* vero, sic proprie dictae, de quarum origine, praeter alios, legi meretur Frebonius Ictus, vir Catholico-Romanus, de *statu Ecclesiae*, seu *primatu Papae* etc. cap. VII., qui etiam de querelis nationum super illis nonnulla protulit, *annatae*, inquam, illae originem a *muneribus* repetunt, quae pro constitutione et ordinatione olim solvi solebant, secundum quantitatem reddituum beneficiorum: cujus consuetudinis indicia et exempla jam olim fuerunt seculo V. et VI. Ipsi Papae ejusmodi tributum, vel *honorarium*, genus receperunt pro collatione et ordinatione eorum, qui Romae consecrabantur; ut ex *vitis* Pontificum, quae Damaso Papae tribui solent, patet. Meminit etiam ejus Gulielmus Durandus in libro de *modo concilii Generalis celebrandi*, paulo ante Synodum Viennemensem sec. XIV. edito. Cum autem tempore Bonifacii IX. quaevis fere beneficia conferri solerent a Papis, omnesque propterea collationes Romam essent tractae, ipse, exemplum vetere illa consuetudine praebente, annatas in novam redegit formam a. 1302., constituens, ut qui beneficium a Papa consequerentur, dimidium annui proventus persolverent fisco Apostolico: quare ille primus a Platina dicitur annatarum usum inposuisse beneficiis Ecclesiasticis; addit, hanc consuetudinem omnes recepisse praeter Anglos, qui ad Episcopatus restrinxerunt. Quantae opes hac ratione in fisco Apostolicum confluerint, facile patescit.

§ CCCCLV. De his annatis, ut et de reservationibus fructuum vacantis beneficii, aliisque similibus rebus actum est, tanquam de capite reformando, in concilio Constantiensi; est autem de *annatis* acriter disputatum, dum earum abolitionem urgerent Gallicani, Cardinales vero se opponerent: et *Reservationes* quidem sunt a concilio reprobatae, sed de *Annatis* nihil est conclusum. Eadem quaestione in concilio Basiliensi agitata, decretum est sessione XII. et

XXI.,

XXI., Papam pro confirmatione electionum, et provisione nihil quidem exigere debere, attamen Papis alio modo providendum esse. Cum vero hoc non fuerit praestitum, continuarunt annatae. Confirmatae quoque sunt per *concordata* nationis Germanicae, sed restrictae, secundum Bonifacii IX. constitutionem, ad ea beneficia, quae a sede Papali conferebantur. Decretum denique concilii Basileensis hac parte confirmavit sanctio pragmatica Caroli VII., concessa nihilominus Pontifici collatione pecuniae ex annuo beneficiorum redditu decerptae, ad Papali sedi subveniendum. Ceterum, annatas praeferre Simoniae speciem, judicarunt Basileenses et Gallicani, maxime cum per bullarum retentionem Praelati ad eas solvendas cogerentur. Illud certum est, earum esse posse, et fuisse etiam, maximum abusum.

§. CCCCLVI. Passa est autoritas Papalis, ut tandem historiam Papalem concludam, hoc seculo notabile detrimentum, partim per funestum illud schisma, indeque ortas varias de ea disputationes, et mutuas excommunicationes, partim per Synodorum generalium autoritatem supra Papas evectam, partim per eorum depositiones, et spreta eorum fulmina ac anathemata. Praeterea incredibilis fuit aulae Pontificiae et Paparum corruptio, teste superiore historia, et communi omnium querela: quare tantopere urgeri coepit reformatio in Capite et membris. Vid. etiam *aureum speculum*, in *fasciculo rerum fugiendarum et expetendarum* tom. II. Notabilia admodum sunt, quae non possum quin proferam, verba, quae in vita Petri Castellani, magni Franciae eleemosynarii, per Petrum Gallandum scripta, et a Baluzio edita, occurrunt: *memini*, dicit autor vitae ejus, *Castellanum*, cum Romanorum Pontificum supinas libidines, avaritiam, et rapacitatem, religionis contemptum, superbiamque Cardinalium, luxum et ignaviam, nundinationes, cauponationes, et flagitia reliqua aulicorum Romanensium, describeret, et cetera, quae Romae vidisset, commemoraret, ita animo concitari consuevisse, ut toto corpore commoveretur. Addit autor, Castellanaum sibi

saepe dixisse, *persuassimum sibi esse, Pontifices ex animo Christum non colere, quae autem in religione facerent, retinendae dominationis causa, veluti larva, ad fallendum opposita, egregie simulare*; et quae alia similia ibi sese offerunt.

§. CCCCLVII. De reliquis Clericis nihil aliud habeo, nostra animadversione dignum, quam, electiones Episcoporum a Papis sibi fuisse vindicatas per *reservationes*, quibus per litteras Apostolicas non solum inferiorum beneficiorum, sed et Cathedralium, ac Metropolitanarum, Ecclesiarum collationes sibi reservabant. Unde maxima ubique confusio, ingens indignorum Praelatorum copia, sed simul maxima Paparum autoritas, exorta est. Insurrexerant in hanc usurpationem jam seculo XIII. Angli, ut Matthaeus Parisiensis refert a. 1231., sed hoc seculo contra eas edicta promulgavit Carolus VI., quae Carolus VII. confirmavit, Basileensis Synodus eas e medio tollendas decrevit, sicut et Pragmatica sanctio. Cujus cum abrogatione cessarunt quoque tempore Francisci I., et Leonis X. seculo sequente, liberae, et secundum antiquos canones, electiones per *concordata*, ita tamen, ut jus nominationis ad Praelaturas fuerit Regibus Christianissimis relictum. Per *concordata* vero Germanica, inter Nicolaum V. et Fredericum III., modus quidem *Reservationibus* est constitutus, sed earum usus verius est confirmatus, quam restrictus.

DISCIPLINA ECCLESIASTICA.

§. CCCCLVIII. Historiam conciliorum Generalium, Pisani, Constantiensis, Basileensis, et Florentini, cum, quantum scopo sufficit, in vitis Paparum pertexuerim, uno alterove circa *disciplinam* observato defungar. Officium *Inquisitionis*, a. 1327. jam in *Polonia* institutum a Johanne XXII., hoc, seculo confirmatum, et amplificatum est, a Rege Poloniae Uladislao Jagello, qui Inquisitoribus amplissimam concessit potestatem, simul Magistratibus auxilium ipsis praestandum praecepit.

præcepit. Vid. Bzovius a. 1327. In regno *Valentino*, ubi antea per Vicarios tantum et Commissarios exercebatur sacrum officium, proprium est introductum per Martinum V., ad postulatam ipsius Alphonsi Regis, ut Judæi scilicet et Mauri majore cum successu converterentur, verius opprimerentur. Quod factum est a. 1429. Vid. Bzovius. Sed in primis memoranda est Inquisitio *Hispanica*, hoc tempore per totam Hispaniam propagata, ampliore quoque pompa, et autoritate, supra alias omnes terras, ornata ac munita, ut Mauros et Judæos exstirparent, et Papæ favorem demererentur. Obtinuerat quidem antea per varia Hispaniæ regna, sed non omnia, ut Castellam et Legionem, nisi forte ibi in desuetudinem venerit, sed, variis illis regnis per conjugia hoc seculo unitis, Tribunal hoc infernale, a. 1478. ubique est stabilitum, ita tamen, ut primus Inquisitor Generalis, et supremus Inquisitionis Senatus, a. 1483. demum locum acceperit. Fuit autem primus ille Inquisitor Generalis Tomas Turrecremata, ex Ordine Praedicatorum. Fuit quidem illud officium in initio Franciscanis et Dominicanis demandatum, sed postea ad Clericos seculares, tanquam decretorum et legum peritos, devolutum est. Quam miseranda ab eo tempore fuerit in primis Judæorum et Maurorum fors, ex historia nemini non notum est. Omnium quoque eo in regno severissima, quin diabolica, est inquisitio, adeo, ut nemo contra Catholicam religionem ibi hiscere audeat. Nec tamen inter Neapolitanos unquam introduci potuit, quippe ab ea nimium abhorrentes. Vid. Epistola Tristani Caraccioli de *Inquisitione* inter scriptores Italiae Muratorii tom. XXII., et ex recentioribus eximius historicus Giannone in historia Neapolitana, lib. XXXII.

§. CCCCLIX. Quemadmodum Inquisitio in variis regionibus est vel erecta, vel confirmata, sic in aliis, ubi erat, horrendum in modum saevit et grassata est, uti in Delphinatu, Flandria, Artesia, et alibi terrarum. *Waldenses* in *Delphinatu* cum, conniventibus Proceribus, tranquille dege-

rent, et indies multiplicarentur, Carolus Rex Galliarum, Gregorio Papa instigante, misso administro ad Proceres reprimendos, et Inquisitores adjuvandos, horrendis eos objecit vexationibus, ita ut carceres vix caperent eos, et facultates iis alendis vix sufficerent. Quare novos jussit extrui carceres Papa, et indulgentias concessit fidelibus, qui stipem ad id conferrent. Vid. Raynaldus a. 1475. In *Flandria* vero et *Artesia* saeviit sacrum hoc officium in eos, qui Magiae, et occulti cum Satana initi pacti, accusabantur, qui, ut Waldensibus etiam crearetur invidia, Waldenses adpellati sunt. Confessi autem miseri hi homines sunt, vi tormentorum adacti, quicquid volebant carnifices, ex gr. quod sese devovissent Satanae, illum adorassent, imo cum ipso carnaliter essent commixti: quae tamen postea, ad rogam damnati, revocarunt. Accidit illud a. 1461. Vid. Boxhornius hist. Belgica. In Gallia saevitum est in Picardos, et Waldensium reliquias, et dein a Ludovico XII, Rege Galliae, milites sunt inmissi in Merindolenses, et Caprarianos, Albigenensium reliquias. De quo postea suo loco. Quam sortem subierit Hieronymus Savonarola supra narravi, quae Johanni Husso, et Hieronymo Pragensi, ac Husitis evenerunt, mox referam in eorum historia. Hic verbo addo, circa tempus concilii Pisani combultum esse, causa haeresios, *Burginum* aliquem Beguinum. De quo vid. Constant. concil. Pisani. p. I.

§. CCCCLX. Restat verbo dicendum de impio dogmate, *haereticis non esse servandam fidem*, quod a Synodo Constantiensis censetur sancitum, ad disciplinam quippe pertinens. Cum Imperator Sigismundus saluum dedisset Johanni Hus conductum in plena forma, ipseque, eo non obstante, fuerit a Concilio in carcerem inmissus, et brachio seculari ad comburendum traditus, quae notissima est res facti, negari utique nequit, nullam salvi conducti rationem a Synodo fuisse habitam: sed facto non tantum, verum ipsius Synodi decreto, demonstratum est, ejusmodi securitatis litteras
 nihil

illi esse faciendas. Decreti, vero sessione XVII. facti, ne sunt partes, quarum *una* habet, Imperantes seculares, necun- que sese haereticis obstrinxerint vinculo, impedire non posse, quo minus Magistratus Ecclesiasticus contra eos procedat, eosque puniat, adeoque saluum conductum eorum illud Ecclesiae adferre praejudicium, quippe cujus diver- sionem, etiam superius, sit tribunal; *altera* vero pars conti- net, ne ipsos Imperantes, qui securitatem promiserunt hae- reticis, amplius manere obligatos, *si, quod in ipsis est, fe- cerint*, hoc est, si intercesserint, et haereticos ad obedi- entiam Ecclesiae conati fuerint omni ope permovere: quod si licere nequeant, eos non esse obligatos executionem sen- tentiae tribunalis Ecclesiastici valida manu impedire, quin contra teneri punire, quos tribunal illud damnaverit. Un- de, ni fallor, manifestum est, quicquid contra disputent anulli Catholico-Romani, impium, omnique divino et humano juri contrarium, dogma, *de fide haereticis non ser- vanda*, directe a Synodo fuisse stabilitum respectu tribunalis ecclesiastici, quod fide a seculari potestate data non neces- sario habet stare, indirecte vero ipsorum Imperantium respec- tu, qui fidem dederunt, cum illi processum Ecclesiae non debeant impedire, sed, tanquam executores ejus sententiae, obtemperare debeant haereticos. Accedit, Hispanos, sine ulla dis- cussionatione, adserere, haereticis fidem nullo modo esse ser- vandam, forte quod haeresis, secundum illos Doctores, om- nem nexum naturalem et civilem tollat. Vid., praeter- que, Hamburgium hist. Inquisit. l. III. c. 12., Buddeus de *concor- dia religionis Christianae, et status civilis*, ubi et alia pro- pter testimonia, et Boehmer Jur. Eccles. l. V. tit. 7. Quid? quod eadem doctrina jam diu antea viguerit in Ecclesia Ca- tholico-Romana, ut ex Innocentii III. facto, quo subditos mundi absolvit fidelitate, elucescit. Ratio enim haec est, quia, *juxta S. Patrum canonicas sanctiones, ei, qui legem Dei non servat, fides servanda non sit*: ut habet Petrus abbas Cernai hist. Albigenium, cap. VIII. Ipsam concilium

Tom. VI. Sff Constan-

Constantiense dedit Hieronymo Pragensi *salvum conductum* cum hac clausula, *iustitia semper salva*: qui purus patus suus est.

VITA ET MORES.

§ CCCCLXI. Ordines Monachorum, hoc seculo vel institutos, vel reformatos, recensere, cum a nostro instituto alienum sit, nec etiam necessarium, uno alterove celebrior contentus ero. *Minimorum* Ordo, a Francisco de Paula fundatus a. 1467. et a Sixto IV. Papa confirmatus, est a. 1474., sub nomine *Eremitarum S. Francisci*. Regulam vero, ab ipso compositam, sanciverunt deinceps Alexander VI. et Julius II. initio sequentis seculi, qui et iusserunt, ut vocaretur *Ordo Minimorum fratrum Eremitarum fratris Francisci de Paula*. Regula strictissimam continet abtinentiam, non a carnibus tantum, sed et piscibus, ac coctis cibariis. Franciscus autem summa sanctitate, et, pro more seculi, devotione, fuit hoc seculo famigeratissimus, Papis, Regibus, ac Principibus summo in honore, in primis Regi Christianissimo, inter sanctos quoque a Leone X. relatus. Vid. Philippus Cominaeus in hist. Ludovici XI. lib. VI. Ordinem *Eremitarum discalceatorum* S. Augustini instituit Baptista Poggius, Carolo VII., pietatis et doctrinae causa, gratissimus: confirmavit vero Sixtus IV. a. 1474. Vid. Raynaldus. Oritur etiam sunt duo *Monialium* Ordines, alter *conceptionis* Mariae Virginis, cujus autor fuit Beatrix a Silva, nobilis virgo Lusitana, Toleti in Hispania, et adprobator Innocentius VIII. a. 1489., alter *Annunciarum* Mariae Virginis, quem instituit Avarici Biturigum Johanna Valesia, Francorum regina, et filia Ludovici XI. a. 1501., regulam composuit confessorius ejus Gilbertus Nicolai, Ordinis Minorum Professor, quae decem primarias Mariae virtutes, in harum *Monialium* exemplum, praescribit. Denique floruit in Helvetia a. 1480. *Erasmus*, litteratus quidem, sed veritatibus salutaribus

lutaribus probe instructus, vere probus, et ad antiquissimorum normam, *Nicolaus* Eremita Underwaldensis, qui, uxore, decem ex ipso liberorum matre, relicta, in solitudinem secessit, et viginti unum annos vixit, sine cibo fere et potu; nec cessavit Helvetios ad poenitentiam ac concordiam excitare, simul, ut exterorum Principum foedera vitarent, admonere. Vid. Hospinianus de Monachis l. II. c. 4.

§. CCCCLXII. Vitae morumque respectu fuit summe deploranda Ecclesiae conditio, sive ejus membrorum, sive Praelatorum, et Monachorum, in specie aulae Pontificiae cum Papis, habeatur ratio: quare una omnium fuit vox, reformatione in capite et membris opus esse, et concilia, supra memorata, eum in finem celebrata sunt: sed quae nihil aut parum adtulerunt remedii, Papis etiam omnes conatus eludentibus. Exstant de corruptissimo hoc statu Ecclesiae, et omnium Ordinum, variae querelae, varique sunt conscripti tractatus. In eum enim declamarunt Johannes Jerson, qui de *reformatione* Theologiae tom. I. sine horrore vix legi potest, Nicolaus de Clemangiis, Theodor. Utae, Theodor. de Niem, Gobelinus Persona, Henricus de Hassia, Petrus de Alliaco, Andreas Craynensis, aliique, supra his locis recensiti. Vid. et *aureum speculum* in fasciculo rer. sag. et expetend. tom. II., nec non sermones in Concilio Constantiensi habiti, ex quibus quaedam excerptit Schellhorn *amoenit. litter.* tom. III. et Martini Senging oratio in Concilio Basileense, contra vitia Benedictinorum, in Pezii *Bibliotheca Ascetica* tom. VIII. De corrupto Angliae statu scripsit Richardus Ullerston, Theologiae Professor Oxoniensis, ex quo quaedam exhibet excerpta Warthon ad *Gavelle scriptoribus Ecclesiast.* Verba Archiepiscopi Genuensis P. Marini, apud L'Entant. concil. Pisan. p. I., quibus mala et vitia, e schismate Papali orta, enarrat, sunt valde emphatica. Dicit, inter alia, *Ecclesiam Romanam non jam matrem, sed novercam effectam. tyrannidem in Clero, concussionem Ecclesiarum, exitationem furgiorum et litium, elisionem Cleri et populi,*

populi, suppressionem Ecclesiasticae libertatis, abjectionem totius honestatis — — — virtutis vilipendium, probitatis contemptum, scientiae neglectum, vitiorum cumulum, — — — supra, homicidia, furti, iniurias, Ecclesiastica quaeque venalia, nefanda omnia licere, et publice impijisse. Denique Epistola hoc seculo prociit nomine Diaboli, ad Pontificem et Clerum Romanum, qua diabolica Ecclesiae istius facies vis depingitur coloribus. Exstat in *Tempe Helvetica* tom. VI.

HAERESSES.

§. CCCCLXIII. Haeresis, sic dicta, *Bohemica*, hoc seculo orta, quae ingentes peperit et mirabiles motus, nostramque ante omnia meretur animadversionem, hoc ordine describenda est, ut Johannis Hussi, et Hieronymi Pragensis, qui primi fuerunt autores haeresios, enarrem vitam et facta, quibus Jacobellus addendus est, dein de bello Hussitico, et motibus inde ortis, agam, denique puriorem Ecclesiam Bohemicam, post illos motus enatam, depingam. *Johannes Hus*, nomine a pago Hussenitz in Bohemia, unde est ortus, tracto, quod lingua Bohemica quoque *anserem* denotat, in Academia Pragensi literis institutus, artium liberalium baccalaureus, et magister Philosophiae, creatus, tandem sacerdos, et concionator Templi Bethlemitici Pragae a. 1400. factus, verbum Dei coepit purius exponere, et in varios Ecclesiae Catholicae, seu dominantis, in primis Paparum, abusus declamare, vestigia Wiclefi Angli premens, cujus libros Bohemi quidam, qui Oxoniae studuerant, Pragam detulerant, et Hussus studiose legerat. Nec operam lussit, quia Papistici abusus in omnium incurrerant oculos, intoleranda in specie indulgentiarum nundinatio omnium offenderat animos. Erant enim indulgentiae a Bonifacio IX., occasione Jubilaei a. 1400. publicatae, omnium profusissimae, missis praeconibus, et Bullis vulgaris, quibus inter alia fuit propositum, animas eorum, qui in itipere Romam morentur,

rentur, statim in coelum subvolare. Quod Lutherus quoque memoravit ad calcem litterarum Husii, editarum a. 1537. Haud parum eo etiam contulit, quod e Bohemia, vicinisque oris, plures se conferre fuerint soliti ad Waldenses, seu Lombardos, tanquam ad scholam, vel Academiam, quandam; uti certis testimoniis demonstrarunt David Chytraeus, Flacius Illyricus, Comineus, et alii. Accessit denique, quod ante Johannem Hus nonnulli varios Ecclesiae abusus jam peritruerint, uti *Johannes Militzius*, canonicus et concionator Pragensis, occasione subducti calicis eucharistici, sub Gregorio IX. Papa. Habuit autem in hoc opere Johannes Hus fidum admodum et strenuum adiutorem Hieronymum Pragensem, doctrina et eloquentia praestantissimum virum, teste Aenea Sylvio, in *fasciculo rer. expet. et fug.*, et Poggio Florentino in epist. ad Leonardum Aretinum de morte *Hieronymi*, ibidem. Studiis autem operam dederat Lutetiae Parisiorum et in praecipuis Galliae, ac Germaniae Academiae. Omittendus quoque non est *Jacobellus*, praecipuus belli pro utraque specie sacramenti autor. De quo postea.

§ CCCCLXIV. Primos et acerrimos nactus est adversarios *Teutonicos* in Academia Pragensi, maxima pollentes in ea potestate, cum tria penes eos essent suffragia, et unum tantum penes Bohemos: sed quibus difficultatibus sese brevi expedivit, cum apud Wenceslaum Regem, a Bohemis adjutus, effecit, ut, juxta foundationem Academiae a Carolo IV. Imperatore, et ad Parisinae Scholae exemplum, tria suffragia fuerint indigenis Bohemis concessa, uno relicto *Teutonicis*, qui, propterea indignati, inde usque ad quinque millia secesserunt Lipsiam Misniae, novam ibi aperiri scholam. Vid. narratio histor. Jacobi Piccolominei, desumpta ex lib. VI. commentariorum. Quibus Academia motis cum liberius in Primatum Papae, aliaque similia, invehetur, novos sibi suscitavit adversarios, Clericos nimirum, et in primis Archiepiscopum Pragensem, qui dictus fuit *Subineo*, cognomine Lepus. Hic enim, Synodo coacta,

a. 1408., et Academicis convocatis, Wiclefii libros, undique conquisitos, condemnavit, et flammis tradidit, Johannem et Hieronymum concionandi munere privavit, eoque urbe excedere iussit. Sed et illo brevi mortuo, ad initia sua reversi sunt illustres Concionatores, mox etiam in majus coniecti discrimen. Causa enim ad Papam Johannem XXIII. delata, qui in Hussum ideo jam exacerbatus erat, quod in publicatas indulgentias, et cruciatorum conscriptionem contra Neapolitanum et Siculum Regem Ladislaum, declamasset, a. 1411., tanquam opus Antichristi; Cardinalis de Columna, Legatus Papae, cui hoc iudicium erat commissum, diem dixit Hussu, quo coram Papa se sisteret Romae. Quod cum ipse Wenceslaus, itineris periculum causatus, deprecatus esset, Hussus etiam detrectaret, missis Romam procuratoribus, condemnatus est ut haereticus et contumax; sed a Papa ad Deum et Christum provocavit: quae formula provocationis est *historiae* Hussi tom. I. inserta. Accessit a. 1413. condemnatio ejus a Facultate Parisiensi, praecipuo autore Johanne Gersono; ubi inter capita, quae censuram eam pepererunt, ipsa illa adpellatio, tanquam temeraria, et adrogantiae plena, locum tenet.

§. CCCCLXV. Quo cum res esset in statu, indicta est, Synodus Constantiensis a. 1414., ad quam jussu Imperatoris, ejusque salvo conductu munitus, tetendit Hussus, nobilium Bohemorum comitatu stipatus, ut se ab omni haeresi purgaret, suamque fidem contra quoscunque defenderet. Quo fini, Pragae litteris Templorum valvis adfixis, et per urbes celebriores, publice iter suum Constantiam notificavit, omnesque citavit, si quid contra fidem suam haberent. Venit hoc animo Constantiam, hostibus ejus gaudentibus, eique insultantibus, *jam te in nostra habemus potestate, unde non exhibis, donec persolveris extremum quadrantem.* Expertus quoque mox est eorum furorem, non obstantibus litteris securitatis Sigismundi, licet ab ipso Papa confirmata. Cum enim nobiles Bohemi a Papa salvi conductus Imperatoris confirmationem

firmationem petiissent, Papa dixisse fertur, *etsi Johannes Hus fratrem germanum occidisset, tamen se illud nullo modo commissurum, quantum in ipso situm, ut aliqua ei fiat injuria, quamdiu Constantiae futurus sit.* Adversarii vero eum arte in potestatem redegerunt, cum viginti sex dies tantum ibi fuisset, effeceruntque, ut teterrimo carceri, latrinae proximo, fuerit mancipatus, unde gravissimo correptus morbo per Papae medicos est sanatus. Postea, Johanne Papa sese cum suis subducente, Hussus trans Rhenum in arcem deportatus, et novo in carcere compedibus vinctus est, quando articuli accusationum contra ipsum prolati sunt, et inauditus fuisset condemnatus, nisi Sigismundus et Nobiles Bohemiae intercessissent. Comparuit quidem tribus vicibus in Synodo, sed justae defensionis locus ipsi non est concessus; inconditis enim clamoribus adeo fuit obrutus, ut verba vix potuerit facere. Cum falsas esse nonnullas accusationes diceret, regefferunt, accusatoribus potius quam ipsi credendum esse: conscientiam suam urgenti illulerunt, et obstinationem objecerant: cum errores suos revocare se paratum declararet, modo sibi demonstrarentur, ipsum spreverunt, et ut contumacem damnarunt. Tandem, quod animo jam conceperat Synodus, exsequi coepit. Seditur Hussus coram Synodo a. 1415. die 6 Jul., damnatur, vestibus exuitur sacerdotalibus, gradibus Academicis privatur, veste papyracea et corona, caco-daemonibus picta, induitur, brachio seculari traditur, a Ludovico, Bavariae Duce, jussu Imperatoris, recipitur, et lictoribus ad comburendum committitur. Cum ad supplicium duceretur, libros suos pro foribus Templi comburi videns, subrisit, laeto et hilari animo porro procedens, Psalmos XXXI. et LI. cantavit, saepe dixit, *in manus tuas, Domine! trado Spiritum meum*, pro hostibus, quam truculentis etiam, oravit, palo adfixus se exemplo Domini consolatus est, rusticum ardente studio ligna adportantem ad rogam suam observans, dixit, *o sancta simplicitas!* ultima denique vox fuit, *Jesu Christe! fili Dei vivi, miserere mei!*

mei! Ita sancte et pie expiravit. Cor inter intestina re-
 pectum, fustibus verberatum, dein acuto palo infixum,
 securum est allatum, cineres fuerunt in Rhenum projecti,
 ne a Bohemis, ut ait AENEAS Sylvius, reperirentur. Cete-
 rum Vaucinium ejus; *hodie torreis auferem*, (tus) *post cen-*
sam annos cygnus, (Luther) *veniet*, quem *torrere non poteri-*
sis, cum in *relationibus vitae et mortis ejus*, a discipulis
 confectis, non reperiatur, dubiae est fidei, et post even-
 tum videtur factum, occasionem forte praebentibus ver-
 bis ejus, quae epist. VIIta occurrunt, *sed quia aufer animal*
cicor, avis domestica, suprema volatu suo non pertingens, eo-
tum laqueos rupit, nihilominus aliae aves, quae verbo Dei et
vita volatu suo alta petunt, eorum invidias conterent. Quae
 scripsit, quo tempore, propter sententiam interdictionis in
 ipsum latam, Praga discedere debuit. Mortuus est ut anti-
 quus martyr. anno aetatis quadragesimo secundo, variaeque
 reliquit scripta, quae junctim prodierunt, una cum Hieronymi
 Pragensis opusculis, Norimbergae primum a. 1558., deia
 a. 1715. duobus vol. in fol., adjunctis etiam aliis monu-
 mentiis historicis, quae ad ejus causam pertinent. *Rela-*
tiones vero de vita et morte ejus, a discipulo, qui praesens
 adfuit, confectae, exstant ad calcem *historiae Bohemicae Ca-*
merarii.

§. CCCCLXVI. Ad haeresin ipsi in pactam pergam, post-
 quam fidelissimi ejus socii, *Hieronymi Pragensis*, vitam et
 mortem strictim enarraverim. Vid. Ambrosius Camaldu-
 lensis l. XIX. epist. 16. in anecdotis Martene tom. III.,
 Poggii Florentini epistola ad calcem hist. Bohem. Camera-
 rii, et in *fasciculo rerum expetend. et fug.*, ac alibi, denique
 acta *concilii Constantiensis.* Audita Hussi oppressione, per
 Synodum Constantiensem, studio ipsi subveniendi latus, sese
 Constantiam quidem contulit, a. 1425., sed cum in itinere
 desperatam ejus causam percepisset, ut et sibi strui insidias;
 substitit, ac ab Imperatore et Synodo petiit saluum conduc-
 tum; quo negato, pedem referre volens, suorum proditio-

ne

ne interceptus, et compedibus vinctus, Constantiam est abductus, nec meliorem subiit sortem. Catena ferrea in confessu corporens, mox furiosorum audivit clamores, *tollite, exurite*. Insurrexerunt in eum variarum Academicarum, quas visitaverat, delegati, qui turbas ibi ab ipso suscitatas objecerunt, in specie Johannes Gerson, quod negasset, *Deum posse creaturam annihilare*. Quare mox, non obstante ejus negatione et defensione, in carcerem est detrusus: ubi in fundo foetidae atque obscurae turris delituit dies 340., misere excruciat: pedibus enim ferro cinctis, nec consistere potuit, nec decumbere, sed solo capite terram pendulus adtingebat, pane et aqua sustentandus. Quibus tormentis patientia fracta, simul magnis pollicitationibus tentatus, succubuit, seque Synodo subiecit, errores abjurans, Hussum condemnans et Wiclefsum, nec non in sedis Romanae, et Synodi, placita consentiens. Exstat juramentum ejus sessione XIX. Sed cum nihil inde retulisset, quam carceris mitigationem, dolorum prolongationem, et conscientiae stimulos, simul novis accusationibus ad novum examen et certamen vocatus, animo resumto, lapsum acerbè deploravit, et detestatus est, in Wiclef et Hussi erupit laudes, accusatores confudit, seseque mira dexteritate, eloquentia, et promptitudine defendit, ita etiam, ut Poggio ingentem concitaverit admirationem, sed res ipsi fuit cum iniquissimis hostibus, bestiis saevissimis, sanguinem ejus sitientibus. Condemnatus itaque et ipse est, ac combustus, aequè ac Hussus, nec minore constantia, fiducia, ac laetitia, sese veram praestitit martyrem. Stabat, verba sunt Poggii, *inpavidus intrepidus, mortem non contemnens solum, sed adpetens, ut alterum Catonem dixisset*. Cum lictor ignem, ne videret, post tergum vellet injicere, *huc, inquit, accede, et in conspectu accende ignem: si enim illum timuisses, nunquam ad hunc locum, quem fugiendi facultas erat, accessisses*. Adtribuitur quidem ipsi simile, quod Hussus, vaticinium, *ego vero post fata mea conscientia vestris stimulum infigo et morsum, ac adpollo ad cel-*

Tom. VI.

Tt

sissimum

summum atque ac acerrimum judicem, Deum omnipotentem, ut coram eo, centum annis relictis, responderet mihi: sed cum acta, nec historici aequales, aliquid de centum annis haberent, in primis Poggius de iis taceat, qui citationem ad coeleste tribunal memoravit, et illud in dubiis ponatur.

§. CCCCLXVII. Accedo, vita et morte illustrium hominum virorum succincte enarrata, ad condemnationis, et martyrii, eorum causas paulo accuratius investigandas. Sententia damnatoria Hussi declarat, eum esse manifestum haereticum, scandalosum et obstinatum, et incorrigibilem. Quod posterius de obstinato animo ex eo facile falsi convincitur, quod ipse non tantum saepe contrarium fuerit protestatus, ac solidam petierit instructionem, sed nec instructio, ne quidem audientia, ipsi fuerit concessa, imo accusationes pro falsis habuerit, nec testes fuerint producti. *Haeresis* vero ejus quae qualisve fuerit ipsi inacta, difficile est explicim, cum doctrinae, tunc receptae, praecipua adhuc tenuerit capita, ex. gr. de communione sub una specie, licet sub utraque magis adprobaverit, quod ipsi quoque non est obiectum, praeterea de transubstantiatione, licet forte paulo aliter intellexerit, de confessione auriculari, extrema unctione, aliisque sacramentis, eorumque efficacia, ut et de purgatorio, intercessionibus sanctorum, eorumque invocatione, imo imaginum cultu, licet non imagines, sed earum archetypa statuerit cultus objecta. Quae omnia capita tenuit, ut, praeter Natalem Alexandrum, demonstravit L'Enfant. hist. concilii Constant. l. III., ne alios memorem. Ipse quoque Hussus tantam causae suae, et orthodoxiae ejus temporis, praetulit fiduciam, ut nihil criminis sibi imputari cum ratione posse crediderit, nisi quod indulgentiis, a Johanne XXIII publicatis, contradixerit, et in munere, non obstante excommunicatione, continuaverit, denique a judicio Papae adpellaverit, in specie ad Christi tribunal, denique, quod post se reliquerit epistolam, in Ecclesia Bethlehemica lectam, cum ad conciliam abiret, dixeritque, seculares hinc posse

posse manus inmittere in bona temporalia Clericorum. Sed haec nec tanti erant, nec deficiebant alii inter ipsos Orthodoxos, qui similia protulerunt. Attamen confessus est Hussus nonnunquam, se, progressu temporis, sperare majore gavisurum luce; adeo, ut falsitatem dogmatum receptorum nondum quidem perspexerit, sed in via fuerit, quae eò ducebat. Quid ergo ipsi tantum creavit odium? 1. quod Johannis Wiclefi scripta noluerit condemnare, quia vir erat pietate illustris, nec tantos in ejus scriptis observavit errores; licet omnia ejus placita nondum adsumeret. 2. Ecclesiam Romanam negaverit esse matrem, et caput Ecclesiae universalis; ut et Papam ac Cardinales esse necessarias Ecclesiae partes; Ecclesiam porro definiverit, *Ecclesiam sanctam universalem et unicam esse praedestinatorum universitatem*. 3. declamaverit sine ulla moderatione in corruptionem Papae, et Cleri universi, Papamque pro Antichristo habuerit. 4. Motuum Bohemicorum quoque praecipuus censitus fuerit autor. Accesserunt et alia, uti odium Germanorum, ab ipso Academia Pragensi, ut supra narravi, ejectorum, vid. Theodor. a Niem investiv. in Johannem XXIII. in Actis Iardtii, Clericorum quoque in Bohemia, qui per Hussi sermones in contemptum inciderant publicum, praeterea *Nominalium*, qui concilii maximam faciebant partem, in specie hannis Gersonis, eorum principis, et *Realium*, ad quos Hussus pertinebat, infensissimi erant hostes; vid. Baluz. *scollan.* t. IV. p. 534., denique, quod, si dimitteretur, prius progrediretur, et a recepta doctrina longius discederet. Quod ipse Hus de se indicavit, et speravit. Ceterum de capitibus, Hussio in examine objectis, legi quoque videtur Beaufobr. in Bibl. German. tom. XV. Elucescit inde ex dictis, Hussi doctrinam nondum fuisse Reformationis doctrinae conformem, et Aeneam Sylvium in hist. m. c. 35., ubi errores sectae Bohemicae recenset, non Hussi, quam sectae inde natae, quae postea Taboritae et fratrum Bohemorum, nomine innotuit, exhibere oportet.

niones: quod et ipse haud obscure innuit in epist. ad Cardinalem de Carvaial.

§. CCCCLXVIII. Qua de secta, et motibus Hussiticis, antequam differam, *Calixtinorum* origo est enarranda, quippe qui magnam in illis motibus habuerunt partem. Adpellati sunt eo nomine Bohemi, qui in solo calice Eucharistico dissentiebant a Catholicis, sine illo nullam esse eucharistiam contendentes, adeoque, ejus usum laicis esse concedendum, urgentes. Johannem Hussum fuisse restitui calicis in Bohemia autorem, male passim putatur. Ipse, cum Constantiae degeret, et de motibus causa calicis audivisset, calicis usum quidem non inprobavit, potius laudavit, suoque ab oppositionibus Calixtinorum dehortatus est, sed ejus autor non fuit, cum Pragae, nec scripto, nec ore, id docuerit, sed Constantiae hac de re consultus, causa illa jam vigente inter Bohemos, mentem tantum explicuerit, praeterea ei hoc in publico examine non fuerit Constantiae obiectum. Praecipuus vero autor fuit Jacobellus, ut mox patebit. Ante ipsum calicis abstractioni sese jam ante viginti quinque annos opposuerat, teste Johanne de Rogesana, in concilio Basileense, et plebem ad calicem invitaverat, *Matthias* aliquis, pastor Pragensis, etiam *Parisiensis* dictus, ob studia Parisiis confecta, vir probus, et acerrimus corruptionis, ac abusu Ecclesiae adversarius, qui tractatum etiam scripsit de *Antichristo*, et multa passus est. Sed qui parum profecit, a Clero Pragensi a coepto desistere coactus a. 1389., mortuus a. 1394. Vid. L'Enfant concil. Constant. Honor itaque debetur *Jacobello*, quod calix fuerit Bohemis redditus. Ipse, alias Jacobus de Misa, a pago ejus nominis in Bohemia, dictus, Pastor fuit Pragensis, *litterarum doctrina*, ut Aeneas Sylvius ait, et *morum praestantia juxta clarus*, et mox post Hussi discessum prodiit in publicum, magnoque studio necessitatem calicis in eucharistia docuit. Ansam vero ei praebuit *Petrus* quidam *Dresdensis*, de quo vid. L'Enfant bell. Hussit. tom. I., ob haeresin *Waldensem*

denssem e Saxonia' pulsus, et Pragam aufugere coactus, ut Aeneas Sylvius tradit. Ipse, Jacobelli familiaris, cum ei aliquo tempore dixisset, se mirari, virum tam eruditum, nondum insignem errorem, qui in Ecclesiam irreperat, percepisse, respectu calicis ablati, non obstante expresso Domini dicto, Joh. VI. *nisi quis carnem ederit filii hominis, et sanguinem biberit*, etc. Jacobellum eo dicto ad examen, et ita hanc causam publice agendam, excitavit. Egit vero ingente cum successu, sed, ut fieri adsolet, mox sibi concitavit adversarios, in specie Conradum, Archiepiscopum Pragensem, qui fulmine excommunicationis ipsum feriit quidem, sed non oppressit. Causa vero ad concilium Constantiense delata, ibique agitata a. 1415., Jacobelli opinio est proscripta, et calicis subtractio definita: ut supra retuli. Controversiae historiam, et rationes, quibus utrinque pugnatum est, exhibet L'Enfant l. cit. Jacobellus vero sese Paparum et Clericorum auctoritati infallibili, ac contradictionem respuenti, palam opposuit, quin eos, si a veritate Christi deviant, declaravit Antichristos. Inputatum quidem ipsi est a Concilio, quod panem in eucharistia manere post consecrationem defenderit; sed illud per omnia verum non est, cum in libro suo, cui titulus, de *vera existentia corporis et sanguinis Christi in Coena*, agnoscat corporalem praesentiam, et tueatur, sed secundum *vitam Christi hominis Spiritualem, divinam, et invisibilem*. Distinxisse enim censetur duplex vitae genus in natura Christi humana; agnoscens praeter vitam, modo memoratam, ex unione cum divina natura ortam, aliam adhuc vitam animalem, mortalem, mole magnam, visibilem; secundum quam negavit Christi corpus esse in eucharistia. Vid. L'Enfant l. cit. p. II. Eadem fuit forte hac de re sententia Wiclefi, Hussi, et aliorum: nec multum a Veterum constante opinione de divinae naturae unione cum pane et vino, indeque orta ejus efficacia, differt.

§. CCCCLXIX. Pergamus nunc ad motus, et bella Hussi-

T t t 3

tica

tica post mortem Hussi suscitata: quorum historiam profuse enarravit L'Enfant in historia *belli Hussitici, et concilii Basileensis*. Fuerant quidem ab a. 1411. aliqui motus, etiam caedes patratae Pragae, occasione indulgentiarum, et cruciatarum expeditionum, a Johanne XXIII. promulgatarum, contra Ladislaum, Neapolitanorum Regem; quibus sese vehementer objecit Hussus, magnamque populi copiam in suas traxit partes, ita ut res prope a seditione abesset, maxime postquam tres Hussitae essent capite plexi, qui partes eas egerant confidentius, et audacius, sed, cum Praga propterea interdicto sacro esset subjecta a Papa, et Hussus secessisset, res manserunt tranquilliores, usque ad Martyrium Hussi et Hieronymi. Quo audito in Bohemia animi valde sunt exacerbati, non plebis tantum, et vilioris conditionis hominum, sed Nobilium quoque et illustrium virorum, qui, litteris ad Synodum scriptis, indignationem acerrimo titulo testati sunt, sicut et fecit ipsa Universitas Pragensis, litteris unanimiter ad omnes Catholicos missis, quibus illustre dedit Hussi testimonium. Edidit praeterea Universitas haud diu post, anno 1417., *declarationem publicam* pro communione sub utraque specie contra decretum Constantiense. Primates porro Bohemiae, in unum coacti, ut rebus suis consulere, aliquos decreverunt mittendos ad Wenceslaum Regem, qui Ecclesias separatas, in quibus cultum Dei, suo modo peragendum, exerceant, ab eo peterent. Responsum licet dubium acceperint, continuarunt tamen in cultus exercitio, partesque suas magis magisque confirmare, et amplificare, conati sunt, absque ut res in bellum eruperit, toto anno 1417. Tantum memoriam Hussi decreverunt festo, in honorem ejus quotannis celebrando, honorandam esse; seseque etiam ad vindictam de ejus morte sumendam praepararunt, denique magis magisque Catholicorum et Bohemorum animi in se invicem irritati sunt, *illorum* per varias invektivas in Synodum, et cantica in laudes Hussi ubique sparsa, quodque sese concilii decretis palam opponerent, *horum* vero

vero per articulos Synodi, in causa Bohemorum decretos contra Hussitas; inter quos sunt, quibus abjuratio Hussitismi inperatur, et fautores igni addicuntur, adeoque Hussitismi exstirpacio continetur. Quos numero viginti quatuor recenset Cochlaeus.

§. CCCCLXX. Tandem erupit violenta tempestas a. 1418., quo tempore Johannes Dominicus, legatus Martini V. Papae, in Bohemiam et Hungariam, ad exsequenda decreta Synodi, eo venit, nec monitis et exhortationibus contentus, sed et vi usus est: Slanae, quae est urbs Bohemiae, haud procul Praga, ope Conradi, Archiepiscopi Pragensis, arcam, quae supra aram erat, continens forte calices eucharisticos, deiecit, communionem sub una specie instituit, Ecclesiasten quendam, una cum privato, qui forte ei se opposuerunt, flammis tradidit. Quo facto, flamma erumpens corripuit omnia, ita ut vexationibus, rapinis, caedibus, fuerint repleta omnia. Ipse legatus, discedere coactus, scripsit Papae, *non calamis amplius et linguis, sed manibus et armis, opus esse*. Venit cum Imperatore in Hungariam, et Hussitismum ibi exstirpavit, sed et brevi mortuus est a. 1419. Hussitae, cum bellum evitari non posset, Ducem elegerunt Ziskam, qui prae reliquis vindictam Hussi spirabat, nobilem Bohemum, in aula Wenceslai enutritum, et bellis exercitatum, altero jam oculo in conspectu privatum, unde, qui antea Johannes Trafnovius, a loco Bohemiae, unde ortus erat, fuit adpellatus Zizka. Staum ac sufficientes contraxisset copias prudens, sed et acerrimus, Dux, per agros discurrens, caedes et rapinas per omnia loca circumtulit. Primus fuit inpetus in provinciam Pilnensem, cujus primariam urbem Pilsam, et mox totam cepit ditionem, Monachos et Clericos expulit, omnia spoliavit, et communionem sub utraque specie ubique restituit. Dein in loco opportuno exstruere coepit oppidum, et munimentum, dictum *Tabor*, quo nomine *castrum* adpellant indigenae; unde *Tabaritarum* nomen ipsis postea adhaesit. Scripsit ad Tustan-

litteras a. 1418., eosque ad arma contra Antichristum sumenda accendit. Mox, postquam Dux Hussitarum solenniter esset declaratus, Pragam tetendit, ubi a sociis avidissime expectabatur. Quo cum venisset a. 1419. Ecclesiae et monasteria invaduntur, Presbyteri alicujus domus spoliatur, ipso etiam a Zizka occiso, quia, ut refertur, licet dubitaret, sororem suam stupraverat. Domum Praetoriam, ubi Senatus erat congregatus, petentes, septem, vel undecim, Senatores, qui, reliquis dilapsis, substituerant, per fenestras projecerunt, hastarum cuspidibus excipiendos a populo fundendo, qui adstabat. Sed num Zizka huic tragoediae accesserit, non convenit inter historicos, quorum alii adfirmant, alii silent. Eundem mox impetum senserunt et alia monasteria Praegae, multumque est sanguinis fusum. Dein Wenckstao, prae consternatione, ex hoc nuncio ad ipsum delicto concepta, correpto apoplexia, et mortuo a. 1419., antequam Sigismundus se Regem Bohemiae declararet, plebs Pragensis, instigante Zizka, in quaevis monasteria manus injecit, et, nulla Templorum, imaginum, vasorumve sacrorum, ducta reverentia omnia spoliavit, concidit, violavit. Inmani enim odio flagrabat Zizka in monasteria, non tantum, quod libidinis et pigritiae essent loca, sed Monachi praecipui haberentur auctores supplicii Hussi, et Hieronymi. Numerantur ab Historicis usque ad 550 Tempia et monasteria, per Zizkam in Bohemia destructa: unde et ingentes thesauri ad eum defluerunt.

§. CCCCLXXI. Hinc tandem publicum ortum est bellum inter Hussitas et Sigismundum, jam regem declaratum, et eos oppugnantem, expeditionibus quoque cruciatis, a Martino conscriptis, adjutum. Quod ab a. 1420. usque ad 1444., quando urbs Tabor capta est, duravit, et, praeter Bohemiam, afflixit Moraviam, Austriam, Misniam, totamque fere Germaniam: cujus historiam enarrare nostri non est instituti, et nimis longum foret: Aeneas Sylvius dicit, *ea bella plus admirationis, quam fidei, habitura apud posteros;*
quia

quia nullo prorsus successu ab illorum parte gesta sunt, Zizka, Bohemorum Duce, ejusque successoribus, semper superantibus. Epitaphium Zizkae, quod mirabile et singulare est, ita habet: *Johannes Zizka, nullo Imperatorum, ducumque, rei militaris peritia inferior, superbiae simul et avaritiae Clericorum severus ultor, Patriae accerrimus propugnator, hic jaceo. Quod Appius Claudius coecus bene consulendo, et M. Furius Camillus strenue agendo, suis Romanis praebuere, hoc ipsum meis Bohemis praestiti. Fortunae belli nunquam defui, neque illa mihi: omnem opportunitatem rerum bene agendarum etiam coecus praevidi. Signis collatis, undecies semper victor depugnavi etc.* Illud in ipso maxime est mirandum, quod praecipua totus coecus gesserit: sicut enim antea monoculus erat, ita alterum in obliuione Raabi perdidit jam a. 1420. Ceterum, fuit omnium consensu vir intrepidus, strenuus, prudens, sed adversus hostes crudelior, Monachorum imprimis flagellum. Mortuus est ex peste a. 1424. Narratur quidem a plurimis historicis, eum, morti proximum, jussisse, ut ex pelle sua tympanum facerent, ad cujus sonum hostes aequae expavescerent, acsi vivus esset, sed, cum Theobaldus illud fabulis adnumeret, Zizka id forte animi causa dixit, ad hostibus insultandum, vel Hussitae illud, ad illis terrorem incutiendum, in vulgus miserunt.

§. CCCCLXXII. Hussitae, tempore Zizkae jam divisi, post ejus mortem magis in partes secesserunt, quod viam ad eorum oppressionem stravit. Vivo Zizka divisi fuerunt in *Taboritas* et *Pragenses* a. 1420., partim causa electionis Regis in locum Sigismundi, quem omnes repulerunt, Pragenses voluerunt Jagellonem, Regem Poloniae, Taboritae nullum extraneum, partim propter dogmata quaedam, et ritus. Pragenses, solo calice contenti, et libera verbi Dei praedicatione, in reliquis sese ad Ecclesiae Catholico-Romanae placita adcommoabant, sed Taboritae antiquam Ecclesiae Apostolicae puritatem, et simplicitatem, cupiebant reuocata. In conventu Pragensi, eo anno habito, propositi

sunt Taboritarum articuli, apud L'Enfantium obvii; inter quos aliqui occurrunt, ut de generali hostium destructione, eo anno futura, et novi Regni Apocalyplici erectione, qui vix fidem merentur: sed et tunc dixerunt Taboritae, se omnes illos articulos non adtumere: videntur nihilominus tenuisse, inpios esse delendos, et violentorum facinorum fuisse autores. Vid. Laurentii Byzini *diarium belli Hussitici*, supra citatum. Sed nihil effectum est in conventu, et mansit funesta divisio, licet in bello cum hostibus Bohemiae utraque pars perseveraverit. Dein anno sequente 1421., in conventu Zaslaviae, ad quem Moravi etiam sunt invitati, et eorum deputati venerunt, *quatuor* sunt constituti articuli, qui postea Synodo Basikeensi sunt oblati, 1. eucharistiam sub utraque specie omnibus esse praebendam. 2. Sacerdotibus et Monachis bona temporalia esse subtrahenda. 3. publica peccata severe, et secundum leges, punienda esse. 4. Verbum Dei ubique libere a Christianis sacerdotibus esse adnunciandum. In quos articulos Moravi quoque consenserunt, et ipse Pragensis Archiepiscopus Conradus, qui Hussitarum partes ab eo tempore secutus est. Additus dein est *quintus* articulus, de Rege Sigismundo abdicando, et de Coributo, patruele Uladislai, Poloniae Regis, eligendo Rege. Cui articulo nec Taboritae, qui liberum urgebant statum, nec Moravitae, qui Sigismundo renunciare volebant, adensum praebuerunt. Unde mox majora sunt orta dissidia inter Taboritas et Pragenses, cum Pragenses jam receperant Regem Coributum, quem Taboritae cum Zizka recusarunt.

§. CCCCLXXIII. Cum Taboritae a. 1422. Pragam noctu irrumperent, et spoliare tentarent, a civibus vero repulsi et oppressi essent, Zizka quidem se excusavit super eo facto, tanquam se ignaro perpetrato, dissuasit tamen Pragensibus novum Regem, et, cum nihil inpetraret, iram et ipse in eos concepit, eosque oppugnare adgressus est. Bello itaque cum Pragensibus inde orto a. 1423., in quo una al-

tera

tera vice victi sunt, Zizka urbem obsedit a. 1424. Taboritae quidem initio urbem hostiliter oppugnare renuerunt, cum caput regni esset, et ejusdem secum animi in hostem communem, sed a Zizka, Oratione ad eos habita, in partes tracti sunt. Omnibus vero ad oppugnationem paratis, Pragenses de pace cum Zizka egerunt, eam effecerunt, eumque in urbem admiserunt, ingente cum honore. Unde, peste grassante, cum discessisset in Moraviam, ibi ex peste, ut narravi, e vivis est ablati. Narrant historici, Sigismundum multis, magnificisque, pollicitationibus, Gubernatoris quoque totius Bohemiae oblata dignitate, sibi devincere conatum fuisse, sed mors ejus intercessit. Morti proximus suis fertur jussisse, ut omnes, religioni Hussitarum adversantes, ferro flammisque persequerentur. Ipse vero, etsi Taboritarum partes contra Pragenses fuerit tuitus, Calixtinus potius fuit, quam Waldensis-Taborita, ut ex Picardorum, quorum ingens erat Pragae numerus, persecutione, et aliunde, patet.

§. CCCCLXXIV. Post mortem Zizkae divisi fuerunt in varias turmas. *Taboritae* longe maximam partem elegerunt Ducem *Procopium*, a rebus gestis *Magnum*, et a tonsura sacerdotali, qua avunculus ejus ipsum invitum ornaverat, *Rasum* dictum, nobilem Bohemum, qui sub Zizka militaverat. Reliqui *Taboritae*, sed longe minore numero, nullum voluerunt Ducem, quia nullum putabant Zizkae similem inveniri posse, quare *Orphani* sunt adpellati: elegerunt tamen paucos, penes quos belli foret administratio, quorum primus fuit *Procopius*, Parvus cognominatus. Praeter illos erant *Orebitae*, suis etiam sub Ducibus. Nomen traxerunt a monte Oreb, prope districtum Zaslaviensem, quem inferderunt, et unde in loca vicina irruerunt, jam ab a. 1422., quare a Zizka in castra sua sunt admissi: erant enim tunc manus rusticorum. Incertum autem est, num castrum eo nomine jam ante fuerit insignitum, an illi eo adpellaverint. *Hussitae* enim, quod non est observatu indignum, Bohemiam

terram promissionis vocarunt, et Germanos, quibus circū-
 rant, pro vario illorum situ, illos Iamaeos, hos Moabitas,
 alios Amalekitas, alios Philistaeos, eaque ratione Tabor et
 Oreb ad terram promissam retulerunt. Ceterum hi omnes,
 licet divisi, sese identidem conjunxerunt, quum causa com-
 munis id requirebat. Taboritae vero et Pragenses in Ba-
 variam irruerunt et Austriam, Orphani et Orbitae in Sile-
 siam, ac Lithuaniam, quaquaversum horrendas inferentes
 vastationes. Quo in rerum statu Papa Martinus, iterum emis-
 sa bulla, Imperatorem et Principes Germaniae ad hanc hae-
 resin extirpandam excitavit, a. 1425., et bellum magno ar-
 dore resumptum est, ubique felix et fortunatum Hussitis.
 Albertum, Austriae Ducem, cruento vicerunt praelio Tabo-
 ritae a. 1425., ut et Saxones a. 1426., qui ingentem exer-
 citum contra Taboritas et Orphanos moverunt. Sed nova
 mox inter Pragenses et Taboritas orta est divisio, occasio-
 ne *Petri Anglici* cujusdam, qui Wiclefianismi femina spar-
 gebat Pragae, et Transubstantiationi contradicebat, nos ore
 panem, sed fide corpus Christi, sumere, contendens. Cui
 sese inter alios opponebant Przibranus, et Maladonovicus.
 Convenit tamen, laudabili exemplo, inter eos, ut phrasibus
 Scripturae ac Patrum uterentur, et se invicem tolerarent.
 Interea Pragenses carceri mancipaverant Johannis adversari-
 os, a paribus Johannis stantes: unde elapsi, ad Orphanos,
 de injuria conquesti, confugerunt, eosque ad bellum contra
 Pragenses excitarunt. Unde varii sunt motus orti, donec
 Taboritae, motuum fautores, fuerint Praga ejecti a. 1426.
 Ad quas turbas multum quoque contulit captivitas Coributi,
 quem Pragenses, incertum qua de causa, captivum tenebant.
 Quem ut liberarent, Despotae Catholici, Taboritis et Or-
 phanis se jungentes, Pragam invaserunt: multo tunc sangui-
 ne fuso. Coributus vero, signata sua abdicatione, fecerant
 enim Pragenses ipsum Regem, in Lithuaniam est re-
 missus. Tandem, nonnullis civitatibus, quae Pragensium
 erant confederatae, hostiliter et crudeliter tractatis, cum
 Pragam

Fragam denuo tentarent obsidere, pax inter eos facta est, ut communi hosti resisterent. Imperator enim, tribus collectis exercitibus, ut finem moribus tandem inponeret, iam mensa hominum copia contra eos tendebat. Sed, quod quis stupeat, hostes illi, panico correpti pavore, solo Zizcitarum conspectu consternati, in fugam se dederunt, et opulenta castra ipsis reliquerunt a. 1427., qui, eos persecuti, magnam iis intulerunt cladem.

§. CCCCLXXV. Omnia praelia, omnes destructiones, a Zizcitis effectas, enarrare, cum nostri non sit instituti, ad res religionis redeo. Taboritae, Orphani, et Pragenses conventum a. 1428. celebrarunt quidem Peronae, ad dissidia religionis inter se componenda: sed, cum Taboritae, cum Duce suo Procopio Magno, missam sine stolis sacerdotalibus, sine elevatione et adoratione panis, urgerent celebrandam, septem respuerent sacramenta, nec in capitibus de libero arbitrio, justificatione, ac Praedestinatione, cum Pragensibus convenirent, licet quid una alterave pars de tribus illis capitibus ultimis senserit, non constat, conventus sine ullo fructu est abruptus. Taboritae dein et Orphani, nunquam quieti, sese ad solita vastandi facinora receperunt, miras caedes ac vastationes per Silesiam, Misniam, aliasque regiones, hoc et sequente anno, circumferentes. Quando nova in eos conscripta est a. 1431. expeditio cruciata, ordine tertia, Imperator quoque Comitibus Norinbergensibus bellum omnibus viribus gerendum decrevit. Quae conamina hand meliorem, ac praecedentia, habuerunt successum. Toto enim exercitu, antequam Hussitae in conspectu essent, ita trepidatum est, ut praecipitem sese in fugam dederint, Cardinalis quidem Legatus quicquid poterat fecit, ut fugientes retineret, et in hostes animaret, sed Bohemi, eos invadentes, post ingentem iis inflictam cladem, in turpem conjecerunt fugam, seseque inmensis spoliis ditaverunt.

§. CCCCLXXVI. Tandem, cum eodem tenore pergerent Hussitae, nec per arma vinci, aut in ordinem redigi, pos-

sent, alia via cum iis judicarunt Catholici agendum esse, qua votorum facti sunt compotes. Blande enim sunt a Sigismundo, et Synodo Basileensi, quae tunc celebrabatur, ad Synodum invitati, a. 1432., concessio salvo conductu ab ipsa Synodo, et datis obliuibus, seseque obligantibus Imperatore et Principibus aliis, maioris securitatis ergo. Qua ratione, cum circa modum, in concilio cum ipsis tenendum, convenisset inter Legatos Synodi et Bohemorum, qui Egrae erant congregati, Bohemi legatos mittunt ad Synodum Johannem Rokysanum, Pragensium Hussitarum Rectorem, Udalicum, Orphanorum Presbyterum, Petrum Payne, Anglicum, et alios: quibus sese Legatus Polonicus, ipse Procopius Rasus, alique, adjunxerunt. Pervenerunt, trecentis equitibus comitati, Basileam a. 1433., tota civitate ipsis obviam procedente, praecipue propter Procopium, qui omnium ora in se verterat. In concilium producti, quatuor illa capita, in conventu Zaslaviae a. 1421. jam sancita, quae supra memoravi, proposuerunt. Cardinali vero, Synodi Praesidi, roganti, cur et alia non proferrent capita, cum Mendicantium Ordinem a Diabolo esse excogitatum arguantur statuere, respondit Procopius; *quicquid nec a Mose, nec a Patriarchis, Prophetis, Christo, nec Apostolis institutum est, nec ullum in Scripturis mandatum habet, Diaboli inventum est*: et tale quid esse Mendicantium Ordinem. Cardinalis tantum ad Ecclesiae, et Conciliorum, auctoritatem provocavit. Disputatum dein de illis articulis est per 50 dies inter quatuor Bohemorum magistros, et totidem Concilii commissarios: multa utrinque quidem prolata sunt, sed sine fructu; ventum est ad tractatus, sed nihil profectum, ad Bohemorum constantiam frangendam. Discesserunt itaque Legati Bohemorum, sed cum iis oratores, a Synodo deputati, qui conventionis scopum palam praeferrerent, licet divisionem inter Bohemos vere intenderint, et Catholicorum confirmationem. Venerunt, una cum Principum et Episcoporum, aliorumque, deputatis, in Bohemiam a. 1433. Comitibus

tiis ab omnibus Bohemiae et Moraviae Ordinibus habitis, post varias Orationes et colloquia, res denique huc exierunt, ut ad Synodum denuo mitterentur legati, cum quatuor illis articulis, paululum temperatis, nec non cum formula unionis. Articuli hunc in modum formati sunt, ut 1. liberam verbi Dei praedicationem concefferint, sub autoritate Dioecesani. 2. Peccatorum punitio relinqueretur iis, quibus jus erat. 3. Clero non liceat super bonis temporalibus *seculariter* dominari. 4. Communio sub utraque specie sit, tanquam utilis et salutaris, relinquenda libertati, ita tamen, ut dubia, circa necessitatem et poenas, quas illi, qui hoc negligebant, merebantur, Synodi iudicio committerent, modo illud Scripturae et Patribus non advesetur. *Formulae* vero unionis duae erant conditiones, una, quod Concilio, Papis, Praelatisque aliis, non tenerentur obedire, si quod Scripturae contrarium prohibuerint, altera, ne propter dictos articulos male audiant, aut patiantur a quocunque.

§. CCCCLXXVIII. Formula Synodo displicente, iterum sunt iidem Oratores missi Pragam, ut novam facerent instantiam. Proposuerunt in publico Nobilium et plebejorum conventu trium articulorum explicationem, et declarationem, quam si admitterent Bohemi, promiserunt concorder de communione sub utraque specie transigendum esse. Interea captiosae erant trium articulorum declarationes, quae, cum Bohemis concedere quod volebant viderentur, nihil tamen per additas restrictiones concedebant. Communionis sub utraque declarationem cum fugitarent Bohemi hunc in modum data est, ut illa ad tempus instar gratiae, per auctoritatem Ecclesiae, permitteretur, sub conditione, si Ecclesiae Romanae in reliquis adfurgerent, et sacerdotes calicem non nisi adultis distribuerent, adderentque, Christum esse sub una alteraque specie sola. Bohemi, haec hac parte delusi fuerint, consenserunt tandem in articulos, ita explicitos et temperatos, sive bellorum pertaesi, sive ambitione Rokyzanae, cui spem Archiepiscopatus fecerant,

rant legati Synodi, compulsi. Missis itaque eo fini deputatis ad Synodum, famosum illum pacis et unionis tractatum mox condidit, et sancivit, Synodus, nomine *Compacatorum* notum; quae postea Igiaviae consummata et confirmata sunt, a. 1436. Exhibet *compacata* Cochlaeus hist. Huic. l. VII., et historica gestorum inter Synodum et Bohemos ex Aenea Sylvio excerpta *Fasciculus rer. exp. et fug.*, ut et Freheri editio historiae Bonemorum Aeneae Sylvii.

§. CCCCLVIII. Concordatis cum Calixtini et Catholici subscripserant, Taboritae vero, Orphani, et Orbitae id recusassent, totalis orta est inter Calixtinos, et reliquos Hufitas, divisio, quae et horum plenissimam produxit subjugationem, et destructionem. Catholici enim et Calixtini iunctis copiis, Duce Aleffio, cui praeter alios adjunctus est, vir magnae autoritatis, Mainhardus de nova domo, Taboritas, eorumque socios, oppugnare adgressi, initium fecerunt ab expugnatione Praegae. Quae in *Vesere* urbe facile, sed in *nova*, quam Procopius Parvus tuebatur, et in qua superiores erant Taboritae, difficilius successit, varia inter Veterem et Novam urbem inita pugna. Succubuit tamen nova, a Calixtinis, magna cum Taboritarum clade, expugnata a. 1434. Procopius vero Magnus, qui Pellinam tenebat obsessam, hoc audito, in hostes mox movens, decretorium cum iis habuit praedium eodem anno infra Lippam, in quo, licet ab equitatu fugiente desertus, hostem solus selecta cum manu adgressus, victoriam reportasset, nisi telo, in incertum misso, fuisset transfixus, itaque cecidisset fortissimus heros. Secuta mox est horrenda non tantum strages, sed et captivorum, fraudulenta ac truculenta, caedes per Mainhardum: cujus pollicitationibus in horrea compulsi perierunt, igni in ea immisso, ad multa millia. Hac ratione fractae sunt Taboritarum vires, et postea penitus excisae. Reliquiae quidem statum in urbe Tabor aliquo tempore tuitae sunt; sed urbe a Georgio Podebradio, Prorege, obiecta

obfessa et occupata a. 1444., capti sunt, et in perpetuos coniecti carceres. Reliqui, suasu Rokyzanae, jam titulo tenus Archiepiscopi Pragensis, se Ordinum iudicio submiserunt, et in *compactata* consenserunt. Sic finitum est funestum et diuturnum illud bellum, et Sigismundus, confirmatis *compactatis*, recepit coronam Bohemicam. Quae fusius enarrare a scopo nostro est alienum: ut et, iustumne an iniustum fuerit bellum illud? inquirere. De quo consuli poterit Langermannus in *polemographia Hussitica*; qui iusticiam ejus defendit. Mitto etiam quae postea Calixtinis sub Pothradio, primum Prorege, dein Rege, Bohemiae, et Rokyzana, Archiepiscopo Pragensi, acciderunt, quorum continuae intercesserunt cum aula Pontificia simultates, cum utrinque violarentur *compactata*; et ad novam Ecclesiam Bohemicam, ex his turbis tandem natam, tanquam lucem e tenebris, describendam pergo.

§. CCCCLXXIX. Quae valde notabilis historia ex Camerario de *Ecclesiis Fratrum Bohemorum*, et Johanne Amoso Comenio, aliisque, petenda est. De fide *fratrum Bohemorum* testantur *confessiones* eorum et *apologiae*, editae a Balthas. Lydio in *Waldensibus*, et ab aliis. Quarum *prima* est, quae Uladislao, Regi Bohemiae, a. 1472., *secunda*, quae Georgio, Marchioni Brandenburgico, a. 1534., *tertia*, quae Ferdinando, a. 1535., oblata est. Conferenda quoque sunt, quae de Taboritis habet Aeneas Sylvius epist. 130., scripta a. 1451., qui cum ipsis est congressus, edita etiam in *Waldensibus* Lydii. De ordine autem eorum in sacris, et disciplina Ecclesiastica, legendus est Comenius. Ex his fontibus illustris hujus Ecclesiae dabo aliquem intellectum, sed re alius petita ad *origines* ejus cognoscendas. Fuerunt Fratres proxima propago *Tabernitarum* zelotarum, qui a Calixtinis et Pragensibus fuerunt in doctrina et ritibus distincti, licet communem cum iis egerint in motibus Hussiticis causam. Cujus divisionis et originis varia prostant indicia. 1. Ipsi seniores et ministri Ecclesiarum in Bohemia illud diserte

falsi sunt in praefatione confessioni praemissa, seu ad calcem. Rodigerus quoque, Professor olim Wittenbergenſis gener Joacumi Camerarii, in *narrationcula* de Ecclesiis Bohemiae et Moraviae apud Camerarium l. cit. qui etiam haec duplicem dedit rationem, quare nomen Taboritarum vitaverint, unam, quod eorum clade fuerint territi, alteram, quod arma et disputationes fuerint averſati. 2. Idem e conventus Taboritarum et Pragenſium a. 1420., cujus ſupra memini, confirmatur: ſimiles enim ibi Taboritis adſcribuntur articuli, qui Bohemis proprii ſunt. 3. Eadem et ſimilia de Taboritis refert Aeneas Sylvius in epiſt., a. 1451. ſcripta, et ſupra citata. 4. Exiſtat denique confefſio ſuaei Taboritarum a. 1431. quam primus vulgavit Flacius Illyricus, dein emendatiorem Lydius, qui probabiliter conjicit ejus auctorem fuiſſe Johannem Lukawitz, ſacerdotem Taboritam; quae a Calixtinis eſt diverſa, et fidei ac cultui Bohemorum proxime reſpondet. 5. Accedit, Taboritas ſeſe initio et poſtea ſemper *compactatis* Synodi Baſilcenſis oppoſuiſſe, quae acceptarunt et urſerunt Calixtini, Cochlaeus in hiſt. Huſſit. l. VII. diſerte tradit, *formulam illam concordiae non potuiſſe in effectum produci, quia Taboritae in eam non conſentiebant*, qui et alibi l. V. dicit, *Waldenſes et Taboritas non adſumſiſſe articulos Pragenſium Doctorum, et ab eo tempore perpetuam manſiſſe inter eos diſcordiam*. Habitus quoque eſt conventus Kutnenſis a 1443. ad Taboritas et Pragenſes cum Rokizana, Archiepiſcopali dignitate jam fungente, conciliandos, in quo Taboritae ediderunt confefſionem, dogmatibus Calixtinorum contrariam, in ſpecie circa euchariftiam, in qua Tranſſubſtantiationi, adorationi et miſſae, palam contradixerunt.

§. CCCCLXXX. Sed ut altius adſcendam, hi ipſi Taboritae et fratres Bohemi, non tam ab Huſſo, quam a Waldenſibus et Picardis receperunt doctrinam. Johannem Huſſum fidem Catholico-Romanam tenuiſſe maximam partem, licet principia ejus cum ulterius duxiſſent, ſi in vita manſiſſet,

fisset, ex superioribus patet. Quod vero ad Waldenses ad-
tinet, Bohemi quidem originem suam ab iis noluerunt de-
rivatam, nec cum iis in unam societatem coalescere volue-
runt, sed non ob fidei et religionis dissensum, quem ipsi
exiguum, aut nullum, esse diserte fatentur, verum quod nul-
lam eorum nossent fidei confessionem publicatam, quodque
Waldenses hodierni sese ad religionis dominantis formam,
ut persecutiones vitarent, nimis adcommodarent. Quae
omnia ex supra laudata praefatione Bohemorum, ad calcem
Camerarii hist. Bohem., constant. Addi potest, Waldenses
fuisse tunc valde odiosos, et Picardorum quoque infami
tunc nomine diffamatos, quos ipse Zizka acriter est perse-
cutus. Interea dubio caret, 1. Waldenses illis in regioni-
bus, uti in vicinia Austriae, Marchiae, et Bohemiae, fuis-
se versatos: quod Bohemi in praefatione citata diserte adso-
runt. 2. Picardos illis fuisse inmixtos, et inter Taboritas
latuisse, quos Zizka, tanquam infames vita et moribus, ve-
hementer vexavit. Taboritae et Picardi, seu Waldenses,
fuerunt initio distincti tempore Zizkae, maxime respectu
Transubstantiationis et Missae, licet inter Taboritas fuerint
Waldenses quoque, sed post mortem Zizkae iidem ac Wal-
denses. Vid. Beausobr. de Adamis. Praeterea, Petrus
Dresdensis, qui Jacobello communionem sub utraque per-
suasit, fuit Waldensis profugus, teste A. Enew Sylvio; de
quo supra dixi. Johannes porro Schlecta in epist. ad Eras-
mum a. 1519., qua ipsi diversarum Bohemiae sectarum no-
titiā dat, *Picardos infecisse totum exercitum Zizkae*, tradit:
quod de Procopio Magno constat. Vidi verbi Latui apud
Beausobr. l. cit. et Dubravius hist. Bohemica c. 26. De
communione aliquali inter eos testatur, quod fratres Boho-
emi cum a. 1467. separatam coeperunt condere societatem,
ministros, a se electos, miserint ad vicinos Waldenses, ut
ab iis ordinarentur: ut narrat Camerarius l. cit. Ceterum
Picardi narrantur in Bohemiam venisse circa a. 1418., et
multos infecisse Taboritas, quorum alii, in primis Calixti,

et alii

Xxx 2

531

eos sunt infectati, ipse etiam Zizka, sive quod genuinus fuerit Calixtinus, sive rumoribus de infami eorum vita fidem adhibuerit. Plura de Picardis postea. Addatur 3. Bohemos passim cum Waldensibus fuisse ab Historicis confusos, etiam illos ab his derivatos. Vid. Lydus in Waldensibus tom. II. in Prolegomenis.

§. CCCCLXXXI. Quibus praemissis, pertexam *Fratum Bohemorum* historiam. Taboritis ea, qua dixi, ratione oppressis, per Georgium Podebradium et Rokyzanam, qui a. 1435. jam erat in publicis comitiis electus Archiepiscopus Pragensis, pii et zelotae Taboritarum, qui supererant, sese palam ostendere non ausi, quamdiu Rokyzana sese approbationis et confirmationis Papae, quam nondum inpetraverat, spe lactabat, sese oculos tenebant et quietos. Sed, cum sese a Papa deludi animadverteret Rokyzana, quippe qui, nisi calici renunciaret, eum confirmare recusavit, ille, resutato animo, in Papam, tanquam Antichristum, et bestiam Apocalypticam, denuo declamare, ut ante *compactata* saepe fecerat, inciperet a. 1448., cordatiores et animosiores ex auditoribus, inter quos Gregorius, Rokyzanae ex fratre nepos, ipsum adeunt, ac pleniorum ab ipso petunt reformationem, idque plus una vice. Audivit quidem eos amice, sed semper distulit, nimiae molis esse opus dictitans: denique, eorum interpellationes amplius ferre nolens, ipsis injunxit, ut a se fecederent, et ipsi hoc opus inciperent, promisso tantum addito, se a Georgio Podiebradio, jam Rege, ipsis locum recessus procuraturum. Quo inpetrato secesserunt cives illi Pragenses, Baccalaurei, magistri, alique magno numero, nobiles plebeji, docti indocti, in ditionem *Litensem*, in montanis Silesiae vicinis, quem locum ipsis acquisiverat Rokyzana, ubi Ecclesiae fratrum jacta sunt primordia, a. 1459. Compellarunt autem sese, in mutuae caritatis et communionis intimioris signum, *fratres et sorores*, et initio se vocarunt *fratres legis Christi*, dein, cum illud in calumniam traheretur, acsi novum fundarent Monachatum,

nachatum, *unitatem Fratrum*. Cujus Ecclesiae fundatae statim ac rumor pervaserat, sacerdotum, quibus nihil est irritabilius, odia se manifestarunt, ipsius etiam Rokyzanae, varii et mutabilis viri, qui ambitioni unice litabat. Cum frater Gregorius Pragam a. 1461. venisset, cum sociis nonnullis, amicos salutatum, illique in domo alicujus coetum haberent, proditi, et in carcerem conjecti sunt, tanquam qui Taboritas imitari, et motus ciere, in animo haberent: ipse Gregorius torturae est subjectus, sed, in profundum prolapsum soporem, vix sensit cruciatum. Dimissus quidem est cum suis, sed nova mox publicata sunt edicta, quibus sacrorum celebratio sine ceremoniis sub mortis poena fuit prohibita. Fratres, hac ratione ad incitas redacti, a Rokyzana, quem adierunt, nihil non tantum solatii consequuti sunt, sed et ipsum exacerbarunt. Quare nova prodierunt edicta, ne usquam in Bohemia et Moravia exitiosi illi homines tolerarentur. Erant, qui illos occisos volebant, sed restitit, Jodocus Rosenbergius, Episcopus Uratislaviensis, dicens, *Martyrium esse semicrudam assaturam, ex qua facile vermes nascantur*. Quibus exagitati edictis, cum nusquam auderent subsistere, inceperunt speluncas habitare, unde *Famnici*, seu *Speluncales*, per contemptum sunt dicti.

§. CCCCLXXXII. Hisce vero in speluncis et montibus Ordinem sacrorum et disciplinae inter se constituerunt, Synodos celebrarunt, evocatis e dispersione per Bohemiam et et Moraviam, quos poterant, in unum, pastores forte elegerunt, et ordinandos miserunt ad Waldenses, in confiniis Moraviae et Austriae degentes a. 1467., cum quibus unitatem quoque decreverunt ineundam, postquam Waldenses, se antiquum studium, quod remiserant, esse resumturos, et ad pristinam puritatem se recepturos, promiserant. Quod antequam effectui datum est, Waldenses sunt per Pontificios dissipati. Ipse eorum Antistes Stephanus igni est Viennae absumtus, et reliqui in Moraviam et Marchiam confugerunt. Quae eadem Antichristiana tempestas ferit

Frates. Georgius enim Podiebradius, comitiis regni a. 1468. habitis, decretum formavit, ut unusquisque Procerum in suo territorio in eos inquireret, quoque posset capere, et pro re nata, ac arbitrio, puniret: adpellantur autem ibi per contumeliam *Picardi*. Acris ab eo tempore in eos facta persecutio, usque ad mortem Rokyzanae et Podiebradii, a. 1471., quando aliqua halcyonia nactus est grex pusillus. Vladislaus enim, Rex Poloniae, qui Podiebradio successit, fuit mitissimus, quem furiosi hostes et persecutores diu frustra ad eos extirpandos incitarunt. Permiserat quidem, edicta a. 1472. contra eos parari, sed, accepta eorum apologia, cujus supra memini, repressit, donec a. 1508. cruentum aliquod edictum ipsi extorserint: sed nec illud executioni mandatum est. De quo ad seculum sequens. Crevit itaque sub hoc Rege Fratrum numerus, et caput eorum Ecclesia erexit; sicut conquestus est Bohuslaus a Lubkowitz, Baro Hassensteinius, Orator et poeta haud incelebris, in aliqua epistola ad Regem a. 1497., ubi dicit, *perfidiam illam, quae antea hiscere non audebat, nunc sub Rege Catholico et radices agere, et ramos suos adeo late protendere, ut viis humanis viribus extirpari aut evelli possit*. Fratres vero, a schismaticorum nomen vitarent, miserunt hoc ipso tempore e coetu suo viros pios et prudentes, qui, num alicubi Ecclesiam invenirent, cui se adungere possent, inquirerent. Migrarunt per Graeciam, Moscoviam, Thraciam, Asiam, Palaestinam, et Aegyptum, ac retulerunt, se nihil reperisse, nisi corruptissima omnia, et Christianos in vitia et superstitiones effusos. In Italiam et Galliam aliqui adpulsi, et Waldenses visitantes, narrarunt, se ibi tantum offendisse piorum reliquias, latitantes in occulto, aliorum vero, qui proditi erant, ustulationem: ex quo se tranquillos tenuerunt fratres. Reliqua ad seculum sequens.

§. CCCCLXXXIII. Inter Taboritas, et fratres Bohemos, ut eorum fidem et religionem luci exponam, convenit, Scripturam S. esse unicam fidei et vitae normam, et non Concilia

traditiones, extra aut contra Scripturam: Papas
 infallibiles, aut supremos iudices et Rectores, po-
 Antichristos: nullam esse Transubstantiationem, Missam,
 confessionem auricularem, purgatorium esse figmentum, nec
 sanctos aut imagines esse cultus objecta, caeremonias Sacro-
 rum Pontificias esse inutiles, et superstitiosas. etc. Sed
 haec inter eos intercedit differentia: Taboritae septem ag-
 noverunt sacramenta, licet quinque minus necessaria, et de
 nonnullis articulis, ut de purgatorio, sanctorum invocati-
 one, et aliis, simpliciter adfirmant, eos non esse necesari-
 os. Sed fratres Bohemi sese maiore fiducia explicuerunt,
 puriorem fidem ac religionem professi, religioni Protestan-
 tium fere per omnia conformem. De quo ex monumentis
 citatis facile constat. Num in capitibus, inter sic dictos
 Lutheranos et Calvinistas, ad hos propius accedant, quod
 nuper contendit Elsnerus in *Scrinio antiquario* Gerdesii, tom.
 VI., non disputo, nec tanti habeo. Quod vero ad Ordinem
 sacrorum, regimen, disciplinam, et mores adinet, proxime
 ad vetustam Ecclesiam videri voluerunt accedere. Habue-
 runt suos Episcopos, vel Superadistentes, et ministros
 alios, suis gradibus distinctos: Synodos celebrarunt particu-
 lares, generales: Fratrum vero classes erant quatuor, inci-
 pientium, proficientium, perfectorum, et poenitentium. Ri-
 tus denique quoad dies festos, jejunia, preces, eleemosynas
 visitationesque Ecclesiarum, proxime conveniunt Ecclesiae
 antiquae. Quae, et quorum similia alia, facile peti possunt
 ex Comenio et Johanne Lasrio, nobili Polono, qui de ori-
 gine et rebus gestis Fratrum Bohemorum scripsit: quorum
 librorum octavus tantum prodiit a. 1648. qui de moribus
 et disciplina eorum agit.

§. CCCCLXXXIV. *Picardi* in Bohemia a. 1418 exorti,
 de quibus nonnulla sunt dicenda, ab aliquo *Johanne Picar-*
do solent derivari, qui, ut narratur, e Gallia Belgica profu-
 gus venit cum sociis in Bohemiam, ibique profana dogma-
 ta sparsit, et obscenos introduxit mores. Se esse Filium

Dei dixit, et Adamum adpellari, populum per praestigias decepit, et promiscua instituit connubia, ita tamen, ut alicui ad eum accedenti, et dicenti, *in hanc Spiritus meus concaluit*, responderit *ite, crescite, multiplicamini, et replete terram*. Docuit praeterea; ut nudi incedant publice, nec non adseruit, se et socios esse solos liberos, alios vero omnes, qui vestiti, inprimis femoralibus, incedant, esse servos. Ili homines insulam occuparunt, amne Lusimicio cinctam, et eorum quadraginta inde egressi occiderunt supra ducentos agrestes, quos Diaboli filios nuncuparunt. In quos Zizka inpetum fecit, omnesque insulares deleuit, duobus tantum relictis, ut eorum sectam intelligeret. Ita rem refert Aeneas Sylvius hist. Bohem. cap. 41., quem alii descripserunt. Saeviiit vero in miseros hos homines ferro et flamma ipse Zizka, laudatus propterea a Pontificiis non tantum, sed et, quod mireris, ab ipsis Protestantibus. Hos vero ipsos Picardos ab his criminibus fuisse liberos, imo veros Waldenses, purioris fidei et religionis sectatores, et propterea fuisse Zizkae, quippe Calixtino, odiosos, multis disputavit Beaufobr. de Adamitis, ad calcem L'Enfant. de bello Hussitico, cui contradicit Cl. Moshem. hist. sec. XV., qui vulgatae narrationi adhaerescit, eamque ex genuinis monumentis demonstrari posse adserit: quod tamen non praestitit. Waldenses, ut rem, altius repetitam, in vera sua luce ponam, et summatim enarrem, in Bohemiam, et vicina loca seculo XII., ut supra observavi, jam venerunt, interque eos populos, qui Graecis ritibus adsueta, et a Latinis alieniores, erant, licet nobiles et Magnates, aulam sequi soliti, Latinis se adjunxerint, bene recepti sunt, ipsisque majorem adhuc Latinorum rituum aversionem inspirarunt. Quo in statu res manserunt ad medium sec. XIV. usque; quando Carolus IV. Imperator, et Ernestus Archiepiscopus, iis exercitio religionis, sine ritibus Latinis, interdixerunt. Unde factum est, ut, ab iis alieni ritibus, conventus agere coeperint in montibus, speluncis, et castellis Magnatum, qui ipsos prote-

protegebant. Dein, ortis motibus Bohemicis, in lucem prodierunt, aliqui sese Taboritis adfociarunt, alii, sat magno numero, arma quoque sumserunt, ut injustas illas Monachorum, et Sacerdotum, vexationes, quas passi erant, ulciscerentur, simul libertatem suam defenderent. Accesserunt praeterea socii e Picardia, quae est Galliae Belgicae pars, et inde originem repetiit fabula de Johanne Picardo, tanquam sectae autore. Distincti fuerunt a Taboritis, vel Zizcanis 1. respectu Systematis prophetici, secundum quod censebant venisse tempus, quo Antichristus, et improbi, sint delendi, seque esse missos, ad populum Dei e Sodoma eripiendum, et malos puniendos. 2. quoad Transubstantiationem et Missam, ab ipsis cum omnibus consequentiis repudiatam. Unde eorum oppugnationes a Catholicis, ipso etiam Zizka, qui Calixtinus erat, natae sunt. Zizka mortuo, Taboritae maximam partem, Duce Procopio Magno, eos in societatem receperunt, unde fratres Bohemi sunt exorti. Unde est, quod Picardi et Bohemi passim ab Historicis sint secum permixti. Calumnia vero, quam cum veteribus Waldensibus habuerunt communem, variam potuit habere originem: ut ex. gr. quod, passim vexati et spoliati, incedere nonnunquam debuerint nudi, vel male vestiti, pompam in sacris respuerint, omniaque ad nudam simplicitatem retulerint, forte etiam nonnulli Paradisiacam nuditatem imitari voluerint. Accedit, de Waldensibus, in Bohemiam sec. XII. adpulsis, fabulam fuisse sparsam, de *duobus daemonibus* in Bohemia, qui sub forma humana praedicassent *nuditatem*. Quo pertinet, quod, cum Picardi innotuerunt, Doctores Praegenses publice admonuerint populum, ut sibi ab *istis in hominum figura diabolis* caveat. Plura suppeditabit Beaufobr. l. cit.

§. CCCCLXXXV. Missis *Lollardis* in Anglia, hoc etiam seculo vexatis, de quibus ad seculum praecedens dixi, et verbo memorata secta *hominum intelligentium*, de Flagellantibus quaedam restant notanda. Autor sectae *hominum intel-*

Tom. VI.

Yyy

ligentibus

ligentiae dictorum, fuit Aegidius Cantor, et promotor Wilhelmus de Hildenissem, Carmelita, qui Origenis de omnium restitutione opinionem etiam tenuerunt. Vid. Baluzius Miscell. I. II, ubi processum, contra eos factum per Petrum de Alliaco, Cameracensem, exhibet a. 1411. Contradixerunt hi homines receptis opinionibus et ritibus Catholicorum, et internos Spiritus S. motus tantum adtenderunt; pro *Spiritualibus*, sic adpellari solitis, itaque habendi. Agnoverunt quoque, Christum solum salutem hominum meritis suis acquisivisse, solum peccata remittere posse, non sacerdotes, voluntarias denique corporis afflictiones esse ad salutem inutiles. Secta *flagellantium*, de qua, praeter autorem *historiae flagellantium*, supra citatum, vid. Lenfant concil. Constant. p. II. et Pisan. p. I., seculo XIII. jam nata, ut suo loco vidimus, et per varias terras, ut Italiam, inde Franciam, Germaniam, Bohemiam, Hungariam, Poloniam, et ipsam Graeciam, teste Nicephoro Gregora, seculi XIV. scriptore, propagata, satis laudabiles initio protulit fructus. *Silebant enim tunc omnia musica instrumenta*, ut habet Monachus S. Justinae Paduensis in Chronico, apud autorem *historiae flagellantium*, *et amatoriae cantilenae, omnes discordes ad concordiam redierunt, usurarii et raptores male ablata restituerunt, peccatores poenitentiam egerunt, carceres sunt aperti, captivi dimissi, exsules revocati* etc. Sed sec. XIV. haec secta in opiniones, et mores, religioni receptae adversos, degeneravit, et caput maxime erexit: quare ubique proscripta fuit, uti a Clemente VI. et Gregorio XI. Papis, nec non a Principibus et Regibus, ut Manfredo in Sicilia et Italia, teste Trithemio Chron. Hirsaugiense, a Carolo IV. Imperatore, Principibus Bavariae, et aliis. Philippus quoque Vallesius, ad Universitatis Parisiensis petitionem, eos Gallia expulit, ut tradit continuator Nangii a. 1349. Repressa quidem fuit aliquatenus in principio, sed mox longe majore impetu surrexit: quo, praeter pestem, quae grassari coepit a. 1349., haud parum contulit schisma Papale, et Ec-

clesiae

eclesiae scissa ac misera conditio, quare Inquisitores sese ad eam extirpandam adcinxerunt. Gobelinus Persona in *Cosmodromio* narrat, plures circa a. 1414. esse combustos in Thuringia. Cui consentit Theodoricus Urie, in hist. concilii Constant. apud Hardtium, qui caput sectae in Germania dicit fuisse Conradum Fabrum, vel *Smith*, paulo ante illud tempus mortuum, vel combustum, qui se Henochum vendidisset, et a Deo potestatem iudicium ultimum exercendi accepisset: forte quia adseruit, illud in propinquo esse, et mundum a sanctis esse iudicandum. Ceterum, reiectis Catholicorum opinionibus, et ritibus, censuisse dicuntur, eos, qui Symboli Apostolici articulos adsumunt, orationem Dominicam et ave Maria saepe recitant, et certis temporibus corpus suum flagellant, in poenam peccatorum, salvandos esse. Vid. Cl. Moshem. hist. sec. XV. ad fin. Sed nec hac ratione extingui potuit secta, quia capite carebat, quare *acephalorum* nomine insignita est, et poenitentiae essent ejus adsecrae studiosi, praeterea sese ad externam Ecclesiae formam, licet eam damnarent, conformaverint, ad persecutionem evitandam. Accessit, homines insignis dignitatis, et autoritatis, sectam fovisse, inter quos fuit Vincentius Ferrerius: de quo supra, ad quem epistolam scripsit Johannes Gerson, ut eum hisce hominibus subduceret, et ad Concilium Constantiense adduceret, qui et tractatum contra ipsos composuit oper. tom. II. Singulare est, nihil in concilio Constantiense contra eos esse actum, licet longius Hussus et Hieronymo a dominante religione discesserint. Imo renovata est secta seculo XVI., cujus fautores sese praestiterunt Henricus III., Galliae Rex, Pontifex Romanus, et alii, frustra renitente Senatu Parisiensi. Thuan. Hist. l. LIX. Oculis etiam, sec. XVI. in initio, Nobilis peregrinator M. a Baumgarten ejusmodi flagellantes Cretae, ad 300 usque, Graecos et Latinos, usurpavit, quorum alii id genus flagellationis in *recompensam* passionis Christi jubebant, alii, majore numero precio ab aliis conducti id fa-

ciebant, et patiebantur: addit, totam civitatem ad illud spectaculum fuisse effusam, et quemque, per intervalla, lingua sua, Graecos et Latinos, adclamasse, *misericordia, misericordia!* Vid. *ejus peregrinatio per Aegyptum* etc. l. III. c. 21.

§. CCCCLXXXVI. Ceterum tantos haec secta nacta est adversarios, non tantum, quod ipsa flagellatio voluntaria ipsis displicuerit, ut in *historia flagellantium* demonstratur, sed in primis, quod se ad hanc disciplinam crediderint, per aliquam epistolam, coelo super altare Petri Hierosolymis demissam, teste Alberto de Argentina in Chron., apud autorem historiae flagellantium, obstrictos, quodque deinceps huic sese inmiscuerint sectae, qui a recepta religione erant alieniores, et errores fovebant minus ferendos. Quos Theodoricus Urie, apud L'Enfant l. cit., recenset. Respuebant illi, ex. gr., omnia sacramenta, omnes ritus externos, solam flagellationem esse necessariam, et salutem adferre, dictitantes: expresse negarunt Transubstantiationem, purgatorium, auricularem confessionem, indulgentias, invocationem sanctorum, etc., imo, Ecclesiam Romanam, cum Papis et Clericis, quos Antichristos dixerunt, damnarunt ut Wiclefite et Hussite. Insuper tenuisse dicuntur, 1. perjurium, ad evitandam persecutionem, esse licitum 2. fas etiam propterea esse, sese ad externam religionis formam conformare, vel, posse haec peccata per flagellationem expiari. 3. Begardum, Erfordiae combustum, et Smithum, duos ex praecipuis sanctis, illum esse Eliam, hunc Henochum. Quae omnia sintne vera, praestare non possum.

ECCLESIA GRAECA.

§. CCCCLXXXVII. Actum est hoc seculo de schismate Graecorum tollendo in Concilio Florentino, plane ad nutum Paparum, sed sine durabili effectu. Primum caput, hic discussum et definitum, ut acta Synodi, cujus noticiam
supra

supra dedi, hac parte tantum enarrem, circa Spiritus S. processionem, ex Patre, an ex eo Filioque, versatur. Post longas disputationes et collationes. in quibus primas tenuerunt partes, inter Graecos Marcus Ephesius Metropoli-
ta, Isidorus et Bessario, ille Russiae, hic Niceae, Metropoli-
tae, Xantopulus Siderophas magnus vasorum custos, Mi-
chael Balsamon, magnus Bibliothecarius, et Georgius Ge-
mistus, ex Latinis vero Julianus Cardinalis, Andreas Rho-
dius Archipraeful, et Johannes, Archiepiscopus Forolivien-
sis; concesserunt tandem Graeci in fidem Latinorum, et
fidem hanc in formam declararunt: *consentimus vobis, et quod,
additum Sacro symbolo, recitatis, e sanctis Patribus desum-
tum est, et approbamus illud, et vobiscum unimur, dicimus-
que, Spiritum S ex Patre Filioque procedere, tanquam ab u-
no principio et causa.* Definitum porro est, *explicationem
verborum illorum Filioque, veritatis declarandae gratia, et
imminente tunc necessitate, licite ac rationabiliter Symbolo fu-
isse adpositam.* 2. De pane azymo an fermentato dein est
disputatum, et conclusum, utrumque licite adhiberi, adeo-
que suam consuetudinem Ecclesias retinere, posse. Confes-
sio quoque Bessarionis in Synodo, nomine Graecorum, fac-
ta est, qua, in eucharistia transubstantiationem fieri per
quinque illa nota verba Christi, admittit. Exstat Latine in
Musæo Ital. Mabillon. tom. II. 3. Purgatorii respectu de-
finitum est, animas, sine sufficiente poenitentia ex hac
vita emigrantes, poenis purgatorii purgari, iisque vivorum
suffragia, eleemosynas, etc. prodesse. Denique 4. quoad
primatum Papae conclusum est, Papam in universum orbem
tenere primatum, et esse successorem Petri, et verum Chris-
ti vicarium, totiusque Ecclesiae caput. et omnium Chris-
tianorum doctorem, ac Patrem. etc. Hac ratione confecta
est unio Ecclesiarum, et fidei definitio composita, sub Jo-
hanne Palaeologo, Imperatore Graecorum, et Eugenio IV.
Papa, sed dissentiente et repugnante Marco Ephesio; ad
quam illustrandam nonnulla subjungam observata.

§. CCCCLXXXVIII. 1. Imperator ad eam non sponte, sed necessitate temporum, fuit adactus, sub spe auxilii a Latinis contra Saracenos impetrandi. Papa enim sine hac subiectione iis opem ferre recusavit 2. Graeci vero Praefules, qui Ferrariae primum, dein Florentiae aderant, partim artibus et praemiis Curiae Romanae, partim variis molestiis, quibus durante Synodo premebantur, eo volentes nolentes compulsi sunt, ut fuse narrat historia concilii Florentini, a Sgyropulo conscripta, et Graeci Scriptores, qui hujus unionis meminerunt, diserte testantur; uti Chalcondylas in historia, autor historiae politicae in Turco-Graecia M. Crusii, Georgius Scholarius contra Latinos, alii. 3. Denique, quod majoris est, tota Graecia huic unioni post Synodum restitit, et Synodum repudiavit, sicut Marcus Ephesius in ipsa fecerat Synodo. Praeterquam quod Graeci Scriptores illud uno ore adfirmant, gesta in eos, qui in Synodum consenserant, satis testantur. Isidorus Rutbenus, ex. gr., mox a suis est in vincula coniectus, Graeci CPolitani cum illis, ut apostatis, communicare noluerunt: Metrophanes Cyzicenus, Patriarcha per Latinam factionem electus, damnatus est tanquam latro, verusque *μυρτοφόνος* *matricida*. Synodus praeterea Hierosolymis coacta a. 1443. vehementer in hanc unionem, ejusque autores, est inuenta, litteris etiam ad Imperatorem scriptis, ut ad veram fidem Graecanicam revocaretur. Litteras Synodales, lectu dignas, contra Metrophanem, et ad Imperatorem, exhibet Leo Allatius de *consensu* etc. l. III. Mansit itaque perpetua Graecorum dissensio, et schisma continuavit, sicut ad hunc usque diem durat. Vid. Fr. Spanhemius in *differt. de perpetua dissensione* etc.

SCRIPTORES ET STUDIA.

§. CCCCLXXXIX. Floruerunt hoc adhuc seculo aliquatenus viri Docti inter Graecos, qui historiae, bonis litteris, et Theologiae

Theologiae operam dederunt, sed et cum hoc seculo exspirarunt studia in Graecia, Graecique, post subjugationem a Turcis, sensim in profundum ceciderunt soporem. Praecipui autem scriptores sunt, vel Controversistae, vel Historici. Quorum illi operam fere unice controversiis cum Latinis, quae occasione unionis Florentinae resuscitatae sunt, impenderunt. Mihi, qui ad Latinos transierunt, et Graecae linguae studium inter eos instaurarunt, duos supra memoravi praecipuos, alios strictim recensebo. Primum meretur locum *Simeon*, Thessalonicensis Archiepiscopus, strenuus ille Graecorum propugnator contra Latinos, et Turcas, illos scriptis, hos armis, oppugnando, cum Thessalonica ab his obsideretur; paulo ante urbem ab Amurathe captam a. 1430., mortuus. Vid. Leo Allatius de *Simeonibus*, qui ipsum a peritia et pietate laudat, nihilque carpit, nisi quod Latinis se objecerit. Opera ejus sunt maximam partem inedita; praecipuum, et ad ritus Graecorum religiosos hujus seculi cognoscendos utile, quod integrum vidit lucem, Graece editum in Moldavia a Dositheo, Patriarcha Hierosolymitano a. 1683., est de *file, ritibus, et mysteriis, Ecclesiasticis*; cujus partes sunt 1. de Templo et Missa; quod opus Graece et Latine publicatum est a Jacobo Goar in *euchologio* 2. dialogus adversus omnes haereses, unde varia protulit fragmenta Leo Allatius, 3. de *septem sacramentis*; unde de poenitentia, et Ordinatione, in lucem protulit Morinus de *poenitentia et sacris Ordinationibus*.

§. CCCCXC. Missio *Josepho Bryennio*, Monacho, et concionibus ad populum habendis praefecto, circa a. 1420. celebri, cujus varia opuscula inedita supersunt contra Latinos, quae recenset Leo Allatius, ad alium strenuissimum Graecorum defensorem, in ipso concilio Florentino, *Marcum Ephesium* accedo. Ipse, alias Marcus Eugenicus, Metropolita Ephesus ab a. 1436, primas tenuit partes in disputatione cum Latinis in Synodo. Visus quidem in initio inferior, quippe Scholasticis subtilitatibus non adsuetus,

sed, a Bessarione adjutus, omnes dein rapuit in stuporem. Cum vero causam ardente ageret zelo, nec Latinis ullo modo parceret, pro insano est traductus, ab ipso etiam Bessarione, dein dictus *cacodaemon*. In unionem nullo modo ut consentiret adduci potuit, et in patriam redux eodem perrexit agi spiritu, usque ad mortem a. 1447., cui vicinus, eandem causam Georgio Scholario commendavit adeo vehementer dicam an furiose, ut ipse, Deo, Angelis, et hominibus advocatis testibus, jurare debuerit, se hoc sancte esse observaturum. Opuscula sunt maximam partem inedita, quorum aliquas lacinias hic illic exhibet Leo Allatius: una alterave epistola prostat in *tomis Conciliorum*. Tractatus tantum, quod *donorum divinorum consecratio non solum fit verbis Dominicis*, sed per preces, et benedictiones, sacerdotis a Spiritu S., reperitur inter Liturgias Graecorum Paris. a. 1560., et peculiarem meretur hac parte attentionem.

§. CCCXCII. *Bessarion*, cujus modo memini, Marco doctior, simul moderatior, in cujus laudes, Oratione habita, se effudit Platina, apud Bzovium a. 1472., patria fuit Trapezuntinus, S. Basilii Monachus, dein Archiepiscopus Nicaenus. Tuitus est in concilio Florentino Marcum Ephesium contra Latinos in initio, causam Graecorum docte et acriter egit. Dein ad Latinos transiit, et eorum causam haud leviter promovit. In Graeciam redux, Patriarcha quidem CPolitanus a Latinae factionis hominibus electus est, sed, Graecis repugnantibus, cedere coactus, reversus est ad Latinos, ac honoribus cumulatus, factus quoque Episcopus Tusculanus et Cardinalis; parumque astitit, quin Pio II. in Papatu successisset. Attamen egregium semper in Graecos retinuit adfectum, adeo ut nihil non, licet sine successu, egerit ad Germanos et Venetos inflammandos ad bellum cum Turcis; domum praeterea fecerit asyllum sapientiae Graecae profugae, capta CPoli. Obiit Ravennae a. 1472. Opera ejus, sive Graece sive Latine, ad notissimas quaestiones, aliasque materias, pertinentia, exstant haud pauca.

§. CCCXCIII.

§. CCCCXCII. Marci Ephesii adsecla, et Latinorum acerrimus adversarius, fuit *Georgius Scholarius*, etiam *Gennadius* dictus. De quo haud levis inter doctos agitur quaestio, fueritne unus, an ejus nominis duo? Memoratur enim Scholarius, qui Marco Ephesio contra Latinos adhaesit, et *Synagma* scripsit contra Synodum Florentinam, quod Londini prodiit, nec non alter, qui multa pro Latinis in vulgus emisit. Interfuit etiam Scholarius concilio Florentino, Johanni Palaeologo familiaris, et Latinorum fautor, tenuit etiam sedem CPolitanam Scholarius, post urbem captam, ab a. 1403. Leo Allatius duos ac diversos fuisse Scholarios contendit, sed unum eundemque R. Simon de *Transubstantiatione* contra Smithum, et Renaudotus, cujus dissertatio exstat in Biblioth. Gr. Fabricii vol. X. Quam quaestionem licet decidere nolum, non possum tamen, quin observem, esse posse, ut Scholarius Florentiae in partem mitiorem inclinaverit, et unionem judicaverit Imperio Graeciae esse necessariam: postea vero, animo mutato, cum nihil esset a Latinis sperandum, sese iis denuo opposuerit, et Patriarcha fuerit factus. Multa inter opera, et varii argumenti, quae condidit, missis spuris, quae a Pseudo-Gennadio perfecta sunt, uti quae pro Latinis et Synodo Florentina scripta sunt, comparet, maxime notanda, *confessio*, seu sermocinatio habita cum Mohamete, de *recta Christianorum fide*, quae et alibi, et apud Chytraeum, de *statu Ecclesiarum in Graecia*, exstat; ubi etiam reperitur epistola ejus, et aliorum, nomine scripta ad Bohemos tanquam Orthodoxos a. 1451. Ceterum primus fuit Patriarcha CPolitanus post urbem occupatam a Turcis, Mohameti etiam valde acceptus.

§. CCCCXCIII. Succedat Apologista Synodi Florentinae *Gregorius Melissenus*, Mammas dictus, Palaeologorum a confessionibus; dein ex Protosyncello Patriarcha CPolitanus, quo tamen munere se postea debuit abdicare, quia ob studium in Latinos erat populo invidus. Licet enim animo

in Latinos hostili ad concilium venerit, muneribus postea corruptus Latinorum causae patrocinatus est. Inter varia, quae contra Marcum Ephesium conscripsit, memoranda est apologia pro quinque capitibus concilii, diversa ab illa, quae Scholario, vel Gennadio, adscribitur. Finiant hunc catalogum duo Georgii, alter Philosophus, Georgius Gemistus, alter antiquitatum studiosus, Georgius Codinus. *Georgius Gemistus*, alias *Pletho*, (quae eadem sunt nomina: sicut enim γαμνός a γίμνω, ita a πλεθω est πλεθων) dictus, quod ob nomen Platonis, cujus fuit studiosissimus, ipse praetulit, Byzantinus fuit, sed in Peloponneso maxime versatus: vir scientia et moribus celeberrimus, qui causam Graecorum in concilio Florentino contra Scholasticos acute, et cum laude, egit; Philosophiae vero Platonicae plane devotus, et in ea probe eruditus. Scripsit de Processione Spiritus S., de virtutibus, de Platonica et Aristotelica Philosophiae differentia, denique in oracula Zoroastris, ad calcem oraculorum Sibyllinorum, etiam nonnulla ad historiam et Geographiam pertinentia. *Georgius* vero *Codinus*, Curopalates sub postremis floruit Palaeologis, et urbem a Turcis captam commemorat a. 1453., adeoque Imperio Byzantino superstes. Scripsit de officiis et officialibus aulae Imperatorum, et magnae Ecclesiae CPolitanae, nec non excerpta de Originibus urbis. Qui libri, hanc in rem utilissimi, inserti sunt, cum aliis similis argumenti monumentis, *Corpori Byzantino*.

§. CCCXCIV. Agmen Historicorum ducat celebris ille Historiae concilii Florentini conditor inter Graecos *Sylvester Sguropulus*, vel *Syropulus*, unus ex sex *σαυροφύγον* *crucigeris*, qui praecipuas in Ecclesia CPolitana gerebant dignitates, Patriarchae consilarii. Praesens cum Imperatore adfuit in Synodo Florentina, ejusque acta et gesta probe perspexit, unioni quoque, sed invitus et coactus, subscripsit. In Patriam vero redux animum ad Concilii historiam posteritati mandandam adplicuit, in qua artes, fraudes, et aliaque flagitia, Latinorum, vivis depingit coloribus, quibus

Graeci

Graeci sunt circumventi. Neglexerunt quidem hanc narrationem Conciliorum collectores, sed eam luci exposuit Robertus Creyhton, postea Episcopus Bathoniensis et Wellensis, cum notis et proluxa praefatione, Hagae Comitum in Fol. Unde Leonis Allatii exercitationes ortae sunt contra Creyhtonum; quibus, licet varios ejus errores detexerit, multa quoque erudite monuerit, fidem tamen non potuit, quod intendit, labefactare.

§. CCCCXCV. *Georgius Phranzes*, ut ad alios pergam historicos, illustri genere natus, summisque dignitatibus, et praeclaris gestis, celeberrimus, et Palaeologis acceptissimus, primum *protovestiarius*, qui regium vestitum curabat, et ad res summi momenti adhiberi solebat, dein etiam magna *Logotheta*, fato urbis et imperii supervixit, venitque cum suis in Turcarum potestatem, dein liberatus in Peloponneso degit apud Tomam Palaeologum, Constantini fratrem, denique, Peloponneso quoque subjugata, in Italiam se recepit, et Corcyrae egit Monachum, adsumto *Gregorii* nomine. Autor est *Chronici rerum Byzantarum* ab a. 1401. ad a. 1477., quo defunctus est. Exstat in ultimo tomo *Corporis Byzantini*, sed Latine tantum, ex versione Pontani. Urbis obsidionem, et expugnationem, accurate admodum descripsit, in reliquis minis oculatum se praestitit. Eodem tempore floruit *Ducas*, Michaelis Ducae nepos, capta urbe profugus in Lesbum insulam ad Principem Christianum, cujus aulae minister fuit, et variis legationibus ad Turcas functus. Ea dein insula quoque capta a. 1462., historiam conscripsit, qua res praecipue complexus est ab a. 1341., seu Andronici Palaeologi junioris obitu, usque ad Lesbum captam. Exstat cum Ismaelis Bullialdi versione et notis in Corpore Byzantino. Agmen claudat *Laonicus*, vel, quod idem est, *Nicolaus Chalcocondylas*, Atheniensis, a. 1470. clarus: cujus superest historia de *origine ac rebus Turcarum, et imperii Graeci interitu*, ab a. 1298. et Ottomanni I. initis, usque ad imperium adultum Muhammedis II. a. 1462.


Aliam autem manum habet brevis adpendix, usque ad a. 1565., quae in omnibus non compareret editionibus. Exstat in Corpore Byzantino, ubi adjuncti sunt *Annales Sultanorum Othmannidarum*, ab ipsis Turcis confecti, et inde in linguam Latinam translati. Additae sunt notae Leunclavii, cum ejus continuatione ad a. 1588., nec non Pandectes historiae Turcicae.

FINIS IMPERII ORIENTALIS.

§. CCCCXCVI. CPolin initio seculi obsedit quidem Bajazethes, eamque occupasset, et finem imperio Graecorum imposuisset, nisi magnus ille Tamerlanus, Tatarorum Dux, a Graecis evocatus, eum repressisset, et ingente adfectum clade in potestatem redegisset: quod Imperante Manuele Palaeologo accidit. Amurathes II., imperii Turcarum famosus promotor, qui sedem ejus jam fixit Adrianopoli, Urbem iterum obsessam cepisset, totamque Europam inundasset, nisi duo insignes illi heroes, Georgius Castrius, Turcis dictus Scanderberg, Albaniae Princeps, et Johannes Corvinus, Hunniades, pater Matthiae, Hungarorum Rex electus, ei restitissent. Tandem tamen fatalis venit hora, et, Constantino Graecorum Regnum tenente, Muhammedes II. CPolin vi expugnavit, ut Graeci tradunt, vel, ut Turci narrant, partem Urbis vi, aliam partem pacto in potestatem redegit, addunt, in priora parte propterea Christianae religionis exercitium fuisse abolitum, in altero vero permisum. Qua ratione regnum Graecorum destructum est in perpetuum a. 1453. Qui et Trapezuntinum regnum sub Davide Comneno, postquam a capta urbe a Francis a. 1204. steuisset fere per 257 annos, exstinxit. Propagavit dein regnum Turcicum, et firmavit, per Epirum, Moream, et alias provincias, Muhammed Bajazethes II., qui ei a. 1481. successit. Quae historia ex Annalibus Turcicis Leunclavii, ejusque pandectis,

is, ac historicis Graecis supra memoratis, petenda, hic autem uberius non est narranda.

§. CCCCXCVII. De statu Ecclesiae Graecae, jam subactae, et servituti subiectae, sub Turcis, cum seculo sequente uberius agendi locus sit, notasse suffecerit, sacrorum et religionis exercitium fuisse Graecis relictum liberum. Capta urbe electus est Patriarcha Georgius Scholarius, alias Gennadius dictus; de quo supra exposui. Cui, se sponte abdicanti, et in monasterium secedenti, successus est Isidorus Hiero-monachus, vir insignis probitatis. De quo vid. hist. Eccles. Emanuelis Malaxi apud Mart. Crusium, qui Latine vertit.





SECVLVM DECIMVM SEXTVM.

ECCLESIA CATHOLICO-ROMANA.

SCRIPTORES ET STUDIA.

§. CCCCXCVIII. **H**istorici, qui hoc seculo fuerunt magno numero, sequentes in usum nostrum notandi sunt. *Franciscus Guiccardinus*, Florentinus, ex nobili oriundus familia, et ipse muneribus, praeclarisque gestis, celebris, historiam sui temporis condidit ab a. 1493. ad a. 1532., maxime commendabilem. *Paulus Langius*, Cygnaeus, seu Zwicciavienfis, Benedictinus, Chronicon concinnavit Citizense, seu Episcopatus Ziticensis, ab a. 465. ad a. 1515. inter Scriptores Germanicos Pistorii tom. I. *Albertus Krantzius*, Syndicus, et Decanus, Hamburgensis, Magister Theologiae, vir doctus, et probus, a. 1517. defunctus, scripsit Wandalicam, Saxonicam, et Chronicon rerum septentrionalium Daniae, Sueciae, et Norvegiae ab a. 780. ad a. 1504., *Petrus Dorlandus*, Carthusianus, Prior in Zeelhem, dioecesis Leodiensis, Chronicon etiam, praeter alia scripta ascetica etc., dedit Carthusianum, a Theodoro Petraeo cum notis editum. *Polydorus Virgilius*, Urbinas, Wellensis Archidiaconus, et Papae in Anglia quaestor, posteritati reliquit, praeter utiles libros de rerum inventoribus, aliisque materiis, *historiam Anglicam*, libris XXVI. novissime a Thylio publicatam. Sed in qua
Angli

Angli habent, quod carpant. Vid. Henricus Savilius in praefat. ad Scriptores Anglicarum rerum. *Paulus AEmilius*, Veronensis, Canonicus Ecclesiae Parisiensis, a. 1529. mortuus, praeclarum composuit opus de rebus gestis Francorum libris X., decimo tamen prae morte relicto imperfecto, desinit in anno 1488., continuatum postea ab aliis. Meruit autor doctorum laudem, ipsi vere competentem. *Johannes Dubravius*, gente Bohemus, et Olmuzensis in Moravia Episcopus, legationibus et rebus gestis clarus, bene de publico meruit historia sua Bohemica, libris XXXIII., licet Germanis iniquior, nec a partium studio liber. *Johannes Magnus*, Gothus, Archiepiscopus Upsaliae, acer ille Lutheranorum adversarius, scripsit de Episcopis Sueciae, et de Regibus Gothorum ac Suecorum, cui adpendicem adjunxit frater ejus, et successor, Olaus Magnus. Res vero Viennenses conscripsit *Wolfgangus Lazius*, Medicus Viennensis, et Ferdinandi I. historicus: chronicon rerum Hispanicarum *Johannes Vasaes*, Brugenfis, Professor vero eloquentiae Salmanticensis: historiam rerum Venetarum *Petrus Justinianus*, Patricius Venetus; historiam Indicam *Petrus Maffaeus*, Jesuita, libris XVI., autor vitae Ignatii Lojolae: denique regni Sinarum, ex ipsorum praecipue libris, *Johannes Gonzales* de Mendosa, Augustinianus.

§. CCCCXCIX. Peculiarem meretur animadversionem *Johannes Aventinus*, a patria Avensberga, civitate Bavariae, antiquitus Abusina, hoc tempore Aventino, sic dictus; qui studia humaniora variis in Germaniae locis docuit, et Principum Bavariae studiis praefuit, et tandem Ratisbonae obiit a. 1534., cujus vitae summa capita etiam perstrinxit Biblioth. German. nova a. 1750. tom. VI. Exhibet quoque quaedam ad ipsum, et Annales ejus, spectantia, Schelhorn Amoenit. Litter. tom. V. Occultavit ipse, sub fidei Catholicae professione, animum ad Protestantes inclinatum, quem etiam in libris suis subinde patefecit, sepultus ritu Catholico, et epitaphio tanquam verae religionis amator ornatus, pos-

tea a Jesuitis detectus est, tanquam haereticorum fautor, in primis, quia Clericorum, Monachorum, et curiae Romanae, vitia liberrime perstrinxit; quam ob causam in expurgatorio indice ad classem autorum, caute legendorum, relatus est. Celebre autem nactus est nomen Annalibus Bojorum, a primis Germanorum temporibus usque ad a. 1450., libris VII., quorum novissima editio est Gundlingiana. Ceterum expertus et ipse est Ecclesiasticorum vexationes, in carcerem quoque ob haeresios suspicionem missus, sed inde liberatus. Denique agmen historicorum claudat historiae Universalis conditor *Natalis Comes*, *Patricius Venetus*, obscuriore quidem stilo, et ordine confuso, cetera non spernendus, et *Paulus Jovius*, Episcopus Nuceriae, membrum concilii Tridentini, praeclaris historicis adnumerandus; scripsit historiam sui temporis libris XLV., et elogia illustrium virorum.

§. D. *Litteratorum*, ad quos pergo, Princeps cum hoc seculo merito habeatur *Desiderius Erasmus*, de eo ante omnes agendum est. Natus quidem est Roterodami circa a. 1467., sed Goudae conceptus ex illegitimo matris commercio cum cive honesto Goudano, licet sub spe matrimonii, quare illustribus spuriiis adnumeratur, Tyrocinia depofuit Daventriae, sub tutela matris, et cura patris Gerardi, qui tamen matrem nunquam duxit, aut postea terigit. Sed utroque parente brevi orbatu, et tutoribus commissus, volens nolens ad vitam monasticam est adactus: unde per Episcopum Cameracensem abstractus, variis in Academiis et locis aetatem trivit, diu Basileae versatus ibi defunctus est a. 1536. Vitam ejus per annales ex Epistolis ejus praeclare contexuit J. Clericus Bibl. Select. t. V. et VI. Exstat quoque vita ejus in *vitis Selectorum virorum*, quae Londini prodierunt. Virulentissimas J. C. Scaligeri epistolas contra Erasmus in lucem protraxit Schelhorn. amoen. litter. t. VIII., qui etiam ejusdem Scaligeri elogium, quo ipsum post mortem honoravit, ibidem exhibet: ex quo patet,

tet, Scaligerum ad melius et sanius de Erasmo iudicium rediisse. Praestitit uique sese haud uno nomine celeberrimum et laudatissimum virum, et orbis eruditi singulare ornamentum. Patribus exacte publicandis et intelligendis egregiam navavit operam: Novum Testamentum adhibitis Mss. Codicibus Latine vertit, et notis illustravit, cujus variae exstant editiones, sed secunda a. 1519. optima. Litteras humaniores insigniter promovit, uti libris *Proverbiorum*, et aliis multis. Vitia Clericorum et Monachorum, eorumque barbariem, false perstrinxit. Reformationi introducendae, et stabiliendae, egregiam multis modis opem tulit; de quo legi meretur Hottinger. hist. sec. XVI. p. II., licet nomen inter Protestantes nunquam fuerit professus, etiam contra Lutherum scripserit *de libero arbitrio*. Erat enim ab omni vehementia, et ardentiore zelo, in causa fidei et religionis, alienus. Vid. de animo Erasmi, praeter alios, Seckendorf. hist. Lutheran. a. 1520. In una Epistolarum, ex. gr., dicit, *sibi adeo invisam esse discordiam, ut veritas etiam displiceat seditiosa*: in alia aliqua, *sibi non esse animum ob veritatem capite periclitari*.

§. DI. Initio seculi vixit, et inter Litteratos, aequae ac Theologos, nomen haud vulgare acquisivit *Johannes Ludovicus Vives*, Hispanus, Valentiae natus: qui in Anglia aliquamdiu versatus est, et Mariae, Henrici VIII. filiae primogenitae, praeceptorem egit. Unde, cum, propter divorcium Regis improbatum in iram ejus incurrisset, et liberae custodiae mancipatus fuisset per sex menses, liberatus in Belgium secessit, Brugis Flandrorum moratus et defunctus a. 1541. Praecipua ejus opera sunt libri quinque de *veritate religionis Christianae*, Commentarii ad Augustinum de *civitate Dei*, de *corruptis disciplinis*. etc. Ceterum displicuit per stili libertatem Lovaniensibus, et censuram aliquam meruit. Eodem tempore floruit *Ludovicus Coelius Richerius Rhodiginus*, Italus, qui Mediolani et Patavii Graecas litteras docuit et Latinas, fuitque *Julii Caesaris Scaligeri* prae-

reptor: mortuus a. 1520., Multifaria lectione, et recondituore eruditione, celebris, immortale nactus est nomen utilissimo libro, cui titulus, *antiquarum lectionum libri XXX.* *Johannes Cuspinianus*, Steinfurtenlis Medicus, Imperatoris Maximiliani Orator, mortuus Viennae a. 1529., vir probus et laboriosus, de *Consuetudinibus et Imperatoribus Romanis* scripsit a Julio Caesare ad Maximiliani I. mortem, nec non de *Austria, et rebus Turcarum*. Ceterum index expurgatorius habet, librum ejus de Imperatorum et Caesarum vitis prohiberi, donec corrigatur. *Petrus Bombus*, Patricius Venetus, et Leonis X. Papae primum Secretarius, seu a conscribendis epistolis, una cum Jacobo Sadoletto, dein cum eodem Cardinalis, sese celebrem reddidit non tantum puritatis Latinae, licet saepe nimis adfectatae, studio, sed et historia Veneta ab ipso conscripta, licet haud optima semper fide. Vitio etiam ipsi vertitur, quod in Epistolis et carminibus saepe nimis obscenus fuerit, ut *temporis nequitia*, verba sunt Thuani hist. l. III. sub finem, *ei Domini, cui serviebat, mores ferebant*; quodque de Scriptura S., utique respectu stili, abjectissime sit locutus, ita ut epistolas Pauli ausus fuerit, ut fertur, adpellare *epistolaccias*. Dixisset Sadoletto, Epistolam ad Romanos explicare adgresso, *omite has nugae, non enim decent gravem virum tales nugae*. Vid. Bayle in *ditionario*. Insigne quoque merito suo nomen in litteris humanioribus sibi comparavit *Johannes Pierius Valerianus*, Venetus, qui diu in aula Romana invigilavit studiis, et magna tractavit negotia, ut ait Thuanus a. 1550., quo anno diem obiit supremum. Exstant ejus Virgilianae lectiones, nec non Hieroglyphica, eruditum quidem et utile opus, sed non aequae solidum. Scripsit etiam de *Litteratorum infelicitate*. Sed neglecta distinctione malorum, quae ipsis eveniunt, et ipsorum litteratorum bonorum ac malorum: denique pro *barbis sacerdotum* contra eos, qui decreto Papali eas volebant abrasas.

§. DII. Seculum prae reliquis ornavit imprimis magnus linguae

linguae Graecae per Galliam instaurator, cujus insigne fecit elogium Ludovicus Vives ad Augustin. de *Civitate Dei* l. II. c. 17., *Gulielmus Budaeus*, Parisiensis, senator Regius, et libellorum supplicum in Regia Magister, defunctus a. 1540. Fuit *αὐτομαθὴς* quidem, et *ἀφύμαθὴς*, seu a se, et sero, doctus, ut ipse alibi fatetur, concendit nihilominus summum pro eo tempore eruditionis gradum, et labanti rei litterariae certissimum adtulit praesidium contra Clericorum insultus, qui litteras volebant, ne religioni, verius superstitioni, nocerent, suffocatas. Licet vero Ecclesiae Catholico-Romanae semper adhaerit, in scriptis quoque nonnullis, in specie in singulari libro de *transitu Hellenismi ad Christianismum*, lectu digno, sese reformationi minus faventem demonstraverit, sulcitavit tamen de se haeresios suspicionem, quod sine solennibus Ecclesiae ritibus voluerit sepeliri, quodque vidua ejus cum liberis concesserit Genevam, et fidem Reformatam professsa sit; denique in mores cleri Romani saepe fuerit invehitus. Illud ipsi in laudem non cessit, quod aemulationi inter ipsum et Erasmus eousque indulserit, ut eum ne citare quidem unquam voluerit, in scriptis saepe etiam recte perstrinxerit. Scripsit, inter alia multa, de *Assse*, ejusque partibus, et *commentarios linguas Graecae et Latinae*. Praestant omnia opera quatuor vol. in Fol. Basileae edita a. 1557.

§. DIII. Excellentioribus Litteratoribus etiam adnumerandus est *Lilius Gregorius Gyraldus*, utriusque linguae, et antiquitatum, peritissimus juxta ac in scribendo adcuratus. Fuit Ferrariensis, et mortuus a. 1552. Scripsit historiam Deorum Gentilium, de poetis Graecis et Latinis, praeter alia opuscula. Exstant duobus vol. in Fol. Nec horum virorum catalogo excludendus est *Beatus*, vel *Bildius*, *Rhenanus*, Salestadiensis Germanus, qui sine ulla professione totus in litteris excolendis consenuit, mortuus a. 1547. Docte commentatus est in Tertullianum, et scripsit, sub nomine *Licentii Evangelii*, contra usurpationes Curiae Romanae, in

Monarchia Goldasti, nec non rerum Germanicarum libros tres, quibus de urbibus et populorum originibus erudite differit: editi sunt emendatius cum accessionibus, et vita Rhenani, a Joh. Sturmio. Ceterum ingens fuit Erasmi admirator, cui etiam in causa religionis fuit similis. Adprobavit quidem religionem Protestantium, sed eam non est professus, a disputationibus de religione alienus, et in communione Ecclesiae Catholicae defunctus. Scholia vero ejus in Tertullianum, cum epistola de *Primatu Petri*, prohibita sunt in Tridentino Indice. In hoc aequae ac omni scientiarum genere illustre nomen habet *Julius Caesar Scaliger*, ex nobilissima Principum Veronensium familia, Philosophus, Medicus, et Philologus praeclarus, defunctus a. 1559., qui, praeter alia, composuit commentar. in Aristotelis *historiam animalium*, Theophrasti *histor. plantarum*, de *causis linguae Latinae*, exercitationes de *subtilitate* ad Cardanum, de re poetica. Juvenilem trivit in armis aetatem, fero sese ad studia adplicuit, et nimis audace, acri, et vehementi fuit ingenio. Ceterum, quatuor annis ante mortem eum factum esse Semi-Lutheranum, Filius ejus in Scaligeranis adserit.

§. DIV. Inter *Hebraeae* linguae cultores nomen quidem meretur *Johannes Campensis*, Professor ejus linguae Lovanii, autor commentarii in *Psalms*, seu paraphrasticae eorum interpretationis, juxta veritatem Hebraeam; de quo vid. Schelhorn. amoenit. Litter. tom. XI. Sed ejus studii per Galliam instaurator fuit, multumque in Hebraea et Graeca lingua praestitit, *Franciscus Vatablus*, natione Gallus, patria Ambianensis, mortuus a. 1547. Munere fuit Hebraeae linguae Professor Parisiis, a Francisco I. constitutus, et eam linguam ingente adplausu docuit, ita ut ipsis Hebraeis fuerit admirationi. Nihil quidem ipse, litteris mandavit, sed notae in *Vetus Testam.*, ab auditoribus exceptae, lucem viderunt cura R. Stephani, qui eas Bibliis Tigurinis Leonis Judae addidit. Duces habuit Rabbinos, et litteralem maxi-

me sectatur sensum. Catholicus licet, nonnulla protulit minus Catholica, quae censuram propterea subierunt, nec defuncti, qui illa a Protestantibus fuisse notis ejus inserta, contendunt; sine solido fundamento. Ipse Dupinius fatetur, Sorbonenses ex inperitia linguae, et nimio zelo, notas illas condemnasse. Versati praeterea in Judaeorum scriptis fuerunt *Porchetus*, ejusque plagiarius *Petrus Galatinus*, de quo vid. Morinus *de textus Hebraei sinceritate*, lib. I. Desudavit etiam in studio Hebraeo, et Rabbiorum, *Gilbertus Genebrardus*, ex Avernia oriundus, Archiepiscopus Aquensis in Provincia, et S. litterarum Professor Parisiensis, mortuus a. 1597., qui nomen suum petulantissimo studio conviciandi, et aliorum famam lacerandi, et lingua et stilo, foedavit. Transtulit quaedam ex Hebraeo, et Rabbiniis. Opus Chronologicum, quod condidit, exigui est pretii.

§. DV. In linguarum, praecipue Graecae, cognitione nomen adeptus est *Ferdinandus Nonius Pintianus*, Hispanus, qui litteras Graecas et Latinas est professus Salmanticae, et linguae Graecae studium in Hispaniam introduxit. Edidit commentar. in Plinium, Melam, et Senecam, qui a Lipsio, et aliis, quoque laudantur. Obiit a. 1552. Utriusque linguae, Graecae et Latinae, notitia excelluit *Petrus Nannius*, Alcmariae, Hollandiae oppido, natus, et Lovanii, ubi diu eas linguas professus est, defunctus a. 1557. Vertit varios autores Graecos in linguam Latinam, et, praeter alia, scripsit Miscellaneorum libros X., bonae frugis. Sed summis in hoc studiorum genere viris ad censetur *Petrus Vindicius*, Florentinus, praecipuus humaniorum litterarum stator in Italia: mortuus a. 1585. Variarum lectionum libros XXXVII., et notas in varios autores Graecos, in primis Latinos, ipsi debemus.

§. DVI. Praestantissimum, doctumque, Criticum in litteris humanioribus praestitit *Hadrianus Turnebus*, Normannus, totius Galliae, quin Europae, ornamentum, qui Tolosae et Parisiis docuit, mortuus a. 1565. Inter opera ejus emi-

nent ejus *adversaria*, a nemine non doctiore laudata et tri-
ta. Praeclarus quoque, et eruditus Philologus fuit *Dionysius
Lambinus*, Gallus, qui Graecam et Latinam linguam pro-
fessus est Parisiis, nomenque suum celebre in primis reddi-
dit per commentarios in varios autores classicos; defunctus
a. 1572. Nec minor in linguae Latinae, et Romanarum
antiquitatum studio fuit *Paulus Manutius*, celebris typogra-
phus, Aldi filius, mortuus a. 1574, multis libris eo in stu-
diorum genere clarus. In Antiquitatibus sacris et profanis
eruedis, et illustrandis, celebre quoque nomen nactus est
Onuphrius Panvinus, Veronensis, eremita Augustinianus,
defunctus a. 1568., qui Platinam de vitis Pontificum Roma-
norum illustravit, et continuavit. Sed et alia scripsit, ut de
ludis circensibus, et *triumpho Romanorum* etc. In Graecis
libris vertendis, et opusculis ad artem criticam pertinenti-
bus, nomen adeptus est *Gulielmus Canterus*, Trajectensis
ad Rhenum; cujus etiam octo libri *novarum lectionum* ex-
stant in *Lampade Critica* Gruteri. In Patrum studio laudem
meruit *Latinus Latinius*, Viterbiensis, mortuus a. 1593.;
qui observationes ad Tertullianum dedit, et Bibliothecam
sacram ac profanam, seu correctiones in sacros et profanos
autores. *Petrus Ciacconius*, Toleti Carpetanorum natus, et
Romae mortuus a. 1581., autores Ecclesiasticos notis illus-
travit, et varios publicavit libros alios, ut de Romanorum
triclinio, de *ponderibus et mensuris*, nec non commentarium
in *Columnae rostratae C. Duilii inscriptionem* etc. *Guido Pan-
cirollus*, Italus, sicut praeclarus fuit Ictus, ita in studiis
humanioribus probe versatus, Patavii mortuus a. 1591. In-
ter varia, quae scripsit, eminent de *rebus deperditis*, et *recente
inventis*, nec non commentar. in *notitiam dignitatum utrius-
que imperii*.

§. DVII. *Carolus Sigonius*, Italus, qui Venetiis, Patavii,
et Bononiae, litteras docuit elegantiores, mortuus a. 1585.
c. 16. *herrimum sese multis praestitit operibus*, ut de *regno
Italiae*, de *republica Hebraeorum*, comment. in *fastos et tri-
umphos*

amphos Romanorum; notis in Sulpitium Severum, etc. Sed sui aevi doctissimus fuit, sine doctore, *Marcus Antonius Muretus*, Gallus, qui in Gallia primum litteras docuit et jus civile; dein Romae, praeter jurisprudentiam, etiam Philosophiam, defunctus a. 1585. Scripsit orationes, lectiones varias, poemata, emendationes in autores classicos, et alia. *Jacobus Pamelius*, Brugis e nobili Baronum de Pamele stirpe natus, de historia et antiquitatibus Ecclesiasticis egregie meruit suis notis in *Tertullianum et Cyprianum*, licet Catholico Romanae Ecclesiae addictior. Scripsit praeterea *rituale sanctorum Patrum*, et orationem habuit ad Belgii Ordines, praepjudiciis ejus temporis quidem, sed non sanae rationi, et Christianismi indoli, congruam, de *non admittendis una in Republica diversarum religionum exercitiis*. Obiit a. 1587. *Fulvius Ursinus*, patria Romanus, nobilis alicujus filius naturalis, mortuus a. 1600., docte commentatus est in varios autores Latinos, et de *familiis Romanorum, triclinio*, aliisque similibus rebus scripsit. *Barnabas Briffonius*, Fontenaiensis, celeberrimus Ictus, et Curiae Praefes, tempore illo infelici Ligae a seditiosis suspensus a. 1591., erudita illa condidit opera, de formulis solennibus Romanorum, et de aliis rebus ad jus pertinentibus; denique de *Regno Persarum*. In Geographicis insignem posuit operam *Abrahamus Ortelius*, Philippi II. Cosmographus, mortuus a. 1598. Varia concinnavit opera, inter quae sunt *theatrum orbis terrarum, synonyma geographica, thesaurus Geographicus* etc. In Romanis antiquitatibus praeclara praestitit *Stephanus Vinandus Pighius*, Alberti Pighii nepos, Campensis Transifalanus, Canonicus et Scholarcha, apud Coloniam Trajanam; scripsit *annales Romanorum Magistratuum*, nec non *Herculeum Prodigium*, in memoriam Caroli, filii Gulielmi, Cliviae et Juliae Ducis, quem comitatus fuerat Romam, ibi mortuum.

§. DVIII. Egregium inter Litteratos nomen habet *Laevinus Torrentius*, patria Gandavensis, post varias legationes cum laude obitae, mortuus est Episcopus Antverpiensis a.

1595. Scripsit commentar. in Horatium et Suetonium, nec non de *bello Turcico*. Immortale fecit nomen *Petrus Faber Sangiranus*, et Senatus Tolosani Praefes, a. 1600. mortuus, per tres eruditos illos libros *semestrium*, et *agonisticon*, ne alia opera juridica memorem. Nec spernendus est *Janus Gulielmus*, Lubecensis, in flore aetatis anno 30mo defunctus; cujus exstant *quaestiones Plautinae*. Nomen quoque inter Litteratos adeptus est *Obertus Gifanius*, Burenfis Batavus, aulae Caesareae consiliarius, qui observationes in linguam Latinam, commentar. in *Ethica et Politica Aristotelis*, collectanea et indicem in *Lucretium*, in lucem dedit. Celebrem sese quoque praestitit *Franciscus Patricius*, Venetus, per Philosophiam Platoniam, quam Ferrariae professus est, et omni ope, abolita Aristotelica, introductam voluit; scriptis etiam eo scopo *discussionibus Peripateticis*: sed unde, praeter odium sui, nihil lucratus est. Sunt etiam ejus *Paralleli militares*, vetere et nova militia comparata. Sed nemo forte in studio historico, et antiquitatibus, ne de Jurisprudencia dicam, praefendus est *Petro Pithaeo*. Gallus fuit Trecensis, discipulus Turnebi et Cujacii, qui discipulo praeripuit, ne primus *ICTus esset*, sicut hic praepetori, ne solus: ut habet Thuanus a. 1596., quo mortuus est Pithaeus. Sunt autem ejus, praeter innumera alia, tractatus de Interpretibus Latinorum scriptorum, historia controversiae de processione Spiritus S., de libertate Ecclesiae Gallicanae, Codex canonum antiquus Ecclesiae Romanae, plurimi autores Veteres publicati.

§. DIX. Inter haud infimi ordinis eruditos, et de re literaria bene meritos, nomen quidem jure merito profertur *Justus Lipsius*, Belga, sed et mira in religionis professione inconstantia nomen maculavit, spiritu persecutionis illud odiosum reddidit. Natus Catholico-Romanus Lutheranum sese gessit Jenae Professor; inde in Brabantiam reversus fidem Catholicam resumit, dein Lugdunensis factus Professor Calvinistam egit, denique Lovanii sedes figens,

ubi

ubi a. 1606. obiit, rediit ad religionem Catholicam, imo a se inpetrare potuit, ut duos scripserit libellos famosos, his titulis: *diva virgo Hallensis, beneficia ejus et miracula etc. diva Sichenensis, sive Aspricollis etc.* Dixisse fertur, ut Schlusfelburg. apud Crenium animadv. histor. et Philol. p. VII. narrat, *omnem religionem, et nullam religionem, sibi esse unum et idem.* In libris politicis perniciosissimam stabilire conatus est regulam, de *persecutionibus fidei causa instituendis*; quam jam eo tempore egregie refutavit Koornherius in libro, cui titulus: *processus contra haereticidium, et coactionem conscientiarum.* Inter opera Lipsii, quae bene multa sunt, eminent, *commentar. in Tacitum* (licet, eum compilasse Muretum et Chiffletium, tradat Giphanius in epist. ad Canterum in Sylloge epistolarum ab A. Matthaeo editarum, ad calcem Alciati contra vitam monasticam;) *civilis doctrina, menita Politica, manuductio ad Philosophiam Stoicam, de constantia, de militia Romana, Saturnalia, de cruce etc.*

§. DX. Inter Catholico-Romanos, qui *Scripturae S.* explicandae operam impenderunt, ad quos pergo, primum tenet locum *Franciscus Ximenius* Cisnerensis Hispanus, Minorita, Cardinalis, Archiepiscopus Toletanus, Archicancellarius, et Inquisitor generalis, mortuus a. 1517. Celebre nactus est nomen per Academiam non tantum Complutensem, ab ipso institutam, sed et per Biblia Polyglotta, ipsius cura et sumtibus concinnata, et edita, VI tomis in fol. a. 1515., et Leoni X. Papae dedicata: quae *Biblia Complutensis* vulgo audiunt. Usus autem est viris doctis, et codicibus Mss., e Varicana, Medicea, Veneta, aliisque, Bibliothecis; addito quoque Lexico Hebraeo, Chaldaeo, et Graeco. In Pentateucho comparet, praeter Hebraeum et Graecum, textus Chaldaeus, additis versionibus Latinis, sed in reliquis libris Hebraeus tantum et Graecus. Singulare est, textus ita esse dispositos, ut medium locum inter Hebraeum et Graecum teneat versio vulgata, magis ineptum, *Tom. VI.* Bbbb quod

quod Biblia sua propterea comparaverit cum Christo, inter duos latrones pendente, ita ut Hebraeus sit latro induratus, et Graecus latro conversus.

§. DXI. *Jacobus Sadoletus*, Italus, Episcopus Carpentoratenſis in Gallia, dein Cardinalis, mortuus a. 1547., vir fuit antiquis moribus, simul puritatis linguae Latinae, una cum Bembo, familiari ejus, insignis cultor, ſubique Ciceroniani ſectator. Scripſit, praeter alia, commentarium in Epistolam ad Romanos, in quo, liberiore diſcurſu, per modum dialogi, de ſenſu Pauli, et veritatibus, diſſerit. In laudem ejus notatu dignum eſt, ipſum fuiſſe pacificum, et reformandae Eccleſiae deſiderio adfectum. *Franciſcus Titeſmannus*, Haſſiaeto, in agro Leodiendi, oriundus, primum Ordinis Minorum, quando Theologiam docuit, et Scripturam S., variaque edidit ſcripta, dein Capucinus factus ſe totos actionibus charitatis tradidit, et in primis miniſtravit leproſis: mortuus a. 1537. Scripſit commentar. in varios Vet. Teſt. libros, Euangelia, et Epistolas Apoſtolicas, denique collationem in Epist. ad Romanos, contra Eraſmum et Fabrum. Genus commentandi ſitum eſt in paraphraſi, et notis litteralibus. In lingua Hebraea, et Graeca, non fuit quidem hoſpes, ſed adhaeret vulgatae verſioni, *Auguſtinus Streuchus*, patria Eugubinus Italus, Bibliothecarius Apoſtolicus, et Episcopus Chiſamenſis, ſcripſit de *perenni Philoſophia*, pro religione Chriſtiana contra Lutheranos, et commentar. in Pentateuchum, Jobum, et Pſalmos. Sectatus maxime eſt ſenſum litteralem, inmiſcet hiſtorica, et conſulit textum originale. In libris de perenni Philoſophia demonſtrare maxime intendit, praecipuas religionis Chriſtianae veritates fuiſſe a Philoſophis agnitas. Scripto praeterea tractatu de *verſione vulgata*, eam eſſe Hieronymi, nec a vitiis immunem, probat. Ceterum erroribus ejus adnumeratur, coelum empyreum eſſe increatum, et mortem corporis non eſſe poenam peccati.

§. DXII. *Santes Pagninus*, Lucenſis, Ordinis Praedicatorum,

rum, et concionator Apostolicus, mortuus a. 1541., nominis nactus est celebritatem non tantum per trium linguarum, imprimis Hebraeae, et Chaldaicae, peritiam, sed et, quod primus, post Hieronymum, totam verterit Scripturam e linguis originalibus in Latinam, sumtus suppeditante, et animum addente, Leone X. Papa. Quam versionem spatio viginti quinque annorum absolvit a. 1518. Epistolam dedicatariam Clementi VI., ubique non obviam, exhibet Hody text. Hebr. et version. p. II. l. 3. Addidit etiam notas marginales, quae censuram non potuerunt effugere. Vitio autem ei merito vertitur, quod verbis nimium adhaerescat, et obscura ac barbara sit versio: quam Rabbinum tamen magni faciunt. Concinnavit etiam, praeter Grammaticam Hebraeam etc., thesaurum linguae Hebraeae, dein auctum, et longe meliorem factum, a Johanne Mercero, et Antonio Cevalerio. Juxta Pagnini versionem commentarium dedit Hieronymus Oleaster in Pentateuchum, et Jesaiam, cum elucidationibus moralibus. Fuit Lusitanus, Ordinis Praedicatorum, et Inquisitor Olyssipponensis, membrum quoque Synodi Tridentinae, defunctus a. 1563. Sed haud infimum inter commentatores Catholico-Romanos meretur locum Johannes Ferus, Germanus, Ordinis Minorum, qui in longe maximam Scripturae partem commentatus est, et ubique consuli meretur. Sectatus est sensum litteralem, sed discursus adjunxit doctrinales et morales: obiit a. 1554. Nec hic censuram Papalem evitare potuit. Joh. VI. ex. gr., de manducatione Spirituali interpretatur, et Matt. XVI. de clavibus datis Ecclesiae in persona Petri. etc.

§. DXIII. Inter eos, qui vulgatam versionem ad textum Hebraicum conati sunt emendare, primum ordine locum tenet Isidorus Clarius Brixienensis, Episcopus Fulginas in Umbria: additis etiam notis, sed ex Munstero desumptis, quem fere exscripsit. Notae vero in Nov. Test. sunt maxime morales, et ex Patribus petitae. Ceterum, cum in versionem vulgatam manum criticam injiceret, nomen meruit in

Indice expurgatorio: sed postea permissa est operis editio, exceptis Prologo et Prolegomenis. Celebre etiam nomen accepit per varios sermones, stante Synodo Tridentina, ad quam a Paulo III. fuit missus, habitos; qui etiam luce sunt donati. Spernendus non est Interpres *Felix Pratensis*, Hetruscus, ex Rabbinio Christianus, ac Eremita Auguttinianus, Romae defunctus a. 1559., qui Psalterium secundum tex um originalem vertit, et Leoni X. obtulit. *Missio Cypriano*, Monacho Cisterciensi, et Professore S. Litterarum Complutense, qui commentar. exaravit in Jobum, Jesaiam, Jeremiam, et Nahumum, etiam in Matthaeum et Johannem; ad meliores pergo commentatores. Insignis prae multis est *Sixtus Senensis*, origine Judaeus, et ope Sixti V. conversus, Ordini Praedicatorum adscriptus, mortuus a. 1541. Ipsi debemus octo libros *Bibliothecae sanctae*, in quibus, praeter alia multa, agit de autoribus librorum, sensu Scripturae, ejusque commentatoribus, et Interpretibus. Notatu dignum est, ipsum libros distinxisse in Canonicos, Deuterocanonicos, seu Ecclesiasticos, et Apocryphos. Instituit quidem Bibliothecae ejus censuram Possevinus in *adparatu sacro*, sed ita, ut novam mereatur. *Claudius Espinaeus*, Doctor Theologus Parisiensis, vir eruditus, et in Patrum lectione bene versatus, celebris insuper variis legationibus, et colloquio Possiacensi cum Theodoro Beza, defunctus a. 1571. Scripsit, praeter libros de eucharistia, ejusque adoratione, et de continentia, commentarium in utramque epistolam ad Timotheum, cui *digressiones*, vel dissertationes, subjunxit de Hierarchia, aliisque materiis, ad disciplinam et fidem pertinentibus, lectu dignas.

§. DXIV. Sed nemo praeferendus est *Andreae Masio*, notissimo per commentarium ad Josuam, bonae frugis plenissimum, dignumque, qui prohibeatur in Indice Tridentino, donec corrigatur. Vertit quoque e lingua Syriaca, cujus adprime peritus fuit, *Mosis bar-cephae* librum de Paradiso, nec non Jacobitarum liturgiam: edidit etiam Grammaticam Syriacam,

Syriacam, et Bibliorum editioni Regiae praefuit, una cum Aria Montano. Ceterum fuit Brabantus, J. U. Doctor, et Cliviorum Duci a consiliis; mortuus a. 1573. Socius ejus in adornanda editione Bibliorum Antverpiensium, sumtibus Philippi II., fuit *Benedictus Arias Montanus*, Hispalensis, Doctor Theologus, a Philippo in aulam receptus, et Ordini militiae Jacobi adscriptus. Antverpiam vero a Rege missus, editionem Bibliorum octo tomis, cum quinque linguis, Hebraea, Chaldaea, Graeca, Syriaca, et Latina procuravit; addito ad sacra biblia *adparatu*. Scripsit praeterea commentar. in Josuam, Judicum librum, triginta primos Psalmos, Jesaiam, duodecim Prophetas, quatuor euangelia, et reliquos N. T. libros. Retinuit vero versionem Pagnini, sed magis adhuc ad litteram reformavit, potius corrupit, minusque reddidit intelligibilem. Fuit vero vir linguarum et Antiquitatum peritus, ut vel opera testantur, simul ad causam dicendam citatus Romam, vix veniam inpetravit. Obiit a. 1598. Nobile quoque est inter eruditos nomen *Flaminii Nobilii*, Lucensis; qui, praeterquam quod multam impenderit operam editioni LXX Interpretum Sixti V., celebrem sese praebuit opere, quo veterem versionem Latinam restituere conatus est e Patrum citationibus, et versione LXX Interpretum. Quod cum notis prodiit Romae a. 1588. Scripsit et alia, sive doctrinalia, sive moralia, quae mitto. Mortuus est a. 1599. Omnibus fere in linguae Hebraeae notitia palmam praeripuit *Johannes Mercerus* Uticensis in Septimania, Professor linguae istius Parisiis, et successor Vatabli, per quem ad linguae istius studium, et Scripturae lectionem, adductus, Jurisprudentiae, cui destinatus erat, et in qua egregios fecerat progressus, nuncio missus, sese totum tradidit linguae Hebraeae, et Scripturae S., mortuus a. 1570. Exstant ejus commentarii in Genesin, Jobum, Ecclesiasten, Canticum Canticorum, et quinque Prophetas minores: ne aliorum opusculorum Hebr., Chald. et Syr. mentionem faciam. Locum quidem inter haereti-

cos primae classis accepit, sed sine ratione Calvinista a nonnullis habetur. Accenseri quoque bonis commentatoribus meretur *Franciscus Ribera*, Hispanus, Jesuita, qui Scripturam S. docuit Salmanticae; ubi obiit a. 1591. Exstant ejus commentarii ad duodecim Prophetas minores, in quibus sensum sectatur triplicem, litteralem, allegoricum, et moralem, nec non in epist. ad Hebraeos, ubi textui arctius adhaeret, et in euangelium Johannis.

§. DXV. Laude quoque dignus est alter Jesuita *Hieronymus Pradus*, Hispanus, et in Academia Cordubensi Professor S. Litterarum, defunctus a. 1595. Commentarius ejus in viginti sex priora capita Ezechielis prostat, quem Johannes Baptista Vilalpandus, Jesuita quoque, continuavit, et Hierosolymam ac Templum egregie descripsit. Nec nihili faciendus est *Franciscus Toletus*, primus omnium e Societate Jesu Cardinalis, postquam per 24 annos functus esset in sacro palatio concionatoris munere, mortuus a. 1596. Discipulus fuit Dominici Soto Salmanticae, simul in Philosophicis, et praecipue Theologicis, probe versatus. Scripsit, praeter summam casuum conscientiae, commentar. in Euangelium Johannis, 12 priora capita Lucae, et Epist. ad Romanos. Contentus sensu litterali inmiscet varias quaestiones Theologicas. *Alphonsus Salmero*, Toletanus, unus duodecim primorum adseclorum Ignatii Lojolae, ejusque Societatis insignis promotor, mortuus a. 1580., varia reliquit scripta, sex voluminibus in Fol., quae Prolegomena in Script. S., et commentaria in Nov. Test. continent, sed quibus quaestiones Theologicas magis tractat, quam sensum Script. S. tradit. Longe meliorem interpretem sese praestitit *Emanuel Sa*, Lusitanus, et ipse Jesuita, ac concionator Pontificis; defunctus a. 1596. Exstant ejus adnotationes in totam Scripturam S., et scholia in quatuor euangelia, brevitate sua commendabilia. Concionator quoque egregius *Didacus Stella*, Minorita, commentarium dedit in euangelium Lucae, in quo censores multa offende-
runt

runt expungenda. Denique *Adamus Sæsbuth*, vel *Sæsboldus*, Delphensis, mortuus a. 1553., tuo loco male omisſus, bonæ frugis commentar. edidit in varias Pauli Epistolæ, et in *Jesalam*. Claudat tandem hunc catalogum *Johannes Maldonatus*, Hispanus, Jesuita, a. 1583. mortuus: qui ingente auditorum concursu professus est Lutetiae Parisiorum, et a cujus lectionibus ne ipsi Calvinistarum ministri se abstinuerunt. Obstitit quoque solus, quominus Societas illa Jesuitica, Academiae valde invisa, fuerit a Senatu proſcripta; ut *Thuanus* a. 1583. refert, qui addit, eum fuisse virum modestissimum. Quod si verum sit, commentarii ejus necesse est fuerint ab editoribus valde interpolati: sunt enim partium studii, et maledicentiae, plenissimi. Scripsit, præter alia, in *quatuor evangelia*; multaque habet, sed ex *Beza* præcipue sumpta, laudanda.

§. DXVI. Missis aliis, bene multis, ad Theologos et Scholasticos, accedo, quorum ingens fuit copia, paucos selectiores recensuisse contentus. Primum tenent locum *Thomas de Vio*, Cajetanus patria, ab urbe regni Neapolitani, Ordinis Prædicatorum, dein ejus Ordinis Generalis, postea Episcopus Cajetanus, tandem Cardinalis, postquam Papæ supremam auctoritatem defendisset contra concilium Pisanum. Functus quoque est legationis munere, a Leone X. missus, in Germania, contra Lutherum, et ab Hadriano VI. in Hungariam ablegatus est, ut bellum contra Turcas promoveret. Denique Romam redux sese Scripturae studio dedit, mortuus a. 1534. Linguae licet Hebraeae ignarus, commentatus est in libros Vet. Test., versionem secutus plane ad litteram, a duobus Judæis, sed, altero converso, in ejus gratiam factam, missis Patrum interpretationibus, in libros vero Nov. Test. ad normam versionis Erasmi. Quae methodus acres ipsi concitavit adversarios, in primis Ambrosium Catharinum, qui ipsum errorum accusavit, Ecclesiae, et fidei Catholicae, perniciosorum, ut ex. gr. quod male de Trinitate senserit: quare *Alphonſus a Castro* ipsum hæ-

reticis accensuit. Scripsit et alia opuscula varia, ut in *summam Thomae*, de fide, operibus, *indulgentiis* etc., contra Lutherum, aliaque moralia. Motus quoque dedit tractatus ejus de *suprema potestate Papae*, quo eam tenet superiorem esse conciliis, etiam universalibus, nec deponi posse Papam, nisi causa haeresios.

§. DXVII. *Johannes Fischerus*, Roffensis (Rochester) in Anglia Episcopus, in florente gratia apud Henricum VII., etiam in initio apud Henricum VIII., sed in cujus dein incidit offensionem, quod divortium regis inprobaret, et eum pro capite Ecclesiae agnoscere, ac primatus juramentum praestare, recusaret. Conjectus in carcerem, postea, cum Cardinalitia dignitas in ipsum esset a Papa collata, quod Rex in sui contemptum traxit, capitis est damnatus, tanquam majestatis laesae reus, et securi percussus a. 1535. Celebris fuit controversista, scripsitque defensionem libri Henrici VIII. de *septem sacramentis* contra Lutherum, nec non *defensionis* Lutheri refutationem, quam contra articulos in bulla Leonis X. damnatos concinnaverat Lutherus: denique de *veritate corporis et sanguinis Christi* in eucharistia, contra Oecolampadium. Ejusdem animi et fortis vir fuit, ipsi adjungendus, *Thomas Morus*. Londinensis, filius advocati, et virtute sua ac peritia ad summam in regno Angliae dignitatem evectus, ab Henrico VIII. factus *Cancellarius*: a quo, cum fideliter ei servivisset, honeste ad petitionem suam dimissus, vitam degit privatam, seseque studiis ac exercitiis sacris occupatum tenuit. Quam tranquillitatem turbavit, et ipsi necem procuravit, *juramentum primatus Regis*. In carcerem enim propterea conjectus, et sententiam dicere coactus, qua illud damnavit, capite plexus est a. 1535. Fuit litteris humanioribus probe excultus, licet, teste Erasmo in *Ciceroniano*, ipso puero vix tenuis odor litteraturae melioris in Angliam demigrasset. Scripsit defensionem libri Henrici contra Lutherum, explicationem passionum Domini, et alia, inter quae famosus iste libellus, cui titulus *U-*

sopia eminet, quo rempublicam depingit Platoniam. Prostant opera ejus uno vol. in fol.

§. DXVIII. *Johannes Driedo*, Brabantus, Professor Theologiae Lovaniensis, a. 1535. defunctus, nomen nactus est per scripta eristica contra Lutheranos, inter quae sunt, de concordia liberi arbitrii et praedestinationis, de gratia et libero arbitrio, de captivitate et redemptione generis humani, de libertate Christiana, de Scriptura et dogmatibus Ecclesiasticis. Pressit ubique Augustini vestigia; sibi ab omni acerbitate cavit. Simili ratione celebritatem accepit *Johannes Faber*, Germanus, Ordinis Praedicatorum, Episcopus Viennensis, mortuus a. 1541. Multa scripsit contra Lutheranos, Zuinglianos, Anabaptistas, et Calvinistas. Longe major adhuc zelota fuit, licet non indoctus, *Johannes Eckius*, Suevus, Professor S. Litterarum Ingolstadiensis; inter primos Lutheri antagonistas: qui partes Catholicorum strenue est tuitus in disputatione Lipsiaca et Badensi, et postea multis defendit. Acerbiorem zelotam, dignumque Papae et Ecclesiae Catholico-Romanae ministrum, etiam per calumnias Protestantibus inpastas, sese praestitit *Johannes Cochlaeus*, a patria Wendelstein, prope Norinbergam, sic dictus, Decanus Francofurti ad Moenum, ac dein Canonicus Misnensis; qui in ardente studio contra Protestantes palmam fecit omnibus dubiam: novumque foetum ab a. 1521. ad 1550. singulis fere annis peperit. Inter opera ejus historica locum tenet liber hoc titulo: *acta et scripta M. Lutheri*, falsitatum, mendaciorum, et aliorum exulcerati animi signorum, plenissimus. Venit quoque eo temeritatis, ut, praeter alia, probare fuerit conatus, quosvis errores aequae ex Scriptura demonstrari posse ac veritates, ut ex. gr. de divinitate Christi. Quem tractatum jam publicavit a. 1527. Mortuus est Uratislaviae a. 1552. Nihil ipsi in violentia et maledictis cessit *Hieronimus Emserus*, Suevus, Juris Canonici Licentiatus, et Professor Lipsiensis, ac Ducis Georgii consiliarius. Edidit historiam emendationis

Tem. VI.

Cccc

versionis

versionis Lutheri; et in praefatione suadet, ut laicus magis sanctitati studeat, quam *Scripturae S.*, quippe *doctis demandatae*. Composuit quoque vitam S. Bennonis, in qua beatam Virginem adpellat *magnam Deam*; sanctos quoque *Deos*. Vixit a. 1530.

§. DXIX. Praecipuis, et optimis, controversistis hujus seculi in hac causa adnumerari a Catholicis solet *Stanislaus Hosius*, Polonus, primum Culmenfis, dein Warmienfis, Episcopus, et Cardinalis, qui Synodo Tridentinae, usque ad 24am sessionem, interfuit, quando se prae morbo subduxit: mortuus a. 1579. Imo *solidam Ecclesiae columnam* eum nuncuparunt ipsi Papae Pius V. et Gregorius XIII. Defendit Hosius dictum alicujus ex Catholicis, *Scripturam, si auctoritate Ecclesiae destituatur, non plus per se valere, quam fabulas AEsopi*; sed defendit, tanquam quod in meliorem partem accipi possit, quatenus revera, *nisi nos doceret Ecclesiae auctoritas, hanc Scripturam esse canonicam, perexiguum apud nos pontus haberet*: ita Hosius lib. III. in prolegomenis Brentii; ut Baelius in Lexico jam notavit. Sed et, quod animadverti meretur, usus astute est armis contra Protestantes, quae ipsi Catholicis in manus dederunt, cum quod secum nimium non tantum dissentiant, sed et lacerent se invicem, tum quod leges poenales, errantibus inpositas, defendant. Opera ejus exstant 2 vol. in fol. *Ambrosius Catharinus*, Senensis, ex Juris Professore Dominicanus, et Minoricensis primum Episcopus, dein Compsanus Archipraeful in regno Neapolitano, membrum quoque Synodi Tridentinae, mortuus a. 1554. Scripsit commentar. in quinque priora cap. Genesios, et in Epistolas Apostolicas, in quibus varias tractat quaestiones Theologicas, et Cajetanum in primis, omni data occasione, refutat, contra quem etiam singularem scripsit librum, sed et de multis aliis argumentis Theologicis scripsit. De *praedestinatione* singularem fovit opinionem, qua duplicem statuit, *alteram absolutam*, quae est paucorum hominum, cujus meminit Paulus in epist. ad Romanos,

Romanos, *alteram* conditionatam, et universalem, quae effectum habet, vel eo caret, pro libero hominis arbitrio. Statuit praeterea, hominem justum de justificatione sua, et statu gratiae, posse absolute certum esse; quod in Luthero damnavit Synodus Tridentina. De *intensione* ministri, ad Sacramenti effectum necessaria habita, censuit sufficere *externam*, ut vocant, qua exteriorem intendit exercere actionem, qua Ecclesia utitur, licet eo non dirigat interius, quo Ecclesia dirigit, nec sacramenti effectum ponere intendat. Quae ipsa opinio postea communis est facta inter Catholicos: sed et ante ipsum ab aliis prolata. Denique in conceptione Mariae immaculata defendenda laboravit multum. Fuit sane liberioris ingenii vir, quam vulgo solent esse Catholici, novaeque aliquando sibi fecit vias.

§. DXX. *Dominicus Soto*, Segobienſis Hispanus, ex Ordine Praedicatorum Professor Salmanticenſis, et dein Carolo V. a confessionibus, membrum quoque Synodi Tridentinae, defunctus a. 1560., grandia composuit opera, ut commentar. in epist. ad Romanos, in quatuor libros sententiarum, de iustitia et jure, de natura et gratia etc. *Melchior Canus*, etiam Hispanus, et Ordinis Praedicatorum, dein Canariensis Episcopus, et Synodi Tridentinae membrum, in Scholastica et Positiva Theologia versatissimus, a. 1560. defunctus, celebre consecutus est nomen per duodecim libros de *locis Theologicis*, voce non scholastico, sed Aristotelis, et Cicero- nis, sensu sumta, pro sedibus et fontibus argumentorum. Quaelia loca constituit decem, *Scripturam S.*, *traditiones*, *Ecclesiae Catholicae auctoritatem*, *concilia*, *Ecclesiam Romanam*, *sanctos scholasticos*, et *Canonicos*, *rationem naturalem*, *Philosophos*, et *ICTos*, denique *historiam humanam*, a fide dignis scriptam. Differit de his locis, et magni solet apud Catholicos aestimari; sicut vere meretur. Commendandus enim est a brevitate, stilo, ordine, ac peritia; usus quoque libero ac modesto iudicio de multis rebus. Primus praeterea est, qui ea ratione de illis rebus scripsit. Utique et Dominici et

Melchioris Doctor fuit *Franciscus Victoria*; a natali loco in regno Navarrae sic dictus, Ordinis Praedicatorum, et in Academia Salmantica Theologiae Professor primarius, mortuus a. 1546. Exstant ejus *lectiones Theologicae* hoc titulo; *Summa sacramentorum Ecclesiae*. Celebris etiam fuit *Gaspar Contarinus*, nobilis Venetus, et Cardinalis, amplissimis legationibus illustris. Missus a Paulo III. Papa legatus ad comitia Ratisponensia visus est Protestantibus nimis acerbis et pertinax, sed Catholicorum judicio nimis lenis, qui nimis in gratiam Protestantium remiserat de fide Catholica. Illud verum est, ipsum fidem catholicam bene esse tuitum, sed moderatioris fuisse animi, mortuus est a. 1541. Scripsit de immortalitate mentis, de septem sacramentis, de justificatione, libero arbitrio, et praedestinatione, scholia etiam in epistolas Pauli: denique de potestate Papae etc. ac de republica Venetorum.

§. DXXVI. *Albertus Piglius*, nobilis Campensis in Transilvania, Mathematicus, aequae ac Theologus, eximius, tribus Papis Hadriano VI., Clementi VII., et Paulo III. ad manus, et ab iis ad gravissima adhibitus negotia, tandem adeptus praeposituram Ultrajectinam ad S. Johannem, mortuus a. 1542., scripsit, praeter astrologica et mathematica, ut de ratione celebrationis paschatis, restitutione Calendarii Ecclesiastici etc., libros Theologicos de *hierarchia Ecclesiastica*, de *componendis dissidiis religionis*, de *libero arbitrio et gratia*, de *praecipuis controversiis* etc. *Jacobus Latomus*, Hannoniensis, et Professor Theologiae Lovaniensis, acerrimus Lutheri, cujus tempore floruit, adversarius, celebrem sese scriptis pro Catholica religione contra Lutherum, aliosque reformatores, praestitit; morte tragica abreptus a. 1544. Linguarum Hebr., et Graecae, inperitus, scholasticam Theologiam, cujus studiosus fuit, praefendam esse contendit linguarum studio. In tractatu de *Ecclesia* poenam capitalem haereticorum non tantum defendit, sed et Ecclesiae tribuit potestatem, *Principes privandi dominio suo*. Similis farinae homo

homo fuit *Ruardus Tapperus*, Enchusa Batavus, et Theologus Lovaniensis, mortuus a. 1559. Lutheri quoque acerrimus adversarius, simul calumniator, Paparum vero, quorum infallibilitatem agnovit, auctoritatis propugnator strenuus; qui tamen Ecclesiae corruptionem in capite et membris publice professus est. Scripsit defensionem articulorum Lovaniensium contra Lutherum, et alia. In capite vero de praedestinatione et gratia fuit Semi-pelagianus. *Alphonsus a Castro*, Hispanus, Franciscanus, paulo post nominationem ad Archiepiscopatum Compostellanum mortuus a. 1558. celebrem sese fecit libro de *Haeresibus*, licet in iis refutandis operam magis posuerit, quam in historica narratione. Auxit postea *Franciscus Feuardentius*, Gallus, autor etiam commentariorum in nonnullos Scripturae libros, nec non Theomachiae Calvinisticae. Vir fervido haereticorum, sic dictorum, odio flagrans, *Dominicus Bannes*, Hispanus, Ordinis Praedicatorum, celebris Scholasticus, scripsit, praeter tractatum de iustitia et jure, in primam et secundam partem Thomae, de fide, spe, et charitate. Strenuum denique pro religione Catholica, et primatu Papae, bellatorem egit *Gulielmus Alanus*, Lancastriae in Anglia natus, Theologus Duacensis; multa sub Elisabetha passus, sed a Sixto V. Papa Cardinalis factus, mortuus a. 1590., scripsit de *sacramentis Ecclesiae*, aliisque materiis controversis.

§. DXXII. Duo restant viri egregii, non praetermittendi. *Reginaldus Polus*, et *Petrus Canisius*, qui magno fuerunt in honore inter Catholico-Romanos. *Reginaldus Polus*, e regio Anglorum sanguine cretus, Archiepiscopus Cantuariensis, et Cardinalis, fuit omnium consensu doctus, studiis cultioris amator, pius et modestus, per indolem placidus, sed, reclamante genio, ut se a suspitione haeresios liberaret, Protestantium persecutor. Exul sub Henrico VIII., quia ejus divortium inprobavit, redux in Angliam sub Maria Archiepiscopus factus est; defunctus a. 1555. Varios conscripsit tractatus, uti de Pontifice summo Vicario Christi, de conciliis, de reformatione Angliae, de unione Ec-

clericalia etc. Ceterum Papalem auctoritatem mire extollit, etiam supra concilia Generalia, et Papis adplicat, licet minore quam Christo emphasi, illud Jes. IX. *puer natus est nobis* etc. *Petrus Canisius* fuit Noviomagensis, Jesuita, et primus Ordinis Provincialis in Germania, cui etiam firmando et propagando multum tribuit, vitam vero in credentibus instruendis, et haereticis debellandis, trivit, mortuus a. 1597. Scripta ejus sunt quidem minus erudita, attamen ad omnium captum adcommodata: qualia sunt, *summa doctrinae Christianae*, *catechismus moralis*, *exercitia pietatis*, *de corruptelis Verbi Dei* etc.

§. DXXIII. Sequantur *conciliorum* collatores, et *vitarum Sanctorum* Scriptores. Inter quos primum meretur locum, mitioris animi vir, *Bartholomaeus Caranza*, Dominicanus, Philippo II., et Mariae Anglicae, a confessionibus, dein Archiepiscopus Toletanus. Carolo V. morienti cum adfuisset, ejusque suscepisset confessionem, fama autem ferret, eum in fide Catholica non esse mortuum, in suspicionem haereticos incidit, in carcerem Inquisitionis detrusus, et per decem annos ibi multum passus est, donec eductus, et ab haeresi fuerit immunis pronunciatus; sed brevi post mortuus a. 1576. Scripsit catechismum Hispanicum, censurae Hispanicae Inquisitionis subiectum, et multorum motuum occasionem, praeterea *summam conciliorum*, utilem profecto librum. *Petrus Crabbius*, Mechlinensis, Ordinis Franciscani, mortuus a. 1524., Jacobum Merlinum, Theologum, et Ecclesiae Parisiensis Poenitentiarium, qui primus duos conciliorum tomos edidit, imitatus, duos etiam tomos, sed longe ampliores, publicavit, et dein novum rursus conciliorum opus tomis tribus; ipsum adjuvante Orthuino Gratio. Junxit autem in eo integritatem ac fidelitatem diligentiae. Secutus est *Laurentius Surius*, Germanus et Carthusianus, a. 1577. defunctus, qui quatuor volumina conciliorum luci exposuit, sed non optima fide; quam etiam docti merito desiderant in *Vitis Sanctorum*, ab ipso collectis, sex vol. in fol.,

fol., accedente mox ad alteram editionem tomo septimo per Jacobum Mosandrum Carthusianum. In quo opere ipsi praeiit *Aloysius Lipomannus*, Venetus, Methonensis, et dein Veronensis, Episcopus, nuncius Papae apud Lusitaniae Regem, et alios, Synodi etiam Tridentinae membrum, defunctus a. 1559. Scripsit, praeter catenas Patrum in Genesin, Exodum, et Psalmos, et alia opera, tomos octo de *vitis sanctorum* in quarto.

§. DXXIV. Claudant tandem Scriptorum catalogum facis prolixum, qui tamen duplo major fuisset, si omnes essent recensendi, Catholici moderatiores, simul pacificatores, qui Ecclesiam, per Protestantes scissam, ad unitatem reducere conati sunt. Inter eos, qui, sub professione fidei Catholicae, animis fuerunt ad reformationem inclinati, licet in Reformatoribus, et reformationis modo, nonnulla reprehenderit, fuit, ne de Erasmo dicta repetam, *Jacobus Faber*, Stapulensis, a patrio solo in Picardia appellatus, a. 1337. valde senex, imo plusquam, secundum nonnullos, centenarius defunctus. Obscurus licet a natalibus, clarissimus fuit ab eruditione, et unus eorum, per quos barbaries in universitate Parisiensi coepit debellari. In suspicionem haereticos, ac odium zelotarum, cum incurrisset, sese Parisiis subduxit, et Meldis aliquandiu substitit, donec, nec ibi tutus, post varias oberrationes in tutelam fuerit a Margareta, Navarrae Regina, sorore Francisci I., susceptus: a quo tempore securus haesit Neraci, usque ad obitum. Tantum, clandestino suscepto itinere, iussu Reginae, Argentoratum, colloquium cum Bucero et Capitone habuit de variis doctrinae capitibus. Narratur, nescio quam vere, peccatum suum ad mensam Reginae, coram convivis, gembundus confessus, quod, cum veritatem aliis instillasset, eosque eam martyrio vidisset obsequare, ipse in asylo delituerit. Scripsit, praeter alia, uti in Ethicem Aristotelis, notas criticas, et commentarium, in Evangelia et Epistolas Apostolorum, in quibus cum Vulgatam versionem maxime reprehenderit,

odium sibi concitavit; et libros suos censuræ reddidit obnoxios.

§. DXXV. *Franciscus Balduinus*, Atrebatensis ICtus, in variis Academiis, in primis Galliae, ab una ad aliam advolans, Jurisprudentiam professus, in religionis negotio varius, nunc professione Catholicus, nunc Reformatus, tandem neuter, cui in omnibus sectis quaedam displicebant, adeoque in votis erat, ut ex omnibus sectis nova confareretur, cui se adjungeret, ut putatur: utique religionibus uniendis fuit intentus, mortuus est a. 1572. Nomen ejus celebre factum est, cum per eredita opera, historiam Ecclesiasticam illustrantia, quae sunt, commentar. ad edicta Veturum Principum Romanorum de Christianis; de *legibus Constantini* Imperatoris, de *collatione* Carthaginensi, *notae* ad Opratum, et Victorem Vitensem, tum per lites cum Calvino et Beza, occasione libelli de *officio boni civis in hoc religionis diffidio*, a Cassandro conscripti, et a Balduino, tempore colloquii Pommacenensis ibi vulgati: cui, tanquam a Balduino composito, se acriter opposuit Calvinus: unde varii libelli eristici, damnando zelo exarati, in lucem venerunt.

§. DXXVI. Eandem viam tenuit, sed melioris animi, vereque probi, ut opinor, *Georgius Cassander*, ab insula Cassandri, prope Brugas, ubi natus est, sic dictus: qui, post varias peregrinationes, tandem Coloniae Agrippinae vitae tempus exegit, mortuus a. 1566. Catholicus quidem, sed ita moderatus, et a partibus liber, ut multa in religione Catholica improbaverit, et corrigenda voluerit, alia mollissime explicuerit, et in meliorem formam redegerit, plurima tamen ipsi in religione Reformationum displicuerint. Illud itaque in animo habuit, vir pacis amantissimus, qui etiam sine ullo munere, sineque ambitione, vixit, ut unio utriusque religionis efficeretur. Quo scopo cum de *officio boni viri*, cujus modo meminimus, scripsit, tum, jussu Ferdinandi et Maximiliani II., Imperatorum, celeberrimum illum condidit librum, sub hoc titulo: *Consultationes de articulis fidei*
inter

inter Catholicos et Protestantes controversis; novissime etiam a Contingio, optime editum; lectu dignissimum. Displicuit tamen Cassander, ut passim contingit, utrique parti. Scripsit praeterea de *utraque specie sacramenti*, de *liturgiis*, et aliis materiis. Exstant omnia ejus opera junctim edita Parisiis in fol. Ceterum hypotheses ejus sunt, quibus totum unionis opus, quod molitus est, superstruxit. 1. Scripturam in dubiis esse ex constante et universali traditione Ecclesiae, in Patrum scriptis obvia, explicandam. 2. Conformandam esse Ecclesiam ad statum, quem praetulit sec. IV., V. et VI. Secundum has regulas voluit de controversiis fidei, et de ritibus Ecclesiae, judicium ferendum.

§. DXXVII. Eundem spiravit animum, licet eruditione interior, *Georgius Vicellius*, natus haud procul Ilfenaco, ditionis Hassiacae; cujus vita inserta est *fasciculo rerum expend.* etc. tom. II. Habet etiam de ipso nonnulla notanda Schelhorn. amoenit. Litter. tom. XI. Adjunxit sese initio Luthero, cujus doctrinam per duo lustra est professus, et docuit Niemeciae prope Wittebergam: sed ea dein deseruit castra, et ad Catholico-Romanam rediit Ecclesiam, duplicem motus ratione, una, quod bonorum operum studium nimis frigide urgeretur apud Protestantes, altera, quod Ecclesiam sine schismate posse et debere reformari censeret, nec tamen uxori et conjugio renunciare voluit, a sacerdote aliquo Graeco, ut fertur, propterea Presbyter factus, fuit quoque Imperatorum Ferdinandi et Maximiliani consiliarius. Didicit autem ab Erasmo formam reformandae Ecclesiae sine schismate, et hoc opus ab eo tempore molitus est, sed Lutheranis sese acerbiorē praestitit, multa tamen in Ecclesia Catholica voluit mutanda et corrigenda, quorum specimen exstat in adpendice *fasciculi*, modo citati, ad calcem vitae ejus. Scripsit vero *viam regiam*, et *methodum concordiae*, quae Consultationibus Cassandri juncta est in edit. Contingiana.

§. DXXVIII. Subjungenda huic scriptorum catalogo quaedam
Tom. VI. Dddd dam

dam de studiorum statu, cum ante Reformationem, tum post eam. Initio seculi res hac parte in eodem, si non deteriore, statu fuerunt, quo antea. Licet studia, quae vocantur humaniora, magis magisque fuerint a doctis exalta, novae etiam erectae Academiae, nec insignes defuerint Maecenates; ignorantia tamen, et barbaries, non fuit depulsa, in primis inter Clericos et Theologos. De quibus paulo distinctius est agendum. Fuerunt hoc intervallo Principes litterarum et litteratorum praeclari fautores, per omnes Europae regiones: uti Leo X. Papa Romae, apud Gallos rex Franciscus, de quo legendus est Sleidanus a. 1547., apud Hispanos Cardinalis Ximinius, apud Anglos Henricus VIII., apud Belgas Carolus V., in Saxonia Fredericus Elector, qui Wittenbergae erexit Academiam a. 1502., denique insignis ille litteratorum per totam Germaniam patronus Joachimus I., Brandenburgicus Elector, qui Francofurti ad Viadrum condidit Academiam a. 1506. Floruerunt quoque viri eruditi in omni scientiarum genere, magno numero, ut ex superiore catalogo patet, etiam litterarum ac studiorum statores, et propagatores, ut apud Germanos Erasmus, et Reuchlinus, inter Gallos Budaeus, apud Hispanos Antonius Nebrissensis, alii: de quibus supra. Attamen, his non obstantibus, continuavit inter Theologos, concionatores, et monachos, deploranda ignorantia, barbaries, et vanitas; qui, litteris, utilibusque studiis, neglectis, ipsa Scriptura S. passim sprete, toti incubuerunt vanis quaestionibus, definitionibus, distinctionibus, syllogismis et litibus. Qua de re vid. Erasmus in *moria* sua, et epist. ad Martinum Dorpium, *barbare-mastyx*; qui etiam apud Hollandos perstrenuum fuisse studiorum contemptum testatur epist. LIX. ad eos, et in notis ad Nov. Test. nullam ea de re conquerendi occasi-
onem. Addatur Ludovicus Vives de *corruptis disciplinis*, Reuchlinus in praefat. libri de *accentibus*, Gerardus Listoius in not. ad librum Erasmi de *moria*, Bullingerus de *Episcoporum institutione et functione*, denique ex re-

centioribus Hottingerus in *Analeſtis* diſſert. I., et hiſt. hujus ſeculi ſect. III.

§. DXXIX. Linguarum ignorantia, ut nonnulla memorem ſpecialia, et contemptus, ſummum fere adtigit gradum. Teſtatur ex. gr. Claudius Eſpenſaeus ad 1 Tim. III. tantam hac parte viguiſſe barbariem apud Clericos, ut Graece noſſe ſuſpectum fuerit, Hebraice prope haereticum. Quod ipſum exempla Zuinglii, et aliorum, edocent. Vid. Hottingerus in theſauro Philolog., et Amama in *Antibarbaro Biblico*. Sacrae quoque Scripturae lectio in linguis vernaculis ſevere fuit prohibita, etiam morte nonnunquam punita: quod multis exemplis demonſtrat Uſſerius de *Scripturis vernaculis*. Quid? quod librarius ob Biblia Avenione vendita fuerit combuſtus. Vid. J. Crispinus in *actis Martyrum*. Inter ipſos Clericos, et Theologiae doctores, fuerunt plurimi, qui ne legerunt quidem Scripturam. Albertus, ex. gr., Archiepiſcopus Moguntinus, cum a. 1530., in Comitiiſ Auguſtaniſ codicem Biblicum inſpexiſſet, dixiſſe fertur, *equidem neſcio, quid hoc libri ſit, illud video, omnia, quae in eo continentur, eſſe nobis adverſa*. Farellus in colloquio Lauſanneniſ a. 1536. adſerit, ſe nullum inveniſſe ſacerdotem, qui legem Dei cognoverit, apud Ruchat. reformat. Helvetiae l. XV. Sorbonici Doctores per Deum jurarunt, ſe pluſquam quinquaginta habuiſſe annos, antequam ſciverint, quid ſit Novum Teſtamentum. Vid. R. Stephanus in praefat. ad cenſuram Theolog. Pariſienſ. a. 1532. Heresbachius Ictus, de *laudibus Graecarum litterarum*, exemplum proferit Monachi, palam dicentis, ex Graeca et Hebraea lingua oriri haereſes, et Novum Teſt. eſſe *novum plenumque rubetis et viperis*. Ipſe Caroloſtadius, jam octo annorum Doctör, ad Scripturae ſtadium demum acceſſit. Plura qui de hac barbarie velit, adeat Hottingerum in *Analeſtis*, et hiſt. Eccleſ., Hody de text. Origin. p. II. lib. III., et alios, ut Crenium animadv. Philolog. et hiſtor. p. III. Ipſe Zuinglius barbariem temporum praecedentem plu-

nitas exaravit in *Oratione*, quae reperitur in *Tempe Helvet* tom. VI. Denique Italia Theologica intra cancellos Scholasticorum et traditionum fuerunt conclusa, nec se extendere audebat; ipse Aristoteles pro concionibus magis fuit tractatus quam Scriptura S. De quo jam conquestus est Tricemius in *Epist. in Miscellan. Lipsienf.* nov. vol. II. Vd. hac de re Erasmus locis citatis, et in praefat. ad Hieronymum, Bollingerus in respons. ad Joh. Cochleum, Sanctus Augustinae confessionis in libro, quo rationem reddunt, concilium Tridentinum a suis adiri non posse. Confer. etiam de Theologorum et Theologiae depravatione Hottinger. *hist. Eccles.*, et de concionibus in *Analectis*, et Seckendorf. *hist. Lutheran.* a. 1511. Post inceptam, et propagatam, reformationem, Pontificii in initio sese litterarum studiis, tanquam haereticos fontibus, acriter quidem opposuerant, sed cum hac via nihil non tantum efficerent, causam suam quoque deteriorem facerent, animos ad studia humaniora, et quavis scientias, etiam Scripturae interpretationem, adpellere coeperunt, non sine insigni successu: ut ex superiore scriptorum catalogo liquet. Erecta etiam est a Philippo II. Academia Duacensis a. 1562.

DOCTRINA ET FIDES.

§. DXXX. Saeculum nostrum id hac parte habet singulare, quod doctrina et fides fuerit in Ecclesia Catholico-Romana per omnes partes definita, opinionibus contrariis sub anathemate reiectis, adeoque ita sancita et confirmata, ut omnem in posterum respuat mutationem, aut emendationem. Quae autem capita fidei sint, petendum est ex *canonibus Tridentinis*, confessione fidei a Pio IV. praescripta omnibus profelytis Ecclesiae Romanae adoptanda, et *Catechismo*, qui jussu Pii V. est editus ex Tridentinis decretis. Quae cum sint istius Ecclesiae monumenta publica, ex iis utique tutius et rectius de fide Catholica iudicium fertur. Quae
autem

autem ea capita sint, recensere nihil adinet; cum ex institutionibus Theologicis satis nota sint. Concilii Tridentini decreta, additis notis, luci exposuit Heideggerus in *Anastome* istius concilii. De ipso concilio postea suo loco agam. Etsi vero in Ecclesia Catholico-Romana nullum fuit doctrinae causa schisma factum, continuarunt tamen veteres lites inter Scholasticos et monachos, novae etiam cum Jesuitis exortae sunt, de quo postea, et, quod hic notandum, fundamenta sunt *Janjenismi*, qui tot turbas deinceps dedit, jacta per controversias *Baianas*, quae circa tempus concilii Tridentini, ante et post, vigerunt. Quarum historia iraque hic est tradenda. Vid. novissima editio operum Baii, Du Pin in Biblioth. t. XVI., Leidecker hist. Janjenismi l. I., ubi propositiones Baianae, quae damnatae sunt, exhibentur: denique Baelius in Lex.

§. DXXXI. *Michael Baius*, Belga, Doctor et Professor Theologiae Lovanienfis, nec non Cancellarius Universitatis, etiam Inquisitor Belgii Generalis, vir a peritia, pietate, et modestia, apud omnes laudatus, et celebris, defunctus a. 1589., una cum Johanne Hesselio, quo tempore seniores Collegae, Ruardus Tapperus et Jodocus Ravestein, essent absentes, ad Synodum Tridentinam ablegati a. 1551., incepit a methodo scholastica, tunc recepta, discedere, et antiquam methodum Theologiam tradendi revocare, Theologiam ex Scriptura et Patribus, in primis Augustino, derivando, cum ut Protestantibus, ad ea principia provocantibus, os, obtruderetur, tum Theologia Augustiniana, passim obsoleta, renovaretur. Qua ratione cum odiosum sese et Collegis, a Synodo reversis, et Franciscanis, quorum magna erat in Belgio autoritas, praestitisset, collectae sunt octodecim propositiones Baii inputatae, et ad Sorbonam, ut censuram subirent, missae; simul ab eo collegio damnatae, licet forma insolita, et dissimulanter, ita ut ne quidem exemplar censurae consequi potuerit Baius. Scripsit tamen in eam notas, quibus propositiones illas demonstrat partim

sibi falso esse adscriptas, partim invidiose et infideliter concinnatas, partim puras putas esse Augustinianas. Sed haec prima motuum initia brevi fuerunt sopita, cura Cardinalis Granvelli qui, jussu Pii IV., silentium partibus litigantibus inposuit.

§. DXXXII. Quo in statu res manserunt usque ad reditum Baii a Synodo Tridentina, quando ab a. 1564. dissidia, male composita, vehementius exarserunt, non tantum, quod, Synodo ex votis finita, Papalis aula sese litibus intestinis liberius opponere auderet, sed inprimis, quod adversarii non tenerent silentium, et libri tunc a Baio fuerint in publicum missi. Excerptae itaque ex ejus scriptis sunt septuaginta sex propositiones, partim ipsi adiectae, partim ita dolose conceptae, ut et bonum et malum ferre potuerint sensum, sicut Baius saepe protestatus est, Romam missae, et mox, inaudito Baio, damnatae a Papa Pio V. a. 1567., bulla hanc in rem edita, sed quae, contra consuetudinem, nec est Romae publice adfixa, nec Baii nomen expressit, aut cum ipso communicata: imo cujus apographum ipsi negatum est, monstrata tantum fuit nonnullis facultatis Theologicae Lovaniensis membris. Compulsus tamen ad earum damnationem, et submissionem, eam, licet privatim, praestitit, sive ex scrupulo, sive ex humilitate. Cum autem bullam a Pio fuisse profectam, in dubium posset vocari, Gregorius XIII., nova publicata, genuinam eam esse declaravit. Jesuita Toletus, cum ea Lovanium missus a. 1580., in eas miserum Baium conjecit angustias, ut privatim non tantum retractaverit, sed et formulae confessionis subscripserit, qua fassus est, multos ex illis articulis a se esse traditos, eo etiam sensu, quo docuerat, proscriptos. Ceterum Jesuitae fuisse praecipuos ejus adversarios, qui propositionum damnationem procurarunt, ipsum Bellarminum, ut de quaestionibus illis cognosceret, Lovanium missum, adseritur quidem passim, sed sine solido fundamento, De quo vid. Bellarius in *Bellarmino*. Hac ratione liter paulam requieverunt,

et

et Theologia Anti-Augustiniana caput erexit, usque ad Jansenismi ortum sec. sequente: nec tamen penitus oppressa est in Belgio, quin publice defensa in Academiis Lovanien- se et Duacense Augustiniana, adeo ut opiniones Jesuitarum de praedestinatione a Lessio et Hamelio renovatae, fuerint a. 1587. damnatae per Lovanenses, et anno seq. per Duacenses: quando Sixtus V. sua autoritate intercessit, ne lites ulterius procederent: statuendo, ut cuique parti libertas sentiendi et docendi relinqueretur integra. Vid. Bibl. Univ. Clerici tom. XIV. 1.

§. DXXXIII. Propositiones vero damnatae inter alia habuerunt 1. meritum unice convenire homini integro, nullum peccatori: nec ullum bonum meritum in redemptis per gratiam Christi inveniri posse, quod non sit gratis indigno collatum, adeoque peccatorum remissionem omnem, et vitam aeternam, esse meritis Christi tantum adtribuendam. 2. nullum dari peccatum ex natura sua veniale, sed omne mereri mortem aeternam. 3. Imaginem Dei in primo homine non fuisse donum supernaturale et gratuitum. 4. Omnia opera infidelium esse peccata, et Philosophorum virtutes esse vitia. 5. Liberum arbitrium sine gratiae adiutorio non nisi ad peccandum valere. 6. Libere fieri, quod voluntarie fit, licet necessario. 7. Voluntarium vero ad peccati rationem et definitionem non pertinere, adeoque peccatum originis in parvulo esse voluntarium habitualiter, quatenus non habet voluntatem contrariam. 8. Prava desideria, quae homines sentiunt inviti, esse legis inobedientiam. 9. Per eleemosynas, aliaque poenitentiae opera, Deo satisfieri pro poenis temporalibus, non meriti conspectu, sed quatenus aliquid facimus, cujus intuitu Christi satisfactio nobis adplicatur. 10. Neminem, excepto Christo, esse a peccato originali immunem, adeoque nec Mariam. Alias ejus opiniones mitto, uti afflictiones justorum omnes, etiam martirium, esse ultiones peccatorum, perfectam posse in homine esse charitatem sine remissione peccatorum, infidelitatem

negativam, esse peccatum in his quibus Christus non est adnunciatus, sacrificium Missae non alia ratione esse tale, quam generali illa, qua omne opus, quod fit ut sancta societate homo inhaereat Deo, denique sine baptismo non remitti peccata extra casum necessitatis et martyrii.

CULTUS.

§. DXXXIV. Nihil novi hac parte accessit, nisi quod invictum acceperit superstitio robur per Synodum Tridentinam: quare paucis defungar. Quaestio de *maculata*, an *immaculata*, conceptione Mariae strenue, magnisque motibus, adhuc agitata est inter Franciscanos et Dominicanos, non obstante, quod denuo fuerit jussu Papae inpositum silentium a 1502. Adjunxit etiam sese aliis Academiis Schola Theologica Moguntina, ut est in addit. ad Nanclerum a. 1501., quae immaculatam conceptionem tanquam summi momenti definivit. Accidit quoque hac in causa terribilis, et impietatis plenus casus, qui singulare corruptionis seculi praebet specimen. Quattuor Dominicani Bernenses, Prior, Lector, Subprior, et Custos, pacto cum Diabolo inito, secum conspirarunt, ad maculatam conceptionem per fictas adparationes Mariae, ac Catharinae Senensis, aliasque fraudes, firmendam. Qua diabolica fraude detecta, illi convicti et vivi combusti sunt a. 1509. Quam historiam ex authentico monumento exhibet Hottingerus hist. Eccles. sec. XVI. sect. III., et Ruchat. ad calcem histor. reformat. Helvetiae. Vid. etiam Lavaterus, qui hoc seculo vixit, de *adparationibus Spirituum* l. I. Synodus vero Tridentina sess. XXXVI. doctrinam de immaculata conceptione declaravit *piam*, et *consonam cultui Ecclesiae, fidei Catholicae, et rectae rationi*: *Scripturae Sacrae, ab omnibus Catholicis adprobendam fore et tenendam*: prohibuit praeterea contrarium docere, iustitiae ejus solennitatem celebrari. Nec tamen contraria sententia ab eo tempore proscripta fuit tanquam haeretica.

Vigue-

Viguerunt adhuc seculo sequente illae lites in Hispania, miserunt quidem ejus Reges varias ad Papas legationes pro immaculata conceptione definienda, sed nihil inpetrarunt, nisi quod Paulus X. immaculatae conceptionis inpugnationem inhibuerit, et Gregorius XV. illud ampliaverit ad privatorum colloquiorum et scriptorum prohibitionem, sibi tamen id permittendi, quibus voluit, reservata potestate: sicut mox Dominicanis fecit. Vid. Rivetus in *Apologia pro Maria* lib. I.

§. DXXXV. Praecipuae porro Deiparae imagines summa cum devotione hoc tempore sunt cultae, iisque multa adscripta miracula, uti Florentina, vulgo *adnunciata* dicta, Montisferrati in Catalonia, Eremitana in Helvetia, in primis Lauretana in Italia, de qua sec. XIII. egi, Halensis et Aspricollis, de quibus duabus postremis a se inpetrare potuit Lipsius ut scripserit, et miracula studiose collegerit: *Halensis* sedem tenet Halae in finibus Hannoniae, qua tangit Brabantiam, tertio ab urbe Bruxella miliari, eo translata a Sophia, Elisabethae, filiae Andreae II. Regis Hungari, filia, sec. XIII. *Aspricollis* autem nomen traxit ab *aspero colle* prope Sichemium, oppidum haud procul Lovanio. Est vero imago ibi initio seculi inventa a pastore, et quercui adposita, sed a. 1580., incertum quo casu ablata, postea nova restituta a. 1586., et dein in sacello modico, ibi exstructo, collocata a. 1602. Denique ingente latius sunt superstitione erga Mariam, Jesuitis eam maxime promoventibus. Fuit ex. gr. problema a Jesuitis agitatum, essetne utilius Mariae, an Jesu nomen inplorare? quod secundum Mariam est definitum. Mariae etiam est adtributum inperium in Filium suum: nec ullus fere est titulus in Scriptura magnificus, quo Maria non sit insignita et honorata: nihil est, quod non possit, non concedat. Vid. Rivetus l. cit. Inter superstitionis signa etiam est, quod *praeputium* Christi, Romae adservatum, indeque a milite, quo tempore Roma capta est a. 1527. surreptum, postea nar-

Tom. VI.

Eccc

retur

retur repertum Calceae, miraculis clarum, et adorationis obiectum ab a. 1559., De quo vid. Toletus ad Luc. II. De reliquis cultus partibus seculum nihil suppeditat observandum, nisi quod Sanctorum reliquiarum, imaginum, et panis eucharistici studium vigerit prorsus stupendum, devotio et superstitio insana et intoleranda. De quo qui convinci velit, adeat, praeter Bzovium, in annal., Calvinum de reliquiis, Spanhemium in *Geneva revisita*, et Hottingerum in hist. Eccles., et Seckendorf. in hist. Lutheranismi a. 1522. ubi de ipso Frederico, Electore Saxoniae, et Spalano agit.

REGIMEN ET DISCIPLINA.

§. DXXXVI. Misso Pio III., simoniace quidem electo, sed haud mali animi Pontifice, qui vix mensem sedit, successor ejus Julianus Ruverus Sixti IV. nepos, clarus semulcibus cum Alexandro VI. quas continuo gessit, et propter quas procul ab urbe vixit, cum maxime cognoscendus est. Assumpsit nomen *Julii II.*, ad Julium Caesarem verius quam Julium I. Papam respiciens; quod ipsis gestis, et splendore in omnium ingressit oculos. *Ipse spectavi*, inquit Erasmus ad Aët. V., *primum Bononiae, dein Romae, Julium, Pontificem Romanum, ejus nominis secundum, splendidissimum agentem triumphos, ut cum Pompejanis aut Caesarianis triumphis conferri possint.* Praestitit sese virum perfidum, varium, truculentum, et belli cupidissimum. In principio sese contra Venetos, Romanae sedis rebelles, vertens, cruentum iis concitavit bellum, accensis et adunitis contra eos Ludovico XII., Francorum Rege, Maximiliano Imperatore, Ferdinando V. Arragoniae Rege, omnibusque Italiae Principibus. Cujus belli historiam eleganter conscripsit autor libri Gallici, cui titulus: *histoire de la ligue de Cambray* etc. Sed cum hostes per eos gravissime adflixisset, immenso fuso cruore, pacem cum iis fecit, et arma contra ipsum Galliae Regem

Regem vertit, inani sub praetextu, ut, quod honorarium vectigal Rex non pependisset, et cum Ferdinando, Hispaniae Rege, sine suo consensu, foedus pepigisset, sed vera causa fuit, ut Galli tota Italia expellerentur, Rex in specie ducatu Mediolanensi, et Comitatu Astensi ac protectione Genuae privaretur. Fuit illud bellum cruentissimum, et ingentem vastitatem accaedem peperit. Ludovicus Galliae Rex, quod nummi praeferunt, dixisse fertur, *perdam Babylonis nomen*. Papa, cum exercitu egressus Roma Petri clavem dicitur projecisse in Tiberim, his additis verbis, *quia clavis Petri amplius nihil juvat, valeat gladius Pauli*. Quod Baelius tamen in dubium vocat, contra constantem illius temporis traditionem, et historicorum testimonia. Duxit Papa exercitum in agrum Ferrariensem, et ipse se contulit Bononiam, opem autem ipsi tulerunt Helvetii, Veneti et Hispani: Alphonsus, Ducem Ferrariae, cum adiutoribus, et Gallici exercitus ducibus, diris devovit. Cum vero intra Bononiam ab exercitu Gallico fere fuisset obsessus, accusavit mox Regem Galliae apud omnes Principes, quod contra se et Cardinales, ut obsiderentur, exercitum miserit. Mox iussit, ut exercitus obsidione cingeret Ferrariam, ipse expugnavit Mirandulam a. 1511., quae in Regis erat clientela. Interea Concordiam et Bononiam, Duce Trivulzio, expugnavit exercitus Gallicus, et celeberrima habita, admodum cruenta pugna ad urbem Ravennam, superior quoque fuit a. 1512. Sed adcesserunt dein ad Iulii partes Caesar Maximilianus, et Henricus Angliae Rex, captumque est Mediolanum expulsis Gallis.

§. DXXXVII. Belli historiam contexere cum ab instituto sit alienum, ad bellum Synodale, hac occasione fuscitatum nos vertamus. Novem Cardinales, a Papa propter haec ejus facinora abalienati, Synodum indixerunt Pisis, Regis Galliae et Imperatoris Maximiliani autoritate freti; ut Ecclesia in capite et membris reformaretur, simul Constantiensis et Basileensis conciliorum decreta de Synodo Oecumē-

niea singulis decenniis celebranda, executioni mandarentur. Adrogarunt vero sibi hanc potestatem, quod Papa secundum conventa Cardinalium, tempore electionis Julii facta, juratus promississet, se intra biennium convocaturum Synodum, idque nisi praestaret, habendum esse perjurum et Ecclesiae perturbatorem, praeterea duabus tunc collegii partibus jus competere cogendi Synodum. Incepit quidem Synodus Pisis, a. 1511., sed, Pisanis se opponentibus, translata est Mediolanum a. 1512., unde Lugdunum confugere compulsi sunt Synodales, ubi tamen nihil Synodice gestum est. Praeter alia decreta, quibus auctoritatem suam munierunt contra Papam, contumaciae accusatus est Papa a Synodo, et ab omni Papatus administratione in Spiritualibus ac Temporalibus suspensus: sed Papa ei aliam opposuit Synodum Lateranensem V. a. 1512. postea universaliter receptam, ab ipsis quoque Gallis sub Leone X., missa Pisana. Absoluta est duodecim sessionibus, quinque prioribus sub Julio, reliquis sub Leone X. ejus successore. Quinque prioribus sessionibus sub Julio, Pisana Synodus est abrogata, et monitorium contra *pragmaticam sanctionem* Gallicanam, ejusque adsertores, promulgatum. Praeterea interdicto sacro Regno Franciae, in specie Lugdunum, quo conventus erat translatus, subjecit Papa, et Lugdunenses nundinas adsignavit Gebennae. Ceterum, Julium referunt tanto in Gallos flagrasse odio, ut obvium quemque eorum mactari ac trucidari jusserit, sicarios quoque praemiis ad id facinus invitaverit. Vid. praeter Hottinger. hist. Eccles., Budaeus in libris de *Affe*.

§. DXXXVIII. Julio, stante Synodo Lateranense mortuo, suffectus est, juniorum Cardinalium opera, Johannes Medicaeus, Florentinus e familia Principe, a. 1513. dictus *Leo X.*, qui sedem usque ad a. 1522. tenuit. Lateranense concilium continuavit, eo scopo, vel praetextu, ut pax inter Principes Christianos conciliaretur, et sacrae contra Turcas expeditiones promoverentur. Cardinales, ob Pisanum concilium

concilium abdicatos, sed veniam supplices petentes, seseque Synodo Lateranensi submittentibus, restituit. Quo etiam adduxit Ludovicum XII., Galliae Regem. Sed et alia in hac Synodo edidit constituta, ad reformationem Curiae, officia Cardinalium, et ad Concionatores, spectantia. Postremis iunctum est, ut non nisi a superiore examinatas ac probatas habeant conciones, nec Scripturam S., nisi secundum mentem Doctorum Ecclesiae, interpretentur, de tempore vero futurorum malorum, adventus Antichristi et ultimi iudicii, nihil adserere et definire praesumant. Confirmata postremo est *pragmaticae sanctionis* abolitio, in ejus locum pactis Bononiae *concordatis* inter Leonem et Franciscum I. Galliae Regem, suffectis, quibus nominatio ad Praelaturas fuit, certis conditionibus adstricta, Regibus Galliae concessa, et Papis electorum confirmatio data est. Nec tamen hoc privilegium gratis fuit datum Regibus, sed obtinuit Papa, ut *annatae*, ex novo censu, qui vetere major erat, solverentur. Reliqua *pragmaticae sanctionis* capita firma manserunt in regno Gallicano. Aegerrime quidem haec concordata tulerunt Parlamentum, Academia et Clerus, et variae inde ortae sunt oppositiones, sed tandem acquieverunt.

§. DXXXIX. Cum vero sese per *Indulgentiarum* nundationes imprimis celeberrimum praestiterit Leo, indeque ansa reformationis per Lutherum fuerit orta, ea de re paucis est dicendum. Pecunia cum indigeret Papa, praetextu belli Turcici, et structurae Vaticanae, a Julio II. inceptae, perficiendae, sed vere, ut auri sacram expleret famem, debita quoque per Cardinalium electiones contracta solveret (acceperat enim pro electione illorum inmensos thesauros sub restitutionis promisso) denique sororem Magdalenam, aliosque nepotes ditaret, suisque profusionibus, splendori et luxui sufficeret, quae ex historicis satis constant: liberalissimas concessit indulgentias, nullo excepto peccato, quam enormi etiam et absurdo, veluti si quis vel ipsi Mariae,

matri Domini, stuprum intulisset, etiam ad purgatorii poenas tollendas, et finiendas; quas indulgentias quisque per pecuniarum largitiones sibi comparare poterat. Invidiosiores praeterea has nundinationes fecerunt praecones et collectores, quaquaversum ad eas promulgandas missi, per suam impudentiam, pecunias collectas luxui et libidini impendendo. Data fuit haec provincia per Germaniam Alberto, Archiepiscopo et Electori Moguntino, qui eum in finem misit Johannem Tezelium de ordine Praedicatorum et Inquisitorem, cujus formula absolutionis existat apud Seckendorf, hist. Lutheranismi lib. I. in init. In Helvetia hoc munere est functus Samson, Franciscanus Mediolanensis. Qui qualisve motus hinc orti sint, postea in historia Reformationis narrabo.

§. DXL. In Politicis varium se demonstravit Papa, fortunam, non fidem et probitatem, secutus. Partibus Caesaris, Venetorum et Sfortiae Ducis Mediolanensis sese in principio adjunxit contra Gallos, eductis quoque contra eos, Mediolano inhiantes, Helvetiis in Italiam: dein, uno alterove habito praelio, Sfortia capto, et Mediolano in Francisci potestatem redacta, ad Gallos transiit, contracta cum Francisco amicitia, et imperii CPolitani corona scenice ipsi concessa. Multa dein cum contra Carolum V. in gratiam Gallorum esset machinatus, ad Caesarem defecit et foedus cum ipso in has peperit condiciones, ut Parma et Placentia sedi Romanae redderentur, Franciscus Sfortia in ducatu Mediolanensi restitueretur, Galli vero Italia expellerentur. Vitae denique et morum respectu, voluptuarium, lascivum et Papatu indignum sese praebuit, venationibus, aucupiis, luxui, splendidissimis conviviis, musicae et ludis theatricis deditum. Religionem vero ipsi parum curae fuisse, imo minus bene eum de Christianismo sensitse, constat. Petro Bembo, ex. gr., locum Scripturae citanti regessisse fertur, *quid mihi narras istam de Christo fabulam*. Illud tamen ipsi cedit laudi, quod studiorum et Litteratorum fuerit fautor et promotor.

motor. Romanam instauravit Academiam, virosque doctos, undequaque conquistos, in eam transtulit, Santem Vagninum ad Latinam versionem ex Hebraeo fonte adornandam incitavit, eique suppeditavit necessaria. Tandem, inmodico concepto gaudio, quod Galli Mediolano essent ejeti, incidit in febrim, et, sumto potu medicato non sine veneni suspitione, animam efflavit. Ceterum historiam vitae ejus ex Antonii Varillasi arcanis Florentinis summatim enarravit Seckendorf. l. cit.

§. DXLI. Excepit ipsum optimus Paparum, qui forte unquam sequioribus seculis fuit, *Adrianus VI.* Trajectinus Batavus, e paupere et ignobili familia ad supremam hanc dignitatem per gradus evectus varios. Lovaniensi in Academia confectis studiis, et Theologica ornatus laurea, munus Cancellarii in ea nactus est, indeque, Carolo V. educando praefectus a Maximiliano, in publicam venit notitiam. Denique Cardinalis ope Imperatoris creatus a Leone X. ipsi est suffectus; Julii Medicei Cardinalis et Cajetani studiis electus Papa, licet absens, et paucis de facie notus. Vitam degit probam, animo fuit sincerus, et a politicis artibus alienus, totusque Ecclesiae in capite et membris reformandae incubuit. Quod studium suum luculenter, una cum terribili aulae Pontificiae corruptionis et abusu confessione, explicuit in mandatis, quae Francisco Cheregato, ad comitia Norinbergensia misso a. 1522., dedit. Vid. *Fasciculus rer. expetend.*, Wolfius memorab. centur. XVI. et Pallavicinus hist. concilii Tridentin.; qui illam memorabilem Legati instructionem luci exposuerunt. Actum autem illis in Comitibus est de Ecclesiae reformatione, et Lutheranorum ad Ecclesiam reductione, conscriptus quoque est, conciliis finitis, libellus jussu Principum, et ad Papam missus, hujus tituli, *centum gravamina sedis Apostolicae non ferenda Germanis*. Exstat apud Goldastum *Consist. Imperial.* Sed omnes hi conatus in vanum ceciderunt per Adriani mortem, brevi secutam, sive ex renum dolore, quo laboravit,

sive veneno, ad ingentem aulae Pontificae laetitiam, quæ talem Papam ferre non potuit. Praefuit annum tantum et octo menses. Fudit vero nimium consiliariis, parumque propterea praestitit, simul inimicos sibi conciliavit. De quo legi meretur *itinerarium* ejus in Miscell. Baluzii tom. III. quo iter ejus ex Hispania Romam describitur, etiam multa ad vitam ejus pertinentia continentur: memoriam vero ejus luculenter vindicavit, et judicium Palavicini, qui eum *mediocrem* dixit Papam, refutavit Launoius p. IV. ep. VII. Illud addatur, eum fuisse a Nepotismo alienissimum, ita ut haec sola suffecerit ratio, ad munus aliquod non conferendum, unicum etiam per vitam Cardinalem tantum creavit; sed sanctis adscripsit Bennonem Misnensem Episcopum, cujus hoc praecipuum fuit meritum, quod Gregorio VII. contra Henricum IV. adhaeserit.

§. DXLII. Julius Medicæus Leonis X. patruelis, a quo etiam nothus fertur legitimatus, dictus *Clemens VII.*, qui successit, turbulentum admodum gessit pontificatum per dissidium cum Carolo V., et motus Anglicanos causa divortii regis Henrici VIII. cum Catharina, et novarum nuptiarum cum Anna Bolena. De posteriore casu postea in historia Reformationis acturus, prioris brevem dabo conspectum. Bello inter Franciscum I. et Carolum V. exorto, illoque ad Ticinum victo ac capto, Papa, qui a Gallorum partibus stabat, per Caesarianorum in ditiones suas irruptiones et depraedationes adactus, novum quidem cum Carolo pepigit foedus a. 1525., sed Franciscum, duris conditionibus a Carolo dimissum, ab illis praestandis non tantum dehortatus est, et a juramento absolvit, sed et cum Gallis, Anglis, Venetis, Helvetiis et Florentinis foedus iniit contra Caesarianos ad Sfortiam, Mediolanensem Ducem, perduellionis nomine principatu a Caesare exutum, et a Caesarianis obsessum, liberandum ac restituendum, aliaque ad commune bonum perficienda. Quod Papae et Romae pessime cessit. Caesarei enim Ducibus Hugone Moncada, prorege

prorege Neapolitano, et Carolo Borbonio, Romam ipsam expugnarunt, simul saevissime ac barbarice tractarunt, caedibus et rapinis grassati, ne sacris quidem personis et rebus exceptis. Vid. Adami Reisneri, testis oculati, aëta Fronspergica lib. VI. Exstat quoque captae, et dirissime tractatae, Romae adcurata narratio in nova collectione monument. Hofmanni tom. I., quae sine horrore legi nequit. Praebet utique singularis iudicii divini in ipsam sedem papalem specimen, concurrentibus rapinis, caedibus, peste, ac fame. Papa, in arce Aelia arctissime custoditus, et ad incitatus redactus, sese dedere debuit, durissimis sub conditionibus, Philiberto, Principi Arausicano, qui Borbonio, in ipso urbis ingressu tormenti ictu trucidato, successerat Dux exercitus. Captivus autem retentus, donec promissa faceret, mercatoris sumto habitu evasit a. 1527. Cum vero Caesar se Papae excusasset, simulando, se inscio et invito haec accidisse Papae, novo foedere ipse et Papa sociati sunt, eo in primis scopo, ut unitis viribus extirparent Lutheranos: in quam societatem reliqui Principes Pontificii etiam coaluerunt a. 1529. Carolus autem Bononiam profectus, ibi a Papa, incredibili pompa et luxu, accepit coronam Imperialem a. 1530. a quo anni ipsius, qua Imperatoris; duci solent. Quando de concilio indicendo egerunt Caesar et Papa, illo suadente, hoc recusante, concilium: quem rationum conflictum luculenter exposuit Suavis Polanus in hist. concilii Tridentini a. 1529. Cessit quidem tunc Caesar, sed in comitiis Augustanis a. 1531., post confessionem Protestantium, eorumque consilia audita, iterum promisit Synodum, et de pace cum iis usque ad concilium egit, promissa ipsis ad illud usque tempus libertate. Quo Papa denuo irritatus sese ad Franciscum rursus contulit, et foedus cum eo pepigit Massiliae, ubi a Rege ad pedes ejus prostrato dicitur adoratus, firmavitque matrimonio proneptis suae Catharinae Mediceae, famigeratissimae foeminae, cum filio Regis Henrico, unde tres illi Reges, Franciscus II., Carolus IX. et Henricus III.

Tom. VI.

Ffff

nati

nati sunt, per quos Catharina Galliam varie et misere turbavit, propterea dicta, *quarta Francorum furia*. De quo postea suo loco. Celebratae sunt immenso splendore et sumptibus hae fatales nuptiae, et Papa, praeter nummos et gemmas, promisit nomine dotis Genuam, Mediolanum, et Neapolim: a quo tempore Franciscus suorum civium tyrannus et persecutor factus est.

§. DXLIIL. Praestitit sese praeterea perfidum, inter alia etiam in Tigrinos, pro militia et opera stipendia promissa petentes, et repulsam ferentes, eo nomine, quod fidei Catholico-Romanae sese minus studiosos demonstrarent: litteras propterea a Tigrinis ad Papam scriptas recenset Hottingerus l. cit. Sed et ob avaritiam, austeritatem, ac crudelitatem, plurimis fuit odiosus, magnoque cum aulicorum gaudio, exquisitis doloribus diu excruciatum, exspiravit a. 1534. Successorem nactus Alexandrum Farnesium dictum *Paulum III.*, qui usque ad a. 1549. sedit. Laudatur a multis virtutibus, in primis arte dissimulandi, et virtutibus aulicis, a Pontificiis, sed teterrimis depingitur coloribus in libro Italico, qui Ochini nomen praefert, licet alium forte habuerit autorem, quo, ut fide digno, usi sunt Sleidanus et Thuanus. Describitur autem in eo libro, tanquam parricida, veneficus, sacrilegus, incestuosus, stuprator, verbo, impurissimus et improbissimus hominum. Illud inter omnes constat, ipsum familiae ditandae, et extollendae, omnem dedisse operam. Parmam et Placentiam, ex gr., tradidit Petro Aloysio, notho suo, et Sodomiam infami, ex eo vero et filia spuria Constantia natos Alexandrum Farnesium et Guidonem Ascani Sfortiam creavit Cardinales, illum 14, hunc 16 annos natum.

§. DXLIV. Hic ipse tamen ad morum emendationem, ac curiae reformationem, instituit coetum quatuor Cardinalium et quinque Praesulum; qui scripto consilium exhibuerunt a. 1538., quod ad calcem Suavis Polani hist. concilii Tridentini exstat, et alibi, estque haud uno nomine valde
notabile,

notabile, etiam ad corruptum curiae; et urbis, statum cognoscendum. Duo praecipui abusuum notantur fontes, unus, Papas esse omnium beneficiorum Dominos, adeoque jure vendere, nec Simoniam committere posse, alter, voluntatem Paparum, qualiscunque fuerit, unicam esse actionum et operationum eorum regulam. Varii porro recensentur abusus circa ordinationem Clericorum, collationem beneficiorum Ecclesiasticorum, maxime Curatorum, circa expectativas, reservationes beneficiorum, absentiam Clericorum, ab Ecclesiis suis, exemptiones a jurisdictione Ordinarii, circa multitudinem ordinum religiosorum, institutionem publicam in gymnasiis, in quibus impietatem adseritur doceri, in specie reprehenditur, pueros in ludis litterariis legere colloquia Erasmi, quippe multis referta, quae rudes animos informant ad impietatem. De ipsa urbe traditur, meretrices in ea ut matronas incedere, et media die ad sectari nobiles familiares Cardinalium et Clericos. Sed et alia sunt, quae Pontificatum ejus reddiderunt, vel celebrem vel famosum. Praecipuas adhibuit curas in Principibus inter se conciliandis, in specie Caesare et Rege Galliae, iisque ad haereses eradicandas excitandis. Edictum Spirense a Caesare promulgatum a. 1544., et libellum, dictum *Interim*, a. 1548. editum, utrumque, tanquam religioni, et dignitati Papali adversum, reprobavit. Concilium primum Mantuae, dein Tridenti indixit, et celebrari incepit a. 1544., quod dein a. 1549. suspensum est. Henricum VIII. Angliae regem excommunicavit, regno spoliavit, illudque occupantibus tradidit. Denique ordines Jesuitarum et Capucinatorum confirmavit.

§. DXLV. Successor quoque ejus Johannes Maria de Monte, Aretinus, qui, *Julii III.* nomine sancto, sedem tenuit ab a. 1550. ad a. 1555., lasciviae, luxuriosae, et libidinosaе fuit vitae, praeterea levibus ac inanibus verbis et jocis majestatem prostituit Papalem; omnium historicorum consensus; sicut et auctoritas papalis. *hand parum, ipso sedente,*

dente, fuit debilitata. Concilium Tridentinum ab Ipso renovatum, iterum, post paucas sessiones, abruptum est. Bellum enim Parmense inter Imperatorem et Gallum, sicut Gallorum ad Synodum adventum, jussu Regis, intercepit, et ejus contra Synodum produxit protestationem, ita suspensioni Synodi ansam praebeuit, cum Papa partes Caesaris sectaretur. Effectum denique Mauriti, Saxoniae Electoris, armis est, ut celeberrima pax Passaviensis a. 1552. fuerit inita, quae a. 1555. firmata est, qua libertas religionis est Protestantibus concessa. De quo postea. Laetius ipsi quidem accidit, non tantum quod Syri Nestoriani, per Patriarcham ad Papam missum, et litteras a Masio editas, subjectionem sedi Papali professi fuerint, sed in primis, quod post Eduardi VI. mortem Maria, facta Regina, ferro et igni in Reformatos saevierit, Philippo quoque II., Hispaniae Regi, nuperit: qua occasione monetam cudi fecit Papam, cum imagine *tricornifera*, et inscriptione, *gens et regnum, quod non servierit tibi, peribit*: verum haud diu illud duravit, cum Mariae conjugium fuerit sterile, et ipsa, brevi post defuncta a. 1558., locum cesserit Elisabethae, quae Papatui in perpetuum finem inposuit in Anglia: ut suo loco narrabo.

§. DXLVI. Misso Marcello II., paucorum dierum Pontificē, ad Ecclesiam reformandam prono, cujus hoc memorabile dictum memorat Onuphrius, *non video, quemodo qui totum hunc altissimum tenent possint salvari*; ad successorem ejus, Paulum IV., antea Johannem Petrum Caraffam, accedo, Papalis omnipotentiae, ut loqui amant, verum statorem, et tyrannum Ecclesiasticum: quo nomine Pontificatum secum reddidit celeberrimum dicam, an infamem. Cum Henrico, Galliae Rege, foedus contra Carolum V. iniit, et bellum cum Philippo, Hispaniae Rege, per Gallos gessit, qui Ducem Guisum in Italiam miserant. Erat enim a Caesarea domo alienissimus, ob suas et familiae Carafae injurias, a Caesare et Caesarianis illatas. Philippo itaque Siciliae

et Neapolis regna, beneficiario titulo sedi Romanae obnoxia, concedere noluit, unde funestum est ortum bellum. Ferdinandum, cui Carolus regnum Germaniae et Imperium voluntaria abdicatione tradiderat, admittere recusavit, nisi ante cessione fratris, licet ab Electoribus adprobatae, renunciaret, et rem suo arbitrio permetteret, contendens, sine sua id confici non potuisse autoritate, cum sibi, ut vicario Christi, claves coelestis et terreni imperii sint creditae. Crimini vero Ferdinando in primis vertebat, quod, sede Romana non consultata, negotia religionis tractasset in Comitibus, pacem Passaviensem indulgisset, utriusque speciei in Eucharistia usum permisisset Austriis, denique filium Maximilianum inter haereticos educasset.

§. DXLVII. In Ecclesiasticis sese 1. a Tridentino concilio, utpote universali, sua sede inferiore, demonstravit 2. Bulla a. 1558. publicata contra haereticos, superiorum Paparum contra eos decreta non tantum renovavit, sed et quoscunque Principes et Reges eo nomine declaravit regnis et imperiis privatos, ac ad ea inhabiles. 3. Romae erexit tribunal Inquisitionis, et moribundus illud officium, tanquam *sanctissimum, et unicum Apostolicae sedis firmamentum*, commendavit, teste Onuphrio, cui concinit Polanus hist. concil. Tridenti l. V., tradens, eum hoc officium dixisse *praecipuum nervum et arcum Pontificatus*, nec non *arietem* in haeresi oppugnanda, et Apostolica sede propugnanda. Quae Papalis declaratio, sicut vera est, ita Antichristianae societati unice congrua. 4. Indicem librorum prohibitorum ab inquisitoribus confici iussit; qui a. 1559. prodiiit. 5. Denique novos Episcopatus, fidei Catholicae propagandae ergo, instituit, cum in Orientali India, sub sede Goana, in Archiepiscopalem erecta, tum in Belgio, tribus Ecclesiis in Metropoles conversis, Cameracensi, Mechliniensi, et Trajectensi. Duras 6 denique leges contra Judaeos, in ditionibus Ecclesiae degentes, tulit, quibus, inter alia, mercaturae exercitio interdixit, et omni qualicunque com-

Ffff 2

mercio

mercio cum Christianis. Hic ipse tamen Papa constitutiones quasdam ad mores reformandos sancivit, simul Papas errare posse confessus est; ut ex Johanne Hayo adnotavit Natalis Alexander. Ex dictis facile patet, populum Romanum ansam potuisse adripere, in ejus memoriam, post mortem, facienda, sicut fecisse narrant historici. Impetum enim fecit in carcerem Inquisitionis, fores effregit, et captivos liberavit: dein ad Capitolium mox convolvit, et Papae simulacro nasum abscidit et brachium, dein edictum promulgavit, ut unusquisque stemmata tyrannicae familiae Carasensis, quae penes se erant, deiceret. etc.

§. DXLVIII. Johannes Angelus Medicæus, dictus Pius IV., successor ejus ab a. 1560. ad a. 1565., libidine, avaritia, et ambitione, ei quidem non cessit, sed in Pontificatus exercicio ei per omnia se demonstravit contrarium. Obstat Ferdinando coronam Imperialem, quam Paulus ei negaverat, sed sprevit Imperator, se non indigere Papali coronatione diffidens, ad exemplum Henrici Aucupis, et Radolphi Habsburgici. Johannem Morenam Cardinalem, et Thomam Stanfelcium, Episcopum Cavaensem, in carcerem a Paulo conjectos, absolvit, post causam discussam. Servavit etiam in Caras, Pauli nepotes; sed quorum causa a Pio V. est retractata, ac justificata. Odetum Cardinalem, et sex alios Praelatos Gallicanos, ad Inquisitoris relationem, deponere adgressus, per Regem Galliae impeditus est; sicut et cum idem in Reginam Navarrae tentaret. Denique Patrum ejus cum maxime celebravit Synodus Tridentina, sub ipso resumta et absoluta. De quo postea.

§. DXLIX. Pius V., antea Michael Gisslerius, Insaber, vel Lombardus, qui ipsi ab a. 1566. ad a. 1572. successit, Papa creatus, dixisse fertur, *se religiosum solus bene sperasse de salute sua, Cardinalem factum coepisse timere, Papam factum bene de eo desperare*: vitam quidem duxit honestam, et, secundum fidei Catholicae placita, piam, sanctis quoque a Clemente X. adscriptus, sed praestitit fidei Ecclesiae et solis
suae

suae insignem statorem, et haereticorum, ac Protestantium, acerrimum persecutorem. Ex Tridentinis decretis confici jussit Catechismum, titulo catechismi *Romani* insignitum. Confirmavit etiam *breviarium missale*, et *officium Mariae*, secundum concilli emendationem. Nonnullos, qui inquisitionem adpellaverant *ficam in Litteratos districtam*, ad rogum damnavit, teste Thuano lib. XXXIX., inter quos fuit Aonius Palearius, vir probus et eruditus: cujus vita praefixa est editioni Operum ejus Amstelod. a. 1696., ubi impius Pius vivis depingitur coloribus. Vid. etiam Schelhorn. Amoen. litter. tom. I. Maximilianum II., qui Protestantibus volebat libertatem dare, deterrere conatus est, inperiose dictitans, *se id nullo modo permissurum, nec ullius Principis secularis esse, sibi ejusmodi potestatem arrogare*. Parum tamen effecit. In Elizabetham, Angliae Reginam, exauktionationis sententiam tulit, et subditos a juramento fidelitatis absolvit. Famofam illam bullam, in *coena Domini* dictam, quia singulis annis die Jovis sancto in coena Domini praelegitur Romae, vulgavit contra haereticos non tantum, sed et omnes Papalem omnipotentiam non agnoscentes, eamque ubique et semper obtinere voluit. Quae bulla graves naeta est, inter ipsos quoque Catholico Romanos, contestationes, et oppositiones. De quo legi meretur Giannone hist. Neapolit. c. XXXIII. Carolus cum in Gallia statuisset, ut Nobilibus in arcibus et saedibus suis, populo vero in Templis suburbanis, sacra libere agere integrum esset, Papa per Guisios omnia caedibus replevit; Regem dein in Protestantem incitatum adjuvit contra Ludovicum Condacum. Praeterea foedus sacrum, *ligae sanctae* nomine notum, inter Philippum Hispaniae regem, et Carolum IX., Galliae Regem, de religione Tridentina adferenda, peperit, unde horribilis illa tragoedia per Belgium nata est. Furor denique eousque processit, ut Carolus, Infans Hispaniae, quia Belgis videbatur favere, in carcerem a Patre conjectus, et veneno extinctus sit, cui fato etiam eandem ob causam succu-

buit Isabella Regina, Philippi conjux: ob quae facinora auream rosam cum gladio Regi misit Papa. Postremo, ne alia memorem, cum Cosmum Mediceum, ob praeclara gesta in sedem Papalem, creasset magnum Etruriae Ducem, et regali corona honorasset, expostulationem Caesaris hac super re his verbis, arrogantiae plenis, repulit: *quo jure Imperatores vel sunt vel dicuntur, nisi auctoritate Apostolicae sedis?*

§. DL. Pontificatum Gregorii XIII., antea Hugonis Boncompagni, Bononiensis, qui sedem tenuit ab a. 1572. ad 1585., mirum in modum foedavit horribilis illa *laniena* Patiensis, quae papatum ejus initiavit, quam incredibili gaudio accepit, Deo actis gratiis, Jubilaeo promulgato, Rege laudato, aliisque laetitiae signis. Quo ipso se genuinum probavit Antichristum. Jesuitis etiam impense favit, et in eorum gratiam collegium Romae erexit, et dotavit. Praeterea Hiberniam conatus est subtrahere Elisabetae, et indulgentias promisit Belgarum oppugnatoribus. Emendatio Gratiani, et totius juris Canonici, sub Piis IV. et V. coepit, sub ipso, et ejus jussu, absoluta est et publicata; nihil etiam non egit ad religionem Catholicam per missionarios propagandam per Indos, Iaponnenses, aliasque terras remotas. Ipsi denique accepta ferenda est Kalendarii emendatio, opera Aloysii, insignis mathematici, repugnantibus Protestantibus, qui tale quid a Papa proficisci aegre ferebant, ad id etiam, satis temere, adplicantes Dan. VII: 25. Papa Kalendarium suum in Germaniam adgressus est introducere per Rudolphum II. Imperatorem, a. 1582., qui illud quoque decreto facto jussit. Cui Saxo, alique Principes Protestantes, se opposuerunt, libertati suae praejudicium creari contententes, maxime, quia opus illud a Papa originem habebat, et urgebatur: unde etiam motus Augustae et Rigae orti sunt, quos Godfr. Arnold. in Hist. Eccles. enarrat.

§. DLI. Eandem viam tenuit ejus successor Sixtus V., antea Cardinalis Montaltus, e pauperrima conditione, varios per gradus et artes ad supremam hanc dignitatem eve-

tus,

tus, Condeum Principem, et Henricum, Navarrae Regem; tanquam haereticos, exautoravit, subditosque ab obsequii vinculo exsolvit, bulla edita a. 1585. Quod brutum fulmen non tantum flocci fecerunt, sed Navarrus, programme ad Marforii et Pasquilli statuas, aliisque in locis publicis, Romae adfixo, declaravit, se Papam pro mendace, haeretico, sectario, Antichristo, habere, donec sibi inputata probaverit, seque porro ad liberum provocare concilium. Scripsit etiam, praeter alios, in hanc bullam Hottomannus librum, *brutum fulmen* dictum. Deinde cum Henricus III. fratres Guisios, Ducem et Cardinalem, Regis vitae imminentes, occidi jussisset a. 1588., Cardinalem quoque Borbonium, et Episcopum Lugdunensem, detineret captivos, Papa, vehemente ira accensus, monitorio emissio diplomate a. 1589, idem ei minatus est fulmen, ni captivos dimitteret, et diem dixit Regi, quo se Romae coram Papae tribunali sistat, de gestis rationem redditurus, simul addit, Regem a nemine nisi a Papa posse absolvi, ne quidem in articulo mortis. Quae omnia spreta sunt in Gallia, tanquam Majestati contraria, et injuriosa, cum Regi suo jus in subditos perduelles, et majestatis reos, competat, licet Episcopos, vel Cardinales. Rege dein, armis cum Navarro, ad rebelles subditos in ordinem redigendos, et pacem Galliae reddendam, junctis, in obsidione Lutetiae, a Clemente aliquo monacho cultro venenato ancipite occiso, Papa inmane hoc facinus inpenso laudavit, oratione etiam, secundum Thuanum, habita in consistorio, quam tamen alii fictam putant, uti Servinus, advocatus Regius, in Senatu Parisiensi, in *vindictis Regis*, a. 1592. scriptis, apud Goldastum tom. III. *Monarchiae*, observat. Tandem, animo in Navarrum, Galliarum Regem factum, mutato, ejus amicitiam coepit Papa ambire, ipsius etiam Elisabethae, Anglorum reginae, ut Hispanorum potentiae, in Italia ingravescenti, obicem poneret, testatus quoque in Henrico et Elisabetha se mirari virtutem ~~invenit~~: quam ob causam *Navarristae* nomen ipsi est

ab Hispanicae factionis Jesuitis impostum. Revocasset etiam fulminationes in Henricum, velite Thoma, si mors impetrasset. Quae ipsi est accelerata, ocio Hispanorum, a Franciscano, ipsi aequae ac Henrico III. iusta. Lud adatur, versionem Vulgatam, in concilio Tridentino authenticam declaratam, postquam fuisset emendata, iusta et cura Sixti correctam, et ita publicatam, fuisse, tanquam authenticam, et Apostolica auctoritate confirmatam. Quam ipsam editionem Sixtinam Clemens VIII. postea interpolavit, additis dentis, saepe contra Sixtinam. De quo vid. Thomas Jamesus in bello Papali. Alia Papae acta ad mores corrigendos, aerarium supplendum, etc. silentio transeo.

§. DLII. Odium in Henricum IV., qui Protestantibus favere videbatur, resumit Gregorius XIV., qui post Urbanum VII., brevissimi temporis Papam, sedem Papalem accepit. Partes enim Pontificiorum Regi rebellium in Gallia, nullo exercitu cum Duce Sfondrato, nepote suo, strenue firmavit, et fulmen in Henricum, ejusque adfectas, vibravit, quo Regem exauctoravit, omneque obsequium ipsi praebendum interdixit subditis sub gravi poena. Quae monitoria per Landrianum legatum in Galliam missa, variis Senatusconsultis, sunt rejecta, tanquam *nulla, abusiva, seditiosa, impietatis plena, sanctis decretis, juribus, et libertatibus Ecclesiae Gallicanae contraria*, praeterea a carnifice lacerata, et combusta in locis publicis: prohibitum denique, ne quis Gallorum aurum aut argentum mittat Romam: imo Legatus Papae jubetur comprehendendus, et carceri mancipandus, ipse Papa Ecclesiae Catholicae, Regis, et regni, hostis declaratur, rebellium fautor, inmanis quoque parricidii Henrici III. reus. Ipsi denique Praefules Gallicani monitoria illa papalia pronunciarunt *nulla, injusta*, et hostium Franciae suggestionem facta. Tantum Senatus Parisiensis, qui, foederatis contra Henricum addictus erat, adprobavit Papae gesta. Hoc in statu rem reliquit Gregorius, a. 1591. mortuus. De Clemente VIII., qui post Innocentium IX.,
brevissim

brevissimi temporis Papam, sedem conscendit, et aliis, ad seculum sequens agendum est.

§. DLIII. Historia Paparum summam, convenienter instituto nostro, tradita, clare evincit, Papas passim fuisse pessimae vitae, et curiam Papalem corruptissimam, reformatione a Papis quidem simulata, sed semper elusa, de quo vid. etiam Thuanus, in appendice *anatomes concilii Tridentini* Heideggeri, et Hottingerus hist. Eccles. Praeterea, Papas sese severos praestitisse Dominos et Tyrannos, qui supremam sibi in sacris et civilibus adrogarunt potestatem. Nec defuerunt adulescentes, pessimum hominum genus, qui nefanda in Paparum laudes effutierunt. In concilio Lateranense, ex. gr., sub Leone X. Antonius Puccius, in oratione ibi habita, Psalm. LXXII. verba, *omnes Reges terrae adorabunt eum, et servient ei*, ad Papam adplicuit, addens, *omnes Reges terrae sciunt, quatenus potestas Tibi data sit in coelo et terra*. Archiepiscopus quoque Stephanus dixit, *omnis potestas tibi data est, qui omne dicit, nihil excipit*. Quid? quod Leo isto in concilio adpelletur, *Leo de tribu Juda, radix Davidis, salvator et liberator Israelis*. Tetzeli blasphemias voces postea proferam. Vid. Seckendorf. hist. Lutheran. ex Myconio lib. I. Legatus Pauli III. ad Carolum V. diserte dixit in oratione ad Caesarem, *privilegium non errandi solius Pontificis personae esse concessum, his Christi verbis, ego rogavi pro te, Petre?* Vid. Suavis Polanus hist. concil. Tridentini lib. I. Actum etiam est in Synodo sub Julio de potestate Papae, qua unicus capituli, et jure omnia officia dispensandi, Legato eam potestatem urgente, sed contradicentibus Caesarianis. Vid. Epist. Vargae. Disputatum quoque est in concilio Tridentino inter Gallicanos et Ultramontanos de autoritate Pontificis, sitne Ecclesia universalis superior an inferior? Canon erat in concilio propositus sessione XXXIII., Papis fuisse a Christo traditam plenam potestatem pascendi, regendi, et gubernandi Ecclesiam Universalem; cui sese opposuerunt Gallicani, contententes, Ecclesiam

Ecclesiam universalem, vel Concilium Generale, esse supra Papam. Unde variae concertationes ortae effecerunt, ut circa de auctoritate Pontificis fuerit suppressus, nihilque de ea desinisset. Manserunt itaque sententiae divisae. Renovata quidem fuerat in concilio Lateranensi sub Leone X. confirmatis Ecclesiae VIII. aiam *juribus* etc., qua Pontificis suprema auctoritas inter fidei articulos est relicta, sed ipsi Pontifici Principes et multis modis contraxerunt, eamque infringunt. Inimota itaque hoc etiam saeculo haud parum est Paparum potestas, cum per opiniones communiores factas de Episcoporum omnium divina missione, et Synodorum Universalium suprema auctoritate, tum de potestate seculari Principum, qui Papae auctoritatem in rerum suarum administratione salsque deque habuerunt. Maximilianus quoque Caesar publice declaravit, ut Guiccardinus Lib. VII. refert, *Caesarem coronam petere, pompa magis quam re contentum, cum Caesaris dignitas, ac auctoritas, prorsus ex voluntate Principum Germaniae pendere.* Interea nata est auctoritas Papalis hoc saeculo immobilia fulcra in Jesuitis et Capucinis, quibus stat innotata. Jesuitae in primis potestatem Papalem faciunt summam, absolutam, et infallibilem, cum reliqui Catholico-Romani plurimi eam restringant, relate ad Episcopos, Synodos universales, et infallibilitatem, nec non civilem potestatem supremam. De quo ad sec. praecedens distinctius exposui.

SYNODUS TRIDENTINA.

§. DLIV. Petenda est Synodi historia ex *Paulo Sarpio*, Veneto, alias, nomine per anagrammatismum mutato, *Petro Suavi Polano*, et *Pallavicino* Cardinali. Qui duo historiam concilii diverso quidem scopo et animo conscripserunt, sed in factis satis conveniunt. Sarpius fuit a curia Papali alienior, imo apud multos Pontificios pro occulto reformato habetur; de quo vid. *Bossuetus hist. Variat.* l. VII.; *Pallavicinus*

Pallavicinus vero ingens Paparum adulator. Conferenda cum his sunt Epistolae Francisci Vargae et Malvendae, Mich. Vassorio editae. Ex recentioribus praecipue consulti sunt Dupinius, Catholico-Romanus, de scriptor. Eccles., et in peculiari tractatu, et Heideggerus, Reformatus, in *anatomy* concilii Tridentini *historico-Theologica*. Nobis summa perstrinxisse capita suffecerit. Cum Lutheranismus magis magisque invalesceret, omnia etiam media, sive comitia et colloquia, sive edicta et Bullae, caruissent effectu, abusus interea Ecclesiae Pontificiae indies fierent clariores et manifestiores, communi tandem voce desideratum est concilium, licet diversa intentione, a Caesare, Antistitibus Germaniae, ipsis quoque Protestantibus. Curia autem Romana quidem ab eo non abhorrebat, modo autoritas Papalis nihil detrimenti pateretur, et omnia ad nutum ejus dirigerentur. Sed varia concurrebant, ut Constantiensis et Basileensis Synodi, perturbatus Ecclesiae, et orbis Christiani status, denique abusus in omnium oculos incurrentes, quae metum injiciebant haud vanum, fore, ut sedi Papali aliquid vulneris infligeretur. Quare diu tergiversati sunt Papae, maxime cum animadverterent, ejusmodi a Caesare petiti concilium, quod, Protestantibus aliquid concedendo, viam sterneret ad unionem. Clemens vero VII. proteum hac in re egit, nunc pronam ostentando voluntatem ad Synodum habendam, nunc loca proponendo, quae omnibus partibus non placitura praevidebat, nunc dissuadendo rursus; sicut in colloquio Bononiense cum Carolo V. fecit, a. 1529., cujus dissuasionis rationes exhibet Polanus; haurienda vero colloquii notitia est ex tomo V. *declamationum* Melanchthonis. Denique sub finem vitae a. 1533., scriptis ad Franciscum I. litteris, se concilii convocationem in animo habere declaravit. Eo vero mortuo, rem serio adgressus est Paulus III. cum concilium amplius vitari non posse cerneret, simul metueret, ne Principes, sine suo consensu, res Ecclesiasticas tractare pergerent; quod ex ipsa Papae bulla

haud obscure elucescit. Venit itaque eo Papa, non sponte, sed coactus. Indixit Synodum Mantuae, cui cum se Fredericus, Dux Mantuae, opponeret, saltem ut praetendit Papa, Vicentiam elegit locum Synodi a. 1537. Nonnulla ad historiam horum conciliorum pertinentia reperiuntur in Biblioth. Bremensi class. VIII., ubi etiam class. V. exstant litterae Angliae Regis, et Parlamenti, de hoc Papae proposito, quibus illud acerbè perstringitur. Denique, cum novae emergerent difficultates, Synodum tandem indixit *Tridenti* a. 1542., edito diplomate, quo sequentes Synodi celebrandae recenset causas, 1. fidei firmationem 2. morum reformationem 3. Principum, et populorum, Christianorum unionem, et barbarorum ac infidelium propulsationem. Pontificiis quidem illud fuit ad palatum, sed non Protestantibus, qui liberum volebant concilium, nec a Papa coactum, nec in urbe ei subiecta. Dilata nihilominus est Synodus, propter varia obstacula, usque ad a. 1545., quo die 13^{to} Decembr. prima fuit habita sessio. Sed nec sine interruptione, nec uno eodemque in loco, continuavit.

§. DLV. Coepit *Tridenti*, quae Rhaetiae est urbs, sub clientela Imperatoris, tanquam Comitis Tiroli, Episcopus vero immediate subest Papae, et octo primae sessiones habitae sunt, quando a. 1547. inde, ob morbum contagiosum, ut praetendebatur, verius ut Papae, ejusque directioni, melius consuleretur, translata est, autoritate Papae per Legatos, consensu plurimorum Synodi suffragiorum, *Bononiam*, ubi tres fuerunt sessiones, in quibus nihil fere actum est, quia nec Caesari, nec Hispanis Episcopis, placuit translatio. Oratores quoque Caesaris contra eam protestati sunt, et Episcopi illi manserunt *Tridenti*. Quo Paulus motus suspendit concilium, et Tridentinos aequè ac Bononienses *Ram* evocavit, ad Ecclesiae disciplinam ordinandam. Quo in statu res mansit ad obitum Pauli III. usque. Julius III., successor ejus, ut Caesari satisfaceret, et juramentum, quod recens electus fecerat, praestaret, revocavit *Tridentum*, diplomate

plomate a. 1550. publicato: noluit tamen, licet instaret Caesar, *continuationis* voce uti, ne legitimae translationi aliquid crearetur praejudicii; quare verba *resumere* et *prosequi* adhibuit, ita tamen, ut superioris Synodi decretis robur suum constaret, et ejusdem concilii continuatio, non novi indictio, intelligeretur. Resumpta itaque Synodo Tridentina a. 1551. quinque sessiones sunt habitae, XII—XVI., quando rursus est suspensa, secundum plurima suffragia a. 1552., ob belli tempestatem. Rationes pro suspensione, et contra eam, exhibet Vargas in epistolis, qui scopum et artificia Papae quoque exposuit. Processit autem suspensio ob bellum Mauritianum. Decreta quidem ea erat, ad *biennium* tantum, sed ob Principum Christianorum discordias duravit per *decennium*, quando Pius IV. Synodum revocavit Tridentum, diplomate dato a. 1560. Qua ratione redintegrata est a. 1562., et novem ultimae sessiones habitae sunt, totumque concilium, viginti quinque sessiones complexum, est absolutum a. 1563. Ceterum historiam ejus sub Julio illustrant litterae Vargae, et Malvendae, sub Pio vero Thuanus enarravit; quae narratio in pluribus ejus editionibus desideratur, sed ad calcem Heideggeri in *anatomy*, supra memorata, exstat.

§. DLVI. Quod ad *membra et modum* agendi adinet; tres praefederunt Cardinales, et Papae Legati, tempore Pauli III., Johannes Maria de Monte, postea Julius III. Papa, qui totum direxit negotium, Marcellus Cervinus, postea Marcellus II. Papa, et Reginaldus Polus. Sub Julio III. Praefides fuerunt Marcellus Crescentius, legatus Apostolicus, et inperiosus Synodi dominator, et Aloysius Lippomannus, Veronensis Archiepiscopus. Denique sub Pio IV. praesidium tenuit Hercules Gonzaga, Cardinalis Mantuanus, eoque mortuo Johannes Moronus, Cardinalis, cum quinque aliis Apostolicis de latere legatis. Johannnis Moroni vitam, et Lutheranismi suspicionem, quam incurrit, ac capita accusationum exhibet Schelhorn. amoenit. Litterar. tom. XII.

Reliqua membra fuerunt in principio parvo numero, non supra 25 Episcopos, dein magno, Regum et Principum oratores, Archiepiscopi, Episcopi, Abbates, et religiosorum Ordinum Praefecti. Ex Praelatis vero soli Itali adfuerunt 187, cum reliquae nationes unum, duos, tres, ad summum, ut Hispania, 31, habuerint praesentes. Gallicani denique Episcopi Synodo sub Julio non interfuerunt, Rege prohibente causa belli, quod cum Carolo V. et Julio confederatis gerebat: sed sub Pio adfuerunt, quando superiora decreta sunt confirmata omnia. Nulli ex Protestantibus, licet dicis causa fuerint a Pio invitati, comparuerunt, quippe qui, Synodum non fore liberam, sed Papae spiritum in ea dominaturum esse, facile praeviderunt. Nec Papa, ejusque adfectorum, eorum praesentiam sincere voluerunt, veriti ne nimis libere loquerentur: quare salvum conductum, qualem petierunt Protestantes, dare recusarunt. Tandem tamen admissi sunt legati eorum et auditi a. 1552. Vid. epistolae Vargaë. Ceterum, quod non erat negligendum, Episcopi fuerunt longe maximam partem vel inperiti, vel pensiones a Papa habebant; de centum vix viginti in Theologicis versati erant. Doctores Germani quidem peritiores erant, sed orationibus et disputationibus tempus adeo triverunt, ut reliqua praecipitanter fuerint acta: Theologi ad canones formandos, aut doctrinam definiendam, nunquam fuerunt vocati. Episcopi dixerunt *placet*, licet quid propositum fuerit saepe ignorarint. Quae ex Epistolis Vargaë satis constant.

§. DLVII. Synodus in ternos coetus particulares, ut de modo, et *processu*, adcuratius exponam, distributa fuit, in trium Legatorum aedibus habendos, in quibus res decernendae primum proponebantur, et discutiebantur, et canones praeformabantur, quando in generali Patrum universorum congregatione revidebantur, et concludebantur. Quo facto, in publicis et solennibus sessionibus, magna cum confirmabantur singulorum suffragiis; ut omnium consensus

consensus ad externam speciem adpareret. Episcopi autem ad singulares illos coetus electi sunt, qui Legatis maxime erant devoti, mox ipsi Legati una conveniebant et delibabant. Instituti autem sunt coetus illi, ut Synodum secundum sua placita facilius dirigere possent Legati, turbae praeveniantur, et ne quis eloquentia sua praevaleret, ac animos divideret. Duplex porro fuit in initio disceptatio et concertatio, una de titulo Synodi, altera, num a dogmatum definitione, an morum reformatione, auspicia essent sumenda. Titulo in principio proposito, *Sacro-Sancta Synodus*, Episcopi addendum esse urserunt, *universalem repraesentans Ecclesiam*, a quo Legati, et quotquot Papae erant devoti, abhorruerunt, quod Synodus ea ratione videretur Papis praeferri. Res eo tandem est adducta, ut per singulas sessiones scriberetur in actis: *Sacro sancta oecumenica et generalis Tridentina Synodus, in Spiritu S. legitime congregata, praesidentibus in ea Apostolicae sedis Legatis* etc. Quod ad posterius adtinet, Legati, et qui illis adhaerebant, prius de fide, dein, decretis illis absolutis, de moribus esse agendum, contenderunt, hoc scilicet scopo, ut morum reformatio eluderetur; sed a moribus esse ordiendum voluerunt Episcopi Caesaris, ut haereticis, in abusus maxime declamantibus, os occluderetur. Quenam vero reformanda censuerint Germani Catholico-Romani, et Ferdinandi Caesaris Oratores, exhibet Schelhorn amoenit. hist. Eccles. tom. I. Conclusum denique est, ut fidei et reformationis tractatio conjungeretur. In quo Papa, qui Legatis dederat in mandatis, ut res fidei praecederet, tandem coactus est acquiescere. Hoc itaque ordine singulae materiae pertractatae sunt.

§. DLVIII. In specie adverti velim, omnia in Synodo fuisse ad nutum, et secundum arbitrium Papae, peracta per Legatos, qui duplicis generis instructiones habebant, alteras publicas, quas concilio ostendere poterant, alteras arcanas, quas sibi reservabant. Unde facile elucescit, litteras in Vaticana Bibliotheca adservatas, et a Pallavicino pro-

deitas, esse suspensissimas, cum, eas comprehendere publicas instructiones, sit probabile. Praeterquam quod Italorum fuerit immensa multitudo, et continuae fuerint ad Synodum missae instructiones Papales 1. Legati sibi adrogarunt potestatem decidenti pro arbitrio, subinde etiam contra maiora vota, saepe etiam oblocutionibus, blanditiis, aliisque artibus, votorum libertatem impediendi. 2. Suffragiorum tempus prolongarunt, vel contraxerunt, nonnunquam ad ultimas horas protraxerunt, ut brevitate temporis dissentientes vel exclusi fuerint, vel confusi. 3. Rerum quoque proponendarum arbitrium ad se traxerunt, suffragii praerogativa gavisi sunt, ipsis quoque autoribus omnia sunt decreta. Quare haec formula fuit usitata, *proponentibus Legatis*. Unde populare natum est cictorium, *Spiritus S. Roma Tridentum in maxica deferri*. 4. Accedit occulta Julii cum Carolo V. pactio, qua Caesar promisit, se curaturum, ne reformatio ultra Papae voluntatem urgeatur, teste Varga l. cit. p. 76. Caesarem sese ad placita Papae adcommodasse, haud obscure ex epistola, quae ibid. p. 197. occurrit, elucescit. 5. Denique ministri, Secretarius et Notarii, fuerunt e domesticis et familiaribus Legatorum electi, qui nihil in acta retulerunt, nisi quae Dominis suis placere noverant; teste Varga l. cit. p. 78. Quae omnia ex citatis epistolis facile constant.

§. DLIX. Religio, fides, et disciplina Pontificia, ut sese adhuc habet, cum hic fuerit definita, et sub anathemate sancita, in specie contra Protestantes, quorum dogmata hic damnata sunt, eaque omnia ex institutionibus Theologicis satis nota sint, de *actis* et *decretis* Synodi non est quod pluribus agam; quare sessiones, et earum decreta, recensuisse suffecerit, cum religionis, et fidei, tum reformationis respectu. Sessione IVta doctrina Catholico-Romana de Scriptura et traditionibus, aequali pietatis ac reverentiae adfectu recipiendis, de versione Vulgata sola authentica, de Scriptura Patrum, ac Ecclesiae, consensui convenienter interpretanda, fuit definita. Sessione Vta ejus Ecclesiae doctrina

trina de peccato originali, et baptismo illud tollente, est fancita, absque ut de natura istius peccati, de modo propagationis, aut immaculata conceptione Mariae, canon sit cuius: quaestionibus illis prudenter in medio relictis. Sessio VI. fidem de justificatione, et certitudine gratiae ac salutis, determinavit, rejectis opinionibus contrariis. VII. comprehendit doctrinam de baptismo et confirmatione, et VIII. de eucharistia. XIV. de poenitentia et extrema unctione, dein XXI. de communione sub una vel utraque specie, ac parvulorum, et XXII. de Missa, qua in sessione articulus de calice nonnullis in casibus concedendo Laicis, et non administrantibus sacerdotibus, nec ne, iudicio Papae est reservatus. Sessio XXIII. Sacramentum Ordinis definivit, sed de Romani Pontificis autoritate nihil est statutum. Sessio XXIV. agit de matrimonio, et XXV. de purgatorio, invocatione, veneratione, et reliquiis sanctorum, de sacris imaginibus, ut et indulgentiis. Confirmatae quoque sunt consuetudines, ac sanctiones Ecclesiae de ciborum delectu, jejuniis, et festis: de indice librorum prohibitorum, de catechismo, breviario, et missali, formatum quoque est decretum.

§. DLX. Praeter haec dogmatica et religiosa condita sunt nonnulla, speciem reformationis praeferebant, sed cum hac clausula, *ut in his salva semper autoritas sedis Apostolicae et sit, et esse intelligatur*. Sunt autem praecipua decreta, de lectione Scripturae in Ecclesiis, de concionibus habendis ab Episcopis, vel viris idoneis vice eorum, si legitime sint praepediti; de Praelatorum et Clericorum residentia et mansionibus, de pluralitate beneficiorum, jurisdictione Episcoporum, et adpellationibus, aliisque similibus rebus, ad disciplinam spectantibus. De morum emendatione nihil est conclusum. Declamarunt quidem nonnulli in aulae Romanae et cleri corruptionem, sed sine effectu. Inter alios, quod notatu dignum est, Nicolaus Psalminus, cujus vitam nuper dedit Hugo in *S. antiquitatis monumentis* tom. I. in praefatione,

nione, ubi ejus medullam votorum concilii Tridentini recenset. Episcopus Verdunensis, cum in aulam Romanam libere invehetur, Sebastianus Vanzius, Urbevetanus Antistes, ad proximos conversus, dixit, *nimum cantas is Gallus*; quo audito, Petrus Danesius, Episcopus Vaviensis, regeffit opportune et acute, *utinam ad hujus galli cantum excitaretur Petrus, et fleret amare*. Quod praeter Thuanum in appendice *anatomes* Heideggeri, ipse refert Pallavicinus. Molimina denique Synodi in jura Imperatorum et Regum retardarunt Ferdinandus Imperator, et Carolus IX. Rex Galliarum: quare articuli de reformatione Principum, licet propositi, nec admissi nec decreti sunt.

§. DLXI. Haec est famigeratissima Synodus Tridentina, a Pio IV., edito diplomate, *Benedictus Deus*, a. 1564., confirmata, a Catholico-Romanis pro *universali* habita; ac promulgata in Germaniae regionibus, et provinciis Austriacis, in Hispania, Sicilia, reliquisque Catholici Regis ditionibus, in Lusitania, Polonia, Venetiis, et primariis regnorum Catholicorum Ecclesiis, absque tamen, ut regiminis et disciplinae respectu fuerit ab omnibus recepta; fuit enim in plurimis regionibus seposita: ut fuse deduxit Giannone hist. Neapolit. l. XXXIII. In Regno Gallicano, etsi Clerus ibi saepe supplicaverit Regi, ut Synodus admitteretur, et promulgaretur, imo, se eam recipere, salvis Ecclesiae Gallicanae libertatibus, professus sit a. 1615., nondum tamen publice adoptata est. Cujus rei impedimentum non est situm in fide, sed articulis regiminis et disciplinae, libertatibus et juribus Gallicanis adversis. Vid. *Apologia Catholica* etc. in *amoenit. hist. Eccles.* Schelhorni tom. I., ubi praecipua exhibentur capita, Regno Galliae minus consona. Ceterum haec Synodus, sicut religionem Pontificiam, et autoritatem Papalem, firmam reddidit et inconcussam in posterum, quod infelix est omnium ejusmodi Synodorum fatum, ita invincibile praebuit reformationi obstaculum, et Ecclesias reformatas a Catholico-Romana separavit in perpetuum.

§. DLXII

§. DLXII. Protestantes vero concilium negarunt esse legitimum, et jam hoc ipso tempore gravissimas publicarunt rationes, quare coram eo comparere, et se ei subicere, non possint; quae omnem merentur animadversionem, licet multae in omnes ejusmodi Synodos arietent. Legenda sunt *opposita gravamina* Electorum, Principum, et Ordinum Imperii, a L. Tuppio ex Germanica lingua in Latinam versa, et a. 1565. edita. Sunt autem rationes sequentes. 1. Synodus a Papa, eoque adversario, convocata, nequit haberi *legitima* 2. Locus est incommodus et intutus 3. non est Oecumenica, sed Pontificia, ubi etiam soli Praelati et Clerici, nulli Laici, vota habent, nec ex omnibus orbis Christiani Ecclesiis adsunt praesentes. 4. Nec libera, sed serva et obnoxia, ubi vota non feruntur libere, nec liberae, sed sacramento Papis obstrictae, personae sedent, quaeque jam ante damnarunt Protestantium doctrinas, et partes sunt adversae ac hostiles. 5. Nequidem *Christiana*, cum quod sola Scriptura non fuerit iudicii norma, tum vota non ponderentur, sed numerentur, secus ac in Christiano concilio fieri oporteat, in quo vel unus prae reliquis valet, si Scripturae consentiat, nec aliquis votum habere debet, qui non e Scriptura demonstrat. 6. Curia Romana tota est corrupta, Simoniaca, adeoque non audienda. 7. etiam haeretica, quod verae et falsae doctrinae antithesi prolixè adferitur, idololatriæ ejus cultu, superstitione, tyrannide, ceterisque Paparum flagitiis, in lucem productis 8. decreta Synodi, superioribus sessionibus, ante haec gravamina edita, cusa plena sunt errorum, et impietatis: quod per partes demonstratur. 9. Papalia concilia nunquam non perniciosos habuerunt effectus. 10. denique Papa cum sociis fidei tyrannice egit, et agit. Legi etiam hanc in rem meretur libellus, doctè conscriptus, cui titulus, *examen Concilii Tridentini*: cujus autor est Innocentius Gentilletus, ICrus Delphinus a. 1589., ubi historia inmiscetur, per singulos canones et sessiones itur, et antiquis canonibus adversari probatur, denique

que nullitas Synodi variis demonstratur rationibus. Nonnulla etiam notanda adfert Schelhorn. amoenit. hist. Eccles. tom. I., ubi Palearii epistolam de hoc concilio ineditam quoque recenset.

§. DLXIII. Praeter hanc Synodum, sic dictam universalem, et ultimam, multae quidem aliae sunt celebratae, cum ante eam, ad fideles Catholicos muniendos contra Protestantes, tum post eam, ad decreta Tridentina firmanda, et executioni mandanda; utriusque etiam generis, ante et post, ad disciplinarum et morum ordinationem: sed quas recensuisse nihil adinet. Pergendum itaque foret ad *disciplinam* Ecclesiae enarrandam; sed cum illa nihil singulare habeat, et tyrannidis Antichristianae specimina in historia Reformationis et Waldensium suis locis occurrent oppido multa, et atrocita, nec hic moras trahere necesse est. Paucis tantum Tribunalis Inquisitionis historiam pertexam. Prodiit, ut illud ante obiter observem, a. 1519. scriptum satyricum, quo Inquisitorum praxis admodum jocosè adumbrata est, stilo *obscurorum virorum* delineata. Exstat in *fasciculo rer. expetend. et fugiend.* tom. II. Ferdinandus, Rex Hispaniae, cum sacrum tribunal per omnia Hispaniae regna promovisset, illud in regnum Neapolitanum, quo plures Judaeorum, metu Inquisitionis Hispanicae, confugerant, introducere conatus, effectui, propter multas obortas difficultates, dare non potuit a. 1504. Nec felicius in eo fuit Carolus V., qui idem tentavit a. 1547., populo furiose resistente, nec ipso Papa Paulo III. probante. Rex enim Inquisitionem voluit, supremo Senatui Inquisitionis Hispanicae subiectam, Curia vero Romana sibi obnoxiam, quia regimen Neapolitanum penes Papam est. Mansit itaque illud Regnum ab Inquisitione semper liberum. Judaeis ex Hispania in Lusitaniam profugis, ibi bene receptis, ac valde multiplicatis, Rex Johannes III., ut huic rei obicem poneret, Tribunal quoque in regnum suum voluit introductum, a. 1521., nec tamen a Papa, Judaeis vehementer reluctantibus,

reluctantibus, obtinere ante a. 1531. potuit; sed ne tunc quidem in omni forma, Judaeis suspensionem tribunalis a Papis obtinentibus. Tandem tamen sub Paulo III., instantiis Regis permoto, firmam ibi accepit sedem a. 1536. Primo Inquisitore generali facto Didaco de Sylva, Franciscano, et Regi a confessionibus. Vid. Limburg. hist. Inquisit. l. I.

§. DLXIV. Reformatione per Germaniam et Galliam vires acquirente, Inquisitio, quae diu obsoleverat, renovata est primum in Germania, dein in Galliam inuenta, occasione Synodi Provincialis a. 1528. ab Archiepiscopo Senonensi, Galliarum Primate, et Franciae Cancellario, Antonio a Prato Cardinali, celebratae, a qua antiqui contra haereticos canones, et leges inquisitionis, in illis tribunalibus usitatae, renovatae sunt. Ab eo enim tempore viguit denuo in Gallia Inquisitio, selectis quoque Inquisitoribus a Francisco I. Galliae Rege. Sed dein rursus evanuit, libertate religionis ibi concessa Reformatis. Vidit quoque Inquisitionem in medio sui stabilitam jam a. 1524. Belgium, Inquisitoribus constitutis Francisco Hulsto, et Nicolao Egmondano, Carmelita: de quorum saevitia acerbe conqueritur Erasmus in epistolis, eo anno scriptis. Sed eam a. 1549. palam introducere conatus est Carolus V. ad formam Hispanicae: unde gravissimi sunt orti motus: ut postea narrabo suo loco. Commendavit quoque eam in Hispania Carolus in testamento suo Philippo II., qui strenue etiam executus est; uti constat; non tam ex innata indolis saevitia, quam supersticiosa devotione. Narrat utique Strada *de bello belgico*, eum, *humi prostratum, coram Crucifixi imagine*, in haec verba precatum fuisse. *Ego vero Divinam Majestatem oro, ut mihi mentem perpetuam velit, ne illorum, qui Te Dominum respuerint, uspiam esse me aut dici Dominum acquiescam.* Accessit, Theologos Regibus persuasisse Hispanicis haereticos esse regni Austriaci hostes, nec salvam eorum posse esse coronam, sine Inquisitionis tribunali, sicut Paulus V. Papa Inquisitoribus

quisitoribus erat solitus dicere; *illorum opera sibi Pontificiam adsciri tiaram*: ut Leonardus Vellius Jesuita refert in epist. ad Caesarem Carenam, tractatui hujus de *santissimae inquisitionis officio* praefixa. Exerceri quoque severe in Hispania fecit Inquisitionem, sicut antea in Mauros et Judaeos, ita nunc in haereticos. Statim enim ac in Hispaniam venit, *actus fidei*, ut adpellatur, habitus est Hispali ac Pinciae, multique sunt combusti, in specie Pinciae viginti octo ex praecipua regionis nobilitate, ipso Rege inspectante a. 1559. ut tradit Thuanus. Imo ipse Archiepiscopus Toletanus, Barthol. Caranza, Vir eruditionis et probitatis laude conspicuus, in carcerem conjectus, et vectigalibus suis privatus est: cujus causa postea est Romae tractata a Gregorio XIII., ut supra narravi. Eo usque etiam furibundus Regis zelus processit, ut copiis navalibus addiderit Inquisitorem a. 1571. Hieronymum Manrique, qui publicam fidei actionem habuit in urbe Messana, multis varia poena adfectis. Quam Inquisitionis in bellis navalibus institutionem confirmavit Pius V. edito diplomate. Denique extra Europam in Fortunatas Insulas, ac Americam, horrendum hoc tribunal invexit, erexitque, in Provincia scilicet Peruana Limae, et in Mexicana in urbe Mexico a. 1571.

VITA ET MORES.

§. DLXV. Misso Ordine Clericorum regularium *Theatinorum*, quem condidit Johannes Petrus Caraffa, Episcopus Theatinus, in Regno Neapolitano a. 1524., postea Papa Paulus IV., cujus institutum fuit, religionis vim renovare, conciones reformare, aegrotos consolari, et adjuvare, haereticos oppugnare, denique, nec aliquid proprii possidere, nec mendicare, sed ab aliorum liberalitate unice pendere, missis, et aliis similibus Ordinibus, bene multis: duo in primis Ordines nostram merentur animadversionem, Capucinatorum scilicet et Jesuitarum. *Capucini*, de quorum ordine

ordine vid. Zacharias Boverius Salutiensis, qui eorum *Annales* scripsit, a longis *caputiis*, seu cucullis, quibus usi sunt quadratis, cum proluxa barba, sic dicti, eaque ratione, et vita austeriore, a reliquis Franciscanis distincti, congregationem *Minorum Eremitarum* constituentes, in initio Provincialium Conventualium, seu *Minorum observantium*, Generali subiecti fuerunt, et confirmati a Clemente VII. a. 1528., dein sub regimine proprii Vicarii Generalis, sed a magistro Generali Conventualium Franciscanorum instituendi, confirmationem nacti sunt a Paulo III. a. 1535., sub nomine Fratrum Minorum *Capucinarum*, denique multis a variis Papis ornati privilegiis, cum potestate proprii ministri Generalis eligendi; seseque sedis Papalis eximios praestiterunt statores. Autor ab aliis traditur Bernardus Ochinus, ab aliis Matthaeus de Bassio, ex Umbria oriundus, denique ab aliis Gottfridus Varaglius Buscanus, Pedemontanus, qui etiam fuit Ordinis Generalis, sed postea Reformatis se adiunxit, et martyrio fidem obsignavit, Taurini combustus, a. 1557. Vid. *historia Reformationis Galliae* lib. 1.

§. DLXVI. Autor Ordinis *Jesuitarum*, de quo prolixior est instituenda narratio, *Ignatius de Loyola*, a quo ordior, filius Bertrandi Domini Ognis Loyolae, in Vetere Cantabria, versus montes Pyrenaeos, natus a. 1491., cum adolevisset militiae adscriptus vitam degit libidinosam et improbam, sed Gallis in Navarrae regnum a. 1521. irrudentibus, Pampelonam urbem defensurus, in crure et manibus graviter vulneratus, et captus, incidit in libros *vitae Christi, et sanctorum*, indeque serium vitae emendandae hausit propositum. Cum vero litterarum esset rudis, et verae sanctitatis ignarus, omnem sanctitatem, et officii perfectionem, in vitae asperitate, ac voluntaria corporis afflictione, posuit, eruditus ex sanctorum legendis, et visionibus, ut imaginatione delusus sibi videbatur, coelestibus, in primis Mariae Virginis, cui sese maxime coepit devovere. Virginis enim sanum in Mont-ferrato petens corpus flagellis per-

plures noctes verberavit, seseque perpetuae castitatis voto obstrinxit, obtinuitque, Virginis, ut fertur, munere, perfectam immunitatem ab omni libidinosa titillatione ad mortem usque. Quando, sparteis sumtis, calceis, lacera de sacco tunica vestitus, cum fune loco balthei, claudus pede, baculo innixus, cum cucurbita ad aquae usum, gladio, et pugione, Mariae dedicato, peregrinari coepit. In oppidum Minorellam cum venisset, egenorum et sordidorum hominum electo consortio, victum emendicavit ostiatim, seseque jejuniis, flagellis, aliisque devotionis ejus temporis exercitiis, adeo maceravit, ut omnem vigorem, ac virilis juventutae formam, perdiderit: quare hunc excessum postea deposuit, commodiore electa vivendi ratione. Meruisse interea tanta devotione dicitur revelationes divinas, adeo ut de ignaro factus fuerit momento temporis divinarum rerum peritissimus. Vidit enim, ut putatur, in ecstasi adorandum Trinitatis mysterium, et modum, quo Deus creavit mundum, imo, quod magis adhuc superstitiosum est, in elevata hostia Christum Deum et hominem. Sumsit itaque ab eo tempore personam Doctoris et Concionatoris, et habitu quoque honestiore usus inter homines versari coepit. Imo librum de *Spiritualibus exercitiis* scripsit, editum lingua Hispanica a. 1548., dein Latine versum ab Andrea Frusio, Matha usus adjutrice et Magistra. In quo tamen libro hoc bene se habet, quod nihil in eo occurrat de sanctis, meritis propriis, aut indulgentiis, nonnullae etiam utiles praescribantur meditationes spirituales: sed cetera plenus est superstitionis, et haud male conscientiarum carnificina dicitur. Suscepta dein peregrinatione Hierosolymitana, propositum Turcas convertendi sumsit quidem, sed difficultate operis, et inhumanitate Monachorum Hierosolymitanorum abstersus, ei renunciavit.

§. DLXVII. Inde redux, instituta deliberatione, cum vasta animo concepisset molimina, sese ad litteras addiscendas contulit, ipse ille, qui a Deo se jactaverat edoctum. Tradidit

Tradidit itaque sese in scholarem disciplinam Ludimagistro Ardebalo Barcinone, triginta tres annos jam natus, per bien-
nium, indeque Academiam petiit Complutensem, et physica ex Heberto, Theologica ex Magistro sententiarum didicit. Cum autem, sociis adscitis, pueros informare, et quoscunque ad pietatis studium publice incitare, in popinis et circulis concionatus, non cessaret, incidit in suspicionem Lutheranismi, et sectae illuminatorum, ac ad Inquisitionis tribunal raptus est. Unde brevi post liberatus, sed vestem, quam ex panno laneo, nondum tincto, gerebat cum sociis, deponere coactus, sex menses post, cum a concionando non abstineret, in eadem iterum incidit manus, et carceri mancipatus est: denuo tamen dimissus, sub conditione, ut concionibus valediceret, et, scholastico sumto habitu, quadriennium studiis Theologicis impenderet. Quibus neglectis, inde cum sociis Salmanicam discessit, et docendi munus continuavit. Quare in squalidum conjectus carcerem, sed brevi liberatus est, accepta etiam potestate docendi populum, modo Theologica sibi non sumeret definire. Quarum molestiarum pertaesus Lutetiam petiit, et Grammaticae rudimenta resumit, ab instituto tamen paupertatis et mendicitatis nihil remittens, tantum privatim, non publice, docens pietatem. Ex quo Philosophiae per tres annos et dimidium operam dedit, et Magister creatus est, didicit quoque a Dominicanis Theologiam; iterum ad Inquisitionem tractus, sed mox dimissus.

§. DLXVIII. Jecit vero hic prima societatis fundamenta, novem electis sociis, inter quos Petrus Faber, Franciscus Xaverius, Indica missione celebris, et Alfonsus Salmero, eminent, quibuscum concepit votum a. 1534., cujus summa est, studii Theologici continuatio, paupertas, peregrinatio Hierosolymitana, infidelium conversio, et martyrii adfectatio: si autem peregrinatio non procedat, Pontifici opera addiceretur ad omnia. Quibus constitutis, ipse, post iter in Hispaniam, ubi cum vita mendicante conciones

conjunxit, et instructiones, tetendit Venetias, quo socii etiam venerunt, a. 1537., ubi idem tenuit vitae institutum, adjunctis etiam vilissimis et sordidis ministeriis in Valetudinariis, ad usque leprosos, et Gallica lue infectos. Qui autem inter socios erant sacerdotes, missas administrarunt gratis; quorum in classem ipse Ignatius hoc tempore est relatus. Haud diu post Romam cum sociis profectus, et in itinere coelesti viso confirmatus, et animosior factus, sese in Papae gratiam insinuavit, et aliud vitae institutum, relicta infidelium conversione, et vili aegrotorum cura, adoptavit. Anno enim 1538. in Templis coeperunt concionari, sacras litteras publice profiteri, et catechesin habere vicatim, cum frequente confessionis et eucharistiae exercitio. Quando brevi post a Paulo III. Ordinis inpetravit confirmationem, eo in primis usus argumento plausibili, quod tempora, sedi Romanae periculosa per reformationem, indies ubique vires acquirentem, et monasticorum Ordinum inminutionem, vel corruptionem, Ordinem requirerent sedi Papali per omnia devotum, qui emendationis speciem praeferebat, et Verbi Dei praedicationes ac institutiones catecheticas gratis exercebat. Hac ratione confirmatus est Ordo, primum cum nonnullis limitationibus, et ad numerum sexaginta membrorum restrictus, a. 1540., sed dein sine illis a. 1543. Ipse Ignatius, a. 1541. Ordinis Generalis constitutus, Romae ab eo tempore moratus, et Judaeorum conversioni, ac foeminarum improbae vitae emendandae incubuit, usque ad mortem; quae a. 1556. accidit. Post mortem est sanctis adscriptus a Paulo V. a. 1609., et canonizatus a Gregorio XV. a. 1622., die ipsius memoriae sacro constituto XXXI. Jul. In quem cum festum S. Germani incidat, et rixae essent in Gallia ortae, decretum est, ut narrat Heideggerus in *historia Papatus*, nescio quo fundamento, vel diem inter ipsos esse dividendum, vel Germanum relinquendum, ita ut anno Bissextili tantum eo die celebraretur. Auxerunt dein ejus honores Papae Innocentius X.

et Clemens IX. Ceterum tres habiti sunt in ejus laudem sermones, tempore beatificationis ejus a Paulo V., qui acerrimam Sorbonae censuram meruerunt justissimam, cum Ignatius supra Mosen et Apostolos fuerit in patrandis miraculis evectus non tantum, sed et effata de Christo ipsi adplicita, ut ex. gr. quod Heb. I. habetur, *novissime autem diebus istis locutus est nobis in Filio suo Ignatio, quem constituit haeredem universorum.* Vitam ejus oppido multi concinnarunt, quorum celebriores ejus (Ordinis sunt Ribadaneira, Maffejus, Orlandinus et Bohours. Fuisse autem eum magnum fanaticum, egregie est evictum ab autore *Enthusiasmi Ecclesiae Romanae.* Vid. Clericus Bibl. Univerf. a. 1688. 1

§. DLXIX. Regulae Societatis, ut ad Ordinis descriptionem veniam, quales post Synodum Tridentinam vulgatae sunt, reperiuntur apud Hospinianum in hist. Jesuitica, ubi legi possunt. Historiam Ordinis dedit accuratam, et prolixam, Elias Hasenmuller, ejus primum Ordinis, sed dein acerrimus hostis; quam edidit Polyc. Lyserus, addita praefatione, a. 1595. Nobis praecipua suffecerit notasse. Constat Ordo ex Generali et Professis. *Generalis*, qui Romae residet, sed sine pompa, et privato similis, soli subest Papae, et cum eo solo confert consilia, habetque summum in totum Ordinem dominium, cui quatuor ex peritissimis adstant. De quo recte dici potest, quod etiam Generalis cuidam Gallo, ipsum invisenti, dixisse fertur, ut narrat autor *praest. moral.* vol. I., *ex illo conclavi totum terrarum orbem, eo, quo nemo intelligit, modo gubernari.* Proxime vero Generali adsociati sunt Praefecti Provinciarum, et Collegiorum Rectores. *Professos* inter, qui omnes votis paupertatis, continentiae, et obedientiae sunt adstricti, aliqui sunt honoratiores, qui *quarti* voti sunt professi, et lautius in domibus professis habitant: quod quartum votum continet singulare obsequium Papae exhibendum, et qui eo vincti sunt, fidei professionem jurati praestare debent, quae totius religionis, sicut in Synodo Tridentina definita est, animam continet.

artibus et studiis promovendis infatigati. Quos Jesuitarum mores ipsi Catholici agnoverunt, publicarunt, et perstrinxerunt, uti inter alios hoc seculo fecit Antonius Majoragius, eximius Rhetor, cujus elogium exstat apud Thuanum a. 1555., quo mortuus est. Ipse cleri, in specie Jesuitarum, avaritiam false perstrinxit in Oratione, quam inscripsit, *Panlochrysum*, sive de laudibus auri. Initio seculi sequentis vivis coloribus Jesuitas depinxit Hieronymus Baptista de Nuza, Dominicanus, Episcopus Albari, in regno Arragonico, prophetiam quoque S. Hildegardis sec. XII., de *Monachis mendicantibus*, ad eos adplicans. Quales praeterea sese inter Infideles in missionibus suis praestiterint, ex multis ipsorum Pontificiorum relationibus constat. Vid. etiam Seckendorf. *Hist. Lutheranismi* a. 1540. Denique quantopere regna turbaverint, civitatesque, et Ecclesiam, ipsam quoque Catholico-Romanam, bella suscitando, Principes occidendo, haereticos persequendo, lanienas efficiendo, ex eorum historia sec. seq. nemini non notum est.

§. DLXXII. De *progressu et fatis* eorum longa institui posset tractatio, sed a scopo nostro aliena: quare duo notasse contentus ero. Unum est, Ordinem fuisse per totum orbem Pontificium, per utrasque etiam Indias, incredibili fere modo propagatum, ita ut, spatio 150 annorum, ad viginti millia excreverint, quorum maxima pars studiis excolta, sacris initiata, et scholis fere omnibus, sub Hierarchia Romana, praefecta est, praeterea orbem diviserint in triginta sex provincias, quas Praepositi, sub Generali Romae residente, gubernant, denique plusquam octingenta collegia, eaque amplissima et opulentissima, habeant. Alterum est, Ordinem ipsis Catholicis passim esse odio. De quo Principum contra eos edicta, et multi adversus eos scripti libri, abunde testantur. Magnam illorum copiam recensuit jam Hottingerus *hist. Eccles. sec. XVI.*, ne alios memoram.

§. DLXXIII. De *vitae et morum vera corruptione*. inter
omnes

omnes hominum ordines, nec non miserrima Ecclesiae conditione, praecipue antequam reformatio vires acquisiverat, multa proferri possent testimonia, quae cum doctorum et piorum querelae, tum Comitiorum et Synodorum confessiones, tum reformationis desideria communia et publica, suppeditant; sed haec jam produxerunt Protestantes, ut Wolhus in *Lectiionibus Memorab.*, et epistola nuncupatoria ad eas, *Catalogus* testium veritatis, Hottingerus hist. Eccles., et in tractatu de *necessitate Reformationis*, Seckendorf. hist. Lutheran. in principio, et quae ex Guttelio adfert a. 1522., alii; ita ut hic moras non necesse sit trahere. Exstat quoque in Scrinio Gerdesiano tom. VI. epistola G. Herveti, viri Docti et Catholici, ad A. Salmeronem, in qua Ecclesiae Romanae corruptela fuse describitur; notabilis etiam eam in rem oratio Francisci Pici ad Leonem X. et Synodum Lateranensem, apud autorem Paralipomen. Ursperg. a. 1517. Ignorantia utique, et studium Scripturae S., et scientiae salutaris neglectum, quin spretum, vanae disputationes, superstitio, hypocrisis, luxus, libido, avaritia, fraudes, ambitio, tyrannis, aliaque vitia et crimina, per totum Ecclesiae corpus grassata sunt.

WALDENSES.

§. DLXXIV. Waldenses cum inter antiquos in Ecclesia Catholico-Romana fuerint haereticos, et singularia hoc seculo subierint fata, de tyrannide Antichristiana testantia, eorum historia hic videtur tradenda, pro ordine hucusque observato. Waldenses *Pedemontii et Delphinatus*, qui primi sese nobis offerunt, omnium antiquissimi, et reliquorum per orbem dispersorum origines, statum suum Christianum, et fidei et vitae respectu, per omnia tempora huc usque recte tuiti sunt, adeo ut hoc etiam adhuc seculo egregiis meruerint ornari testimoniis, ab ipsis Catholico-Romanis: quae jam collegit Leger hist. Waldens. p. I. Verba Thuan.

Tom. VI.

Kkkk

ni,

ni, insignis Lias historici, quae a 1550. reperitur, notiora sunt, quam ut ea silentio praeterant. *Obiit*, inquit, *decelegi precepta*, quibus regna iuncte et per nuntios traduntur, omnes a. e. ac coetibus suis, iniquitatem criminis, iustitias peccatissimas, perjurias, diras imprecationes, contumelias, rixas, sectissimas, crapulas, ebrietatem, scurras, detractiones, privilegia, incantationes, furta, usuras, praesbignas, et is genus alia, atque, ac toto pedore deservantur: addit, lites, et controversias forentes, adeo ignotas fuisse inter ipsos, ut hoc demum seculo primus processus iuridicus inter ipsos fuerit, a fido aliquo ducis coloni suscitatus, qui studia iuris excoluerat Taurini, suaeque scientiae experimentum dare gestiebat. Lites vero componi per arbitros solebant. Tempore Ludovici XII., Galliarum Regis, circa finem seculi praecedentis, cum a Zelotus Pontificis ad regem essent delati tanquam venefici, incestuosi, et scelerati, Rex, ut veritatem exploraret, misit ad eos Adamum Finnaeum, Libellorum supplicum Magistrum, et M. Parvum, Ordinis Dominicani, confessionarium Regis, qui cum omnia inter eos accurate perlustrassent, et ad Regem retulissent, is dixisse fertur, *et me, et cetero meo populo Catholico, homines isti meliores sunt*. Vid. Petri Wensensbachi oratio de Waldensibus ad calcem Camerarii hist. Bohem. Hoc ipso seculo cum Senatus Aquisgranensis horribile de illis exscindendis formaverat decretum, de quo mox, Franciscus I., Galliarum Rex, de eo certior factus, in mandatis dedit Gulielmo Bellaio Langejo, Proregi Taurini in Pedemontio, ut, quo in statu Merindolensium, et reliquorum Waldensium, resessent, sciscitaretur quam accuratissime. Missi ab eo in Provinciam duo viri, probitate, integritate, et fide praestantes, retulerunt, *esse eos laboriosos, pacis et tranquillitatis studiosos, morum suavitatem, confirmationeque singulari, nec non aequabilitate vitae, ac perpetuatione praeditos, dictorum conventuumque veritate et constantia commendabiles, mansuetos, beneficos, et pauci parte probos, nec temere se ad iurandum*

jurandum pati adigi, a sermone etiam obsceno ac vitioso ita abhorrere, ut quoties alicubi versentur, ubi hoc fiebat, se statim submoverint. Vid. *lugubris narratio*, de excidio Waldensium ad calcem Camerarii l. cit. Confessus quoque est Philippus VII., Princeps Pedemontii, qui se ad eos persequendos passus erat permoveri, cum finem bello inponeret, seculo praecedente, *se non habere tam bonos, fideles, et obsequiosos subditos, quam Waldenses.* Vid. Perrin. hist. Waldens. c. 4. Ratio vero status tam praeclare conservati quaerenda est, si causarum secundarum ratio habeatur, cum in disciplina exacta, quam tenent, tum quod plerique longius sint ab urbibus remoti, neglectoque commercio intenti sint colendis agris et gregibus pascendis. Quod Leger. l. cit. non neglexit observare.

§. DLXXV. Inficias tamen ire non licet, eos, licet fidei tenaces Christianae, sese praecedente jam seculo, metu Catholicorum, eos persequentium, et continuo infestantium, aliquatenus adcommodasse Ecclesiae Catholicae, adeo ut a publica doctrinae suae professione aliquandiu abstinuerint, et sacramenta sua e manu sacerdotum Ecclesiae Romanae acceperint. Cujus adferti haud unum exstat indicium; ut 1. in confessione cujusdam Thomae Quoti apud Bossuerum *Variationum histor.* p. II. ex Mss. Bibliothecae Marchionis de Seignelai. 2. in Bohemorum fratrum historia, qui eam dissimulationem ipsis ob oculos posuerunt, et propterea cum ipsis in unam societatem coalescere recusarunt. De quo ex Camerario et Rudigero satis constat, et supra in Bohemorum historia exposui. Vid. et historia *persecutionis Bohemorum*, quae Comenium habet autorem cap. 20. 3. Accedit Legatorum Waldensium ad Helvetios, Zuinglium, Oecolampadium, et Bucerum, propria confessio apud Aegid. Gillis hist. Wald. cap. 5. 4. Denique ad reformationem Waldensium, post hanc legationem brevi factam a. 1532., hoc ipsum diserte refertur, in posterum esse vitandam omnem dissimulationem, ~~omneque commercium cum ritibus superstitiosis Pontificiorum.~~ Vid. Gillis l. cit.

§. DLXXVI.

§. DLXXVI. Nec haec tantum inter Waldenses accidit mutatio, verum et alia, ad fidem, aliaque capita, pertinens, qua ad Protestantes Helvetios ac Genevenses propius accesserunt. Missis enim ad eos Georgio Maurelo, et Petro Latomo, *Barbis* ipsorum (quae vox *avunculum* denotat) seu pastoribus, viris peritis et probis, intellexerunt, ex eorum, et aliorum, postea missorum, relatione, nonnullis se infectos esse erroribus, in primis circa sacramenta, juramentum, officiumque Magistratus. Quibus ut medelam adferrent, generale aliquod convocarunt concilium in Angrongia a. 1532., in quo sequentes articuli, post institutum examen, admissi, et dein a. 1533. confirmati sunt. 1. Praedestinos esse, qui salvantur, eosque certo salvari 2. Praedestinationem et gratiam ab iis abnegari, qui liberum arbitrium in throno collocare volunt. 3. Bonum opus tantum esse, quod Deus praecepit, et malum, quod vetat, cetera esse indifferentia, quae licite aut omitti, aut observari, possunt, 4. juramentum in nomine Dei esse licitum 5. auricularem confessionem non esse a Deo praeceptam. 6. Die Dominico esse ab opere cessandum, rebusque Divinis tantum vacandum. 7. Vindictam esse illicitam, at Magistratus officium esse legitimum et bonum, nec a Christiano alienum 8. Jejunia non esse certis adligata temporibus 9. Conjugiam esse cujuscunque generis aut status hominibus licitum 10. Ministris Evangelii licere proprias habere possessiones etc. 11. Duo tantum dari sacramenta, Baptismum, et S. Coenam. Vid. Gillis et Perrin l. cit. Circa hanc reformationem notandum est, 1. Capita illa, nunc definita, non fuisse antea inter eos ignota, sed minus recepta tantum, et magis controversa, 2. definitionem eorum non sine dissensu, et aliqua divisione, fuisse factam. 3. Inde cum Bossueto l. cit. colligendum non esse, Waldenses ab hoc demum tempore dissentire coepisse ab Ecclesia Catholico-Romana in rebus fidei, fidemque suam a Protestantibus accepisse: quippe quo nihil falsius est, ut ex superiorum seculorum historia manifestum est, et suo loco

loco a nobis etiam demonstratum. Illud tantum hinc cogi potest, Waldenses adcuratiorem tantum in nonnullis capitibus, minus principalibus, instructionem esse consecutos a Protestantibus, quibus, quoad, summam doctrinae, conveniebant, quam semper et a longo tenuerant. Ipsi illi Legati Waldensium in colloquio cum Oecolampadio, quod integrum repraesentat Scultetus in Annalibus, a. 1530., statum et fidem Ecclesiarum suarum exponentes, illud, quod dixi, suo testimonio confirmant.

§. DLXXVII. Cum autem Waldenses sese hac ratione magis palam ostenderent, et cum Lutheranis, jam valde odiosis, confunderentur, simul valde essent, non obstantibus continuis infestationibus, multiplicati, ita ut hoc tempore a. 1530., teste Georgio Maurelo in *memoriis suis* apud Perrin, supra 800 millia essent, qui hanc religionem profitebantur: passi quoque sunt maiorem inperum a Pontificiis, variasque subierunt persecutiones, ab Episcopis non tantum et Inquisitoribus, sed et aperto Marte et bello. Cujus tristissimae sortis fustior et adcurata notitia petenda est ex Perrino, Gillis, et Legero, supra citatis, brevior et generalior hic tradenda. Cum Carolus, Dux Sabaudiae, et Princeps Pedemontii, instigationibus Archiepiscopi et Inquisitoris Taurini compulsus, a. 1534. Waldensium excidium, nisi ad religionem Catholicam redirent, demandasset Pentaleoni Bressour, Domino communitalis Rocheplatte, ipse, zelo quoque religionis inflammatus, a. 1535., quingentis strenuissimis militibus stipatus, in Valhum regiones inprovise irruit, obvios quoscunque trucidavit, omnesque replevit terrore: sed mox a Waldensibus in unum coactis, et animos resumentibus, adeo est exceptus, cum vallem Lucernensem tentaret invadere, ut milites partim occisi, partim fugati sint. Quo Princeps ab invasione aperta deterritus, et ad alia eos destruendi media compulsus, in eos inmisit latrones, qui vias obsederunt, et quotquot capere poterant crudeliter necandos tradiderunt, absque ut constantiam eo-

rum frerint, aut voterum compotes facti fuerint hostes, Waldentibus e contra magis magisque multiplicatis.

§. DLXXXVIII. Bello dein inter Regem Galliae Franciscum I., et Ducem Sabaudiae, orto, Pedemontio maximam partim a Rege Galliae occupato, Waldenses varias quidem, praeter communia belli mala, passi sunt molestias, sed spatium viginti annorum non adeo illis in regionibus infestati sunt causa religionis; nisi quod egregium suum Pastorem Martinum Gounin perdidierint, qui Geneva, ubi cum Protestantibus conculerat, redux a. 1536. in Delphinatu captus, et aquis suffocatus est. Confirmarunt itaque res suas, eoque fini curarunt, ut Biblia sacra, in linguam Gallicam per Petrum Robertum Olivetanum, a Calvino, cui conjunctus erat, adjutum, translata, in Helvetia fuerint impressa, et inter fidei socios dispersa. Quae prima inter ipsos fuit Scriptura vernacula typis expressa, quae insignes ipsis adtulit fructus. Sed, dum in Vallibus aliqua essent halcyonia, tractati sunt admodum crudeliter in Provincia, terribili illa laniena exercita in *Merindolenses et Caprierenses*, vicisque vicinos, a. 1545. Quae valde notabilis est historia, digna quae paulo accuratius narretur, petenda ex Sleidano a. 1545., Thuanò a. 1550., et in primis ex *lugubri narratione* de excidio Waldensium et Albigenis, e monumentis Martyrum, ad calcem Camerarii histor. Bohem., et Wessenbachii Oratione de Wald. et Albig. ibid. Exstat quoque in *actis martyrum* Crispini lib. III. fusa et exacta hujus tragoediae narratio.

§. DLXXIX. Loca *Merindolii et Cabrieriae*, antea inhabitata et inculta, data jam fuerant ante 200 fere annos Valensibus Pedemontii, emphiteusis, et perpetuae locationis, titulo; illique e Pedemontio in Provinciam profecti, sedibus ibi fixis, civitates ibi condiderunt, varios formarunt pagos, agros excoluerunt, et rem pecuariam exercuerunt, tanto cum successu, ut incolis non tantum regiones illas repleverint, sed et opibus ac proventibus ditarent. Quibus in locis cum satis tranquille longo tempore degissent, in
prae-

praesentissimum periculum atrocis persecutionis a furioso Clero conjecti, tempore Ludovici XII., Galliarum Regis, ejus jussu liberati, et in tutelam suscepti sunt, postquam de eorum innocentia, accurato instituto examine, informatus fuisset; uti supra notavi. Sed hoc seculo, regnante Francisco I., cum reformatio in Gallia vires acquisivisset, et Waldenses sese purius ac apertius in lucem dedissent, de quo modo dixi, varias passi sunt ab a. 1534. persecutiones, et dein horribili, et plus quam barbaricae, expositi sunt lanienae. Monachus aliquis Dominicanus, Johannes de Roma, inquisitionis potestate ab Episcopis, et Legato Avenionensi, inpetrata, saevus et crudelis indole, Waldenses, Lutheranismi suspectos, omnibus vexavit viribus, exquisitisque tormentis cruciavit, ocreis, ex. gr., adipe fervesciente plenis, et miserorum tibiis adaptatis etc., ac morte adfecit acerbissima. De quo certior factus Rex, supremae curiae Provinciae mandavit, ut crudelem hanc bestiam refraenaret, et pro merito puniret. Ipse vero se Avenionem recepit, et spoliis, latrocinio illo partis, spoliatus est a domesticis, et morte, divinae vindictae teste, inter gravissimos cruciatus, ac intolerandum faectorem, miseram effavit animam.

§. DLXXX. Continuavit dein, vel resumit, persecutionem Episcopus Sextiensis per Officiale suum, non minus saevum, Peironetum, qui multos in carcerem traxit: quorum qui constantes manebant, traditi sunt in manus Meirani, ordinarii tunc judicis, a quo, sine ullo examine, omni misericordia abnegata, terribilem passi sunt mortem. Ipsum quoque Parlamentum Sextiense, seu, quod idem est, Aquense, quo tempore Dominus Revesti locum primi Praefidis in eo teneret, martyrio adfecit haud paucos. Sed et uterque manum divinam vindicem expertus est. Revestus honore et potestate privatus, ac Revestum domum suam reversus, saevissimo est correptus morbo, et furibundus occubuit. Nec meliorem sortem nactus est Meiranus. Sed terribilior oriri coepit tempestas a. 1540. Quo anno, ad postulatio-

nem Procuratoris Regii, a Senatu Aquensi, Praefide Bartholomaeo Chafanaeo, citati sunt nonnulli Merindolii pagi cives, ut se, causam dicturi, sistant coram Senatu: qui Aquas Sextias profecti quidem sunt, sed a patronis de summo periculo, si compareant, admoniti, et exemplis deteriti, se subdixerunt. Quando horrendum hoc est factum Senatusconsultum, citatos non tantum illos, si comprehendantur, flammis esse addicendos, possessionibus eorum fisco addictis, sed et omnes Merindolii, ac vicinorum locorum incolae, ad unum omnes, nullo sexus aut aetatis habito discrimine, trucidandos esse. Merindolium, ubi octoginta circiter urbana praedia fuisse dicuntur, dirutis aedificiis, solo aequandum, arbores etiam refecandas, et locum penitus reddendum desertum. Cujus decreti, tam injusti et inhumani statim ac percrebuisse fama, Waldenses in summas coniecti sunt angustias, sed et omnium ora resoluta, ipso decreto passim damnato, tanquam barbarico.

§. DLXXXI. Sed Archiepiscopus Arelatensis, Episcopus Aquensis, Abbates nonnulli, ac Priores, alique, conspiratione ad decretum Merindoliense, ut vocabatur, executioni mandandum facta, Avenionem sese contulerunt, Episcopos, virosque istius civitatis potentissimos, in unum convocarunt, et, deliberatione instituta, nequicquam contradicente Bassineto, Dominicano, et Doctore Theologo, quin cum minis ejecto, juramento interposito concluderunt, se, ut Senatusconsultum Merindolienae effectum sortiatur, omnem daturus operam, polliciti quoque omnes sunt, ut certum militum numerum, quantum satis erat, colligerent, et stipendium solverent. Dederunt praeterea ante discessum insigne saevitiae ac tyrannidis specimen in librario quodam peregrino, qui Bibliorum Latinorum et Gallicorum, aliorumque librorum, auctionem ibi publicam habebat. Hunc enim cum inter deambulandum, et inpudicas tabulas cum sceminis, quas secum habebant, contemplandum, increpuissent, sed animose respondentem, ac Biblia defendentem,prehendissent, mox

mox contumeliose habitum in carcerem duci jusserunt, et postridie ad rogam condemnarunt. Quod a iudice seculari, licet reluctantem, executioni quoque mandatum est. Ductus est miser librarius ad supplicium, duos Bibliorum codices gestans, unum a gutture porrectum ad stomachum, alterum a cervice spectantem ad humeros, ignemque inter admonitiones populi, ut Scripturam legant, animose sustinuit, multis etiam Scripturae studio inspirato.

§. DLXXXII. Episcopus Aquisgranensis, cui executio rei, modo memoratae, erat demandata, Aquas Sextias redux, omnia cum Praefide Chasanaeo communicavit, urisitque Senatus decreti executionem. Praefide vero tergiversante, causatoque, decretum magis terrendi, quam efficiendi, causa esse factum, nec definitivae adhuc esse sententiae, sanguinis innocui effusionem esse magni momenti, Regem quoque aegre laturum: Episcopus acrius institit, sanguinem sibi et sociis imputatum volens, Regem facile per Cardinalem Turonium in partes trahendum dictitans, et votorum tandem compos factus est. Delectus itaque tota Provincia habentur, exercitus in unum cogitur, omnibusque praeparatis in loca memorata mittitur, sed, cum prope ab illis abesset, subito revocatus pedem retulit, singulari admodum casu interveniente, qui rei executionem impedivit, relatu digno, ipsi quoque Thuano, qui prolixè narravit, iudicato. Cujus summa huc redit.

§. DLXXXIII. Dominus Alencius, vir in jure et Theologia probe versatus, ac Chasanaeo familiaris, rei indignitate permotus, ipsum adiit, et admonuit audacter, contra Merindolienses, indicta causa, nulloque nocentium et innocentium facto discrimine, armis, contra communem fori consuetudinem, dimicari non oportere, sed id Chasanaeo adhuc minus licere, quod *litis contestationem*, a Praefectis jurisdictioni Episcopi Heduenfis contra *mures* olim factam, tanta cum laude olim persecutus fuisset, et in libro, cui titulus, *catalogus gloriae mundi*, descripsisset, cui nunc directe, ad

Tom. VI.

LIII

pro-

propriam ignominiam, adversaretur. Cum mures, meretur enim hic casus ut paucis narretur, in tota fere jurisdictione Lentensi infinito numero corrolissent frumenta, decretumque esset, ut excommunicarentur: Officialis Heduenis iudicavit, ut mures ante ad tertium diem, ut se sistant, citarentur publice et solenniter. Quo elapso spatio, cum Procurator fisci excommunicationem murium, qui non comparuerant, urgeret, iterum ex aequo iudicatum est, ut aliquis iis in patrocinium daretur, qui causam eorum agat. Electus Chasanaeus, patronus tunc Regius apud Heduos, priorem citationem esse irritam demonstravit, et novam impetravit: qua de suggestu facta, Chasanaeus sistendi tempus, muribus praestitum, iusto brevius esse docuit, tot praeterea feles in villis agere excubias, ut mures non sine causa cogerentur abesse, absque ut contumaciae locus esset: non enim temere inferendam esse muribus injuriam, sed totas consulendas scripturas, ut constare possit, quomodo se gerere debeant. Qua occasione omnes juris anfractus persecutus est, quos iudices in causis criminalibus ex officio sequi tenentur, et ingentem laudem consecutus: quam nunc nimium obscuraret, et sibi ipse adversaretur, si Merindolienses ea ratione persequeretur, nec in iis observaret, quod ipse in causa murium custodiendum tam egregie erat executus, maxime cum miseri illi homines nihil habeant, quare Christiani non censerentur. Qua ratione commotus Chasanaeus exercitum iussit regredi, ad summum Merindoliensium gaudium; licet ad breve tempus.

§. DLXXXIV. Quae cum per totam Galliam percrebuis-
sent, et ad aures Francisci Regis quoque pervenissent; ipse
Bellaio Langeio, proregi Taurini, in mandatis dedit, ut in
totam hanc causam, et statum Merindoliensium, sociorum-
que, accuratius inquireret, et ad Regem referret. Missi ab
ipso duo periti et probi viri, omnibus exacte pervestigatis,
famosum illud Senatus-consultum adtulerunt, et res post se-
cutas narrarunt, iniquitates scilicet, exactiones, rapinas, op-

pressiones, et crudelitates, Merindoliensibus per Judices Ecclesiasticos et Civiles continuo fere illatas, de ipsis vero Merindoliensibus, et sociis, omnia praeclara, vitae et morum respectu, retulerunt: nihilque in iis reprehendendum, nisi quod ritus Romanae religionis nonnullos non observarent, nec missam facerent, nec crucem aut sanctos adorarent. Quibus omnibus Regi perscriptis, ipse facto diplomate Senatusconsultum cassavit, incarceratos dimitti, et omnes vexationes inhiberi, iussit: tantum haeresios insimulatos voluit via rationali convincendos, et ad abjuracionem cogendos. Quo diplomate Aquas Sextias delato, Senatus effectum ejus conatus est variis modis inpedire, tandemque decrevit, ut qui errores abjuraturi essent beneficio Principis uti quidem possent: reliqui vero, qui manerent in sententia, eodem supplicio, quo haeresios convicti, adficerentur, nulla amplius informatione habita. De cujus decreti iniquitate conquesti sunt graviter Merindolienfes, et libello supplice edito, petierunt secum ex aequo et justo agi, haeresin suam sibi accurate demonstrari, et defensionis praeberi occasionem, se paratos professi ad omne illud abjurandum, quod Scripturae S. deprehenderint contrarium. Publicarunt dein, ad Senatus postulatum, amplam et accuratam fidei confessionem, Cardinali Sadoletto, Consulibus Avenionensibus, aliisque, missam, et cum omnibus, qui petierint, communicatam, cum ipso etiam Rege Francisco, qui cum tota coram Ipso esset praelecta, quaesivit, *ecquid in illa desiderandum videretur?* sed a nemine tulit responsum. Exstat confessio in *narratione de excidio Vallenfium*, supra laudata. Cardinalis quoque Sadoletus, Episcopus Carpentoratensis, epistola, propria manu obsignata, ad eos missa, confessionem laudavit, nihilque fere carpsit, *quam quod in Pastores Ecclesiae nimis aperte inveherentur*: testatus insuper est benevolentiam suam erga ipsos, et significavit, se ad praedium suum prope Cabrieram propediem esse venturum, ubi ipsum, qui velint, adire possint, cum ipsis confutatus, quid e re ipsorum esset,

esset. Praestitit porro ipsis insignis beneficium, impediendo, quominus Vice-legatus Avinionensis, qui a. 1542. cum exercitu contra eos tendebat, et prope Cabriera abesset, ulterius sit progressus, quin faciendo, ut retrocesserit. Locutus mox cum Cabrierensibus suavit iis prudentiam, et spem fecit, se, confessione cum Cardinalibus Romae, quo tendebat, communicata, aliquam in melius mutationem esse effecturum. Sed Cardinalis, Roma redux, nihil boni ad Ecclesiam reformandam expectandum esse, sed omnia ad perniciem adversariorum Ecclesiae Romanae spectare, retulit. Ipse etiam, verba sunt Wesenbachi in Oratione supra citata, nihil pacati, nihil fidi, nihil eorum, quae de emendando Ecclesiae statu pollicitus erat, ad effectum perduxit unquam, licet esset multae doctrinae, et veritatis non per omnia nequissimus: sed illud unum egit, ut blanditiis, et promissionibus melioribus, de medicina Ecclesiae morbis faciendis, Orthodoxos a recto cursu disturbaret, eoque pacto Romanae amplitudinis, (ad quam aspirabat) ruinam fisteret.

§. DLXXXV. Urgentibus deinde Episcopis, Aquisi et Cabillonensi, decreti executionem, constitutum est a Senatu, ut, secundum Regis diplomata, Johannes Durandus, consiliarius Curiae, cum Secretario quodam, ipso etiam Episcopo Cabillonensi, ac Doctore aliquo Theologo, adiret Merindolium, et incolae de erroribus in confessione argueret, convictos etiam ad abjurationem adigeret: quod si recusarent, tunc exsequendum esse decretum. Sed Cabillonensis, non expectato die a Senatu praefixo, eo cum Doctore perrexit, sed nihil obtinuit, cum nullos posset ostendere errores, et generalem tantum exigeret abjurationem. Doctor vero, confessione adtente lecta, dixisse fertur; *se tota vita tantum in divinis Scripturis non profecisse, quam illis diebus, quibus Scripturae loca, ibi citata, excutere debuit.* Re infecta cum discessisset Episcopus, haud diu post cum famulis suis rediit, pueros tentaturus. Quorum ex catechesi responsionibus, cum praesentium, inter quos quatuor erant religiosi,

religiosi, recentes ab Academia Parisiensi, admiratione auditis, unus religiosorum dixit, *se saepius quidem interfuisse disputationibus Theologicis Sorbonae, nunquam tamen ex iis tantum profecisse, quantum nunc audiendo puerulos illos.* Quae, et quorum similia, tentamina, blanditiis quoque et promissis munita, cum frustra cecidissent, tandem Consiliarius Curiae cum Episcopo Cabillonensi, Doctore Theologo, et Scriba, ad eos venit, eandem rem acturus. Sed cum, errores sibi monstrari, peterent Merindolienses, Episcopus vero et Theologus nihil in medium proferre possent, re infecta discessum est, non sine contumelia Episcopi et Doctoris, quod victi obmutuissent, aliorumque utilitate, qui, confessione secum sumta, manus dederunt veritati. Inter quos fuerunt ipsi illi tres Doctores, qui eos saepe ad defectionem compulerant, quorum ministerio Deus deinceps usus est in Evangelio puriore adnunciando.

§. DLXXXVI. Licuit Merindoliensibus ab eo tempore paulisper respirare, hostibus etiam ab ulteriore persecutione, per singularia Dei iudicia in persecutores, absterritis; quae sibi visi sunt observasse in Chasanaei non tantum morte repentina, sed et plerorumque Provincialis Curiae primariorum virorum terribili obitu; donec a. 1544. et 1545. horribile illud decretum, initio a Senatu Aquensi factum, fuerit effectui datum a Johanne Minerio, ex infimo loco ad praesidentiae summam dignitatem, mortuo Chasanaeo, evecto, cui adhuc accesserat Praefecturae Regiae potestas, quae, absente Domino Griniano, in Germaniam legato, gaudebat. Copius itaque undequaque collectis sese Ducem praebuit, ad excindendum Merindolium, Cabrieram, et alia oppida, ac pagos, numero viginti duo. Quo audito, Merindolienses denuo quidem a Rege, oblato libello supplice, impetrarunt executionis inhibitionem, donec, in eorum statum accuratius inquireretur: sed Cardinalis Turnonius, eorum infestissimus hostis, captatis atrocissimis calumniis, autore Philippo Cortino divulgatis, Merindolienses esse ad

15000 in armis, et superioris potestatis regiae destructionem: moliri, suisque in terris intendere Rempublicam erigere, Regem circumvenit, ac contrarias prioribus litteras ab eo extorsit, quibus inmanis sententiae executio inperatur. Quas cum recepisset Minerius, eas non mox, sed commodo rei gerendae tempore, mens. April. a. 1545., in Senatu recitavit, ab eoque inpetravit delectos a Senatu, qui rem quantocyus peragant, quibus se Ducem vel adiutorem adjunxit. Suscepta expeditione sancivit Minerius sub capitis poena, ne quis eos ulla re juvaret, deditque militibus potestatem diripiendi et incendendi omnia, omnesque sine discrimine sexus et aetatis trucidandi. Quod idem fuit publicatum in locis finitimis ditionis Pontificiae, cujus Episcopi magnam copiarum partem eum in finem alere ferebantur.

§. DLXXXVII. Copiis itaque divisis, Minerius Merindolium petiit, reliquae copiae in loca ad Druentiam fluvium, et ultra montem Libronem, irruunt, et direptiones, incendia, caedes, foeminarum violationes, aliaque horrenda, quaquaversum circumferunt. Merindolienses autem, nihil spei reliquum habentes, cum mulieribus et liberis in Sylvam Lauram aufugerunt omnes, sed cum nec ibi se tutos deprehenderent, copiis hostilibus eo tendentibus, inde discesserunt, conjugibus cum liberis ibi relictis, quod misericordiam hostium viderentur consecuturi inbelles miseri, ingente cum luctu, mutisque lacrymis et precibus. Sed res longe aliter, ac putarunt, cecidit. Hostes enim efferatis animis ad inbellem turbam accedentes, omnia spoliaverunt, mulieres violatas, verberibus caesas, aliisque modis insolenter tractatas, in vita tantum reliquerunt, Centurione quodam equite caedem inpediente. Erant autem mulieres numero fere quingentae. Venit interea Minerius Merindolium, illadque incolis vacuum, dereptioni tradidit et vastationi, sed edito prius crudeli exemplo in juvene inbecillioris animi, quem arbori adligatum globulis tormentorum missilibus confici jussit.

jussit. Cabrieram dein obsessam cepit deditioe, pollicitus immunitatem: sed quam e vestigio violavit, omnibus inmaniter trucidatis. Viginti quinque, qui se occultaverant, inventi, et in pratum producti, vestibisque nudati, ad unum fere omnes occisi sunt, nec viri tantum, sed et mulieres, pleraeque gravidae. Quadraginta aliae foeminae, in horreum inclusae, straminis et foeni plenum, igni subjecto, misere perierunt. In reliquos omnes simili modo faevitum est ad mortem. Caesarum numerus in oppido et foris fuit ad 800. In cujus tam inmanis facinoris memoriam administri Papae columnam ibi curarunt erigendam, die et anno capti, et direpti, oppidi per Johannem Minerium Dapedae Dominum, incisus litteris notato.

§. DLXXXVIII. Inde profecti hostes Costam, a civibus, suadente Domino urbis, qui, si id facerent, gratiam Minerii ipsis pollicitus est, quatuor diversis locis, muris disjunctis, nudatam, eam, frustra deprecante Domino, oppugnarunt; alteroque die occuparunt, plerisque civibus fuga dilapsis, caedibus et rapinis repleverunt, mulieres atque puellas, quae in hortum, castello vicinum, confugerant, constuprarunt, tanta cum violentia, ut quae uterum gerebant, et nati minores puellae, brevi post fuerint extinctae. Merindolani praeterea, alique plures, iis adjuncti, qui per Sylvas et rupes oberrabant, intercepti, ad triremes relegati, vel confossi sunt. Alii, haud procul Mussio, in caverna sub rupe latitantes, detecti, et igni ac fumo suffocati sunt. Reliqui, qui tot casibus supererant, in summa rerum penuria per steriles saltus, et inhospita saxa, vagabantur, nullum videntes exitum. Quando truculenti grassatores subito haec loca reliquerunt, et reliquiis occasio sedes suas, misere vastatas, recipiendi data est. Qua arrepta, res suas strenue instaurarunt, in fide et religione sua constanter perseverantes: quod etiam ipsis per singularem Dei gratiam feliciter successit.

§. DLXXXIX. Barbaricae hujus scenae fama per Germaniam

niam circūgata, maiorum animi vehementer commoti, Helvetii quoque reformati ad intercedendum pro eis, qui profugerant, excitati sunt, ut erga eos uteretur misericordia Franciscus, sed responsam ab eo retulerunt, iustis de causis ita esse actum, nec eis magis de suis oportere negotiis esse sollicitos, quam ipse sit de eorum. Ipse Carolus V. in publicis Ordinum Germaniae Comitibus fertur Regem perstrinxisse, quod *soldatum populum, nulla senis aut actus habita ratione, integrum vastaveris*. Ipsi Galli, qui humanitatem non exuerant, facinus illud destituti sunt, uti Thuanus, et alii plures. Abbas Langetus, occasione historiae Aubernacae, in hanc tragediam scriptae, contulit ad nuptias Bartholomaeas, cum quibus *par. passu ambulare dixit*. Ipse Henricus II., Galliarum Rex, et Francisci successor, invidiam conatus est a Patre publice amoliri. Jussit utique, ut per Procuratorem et advocatum Regium innocentia miserorum, et Patris sui, publice in Parlamento propugnaretur et iustificaretur. Quod a. 1552. factum est. Duravit actio per mensem, et orationes, pro, ut dicitur, et contra, habitae sunt, apertis valvis, ingente hominum frequentia a duobus celeberrimis causidicis, altero Auberio, Minerium Praesidem in vinculis accusante, altero Roberto, eum defendente. Sed tota haec actio in fumum abiit, nec majorem habuit utilitatem, quam quod Waldensium fidei confessio publice ibi fuerit praelecta, praesente et urgente Carolo Molinaeo, libellorum supplicum in Regia Magistro; ut ipse testatur in tractatu de *Monarchia Francorum*: unde excerpta de Albigenibus existant ad calcem Camerarii l. cit. Ipse Minerius fuit ea conditione vinculis solutus, et in integrum restitutus, si se etiam data Carolo Lotharingiae Cardinali, ut *novos iussu Christianos tota provincia expelleret*. Quod, in Provinciam redux, strenue exsequi adgressus est, majoribus, quam antea crudelitatis datis speciminibus. Sed brevi poenas dedit, terribili correptus morbo. Insuitata enim per posticam corporis partem sanguinis effluxione,

ac gravi ~~saeva~~ inguina computruerunt, ipseque inter crudeles ac horrendas voces miseram efflavit animam.

§. DXC. Corripuit dein eadem flamma persecutionis, etiam per vim armatam, et copias militares, Vallenses in *Pedémontio* a. 1555., et deinceps, in primis a. 1560., quando, bello inter Regem Galliae et Ducem Sabaudiae finito, regiones illae ad Ducis imperium redierunt. Durante dominio Gallico, non cessarunt quidem vexationes, et persecutiones, sed per Inquisitores potissimum, qui, quotquot in potestatem redigere potuerunt, violenta adfecerunt morte, more solito per brachium seculare. Inprimis id operam dedit Senatus Taurinensis a. 1555., postquam Bartholomaeus Hector, librarius quidam, fuisset mirabili constantia in urbe Regia Taurini publice combustus, multorumque animos commovisset, quippe quo Senatus magis est irritatus, et ad sectam illam funditus extirpandam excitatus. Missus itaque est Praefes Julianus cum Collaterali de Ecclesia ad Vallenses, mandatumque Regis Galliae inter eos est promulgatum, quo intra triduum iussi sunt, sub poena mortis, interesse missae. Vallensibus nihilominus in fide sua, spreto edicto, permanentibus, plures coram ipso quidem citati et adducti sunt, sed nec minis, nec pollicitationibus, eorum fides frangi potuit. Singulare est responsum, ipsi a quodam rustico datum, cum filium ejus vellet rebaptizatum more Catholico, quo, post preces, praesente Praeside, fusas, dixit, *se paratum esse, si Praefes, sponse scripto data, in se suscipere vellet peccatum luendum, quod hoc faciendo committeret.* Quo Praefes absteritus, ipsum abire iussit. Tentavit dein ipsorum conversionem per praecones Monachos, sed quos vix audire voluerunt. Omnibus itaque perlustratis rediit Taurinum, et retulit, tantam se invenisse unionem et constantiam, ut nihil, nisi per expressam Regis potestatem, effici possit. Causa ita dein ad Regem delata, et novo ejus mandato anno sequente inpetrato, quo sub poena mortis et confiscationis bonorum adire jubentur missam, *Tom. VI.* M m m m iterum

iterum se ad ea loca contulit Praeses, sed idem accepit responsum, *Deo magis, quam hominibus esse obediendum*; addiderunt, tolerari Judaeos et Turcas, se magis mereri, religionis verae Christianae studiosos, cui, nisi de falsitate convicti, renunciare nequeant. Quo responso, quantopere modesto et vere Christiano, exacerbatus Senatus Taurinensis, comprehendi jussit, quotquot inveniri poterant. Quae tritis fors duobus egregiis contigit viris, Gothofredo Varallio, et Nicolao Sartorio. Quorum prior, minister Ecclesiae Angrunniae, flammis est Taurini publice combustus, singulari constantia et laetitia a. 1557. Pater ejus, dux copiarum latrocinialium, in Vallenses immissarum, a. 1488. fuerat, et filius ipse primum Monachus, et emissarius inter Vallenses ad eos convertendos: cui, quo magis in eo opere versaretur, eo clarius sese offerebat veritas, donec ei manus dederit, et inter Vallenses pastorem dignissime egerit Angrunniae. Alter, Genevae, in pensis Bernensium, tanquam eorum alumnus, studiis incumbens, cum suos in Vallibus visitare vellet, in itinere detectus, captus et eadem poena adfectus est in urbe Episcopali Vallis unius.

§. DXCI. Sed haec graviorum afflictionum fuerunt tantum praeludia. Vallibus enim a. 1559. per pacificationem redditis Duci Sabaudiae, Emanueli Philiberto, ipse se a Monachis mox induci passus est ad eos destruendos, licet bonus alias esset Princeps, et uxor ejus Margareta soror Henrici, Regis Galliae, religionis Reformatae non ignara, nec ab ea aliena, per amitas ejus, Reginas Navarrae et Galliae. Quo multum contulit Nuncius Papae, cum, Regis Galliae exemplum ipsi ob oculos ponendo, tum, nisi eos deleret, metum incutiendo, quia in suspicionem fautoris haereticorum incurreret apud Papam. Promulgari itaque inter Vallenses fecit, ut, nisi ferro et igni vellent vastari, frequentent missam. Confugerunt quidem libellis supplicibus ad Ducem, ejusque uxorem, qui apud Legerum exstant, sed operam luserunt. Constituit itaque Dux, copiis Papae,

et Regum Hispaniae ac Galliae, adjutus, eos armis in ordinem redigere, executione demandata Philippo Sabaudo, nepoti Ducis, Domino Raconis, et Georgio Coste, Comiti Trinitensi, adjunctis Monachis Inquisitoribus Toma Jacomello et de Corbis. Philippus vero et de Corbis, pietate et constantia Vallengium in persecutionibus, quam oculis usurpassent, ad animum revocata, rem non tantum non urserunt, sed et eos adjuvare conati sunt. Reliqui duo, in primis Comes Trinitatis, nihil non ad eos destruendos egerunt. Cum enim urgerent, ut, ministris suis expulsis, novos ipsis dandos reciperent, et Papam agnoscerent, nihilque inpetrarent, hostiles in eos fecerunt inpetus a. 1560. et 1561., omniaque caedibus, rapinis, et incendiis repleverunt, nullo saevitiae genere omisso. Ad quas angustias redacti Vallenges, se ad justam sui defensionem pararunt, et vim vi repellere coeperunt: adeo ut inter ipsos, et copias Ducis, sub Comite Trinitatis, apertum fuerit bellum ortum, Vallengibus faustum, et valde gloriosum: hostes enim, licet ipsi pauci essent numero, ubique cum ignominia et clade in fugam conjecerunt praecipitem, licet milites essent exercitati, et ingente numero. Cujus belli historiam ex Gillis, et historia martyrum, supra citatis, facile petendam, hujus non est loci enarrare. Hostes vero instar rabidorum canum in miseros, ubi potuerunt, saevierunt. Miles quidam ex. gr. dimidiam fidelis aurem dentibus avellens, *ex perditorum horum, inquit, Lutheranorum aliquid mecum in patriam deferam.* Hominis sexagenarii, manibus ad tergum religatis scamno adfixi, *umbilico scarabaeum, testa tectum, admoverunt, qui redere non desist, donec in alvum penetrasset, et miserum horribili mortis genere necasset.* Senex aliquis 103 annorum, in spelunca cum filia 18 annorum, quae Patrem alebat, deprehensus, nefarie obtruncatus est, filia vero, vim passura, se proripuit, et e rupibus praeruptis dedit praecipitem. Fideles e contra exactam servarunt disciplinam, sanguini hostium, quantum liceret, pepercerunt, eos repulisse.

contenti: patrarunt autem mirabilia, et singularem plane ac stupendam exarserunt virtutem, ita ut pauci, et inexper-
ti, male armati, hostes magno numero, exercitatos, et stre-
nuissimos, Duces tulerint continuo, nulla fere cum sua clade.
Caesi nonnunciam sunt 900 hostes, ipsi vix quindécim
perdiderunt. Octo quoque praestantissimorum Ducum ceci-
derunt, inter quos fuit Carolus Truchetus, Dominus pagi
Reoclairet, singularis fortitudinis. Ducenti et plures subin-
de ab ipsis caesi sunt hostes, absque ut vel unius fecerint
jacturam. Gestum maxime est hoc bellum in convallibus
Angrunia et vicinis regionis Pedemontanae. Multis prae-
terea fraudibus usus est Comes Trinitatis, pacta cum iis
octo aut novem iniit, quae violavit omnia. Prima clade
accepta, ut unum proferam exemplum, cum Comes, ne-
gotium a se susceptum, videret periculi plenum esse, nec
facile perficiendum, omnia amica Vallenibus ostendit, et
liberum religionis exercitium, a Principe inpetrandum, est
pollicitus, modo arma deponerent, pastores extraneos ad
tempus dimittant, mox revocandos, missam in locis suis per-
mittant celebrari, licet ipsi non interessent, denique depu-
tatos praecipuos populi mittant ad Principem, veniae et
pacis inpetrandae ergo. Quae omnia licet fecerint fideles,
etsi inviti, et multis dissuadentibus, hostilitates non omisit
Comes, deputati etiam sunt detenti, et male admodum trac-
tati, nihilque est inpetratum: adeo ut Comes nihil aliud
habuerit in animo, quam ut eos facilius opprimeret. Quo
animadverso, animis resumptis, bellum strenue renovarunt.

§. DXCII. Tandem cum votorum compotes fieri non
possent hostes, multosque perdidissent, pro uno Waldensi
quidem centum de suis, animos ad bellum tam inglorium,
et damnosum, finiendum, pacemque faciendam, serio adpli-
cuerunt, paxque facta est intercessione Philippi Sabaudi,
Domini Raconis, et in primis Margaretæ, uxoris Ducis,
a. 1561. Mens. Jun., posteaquam apertum bellum septem,
et persecutio, quae praecefferat; octo, in universum adfic-

tio quindecim menses durasset. Qua pace venia gestorum est concessa, ipsi in tutelam Ducis recepti sunt, liberum religionis exercitium datum, exules revocati, et incarcerati liberati, bona amissa restituta sunt etc. Aegre illud quidem tulerunt Pontificii, Papa quoque effectum impedire voluit pacis; sed in cassum. Nec maiore successu alia via eos tentarunt vexare, uti per disputationes et calumnias, etiam publicato edicto, quo omne commercium et negotiatio Pontificiis vetatur cum Waldensibus a. 1593.; Ipse enim Dux intercessit, commercium iubens fore liberum. Instaurarunt praeterea res suas Vallenses, quantum pote, adiuti quoque subsidiis Genevensium, Helvetiorum, et Protestantium in Germania. Sed ne sic quidem pace ipsis permisum est frui, cum saepius dein vexati, et multas passi sint persecutiones, per totum hoc seculum: quarum accurata notitia peti potest ex Gillis.

§. DXCIII. Anno 1565., ut aliquas earum lineas ducam, cum Vallenses pacti male observati accusarentur apud Ducem, ad eos missus est Toscanus aliquis, nomine Sebastianus Gratiolus de Castracaro, postea Castralarus dici solitus, qui antea inter Praefectos copiarum sub Comite Trinitatis locum tenuerat, a Vallensibus captus, bene exceptus licet et dimissus, verum propterea, et ob alias rationes, hostili in eos erat animo. Obtinuit dignitatem et potestatem Gubernatoris Vallium Lucernae, Angruniae, S. Martini, et Rocheplatae, egregia usus fraude. Ducissae enim promisit, se curaturum, ut pactum observaretur inviolatum contra Vallensium hostes, Archiepiscopo vero Taurinensi, et aliis Praelatis, ut religio Pontificia instauraretur. Statim ac ad eos venit, pactum ab iis violatum ipsis objecit, proposuitque, nomine Ducis, si in pace vivere vellent, ut extraneos pastores habeant nullos, eosque recipiant, quos Dux ipsis dederit, nullas cum aliis Principibus aut hominibus ineant societates, nullas litteras aut libros de religione in alia mittant loca, Duci subiecta. Quibus cum ex vo-

to non responderent, omnibus modis, variisque sub praetextibus, eos adflixit. Accessit eodem anno 1565. novum edictum, a Duce, ad Papae instantias, publicatum, quo omnes per totum Ducis principatum, nisi intra decem dies missae celebrationem promittant, jubentur terras Ducis deferere intra duos menses. Intercesserunt quidem pro ipsis Protestantes Germaniae, in specie Saxo et Palatinus, legatione et litteris ad Ducem et uxorem, quae apud Gillis et Leger existant, sed exiguo successu, tantum minus urserunt decreti executionem. Castracaro vero publicavit edictum inter Vallenses Lucernenfes de emigratione omnium, qui istius regionis non erant originarii, et alterum, quo ad conciones audiendas vetuit adire communitatem S. Johannis. In carceratum sunt varii, multumque vexati, at intercessione Ducissae dimissi, injunctumque simul est Gubernatori, ut Vallenses gaudere sinat pacto pacis.

§. DXCIV. Sed Castracaro haud diu a persecutione cessavit, quin vehementius eam resumfit, variis justitiae praetextibus usus a. 1571., plures occidendo, alios expellendo, alios spoliando, alios carceri mancipando. Ipsum quoque Ducem calumniis adeo inflammavit, ut ad novam persecutionem publicam omnia spectaverint, sed intercessit denuo Ducissa, effecitque, ut Gubernatori quoque omnis vexatio sit prohibita. Sed vexati sunt denuo eo praetextu, quod tempore belli cum Gallis sese his adjunxerint. Quo audito, ipse Rex Galliae Carolus IX. causam eorum efficacius egit apud Ducem, eosque liberavit. Litteras Caroli, lectu dignas, recenset Leger. Cum vero brevi post terribilis illa laniena Parisiensis contigisset, pluresque Protestantes e Gallia ad Vallenses confugerent, Castracaro, hac arrepta ansa, novum in eos fecit inpetum, adeo ut plures ad asyla sua in rupibus debuerint confugere. Sed succurrit ipsis rursus Ducissa, litteris a Duce inpetratis, quibus potestas ipsis data est domos repetendi, etiam fratres profugos e Gallia recipiendi. Qua ratione gavisi sunt pace usque ad mortem

Ducissae

Ducissae a. 1574. Novum quidem inpetum, ea mortua, in miseros hosce homines facere inceperunt, sed, illustrium personarum, religioni ipsorum faventium, interventu effectum est apud Ducem, ut furor iste suffocatus sit, usque ad ejus mortem, a. 1580. Successor vero ejus Carolus Emanuel cum Ducatum Salucensem invasisset, et Gallus in villas Pedemontii irruisset, easque teneret occupatas, fideles Vallenses deinceps rei sunt acti perfidiae in Ducem, adeo ut certa spargeretur fama, Ducem eos esse extirpaturum. Sed res in eorum favorem vertit. Causa enim a Senatu Sabaudiae discussa, secundum Vallenses est pronunciatum, qui Ducem quoque ab eo tempore nacti sunt patronum, omnibus privilegiis, antea concessis, ab eo confirmatis. Quo in statu res manserunt ad finem seculi, licet per zelotas Pontificios et Inquisitores nunquam cessaverint variis modis vexari.

§. DXCV. Vallensibus Pedemontii a meridie adjacent *Salucenses*, incolae Marchionatus ditionis Regis Galliae usque ad a. 1595., quando ex pacto Henrici IV. cum Carolo Emanuele, Duce Sabaudiae, in potestatem Ducis venerunt. Waldenses vero, jam ante aliquot secula e vallibus Pedemontii, praecipue Lucernae, migrarant in vallem Marchionatus, maxime septentrionalem, dictam *Padanam*, a fluvio Pado, eam trajiciente, sedibus in locis Vilhem, Biollet, et Bictonet fixis; qui fidem suam ac religionem constanter tenuerunt, ac professi sunt, seseque dein per totum Marchionatum diffuderunt, adeo ut hoc seculo maxime fuerint, et ubique, multiplicati, nec graviter adstricti, quandiu sub Gallorum fuerunt inperio. Tentarunt quidem Pontificii Zelotae, a quibus saepe sunt infestati, eorum Ecclesias destruere, sed sine magno successu. Inpetrarunt quoque hostes a. 1567. edictum a Duce Neverrense, *locum tenente* Regis in illis regionibus, quo extranei, religionem eam professi, jubentur intra triduum cum familiis et bonis emigrare, nunquam redituri, sub poena mortis, eo scopo, ut gre-

gem pastoribus, maximam partem alienigenis, orbarent: sed parum obtinuerunt, pastoribus manentibus, et in officio continuantibus. Duo quidem capti sunt, et in carcerem coniecti, sed, misso Pastore suo Galatio ad Regem Galliae, ut liberarentur, et sibi libertas religionis relinqueretur, et Primorum Galliae, qui ipsis, eorumque religioni, bene cupiebant, nacti intercessionem, impetrarunt a Rege a. 1571. litteras, pro incarcerationum dimissione; et libertate religionis. Laniena vero Parisiensi a. 1572. facta, iussit Rex per litteras Gubernatori Biraco, ut istius religionis praecipuos istis in regionibus mox occideret; sed re, convocato concilio, in deliberationem a Gubernatore missa, conclusum est, suadente Archidiacono Salucae. ut caperentur tantum, non trucidarentur, donec nova petissent a Rege iussa. Scripserunt itaque Regi, et egregio fideles illos ornarunt testimonio; sed, antequam litterae ad Regem delatae sunt, nova accepit Gubernator mandata de superioribus iussis non implendis, tantum ut adtenderet, ne motus concitarentur, nec publicum religionis exercitium renovaretur. Quae per Marchionatum divulgata ingentem pepererunt consolationem, et tranquillitatem, usque dum a. 1588. regionem istam sibi rursus vindicaverit Dux Sabaudiae. Reliquit quidem eos Dux aliquo tempore in pace, sed dein eos partim coepit inminuere, et ad religionem Pontificiam transferre. Citati sunt praecipui Ecclesiae Dronierensis, quae egregie florebat, Taurinum, quorum haud pauci partim minis, partim promissis, ad missam frequentandam permoti sunt: quod fideles quidem commovit vehementer, sed non turbavit, aut fidem inminuit. Scripsit etiam sine successu ad eos litteras Princeps a. 1597., ut eos ad Ecclesiam Romanam compelleret. Retinuerunt itaque statum suum ad finem seculi usque, donec in certam et plenissimam Ducis potestatem, pace cum Rege Galliae facta, ut modo memoravi, redierint: quando novae, etiam atrociores, exortae sunt persecutiones, seculo sequente.

§. DXCVI.

§. DXCVI. Gravem quoque passus sunt persecutionem Waldenses alii a. 1570., in *terra nova*, in confiniis Pedemontii, Provinciae, et Delphinatus, cujus primaria urbs est Barcelonetta. Fuerant ibi a longissimo tempore tranquilli, Ducibus Sabaudiae ad eos parum adtendentibus, donec sacrificuli, nihil ab iis habentes lucri, Ducem in eos incitarint. Jussit itaque dicto anno, ut vel terram deferrent, vel missae interessent. Intercesserunt quidem pro ipsis Principes Protestantium Germaniae, ad quos confugerant, in primis Palatinus, missa legatione, sed praeter bona verba nihil inpetrarunt. Imo severius jussi sunt religionem Pontificiam amplecti, aut exire. Quare ad incitas redacti, cum nusquam asyla in locis vicinis reperirent, cum uxoribus et liberis, media hyeme, ad montes se contulerunt, ut ad Frissinerienses venirent: sed multi frigore perierunt. Postea tamen, cum nemo eorum terras occupare et colere vellet, licentiam redeundi receperunt, modo religionem, ipsis relictam, exerceant extra ditiones Ducis. Plura de iis non constare tradit Perrin. l. VI., ex quo haec sumsi.

§. DXCVII. Succedant denique Waldenses in *Calabria* degentes, qui circa initium sec. XIV., ab aliquo Dominorum Calabriae invitati, ingentibus promissis privilegiis, emigrarunt e vallibus Pedemontii, et deinceps, novis accedentibus coloniis, valde aucti, terras illas egregie excoluerunt, ac aedificarunt, pagis non tantum, sed et urbibus, extructis, ut Ultramontani, S. Sixti, Vacarisso, Argentino S. Vincenti, et Guardia, haud procul mari Mediterraneo, aliisque. Manserunt ibi tranquilli, a Dominis territorii defensu, ab ipso quoque Rege Apuliae, Ferdinando Aragoniae, privilegiis confirmatis, sese quantum pote occultantes, subinde etiam quaedam contra voluntatem dissimulantes, propter vicinos Catholicos, usque ad a. 1556. Quando, Pedemontanorum studio excitati, publicum religionis exercitium coeperunt introducere, nequicquam eos prudente Pastore Aegidio dehortante, pericula ob oculos

Tom. VI.

Nnnn

passus;

positis; qui ipsis etiam sussit, ut, dum ad huc tuto possint, alio secederent. Nonnulli lautari consilio autem quidam praebuerunt, alio se conferentes, sed longe maximam partem manserunt, et in proposito exsequendo perseverarunt. Quod ut rectius succederet, insignem a Genevenibus impetrarunt Pastorem, Johannem Ludovicum Pascalem, Pedemontanum, qui opus egregie perfecit, maxime adjutus a simili viro, collega ejus, Stephano Nigrino. Quae statim ac in vulgus emanassent, Pontificii sese ad eos extirpatos adcinxerunt a 1560. Quam tempestatem ut averteret Dominus territorii, Marchio Salvator Spinelli, alias bene in eos adfectus, praecipuos eorum ad se arcessivit, ut in persuaderet, tempori servire, ac Catholice vivere. Qui cum ad eum venissent, secum sumto Paschali, viro erudito et modesto, ut sibi adesset, Pastor, nequidem auditis, in carcerem est conjectus, reliqui, licet constantes manserint, dimissi sunt domum, nec rem ulterius urisit Marchio.

. §. DXCVIII. Papa vero Pius IV., eorum exitio intentus, executionem ejus commisit crudeli eorum adversario Cardin. li Alexandrino, Inquisitori generali, cui alii inquisitores adjuncti sunt. Contulerunt sese mox ad locum S. Sixti, blanditiis usi. Unde cum fideles sese maximam partem in sylvas et montes subduxissent, tetenderunt Guardiam, promulgantque, S. Sixti incolae sese Ecclesiae Romanae submisisse, eo cum successu, ut fideles Guardiae, illud pro vero habentes, eorum secuti exemplum, idem fecerint; sed, intellecto illud falsum esse, mox, resumptis animis, retraxerunt, et ad sylvas quoque confugerunt, pluribus tamen per Marchionem permotis, ut manerent. Missi mox, sed irritato conatu, sunt milites ad delendos profugos. Cum enim ad incitas redacti, nequidem libero sine bonis discessu impetrato, vim vi repulerunt, eo cum successu, ut hostes eorum clade in fugam conjecerint, seseque ab eorum impetu liberaverint, verum ad breve tempus. Prorex quippe Apuliae, de eo certior factus, magna cum militum copia, promissis

promissis etiam indulgentiis, in eos irruens, undequaque cinxit, partim cepit, partim occidit. Quando mox instituta est inquisitio in omnes eorum locorum fideles, omni parte inmanis et saeva, cruciatibus etiam eo scopo adhibitis, ut conventus nocturnos libidinosos confiterentur, ut majore praetextu eos punirent. Longum foret omnium enarrare martyria. Ludovicus Paschalis Romae, coram oculis Papae et Cardinalium, vivus est combustus, posteaquam fidem et fiduciam luculenter demonstrasset, et perorasset, adeo ut, teste Perrino, Papa dixerit, se optasse, aut se surdum fuisse, aut Paschalem mutum. Collega ejus Nigrinus, omnibus superatis tentationibus, Cosentiae, quae est urbs Episcopalis, mortuus est, vel per cruciatum, vel per famem, in ipso carcere. Alius pice obductus flammis est absumtus, alius vi tormentorum effudit viscera, alius de alto est deturbatus, alii alio modo perierunt: pauci ad fratres in Piedemontium evaserunt. In signum furiosae crudelitatis adhuc notetur, octoginta sex fuisse excoriatos, dein singulos in duas fissas partes, et palis ita per longissimum spatium 36 milliarium juxta viam adligatos, in spectaculum transeuntium. Qui vero in Apulia erant Waldenses, non tam cito deleti, hac fratrum laniena intellecta, terras suas deseruerunt, et alio secesserunt. Hac ratione Ecclesiae Waldensium illis in oris plane sunt deletae, nullis relictis reliquiis. Qui enim fugitivi redierunt, sese ad religionis Pontificiae placita conformarunt. Descripserunt vero hanc atroguediam Perrinus cap. VII. et Gillis cap. XXIX.

PROPAGATIO ECCLESIAE.

§. DXCIX. Novus cum Ordine Jesuitico incepit Christianismus inter Infideles propagandi ardor, Jesuitis peculiari voto ad id obstrictis, qui reliquos Ordines ea ratione ad aemulationem excitarunt. Unde hoc jam seculo variae sunt orcae, missae in utramque Indiam, et Africanam, molestiae

Nnnn 2

etiam

etiam erecta *seminaria* Missionariorum. Primus est Gregorius XIII., qui ejusmodi condidit seminaria, in quibus ministri ad faci propagationem instruerentur, et aptarentur. Quasiam diversis in locis orbis Christiani erexit viginti tria, et anno recte locuplevit. In *Missionibus*, quae plures fuerunt, Jesuiticis praecipuas habuit partes Xaverius, unus e primis Ignatii focūs, quare novaram Gentium, et novaram Indiarum, *Apostolus* adpellatur, in bulla canonizationis ejus ab Urbano VIII., ubi magnam quoque hominum copiam traditur convertisse, et, praeter Indos, Brachmanes et Malabares, primus dicitur euangelium adnunciavisse Paravis, Malais, Jais, Arenis, Mindanais, Malacensisibus, et Japonibus. Missionem Japonicam suscepit a. 1549., tantoque cum successu cum ipse, tum alii, post secuti, eo in opere fuerunt occupati, ut quinquaginta annorum spatio numerus Christianorum, sic dictorum, ad 200 hominum millia creverit; si relationibus sit habenda fides. Vid. etiam Xaverii epistolae, Joh. Massens hist. Ind. l. XIV. etc. et Hor. Tursellinus in vita Xaverii. Qua vero ratione, et methodo, ut fuerint Jesuitae in Euangelio adnunciando, diversae erant Franciscanorum et Jesuitarum relationes, ut ex epist. Ludovici Soteli, Franciscani, ad Papam a. 1624., et Joh. Philippi Marini, Jesuitae, hist. missionis Japonicae a. 1663., Alexandro VII. dedicata, constat. Illud utrinque in confesso est, universum Ecclesiae Romanae caerimoniarum adparatum hisce neophytis fuisse obtrusum, usque ad summam superstitionem circa Mariam, Sanctos, Imagines, Cruces etc., praeterea per *munera* magis, quam miracula, aut etiam media rationalia, missionarios sese in animos infidelium insinuassee, in specie per imaginum, eleganter pictarum, oblationem, imo per castellos delicatiores, quorum magistros, ut ludicra doceant, non dedignati sunt agere. Jactat quidem autor *historiae Ecclesiae Japonicae* miracula, sed nimis ridicula, et suspectae fidei. Ipse Marius clare fati indicat, miracula non patrari a Missionariis, cum eos

hac

hac parte excuset. Verius est, quod Sotelus disertè testatur, Jesuitas non crucifixum, sed gloriosum tantum Christum adnunciasse, utpote infidelium genio, et proprio instituto, convenientiorem. Tradit præterea idem autor, non nisi triginta Jesuitas esse in 66 Japoniae regnis, et plusquam 200 provinciis; nec tamen ex alio ibi ferri Ordine prædicatores, utpote diverso longe instituto uij solitos. Unde multa sunt orta dissidia, quae infidelibus scandalum dederunt, et Christianismi propagationi obicem posuerunt. Reliqua ad seculum sequens pertinent. Illud tantum addo, de statu Catholicae religionis in Iaponia, et Monarchae Iaponici trucidatione, duas exstare epistolas, a. 1595. datas, a Jesuita Aloysio Frois: quae etiam ad calcem Rubeni de falsis Prophetis reperiuntur.

§. DC. Paulo recentior est missio *Sinica* in regnum Chinae, a Xaverio a. 1552. procurata, sed a Matthaeo Ricci cum fociis effecta a. 1600. De qua vid. Nicolaus Trigautius in *expedit. Sinica* a. 1615. edita. Aditum illi sibi ad hoc regnum pepererunt peritia sua Mathematica. Incubuerant jam diu antea huic operi fratres Minores, ab a. 1293. usque ad 1369., quo Europaeis introitus in hoc regnum est interclusus. Primus autem Minorum, qui eo penetravit, est Johannes de Monte Corvino. Nec tamen eo demum tempore ibi innotescere coepit Christianismus, licet Latini tunc primum intraverint: sed longe ante eo delatum fuerat euangelium. Utique ante seculum XII. ibi fuisse Christianos, ex Vincentio, Paulo Veneto, et alijs, constat. Quid? quod ab a. 714. religionem Christianam ibi floruisse, monumenta Sinarum doceant: sed nunc ante Nestorianos ibi fuerit, non liquet. Cosmas Indopleustes *topogr. Christ.* lib. III. fatetur, se ignorare, num ultra Taprobanam sese religio Christiana porrigat. Superest antiquum monumentum lapideum Syro-Sinicum, a. 1625. repertum, quod habet, Evangelii præcones regnum illud a. 636. intrasse. De quo suo loco ad illud seculum egi. Vid. de eo, et

Christianismi propagatione per Sinenses, *Asseman. Bibl. Orient. tom. IV.*

ECCLESIA GRAECA.

§. DCI. Constantinopoli a Muhammede occupata, regno quoque Trapezuntino destructo, multisque subjectis oppidis, Imperio dein latius a Bajazethe extenso, et magis a Selymo propagato, Mammalucorum quoque Imperio in Aegypto deleta, circa finem seculi superioris, denique Turcarum regno per Solymannum, qui diu regnavit, hoc seculo dilatato et firmato, totus fere Oriens, cum Graecia et Insulis, Aegypto, et Africa, in eorum fuit potestate, et Christianismus, varie adtrit, et obscuratus, miserabilem praetulit faciem, durissimo Turcorum iugo oppressus, ita ut studia collapsa, et sensim fere extincta, sint. Petenda vero est notitia status Graecorum Catholicorum, de quibus hic agimus, ex Martino Crusio in *Turco-Graecia*. Ubi, praeter varias epistolas, a Graecis ad Crusium, aliosque Germanos, et ab his ad Graecos, scriptas, occurrit praecipue *historia politica CPol.*, ab a. 1391. ad a. 1597., a Theodosio Zygomala ad Crusium delata, ejusque epistola ad Crusium de urbis obsidione, et expugnatione, rebusque hodiernae Graeciae; praeterea *historia Patriarcharum CPolitaneorum*, a capta per Turcas urbe a. 1453., autore incerto, sed ab Emanuele Malaxo descripta, qui libris describendis, et pueris ac adolescentibus Graecis sub Patriarcheio docendis, se sustentavit, a. 1581. defunctus. Accedunt variae epistolae Graecorum inter se, a Zygomala selectae, et ad Crusium missae. Quae omnia edidit Crusius Graece et Latine, cum eruditis notis. Fuit autem ipse utriusque Linguae Graecae, et priscae, et hodiernae barbarae, Professor Tubingensis ab a. 1559., qui primus in Germania hanc novam linguam docuit, mortuus initio seculi sequentis a. 1607. Prodiit vero ejus liber Basileae. Addi autem ei debet Christophorus

ophorus Angelus, Graecus, qui, Peloponneso, patriae suae, in Angliam venit, initio seculi sequentis, et Cantabrigiae publicae exposuit lucem *enchoridion* de institutis, et libris Graecorum, et Ecclesiae Graecae, saepe recusum, iam versione et commentariis Georgii Fhelavii. Denique agentis sunt utilitatis, quae David Chytraeus in lucem protulit. Offerunt sese ibi, praeter ejus orationem de statu Ecclesiarum in Graecia, Asia, et Bohemia, variasque epistolarum ad eum epistolas, et alios, diversorum Graecorum epistolae ad Chytraeum, et alios. Consuli postremo deberetur Leo Allatius de *consensu* etc. et in *Graecia Ordo*, nec non Richard. Simonius, cum in epistolis selectis, tum in notis ad Gabrielis Severi, Philadelphiae Metropolitae, quaedam opuscula ab ipso edita, etiam sub nomine de Moni in historia Critica de *Orientalium fide et moribus*.

§ DCII. Ecclesiam Graecam, quod tractationi de ejus statu praemittendum est, in doctrina et ritibus continuasse Latinam esse diversam, adeoque schisma, uti antea, mansisse, et Florentinam unionem, seculo superiore initam, communiter fuisse repudiatam, exceptis illis, qui, Latinorum pe indigentes, vel a missionariis allekti, a Graeca religione desciverunt, quos *Latinizatos* adpellant, multa evincunt idiccia: de quo vid. Spanhemius in *perpetua diffensione in Miscellam Sacrae antiquitatis*, l. IV. 1. Epistola Ecclesiae Politanæ ad Bohemos a 1451., apud Chytraeum ad calcem orationis ejus, modo laudatae, et Leonem Allat. l. III. de *consensu* etc., nec non Moyne Var. S. tom. II. unionem florentinam diserte rejicit, tanquam a *veritate alienam*, et *periculosas Romae innovationes* perstringit 2. In apologia Samuelis Holoboli, magni Rhetoris CPolitani, ad quaestiones et positiones Franciscani Monachi, ibid apud Moyne, des Romana de processione Spiritus S ex Patre Filioque, anibus azymis, primatu Papae, purgatorio etc. reprehensum, et in S. eucharistia tantum admittitur Spiritus in-

vocati unio cum pane et vino, nec per verba tantum Christi, sed preces liturgicas facta. 3. Jeremias II., Patriarcha CPolit. ab a. 1572., in proluxa responsione ad Confessionem Augustanam, a Wirtenbergenfibus Theologis ad Graecos missam, Gr. et Lat. in *Actis et Scriptis Theologorum Wirtenberg.*, mentem de gravissimis fidei capitibus explicat secundum fidem Graecorum, a Latinorum placitis longe diversam. Contendit quidem in eucharistia non esse ~~verum~~ figuram, sed ipsum Christi corpus, sed ~~perverbum~~ *transsubstantiationem* rejicit, et corpus esse statuit, plane ut Veteres, ~~et Synodus deificatum~~. Ceterum de Jeremia vid., praeter Fabricium Bibl. Gr. vol. X., Joh. Lamius, in *deliciis Eruditorum* 2. 1740.

§. DCIII. 4. Eundem in censum, prae reliquis, referendus est *Meletius Piga*, *μελέτιος*, toto Oriente circa finem seculi clarissimus. Creta oriundus, pro more Cretensium, cum Venetiis essent obnoxii, studia confecit Patavii in Italia: unde in Graeciam redux monasticum induit habitum, dein Alexandriam adpulsus, ab Alexandrino Patriarcha Sylvestro sacerdos, et postea Protosyncellus, est creatus a. 1581. denique, Sylvestro mortuo, Patriarcha Alexandrinus, simul Exarchus factus Patriarchae CPolitani, ut ejus nomine Ecclesiasticas dirimeret controversias, intra ex extra dioecesein. Varia scripsit, ut homilias, Catechesin ad Graecos, et epistolas ad externos, quarum aliquae ad Polonos exstant apud Regenvolschium in *hist. Ecclesiast. Sclayonicarum Ecclesiarum*. Plura de ipso suppeditat, praeter Fabricium Bibl. Gr. vol. X., Renaudot., qui duas ejus edidit epistolas post Genadii homiliam, et Georgius Douza in *Itinerario CPolitano*. Fuisse eum Ecclesiae Romanae infensissimum, et Latinos acriter insectatum, ipsi Catholico-Romani testantur, ut R. Simon praef. ad Gabrielem Severum, et Leo Allatius de *Consensu* etc. l. III. Huc etiam 5. pertinet *Manuel*, deinceps Maximus dictus, *Margunius* Cretensis, circa finem seculi celebris, et variis in Italiae locis versatus. Initio quidem

dem non fuit a Latinorum placitis alienus, sed postea Cytherorum in Creta Episcopus ab a. 1574. ab iis summo opere abhorruit. Dialogum ejus nomine editum Londini, de *processione* Spiritus S. contra Latinos, ei abjudicat Leo Allatius. De scriptis ejus vid., praeter Fabricium l. cit., Joh. Lamius in *deliciis eruditorum* a. 1739. in praefatione: quò in tomo epistolas aliquot ejus in lucem misit. Omitendus non est *Gabriel Severus*, Metropolitae Philadelphensis, ditionis Venetae; cujus aliqua opuscula publicavit R. Simonius: de quo modo monui. Scripsit, inter alia, quoque contra quinque capita Florentina, et eos, qui Ecclesiam Graecam dicunt *schismaticam*. Prius opus publicatum est Venetiis. Retinuit quidem vocem *μυσεϊσμός*, sed fidem Latinam non admittit. Desino 7. in *Georgio Doreffio* Chio; quem virum doctum adpellat Demetrius Procopius Moschopolita in *recensione eruditorum Graecorum* superioris seculi, apud Fabricium Bibl. Gr. vol. XI., sed addit, eum Scholastico modo plura scripta Theologica composuisse, ut alia, sine ordine passim et recto judicio. Lucem adspexit Londini opus ejus in *propugnationem schismatis*. Aliorum scriptorum ejus contra Latinorum dogmata titulos exhibet Leo Allatius. Haec sufficiant. De Cyrillo vero Lucari, et aliis, agendum est ad seculum sequens.

§. DCIV. De studiis, fide, cultu, regimine, et statu Graecorum, paucis desungi potero, cum plura non sint magni momenti. *Studia* fuisse minus in Graecia exulta, e misera Graecorum conditione facile colligitur. In tota Graecia, inquit Crusius l. cit. *studia nullibi florent. Academias et Professores publicos nullos habent, praeter scholas triviales, in quibus pueri ἀρεολόγιον* (quod Latini *breviarium* vocant, vel horarias preces) *ἀπώμενον* psalterium, aliosque *librὸς*, quorum in missa usus est, legere docentur. Qui vero eos intelligunt, inter Presbyteros et Calogeros paucissimi sunt. Quidam Italiae Academias adeunt, in quibus antiquam linguam, principia Philosophica, et Patrum Theologiam, percipiunt. Hi reversi de-

Tom. VI. Oooo muta

multis aliis rebus tradita. Quae omnia confirmat Cory-
traeus in Crustio, et litterae ad eum ex Oriente missae,
ad eandem Crustionem, attestantur. Nec tamen inter eos ali-
qua eruditione clari, et scriptis celebres, desiderantur. Quo-
rum nonnullos modo recensui, alios plures exhibet Fabri-
cius l. cit. vol. X. Multorum nomina ex relatione Gerla-
chii, tunc in Oriente versati, dedit Crusius l. cit. Dabo et
hic nonnullis locum, praeter modo memoratos.

§. DCV. Circa medium seculi adhuc floruit, quem Zy-
gomala in epist. ad Crustum viri docti elogio ornat, *Anto-
nius Eparcha*, Corcyraeus, qui Venetiis Graecas litteras ali-
quandiu est professus, et postea secessit Corcyram. Episto-
las scripsit, ad concordiam spectantes, misitque ad Doctos
et Potentes, etiam ad Melanctonem, quae prostat in adpen-
dice *Turce Graeciae*. Elegia quoque ducentorum versuum
luxit Imperii Graeci eversionem. Denique Francisco I.,
Galliarum Regi, Mss. codicem obtulit, qui variorum auto-
rum lucubrationes, quarum indicem post alios dedit Fabri-
cius l. cit., continet. Quorum nonnullas publicavit Steph.
Moyne Var. Sacr. tom. I., qui in prolegomenis plura de
Eparcho profert. Eodem fere tempore vixit *Joannicus
Cartanus*, hiero-monachus, et Protosyncellus Corcyraeorum,
autor libri varii argumenti, qui dicitur *ἄθος florilegium*,
et ab ipso in carcere scriptus est Venetiis, in quem ab
Arsenio, Monembasiensi Episcopo, conjectus est, *ob studium
veritatis et pietatis*, ut ipse testatur. Meminit ejus Crusi-
us, cumque citavit Leo Allatus, qui *sermones* ejus, Vene-
tiis cum Damasceno Studita editos, et expositionem *divini
officii*, memoravit. Denique circa a. 1570. floruit *Johannes
Zygomala*, Rhetor, et Interpret Patriarchii Ecclesiae CPoli-
tanae; cujus varia reperiuntur apud Crustum, qui etiam
precationem ejus, ad Mariam fusam, ad quam tempore
morbi maxime confugit, recenset.

§. DCVI. Licet in dissensu cum Latinis, etiam in non-
nullis fidei capitulis, ut *doctrinae* eorum aliquem praebeam
intel-

intellectum, perseverent, ut supra demonstravi, legalibus tamen et Philosophicis opinionibus fidem, inprimis de peccatoris justificatione coram Deo, haud parum obscuratam, profitentur, nec a Latinorum Scholastica Theologia longe absunt, leguntque studiose Tomae Aquinatis *summam*, Graece convertiam. Justitiam nostram coram Deo a bonis, seu devotionis, operibus nimis repetunt, et adplicationem sacrificii Missae pro vivis et defunctis nonnulli eorum etiam receperunt, licet saniores sint, et puriores, Basilii M. et Chrysostomi Liturgiae, quibus utuntur, Purgatorium, aut liberationem animarum ex eo, etsi non credunt, *medium* tamen aliquem statum inter caelum et gehennam statuunt, in eorum maxime usum, qui sub vitae finem convertuntur; unde eos per eleemosynas, et preces, vivorum liberari posse consent. Acta septem Synodorum Graecarum Oecumenicarum, scripta Basilii et Chrysostomi, ac Joh. Damasceni, eorumque traditiones, tanquam divina oracula amplectuntur, et ad ea remittunt eos, qui de fide et religione eorum sciscitantur. Conferatur epistola responsoria Zachariae Cretenfis, ad duodecim interrogata Cardinalis Lotharingi, apud Lamiu, l. cit. vol. III. Vid. etiam, praeter Hottingerum hist. Eccles. hujus seculi, Chytraeus l. cit. Sed, commercio dein inter eos et Protestantes orto, per litteras, primum cum Wittenbergensibus sub Josepho, Patriarcha CPol. ab a. 1559., dein cum Tubingensibus, in primis Gerlachio et Martino Crusio, ab a. 1574. ad 1581., sub Jeremia Patriarcha, ut ex *Turco-Graecia* Crusii videre est, Graeci mentem clarius explicuerunt, et ad Protestantes propius deprehensi sunt adcessisse. Jeremias maxime consensum in multis exposuit, manente praecipue dissensu in capitibus de *processione Spiritus S., libero arbitrio, justitia fidei, et bonis operibus, numero septem sacramentorum, sanctorum invocatione, et vita Monastica*. Vid. Hottingerus et Chytraeus l. cit. Denique magis serio agi de unione Graecorum et Protestantium coepit ab a. 1595., Graecis etiam puriorem fidem professis: uti sub

Meletio et Cyrillo Lucari. Quod ad sequens pertinet seculum.

§. DCVII. Pergamus ad *Cultum* religiosum Graecorum, sed nonnullis tantum observatis illustrandum. Ad *objectum* ejus pertinet, superstitionem invocationem sanctorum, maxime Mariae, et imaginum cultum, quas tamen non sculptas, sed pictas tantum, habent, haud minus apud Graecos vigere quam Latinos. Imo *magna pars vulgi et sacerdotum*, inquit Chytraeus, *pietatis summam in cultu Mariae et imaginum collocat, nec tantum intercessioni et precibus, verum etiam meritis et auxiliis sanctorum confidunt.* Cultus publicus, ut de partibus ejus dicam, utique CPoli, situs fere est in sola missarum celebratione, et conciones sunt rarissimae, uti in litteris CPoli ad Chytraeum datis habetur. Sed additur, in Cypro et Candia aliquos esse, qui populum publice doceant; unum vero CPoli fuisse Calogerum, qui tempore Quadragesimali, feriis Natalitiis, et Paschatis, nonnunquam est concionatus. Narrat praeterea Crusius, conciones passim haberi lingua Graeca, non vulgari barbara, sed antiqua, adeoque vulgo ignota, quod facilius esse putant, et sufficere, si duo aut tres intelligant. *Legendarum* vero, ut appellantur, ingentia habent, eodem referente, volumina, quas officia quotidiana peragentes Monachi in Templis legunt, habentque pro veris. In *Baptismo*, eodem teste, tertiam personam in pronuntiatione formulae usurpant, dicentes *baptizatur servus Christi in nomine Patris, Filii et Spiritus S.*, totumque hominem in aquam immergunt. Missas privatas sine Communicantibus ignorant, integram porro sub duabus speciebus celebrant eucharistiam, ut ex litteris ex Oriente apud eundem patet. Prius tamen *cum pompa*, ut ibidem habetur, *et sacrario procedunt, panem et calicem per medium Templi portant, populus, quasi sacramentum adoraturus, se totum inclinat, quidam etiam ad ejus ostensionem in genua prostrati terram exosculantur.* Ritus vero celebrandae missae in urbe Cairo recenset Hottingerus ex relatione Demetrii

metrii Theſſalonicenſis, a Patriarcha CPolitano miſſi. Illud denique notatu dignum eſt, miſſam tam ſolenniter non niſi quater in anno celebrari, die nativitatis Domini, die Reſurrectionis, Pentecoſtes, et decimo quinto Auguſti, quando omnes communicant: verum in quotidianis conventibus, ut ibidem traditur, hunc morem ibi tenent Chriſtiani. 1. Orditur ſacerdos a benediſtione, ut in miſſa. 2. Fiunt preces publicae, recitatur aliqua lectio ex ſacris litteris, et brevis fit concio. 3. Diſtribuitur, precibus finitis, ſine vino panis, ſed quem panem dicunt non eſſe corpus Domini, ſed tantum dari in ſignum mutuae fraternitatis, ut, hoc ſigno admoniti, ipſorum animi coaleſcant, qui de eodem pane participant. Vid. etiam ſupra laudata epiſtola Zachariae. 4. Percepto hoc pane populus, cum hac ſolenni benediſtione, *ἡ εὐλογία τοῦ κυρίου ἡμῶν* benediſtio Domini ſuper nobis, dimittitur.

§. DCVIII. Ceterum in canone Graecorum, teſte Chytraeo, nulla fit mentio ſacrificii corporis et ſanguinis Chriſti, pro redemptione vivorum et mortuorum oblatis, ſed preces, gratiarum actiones, laudes Dei, et eleemoſynae in uſus pauperum, praecipue offeruntur: et ſacra coena habetur pro ſacrificio euchariftico, et commemorativo. Fidem vero de praefentia Chriſti in euchariftia retinent antiquam, in liturgiis antiquiſſimis, quibus adhaerent, expreſſam. Voce *μελυσίαιος* non utuntur, niſi qui cum Latinis conſueverunt, ſed antiquitus receptis vocibus inhaerent, nec Latinorum Tranſubſtantiationem norunt, tantum *realem* agnoſcunt conversionem fieri per conſecrationem, ſed ſenſu ſpiritali, per illapſum Spiritus S., fierique credunt corpus *τεθεωμένον* deificatum, ut ſupra ex Jeremia obſervavi. Vid. etiam ſupra laudata epiſtola Zachariae apud Lamium l. cit., et qui a Spanhemio citantur l. cit. p. V.

§. DCIX. Superest, ut *Regiminis* aliquem dem conſpectum. Habent adhuc, ut olim, quatuor ſuos Patriarchas. De quibus, praeter alios, vid. Le Quien in *Oriente Chriſt.* Quorum primus eſt CPolitanus, cujus dioceſis omnium longiſſime

patet, complera Ecclesias per Graeciam, Mysiam, Bulgariam, Thraciam, Walachiam, Moldaviam, Russiam, Moscoviam, insulas maris Aegaei, et Asiam Minorem; Vid. Chytraeus l. cit. Sedem tenet CPoli, ubi plura quam viginti adhuc habent Tempia Christiani. Adest ipsi Senatus, seu collegium duodecim virorum, nobilium et eruditorum, quorum utitur consilio: et cum hoc Senatu regit Ecclesias, dioecesi subjectas, per Archiepiscopos, et Episcopos; sed nulla gaudet jurisdictione politica in civitatibus et oppidis; nec est apud Turcas multum venerabilis. *Ab iis praetereuntibus, inquit Crusius, non honoratur, sed, contra, a malignioribus omni conviciorum genere prosciinditur, — — — nec inder parvatos Imperatoris locum habet, nisi quando tributum 4000 ducatorum, et tantundem fere Bassis, praecipuisque officialibus Regis, adfert. tunc misero inter ipsos locus datur — — nec auctoritas ejus apud Imperatorem amplior est, quam alicujus Legati Christianorum, munera illi offerentis: alium ei honorem non habet; nisi quod eum admittere dignetur, ut, ad pedes Imperatoris prostratus, pallium ejus osculetur: quod et omnes Legati facere, et pro magno honore reputare, solent.*

§. DCX. Secundus Patriarcha est *Alexandrinus*, sed cujus sedes Alcairum est translata, et ei subsunt Cophti ac Aethiopes. Tertius est *Antiochenus*, qui sedem in pulcherrima omnium, quae in Asia Turcis parent, inquit Chytraeus, urbe Damasco tenet, et sub se habet Syros Mesopotamenos, et alias regiones vicinas. Quartus est *Hierosolymitanus*, cui subsunt Palaestini, et Arabes. Sed hoc seculo accessit quinta sedes Patriarchalis *Moscovitica*. Pertinuerunt Moscovitae antea ad sedem Patriarchae CPol., et Metropolitam, ab ipso constitutum, habuerunt, Moscoviae residentem: sed hoc seculo, regnante Basilio, a CPolitano vexati, proprium elegerunt Patriarcham, ita tamen, ut in memoriam pristinae subjectionis, Imperator quotannis adhuc CPolitano mittat, licet eleemosynae titulo, quingentos aureos. Primus eorum Patriarcha fuit Jobus, a Jeremia CPolitano consecratus a.

1538. Ceterum ei subsunt quatuor insigniores Metropolitani, et octo Archiepiscopi. Tenent vero Moscovitae, a Latinis valde alieni, fidem Graecorum, et reliqua sacra, usque ad libros Ecclesiasticos ac Homileticos, cum iis habent communia, ipsos etiam ex parte characteres, Graecis quippe adfines, ac Sclavonicis corruptos. Regnat autem inter eos summa ignorantia, morum corruptio, et superstitio, a Graecis in primis recepta. Sunt autem mira religione in S. Nicolaum Myrae olim Episcopum, et Michaelem Archangelum: simul monasticae disciplinae sunt studiosissimi. Exstat Pauli Odorbornii de religione Russitarum egregia epistola ad Chytraeum l. c., et accuratorem nuper notitiam Ecclesiae Ruthenicae dedit. Cl. Reuff. in *opusculis Theologicis* fascic. I. Alios plures, qui hac de re scripserunt, recentet Fabricius in *Luce Salutari Euangel.* cap. XXIII. Ceterum, quod obiter observandum, hos quinque Patriarchas Graeci per *Sigla* denotant, voce *καρσι* (h. e. κεφαλαι capita) ex quinque litteris initialibus, quibus Graece scribuntur, CPol., Alexandrinus, Ruthenus, Antiochenus, et Ierosolymitanus. Unde Graecorum natus est lusus, *Romano* nullum locum esse in *καρσι capitibus* Ecclesiarum, quatenus, eo expuncto, nunc locum ceperit Ruthenus, qui Romani defectoris locum supplet.

§. DCXI. Patriarchae in principio libere, secundum mores Graecorum electi, postea redimere quasi debuerunt Patriarchatum, tum honorario, tum tributo, quod dein etiam augmentum est. Munus, quod novus Patriarcha dat Sultano, appellatur *περκασιον Peskesium*, sed tributum annuum *Χαρατζιον Charatzion*. Fuit autem honorarium in initio 500 Ducatorum, dein sub Solymanno a. 1557., factum 3000 Ducatorum, sicut tributum a. 1522. est adiectum ad 4000, et dein 4100. Cujus utriusque ansa ab ipsis Graecis, de Patriarchatu contententibus, et aliis alios extrudentibus, est repetenda. Vid. Tournefort in *Itiner.* apud Lamium l. cit. a. 1740. Ut enim ambitioni suae litarent, et votorum fierent com-

potes, Sultano primum obtulerunt pecuniam, ut eum in partes traherent; quod dein in morem transiit, et legem, ut pro Patriarchatu honorarium solvant et tributum. Primi quatuor Patriarchæ, inquit Malaxus apud Crusium, post captam urbem a Turcis, *Gennadius Scholarius, Isidorus, Joasaph, et Marcus Xylocarabes*, ita creati sunt, ut nullum Turcico Principi munus ipsorum promotionis causa offerretur, liberis prorsus suffragiis, ut olim sub Romanis Imperatoribus. Sed Marco, a factione Trapezuntiorum accusato, quod a Sultano mille aureis emisset munus, et eo nomine, licet falsum esset crimen, ejecto, Trapezuntii, ut Symeonem, gentilem suum, facerent Patriarcham, similem summam obtulerunt Sultano, qui ab eo tempore hoc onus inposuit Graecis, adeo ut tunc venalis coeperit fieri Patriarchatus. Accessit deinceps annuum tributum, tempore Raphaelis I., qui 2000 aureorum tributum obtulit Sultano, ut Symeoni eriperet Patriarchatum, et sibi vindicaret. Ceterum Patriarcha, secundum canones Ecclesiasticos, a Metropolitae et Archiepiscopis, sedi huic subordinatis, eligitur quidem, sed a supremo Bassa, Vicario Imperatoris, confirmatur, et ab eo accipit privilegia, posteaquam aliquot millia ipsi et Imperatori promiserit; ut tradit Gerlachius in epist. ad Crusium apud Chytraeum. Ex quo facile colligitur, Patriarchas constitui et removeri facillime et frequenter, pro Sultani arbitrio, et ipsorum Graecorum ambitione.

§. DCXII. Ceterum Ecclesiasticarum dignitatum apud Graecos hi sunt gradus, teste Crusio, Patriarcha, Metropolitae, Archiepiscopus, Episcopus, Hieromonachus, Presbyter seu Papas, quibus omnibus consecrare, hoc est missas celebrare, licet, dein monachus (non consecrans), diaconus, hypodiaconus (qui sacerdotibus et altari ministrant) et anagnostes, qui legit epistolam dominicam, et alia quaedam. Habent quoque Monachi suos *ἱγούμενοι*, seu Archimandritas. Qui vero inter Monachos senectute aut devotione eminent,

eminent, adpellantur *Calogeri*, seu καλοὶ γέροντες, aut καλοὶ παῖδες. Vid. et Cangius in Glossario Latino. Salarium denique Cleri est valde modicum, *sacerdotes stipem ab auditoribus habent*, verba sunt Crusii, sunt enim certae domus cuique Ecclesiae adnumeratae, a quibus singulis deputatum, quod ipsi χοροὶκὸν vocant, quovis anno accipiunt. Ex sepultura etiam, exsequiis, aliisque officiis sacerdotalibus (ut missis, quas Laici pro se et defunctis cognatis emunt) pecuniam luuntur. Quidam interea domi sua opificia exercent. Quibusdam quoque Ecclesiis fundi certi a moribundis dedicati sunt. Denique notandum est, sacerdotibus licere uxores habere, sed nec post consecrationem ducere, nec prima defuncta novam, fas est, nisi officio privari quis velit. De monachis, et nobilissimo omnium monasterio montis Atho in Chalcide, Macedoniae Provincia, qui plura velit, adeat praeter alios Lammium in deliciis eruditorem a. 1740.

§. DCXIII. Ad miserabilem Ecclesiae Graecae statum, qui ex supra dictis facile elucescit, et illud facit, quod non solum variis modis a Turcis expilentur, multis ubique priventur Ecclesiis, sed in primis quod pueri iis eripiantur, ut Turcice educantur, et instituantur. Quemadmodum, inquit Chytraeus, olim Christiani Imperatores ex singulis Graeciae oppidis certum numerum liberorum, in quibus egregia indoies prae ceteris elucebat, delegerant, quos ad publica officia; militiae togatae et bellicae, in aula educari curarunt, ita Turci, occupato Graecorum regno, idem jus eripiendi Patribusfamilias liberos. ingeniis eximiis praeditos, usurpant, qui ad Turcicae religionis ritus, et ad militiam instituuntur. Veruntamen hos pecunia redimere a conquistoribus saepe Parentibus licet. Reliqui, cum virtutis specimen in bellis egregium praebent, ad summos dignitatis et honorum gradus evehuntur. Et multos haec exempla, et gloria militaris, quae in generosis nationis acerrimus stimulus est, ad Mahometicam religionem invitant De quo etiam vid. Crusius, qui totum hoc negotium accuratius exposuit, additis etiam regionibus, ab hac

Tom. VI.

Pppp

exactione

exactione liberis. Capiuntur ex tota Asia et Europa, et reliquis regionibus non ita promiscue.

§. DCXIV. Praeter hos Christianos Catholicos sunt, haud exiguo numero, multi alii in Oriente, ab Ecclesia Graeca separati, uti *Nestoriani*, *Monophysitae*, *Maronitae*, praeterea *Semi-Christiani*, seu *Sabiani*, aut *Johannitae*, qui sese frequenter lavant, acsi essent Hemerobaptistarum, sic dictorum, reliquiae, sive a Johanne Baptista nomen traxerint, sive ab alio Hemerobaptistarum antiquorum principe; inhabitant Persiam et Arabiam. *Fasidiani*, seu *Jezdeani*, in montibus Gordianis et Curdistanis deserto, duplici principio, bono et malo, aliquatenus adhaerentes, quatenus, *boni* principii licet cultores, unde et nominis forte *Jezdaeorum* origo repeti potest, Jazed enim, vel Jezda, *bonum* Deum in lingua Persica denotat, a *malo* principio contumeliose tractando sedulo sibi cavent, nec illud indigne tractari ab aliquo patiuntur. Adpellant illud *Karubin*, forte cum adlusionem ad nomen *Abrine*, aut *Ariman*, quo malus Deus apud Persas vocatur. Denique *Druziani* in Monte Libano, gens bellicosa ac saeva, originem suam a Francis sec. XI. in Palaestina, sine solido fundamento, repetens, et paucas tantum reliquias Christianismi ostendens; ab aliis cum *Manichaeis* confusa. Sed de his, aliisque, nihil adinet agere; nec aliquid nostrum seculum suppeditat, adtentione nostra dignum.

§. DCXV. Nihil restat, quam ut, pro more ex *Methodo Prophetica* nostra, periodi *quartae*, a fine seculi XI. ad seculi XVI. medium, vel finem, sese porrigentis, notitiam, iuxta adpendicis, subjungam.

PERIODUS QUARTA,

a Sec. XII. usque ad Reformationem Sec. XVI.

§. DCXVI. Casum Ecclesiae, secundum externam faciem considera-

consideratae, characteristicum per omnia haec secula in bello Papali pono, a Papis, ut summis Civitatis et Ecclesiae Dominis, publice gesto cum Imperatoribus vel Regibus, et sic dictis Haereticis, ac infidelibus: idque Fidei suae ac Religionis, seu defendendae et tuendae, seu propagandae, ergo: vel, eo sub praetextu, omnipotentiae Papalis, ut loqui amant, fundandae et vindicandae ergo. Gestum vero hoc bellum est per fulmina Excommunicationum et Anathematum, per depositiones Regum, et solutiones subditorum a vinculo fidelitatis, Persecutiones ac vivicomburia, et per Exercitus Cruciatorum. Qui casus ut in clariore luce collocetur,

A. Cognoscendae sunt Personae belligerantes: quae sunt ab altera parte Imperatores et Reges, ut et Haeretici, ac denique infideles; ab altera Papae Romani, tanquam qui se extollebant supra quicquid augustum aut sanctum erat in Civitate ac Ecclesia. Imperatores vel Reges fuerunt Henricus IV. et V., Fredericus Barbarossa, Philippus Suevus Henrici VI. frater, Fredericus II., Philippus Pulcher Galliae Rex, Henricus VII. imperator, et Ludovicus Bavarus: Haeretici praecipue Waldenses, Albigenes, Wiclefite, et Hussite. Infideles Turcae, Palaestinam et Hierosolimam tenentes. Ab altera parte Papae fuerunt, tanquam supremum dominium in Ecclesiasticis, et eo quoque nomine in Politicis, sibi arrogantes, et reapse quoque exercentes, quatenus sibi statuerunt, tanquam Vicariis Christi, et Capitibus Ecclesiae, competere, 1^{mo}, Reges, si mereantur, deponere, et subditos vinculo fidelitatis solvere; 2^{do} coronam Imperialem conferre; 3^{to} de credendis et faciendis pro autoritate disponere; 4^{to} de Personis, quae errarunt vel peccarunt, iudicium ferre, iisque peccata remittere vel imputare; 5^{to} de personarum illarum Munere, Bonis, Libertate et Vita, prout meruerunt, disponere; 6^{to} omnem subjectionem, quae obligat conscientiam, omnes honores et adorationem exigere et admittere. Huius animi coeperunt esse Papae a temporibus Gregorii VII., Sec.

XI, qui primus hanc potentiam et auctoritatem publice iactavit et exercuit. Hae sunt Personae belligerantes.

§. DCXVII. B. *Causa* belli in genere fuit Fidei et Religionis Papalis defensio, et propagatio: *prior* bellum peperit cum Principibus et Haereticis, *posterior* cum Turcis. Concitarunt contra se Principes, quod investituras illis eriperent, et de coronis illorum ausi sint disponere: Haereticos oppugnarunt, quod a fide eorum discederent, et Religioni eorum, Ritibus, et Potentiae, se opponerent: Infidelibus bellum intulerunt, ut illis Terram S., seu Palaestinam, eriperent, si bique subjicerent.

§. DCXVIII. C. Ad *Modum*, quo bellum gestum est, pertinent

• *Ministri* Papae, et Exercitus ejus: illi fuerunt varii ordinis, Militares et Monachales, praecipue Dominicani et Franciscani: Exercitus fuerunt Cruciatii Milites, qui Sec. XI. in fine coeperunt conscribi contra Infideles, sed dein collecti quoque contra Haereticos. Huc quoque referendi Ministri Inquisitionis.

• *Arma* Papalia fuerunt Excommunicationes, Anathemata, depositiones Regum, et Clericorum, inquisitiones, carceres, tormenta, confiscationes bonorum, bella, ac quaevis supplicia capitalia.

• *Effecta*, quae facile se offerunt, fuerunt quaevis mala hujus, et futurae vitae quoque ex opinione eorum, sed hujus vitae mala omne genus, contemptus, infamia, commercii civilis privatio, paupertas, fames, exilia, carceres, tormenta, mortes, vastationes terrarum et populorum, et quae sunt similia.

§. DCXIX. Hunc casum, cujus nunc dedi conspectum tantum generalem, cum in Institutionibus Hist. Eccles. prolixius ea omnia tractavi, appello characteristicum Ecclesiae per omnia illa secula, quia omnia habet ejusmodi casus characteristici criteria, quae nunc in lucem proferam:

A. Primum Criterium casus characteristici est,

est, quod sit *continuus* et *perpetuus*, per omnia illa secula, licet nunc hic, nunc illic, bellum magis obtinuerit: incepit hic casus cum initio Periodi, et per totam Periodum duravit; dein haud diu post cessavit, et minus fuit conspicuus. Sec. XI., ut hujus rei brevem dem intellectum, versus finem, erupit bellum Papale sub Gregorio VII. cum Henrico IV., et dein bellum cum Turcis sub Urbano II. Sec. XII. idem bellum continuavit, cum Henrico V. sub Paschali II. et Calisto II.; cum Frederico Barbarossa sub Alexandro III., ejusque decessore Hadriano IV., et cum Turcis: quando cum Waldensibus quoque coepit et Albigenisibus. Seculo XIII. bellum fuit cum Philippo Suevo, sub Innocentio IV., et cum Frederico II. sub Gregorio IX. Quo seculo expeditiones Cruciatorum ordine fuerunt IVta, Vta, VIta, ac VIIma: viguerunt quoque tum praecipue bella cum Waldensibus, inquisitiones, et supplicia Haereticorum. Sec. XIV. fuerunt tres graves collisiones cum Principibus, scil. inter Philippum Pulchrum et Bonifacium VIII., Henricum VII. et Clementem V., Ludovicum Bavarum et tres Papas, Johannem XVII., Benedictum XII., et Clementem VI. Et illustre, dicam an infame, fuit hoc seculum per continuas persecutiones Haereticorum, ut; ne de Arnaldo Villanovano dicam, Lollardorum, Turlupinorum, et Wiclefitarum: accessit exditiu[m] Templariorum. Sec. XV. Inquisitio saevius in Delphinatu in Waldenses; in Flandria et Artesia in eos, qui Magiae accusabantur; in Galilia in Picardos, et Waldensium reliquias; in Italia in Hieron. Savanorolam; in Germania in Joh. Hussum, et Hieronymum Pragensem; in Bohemia bellum Hussiticum grassatum est; hinc ortum quoque in Bohemos Fratres. Seculo XVI. quantopere grassata sit Sedes Romana per inquisitiones et persecutiones, cum Reformatio se ostentare incepit, quanta pepererit mala ac bella, nemini non constat: verum eo ipso seculo adeo fractae sunt vires Papales, ut bellum vix cum successu gerere potuerint, et Papae brevi ab eo debuerint desistere; cum Periodus alia exorta est.

§. DCXX. B. Secundum criterium est, quod hic casus fuerit *universalis* per totam Ecclesiam Latinam, et ex parte per Graeciam; quae per Expeditiones Cruciatorum varie col-
lisa est, ita ut Regnum in ipsa Metropoli Constantinopoli fundaverint Cruciatii. Verum quidem est, Characterem Ecclesiae Graecae in hoc casu proprie non posse constitui: sed id nobis non obest; tum quod sufficiat, si per maximam Ecclesiae partem fuerit dominans; tum non alius in Ecclesia Graeca et Latina fuerit casus, qui ullo modo cum hoc comparari potuit.

C. Tertium est, quod hic casus supra reliquos omnes eminuerit; ita ut nullus alius sit, qui ullo modo cum eo in censum venire possit.

D. Accedit, illum adeo in oculos incurrisse, ut communi fama fere constiterit, Antichristum, vel Praecursorem ejus, esse ante fores, vel jam dominari in Ecclesia: ut in Hist. Eccl. demonstrare soleo: etiam in *Oratione*, huic tractatui subjuncta, ex parte feci.

E. Denique notari velim, hunc casum produxisse alios illustres, cum illo connexos, quo ipso celebrior adhuc redditur. Fidei enim Papalis defensio produxit Ordines famosissimos Dominicanorum et Franciscanorum, ac tribunal Inquisitionis. Bellum cum Turcis quot non peperit S Ordines Militares? Quae, et similia, hunc casum et magis illustrem et conspicuum reddunt.

§. DCXXI. Superest, ut memoremus nonnullos alios casus illustriores hujus Periodi, ut eo clarius constet, casum, cujus memini, pro characteristico esse habendum. Praeter hunc enim casum alii nonnulli merentur memorari: 1. Lites variae et disputationes in Ecclesia ortae, tum inter Scholasticos, tum inter Dominicanos et Franciscanos, tum cum sic dictis Haereticis. 2. Varii Ordines Sacri, seu Monachales seu Militares, hac Periodo nati. 3. Schisma famosum Papale Sec. XIV. et XV. 4. Conversiones Populorum, quae Sec. XII. fuerunt Pomeranorum, Livonum, Norvegorum, et Islandorum,

XIII. q.

XIIItio. Borussorum et Tartarorum, sed horum posteriorum minus durabiles. 5. Ecclesiae imminutio per Imperii Graecorum destructionem Sec. XV. Hi et similes casus licet fuerint notabiles, alius magis, alius minus, nullus tamen est, qui aut cum bello Papali comparari, aut characterem Ecclesiae constituere, potest: quod ut ulterius exsequar, necesse non est.

§. DCXXII. Veniamus nunc ad Statum Ecclesiae *Moralem*, ejusque casum characteristicum. Qua facie si Ecclesia consideretur, nil magis in ea se offert conspicuum, quam ardentissimum studium, magis minusve purum, majore minoreve cum successu, Ecclesiam, omni parte corruptissimam, reformandi, eamque tum a vitiis et superstitione, tum a dominio Papali, liberandi. Quod studium, sed minus purum, et sine magno successu, demonstrarunt *primo* Imperatores et Principes, se Paparum dominio opposcentes; *secundo* Synodi, quae Sec. XV. illam praecipue in finem coactae sunt, ut Ecclesia in Capite et Membris reformaretur; *tertio* Viri singulares, qui et declamarunt in vitia sui temporis, quorum Catalogus in Hist. Eccl. contexitur, et studia S. Scripturae, ac humaniora, e tenebris revocarunt. Sed longe purius, et majore cum successu, studium hoc demonstrarunt Waldenses, Albigeneses, Wiclefitae, Hussitae, et Bohemi per totam hanc Periodum, qui se separarunt ab Ecclesia corrupta, eamque in Doctrina aequae ac in Moribus reformare conati sunt; de quo satis constat. Quare varia certamina non recusarunt subire. Hoc studio, praesertim in Waldensibus, et similibus, nihil fuit in Ecclesia illustrius, nihil quod eam hac parte magis characterizare possit.

§. DCXXIII. A. Est illud huic Periodo quid proprium, antea non visum, nec post adeo conspicuum. Usque ad Sec. XI. Superstitio sensim vires acquisivit; et ad summum tetendit fastigium, uti corruptio quoque fecit: donec summum gradum utraque sit consecuta: sed a Sec. XII. imprimis ea oppugnari coepit per Politicos et Ecclesiasticos aliquos viros, etiam Coetus integros saepe, qui se a communione Ecclesiae

corruptae coeperunt separare. Unde ortum est multiplex id bellum Papale, ad Religionem stabilitam defendendam, et propagandam. Duravit quidem superstitio et corruptio sub hac ipsa Periodo, sed characterem ejus constituere nequit, quod insignius fuit studium Eccles. purgandi, quod longe lateque propagatum est, ante non visum ea ratione. Durarunt haec conamina usque ad Synodum Tridentinam, quae partim oramembrorum Ecclesiae Papisticae clausit, partim Protestantium separationem fecit perfectam; adeoque, cum spes Ecclesiae reformandae decolasset, ab hoc opere cessatum est; ita ut singulae Ecclesiae proprium suum statum defendere, et res suas agere, contentae fuerint; manifestum ergo est, hoc studium recte statui huic Periodo proprium.

§. DCXXIV. B. Continuus fuit per totam Periodum conatus, nec unquam cessavit; licet majore minoreve gradu se exeruerit.

C. Nil magis in Ecclesia conspicuum fuit ac singulare, nil quod in omnium oculos magis incurrit.

D. Accedit, inter utrumque characterem dominantem, et externae Ecclesiae faciei, et status Moralis, quem supra consignavi, esse arctissimum nexum, qui alterum sine altero esse non sinit. Bellum enim Papale eo tendebat, ut huic studio obex poneretur, et status Ecclesiae superstitiosae et corruptae aperta vi defenderetur, et confirmaretur: adeo ut superior character dominans, in bello Papali situs, hunc pro hypothese habeat, et de eo testetur.

§. DCXXV. Subjungam jam nonnullos casus *Politicos*. Eminent inter eos, 1^{mo} terribiles Christianorum divisiones, contentiones, et pugnae secum invicem: ut inter Pontificiae sectae, et Imperatorum ac Principum partis, homines, Gueffos et Gibellinos; qui horribilem confusionem in Orbe Rom. producerunt, et per omnia fere hujus Periodi secula durarunt. 2^{do} Regni Turcarum ortus, et per totum Orientem propagatio. 3^{io} Expeditiones Cruciatorum, quae, sicut ad Religionem, ita et Politicam spectarunt Civitatem. 4^{to} Regni Christianorum

tianorum in Oriente interitus per Turcas Sec. XV, postquam eclipsin esset passum per Latinos, qui Constantinopolin occuparunt, ibique aliquamdiu regnarunt. 5to Inter Casus Judiciales inprimis commemorandum est Judicium terribilis Pestis, quae in China incepit, et per Asiam, Europam ac Africam pervagata est; quaeque *quinque* Menses praecipuis in locis saeviit; qualem pestem Orbis non vidit nec ante, nec post huc usque. Vid. Mæzeræus, sed fusius explicavit Dequignes Prof. LL. OO. Paris. in accuratissima Historia Hungarorum T. IV. L. XXI. ad a. 1347. quo tempore maxime saeviit.

§. DCXXVI. Sequitur Prophetica tractatio: ubi primo liber *Sigillorum* inspicendus est, cujus IVtum Sigillum in scenam produxit equum pallidum, cui Mors insidebat, post se habens infernum; seu vastam aliquam et tetram voraginem terrae, quae mortuos recipiebat. Huic Equiti potestas est data quartam terrae partem occidendi gladio, fame et peste, (eam enim vox *ἑρως* ibi designat) ac per feras terrae. Quod Emblemata expingit terribilem et tyrannicum aliquem Dominum, qui, potestate vitae et necis sibi pro arbitrio exercenda arrogata, efficeret, ut per tertiam Terrae partem grassarentur mille mortes, hominesque gladio, fame, peste, et per feras bestias absumerentur. Ad ejus intellectum sufficere possunt, quae Cl. Vitringa attulit. Addo tantum, non male *gladium* quoque referri ad supplicia capitalia a Magistratu intelligenda; *feras* ad Populos Barbaros; *famem* et *pestem* ad vastationes, ad privationes Bonorum, ad incarcerationes et earum mala, ad exclusiones ab omni hominum consortio, instar Pestium Terrae. Quæritur jam, quo pertineat Emblemata? Cl. Vitringa, qui recte refutat eos, qui de morte spirituali per Antichristum inducenda cogitant, oculos vertit ad Saracenos et Turcarum, terribilium illarum Gentium, vastationes: in quas Emblemata quidem non male quadrat: verum

A. Nulla Ratio est, si eo tendat Emblemata, illud restringendi ad Saracenos et Turcas, praeter hypothesin

de ordine Periodorum: quae sicut varie possunt constitui, ita id solum non sufficit sensui Prophetico definiendo.

B. Id magis obstat, quod a Sigillorum conspectu illa ratione discederetur: cum enim Sigilla exhibeant fata Ecclesiae, seu characteres Periodorum Ecclesiae; Saraceni hic locum non inveniunt; multo minus ut vastatores Orbis. Saraceni enim Ecclesiam neutiquam characterizant, ad eam non pertinentes; quare inter Tubiciniorum Emblemata, non vero inter Sigillorum, locum habere debent.

C. Ordo Periodorum nos ducit non ad Sec. VII, quo grassari coepit Muhammedanismus; sed ad Sec. XI, ut ex *supp.* liquet.

§. DCXXVII. Ex nostra ergo Sententia Emblemata referendum est ad terribilem illum Tyrannum Sec. XI in Ecclesia ortum, qui, summa sibi vindicata potestate, in bona et vitas Christianorum grassatus est in Orbe Christiano, maxime Occidentali, per quaevis mala lethifera, bella excitata cum Imperatoribus, cum Haereticis et Infidelibus, quibus infinita hominum copia per gladium, famem, pestem et feras est absumpta, ut supra vidimus. Huc Ordo Periodorum, huc Emblemata, huc Sigillorum verus conspectus, quo Characteres Ecclesiae in illis ducuntur, nos manifeste vocant. Verum quidem est, causam, ob quam grassaretur Antichristus, seu Religionem, hic non memorari: Sed (1) vera causa Tyrannidis Papalis erat Dominii et Potentiae defensio et amplificatio, quae agere solent omnes terrae Vastatores. (2) Cum causa non memoretur, aequae Religio intelligi potest, ac aliud quid: sicut et fit in Sigillo *Ido*. (3) Sigillum sequens clarius exponit superiorum caedum causas, ut ibi videbimus. Regnum vero Papale, quod notandum, hic repraesentatur in vero suo conspectu Tyrannidis, perinde quo praetextu Tyrannidem exerceat; quia nil nisi mortes et caedes produxit; ut ex Hist. liquet.

§. DCXXXVIII. Quod si quis velit, quae modo de gladio, feris et peste dixi, huc applicare, is notabilem forte hic inveniet

veniet convenientiam. *Gladius* sicut *Bella* significat, ita et supplicia capitalia a Iudice inflictā: quod per Papale Dominium fit, dum Haereticus traditur brachio seculari. *Feras* agri si sunt Populi Barbari, quam exacte id quadrat in Bellum Papale cum Turcis, per Cruciatos, quivis Historiae gnarus percipit. *Fames* et *Pestis* eodem modo quoque se facile applicari patiuntur: sed in his nihil difficile, nil obscurum. Nec obstat Sigillum Vtū, ac si illud ageret de Tyrannide Papali; ut ibi videbimus: contra confirmat nostram Hypothesin, cum in illo Sigillo sanctorum mactatio repraesentetur ut jam facta, et non tempore illius Sigilli faciendā.

§. DCXXIX. Succedat Epist. Vita Apocal. Cap. III: 7 *seqq.* in qua

A. Duae Partes Ecclesiae maxime oppositae exhibentur, *altera* eorum, qui veritatis et virtutis studiosi erant, ad mortem usque: *altera* eorum, qui sub praetextu et larva verae fidei et Religionis tegebant animum Tyrannicum, et ab omni vera pietate alienum: priores v. 8. posteriores v. 9. describuntur; priores veram, posteriores corruptam Ecclesiae Partem constituebant. Cl. Vitringa recte evicit, v. 9. Pseudo-Christianos describi; sed addendum, eos non qualescunque, sed Tyrannidem spirantes et exercentes, sicutum e phrasi *Synagogae Satanae*, tum ex Persecutione verorum Christi cultorum ab illis instituenda, quae v. 8 et 9. traditur, colligi potest. Synagoga Satanae est coetus hominum, qui veritati et pietati bellum indixerunt, et in eos sunt, ut humanum Genus perdant. Vid. Cl. Vitringa ad Cap. II: 13. Apocal.

B. Melior Ecclesiae pars laudatur, quod occasione veritatem et pietatem propagandi, a Deo concessa, usa fuerit; non obstantibus Persecutionibus, quas patienter tulit: hic enim sensus est v. 8^{vi}, quod idem Commentator recte explicuit.

C. Laudationi additur consolatio, qua promittitur, (1) opus a piis susceptum fore perenne, vel ad stabilem

stabilem statum esse perducendum, non obstantibus modicis illis viribus, quibus pii pollebant v. 8. (2) Multos e Synagoga Satanae sese piis illis submissuros, et eorum opus volentes nolentes agnuros esse v. 9. (3) Piorum illorum Societates liberandas esse a generali illa tentatione, quae incolis terrae aliquando eveniret, ut v. 10. praedicitur.

§. DCXXX. Ad hoc argumentum Epistolae, quale id ob oculos posui, qui recte attenderit, is facile perspexerit, characterem illius Periodi Ecclesiae poni in melioris Ecclesiae Partis ardente studio, veritatem et pietatem confitendi et propagandi, inter varios cruciatus et multa pericula, quibus a deteriore Ecclesiae parte subjiceretur, donec in stabilem statum res purioris Ecclesiae sint adductae. Qui character unice quadrat in Ecclesiam a temporibus Waldensium Sec. XII., usque ad perfectam Reformationem, post medium Sec. XVI. seu potius circa ejus finem, quando Reformatio in Belgio quoque stabilem nata est sedem. Toto enim hoc Intervallo temporis

A. Duae insignes fuerunt in Ecclesia Partes, altera Pseudochristianorum, qui se coetum Satanae demonstrarunt per bella et oppugnationes Testium veritatis: altera eorum, qui se grassanti superstitioni opposuerunt, et veritatem professi sunt; ut Waldenses, alique supra recensiti.

B. Hoc quoque tempore melior Ecclesiae pars tota in eo fuit, ut multa inter mala et pericula Ecclesiam depravatam emendaret, quaeque occasione a Deo concessa ad veram Religionem propagandam bene usa est; simul patientiam suam Deo comprobavit, in ferendis Persecutionibus fidei causa: de quo nemini non constat, vel ad superiora attendenti.

C. Consecuta quoque est Ecclesia promissa, quae illi in hac Epist. facta sunt; ut (1) quod Opus Reformationis ad finem perductum sit, seu firmum et stabile factum; (2) opus illud a multis ex Pseudochristianis illis sit agnitum; dum, Foederibus quoque pactis, permissum fuit

Reformatis,

Reformatis, suae Religionis partes agere: multi quoque ex Synagoga Satanae ad Ecclesiam illam accesserint, id quod hic per *re adorare* exprimitur. Sed notari debet, luculentius adhuc hac parte implementum esse expectandum; sicut et (3) de liberatione e generali illa Tentatione incolarum terrae; quae v. 10. occurrit: de qua generali Persecutione adhuc expectanda postea dicam.

§. DCXXXI. Cum hac nostra hypothese restat comparemus Magni Commentatoris Apocal. explicationem, cui hic ex parte tantum accedo. Intelligit Cl. Vitringa

A. Ecclesias Protestantium Sec. XVI. a Papismo se separantes, donec ubique stabilem naetae sint sedem Ecclesiae Reformatae: nos altius repetimus hanc Periodum, a temporibus Waldensium Sec. XII.: (1) quia eo nos duxerat superior Epistola, quam Cl. Vitr. de Periodo a Sec. XII. ad Sec. XVI. fuerat interpretatus. Uterque ergo Hypothesis nostris convenienter institutus. (2) Quia initium suum debet, ex quo *janua* coepit aperiri, et Ecclesia in duas Partes oppositas dividi; quod utique a Sec. XII. factum est. (3) Quod de modicis viribus melioris partis Ecclesiae habetur; id rectius in Reformatores Sec. XII. et deinceps quadrat, quam in Protestantes.

B. Per Pseudochristianos intelligit falsarum doctrinarum Autores Sec. XVI. exortos; in spec. Anabaptistas et Antirritarios: sed ex mea sententia depingitur opposita Ecclesiae Pars, quae se veris Christianis opposuit, et quidem hostiliter cum Persecutionibus. Utique in hos Adversarios, simul Persecutores, rectius convenit (1) epitheton *Synagogae Satanae*, quo directe ducimur ad hostiles impetus in purioris animi Christianos; ut supra vidimus, (2) quod isti agniture dicuntur opus, a meliore Ecclesiae parte perfectum; argumento, eos se ante opposuisse Reformationi: aut nunc ipsam Reformationem, qua talem, ab ipsis laudandam esse; ut a Deo profectam; quae omnia in illos Haereticos non conveniunt.

§. DCXXXII. Pergamus nunc ad prolixam Bestiae Descriptionem Apoc. XIII. Cujus vaticinii implementum in ipsam hanc cadit Periodum. Satanæ Regno suo, quod in Imperio Romano Pagano obtinuerat, privatus; et Fluvio Persecutionum, quo Ecclesiam putabat absorbendam esse, a Terra, Ecclesiae succurrente, absumto, adeoque Paganismo deleto; Satanæ, inquam, iram concepit magnam, secumque deliberravit, qua ratione progeniem Ecclesiae Sec. IV. infestaret. Praeparavit ergo se ad Bellum, alio modo gerendum cum reliquis ex semine illius, sc. Mulieris, de qua supra, observantibus praecepta Dei &c. ut habetur Apocal. XII: 17. Ubi, quod notandum, characteres eorum, quos denuo institueret persequi Satanæ, iidem ducuntur ac eorum, qui violentiam sub Imperio Romano Pagano experti erant; unde merito colligitur, Satanæ in animo fuisse, eodem modo persequi Ecclesiam, sed non per Infideles, ut antea, verum ipsos Ecclesiae Christianae Confessores. Haec praeparatio Satanæ ad novum id bellum per longum tempus duravit; intercedere enim debebant definitiones multorum capitum fidei et cultus, antequam Persecutio commode fieri poterat. Praeterea erigi debebat universale aliquod Caput, cui talis Persecutio demandari poterat: adeoque omnes illae lites de Doctrina, Cultu, et Regimine Papali, praecedere debebant, tanquam praeparationes Satanæ ad veterem illam tragoediam renovandam. Quae praeparatio duravit per multa Secula, a Sec. IV. usque ad XVI. medium; quando, omnibus rebus paratis, scenam aperuit juratus humani generis, et praecipue Ecclesiae, hostis, quae scena pluribus describitur Cap. XIII. ubi Cl. Vitringa consulatur. Sed hic locus foret inquirendi in characterem Antichristi et Bestiae, nec non ortum ejus: sed hoc executus sum in *orationibus methodo Propheticae* subnexus.

§. DCXXXIII. Conferamus ergo nos ad Tubicinum IV. tum; quo deliquium tertiae partis Luminarium Coelestium, adeoque tenebrae in tertiam eorum partem inductae repraesentantur

tantur Cap. VIII: 12. quemadmodum Emblema Cl. Vitringa et alii recte explicuerunt. Queritur quid sibi velit, et quo pertineat Emblema? Ex nostra opinione illud

A. Ingentem confusionem inter Rectores Civitatis et Ecclesiae expingit: Solem enim ad Civitatem, Lunam et Stellam ad Ecclesiae Rectores et Doctores expingendos adhiberi, recte evictum est a Cl. Vitringa. *Tenebras* vero esse confusionis Emblema, constat. Haec vero confusio quam apte in hanc Periodum quadret, patet illi, qui ad collisiones Imperatorum, Regum, Paparum, ad factiones Guelforum et Gibellinorum, ad Expeditiones cruciatas, ad Bella cum Albigensibus, Hussitis etc. attenderit.

B. Inminutionem et *prostitutionem* probrosam Dignitatis et autoritatis eorum Rectorum quoque repraesentat; ut recte idem Cl. Vitringa exponit, tum ad h. l., tum ad Cap. XVI: 10. In hac autem prostitutione characteristicum Dei Judicium in eos hac Periodo fere situm fuit. Majestas Imperatoria et Regia quantopere fuerit fracta, et ludibrio habita in collisionibus Paparum, cuique in promptu est. Sed et Paparum Dignitas et Autoritas summo opere obscurata est

1. Per Regum non tantum, sed et sic dictorum Haereticorum, oppositiones; hi enim eorum Vitia, Tyrannidem et Superstitionem in claram protraxerunt lucem; quod a Waldensibus per totam hanc Periodum factum est, et perfectum per Reformatos.

2. Per publicas magnae istius Ecclesiae Membrorum partis separationes ab eorum communione, quibus dignitatem et potestatem suam magnopere viderunt inminutam.

3. Per pudendum id Schisma Papale Sec. XIV et XV. quo valde est prostituta Sedes Papalis, ipsi Papae depositi, et Conciliis universalibus subiecti.

4. Per gravissimas Calamitates in hanc Sedem, per Imperatorum et Regum invasiones, inductas, teste Historia; in specie per Carolum VIII., Ludovicum XII. et

Franciscum I., Galliarum Reges; et ipsum Carolum V. Imperatorem; qui omnes per Italiam, et ipsam Romam, ingentes circumtulerunt caedes et vastationes. Romae captae et dirissime tractatae ex. gr. a ducibus Caesaris Car. V. accurata existat narratio in *nova collectione monumentorum* Hofmanni tom. I. quam nemo sine horrore legerit: rapinae, caedes, pestis et fames, concurrerunt, et terribile dederunt spectaculum, sacrae quoque personae et res indignissime sunt tractatae. vid. *Adami Reisneri* testis oculati acta Frienspergica lib. VI.

n. Reliquorum vero Doctorum et Rectorum Ecclesiae obscuraciones; ut in tot Monachorum Ordinibus exortis, qui de Rectorum Ecclesiae dignitate et puritate multum detraxerunt: sic in Doctoribus Scholasticis, eorumque subtilitatibus et vanis quaestionibus, quibus veram doctrinam et pietatem multum obscurarunt, conspicuae sunt. Ne nunc de Waldensium aliorumque doctrina, qua errores et superstitiones Doctorum et Rectorum Pontificiorum in lucem protraxerunt, aliquid dicam.

§. DCXXXIV. C. Addo, quod huc prae reliquis quadrat, Rectorum, et Civitatis et Ecclesiae, per totum Orientem multifariam obscuracionem, non tantum per Latinos, qui ipsam Regni Metropolin Constantinopolin aliquamdiu tenuerunt, et varia mala Graecis inflixerunt per Expeditiones Cruciatas: sed praecipue per Turcas Osmanidas, qui per maximam hujus Periodi partem ab initiis Sec. XIV. grassati sunt, et tandem ipsum Regnum Orientis destruxerunt, sede Imperii fixa Constantinopoli. Haec utique in emphasi fuit sic dicta obscuratio Luminarium Coelestium, ut illud Emblemata sumi solet.

Sed quare tertiae tantum Partis fit mentio? Resp. respectu universi Orbis Christiani, qui hic complexe sumitur; quum Sol, Luna, et Stellae memorentur, ut bene notavit Cl. Vitranga. Qua ratione si res capiatur, facile appareat, quam apte tertiae partis obscuratio hic exhibeatur; si Orbis Christianus Orientalis per tertiam eam Partem intelligatur.

telligatur. Quantae vero tenebrae in Ecclesias Orientis per hunc casum fuerint inductae, in vulgus est notum. Nec fuit aliud illustrius Dei iudicium, quod in hanc Periodum incidit, aut quod in oculos incurrit magis. Plura non addo, et ab aliorum opinionibus recensendis, et refutandis, abstineo.

§. DCXXXV. Pergo itaque ad alias tum V. tum N. T. Prophetias, inquisiturus, num illae aliquid suppeditent, ad hanc Periodum pertinens. Ubi ante omnia nobis occurrit illustre vaticinium de Antichristo 2 Theff. II., sed de quo agam ad calcem hujus tractationis Propheticae. Praeter vero hanc Prophetiam passim huc refertur pericopa Matth. XXIV: 23: ---29., sed sine solida ratione, uti ostendi ad Periodum I., ubi hujus Cap. conspectum exhibui. Mitto porro quae hic illic ex Parabolis Christi proferuntur, quae demonstratione carent.

§. DCXXXVI. Transeo ad V. T., non eo animo, ut omnia nonnullorum interpretum commenta ad examen revocem, quod nec necesse est, nec utile; sed ea tantum tangam, quae magna se specie commendant. Quo refero

Primo, Vaticinium Danielis de parvo cornu Cap. VII., et de Rege superbo Cap. XI. 36. *seqq.* verum cum de his locis egerim in Comment. ad Dan., ubi ostendi, perverse hic quaeri Antichristum, opus plane non est, ut hic moras necem.

Ergo consideremus potius Pericopam illustrem Jes. LVI. 10--- Cap. LVII., de qua mentem hic explicabo. Multis interpretibus, Cl. Coccejo viam praeunte, sedet opinio, fata Ecclesiae Christianae, praecipue a Sec. IV., ordine praeannunciari Jes. Cap. LVI---LX.; ita ut Cap. LVI: 8. multiplex Ecclesiae propagatio, tribus vicibus repetita, exhibeatur; v. vero 9. Periodus invasionum Gentium Barbararum a Sec. V., quando a v. 10---LVII. 14. terribilis Ecclesiae corruptio, in capite et membris, sub dominio Antichristi describatur: dein a v. 14. usque ad fin. Cap. LVIII. et LIX. usque ad v. 15. horrenda corruptio et confusio Ecclesiarum

Tom. VI.

Rrrr

Protestan-

Protestantium, imprimis sub finem temporis ultimae Persecutionis ingruentis, depingatur. Denique usque ad finem Cap. LX. liberatio Ecclesiarum in omni suo complexu, cum glorioso Regni statu in terra, ob oculos ponatur. Hujus Hypotheses, quam Cl. Vitringa in clarissima collocavit luce, duo sunt fundamenta: *alterum* in nexu cum super. Capp., *alterum* in magnifica Ecclesiae descriptione Cap. LX. Verum prius fundamentum pro hypothese habet, concionem, Propheti praecedentem, quae omnium consensu de Ecclesia N. T. agit, continuari v. 8. *seqq.* Cap. LVI. Sed haec Hypothesis corrui, si nova hic statuatur incipere Concio Prophetica, quod aequè facile statui potest, ac quod continuetur: imo ratio suppetit non spernenda pro nova Concione, tum quod v. 8. incipiat cum usitata formula *Dixit Jehovah*, quae Concionibus Prophet. saepe praemitti solet: tum quod Pericopa Cap. LVI: 1---7. recte haberi possit pro clausula superioris Concionis de Ecclesia Christi: cum enim de Messia, et bonis ab eo adducendis, nec non de Ecclesia ejus, luculenter esset vaticinatus Jesaias Cap. LIII---LV., se vertit commode ad eos, qui ab illo tempore, quo illa acciderent, prope abessent; ut se tum ad haec bona praepararent, tum eorum spe se erigerent, id quod Prophetis saepe in more positum est. *Alterum* vero fundamentum, in glorioso, et omni parte prospero, Ecclesiae statu Cap. LX. positum, solidius foret, nisi constaret, Prophetas de Ecclesia Christi passim ea ratione loqui solere, ut in superioribus jam observavimus: imo de Ecclesia Maccabaica, seu ab afflictione Epiphonica liberata, una cum complemento suo, Ecclesia sc. Christi, considerata, eundem plane in modum agere solent; ut sit inter alia Jes. XXV., XXVI., ut et LXV. et LXVI., Dan. II. et VII., aliisque Prophetis. Ratio autem magnificae orationis de Ecclesia Christiana haec est, quod fata intermedia Prophetis V. T. non fuerint revelata; adeoque Ecclesia Christi *ipsis* ob oculos posita sit in ea conditione, quam vere quidem, sed non nisi post longam fatorum seriem, haberet. Ecclesiam vero

Maccab.

Maccab. passim contemplari solent, tanquam quae in Regno Christi terminaretur, et perficeretur; sic Zachar. XIV., et alibi, de quo saepe dixi, ut in *Dissert. ad Dan.* Ad haec accedit, gloriosum Ecclesiae statum non esse manifestandum, nisi post gravissimam afflictionem, et miraculosam Ecclesiae liberationem, hostiumque prostrationem; ut in harmonia factorum V. et N. T. hoc tempore sibi invicem respondeant; de quo suo loco dixi. Ergo et hoc fundamentum facile ruit. Ceterum primo sensu Ecclesiam Judaicam Cap. LX. intendi, et ex eo liquet, quod Hierosolyma ibi occurrat ut sedes Religionis et Ecclesiae: quo ipso restringimur ad Ecclesiam Judaicam, sed in Christiana consummandam.

§. DCXXXVII. Hisce fundamentis destructis, facilior est singularum hujus hypotheseos partium refutatio: sed quam nunc instituere non licet. Tantum pauca proferam, et viam ad intellectum illustrium horum Capitulorum aperiam:

A. Cap. LVII: 3---13. non ad Ecclesiam Christi superstitiosam et tyrannicam pertinere, sed ad Populum Judaicum, ut fuit tempore Manassis, et paulo ante exilium Babylon., quae mea est opinio, ex eo non tantum patet, quod in id tempus cuncta exacte quadrent, adeoque nulla sit ratio, a Populo Judaico, vero ac proprio orationum Prophet. objecto, discedendi, non tantum, inquam, sed et quod non obscura existent criteria temporis, quod signavi, tum in Idololatriae descriptione, qualem tunc fuisse exercitam constat, tum in liberorum mactatione Molecho, et Prophetarum occisione; tum denique in perfugio ad Regem Aegypti auxilii causa, multis cum muneribus v. 9., quod non nisi remote admodum in Ecclesia Pontificia demonstrari potest.

B. Pericopa seq. a vs. 14 ad fin. Cap. se longe aptius ad Populi Judaici conversi liberationem ex exilio Babyl., quam ad Ecclesiae Reformationem, et separationem ab Ecclesia Pontificia, transferri patitur: tum quod mons Sanctitatis Dei jure haereditario dicitur a piis possi-

dendus; tum quod Populus v. 14. occurrat, tanquam reditus ad possessionem terrae suae, via facta plana et facili; tum quod Populus ille, cui Deus ob peccata longo tempore fuerat iratus, dicitur in favorem Dei restituendus, et instaurandus.

§. DCXXXVIII. C. Cap. LVIII. introducit Populam, qui, Religionis studium praeferens, in jejuniis continuo erat, ut rerum suarum perfectiorem instaurationem consequeretur: sed, cum gravioribus vitiis laboraret, frustra luctabatur, et incassum emergere studebat; cui populo vitia sua exponuntur in hoc Cap., quae impediabant, quo minus studii Legis et jejuniorum suorum fructus carpere, et in statum felicem, a Deo promissum, emergere posset. Quae omnia exacte conveniunt in reduces ab exilio Babyl., ut ex Prophetis Haggaeo, Zach. et Malach., ut et Historia Nehem. et Josephi clarum est. In specie notetur, Characterem status reducum esse, cum tenuitate rerum suarum luctari, et spe feliciorum temporum se continuo, sed frustra, luctare; porro eam prosperitatem a Legis externo studio, imprimis statis jejuniis, ut est Zach. VIII., expectare. Haec vero quo fundamento (si ab hypothese discesseris) applicentur Ecclesiis Protestantium, ut viri illi docti faciunt, mihi vix liquet, maxime cum *Sabbathi et haereditatis Jacobi* expresse fit mentio.

D. Denique Cap. LIX. tum major corruptionis gradus, tum terribilis Populi totius confusio, quae ad totalem ejus ruinam spectare videbatur, tum hostium inpetus in eos, ita ut, omnibus rebus desperatis, exitus malorum nullus videretur, tum miraculosa Populi Dei liberatio, per ipsum Deum efficienda, vivis depingitur coloribus. In quibus omnibus nil est, quod in tempora Epiphanica et Maccabaica non exacte quadrat. Et alibi apud ipsum Jesaiam de temporibus illis simili modo agitur, ut Cap. XXIV---XXVI.; item Cap. LXIII: 1. Et Cap. LXV. ut LXVI., ut ad ea loca a Cl. Vitringa fufe et feliciter expositum est. Quid igitur, praeter hypothesein, nos hic cogitare jubet de Ecclesiis Protestantium?

§. DCXXXIX.

§. DCXXXIX. Ut itaque nexum omnium harum partium hic explicem, mentem paulo clarius exposuisse juvabit.

a. Pericopam, quae Cap. LVI: 8. Cap. LVII: 2. occurrit, habeo pro generali propositione, tum liberationis Populi a calamitatibus per hostes inducendis; tum corruptionis ejus, praecipue Rectorum, quae illas calamitates pareret; denique signorum antecedentium in piorum decessu et morte: v. 8. etiam exhibetur recollectio Populi, tam ex Babylon. exilio, quam dispersione Epiphonica, et Profelytorum accessus ad Ecclesiam: cum vero illa recollectio supponat dispersionem, v. 9. exhibentur ferae *agri* et ferae *sylvae*, quae Populum depascerentur, quae *ferae* repraesentant Chaldaeos et Syro-Macedones; Chaldaeos ferae *agri*, Syros ferae *sylvae*, quo facit, quod Sylva, vel Saltus, sit *Syria* Jes. X: 34. ubi vid. Cl. Vitranga, ob montem Libani. *Ager* vero est tractus Babylonicus, locus fertilis et planus. Praeterea cum horum hostium invasio, a Deo ipso quasi excitata ad Populum puniendum, praesupponat corruptionem Populi, illa mox in genere subjicitur, praecipue respectu Procerum, qui Populi curam neglexerunt, et harum infestationum occasionem praeberunt. Quae omnia facilia sunt.

§. DCXL. a. Hac generali Propositione facta, ut passim solent Prophetae generalem hoc modo praemittere propositionem; Propheta ordine procedit in fati Populi distinctione praenunciandis; adeoque

a. Populi ante exilium Babylon. corruptionem vivis coloribus depingit, et excidium ejus describit, Cap. LVII: 3. 13.

b. Populi conversionem, recollectionem, et in terram Canaanis reductionem, repraesentat, additis luculentis felicio- rum temporum promissis, modo Populus praestet officium requisitum, v. 13. in fine---21.

c. Quam male Populus officio suo fungeretur in Canaanem redux, adeoque spe perfectae instaurationis se frustra lactaret, fuse traditur Cap. LVIII.

Rrrr 3

d. Popu;

d. Populum reducem ad summum corruptionis, et inde ortae omnium rerum perturbationis, gradum, novorum hostium invasione accedente, delapsurum esse, pluribus traditur Cap. LIX: 1---15. hinc

e. Ad miraculosam liberationem praedicendam, per Maccabaeos quae effecta est, pergitur v. 16---18. Quando

f. Propheta se in glorioso et felicissimo Ecclesiae statu describendo copiosissime et emphatice diffundit v. 19.-- fin. Cap. LX: de quo supra egi. Tantum hic notari velim, v. 20. Cap. LIX., qui in genere loquitur de adventu Messiae, adeoque primo loco comprehendit primum Messiae adventum, ab Apost. Rom. XI: 26. recte referri ad secundum Messiae adventum, cum totius Populi Judaici conversione connexum, quae tum perfectum complementum deum consequeretur; quemadmodum quicquid de glorioso Ecclesiae statu Cap. LX. praedicitur. Prophetae enim, ut saepe jam observavi, fata Ecclesiae N. T. intermedia vel ignorantes, vel negligentes, de Messia, ejusque Regno, loquuntur in summa emphasi, ac si mox foret felix ea Ecclesiae conditio, quam non nisi post multa fata intermedia consequeretur. Quum igitur Apostolus animadverteret, primum Messiae adventum hanc, quae hic praedicitur, salutem, universo Populo Judaico non adtulisse, hinc recte collegit, id postea suo tempore esse implendum; et ideo dictum hoc ad id tempus applicuit.

§. DCXLI. Nihil in tractatione hujus Periodi nobis nunc superest, quam ut harmoniam factorum V. et N. T. persequamur. Judae et Israelis divisa Regna ad Ecclesias Orientis et Occidentis, Sec. IX. separatas a se invicem, retuli in superioribus. Restat, insigniora ab utraque parte fata secum invicem comparemus.

A. Utriusque Populi Judae et Israelis corruptio in cultu veri Dei, cum superstitione et Idololatria copulato, corruptisque moribus, occurrit.

B. Corrup-

B. Corruptionis insanabilitas et pertinacia, frustra reclamantibus, et Populum emendare conantibus, Prophetis, et viris piis aliis.

C. Utriusque Populi tristissimum fatum, quo in servitutem duram inciderunt; Israelitae ab Assyriis, Judaei a Chaldaeis, oppressi, et in exilium deportati sunt.

Haec omnia qua ratione in Christianos Orientis et Occidentis quadrent, verbo erit explicandum.

A. Cum *Israelitae* repraesentent Ecclesias Orientis, ut supra vidimus, Assyrii hic alii esse nequeunt ac Turcae, Assyriorum terras tenentes; quemadmodum eandem ob rationem Syro-Macedones quoque Assyrii appellantur; de quo leg. Cl. Vitringa in Jes. XIV. Hi autem hostes Regnum Israelis irreparabiliter destruerent, et Populum in medio sui arcta sub servitute in perpetuum tenerent; quod ipsum Graecorum Imperio et Ecclesiae a Turcis accidisse, nemini non constat. Sed accedit id peculiare, quod Israelitae ab Aegyptiis auxilium frustra petierint, seseque inani hac spe lassaverint: quod idem Graecis accidit respectu Ecclesiae Occidentalis, quae est mystica Aegyptus; de quo Cl. Commentator consulatur ad Jes. XXX.

§. DCXLII. B. Quod attinet ad simile Fatum *Judas*, sed temperatum, quo, a Chaldaeis oppressi, in medio Babyloniae per sat longum tempus, sub durorum Dominorum imperio, degere debuerunt, eo expicta censi potest servitus Ecclesiae Occidentalis sub Antichristianismo, qui etiam cum Babel comparari solet. Quemadmodum enim Ecclesia, quatenus veram Religionem, sed multiplici tamen superstitione infectam, proficitur et exercet, cum Judaico Populo comparatur, ita ex quo Dominium superbum, imperiosum, et tyrannicum, in medio sui habere et exercere, Populumque Dei dura servitute premere coepit, ita tamen ut Populus Dei manserit separatus, recte induisse dicitur conspectum Babylonis; et Populus Dei ibi tanquam in exilio esse censetur. Vid. Cl. Vitringa ad Jes. XIV. l. c.

ERRATA CORRIGENDA.

Pag.	Lin.	4	Leg.	
51	6		Parisiensis	
163	9		fame	
297	33		Galliae	
300	10		ipsum	
309	penultima		partibus	
	19		Alcasar	
322	12		Joelis	
323	29		celebres	
	14		Vecci	
357	21		vipera	
395	1		incitatis	
630	20		votorum	
640			detestati	









JAN 24 1936

